


+ x-rite

colorchecker CLASSIC



mm



+

MCD 2022-L5

MCD 2022-L5

SUMMA
DIVI
THOMAE

VIII



MCD 2022-L5

MCD 2022-L5

BIBLIOTECA
PROVINCIAL Y DEL INSTITUTO
DE GUADALAJARA.

Estante

Tabla

Número de la Tabla

MCD 2022-L5

844

MCD 2022-L5

*Est.

*Tab.

*Num.

2270


MCD 2022-L5

12.844

SUMMA
TOTIUS THEOLOGIÆ
S. THOMÆ
AQUINATIS
DOCTORIS ANGELICI
ORDINIS PRÆDICATORUM
SECUNDÆ SECUNDÆ PARTIS

VOLUMEN TERTIUM.

TOMUS VII.



MATRITI: M DCC XCI.

EX TYPOGRAPHIA RAIMUNDI RUIZ.

Sumptibus Regiae Societatis

INDEX

QUÆSTIONUM , ET ARTICULORUM
SECUNDI VOLUMINIS
SECUNDÆ SECUNDÆ PARTIS
SUMMÆ THEOLOGICÆ.

QUÆSTIO CXXIII.

De fortitudine.

- 1 *Utrum fortitudo sit virtus.*
- 2 *utrum sit virtus specialis.*
- 3 *utrum sit circa timores , & audacias.*
- 4 *utrum sit solum circa timores mortis.*
- 5 *utrum sit solum in rebus bellicis.*
- 6 *utrum sustinere sit præcipuus actus ejus.*
- 7 *utrum operetur propter proprium bonum.*
- 8 *utrum habeat delectationem in suo actu.*
- 9 *utrum fortitudo maxime consistat in repenti-
nisi.*
- 10 *utrum utatur ira in sua operatione.*
- 11 *utrum sit virtus cardinalis.*
- 12 *utrum fortitudo præcellat omnes alias virtu-
tes.*

QUÆSTIO CXXIV.

De præcipuo actu fortitudinis , scilicet martyrio.

- 1 *utrum martyrium sit actus virtutis.*
- 2 *cujus virtutis sit actus.*
- 3 *de perfectione huius actus.*
- 4 *de pœna martyrii.*

QUÆSTIO CXXV.

De vitiis oppositis fortitudini. Et primo de timore.

- 1 utrum timor sit peccatum.
- 2 utrum timor opponatur fortitudini.
- 3 utrum sit peccatum mortale.
- 4 utrum excuset, vel diminuat peccatum.

QUÆSTIO CXXVI.

De vitio intimiditatis.

- 1 utrum intimidum esse sit peccatum.
- 2 utrum opponatur fortitudini.

QUÆSTIO CXXVII.

De audacia.

- 1 utrum audacia sit peccatum.
- 2 utrum opponatur fortitudini.

QUÆSTIO CXXVIII.

De partibus fortitudinis in communi.

quæ sint fortitudinis partes.

QUÆSTIO CXXIX.

De partibus fortitudinis in speciali. Et primo de magnanimitate.

- 1 utrum magnanimitas sit circa honores.

utrum

- 2 *utrum sit solum circa magnos honores.*
- 3 *utrum sit virtus.*
- 4 *utrum sit specialis virtus.*
- 5 *utrum sit pars fortitudinis.*
- 6 *quomodo se habeat ad fiduciam.*
- 7 *quomodo se habeat ad securitatem.*
- 8 *quomodo se habeat ad bona fortunæ.*

QUÆSTIO CXXX.

De præsumptione , quæ opponitur magnanimitati secundum excessum.

- 1 *utrum præsumptio sit peccatum.*
- 2 *utrum opponatur magnanimitati per excessum.*

QUÆSTIO CXXXI.

De ambitione , quæ similiter magnanimitati opponitur.

- 1 *utrum ambitio sit peccatum.*
- 2 *utrum opponatur magnanimitati per excessum.*

• QUÆSTIO CXXXII.

De inani gloria , quæ similiter opponitur magnanimitati.

- 1 *utrum appetitus glorie sit peccatum.*
- 2 *utrum magnanimitati opponatur.*
- 3 *utrum sit peccatum mortale.*
- 4 *utrum sit vitium capitale.*
- 5 *de filiabus ejus , quot , & quæ sint.*

QUÆSTIO CXXXIII.

De pusillanimitate, quæ opponitur magnanimitati secundum defectum.

- 1 *utrum sit peccatum.*
- 2 *cui virtuti opponatur.*

QUÆSTIO CXXXIV.

De magnificentia.

- 1 *utrum magnificentia sit virtus.*
- 2 *utrum sit virtus specialis.*
- 3 *quæ sit materia ejus.*
- 4 *utrum sit pars fortitudinis.*

QUÆSTIO CXXXV.

De vitiis oppositis magnificentiae.

- 1 *utrum parvifcentia sit vitium.*
- 2 *utrum parvifcentiae aliquod vitium opponatur.*

QUÆSTIO CXXXVI.

De patientia.

- 1 *utrum patientia sit virtus.*
- 2 *utrum sit maxima virtutum.*
- 3 *utrum possit haberi sine gratia.*
- 4 *utrum sit pars fortitudinis.*
- 5 *utrum sit idem cum longanimitate.*

QUÆSTIO CXXXVII.

De perseverantia.

- 1 *utrum perseverantia sit virtus.*
- 2 *utrum sit pars fortitudinis.*
- 3 *utrum constantia pertineat ad perseverantiam.*
- 4 *utrum indigeat auxilio gratiæ.*

QUÆSTIO CXXXVIII.

De vitiis oppositis perseverantiae.

- 1 *utrum mollities opponatur perseverantiae.*
- 2 *utrum pertinacia opponatur perseverantiae.*

QUÆSTIO CXXXIX.

De dono correspondente fortitudini.

- 1 *utrum fortitudo sit donum.*
- 2 *utrum quarta beatitudo, scilicet, Beati, qui esuriant, & sitiunt justitiam, respondeat dono fortitudinis.*

QUÆSTIO CXL.

De præceptis fortitudinis.

- 1 *de præceptis ipsius fortitudinis.*
- 2 *de præceptis partium ejus.*

QUÆSTIO CXLI.

De temperantia.

- 1 *utrum temperantia sit virtus.*

- 2 utrum sit virtus specialis.
- 3 utrum sit solum circa concupiscentias, & delectationes.
- 4 utrum sit solum circa delectationes tactus.
- 5 utrum sit circa delectationes gustus, in quantum est gustus, vel solum in quantum est tactus quidam.
- 6 quæ sit regula temperantie.
- 7 utrum sit virtus cardinalis, seu principalis.
- 8 utrum sit potissima virtutum.

QUÆSTIO CXLII.

De vitiis oppositis temperantie.

- 1 utrum insensibilitas sit peccatum.
- 2 utrum intemperantia sit vitium puerile.
- 3 utrum timiditas sit majus vitium, quam intemperantia.
- 4 utrum vitium intemperantie sit maxime exprobabile.

QUÆSTIO CXLIII.

De partibus temperantie in generali.

- 1 utrum convenienter assignentur partes temperantie.

QUÆSTIO CXLIV.

De singulis partibus temperantie in speciali. Et primo de verecundia, quæ est quasi pars integralis temperantie.

- 1 utrum verecundia sit virtus.
- 2 de quibus sit verecundia.
- 3 à quibus homo verecundetur.

4 quorum sit verecundari.

QUÆSTIO CXLV.

De honestate, quæ est pars integralis temperantiae.

- 1 quomodo honestum se habeat ad virtutem.
- 2 quomodo se habeat ad decorum.
- 3 quomodo se habeat ad uile, & delectabile.
- 4 utrum honestas sit temperantiae pars.

QUÆSTIO CXLVI.

De abstinentia, quæ est pars subjectiva temperantiae.

- 1 utrum abstinentia sit virtus.
- 2 utrum sit virtus specialis.

QUÆSTIO CXLVII.

De jejunio, quod est aetus abstinentiae.

- 1 utrum jejunium sit actus virtutis.
- 2 utrum jejunium sit actus abstinentiae.
- 3 utrum jejunium cadat sub præcepto.
- 4 utrum aliqui excusentur ab observantia hujus præcepti.
- 5 de tempore jejunii, utrum convenienter assig-
netur.
- 6 utrum semel comedere requiratur ad jejunium.
- 7 utrum hora nona convenienter taxetur jejunan-
tibus ad comedendum.
- 8 utrum convenienter prohibeantur aliqui cibi
jejunantibus.

QUÆSTIO CXLVIII.

De gula , quæ opponitur jejunio.

- 1 *utrum gula sit peccatum.*
- 2 *utrum sit peccatum mortale.*
- 3 *utrum sit maximum peccatorum.*
- 4 *utrum species gulæ convenienter assignentur.*
- 5 *utrum sit vitium capitale.*
- 6 *utrum convenienter assignentur gulæ quinque filiæ.*

QUÆSTIO CXLIX.

De sobrietate , quæ est specialiter circa potum.

- 1 *quæ sit materia sobrietatis.*
- 2 *utrum sit specialis virtus.*
- 3 *utrum usus vini sit licitus.*
- 4 *quibus competit sobrietas.*

QUÆSTIO CL.

De ebrietate , quæ opponitur sobrietati.

- 1 *utrum ebrietas sit peccatum.*
- 2 *utrum sit peccatum mortale.*
- 3 *utrum sit gravissimum peccatorum.*
- 4 *utrum excusat à peccato.*

QUÆSTIO CLI.

De castitate , quæ est pars subjectiva
temperantia.

- 1 *utrum castitas sit virtus.*
- 2 *utrum sit virtus generalis.*
- 3 *utrum sit virtus distincta ab abstinentia.*
- 4 *quomodo se habeat ad pudicitiam.*

QUÆSTIO CLII.

De virginitate , quæ est pars castitatis.

- 1 *in quo consistat virginitas.*
- 2 *utrum sit licita.*
- 3 *utrum sit virtus.*
- 4 *utrum sit excellentior matrimonio.*
- 5 *utrum sit maxima virtutum.*

QUÆSTIO CLIII.

De luxuria , quæ opponitur castitati.

- 1 *que sit materia luxuriae.*
- 2 *utrum omnis concubitus sit illicitus.*
- 3 *utrum luxuria sit peccatum mortale.*
- 4 *utrum luxuria sit vitium capitale.*
- 5 *de filiabus ejus.*

QUÆSTIO CLIV.

De partibus luxuriae.

- 1 *utrum convenienter assignentur sex species lu-*
xuriae.
- 2 *utrum fornicatio simplex sit peccatum mortale.*

- 3 utrum sit maximum peccatorum.
- 4 utrum in tactibus, & osculis, & aliis hujusmodi illecebris constet peccatum mortale.
- 5 utrum nocturna pollutio sit peccatum.
- 6 utrum stuprum sit species luxuriæ.
- 7 utrum raptus sit species luxuriæ.
- 8 utrum adulterium sit determinata species distincta ab aliis.
- 9 utrum incestus sit determinata species luxuriæ.
- 10 utrum sacrilegium sit species luxuriæ.
- 11 utrum vitium contra naturam sit species luxuriæ.
- 12 utrum sit maximum peccatorum inter species luxuriæ.

QUÆSTIO CLV.

De partibus potentialibus temperantia. Et primo de continentia.

- 1 utrum continentia sit virtus.
- 2 utrum materia continentiae sint concupiscentiae delectationum tactus.
- 3 quod sit ejus subjectum.
- 4 utrum continentia sit melior, quam temperantia.

QUÆSTIO CLVI.

De incontinentia.

- 1 utrum incontinentia pertineat ad animam, vel ad corpus.
- 2 utrum incontinentia sit peccatum.
- 3 de comparatione incontinentiae ad intemperiam.
- 4 quis sit turpior, utrum incontinentis iræ, vel in-

incontinentia concupiscentiae.

QUÆSTIO CLVII.

De clementia, & mansuetudine, quæ sunt partes temperantiarum.

- 1 utrum clementia, & mansuetudo sint idem.
- 2 utrum utraque eorum sit virtus.
- 3 utrum utraque eorum sit pars temperantiarum.
- 4 utrum haec duæ sint potissimum virtutes.

QUÆSTIO CLVIII.

De iracundia, quæ opponitur mansuetudini.

- 1 utrum irasci possit esse licitum.
- 2 utrum ira sit peccatum.
- 3 utrum sit peccatum mortale.
- 4 utrum sit gravissimum peccatorum.
- 5 utrum convenienter assignentur species iracundiae, & quæ sint.
- 6 utrum ira sit vitium capitale.
- 7 quæ, & quot sint filiae ejus.
- 8 utrum ira habeat vitium oppositum.

QUÆSTIO CLIX.

De credulitate.

- 1 utrum opponatur clementiae.
- 2 de comparatione ejus ad saevitiam, vel ferociam.

QUÆS-

QUÆSTIO CLX.

De modestia in communi.

1 utrum modestia sit pars temperantiae.

2 utrum modestia sit circa exteriores actiones.

QUÆSTIO CLXI.

De speciebus modestiae. Et primo de humilitate.

1 utrum humilitas sit virtus.

2 utrum consistat in appetitu, vel in judicio rationis.

3 utrum aliquis per humilitatem debeat se omnibus subjicere.

4 utrum humilitas sit pars modestiae, vel temperantiae.

5 utrum sit potissima virtutum.

6 de gradibus humilitatis.

QUÆSTIO CLXII.

De superbia in communi.

1 utrum superbia sit peccatum.

2 utrum sit vitium speciale.

3 utrum sit in irascibili, sicut in subjecto.

4 de speciebus superbiae.

5 utrum sit peccatum mortale.

6 utrum sit gravissimum peccatorum.

7 utrum sit primum omnium peccatorum.

8 utrum superbia sit vitium capitale.

QUÆS-

QUÆSTIO CLXIII.

De peccato primi hominis, quod fuit per
superbiām.

- 1 utrum primum peccatum primi hominis fueris
superbia.
- 2 quid primus homo peccando appetierit.
- 3 utrum ejus peccatum fuerit gravius omnibus
aliis peccatis.
- 4 uter plus peccaverit, utrum vir, vel mulier.

QUÆSTIO CLXIV.

De poena primi peccati.

- 1 utrum mors fuerit poena peccati primorum pa-
rentum.
- 2 utrum pœnæ particulares primorum parentum
convenienter assignentur in Scriptura.

QUÆSTIO CLXV.

De tentatione primorum parentum.

- 1 utrum fuerit conveniens, quod homo à diabo-
lo tentaretur.
- 2 utrum modus, & ordo prime tentationis fuerit
conveniens.

QUÆSTIO CLXVI.

De studiositate, quæ est pars temperantie.

- 1 quæ sit materia studiositatis.
- 2 utrum studiositas sit pars temperantie.

— QUÆS-

QUÆSTIO CLXVII.

De curiositate , quæ opponitur studiositati.

1 utrum vitium curiositatis possit esse in cognitione intellectiva.

2 utrum sit in cognitione sensitiva.

QUÆSTIO CLXVIII.

De modestia , quæ consistit in exterioribus motibus corporis.

1 utrum in exterioribus motibus corporis , qui serio aguntur , possit esse virtus , & vitium.

2 utrum circa actiones ludi possit esse aliqua virtus.

3 utrum in superfluitate ludi possit esse aliquod vitium.

4 utrum in defectu ludi possit esse aliquod vitium.

QUÆSTIO CLXIX.

De modestia, secundum quod consistit in exteriori apparatu.

1 utrum circa exteriorem apparatus possit esse virtus , & vitium.

2 utrum mulieres moraliter peccant in superfluo ornatu.

QUÆSTIO CLXXIII.

De modo cognitionis propheticæ.

- 1 *utrum prophetæ videant ipsam Dei essentiam.*
- 2 *utrum ipsa revelatio prophetica fiat per influentiam aliquarum specierum, vel per solam influentiam luminis.*
- 3 *utrum prophetica revelatio semper sit cum alienatione à sensibus.*
- 4 *utrum prophetia semper sit cum cognitione eorum, quæ prophetantur.*

QUÆSTIO CLXXIV.

De divisione prophetiæ.

- 1 *de divisione prophetiæ in suas species.*
- 2 *utrum sit altior prophetia, quæ est sine imaginaria visione.*
- 3 *de diversitate graduum prophetiæ.*
- 4 *utrum Moyses fuerit excellentissimus prophetarum.*
- 5 *utrum aliquis comprehensor possit esse prophetæ.*
- 6 *utrum prophetia creverit per temporis processum.*

QUÆSTIO CLXXV.

De raptu.

- 1 *utrum anima hominis rapiatur ad divina.*
- 2 *utrum raptus pertineat ad vim cognoscitivam, vel ad appetitivam.*
- 3 *utrum Paulus in raptu viderit Dei essentiam.*

utrum

- 4 utrum fuerit alienus à sensibus.
- 5 utrum totaliter fuerit anima à corpore separata in statu illo.
- 6 quid circa hoc sciverit, & quid ignoraverit.

QUÆSTIO CLXXVI.

De gratiis gratis datis quantum ad genera
linguarum.

- 1 utrum per gratiam linguarum homo adipiscatur scientiam omnium linguarum.
- 2 utrum donum linguarum sit excellentius, quam donum prophetiae.

QUÆSTIO CLXXVII.

De gratia sermonis, sapientiæ, seu scientiæ.

- 1 utrum in sermone consistat aliqua gratia gratis data.
- 2 utrum hæc gratia pertineat etiam ad mulieres.

QUÆSTIO CLXXVIII.

De gratia miraculorum.

- 1 utrum sit aliqua gratia gratis data faciendi miracula.
- 2 utrum mali possint facere miracula.

QUÆSTIO CLXXIX.

De divisione vitæ per activam, & contem-
plativam.

- 1 utrum vita convenienter dividatur per activam,

vam, & contemplativam.
2 utrum divisio sit sufficiens.

D
1
2
3
4

QUÆSTIO CLXXX.

De vita contemplativa.

- 1 utrum vita contemplativa pertineat tantum ad intellectum, an consistat etiam in affectu.
- 2 utrum ad vitam contemplativam pertineant virtutes morales.
- 3 utrum vita contemplativa consistat solum in uno actu, aut in pluribus.
- 4 utrum ad vitam contemplativam pertineat consideratio cuiuscumque veritatis.
- 5 utrum vita contemplativa possit in statu viæ elevari usque ad Dei visionem.
- 6 de motibus contemplationis, quos Dionysius assignat 4. cap. de divin. nomin.
- 7 de delectatione contemplationis.
- 8 de duratione contemplationis.

QUÆSTIO CLXXXI.

De vita activa.

- 1 utrum omnia opera virtutum moralium pertineant ad vitam activam.
- 2 utrum prudentia pertineat ad vitam activam.
- 3 utrum doctrina pertineat ad vitam activam.
- 4 utrum vita activa maneat post hanc vitam.

QUÆSTIO CLXXXII.

De comparatione vitæ activæ ad contemplativam.

- 1 quæ sit potior, sive dignior.
- 2 quæ sit majoris meriti.
- 3 utrum vita contemplativa impediatur per activam.
- 4 de ordine utriusque.

QUÆSTIO CLXXXIII.

De officiis, & statibus hominum in generali.

- 1 quid faciat in hominibus status.
- 2 utrum in hominibus debeant esse diversi status, sive diversa officia.
- 3 de differentia officiorum.
- 4 de differentia statuum.

QUÆSTIO CLXXXIV.

De statu perfectionis in communi.

- 1 utrum perfectio attendatur secundum charitatem.
- 2 utrum aliquis possit esse perfectus in hac vita.
- 3 utrum perfectio hujus vitæ consistat principaliiter in consiliis, vel in præceptis.
- 4 utrum quicumque est perfectus, sit in statu perfectionis.
- 5 utrum prælati, & religiosi sint specialiter in statu perfectionis.
- 6 utrum omnes prælati sint in statu perfectionis.
- 7 utrum status episcoporum sit perfectior, quam status religiosorum.
- 8 de comparatione religiosorum ad plebanos, & archidiaconos.

QUÆS-

MCD 2022-L5

QUÆSTIO CLXXXV.

De his, quæ pertinet ad statum episcoporum.

- 1 utrum liceat episcopatum appetere.
- 2 utrum liceat episcopatum finaliter recusare.
- 3 utrum oporteat ad episcopatum eligere melius rem.
- 4 utrum episcopus possit ad religionem transire.
- 5 utrum liceat ei corporaliter suos subditos desistere.
- 6 utrum episcopus possit habere proprium.
- 7 utrum peccet mortaliter bona ecclesiastica pauperibus non erogando.
- 8 utrum religiosi, qui ad episcopatum assumuntur, teneantur ad observantias regulares.

QUÆSTIO CLXXXVI.

De statu religionis quantum ad ea, in quibus consistit principaliter religionis status.

- 1 utrum status religiosorum sit perfectus.
- 2 utrum religiosi teneantur ad omnia consilia.
- 3 utrum voluntaria paupertas requiratur ad religionem.
- 4 utrum requiratur continentia.
- 5 utrum requiratur obedientia.
- 6 utrum requiratur, quod haec cadant sub voto.
- 7 de sufficientia horum votorum.
- 8 utrum votum obedientiae sit potissimum inter tria vota.
- 9 utrum religiosi semper peccent mortaliter transgrediendo ea, quæ sunt regulæ.
- 10 utrum religiosus eodem genere peccati gravius peccet, quam secularis.

QUÆSTIO CLXXXVII.

De his quæ competunt religiosis.

- 1 utrum liceat eis docere, & prædicare, & aliae
hujusmodi facere.
- 2 utrum liceat eis de negotiis secularibus se in-
tromittere.
- 3 utrum teneantur manibus operari.
- 4 utrum liceat eis de eleemosynis vivere.
- 5 utrum liceat eis mendicare.
- 6 utrum liceat eis vestimenta cæteris viliora deferre.

QUÆSTIO CLXXXVIII.

De differentia religionum.

- 1 utrum sint diversæ religiones, vel una tantum.
- 2 utrum aliqua religio institui possit ad opera vi-
tæ activæ.
- 3 utrum aliqua religio institui possit ad militan-
dum.
- 4 utrum aliqua possit religio institui ad prædi-
candum, & hujusmodi opera exercenda.
- 5 utrum aliqua religio possit institui ad studium
scientiæ.
- 6 utrum religio, quæ ordinatur ad vitam con-
templativam, sit potior ea, quæ ordinatur
ad vitam activam.
- 7 utrum habere aliquid in communi diminuat
de perfectione religionis.
- 8 utrum religio solitariorum sit præferenda reli-
gioni in societate viventium.

De ingressu religionis.

- 1 utrum illi, qui non sunt exercitati in obsequia præceptorum, debeant religionem ingressi.
- 2 utrum liceat aliquos voto obligare ad religionis ingressum.
- 3 utrum illi, qui voto obligantur ad religionis ingressum, teneantur votum implere.
- 4 utrum illi, qui vovent religionem intrare teneantur ibi perpetuo remanere.
- 5 utrum pueri sint recipiendi in religione.
- 6 utrum propter parentum obsequium aliqui debeant retrahiri à religionis ingressu.
- 7 utrum presbyteri curati, vel archidiaconi possint ad religionem transire.
- 8 utrum de una religione possit aliquis transire ad aliam.
- 9 utrum aliquis debeat alios inducere ad religionis ingressum.
- 10 utrum requiratur magna deliberatio cum consanguineis, & amicis ad religionis ingressum.

SECUNDÆ SECUNDÆ
PARTIS
SUMMÆ THEOLOGICÆ
ANGELICI DOCTORIS
S A N C T I I T H O M Æ
A Q U I N A T I S
VOLUMEN TERTIUM.

Q U Ä S T I O C X X I I .

De Fortitudine, in duodecim artículos divisa.

Consequenter post Justitiam considerandum est de Fortitudine.

Et primo, de ipsa virtute fortitudinis.

Secundo, de partibus ejus.

Tertio, De dono ei correspondenti.

Quarto, De præceptis ad ipsam pertinentibus.

Circa Fortitudinem autem consideranda sunt tria.

Primo quidem de ipsa fortitudine.

Secundo, de actu præcipuo ejus, scilicet de martyrio.

Tertio, De vitiis oppositis.

Circa primum quaruntur duodecim.

Primo. Utrum fortitudo sit virtus.

Secundo. Utrum sit virtus specialis.

Tertio. Utrum fortitudo sit solum circa timores, & audacias.

Quarto. Utrum sit solum circa timorem mortis.

Quinto. Utrum sit solum in rebus bellicis.

Tom. VII.

A

Sex-

- Sexto. Utrum sustinere sit præcipuus actus ejus.
 Septimo. Utrum operetur propter proprium bonum.
 Octavo. Utrum habeat delectationem in suo actu.
 Nono. Utrum fortitudo maxime consistat in repentina.
 Decimo. Utrum utatur ira in sua operatione.
 Undecimo. Utrum sit virtus cardinalis.
 Duodecimo. De comparatione ejus ad alias virtutes cardinales.

ARTICULUS I.

61

Utrum Fortitudo sit virtus.

*Inf. a. 3. 4. & 5. & q. 124. a. 2. cor. & 3. d. 3.
 q. 3. a. 1. q. 1. & op. 42. l. 4. c. 17. & Psal. 17.
 cor. 2. & 3. Eth. lect. 18. fin.*

Ad Primum sic proceditur. Videtur, quod Fortitudo non sit virtus. Dicit enim Apostol. 2. ad Cor. 1:
Virtus in infirmitate perficitur: Sed fortitudo infirmitati opponitur: ergo fortitudo non est virtus.

2. Præterea. Si est virtus, aut est theologica, aut intellectualis, aut moralis: Sed fortitudo neque continetur inter virtutes theologicas, neque inter intellectuales, ut ex supra dictis patet (1. 2. q. 57. a. 2. l. q. 62. a. 3.) Neque videtur esse virtus moralis: Quia ut Philosophus dicit in 3. Ethicor. (cap. 7. & 8. tom. 5) *videtur aliqui esse fortes propter ignorantiam, & propter experientiam, sicut milites;* quæ magis pertinent ad artem, quam ad virtutem moralem: *Quidam etiam dicuntur esse fortes propter aliquas passiones* puta propter timorem comminationum, vel dehortationis, aut etiam propter tristitiam, vel iram, se spem: Virtus autem moralis non operatur ex passione, sed ex electione, ut supra habitum est. (1. q. 55. a. 4.) ergo fortitudo non est virtus.

3. Præterea. Virtus humana maxime consistit in anima: est enim *bona qualitas mentis*, ut supra dictum est: (*ibid.*) Sed fortitudo videtur consistere in corpore, vel saltem corporis complexionem sequi: ergo videtur, quod fortitudo non sit virtus.

Sed Contra est, quod Augustinus in lib. de mi-

ribus Ecclesiæ (c. 15. 21. & 22. tom. 1.) fortitudinem inter virtutes enumerat.

Respondeo dicendum, quod secundum Philosophum in 2. Ethic. (cap. 6. tom. 5.) *Virtus est, qua bonum facit habentem, & opus ejus bonum reddit.* Unde virtus hominis, de qua loquimur, est *qua facit bonum hominem, & opus ejus bonum reddit.* Bonum autem hominis est secundum rationem esse, secundum Dionys. 4. cap. de div. nom. (part. 4. lect. 22.) Et ideo ad virtutem humanam pertinet, ut bonum faciat hominem, & opus ejus secundum rationem esse.

Quod quidem tripliciter contingit: *Uno modo*, secundum quod ipsa ratio rectificatur, quod fit per virtutes intellectuales: *Alio modo*, secundum quod ipsa rectitudo rationis in rebus humanis instituitur; quod pertinet ad justitiam: *Tertio modo*, secundum quod tolluntur impedimenta hujus rectitudinis in rebus humanis ponendæ. *Dupliciter* autem impeditur voluntas humana, ne rectitudinem rationis sequatur. *Uno modo* per hoc quod attrahitur ab aliquo delectabili ad aliquid aliud, quam rectitudo rationis requirat: Et hoc impedimentum tollit virtus temperantiae.

Altius modo per hoc quod voluntas repellitur ab eo quod est secundum rationem, propter aliquod difficile quod incumbit: Et ad hoc impedimentum tollendum requiritur fortitudo mentis, qua scilicet hujusmodi difficultatis resistat; sicut & homo per fortitudinem corporalem impedimenta corporalia superat, & repellit. Unde manifestum est, quod fortitudo est virtus, in quantum facit hominem secundum rationem esse.

Ad primum ergo dicendum, quod virtus animæ non perficitur in infirmitate animæ, sed in infirmitate carnis, de qua Apostolus loquebatur. Hoc autem ad fortitudinem mentis pertinet, quod infirmitatem carnis fortiter ferat, quod pertinet ad virtutem patientiæ, vel fortitudinis, & quod homo propriam infirmitatem recognoscat, quod pertinet ad perfectionem, quæ dicitur humilitas.

Ad secundum dicendum, quod exteriorem virtutis actum quandoque aliqui efficiunt non habentes virtutem

tem ex aliqua alia causa , quam ex virtute. Et ideo Philos. in 3. Ethicor. (cap. 8. tom. 5.) ponit quinque modos eorum , qui similitudinarie dicuntur fortis , quasi exercentes actum fortitudinis præter virtutem. Quod quidem contingit tripliciter. Primo quidem , quia ferruntur in id quod est difficile , ac si non esset difficile : Quod in tres modos dividitur: Quandoque enim hoc accidit propter ignorantiam , quia scilicet homo non percipit magnitudinem periculi : Quandoque hoc accidit propter hoc , quod homo est bona spei ad pericula vincenda ; puta cum expertus est se sæpe pericula evasisse : Quandoque autem hoc accidit propter scientiam , & artem quandam ; sicut contingit in militibus , qui propter peritiam armorum , & exercitium non reputant gravia pericula belli , aestimantes se per suam artem posse contra ea defendi ; sicut Vegetius dicit in l. 1. de re militari: (c. 1.) *Nemo facere metuit , quod se bene didicisse confidit.* Alio modo agit aliquis actum fortitudinis sine virtute propter impulsum passionis , sive tristitiae , quam vult repellere , vel etiam iræ. Tertio modo propter electionem , non quidem finis debiti , sed alicujus temporalis commodi acquirendi , puta honoris , voluptatis , vel lucri ; vel alicujus incommodi vitandi , puta vituperii , afflictionis , vel damni.

Ad tertium dicendum , quod ad similitudinem corporalis fortitudinis dicitur fortitudo animæ , quæ ponitur virtus , ut dictum est. (in solut. ad 1.) Nec tamen est contra rationem virtutis , quod ex naturali complexione aliquis habeat naturalem inclinationem ad virtutem , ut supra habitum est. (1. 2. q. 63. a. 1.)

ARTICULUS II.

618

Utrum fortitudo sit virtus specialis.

I. 2. q. 61. ar. 3. & 4. & 3. d. 33. q. 1. art. 1.
q. 3. cor. & ad 2.

Ad Secundum sic proceditur. Videtur , quod fortitudo non sit specialis virtus. Dicitur enim Sapient. 8. quod

SA-

QUÆST. CXXIII. ART. II.

5

Sapientia sobrietatem, & prudentiam docet, justitiam & virtutem; & ponitur ibi virtus pro fortitudine, cum ergo nomen virtutis sit commune omnibus virtutibus, videtur quod fortitudo sit generalis virtus.

2. Præterea Ambrosius dicit in 1. de Officiis (cap. 39. in princ.) Non mediocris animi est fortitudo, qua se a defendit ornamenta virtutum omnium, & judicia custodit, & qua inexpiabili prælio adversus omnia vitia decertat, invicta ad labores, fortis ad pericula, rigidor adversus voluptates, dura adversus illecebras, avaritiam fugat tanquam labem quandam, qua virutem effæminet: & idem postea subdit de aliis vitiis. Hoc autem non potest convenire alicui speciali virtuti: ergo fortitudo non est specialis virtus.

3. Præterea. Nomen fortitudinis à firmitate sumptum esse videtur. Sed firmiter se habere pertinet ad omnem virtutem, ut dicitur in 2. Ethicorum (cap. 4. ante med. tom. 5.) ergo fortitudo est virtus generalis.

Sed Contra est, quod 22. Moral. (cap. 1. à med.) Gregor. connumerat eam aliis virtutibus.

Respondeo dicendum, quod, sicut supra dictum est, (1. 2. q. 61. a. 3. & 4.) nomen fortitudinis *dupliciter* accipi potest. Uno modo, secundum quod absolute importat quandam animi firmitatem: Et secundum hoc est *generalis virtus*, vel potius *conditio cuiuslibet virtutis*: quia, sicut Philosophus dicit in 2. Ethic. (loc. cit.) ad virtutem requiritur firmiter & immobiliter operari.

Alio modo potest accipi fortitudo, secundum quod importat firmitatem tantum in sustinendis, & repellendis his, in quibus maxime difficile est firmitatem habere, scil. in aliquibus periculis gravibus. Unde Tullius dicit in sua Rhetor. (l. 2. de Invent. aliquant. ante fin.) quod *fortitudo est considerata periculorum susceptio, & laborum perpessio*: Et sic fortitudo ponitur *specialis virtus*, utpote materiam determinatam habens.

Ad primum ergo dicendum, quod secundum Philosophum in primo de coelo (tex. 116. tom. 2.) nomen virtutis refertur ad ultimum potentiarum: Dicitur autem uno modo potentia naturalis, secundum quam alius potest resistere corruptientibus: Alio modo, secundum quod

est principium agendi, ut patet in 5. Metaphysic. (tex. 1^o tom. 3.) & ideo quia hæc acceptio est communior, nomine virtutis, secundum quod importat ultimum talis potestitæ, est commune; nam virtus communiter sumpta nihil aliud est, quam habitus, quo quis potest bene operari. Secundum autem quod importat ultimum potentia primo modo dictæ, qui quidem est modus magis specialis attribuitur speciali virtuti, scilicet fortitudini, ad qua pertinet firmiter contra quæcunque impugnantia stan-

Ad secundum dicendum, quod Ambrosius accipit fortitudinem large, secundum quod importat animi firmatatem respectu quoruincunque impugnantium. Et tame etiam secundum quod est specialis virtus, habens determinatam materiam, coadiuvat ad resistendum impugnationibus omnium vitiorum. Qui enim potest firmiter stare in his, quæ suat difficillima ad sustinendum, conueniens est quod sit idoneus ad resistendum aliis, quæ sunt minus difficultia.

Ad tertium dicendum, quod objectio illa procedit à fortitudine primo modo dicta.

ARTICULUS III.

613

Vtrum fortitudo sit circa timores, & audacias.

Inf. art. 6. cor. & q. 126. a. 2. corp. & q. 157. art. cor. & q. 141. art. 1. cor. & ad 2. & q. 1. q. 11. ar. 1. ad. & q. 95. a. 2. ad 2. & 3. d. 33. u. 2. & vir. q. 1. art. 4. cor. fin. & art. 5. corp.

Ad Tertium sic proceditur. Videtur, quod fortitudo non sit circa timores, & audacias. Dicit enim Gregorius Moralium, (cap. 8. in princ.) *Justorum fortitudo est carnem vincere, propriis voluptatibus contraire, delectationem prasentis vita extinguere: ergo fortitudo magis videtur esse circa delectationes, quam circa timores, & audacias.*

2. Præterea, Tullius dicit in sua Rhetor. (lib. 2. de Invent. aliquant. ante finem) quod ad fortitudinem pertinet susceptio periculorum, & perpessio laborum: Sed hoc non videtur pertinere ad passionem timoris, vel audacia, sed

sed magis ad actiones hominis laboriosas , vel ad exte-
riores res periculosa ergo ; fortitudo non est circa timo-
res , & audacias.

3. Præterea . Timori non solum opponitur audacia , sed
etiam spes , ut supra habitum est , (1. 2. q. 45. art. 1.
ad 2.) cum de passionibus ageretur : ergo fortitudo non
magis debet esse circa audaciam , quam circa spem.

Sed Contra est , quod Philos. dicit in 2. Ethic. (cap. 7.)
& in 3. (cap. 9. tom. 5.) quod fortitudo est circa timorem,
& audaciam.

Respondeo dicendum , quod , sicut supra dictum est ,
(a. 1. huj. q.) ad virtutem fortitudinis pertinet removere
impedimentum , quo retrahitur voluntas à sequela ratio-
nis. Quod autem aliquis retrahatur ab aliquo difficultili , per-
tinet ad rationem timoris , qui importat recessum quen-
dam à malo difficultatem habente , ut supra habitum est
(1. 2. q. 42. art. 3. & 5.) cum de passionibus agere-
tur. Et ideo fortitudo principaliter est circa timores dif-
ficultum rerum , quæ retrahere possunt voluntatem à se-
quela rationis. Oportet autem hujusmodi difficultum im-
pulsum non solum firmiter tolerare cohibendo timorem ,
sed etiam moderate aggredi , quando scilicet oportet ea
exterminare ad securitatem in posterum habendam ; quod
videtur pertinere ad rationem audaciae.

Et ideo fortitudo est circa timores , & audacias , qua-
si cohibitoria timorum , & audaciarum moderativa.

Ad primum ergo dicendum , quod Gregorius ibi lo-
quitur de fortitudine justorum , secundum quod commu-
niter se habet ad omnem virtutem. Unde præmittit quæ-
dam pertinentia ad temperantiam , ut dictum est : & sub-
dit de his quæ pertinent proprie ad fortitudinem , secun-
dum quod est specialis virtus , dicens : *hujus mundi as-
pera pro aeternis premiis amare.*

Ad secundum dicendum , quod res periculosa &
actus laboriosi non retrahunt voluntatem à via rationis ,
nisi in quantum timentur. Et ideo oportet , quod fortitu-
do sit immediate circa timores , & audacias ; mediate au-
tem circa pericula , & labores , sicut objecta prædictarum
passionum.

Ad tertium dicendum , quod spes opponitur timori ex

parte objecti ; quia spes est de bono , timor de malo . Audacia autem est circa idem objectum , & opponitur timori secundum accessum , & recessum , ut supra dictum est (i. 2. q. 45. a. 1.) Et quia fortitudo proprie temporalia mala retrahentia à virtute , ut patet per definitionem Tullii , (it. in arg. 2.) inde est , quod fortitudo proprie est circa timorem , & audaciam ; non autem circa spem , nisi in quantum connectitur audacia , ut supra habatum est. (i. 2. q. 45. a. 2.)

ARTICULUS IV.

62

Utrum fortitudo sit solum circa pericula mortis.

*Inf. art. 11. & 12. cor. & 3. d. 33. quest. 2. art. 3. ad 6.
& 4. d. 49. q. 5. ar. 3. q. 2. ad 1. & vir. q. 1. a 11.
ad 6. & q. 5. ar. 1. & 4. cor. & 3. Ethic.
lect. 18.*

Ad Quartum sic proceditur . Videtur , quod fortitudo non solum sit circa pericula mortis . Dicit enim Augustinus in lib. de moribus Ecclesiæ , (cap. 15. cir. med. tom. 1.) quod fortitudo est amor facile tolerans omnia propter id quod amatur . Et in 6. musicæ (cap. 15. cir. fin. tom. 1) dicit , quod fortitudo est affectio , qua nullas adversitates , mortemque formidat : ergo fortitudo non est solum circa pericula mortis , sed etiam circa omnia alia adversa .

2. Præterea . Oportet omnes passiones animæ per aliquam virtutem ad medium reduci : Sed non est dare aliquam aliam virtutem reducentem ad medium alios timores : ergo fortitudo non solum est circa timores mortis , sed etiam circa alios timores .

3. Præterea . Nulla virtus est in extremis : Sed timor mortis est in extremis , quia est maximus timorum , ut dicitur in 3. Ethic. (cap. 6. à med. tom. 1.) ergo virtus fortitudinis non est circa timores mortis .

Sed Contra est , quod Andronicus dicit , quod fortitudo est virtus irascibilis non facile obstupescibilis à timoribus , qui sunt circa mortem .

Respondeo dicendum , quod , sicut supra dictum est (art.

(art. præc.) ad virtutem fortitudinis pertinet, ut voluntatem hominis tueatur, ne retrahatur à bono rationis propter timorem mali corporalis. Oportet autem bonum rationis firmiter tenere contra quodcumque malum; quia nullum bonum corporale æquivalet bono rationis. Et ideo oportet, quod fortitudo animi dicatur, quæ firmiter retinet voluntatem hominis in bono rationis contra maxima mala: quia qui stat firmus contra majora, consequens est quod stet firmus contra minora: sed non convertitur. Et hoc etiam ad rationem virtutis pertinet, ut respiciat ultimum. Maxime autem terribile inter omnia corporalia mala est mors, quæ tollit omnia corporalia bona. Unde August. dicit in lib. de moribus Ecclesiæ (c. 22, parum à princ. tom. I.) quod *vinculum corporis, ne concutiantur atque vexentur, laboris, & doloris, ne auferatur auctor atque perimatur, mortis terrore animam quatit.*

Et ideo *virtus fortitudinis est circa timores periculorum mortis.*

Ad primum ergo dicendum, quod fortitudo bene se habet in omnibus adversis tolerandis. Non tamen ex toleratione quorumlibet adversorum reputatur homo simpliciter fortis, sed solum ex hoc quod bene tolerat etiam maxima mala. Ex aliis autem dicitur homo fortis secundum quid.

Ad secundum dicendum, quod quia timor ex amore nascitur, quæcumque virtus moderatur amorem aliquorum bonorum, consequens est, ut moderetur contrariorum malorum timorem. Sicut liberalitas, quæ moderatur amorem pecuniarum, per consequens etiam moderatur timorem amissionis earum. Et idem apparet in temperantia, & in aliis virtutibus. Sed amare propriam vitam est naturale; & ideo oportuit esse specialem virtutem, quæ moderaretur timores mortis.

Ad tertium dicendum, quod extrellum in virtutibus attenditur secundum excessum rationis rectæ. Et ideo si aliquis maxima pericula subeat secundum rationem, non est virtuti contrarium.

ARTICULUS V.

611

*Utrum fortitudo proprie consistat circa pericula mortis,
qua sunt in bello.*

*Inf. q. 124. à 2. cor. & q. 141. art. 8. cor. & 2. d. 44.
q. 2. a. 1. ad 3. & 3. d. 33. q. 3. art. 3.
q. 1. cor.*

Ad Quintum sic proceditur. Videtur, quod fortitudo non consistat proprie circa pericula mortis, quæ sunt in bello. Martyres enim præcipue de fortitudine commendantur: Sed Martyres non commendantur de rebus bellicis: ergo fortitudo non proprie consistit circa pericula mortis, quæ sunt in bello.

2. Præterea. Ambrosius dicit in libro primo de Officiis, (*cap. 35. in princip.*) quod fortitudo dividitur in res bellicas, & domesticas. Tullius etiam dicit in primo de Officiis. (*in tit. Fortius esse in reb. bellic. quam in urbanis antecellere*) *Cum plerique arbitrentur res bellicas majores esse, quam urbanas, minuenda est hac opinio;* sed si vere volumus judicare, multæ res extiterunt urbanae majores, clarioresque, quam bellica: Sed circa majora major fortitudo consistit: ergo non proprie consistit fortitudo circa mortem, quæ in bello est.

3. Præterea. Bella ordinantur ad pacem temporalem Reipublicæ conservandam: dicit enim Aug. de civit. Dei, (*t. 19. c. 12. cit. princ. tom. 5.*) quod *in iustione pacis bella geruntur:* Sed pro pace temporali Reipublicæ non videtur, quod aliquis debeat se periculo mortis exponere; cum talis pax sit multarum lasciviarnm occasio: ergo videtur, quod virtus fortitudinis non consistat circa mortis bellicæ pericula.

Sed Contra est, quod Philos. dicit in 3. Ethicor. (*cap. 6. parum ante fin. tom. 5.*) quod *maxime est fortitudo circa mortem, qua est in bello.*

Respondeo dicendum, quod, sicut dictum est, (*art. frst.*) fortitudo confirmat animum hominis contra maxima pericula, quæ sunt pericula mortis. Sed quia fortitudo virtus est, ad cujus rationem pertinet quod semper tendat in

in bonum, consequens est, ut homo pericula mortis non refugiat propter aliquod bonum prosequendum. Pericula autem mortis, quæ sunt ex ægritudine, vel ex tempestate maris, vel ex incursu latronum, vel si qua alia sunt hujusmodi, non videntur alicui directe imminere ex hoc, quod prosequatur aliquod bonum. Sed pericula mortis, quæ sunt in bellicis, directe imminent homini propter aliquod bonum, in quantum videlicet defendit bonum commune per justum bellum. Potest autem aliquod esse justum bellum *dupliciter*. *Uno modo* generale, sicut cum aliquid decertant in acie: *Alio modo* particulare, puta cum aliquis iudex, vel etiam persona privata non recedit à justo iudicio timore gladii imminentis, vel cujuscumque periculi, etiamsi sit mortiferum. Pertinet ergo ad fortitudinem firmitatem animi præbere contra pericula mortis, non solum quæ imminent in bello communi, sed etiam quæ imminent in particulari impugnatione, quæ communi nomine *bello* dici potest. Et secundum hoc concedendum est, quod *fortitudo proprie est circa pericula mortis, quæ est in bello*.

Sed & *circa pericula cujuscumque alterius mortis fortis bene se habent*. Præsertim quia cujuscumque mortis homo potest periculum subire propter virtutem; puta, cum aliquis non refugit amico infirmanti obsequi propter timorem mortiferæ infectionis; vel cum non refugit itinerari ad aliquod pium negotium prosequendum propter timorem naufragii, vel latronum.

Ad primum ergo dicendum, quod Martyres sustinent personales impugnations propter summum bonum, quod est Deus. Ideo eorum fortitudo præcipue commendatur. Nec est extra genus fortitudinis, quæ est circa bellica. Unde dicuntur *fortes facti in bello*.

Ad secundum dicendum, quod res domesticæ, vel urbanæ distinguuntur contra res bellicas, quæ scilicet pertinent ad bella communia. In ipsis tamen rebus domesticis, vel urbanis possunt imminere pericula mortis ex impugnationibus quibusdam, quæ sunt quædam particularia bella. Et ita etiam circa hujusmodi potest esse proprie dicta fortitudo.

Ad tertium dicendum, quod pax Reipublicæ est secundum se bona: nec redditur mala ex hoc, quod ali-

qui male ea utentur. Nam & multi alii sunt, qui bene utuntur; & multo pejora mala per eam prohibentur, scilicet homicidia, sacrilegia, quam ex ea occasionentur: quae præcipue pertinent ad vitia carnis.

ARTICULUS VI.

622

Vtrum sustinere sit principalis actus fortitudinis.

*Svp. a. 3. c. & inf. ar. 8. corp. & a. 10. ad 3. & ar. 13.
ad 1. & q. 124. a. 2. ad 3. & q. 141. a. 2. & 3.
cor. & 2. d. 33. q. 2. a. 3. ad 6. & q. 3. a. 3. q. 1.
cor. & virt. q. 1. a. 12. cor.*

Ad Sextum sic proceditur. Videtur, quod sustinere non sit principalis actus fortitudinis. Virtus enim est *circa difficile*, *& bonum*, ut dicitur in 2. Ethic. (cap. 3. cir. fin. tom. 5.) Sed difficultius est aggredi, quam sustinere: ergo sustinere non est præcipuus actus fortitudinis.

2. Præterea. Majoris potentiae esse videtur, quod aliud possit in aliud agere, quam quod ipsum ab alio non immutetur: Sed aggredi est in aliud agere, sustinere autem est immobiliter perseverare: cum ergo fortitudo perfectionem potentiae nominet, videtur, quod magis ad fortitudinem pertineat aggredi, quam sustinere.

3. Præterea. Magis distat ab uno contrariorum aliud contrarium, quam simplex ejus negatio: Sed ille qui sustinet, hoc solum habet quod non timet; ille autem qui aggreditur, contrarie movetur timenti, quia insequitur: ergo videtur, quod cum fortitudo retrahat maxime animum à timore, magis pertineat ad eam aggredi, quam sustinere.

Sed Contra est, quod Philosophus dicit in 3. Ethic. (cap. 9. cir. princ. tom. 5.) quod *in sustinendo tristia maxime aliqui fortes dicuntur.*

Respondeo dicendum, quod, sicut supra dictum est, (a. 3. huj. q.) & Philos. dicit in 3. Ethic. (loc. cit.) fortitudo est magis *circa timores reprimendas*, quam *circa audacias moderandas*. Difficilius enim est timorem reprimere, quam audaciam moderari; eo quod ipsum periculum, quod est objectum audaciae, & timoris, de se

con-

confert aliquid ad repressionem audaciæ, sed operatur ad augmentum timoris. Aggredi autem pertinet ad fortitudinem secundum quod moderatur audaciam: sed sustinere sequitur repressionem timoris.

Et ideo principalior actus fortitudinis est sustinere, id est immobiliter sistere in periculis, quam aggredi.

Ad primum ergo dicendum, quod sustinere est difficilis, quam aggredi tripli ratione. Primo quidem, quia sustinere videtur aliquis ab aliquo fortiori invadente: qui autem aggreditur, invadit per modum fortioris. Difficilis autem est pugnare cum fortiori, quam cum debiliore. Secundo, quia ille qui sustinet, jam sentit pericula imminentia; ille autem qui aggreditur, habet ea ut futura. Difficilis autem est non moveri à presentibus, quam à futuris. Tertio, quia sustinere importat diuturnitatem temporis: sed aggredi potest aliquis ex subito motu. Difficilis autem est diu manere immobilem, quam subito motu moveri ad aliquid arduum. Unde Phil. dicit in 3. Ethic. (c. 8. tom. 5.) quod quidam sunt prævalentes ante pericula, in ipsis autem discedunt: Fortes autem è contrario se habent.

Ad secundum dicendum, quod sustinere importat quidem passionem corporis, sed actum animæ fortissime inherenteris bono: ex quo sequitur, quod non cedat passione corporali jam imminenti. Virtus autem magis attenditur circa animam, quam circa corpus.

Ad tertium dicendum, quod ille qui sustinet, non timet presente jam causa timoris, quam non habet praesentem ille, qui aggreditur.

ARTICULUS VII.

623

Utrum fortis operetur propter bonum proprii habitus.

Ad Septimum sic proceditur. Videtur, quod fortis non operetur propter bonum proprii habitus. Finis enim in rebus agendis etsi sit prior in intentione, est tamen posterior in executione. Sed actus fortitudinis in executione est posterior quam ipse fortitudinis habitus: non ergo potest esse quod fortis agat propter bonum proprii habitus.

Præ-

2. Præterea. Aug. dicit 13. de Trin. (cap. 8. ante med. tom. 3.) *Virtutes, quas propter solam beatitudinem amamus, sic persuadere quidam nobis audent, scilicet cendo eas propter se appetendas, ut ipsam beatitudinem non amemus. Quod si faciant, etiam ipsas amare utique desistimus, quando illam, propter quam solam istas amavimus, non amamus.* Sed fortitudo est quædam virtus: ergo actus fortitudinis non est ad ipsam fortitudinem, sed ad beatitudinem referendus.

3. Præterea. August. dicit in lib. de moribus Ecclesiæ, (c. 15. cir. fin. tom. 1.) quod fortitudo est amor omnia propter Deum facile perferens: Deus autem non est ipse habitus fortitudinis, sed aliquid melius; sicut oportet finem meliorem esse his, quæ sunt ad finem: non ergo fortis agit propter bonum proprii habitus.

Sed Contra est, quod Philos. dicit in 3. Ethic. (c. 7. ante med. tom. 5.) quod fortis fortitudo est bonum: Talis autem est finis.

Respondeo dicendum, quod duplex est finis; scilicet proximus & ultimus. Finis autem proximus uniuscumque agentis est, ut similitudinem suæ formæ in alterum inducat: sicut finis ignis calefacientis est, ut inducat similitudinem sui caloris in paciente: & finis ædificationis est, ut inducat similitudinem suæ artis in materia. Quodcumque autem bonum ex hoc sequitur, si sit intentum, potest dici finis remotus agentis. Sicut autem in factilibus materia exterior disponitur per artem: ita etiam in agilibus per prudentiam disponuntur actus humani.

Sic ergo dicendum est, quod fortis sicut proximum finem intendit, ut similitudinem sui habitus exprimat in actu: intendit enim agere secundum convenientiam sui habitus. Finis autem remotus est beatitudo, vel Deus.

Et per hoc patet responsio ad Objecta. Nam prima ratio procedebat, ac si ipsa essentia habitus esset finis, non autem similitudo ejus in actu, ut dictum est. Alia vero ana procedunt de fine ultimo,

ARTICULUS VIII.

Vtrum fortis delectetur in suo actu.

Ad Octavum sic proceditur. Videtur, quod fortis delectetur in suo actu. Delectatio enim est operatio connaturalis habitus non impedita, ut dicitur in 10. Eth. (ex c. 4. 6. & 8. tom. 5.) Sed operatio fortis procedit ex habitu, qui agit in modum naturæ: ergo fortis habet delectationem in suo actu.

2. Præterea. Ad Galat. 5. super illud: *Fructus autem spiritus est charitas, gaudium, pax,* dicit Ambros. quod opera virtutum dicuntur fructus *quia mentem hominis sancta & sincera delectatione reficiunt:* Sed fortis agit opera virtutis, ergo habet delectationem in suo actu.

3. Præterea. Debilis vincitur à fortiori: Sed fortis plus amat bonum virtutis, quam proprium corpus, quod periculis mortis exponit. Ergo delectatio de bono virtutis evacuat dolorem corporalem, & ita delectabiliter omnia operatur.

Sed Contra est, quod Philos. dicit in 3. Ethic. (c. 9. tom. 5.) quod *fortis in suo actu nihil delectabile videtur habere.*

Respondeo dicendum, quod, sicut supra dictum est, (1. 2. q. 31. art. 3. 4. & 5.) cum de passionibus ageretur, duplex est delectatio: *Una* quidem corporalis, quæ consequitur tactum corporalem: *Alia* autem animalis, quæ consequitur apprehensionem animæ: Et hæc proprie consequitur opera virtutum; quia in eis consideratur bonum rationis. Principalis vero actus fortitudinis est sustinere aliqua tristitia secundum apprehensionem animæ; puta quod homo amittat corporalem vitam, quam virtuosus amat, non solum in quantum est quoddam bonum naturale, sed etiam in quantum necessaria est ad opera virtutum, & quæ ad ea pertinent: Et iterum sustinere aliqua dolorosa secundum tactum corporis, puta vulnera, vel flagella. Et ideo *fortis ex una parte habet unde delectetur, scilicet secundum de-*

Iectationem animalem, scilicet de ipso actu virtutis, & de fine ejus. Ex alia vero parte habet unde dolent, & animaliter, dum considerat amissionem propriæ vitæ, & corporaliter. Unde legitur 2. Machab. 6. quod Eleazarus dixit: *Diros corporis sustineo dolores; secundum animam vero propter timorem tuum libenter hac patior.*

Sensibilis autem dolor corporis facit non sentiri animalem delectationem virtutis, nisi forte propter abundantem Dei gratiam, quæ fortius elevat animam ad divina in quibus delectatur, quam à corporalibus penitus afficiatur. Sicut Beatus Tiburtius, *cum super carbones incensos nudis plantis incederet, dixit quod videbatur sibi super roseos flores ambulare.*

Facit tamen virtus fortitudinis, ut ratio non absorbeatur à corporalibus doloribus. Tristitiam autem animalem superat delectatio virtutis, in quantum homo præfert bonum virtutis corporali vitæ, & quibuscumque ad eam pertinentibus. Et ideo Philos. dicit in 3. Ethic. (ex cap. 9. & lib. 2. c. 3. tom. 5.) quod à fortis non requiritur ut delectetur, quasi delectationem sentientis, sed sufficit, quod non tristetur.

Ad primum ergo dicendum, quod vehementia actus, vel passionis unius potentiae impedit aliam potentiam in suo actu. Et ideo per dolorem sensus impeditur mens fortis, ne in propria operatione delectationem sentiat.

Ad secundum dicendum, quod opera virtutum sunt delectabilia præcipue propter finem: Possunt autem ex sui natura esse tristia: Et præcipue hoc continget in fortitudine. Unde Philos. dicit in 3. Ethic. (c. 9. ad fin. tom. 5.) quod non in omnibus virtutibus operari delectabiliter existit, praterquam in quantum finem attingit.

Ad tertium dicendum, quod tristitia animalis vinctitur in fortis à delectatione virtutis: Sed quia dolor corporalis est sensibilior, & apprehensio sensitiva magis est homini in manifesto; inde est quod à magnitudine corporalis doloris quasi evanescit delectatio spiritualis, quæ est de fine virtutis.

Vtrum fortitudo maxime consistat in repentinis.

Ad Nonum sic proceditur. Videtur, quod fortitudo non maxime consistat in repentinis. Illud enim videatur esse in repentinis, quod ex inopinato provenit. Sed Tullius dicit in sua Rhetorica, (*lib. 2. de Invent. aliquant. ante finem*) quod *fortitudo est considerata periculorum susceptio, & laborum perpesio*: ergo fortitudo non consistit maxime in repentinis.

2. Præterea. Ambrosius dicit in *1. de Officiis*, (*cap. 38. circa medium*) „Fortis viri est non dissimilare, cum aliquid immireat, sed prætendere, & tamquam explorare de specula quadam mentis, & obviare cogitatione provida rebus futuris, ne forte dicat postea, ideo in ista incidi, quia non arbitrabar posse evenire:“ Sed ubi est aliquid repentinum, ibi non potest provideri in futurum: ergo operatio fortitudinis non est circa repentina.

3. Præterea. Philosophus dicit in *3. Ethicorum* (*cap. 8. à med. tom. 5.*) quod *fortis est bona spei*: Sed spes expectat aliquid in futurum, quod repugnat repentino: ergo operatio fortitudinis non consistit circa repentina.

Sed Contra est, quod Philos. dicit in *3. Ethicor.* (*cap. 8. ad fin. tom. 5.*) quod *fortitudo maxime est circa quacumque, qua mortem inferunt, repentina existentia*.

Respondeo dicendum, quod in operatione fortitudinis duo sunt consideranda. *Unum* quidem quantum ad electionem ipsius: Et sic fortitudo non est circa repentina: eligit enim fortis præmeditari pericula, quæ possunt imminere, ut eis resistere possit, aut facilius ea ferre: Quia, ut Gregorius dicit in quadam Homil. (*sc. 35. in Evang. in princ.*) *jacula, qua prævidentur, minus feriunt: & nos mala mundi facilius ferimus, si contra ea clypeo præscientia premunimur.*

Aliud vero considerandum est in operatione fortitudi-

tu-

tudinis quantum ad manifestationem virtuosi habitus: Et sic *fortitudo maxime est circa repentina*: Quia secundum Philosoph. in 3. Ethicor. (cap. 8. ad fin. tom. 5.) in repentinis periculis maxime manifestatur fortitudinis habitus: habitus enim agit in modum naturæ. Unde quod aliquis absque præmeditatione faciat ea quæ sunt virtutis, cum necessitas imminet propter repentina pericula, hoc maxime manifestat, quod sit fortitudo habitualis in anima confirmata.

Potest autem aliquis, etiam qui habitu fortitudinis caret, ex diurna præmeditatione animum suum contra pericula præparare, qua etiam præparatione fortis utitur, cum tempus adest.

Et per hoc patet responsio ad Objecta,

ARTICULUS X.

626

Utrum fortis utatur ira in suo actus.

*Infra art. II. ad I. & virt. q. 26. art. 7. cor. fin.
& 3. Eth. lect. 17.*

Ad Decimum sic proceditur. Videtur, quod fortis non utatur ira in actu suo. Nullus enim debet assumere quasi instrumentum suæ actionis illud, quo non potest uti pro suo arbitrio: Sed homo non potest uti ira pro suo arbitrio, ut sc. possint eam assumere cum velit, & depонere cum velit: ut enim Philos. dicit in libro de Memoria, (cap. 2. sub fin. tom. 2.) quando passio corporalis mota est, non statim quiescit, ut homo vult: ergo fortis non debet assumere iram ad suam operationem.

2. Præterea. Ille qui per seipsum sufficit ad aliquid peragendum, non debet in auxilium sui assumere id quod est infirmius, & imperfectius: Sed ratio per seipsum sufficit ad opus fortitudinis exequendum, in quo iracundia deficit: unde Seneca dicit in lib. I. de Ira, (cap. 16. inter princ. & med.) Non ad providendum tantum, sed ad res gerendas satis est per seipsum ratio: Et quid stultius est, quam hanc ab iracundia petere prasidium? rem stabilem ab incerta, fidelem ab infida, sanam ab ægra? ergo fortitudo non debet iram assumere,

Præ-

3. Præterea. Sicut aliqui propter iram opera fortitudinis vehementius exequuntur, ita etiam propter tristitiam, vel concupiscentiam: unde Philos. dicit in 3. Eth. (cap. 8. iom 5.) quod ferre propter tristitiam, sive dolorem incitantur ad pericula, & adulteri propter concupiscentiam multa audacia operantur: Sed fortitudo non assumit ad actum suum neque tristitiam, neque concupiscentiam: ergo pari ratione non debet assumere iram.

Sed Contra est, quod Philosophus dicit in 3. Ethic. (loco cit.) quod *furor cooperatur fortibus*.

Respondeo dicendum, quod de ira, & de cæteris animæ passionibus, sicut supra dictum est, (1. 2. q. 24. a. 2.) aliter sunt locuti Peripatetici, & aliter Stoici. Stoici enim iram, & omnes alias passiones animæ ab animo sapientis, sive virtuosi excludebant. Peripatetici vero, quorum princeps fuit Aristoteles, & iram, & alias animæ passiones attribuebant virtuosis, sed moderatas ratione.

Et forte quantum ad rem non differebant, sed solum quantum ad modum loquendi. Nam Peripatetici omnes motus appetitus sensitivi qualitercumque se habentes, passiones animæ nominabant, ut supra dictum est. (1. 2. q. 24. a. 2.) Et quia appetitus sensitivus movetur per imperium rationis, ad hoc quod cooperetur ad promptius agendum; idcirco ponebant, & iram, & alias passiones animæ assumendas esse à virtuosis, moderatas secundum imperium rationis. Stoici vero vocabant animæ passiones immoderatos quosdam affectus appetitus sensitivi. Unde nominabant eas ægritudines, vel morbos, & ideo penitus eas à virtute separabant.

Sic ergo iram moderatam assumit foris ad suum actum, non autem iram immoderatam.

Ad primum ergo dicendum, quod ira moderata secundum rationem subjicitur imperio rationis. Unde consequens est, ut homo ea utatur pro suo arbitrio, non autem si esset immoderata.

Ad secundum dicendum, quod ratio non assumit iram ad suum actum, quasi auxilium ab ea accipiens, sed quia utitur appetitu sensitivo ut instrumento; sicut &

mem-

membris corporis. Nec est inconveniens, si instrumentum sit imperfectius principali agente, ut martellus fabro, & nequa autem factator fuit Stolcorum, & directe contra Ari totalem verba præmissa proponit.

Ad tertium dicendum, quod, cum fortitudo, sic dictum est, (*a. 6. huj. q.*) habeat duos actus scil. *suscitare*, & *agredi*, non assumit iram ad actum sustinendi quia hunc actum sola ratio per se facit: sed ad actum aggrediendi, ad quem magis assumit iram, quam alias passiones, quia ad iram pertinet insilire in rem contristatam: & sic directe cooperatur fortitudini in aggrediendo. Tristitia autem secundum propriam rationem succumbit nocivo: Sed per accidens coadjuvat ad aggrediendum, vel in quantum tristitia est causa iræ, ut supra dictum est, (*i. 2. q. 47. a. 3.*) vel in quantum aliquis exponit se periculo, ut tristitiam fugiat. Similiter etiam concupiscentia secundum propriam rationem tendit in bonum delectabile, cui per se repugnat aggressio periculorum: Sed per accidens quandoque coadjuvat ad aggrediendum, in quantum scil. aliquis vult potius in pericula incidere, quam delectabili carere. Et ideo Philos. dicit, in 3. Ethic. (*cap. 8. a. med. tom. 5.*) quod *inter fortitudines quæ sunt ex passione, naturalissima esse videtur, quæ est per iram; & accipiens electionem & debitum finem, & cuius gratia, scil. operetur, fortitudo fit vera.*

ARTICULUS XI.

571

Utrum fortitudo sit virtus cardinalis.

*Inf. q. 141. a. 7. & i. 2. q. 61. a. 2. & 3. q. 66.
a. 2. & 4. cor. & 3. d. 33. q. 2. a. 1. q. 3. & 4. &
virt. q. 1. a. 12. ad 25. & 26. q. 5. ar. 2.*

Ad Undecimum sic proceditur. Videtur, quod fortitudo non sit virtus cardinalis. Ira enim, ut dictum est, (*art. præced.*) maximam affinitatem habet ad fortitudinem: Sed ira non ponitur passio principalis; nec etiam audacia, quæ ad fortitudinem pertinet: ergo nec fortitudo debet poni virtus cardinalis.

2. Præterea, Virtus ordinatur ad bonum: Sed fortitudo

tu-

tudo non directe ordinatur ad bonum, sed magis ad malum, scilicet ad sustinendum pericula, & labores, ut Tullius dicit. (*lib. 2. de Invent. aliquant. ante fin.*) ergo fortitudo non est virtus cardinalis.

3. Præterea. Virtus cardinalis est circa ea, in quibus præcipue versatur vita humana; sicut ostium in cardine vertitur: Sed fortitudo est circa pericula mortis, quæ raro occurunt in vita humana: ergo fortitudo non debet poni virtus cardinalis, sive principalis.

Sed Contra est, quod Gregor. 22. Mor. (cap. 1. à med.) & Ambros. super Luc. (cap. 6. super illud: *Beati pauperes*) & August. in lib. de morib. Eccles. (c. 15. tom. 1.) numerant fortitudinem inter quatuor virtutes cardinales, sive principales.

Respondeo dicendum, quod, sicut supra dictum est, (1. 2. q. 61. a. 3. & 4.) virtutes cardinales, sive principales dicuntur, quæ præcipue sibi vindicant id, quod pertinet communiter ad virtutes. Inter alias autem communes virtutis conditiones una ponitur *fimenter operari*, ut patet in 2. Ethic. (cap. 4. tom. 5.) Laudem autem firmitatis potissimum sibi vindicat fortitudo. Tanto enim magis laudatur, qui firmiter stat, quanto habet gravius impellens ad cadendum, vel ad retrocedendum. Impellit autem hominem ad discedendum ab eo, quod est secundum rationem, & bonum delectans, & malum affligens: Sed gravius impellit dolor corporis, quam voluptas. Dicit enim Augustinus in lib. 83. QQ. (q. 36. aliquans. à princ. tom. 4.) *Nemo est, qui non magis fugiat dolorem, quam appetat voluptatem. Namque videmus, etiam immanissimas bestias à maximis voluptatibus abterriti dolorum metu.* Et inter dolores animi, & pericula maxime timentur ea, quæ ducunt ad mortem, contra quæ firmiter stat fortis. *Unde fortitudo est virtus cardinalis.*

Ad primum ergo dicendum, quod audacia, & ira non cooperantur fortitudini ad actum ejus, qui est sustinere, in quo præcipue commendatur firmitas ejus. Per hunc enim actum fortis cohibet timorem; qui est passio principalis, ut supra dictum est. (1. 2. q. 25. a. 4.)

Ad secundum dicendum, quod virtus ordinatur ad bonum rationis, quod conservari oportet contra impulsus

malorum. Fortitudo autem ordinatur ad mala corporalis sicut ad contraria, quibus resistit; ad bonum autem rationis, sicut ad finem, quem intendit conservare.

Ad tertium dicendum, quod quamvis pericula mortis raro immineant, tamen occasiones illorum periculorum frequenter occurunt, dum scilicet homini adversari mortales suscitantur propter justitiam, quam sequitur, & etiam propter alia bona, quæ facit.

ARTICULUS XII.

62

Utrum fortitudo præcellat inter omnes alias virtutes.

Ad Duodecimum sic proceditur. Videtur, quod fortitudo præcellat inter omnes alias virtutes. Dicit enim Ambros. in I. de Offic. (cap. 35. in princ.) *Est fortitudo velut ceteris excelsior.*

2. Præterea. Virtus est *circa difficile, & bonum*: Sed fortitudo est *circa difficillima*: ergo est maxima virtutum.

3. Præterea. Dignior est persona hominis, quam rebus: Sed fortitudo est *circa personam hominis*, quam aliquis periculo mortis exponit propter bonum virtutis: justitia autem, & aliæ virtutes morales sunt *circa alias re exterioribus*: ergo fortitudo est *præcipua inter omnes virtutes morales*.

Sed Contra est, quod Tullius dicit in I. de Offic. (in tit. de Just.) *In justitia virtutis splendor est maximus, ex qua viri boni nominantur.*

Præterea. Philosophus dicit in I. Rhetor. (ap. 9. p. 47. à princ. tom. 6.) *Necessere est maximas esse virtutes, que maxime aliis utiles sunt*: Sed liberalitas videtur magis utilis, quam fortitudo: ergo est major virtus.

Respondeo dicendum, quod, sicut August. dicit in 6. de Trin. (c. 8. parum à princ. tom. 3.) *in his, que non mole magna sunt, idem est esse majus, quod melius.* Unde tanto aliqua virtus major est, quanto melior est. Bonum autem rationis est hominis bonum, secundum Dionys. 4. c. de divin. nom. (part. 4. lect. 22.) Hoc autem bonum essentialiter quidem habet prudentia, quæ est perfectio rationis; Justitia autem est hujus boni factiva.

In quantum scil. ad ipsam pertinet ordinem rationis pone-re in oīnnibus rebus humanis. Aliæ autem virtutes sunt conservativæ hujus boni in quantum scilicet moderatur pas-siones , ne abducant hominem à bono rationis. Et in or-dine harum fortitudo tenet locum præcipuum ; quia timor periculorum mortis maxime est efficax ad hoc , quod ho-minem faciat recedere à bono rationis. Post quam ordi-natur temperantia ; quia etiam delectationes tactus maxi-me inter cætera impediunt bonum rationis. Id autem quod essentialiter dicitur , potius est eo quod dicitur effective ; & hoc etiam potius est eo quod dicitur consecutive se-cundum remotionem impedimenti.

Unde inter virtutes cardinales est potior prudentia , secunda justitia , tertia fortitudo , quarta temperantia : & post has cetera virtutes.

Ad primum ergo dicendum , quod Ambrosius fortitu-dinem aliis virtutibus præfert , secundum quamdam gene-ralem utilitatem ; prout scil. & in rebus bellicis , & in rebus civilibus , sive domesticis utilis est. Unde ipse ibi-dem præmittit : *Nunc de fortitudine tractemus , qua ve-lut excelsior ceteris , dividitur in res bellicas , & do-mesticas.*

Ad secundum dicendum , quod ratio virtutis mágis consistit in bono , quam in difficulti. Unde mágis est men-suranda magnitudo virtutis secundum rationem boni , quam secundum rationem difficultis.

Ad tertium dicendum , quod homo non exponit per-sonam suam mortis periculis , nisi propter justitiam con-servandam. Et ideo laus fortitudinis dependet quodammodo ex justitia. Unde Ambrosius dicit in 1. de Offic. (cap. 35. ante med.) quod fortitudo sine justitia iniqua-tis est materia , quo enim validior est , eo promptior ut inferiorem opprimat.

Quartum concedimus.

Ad quintum dicendum , quod liberalitas utilis est in quibusdam particularibus beneficiis. Sed fortitudo habet utilitatem generalem ad conservandum totum justitiae or-dinem. Et ideo Philosophus dicit in 1. Rhetic. (cap. 6. à princ. tom. 6.) quod justi , & fortes maxime amantur , quia sunt maxime utilis in bello , & in pace.

QUÆS-

QUÆSTIO CXXIV.

De Martyrio, in quinque articulos divisa.

Deinde considerandum est de Martyrio.

Et circa hoc queruntur quinque.

Primo. Utrum martyrium sit actus virtutis,

Secundo. Cujus virtutis sit actus.

Tertio. De perfectione hujus actus.

Quarto. De pœna martyrii.

Quinto. De causa,

ARTICULUS I.

Vtrum martyrium sit actus virtutis.

Ad Primum sic proceditur. Videtur, quod martyrium non sit actus virtutis. Omnis enim actus virtutis est voluntarius: Sed martyrium quandoque non est voluntarium: ut patet de innocentibus pro Christo occisis, de quibus dicit Hilar. super Matth. (cap. 1. in fin.) quod *materiarum profectum per martyrii gloriam efferebantur*: ergo martyrium non est actus virtutis.

2. Præterea. Nullum illicitum est actus virtutis: Sed occidere seipsum est illicitum, ut supra habitum est (q. 64. a. 5.) per quod tamen martyrium consummatum: dicit enim August. in 1. de civ. Dei, (c. 26. ii. princ. tom. 5.) quod *quadam sanctæ fœmina tempore persecutionis, ut insectatores sua pudicitia devitarent, in fluvium defecerunt, eoque modo defuncta sunt, et rurumque martyria in catholica Ecclesia veneratione celeberrima frequentantur*: non ergo martyrium est actus virtutis.

3. Præterea. Laudabile est, quod aliquis sponte & offerat ad exequendum actum virtutis: Sed non est laudabile, quod aliquis martyrio se ingerat, sed magis vietetur esse præsumptuosum, & periculosum: non ergo martyrium est actus virtutis.

Sed Contra est, quod præmium beatitudinis non debetur nisi actui virtutis: Debetur autem martyrio, secundum illud Matthæi quinto: *Beati, qui persecutionem patiuntur propter iustitiam, quoniam ipsorum est regnum cœlorum*: ergo martyrium est actus virtutis.

Respondeo dicendum, quod, sicut dictum est, (q. præc. a. 1. n. 3.) ad virtutem pertinet, quod aliquis in bono rationis conservetur. Consistit, autem bonum rationis in veritate, sicut in proprio objecto, & in justitia, sicut in proprio effectu, sicut ex supra dictis patet: (, 109. a. 1. n. 2. , 12.) Pertinet autem ad rationem martyrii, ut aliquis firmiter stet in veritate, & justitia contra consequentium impetus. Unde manifestum est, quod ~~martyrium est actus virtutis~~.

Ad primum ergo dicendum, quod quidam dixerunt, quod innocentibus acceleratus est miraculose liberi arbitrii usus, ita quod etiam voluntarie martyrium passi sunt.

Sed quia hoc per auctoritatem Scripturæ non comprobatur, ideo melius dicendum est, quod martyrii gloriam, quam in aliis propria voluntas meretur, illi parvuli occisi per Dei gratiam sunt assecuti. Nam effusio sanguinis propter Christum vicem gerit baptismatis. Unde sicut in pueris baptizatis per gratiam baptismalem meritum Christi operatur ad gloriam obtinendam: ita & in occisis propter Christum meritum martyrii Christi operatur ad paliam martyrii consequendam. Unde August. dicit in quodam sermone de Epiphania (, 66. de diversis c. 3. in med. tom. 10.) quasi eos alloquens: *Ile de vestra corona dubitabit in passione pro Christo, qui etiam parvulus baptismum prodesse non estimat Christi. Non habebatis atatem, qua in passurum Christum crederetis; sed habebatis carnem in qua pro Christo passuro passionem sustineretis.*

Ad secundum dicendum, quod August. ibid. dicit, esse possibile, quod aliquibus fide dignis testificationibus divina persuaserit auctoritas Ecclesia, ut dictarum sanctorum memoriam honoraret.

Ad tertium dicendum, quod præcepta legis dantur de actibus virtutum. Dictam autem est supra,

(. 108. n. 1. aa 4.) quædam præcepta legis divinæ trā*im*
dita esse secundum præparationem animi; ut scil. homo dat
paratus hoc, vel illud facere, cum fuerit opportunum. Ita est
etiam & aliqua pertinent ad actum virtutis secundum præ-
parationem animi, ut scil. superveniente tali casu, ho-
mo secundum rationem agat. Et hoc præcipue videtur pri-
obsvandū in martyrio, quod consistit in debita sus-
tinentia passionum iusti infictarum. Non autem debet va-
homo occasionem dare iuste agendi: sed si alius in-
juste egerit, ipse moderate tolerare debet.

ARTICULUS II.

630

Utrum martyrium sit actus fortitudinis.

Ad Secundum sic proceditur. Videtur, quod martyrium non sit actus fortitudinis. Dicitur enim *μαρτυρεῖν* in græco, quasi *estis*: Testimonium autem redditur: fidei Christi, secundum illud Act. 1. *Eritis mihi testes in Herusalem*, &c. Et Maximus dicit in quodam sermone: *Mater martyrii est fides catholica, in qua illustres athletæ suo sanguine subscripterunt*: ergo martyrium est potius actus fidei, quam fortitudinis.

2. Præterea. Actus laudabilis ad illam virtutem præcipue pertinet, quæ ad ipsum inclinat, & quæ ab ipso manifestatur, & sine qua ipse non valet: Sed ad martyrium præcipue inclinat charitas. Unde in quodam sermone Maximi dicitur: *Charitas Christi in suis martyribus vincit*. Maxime etiam charitas per actum martyrii manifestatur, secundum illud Joan. 15. *Majorem dilectionem nemo habet, quam ut animam suam ponat quis pro amicis suis*. Sine charitate etiam martyrium nihil valet, secundum illud 1. ad Corinth. 13. *Si ira-
didero corpus meum; ita ut ardeam, charita em autem
non habuero, nihil mihi prodest*: ergo martyrium magis est actus charitatis, quam fortitudinis.

3. Præterea. Angust. dicit in quodam serm. de S. Cypriano, (qui est 115. de Diversis in suppl. ad oper. Augst. cir. print. tom. 1.) *Facile est martyrem celebrando venerari, magnum vero fidem ejus, & patientiam imi-*

imitari: Sed in unoquoque actu virtutis præcipue laudatur virtus, cuius est actus: ergo martyrium magis est actus patientiae, quam fortitudinis.

Sed Contra est, quod Cyprianus dicit in epist. ad Martyres, & Confessores: (*lib. 2. epist. 1. parum à princ.*) *O beati Martyres, quibus vos laudibus prædicem? O milites fortissimi, robur pectoris vestri quo præconio vocis explicem?* Quilibet autem laudatur ex virtute, cuius actum exercet: ergo martyrium est actus fortitudinis.

Respondeo dicendum, quod, sicut ex supra dictis patet, (*q. præc. a. 1. &c seq.*) ad fortitudinem pertinet, ut confirmet hominem in bono virtutis: & maxime contra pericula, & præcipue contra pericula mortis, & maxime ejus, quæ est in bello. Manifestum est autem, quod in martyrio homo firmiter confirmatur in bono virtutis, dum fidem & justitiam non deserit propter imminentia pericula mortis, quæ etiam in quodam certamine particulari à persecutoribus imminent. Unde Cyprianus dicit in quodam serm. (*loc. supr. cit.*) *Vidit admirans presentium multitudo cœleste certamen, & in prælio stetisse servos Christi voce libera, mente incorrupta, virtute divina, Unde manifestum est, quod martyrium est fortitudinis actus.* Et propter hoc de martyribus legit Ecclesia: *Fortes facti sunt in bello.*

Ad primum ergo dicendum, quod in actu fortitudinis *duo* sunt consideranda. Quorum *unum* est bonum, in quo fortis firmatur: Et hoc est fortitudinis finis: *Aliud* est ipsa firmitas, qua quis non cedit contrariis prohibentibus ab illo bono: Et in hoc consistit essentia fortitudinis. Sicut autem fortitudo civilis firmat animum hominis in justitia humana, propter cuius conservationem mortis pericula sustinet: ita etiam fortitudo gratuita firmat animum hominis in bono justitiae Dei, *qua est per fidem Christi Jesu*, ut dicitur ad Rom. 3. Et sic martyrium comparatur ad fidem, sicut ad finem in quo aliquis confirmatur; ad fortitudinem autem, sicut ad habitatum elicientem.

Ad secundum dicendum, quod ad actum martyrii inclinat quidem charitas, sicut primum & principale mo-

tivum per modum virtutis imperantis; fortitudo autem sicut motivum proprium per modum virtutis elicientis. Et inde est quod martyrium est actus charitatis ut imperantis, fortitudinis autem ut elicientis. Inde etiam est quod utramque virtutem manifestat. Quod autem sit meritum, hoc habet ex charitate, sicut & quilibet virtutis actus. Et ideo sine charitate non valet.

Ad tertium dicendum, quod, sicut dictum est, (q. præc. art. 6.) principalior actus fortitudinis est sustinere ad quem pertinet martyrium, non autem ad secundum actum ejus, qui est aggredi. Et quia patientia deservit fortitudini ex parte actus principalis, qui est sustinere, inde est, quod concomitanter in martyribus patientia commendatur.

ARTICULUS III.

631

Vitrum martyrium sit actus maxime perfectionis.

Inf. q. 148. a. 5. ad 3.

Ad Tertium sic proceditur. Videtur, quod martyrium non sit actus maximæ perfectionis. Illud enim ad perfectionem videtur pertinere, quod cadit sub consilio, non sub præcepto, quia scilicet non est de necessitate salutis: Sed martyrium videtur esse de necessitate salutis. Dicit enim Apostolus ad Rom. 10. *Corde creditur ad justitiam; ore autem fit confessio ad salutem.* & I. Joann. 3. dicitur, quod *nos debemus pro fratribus animas nostras ponere:* ergo martyrium non pertinet ad perfectionem.

2. Præterea. Ad majorem perfectionem videtur pertinere, quod aliquis det Deo animam, quod fit per obedientiam, quam quod Deo det proprium corpus, quod fit per martyrium. Unde Gregorius dicit ult. Moral (cap. 10. parum à princ.) quod *obedientia cunctis victimis profertur:* ergo martyrium non est actus maximæ perfectionis.

3. Præterea. Melius esse videtur aliis prodesse, quam seipsum in bono conservare: quia *bonum genit. melius est, quam bonum unius hominis,* secundum Philosoph. in I. Ethicorum; (cap. 2. in fin. tom. 5.) Sed ille qui mar-

martyrium sustinet, sibi soli prodest: Ille autem qui docet, proficit multis: ergo actus docendi, & gubernandi subditos est perfectior, quam actus martyrii.

Sed Contra est, quod August. in lib. de sancta Virginitate (cap. 46. in fin. tom. 6.) præfert martyrium virginitati, quæ ad perfectionem pertinet: ergo martyrium maxime ad perfectionem pertinere videtur.

Respondeo dicendum, quod de aliquo actu virtutis loqui possumus *dupliciter*. *Uno modo* secundum speciem actus ipsius, prout comparatur ad virtutem proxime efficientem ipsum: Et sic non potest esse, quod martyrium, quod consistit in debita tolerantia mortis, sit perfectissimus inter virtutis actus: quia tolerare mortem non est laudabile secundum se, sed solum secundum quod ordinatur ad aliquid bonum, quod consistit in actu virtutis, puta ad finem, & ad dilectionem Dei. Unde ille actus virtutis cum sit finis, melior est.

Alio modo potest considerari actus virtutis, secundum quod comparatur ad primum motivum, quod est amor charitatis: Et ex hac parte præcipue aliquis actus habet, quod ad perfectionem vitæ pertineat: quia ut Apostolus dicit ad Col. 3. *Charitas est vinculum perfectionis*. Martyrium autem inter omnes actus virtuosos maxime demonstrat perfectionem charitatis: quia tanto magis ostenditur aliquis aliquam rem amare, quanto pro ea rem magis animata contemnit, & rem magis odiosam eligit pati. Manifestum est autem, quod inter omnia alia bona præsentis vitæ maxime amat homo ipsam vitam, & è contrario maxime odit ipsam mortem & præcipue cum doloribus corporalium tormentorum; quorum metu etiam bruta animalia à maximis voluptatibus abstrahuntur, ut Augustinus dicit in lib. 83. QQ. (q. 6. inter princ. & med. tom. 4.) Et secundum hoc patet, quod martyrium inter ceteros actus humanos est perfectius secundum suum genus, quasi maxima charitatis signum, secundum illud Joan. 35. *Majorem charitatem nemo habet, quam ut animam suam donat quis pro amicis suis.*

Ad primum ergo dicendum, quod nullus est actus perfectionis sub consilio cadens, qui in aliquo eventu

non cadat sub præcepto, quasi de necessitate salutis existens; sicut Aug. dicit in lib. de adulterinis conjiunctiis, (c. 13. tom. 6.) quod aliquis incidit in necessitatem continentiae servandæ propter absentiam, vel infirmitatem uxoris. Et ideo non est contra perfectionem martyrii, si in aliquo casu sit de necessitate salutis: nimirum enim aliquis casus, in quo martyrium perferre non esse de necessitate salutis, puta cum ex zelo fidei, & charitate fraternali multoties leguntur Sancti Martyres sponte se obtulisse martyrio. Illa autem præcepta sunt intelligenda secundum præparationem animi.

Ad secundum dicendum, quod martyrium completitur id, quod summum in obedientia esse potest, scilicet aliquis sit obediens usque ad mortem; sicut legitur de Christo ad Philipp. 2. quod *factus est obediens usque ad mortem*. Unde patet, quod martyrium secundum se est perfectius, quam obedientia absolute dicta.

Ad tertium dicendum, quod ratio illa procedit a martyrio secundum propriam speciem actus, ex qua non habet excellentiam inter omnes actus virtutum: sicut fortitudo est excellentior inter omnes virtutes.

ARTICULUS IV.

63

Utrum mors sit de ratione martyrii.

4. d. 49. q. 5. art. 3. q. 2.

Ad Quartum sic proceditur. Videtur, quod mors non sit de ratione martyrii. Dicit enim Hieronymus in sermone Assumptione (seu epist. ad Paul. & Eustoch. in se med. & finem) Recte dixerim, quod Dei Genitrix virgo & martyr fuit, quamvis in pace vitam finiverit. Et Gregor. dicit, (Hom. 3. in Evang. fin.) Quamvis occasio persecutionis desit, habet tamen & pax nostra suum martyrium, quia etsi carnis colla ferro non subjecimus, spirituali tamen gladio carnalia desideria in mente trucidamus: ergo absque passione mortis potest esse martyrium.

2. Præterea. Pro integritate carnis servanda aliquæ mulieres leguntur laudabiliter contemptisse vitam suam

&

& ita videtur, quod corporalis integritas castitatis præferatur vitæ corporali : sed quandoque ipsa integritas carnis auferitur, aut auferri intentatur pro professione Fidei Christianæ, ut patet de Agneta, & Lucia: ergo videtur, quod martyrium magis debeat dici, si aliqua mulier pro Fide Christi integritatem carnis perdat, quam si etiam perderet corporalem vitam. Unde & Lucia dixit: *Si me invisum feceris violari, castitas mihi duplicabitur ad coronam.*

3 Præterea. Martyrium est fortitudinis actus: Ad fortitudinem autem pertinet non solum mortem non formidari, sed nec alias adversitates, ut August. dicit in 6. Musicæ: (ap. 15. ad fin. tom. 1.) Sed multæ sunt alias adversitates præter mortem, quas aliqui possunt sustinere pro fide Christi, scilicet carcere, exilium, rapinam honorum, ut patet ad Hebr. 10. unde & sancti Marcelli Papæ martyrium celebratur, qui tamen fuit mortuus in carcere: ergo non est de martyrii necessitate, quod aliquis sustineat pœnam mortis.

4 Præterea. Martyrium est actus meritorius ut dictum est: (a. præc. q. a. 2. huj. q. aa 1.) Sed actus meritorius non potest esse post mortem: ergo ante mortem: Et ita mors non est de ratione martyrii.

Sed contra est, quod Maximus dicit in quodam sermone de martyr. quod *vincit pro fine moriendo, qui vinceretur sine fine vivendo.*

Respondeo dicendum, quod, sicut dictum est, (a. 2. huj. q.) *martyr* dicitur quasi *testis fidei Christianæ*, per quam nobis visibilia pro invisibilibus contempnenda proponuntur, ut dicitur ad Heb. 11.

Ad martyrium ergo pertinet, ut homo testifetur fidem, se opere ostendens omnia præsentia contempnere ut ad futura, & invisibilia bona perveniat. Quamdiu autem homini remanet vita corporalis, nondum se opere ostendit, corporalia cuncta despicer. Consueverunt enim homines, & consanguineos, & omnia bona possessa contempnere, & etiam dolores corporis pati, ut vitam conservent. Unde & Satan contra Job induxit, (Job 2.) *Pelle pro pelle, & cuncta que homo habet, dabit pro anima sua*, idest, pro vita sua corporali. Et

deo ad perfectam rationem martyrii requiritur, qui aliquis mortem sustineat propter Christum.

Ad primum ergo dicendum, quod illæ auctoritate & si quæ similes inveniuntur, loquuntur de martyrio per quandam similitudinem.

Ad secundum dicendum, quod in muliere, quæ integritatem carnis perdit, vel ad perdendam eam datur occasione fidei Christianæ, non est apud hominem manifestum utrum hoc mulier patiatur propter amorem fidei Christianæ, vel magis pro contemptu castitatis: & ideo apud homines non redditur per hoc testimonium sufficiens. Unde hoc non proprie habet rationem martyrii sed apud Deum qui corda scrutatur, potest hoc ad præmium deputari, sicut Lucia dixit.

Ad tertium dicendum, quod, sicut supra dictum est, (q. præc. r. 4. ep. 5.) fortitudo principaliter consistit circa pericula mortis, circa alia autem consequenter. Et ideo nec martyrium proprie dicitur pro sola tolerantia carceris, vel exilii, vel rapinæ divitiarum, nisi forte secundum quod ex his sequitur mors.

Ad quartum dicendum, quod meritum martyrii non est post mortem, sed in ipsa voluntaria sustinentia mortis; prout scilicet aliquis voluntarie patitur inflictione mortis. Contingit tamen quardonque, quod aliquis post mortalia vulnera pro Christo suscepta, vel quascunque alias tribulationes continuatas usque ad mortem, quas a persecutoribus patitur pro fide Christi, diu vivat: in quo statu actus martyrii meritorius est, & etiam ipso eodem tempore, quo hujusmodi afflictiones patitur.

ARTICULUS V.

633

Utrum sola fides sit causa martyrit.

4. d. 49. q. 5. art. 3. q. 2. cor. &c. ad 9. 10. &
12. & Rom. 8. lect. 7.

Ad Quintum sic proceditur. Videtur, quod sola fides sit causa martyrii. Dicitur enim I. Pet. 4. Nemo vestrum patiatur ut homicida, aut fur, aut aliquid humani: Si autem ut Christianus, non erubescat, glo-

vifcet autem Deum in iſto nomine Sed ex hoc dici-
tur aliquis Christianus, quia tenet fidem Christi: ergo
sola fides Christi dat patientibus martyrii gloriam.

2. Præterea. Martyr dicitur quasi testis: Testimo-
nium autem non redditur nisi veritati: Non autem ali-
quis dicitur martyr ex testimonio cuiuslibet veritatis,
sed solum ex testimonio veritatis divinæ: aliquam si
quis moreretur pro confessione veritatis Geometriæ, vel
alterius speculativæ scientiæ esset martyr: quod vide-
tur ridiculum: ergo sola fides est martyrii causa.

3. Præterea. Inter alia virtutum opera illa videntur,
esse potiora, quæ ordinantur ad bonum commune: quia
bonum gentis melius est, quam bonum uniu. homin. s,
secundum Philosoph. in 1. Ethicor. (cap. 2. in fin. tom. 5.)
si ergo aliquod aliud bonum esset causa martyrii, ma-
xime videretur quod illi essent martyres, qui pro defen-
sione reipublicæ moriuntur. Quod Ecclesiæ observatio
non habet: non enim militum, qui in bello justo mori-
untur, martyria celebrantur: ergo sola fides videtur
esse martyrii causa.

Sed Contra est, quod dicitur Matth. 5. *Benti qui*
persecutionem patiuntur propter justitiam: quod pertinet
ad martyrium, ut Glos. (ord. & Hieron. in hanc loc.)
ibidem dicit: Ad justitiam autem pertinet non solum
fides, sed etiam aliæ virtutes: ergo & aliæ virtutes
possunt esse martyrii causa.

Respondeo dicendum, quod, sicut dictum est, (a.
præced.) martyres dicuntur quasi testes; qui scilicet
corporalibus suis passionibus usque ad mortem testimo-
nium perhibent veritati, non cuicunque, sed veritati,
quæ secundum pietatem est, quæ per Christum nobis
innotuit: unde & martyres Christi dicuntur quasi tes-
tes ipsius. Hujusmodi autem est veritas fidei. Et ideo
cujuscunq[ue] martyri causa est fides vero.

Sed ad fidei veritatem non solum pertinet ipsa cre-
dulitas cordis, sed etiam exterior protestatio: Quæ qui-
dem fit non solum per verba, quibus aliquis confitetur
fidem, sed etiam per facta, quibus aliquis fidem se
habere ostendit, secundum illud Jacobi 2. *Ego osren-*
damus tuis ex operibus fidem meam. Unde & de quibus-

dam dicitur ad Titum 1. *Conscientur verbis se nosse Deum, factis autem negant.* Et ideo omnium vocum opera , secundum quod referuntur in Deum , sunt quædam protestationes fidei , per quam nobis innotescit, quod Deus hujusmodi opera à nobis requirit , & nos pro eis remunerat: Et secundum hoc possunt esse martyrii causa. Unde & beati Joannis Baptiste martyrium in Ecclesia celebratur , qui non pro neganda fide , sed pro reprehensione adulterii mortem sustinuit.

Ad primum ergo dicendum , quod Christianus dicitur , qui Christi est: Dicitur autem aliquis esse Christi , non solum ex eo quod habet fidem Christi , sed etiam ex eo quod Spiritu Christi ad opera virtuosa procedit , secundum illud ad Roman. 8. *Si quis Spiritum Christi non habet, hic non est eju.* Et etiam ex hoc quod ad imitationem Christi peccatis moritur , secundum illud ad Gal. 5. *Qui Christi sunt, carnem suam crucifixerunt cum vitiis, & concubiscentiis.* Et ideo ut Christianus patitur , non solum qui patitur pro fidei confessione , quæ fit per verba , sed etiam quicunque patitur pro quocumque bono opere faciendo , vel pro quocumque peccato vitando propter Christum ; quia hoc totum pertinet ad fidei protestationem.

Ad secundum dicendum , quod veritas aliarum scientiarum non pertinet ad cultum divinitatis : & ideo non dicitur esse veritas secundum pietatem : unde nec ejus confessio potest esse directe martyrii causa. Sed quia omne mendacium peccatum est , ut supra habitum est, (q. 110. a 3. & 4.) vitatio mendacii , contra quacumque veritatem sit, in quantum mendacium est peccatum divinæ legi contrarium , potest esse martyrii causa.

Ad tertium dicendum , quod bonum Reipublicæ est præcipuum inter bona humana : Sed bonum divinum , quod est propria causa martyrii , est potius , quam humanum. Tamen quia bonum humanum potest effici divinum , ut si referatur in Deum; ideo potest esse quodcumque bonum humanum martyrii causa , secundum quod in Deum refertur.

QUÆSTIO CXXV.

De timore, in quatuor articulos divisa.

Deinde considerandum est de vitiis oppositis fortitudini. Et primo de timore. Secundo de intimiditate. Tertio de audacia.

Circa primum quaruntur quatuor.

Primo. Utrum timor sit peccatum.

Secundo. Utrum opponatur fortitudini.

Tertio. Utrum sit peccatum mortale.

Quarto. Utrum excuset, vel diminuat peccatum.

ARTICULUS I.

634

Utrum timor sit peccatum.

Ad Primum sic proceditur. Videtur, quod timor non sit peccatum. Timor enim est passio quedam, ut supra habitum est: (1. 2. q. 23. a. 4. 3. q. 42.) Sed ex passionibus non laudamur, neque vituperamur, ut patet in 2. Ethic. (cap. 5. in med. tom. 5.) cum ergo omne peccatum sit vituperabile, videtur, quod timor non sit peccatum.

2. Præterea. Nihil quod in lege divina mandatur, est peccatum; quia lex Domini est imitacione, ut dicitur in Psalm. 18. Sed timor mandatur in lege Dei. dicitur enim ad Ephes. 6. *Servi obedientiam carnales cum timore, & tremore:* ergo timor non est peccatum.

3. Præterea. Nihil quod naturaliter inest homini, est peccatum; quia peccatum est contra naturam, ut Damascenus dicit in 2. lib. (rib. iij. c. 3. 3. l. 4. c. 11.) Sed timere est homini naturale: unde Philosophus dicit in 3. Ethic. (cap. 7. in med. tom. 5.) quod erit aquis insanus, vel sine sensu doloris, si nihil timeat, neque terramotum, neque inundationes: ergo timor non est peccatum.

Sed Contra est, quod Dominus dicit Matth. 10.
Nec timere eos, qui occidunt corpus. Et Ezech. 10.
dicitur: Non timeas, neque sermones eorum erubet.

Respondeo dicendum, quod aliquid dicitur esse peccatum in actione humanis propter inordinationem: nam bonum actus hominum in ordine quodam consistit, ut e supra dictis patet: (109. 2. 114. 1.)
Est autem hic debitus ordo, ut appetitus regimini rationis subdatur. Ratio autem dictat, aliqua esse fugienda, & aliqua prosequenda: Et inter fugienda, quædam dictat magis fugienda, quam alia: Et similiter etiam inter prosequenda, quædam dictat esse magis prosequenda, quam alia: Et quantum est bona prosequendum, tantum est aliquid oppositum malum fugiendum: Inde est, quod ratio dictat, quædam bona magis esse prosequenda, quam quædam mala fugienda.
Quando ergo appetitus fugit ea, quæ ratio dictat, esse sustinenda, ne desistat ab aliis, quæ magis prosequi debet, timor inordinatus est, & habet rationem peccati. Quando autem appetitus timendo refutavit id, quod est secundum rationem fugiendum, tunc appetitus non est inordinatus, nec peccatum.

Ad primum ergo dicendum, quod timor communiter dictus secundum suam rationem importat universaliter fugam. Unde quantum ad hoc non importat rationem boni, vel mali. Et similiter est de qualibet alia passione. Et ideo Philosophus dicit, quod passiones non sunt laudabiles, neque vituperabiles: quia scilicet non laudantur, neque vituperantur, qui irascuntur, vel timent, sed qui circa hæc aut ordinate, aut inordinate se habent.

Ad secundum dicendum, quod timor ille, ad quem inducit Apostolus, est conveniens rationi; ut scilicet se vus timeat, ne deficiat in obsequiis, quæ domino debet impendere.

Ad tertium dicendum, quod mala, quibus homo resistere non potest, & ex quorum sustinentia nihil boni provenit homini, ratio dictat esse fugienda. Et ideo timor talium non est peccatum.

Virum peccatum timoris opponatur fortitudini.

Ad secundum sic proceditur. Videtur, quod peccatum timoris non opponatur fortitudini. Fortitudo enim est circa pericula mortis, ut supra habitum est: (q. 143. n. 4. s.) Sed peccatum timoris non semper pertinet ad pericula mortis; quia super illud Psalm. 127. *Blessed are they which trust in the Lord*, Glossa (ord. August. tom. 8.) dicit, quod *humanus timor est, quo timemus pati persecutio carnis, vel perdere mundi bona: & super illud Matth. 26. Oravit tertio eundem sermonem &c.* dicit Glos. (ord. Aug. lib. 1. Q. Evangelic. q. ult. tom. 4.) quod *triplex est malus timor, scil. timor mortis, timor doloris, & timor militaris: non ergo peccatum timoris opponitur fortitudini.*

2. Præterea. Præcipuum, quod commendatur in fortitudine est, quod exponit se periculis mortis: Sed quandoque aliquis ex timore servitutis, vel ignominiae exponit se morti; sicut August. in 1. de civ. Dei (cap. 24. tom. 5.) narrat de Catone, qui ut non incurreret Cæsaris servitutem, morti se tradidit: ergo peccatum timoris non opponitur fortitudini, sed magis habet similitudinem cum ipsa.

3. Præterea. Omnis desperatio procedit ex aliquo timore: Sed desperatio non opponitur fortitudini, sed magis spei, ut supra habitum est. (q. 20. n. 1. cap. 2. q. 40. n. 4.) ergo neque peccatum timoris opponitur fortitudini.

Sed Contra est, quod Philosophus in 2. Ethicor. (ap. 7.) & in 3. (ap. 7. tom. 5.) timiditatem ponit fortitudini oppositam.

Respondeo dicendum, quod, sicut supra dictum est (q. 19. n. 3. cap. 1. 2. q. 43. n. 1.) omnis timor ex amore procedit. Nullus enim timet, nisi contrarium ejus quod amat. Amor autem non determinatur ad aliquid genus virtutis, vel vitiæ: Sed amor ordinatus includitur in qualibet virtute: quilibet enim virtuosus amat proprium bonum virtutis: Amor autem inordinatus includitur in quo-

quolibet peccato. Ex amore enim inordinato procedit inordinata cupiditas. Unde similiter *inordinatus timor includitur in quolibet peccato*: sicut avarus timet amissionem pecuniae, intemperatus amissionem voluptatis; & sic de aliis.

Sed timor praecipuus est periculorum mortis, ut probatur in 3. Ethic. (cap. 6. à med. ium. 5.) Et ideo *salus timoris inordinatio opponitur fortitudini*, quae est circa pericula mortis. Et propter hoc antonomastice dicitur timiditas fortitudini opponi.

Ad primum ergo dicendum, quod auctoritates illae loquuntur de timore inordinato communiter sumpto, qui diversis virtutibus opponi potest.

Ad secundum dicendum, quod actus humani praecipue dijudicantur ex fine, ut ex supra dictis patet: (1. 2. q. 1. a. 3. & q. 18. a. 6.) Ad fortem autem pertinet, ut se exponat periculis mortis propter bonum. Sed ille qui se periculis mortis exponit, ut fugiat servitatem, vel aliquid laboriosum, à timore vincitur, quod est fortitudini contrarium. Unde Philosoph. dicit in 3. Ethic. (cap. 7. ad fin. tom. 5.) quod *mori fugientem inopiam, vel cupidinem, vel aliquod triste, non est fortis, sed magis timidi. Mollities est enim fugere laboriosa*.

Ad tertium dicendum, quod, sicut supra dictum est, (1. 2. q. 45. a. 2.) sicut spes est principium audaciae, ita timor est principium desperationis. Unde sicut ad fortem, qui utitur audacia moderate, praexigitur spes; ita è converso desperatione ex aliquo timore procedit. Non autem oportet, quod quilibet desperatione procedat ex timore quolibet, sed ex eo, qui est generis sui. Desperatione autem, quae opponitur spei, ad aliud genus referatur, scilicet ad res divinas. Timor autem, qui opponitur fortitudini pertinet ad pericula mortis. Unde ratio non sequitur.

ARTICULUS III.

636

Utrum timor sit peccatum mortale.

Ad Tertium sic proceditur. Videtur, quod timor non sit peccatum mortale. Timor enim, ut supra dictum est,

est; (1. 2. q. 23. n. 1.) est in irascibili, quæ est pars sensualitatis; Sed in sensualitate est tantum peccatum veniale, ut supra habitum est. (1. 2. q. 74. n. 4.) ergo timor non est peccatum mortale.

2. Præterea. Omne peccatum mortale totaliter cor avertit à Deo: Hoc autem non facit timor. Quia super illud Iudicium 7. *Qui formidolosus est &c.* dicit Glos. (ordinar.) quod *timidus est, qui primo aspectu ad congressum trepidat, non tamen toto corde terretur, sed reparari, & animari denuo potest*: ergo timor non est peccatum mortale.

Præterea. Peccatum mortale non solum retrahit à perfectione, sed etiam à præcepto: Sed timor non retrahit à præcepto, sed solum à perfectione: quia super illud Deut. 20. *Quis est homo formidolosus; & corde pavido &c.* dicit Gloss. (ordinar. Isid.) *Docet, non posse quemquam professionem contemplationis, vel militia spiritualis arripiere, qui adhuc nudari terrenis opibus pertimescit*: ergo timor non est peccatum mortale.

Sed Contra est, quod pro solo peccato mortali debetur pena inferni: Quæ tamen debetur timidis, secundum illud Apoc. 21. *Timidi, & incredulisi, & execrati &c.* pars erit in stagna ionis, & sulphuri, quod est mors secunda: ergo timiditas est peccatum mortale.

Respondeo dicendum, quod, sicut supra dictum est, (art. 1. huj. q.) timor peccatum est, secundum quod est inordinatus; prout scilicet refugit quod non est secundum rationem refugiendum. Hæc autem inordinatio timoris quandoque quidem consistit in solo appetitu sensitivo, non superveniente consensu rationalis appetitus: Et non potest esse peccatum mortale, sed solum veniale.

Quandoque vero hujusmodi inordinatio timoris pertinet usque ad appetitum rationalem, qui dicitur voluntas, quæ ex libero arbitrio refugit aliquid non secundum rationem: Et alis in modo ratio timoris quandoque est peccatum mortale, quandoque veniale.

Si enim aliquis propter timorem, quo refugit periculum moris, vel quodcumque aliud temporale malum, sic

sic dispositus est ut faciat aliquid prohibitum , vel prætermittat aliquid quod est præceptum in lege divina . talis timor est peccatum mortale . Alioquin erit peccatum veniale .

Ad primum ergo dicendum , quod ratio illa procedit de timore , secundum quod consistit intra sensualitatem .

Ad secundum dicendum , quod etiam Glossa illa potest intelligi de timore in sensualitate existente .

Vel potest melius dici , quod ille toto corde territur , cuius animum timor vincit irreparabiliter . Potest autem contigere , quod etiamsi timor sit peccatum mortale , non tamen aliquid ita obstinate terretur , quia persuasionibus revocari possit : sicut quandoque aliquis mortaliter peccans , concupiscentiae consentiendo , revocatur , ne opere impleat , quod proposuit facere .

Ad tertium dicendum , quod Glossa illa loquitur de timore revocante hominem à bono , quod non est de necessitate præcepti , sed de perfectione consilii . Talis autem timor non est peccatum mortale , sed quandoque veniale : Quandoque etiam non est peccatum , puta cum aliquis habet rationabilem causam timoris .

ARTICULUS IV.

637

Virum timor excusat à peccato.

Ad Quartum sic proceditur . Videtur , quod timor non excusat à peccato . Timor enim est peccatum , ut dictum est : (*ad i. huj. q.*) Sed peccatum non excusat à peccato seu magis aggravat ipsum : ergo timor non excusat à peccato .

2. Præterea . Si aliquis timor excusat à peccato , maxime excusaret timor mortis , qui dicitur cadere in constantem virum : Sed hic timor non videtur excusare , quia cum mors ex necessitate immineat omnibus , non videtur esse timenda : ergo timor non excusat à peccato .

3. Præterea . Omnis timor aut est mali temporalis , aut spiritualis : Sed timor mali spiritualis non potest ex-

excusare peccatum; quia non inducit ad peccandum, sed magis retrahit à peccato: Timor etiam mali temporalis non excusat à peccato; quia, sicut Philos. dicit in 3. Ethic. (cap. 6. ante med. tom. 5.) *inopiam non oportet timere, neque aegritudinem, neque quacumque non à propria malitia procedant: ergo videtur, quod timor nullo modo excuset à peccato.*

Sed Contra est, quod dicitur in Decret. I. q. I. (cap. Constat.) *Vim passus, & invitus ab hereticis ordinatus, colorem habet excusationis.*

Respondeo dicendum, quod, sicut supra dictum est, (art. præc.) timor in tantum habet rationem peccati, in quantum est contra ordinem rationis. Ratio autem judicat, quædam mala esse magis aliis fugienda. Et ideo quicumque ut fugiat mala, qua secundum rationem sunt magis fugienda, non refugit mala, qua sunt minus fugienda, non incurrit peccatum: sicut magis est fugienda mors corporalis, quam amissio rerum temporalium. Unde si quis propter timorem mortis latronibus aliquid promitteret, aut daret, excusaretur à peccato; quod incurriteret, si sine causa legitima, prætermisso bonis, quibus esset magis dandum, peccatoribus largiretur.

Si autem aliquis per timorem fugiens mala, qua secundum rationem sunt minus fugienda, incurrat mala, qua secundum rationem sunt magis fugienda, non posset totaliter à peccato excusari: quia timor talis inordinatus esset.

Sunt autem magis timenda mala animæ, quam mala corporis: corporis autem magis, quam mala exteriorum rerum. Et ideo si quis incurrit mala animæ, id est peccata, fugiens mala corporis, puta flagella, vel mortem, aut mala exteriorum rerum, puta damnum pecuniae, aut si sustinent mala corporis, ut viuet damnum pecuniae, non excusatur totaliter à peccato.

Diminuitur tamen secundum aliquid ejus peccatum; quia minus voluntarium est, quod ex timore agitur. Imponitur enim homini quædam necessitas aliquid faciendi propter timorem imminentem.

Unde Philosophus (lib. 3. Ethic. cap. I. tom. 5.) hu-

hujusmodi, quæ ex timore fiunt, dicit esse non sibi pliciter voluntaria, sed mixta ex voluntario, & involuntario.

Ad primum ergo dicendum, quod timor non exsat ex ea parte qua est peccatum, sed ex ea parte quæ est involuntarium.

Ad secundum dicendum, quod licet mors omnibus immineat ex necessitate, tamen ipsa diminutio temporalis vitæ est quoddam malum, & per consequens timendum.

Ad tertium dicendum, quod secundum Stoicos, qui ponebant bona temporalia non esse hominis bona, si quitur ex consequenti, quod mala temporalia non sunt hominis mala, & per consequens nullo modo timenda. Sed secundum August. in lib. 2. de lib. arb. (cap. 10. & 19. tom. I.) hujusmodi temporalia sunt minima bona: quod etiam Peripatetici senserunt: & ideo contra eorum sunt quidem timenda; non tamen multum ut pro eis recedatur ab eo, quod est bonum secundus virtutem.

Q U A E S T I O C X X V I .

De Intimiditate, in duos articulos divisa.

D einde considerandum est de vitio Intimidatis,

Et circa hoc queruntur du-

Primo. Utrum intimidum esse sit peccatum.

Secundo. Utrum opponatur fortitudini.

A R T I C U L U S I .

638

Utrum Intimiditas sit peccatum.

A d Primum sic proceditur. Videtur, quod intimiditas non sit peccatum. Quod enim ponitur in commendationem viri justi, non est peccatum: Sed in commendationem viri justi dicitur Proverb. 28. *Justus, quasi leo confidens, absque terrore erit;* ergo esse impavidum non est peccatum.

Pra-

2 Præterea. Maximum terribilium est mors, secundum Philos. in 3. Eth. (c. 6. a med. tom. 5.) Sed nec mortem oportet timere, secundum illud Matth. 10. *Nolite timere eos, qui occidunt corpus &c.* nec etiam aliquid, quod ab homine posset inferri, secundum illud Isai. 51. *Quis tu, ut timeas ab homine mortali?* ergo impavidum esse non est peccatum.

3 Præterea. Timor ex amore nascitur, ut supra habitum est. (I. præc. a. 2.) Sed nihil mundanum amare pertinet ad perfectionem virtutis; quia ut Aug. dicit 14* de civ. Dei, (cap. 28. in princ. ton. 5.) *amor Dei nusque ad contemptum sui facit civis civitatis cœlestis;* ergo nihil humanum formidare, videtur non esse peccatum.

Sed Contra est, quod de judice iniquo dicitur Luc. 18. quod *nec Deum timebat, nec hominem reverebatur.*

Respondeo dicendum, quod quia timor ex amore nascitur, idem judicium videtur esse de amore, & timore. Agitur autem nunc de timore, quo mala temporalia timentur, qui provenit ex temporalium bonorum amore. Inditum autem est unicuique naturaliter, ut propriam vitam amet, & ea quæ ad ipsam ordinantur, cum debito modo; ut scilicet amentur hujusmodi, non quasi finis constituantur in eis, sed secundum quod eis utendum est propter ultimum finem. Unde quod aliquis deficiat à debito modo amoris ipsorum, est contra naturalem inclinationem, & per consequens est peccatum.

Numquam tamen à tali amore aliquis totaliter decedit: quia id quod est naturale, totaliter perdi non potest. Propter quod Apostolus dicit ad Eph. 5. *Nemo unquam carnem suam odio habuit.* Unde etiam illi qui seipso interimunt, ex amore carnis suæ hoc faciunt quam volunt à praesentibus angustiis liberare. Unde contingere potest, quod aliquis minus quam debeat, timet mortem, & alia temporalia mala, propter hoc quod minus debito amet ea: Sed quod nihil lorum timet, non potest ex totali defectu amoris contingere, sed ex eo quod æstimat, mala opposita bonis, quæ amat, sibi supervenire non posse. Quod quandoque con-

tin-

tingit ex superbia animi de se præsumentis, & contemnitis, secundum quod dicitur Job 41. *Fan-*
est, ut nullum timeret: omne sublime videt: Qu-
doque autem contingit ex defectu rationis; sicut
dicit in 3. Ethic. (cap. 7. cir. med. tom. 5.) *Celta* proper *stultitiam nihil timent.*

Unde patet, quod esse impavidum est vitiosum, ve causetur ex defectu amoris, sive causetur ex elatione animi, sive cansetur ex stoliditate; quæ tamen existat à peccato, si sit invincibilis.

Ad Primum ergo dicendum, quod justus communitatur à timore non retrahente eum à bono, non sit absque omni timore. Dicitur enim Eccl. *Qui timore est, non poterit justificari.*

Ad secundum dicendum, quod mors, vel quicunque aliud ab homine mortali potest inferri, non est exactio timendum, ut à Justitia recedatur: Est tam timendum, in quantum per hoc homo potest impediri operibus virtutis, vel quantum ad se vel quantum profectum, quem in aliis facit. Unde dicitur Proverb. *Sapientia timet, & declinat à male.*

Ad tertium dicendum, quod bona temporalia debent contemni, in quantum nos impediunt ab amore, timore Dei: Et secundum hoc etiam non debent meri. Unde dicitur Eccli. 34. *Qui timet Dominum nihil trepidabit. Non autem debent contemni bona temporalia, in quantum instrumentaliter nos juvant ad quæ sunt divini timoris, & amoris.*

ARTICULUS. II.

Vtrum esse impavidum opponatur fortitudini.

*a. dist. 26. q. 2. a. 2. ad 4. & d. 34. q. 1. h. s.
cor. fin. & d. 44. q. 2. a. 1. n. 4.*

*A*ad Secundum sic proceditur. Videtur, quod esse impavidum non opponatur fortitudini. De habitibus enim judicamus per actus: Sed nullus actus fortitudinis impeditur per hoc, quod aliquis est impavidus: removet enim timore, aliquis & fortiter sustinet, & audacem

agreditur : ergo esse impavidum non opponitur fortitudini.

2. Præterea. Esse impavidum est vitiosum , vel propter defectum debiti amoris , vel propter superbiam , vel propter stultitiam : Sed defectus debiti amoris opponitur charitati , superbia autem humilitati , stultitia autem prudentiæ , sive sapientiæ : ergo vitium impaviditatis non opponitur fortitudini.

3. Præterea. Virtuti opponuntur vicia , sicut extrema medio : Sed unum medium ex una parte non habet nisi unum extremum : cum ergo fortitudini ex una parte opponatur timor , ex alia vero parte opponatur ei audacia , videtur , quod impaviditas ei non opponatur.

Sed contra est , quod Philos. in 3. Eth. (c. 7. tom. 5.) ponit impaviditatem fortitudini oppositam.

Respondeo dicendum , quod sicut supra dictum est , (q. 123. a. 3.) fortitudo est circa timores , & audacias. Omnis autem virtus moralis ponit modum rationis in materia , circa quam est. Unde ad fortitudinem pertinet timor moderatus secundum rationem ; ut scilicet homo timeat quod oportet , & quando oportet , & similiter de aliis. Hic autem modus rationis corrumpi potest sicut per excessum , ita & per defectum.

Unde sicut timiditas opponitur fortitudini per excessum timoris , in quantum scilicet homo timet quod non oportet , vel secundum quod non oportet ; ita etiam impaviditas opponitur ei per defectum timoris , in quantum scilicet aliquis non timet , quod oportet timere.

Ad primum ergo dicendum , quod actus fortitudinis est , timorem sustinere , & aggredi , non qualitercumque , sed secundum rationem : quod non facit impavidus.

Ad secundum dicendum , quod impaviditas ex sua specie corruptum medium fortitudinis : & ideo directe opponitur fortitudini : Sed secundum suas causas nihil prohibet quin opponatur aliis virtutibus.

Ad tertium dicendum , quod vitium audaciæ opponitur fortitudini secundum excessum audaciæ , impaviditas autem secundum defectum timoris Fortitudo autem in utraque passione medium ponit. Unde non est inconveniens

niens, quod secundum diversa habeat diversa extrema,

QUÆSTIO CXXVII.

De Audacia, in duos articulos divisa.

Deinde considerandum est de Audacia.

Et circa hoc queruntur duo.

Primo. Utrum audacia sit peccatum.

Secundo. Utrum opponatur fortitudini.

ARTICULUS I.

640

Utrum Audacia sit peccatum.

Ad Primum sic proceditur. Videtur, quod audacia non sit peccatum. Dicitur enim Job 39. de equo, per quem designatur bonus Prædicator, secundum Gregor. in Moral. (l. 31. c. 11.) quod *audacter in occursum pergit armatis*: Sed nullum vitium cedit in commendationem alicujus: ergo esse audacem non est peccatum.

2. Præterea. Sicut Philos. in 6. Ethic. (c. 9. à princ. tom. 5.) Oportet consiliari quidem tarde, operari autem velociter consiliata: Sed ad hanc velocitatem operandi juvat audacia: ergo audacia non est peccatum, sed magis aliquid laudabile.

3. Præterea. Audacia est quedam passio, quæ causatur à spe, ut supra habitum est, (I. 2. q. 45. n. 2.) cum de passionibus ageretur: Sed spes non ponitur peccatum, sed magis virtus: ergo nec audacia debet poniri peccatum.

Sed Contra est, quod dicitur Eccles. 8. *Cum audiari non eas in via, ne forte gravet mala sua in te.* Nullius autem societas est declinanda, nisi propter peccatum: ergo audacia est peccatum.

Respondeo dicendum, quod audacia, sicut supra dictum est, (I. 2. q. 23. n. 1. & q. 45.) est quedam passio. Passio autem quandoque quidem est moderata secundum rationem, quandoque autem caret moderatione vel per excessum, vel per defectum. Et se-

cunda

candum hoc est passio vitiosa. Sumuntur aufem quandoque nomina passionum à superabundantī : sicut ira dicitur non quæcumque , sed superabundans , prout scilicet est vitiosa.

Et hoc etiam modo *audacia per superabundantiam dicta ponitur esse peccatum.*

Ad primum ergo dicendum , quod audacia ibi sumitur , secundum quod est moderata ratione , sic enim pertinet ad virtutem fortitudinis.

Ad secundum dicendum , quod operatio festina commendabilis est post consilium , quod est actus rationis : Sed si quis ante consilium vellet festine agere , non esset hoc laudabile , sed vitiosum : esset enim quædam præcipitatio actionis , quod est vitium prudentiae oppositum , ut supra dictum est. (q. 53. a. 3.) Et ideo audacia , quæ operatur ad velocitatem operandi , in tantum laudabilis est , in quantum à ratione ordinatur.

Ad tertium dicendum , quod quædam vitia innominata sunt , & similiter quædam virtutes , ut patet per Phil. in 4. Ethic. (cap. 4. 5. 6. 7. 2. cap. 7. tom. 5.) Et ideo oportuit in quibusdam passionibus uti nomine virtutum & vitiorum. Præcipue autem illis passionibus utimur ad vitia designanda , quarum objectum est malum ; sicut patet de odio , timore , ira , & audacia. Spes autem , & amor habent bonum pro objecto ; & ideo magis eis utimur ad designanda nomina virtutum.

ARTICULUS II.

641

Utrum audacia opponatur fortitudini.

Ad Secundum sic proceditur. Videtur , quod audacia non opponatur fortitudini. Superfluitas enim audaciæ videtur ex animi præsumptione procedere : Sed præsumptio pertinet ad superbiam , quæ opponitur humilitati: ergo audacia magis opponitur humilitati , quam fortitudini.

² Præterea. Audacia non videtur esse vituperabilis ,
ni-

nisi in quantum ex ea provenit vel nocumentum quod ipsi audaci , qui se periculis inordinate ingel etiam aliis , quos per audaciam aggreditur , vel pericula præcipitat : Sed hoc videtur ad iustitiæ pertinere : ergo audacia , secundum quod est peccatum non opponitur fortitudini , sed justitiæ.

3. Præterea. Fortitudo est circa timores , & audacias , ut dictum est : (q. 123. a. 3.) Sed quia miditas opponitur fortitudini secundum excessum timoris , habet aliud vitium oppositum timiditati secundum defectum timoris : si ergo audacia opponitur fortitudini propter excessum audaciæ , pari ratione operi aliquod vitium propter audaciæ defectum : Sed non invenitur : ergo nec audacia debet poni vitium oppositum fortitudini.

Sed contra est , quod Philos. in 2. & 3. Ed. (c. 7. utrobique , tom. 5.) ponit audaciam fortitudini oppositam.

Respondeo dicendum , quod ut supra dictum est (q. præ. ar. 2.) ad virtutem moralem pertinet secundum rationis servare in materia , circa quam est ideo omne vitium , quod importat immoderantiam causa materiam alicujus virtutis moralis , opponitur illi virtuti morali , sicut immoderatum moderato.

Audacia autem , secundum quod sonat vitium importat excessum passionis , quæ audacia dicitur. Usque manifestum est , quod opponitur virtuti fortitudini quæ est circa timores , & audacias , ut supra dictum est. (q. 123. a. 3.)

Ad Primum ergo dicendum , quod oppositio vitii ad virtutem non attenditur principaliter secundum causam vitii , sed secundum ipsam vitii speciem. Et ideo non oportet , quod audacia opponatur eidem virtuti cui opponitur præsumptio , quæ est causa ipsius.

Ad secundum dicendum , quod sicut directe oppositio vitii non attenditur circa ejus causam ; ita etiam non attenditur secundum ejus effectum. Nocumentum autem , quod provenit ex audacia , est effectus ipsius. Unde nec etiam secundum hoc attenditur audacia oppositio.

Ad tertium dicendum, quod motus audaciæ consis-
tit in invadendo id, quod est homini contrarium ad
quod natura inclinat, nisi in quantum talis inclinatio
impeditur per timorem patiendi nocentum ab eo. Et
ideo vitium, quod excedit in audacia, non habet con-
trarium defectum, nisi timiditatem tantum. Sed auda-
cia non semper concomitantur tantum defectum timidi-
tatis; quia, sicut Philos. dicit in 3. Ethic. (cap. 7.
tom. 5.) *audaces sunt prævolantes, & volentes ante per-
icula, sed in ipsis discedunt, scilicet, præ timore.*

QUÆSTIO CXXVIII.

De partibus Fortitudinis.

Deinde considerandum est de partibus fortitudinis.
Et Primo considerandum est, quæ sint fortitudinis partes.
Secundo. De singulis partibus est agendum.

ARTICULUS UNICUS. 641

Utrum partes fortitudinis convenienter enumeraentur.

*Inf. q. 129. a. 5. & q. 134. a. 4. & q. 136. a. 4.
& q. 161. a. 4. ad 3. & 3. d. 33. q. 3. a. 3.
q. 2. & 4.*

Ad primum sic proceditur. Videtur, quod inconvenienter partes fortitudinis enumeraentur. Tullius enim in sua Rhetor. (l. 2. de Invent. aliquant. ante fin.) ponit fortitudinis quatuor partes, scilicet magnificetiam, fiduciam, patientiam, & perseverantiam: Et videtur, quod inconvenienter. Magnificentia enim videtur ad liberalitatem pertinere; quia utraque est circa pecunias, & necesse est magnificentum liberale esse, ut Philos. dicit in 4. Ethicor. (c. 2. tom. 5.) Sed liberalitas est pars justitiae, ut supra habitum est: (q. 117. a. 5.) ergo magnificentia non debet poni pars fortitudinis.

2. **Præterea.** Fiducia nihil aliud videtur esse, quam spes: sed spes non videtur ad fortitudinem pertinere, sed potius per se est virtus: ergo fiducia non debet poni pars fortitudinis.

3. Præterea. Fortitudo facit hominem bene se habere circa pericula: Sed magnificentia, & fiducia non important in sui ratione aliquam habitudinem ad pericula: ergo non ponuntur convenienter partes fortitudinis.

4. Præterea. Patientia secundum Tullium (*loc. cit.*) importat difficultatem perseverationem; quod et ipse attribuit fortitudini: ergo patientia est idem fortitudini, & non est pars ejus.

5. Præterea. Illud quod requiritur in qualibet virtute, non debet poni pars alicujus specialis virtutis: perseverantia requiritur in qualibet virtute: dicitur Matth. 24. *Qui perseveraverit usque in finem, hic servabitur:* ergo perseverantia non debet poni pars fortitudinis.

6. Præterea. Macrobius (*l. 1. in somni. Scip. circ. med.*) ponit septem partes fortitudinis, scilicet magnanimitatem, fiduciam, securitatem, magnificientiam, constantiam, tolerantiam, firmitatem. Andronicus et ponit septem virtutes annexas fortitudinai, quæ sunt psychia, lena, magnanimitas, virilitas, perseverantia, magnificientia, andragathia: ergo videtur, quod inscinter Tullius partes fortitudinis enumeraret.

7. Præterea. Arist. in 3. Ethic. (*c. 8. tom. 5.*) proquisitum quinque partes fortitudinis: quarum prima est pars fortiter operatur propter timorem vel exhortationem vel proximam: secunda est militaris, quae fortiter operatur propter artem, vel experientiam rei bellicae: tercias fortitudo, quae fortiter operatur ex passione, praecepit quarta est fortitudo, quae fortiter operatur propter constantinem victoriae: quinta est fortitudo, quae fortiter operatur propter inexperienced periculorum. Has autem studines nulla praedictarum enumerationum continet: go praedictæ enumerationes partium fortitudinis videtur esse inconvenientes.

Respondeo dicendum, quod, sicut supra dictum (q. 48.) alicujus virtutis possint esse triplices pars, scilicet subjectivæ, integrales, potentiales. Fortitudinem, secundum quod est specialis virtus, non possunt significare partes subjectivæ; eo quod non dividitur in tantas virtutes specie differentes, quia est circa materiam valde specialem.

Assignantur autem ei partes quasi integrales, 8

tentiales: *integrales* quidem secundum ea, quæ oportet concurrere ad actum fortitudinis: *potentiales* autem, secundum quod ea quæ fortitudo observat circa difficultima, scilicet circa pericula mortis, aliquæ aliae virtutes observant circa quasdam alias materias minus difficultiles: quæ quidem virtutes adjunguntur fortitudini, sicut secundariæ principali. Est autem, sicut supra dictum est, (q. 123. a. 3. v. 6.) *duplex* fortitudinis actus, scilicet *aggrexi* & *sustinere*. Ad actum autem aggrediendi duo requiruntur. Quorum *primum* pertinet ad animi præparationem, ut scilicet aliquis promptum animum habeat ad aggrediendum. Et *quantum* ad hoc posuit Tullius fiduciam. Unde dicit, (*loc. cit. in arg. I.*) quod fiducia est, per quam magnis, & honestis in rebus multum ipse animus in se fiducia certa cum spe collocavit. Secundum autem pertinet ad operis executionem, ne scilicet aliquis deficiat in executione illorum, quæ fiducialiter inchoavit: et *quantum* ad hoc posuit Tullius magnificiam. Unde dicit, quod magnificia est rerum magniarum, & excelsarum cum animi ampla quadam, & splendida propositione agitatio, atque administratio, id est, executio; ut scilicet amplio proposito administratio non desit. Hæc ergo duo si coarctentur ad propriam materiam fortitudinis, scilicet ad pericula mortis, erunt quasi partes *integrales* ipsius, sine quibus fortitudo esse non potest. Si autem referantur ad alias materias, in quibus est minus difficultatis, erunt virtutes distinctæ à fortitudine secundum speciem suam. Tamen adjungentur ei, sicut secundarium principali. Sicut magnificia à Philosopho in 4. Ethicor. (c. 2. tom. 5.) ponitur circa magnos sumptus: *magnanimitas* autem, quæ videtur idem esse fiducia, magnos honores.

Ad aliud autem actum fortitudinis, qui est sustinere, duo requiruntur. Quorum *primum* est, ne difficultate imminentium malorum animus frangatur per tristitiam, & decidat à sua magnitudine. Et *quantum* ad hoc posuit patientiam. Unde dicit, quod patientia est honestatis, aut utilitatis causa, rerum arduarum, aut difficultarum voluntaria, ac diurna perpessio. Allud autem est, ut ex diurna difficultate passione homo non fatigatur usque ad hoc quod desistat, secundum illud Hebr. 12. *Non fatige-*

minim animis vestris deficientes. Et quantum ad hoc pon
perseverantiam. Unde dicit, quod perseverantia est
ratione bene considerata stabilis, & perpetua permanens.
Hæc etiam duo si coarctentur ad propriam materiam for
titudinis, erunt partes quasi integrales ipsius: Si autem
ad quascumque materias difficiles referantur, erunt vir
tutes à fortitudine distinctæ, & tamen ei adjungentur
sicut secundariæ principali.

Ad primum ergo dicendum, quod magnificentia o
ea materiam liberalitatis addit quandam magnitudinem
quæ pertinet ad rationem ardui, quod est objectum ira
cibilis, quam principaliter perficit fortitudo: & ex ha
parte pertinet ad fortitudinem.

Ad secundum dicendum, quod spes, qua quis de Deo
confidit, ponitur virtus theologica, ut supra habitum est
(q. 17. a. 5. & 1. 2. q. 62. a. 3.) Sed per fiduciam
quæ nunc ponitur fortitudinis pars, homo habet spe
in seipso, tamen sub Deo.

Ad tertium dicendum, quod quascumque res magna
aggrederi, videtur periculum esse: quia in his defici
est valde nocivum. Unde etiamsi magnificentia, &
fiducia circa quæcumque alia magna operanda, vel aggr
dienda ponantur, habent quandam affinitatem cum for
titudine ratione periculi imminentis.

Ad quartum dicendum, quod patientia non solus
patitur pericula mortis, circa quæ est fortitudo, absq
superabundanti tristitia, sed etiam quæcumque alia di
ficia, sive periculosa. Et secundum hoc ponitur vir
adjuncta fortitudini: in quantum autem est circa peric
lia mortis, est pars integralis ipsius.

Ad quintum dicendum, quod perseverantia, secun
dum quod dicit continuitatem boni operis usque in
inem, circumstantia omnis virtutis esse potest. Ponit
autem pars fortitudinis, secundum quod dictum est. (
c. a.)

Ad sextum dicendum, quod Macrobius ponit quatuor
predicta à Tullio posita, scilicet fiduciam, magnifica
tiam, tolerantiam, quam ponit loco patientiae, & firm
itatem, quam ponit loco perseverantiae. Superaddit autem
tria, quorum duo, scilicet magnanimitas, & securitas,
Tullio sub fiducia comprehenduntur. Sed Macrobius m

gis per specialia distinguit. Nam fiducia importat spem hominis ad magna: spes autem cuiuslibet rei præsupponit appetitum in magna protensum per desiderium, quod pertinet ad magnanimitatem. Dictum est enim supra, (1. 2. q. 40. a. 7.) quod spes præsupponit amorem, & desiderium rei speratæ. Vel potest melius dici, quod fiducia pertinet ad spei certitudinem: magnanimitas autem ad magnitudinem rei speratæ. Spes autem firma esse non potest, nisi amoveatur contrarium: quandoque enim aliquis, quantum ex seipso est, speraret aliquid, sed spes tollitur propter impedimentum timoris: timor enim quodammodo spei contrariatur, ut supra habitum est. (1. 2. q. 40. a. 4. ad 1.) Et ideo Macrobius addit securitatem, quæ excludit timorem. Tertium autem addit, scilicet constantiam, quæ sub magnificentia comprehendi potest. Oportet enim in his, quæ magnifice aliquis facit, constantem animum habere. Et ideo Tullius ad magnificentiam pertinere dicit non solum administrationem rerum magnarum, sed etiam animi amplam excogitationem ipsarum. Potest etiam constantia ad perseverantiam pertinere, ut perseverans dicitur aliquis ex eo, quod non desistit propter diurnitatem, constans autem ex eo, quod non desistit propter quæcumque alia repugnantia. Illa etiam quæ Andronicus ponit, ad eadem perlinere videntur. Ponit enim perseverantiam, & magnificientia cum Tullio, & Macrobi, magnanimitatem autem cum Macrobi. Lenia autem est idem, quod patientia, vel tolerantia: dicit enim, quod lenia est habitus promptus tributus ad contraria qualia oportet, & sustinere quæ ratio dicit. Eupsychia autem, id est, bona animositas, idem videtur esse quod securitas: dicit enim, quod est robur animæ ad perficiendum opera ipsius. Virilitas autem videtur idem esse quod fiducia: dicit enim, quod virilitas est habitus per se sufficiens, tributus in his quæ secundum virtutem sunt. Magnificentia autem addit andragathiam, quasi virilem bonitatem, quæ apud nos strenuitas potest dici. Ad magnificentiam autem pertinet, non solum quod homo consistat in executione magnorum operum, quod pertinet ad constantiam, sed etiam cum quadam virili prudentia, & solicitudine ea exequatur, quod pertinet ad andra-

gathiam, sive strenuitatem: unde dicit, quod andragathia est viri virtus adinventiva communacabilium operum. Et patet, quod omnes hujusmodi partes ad quatuor principes reducuntur, quas Tullius ponit.

Ad septimum dicendum, quod illa quinque, quae posuit Aristoteles, deficient à vera ratione virtutis: quia etsi convenient in actu fortitudinis, differunt tamen i motivo, ut supra habitum est. (q. 123. a. 1. ad 2.) Et ideo non ponuntur partes fortitudinis, sed quida fortitudinis modi.

QUÆSTIO CXXIX.

De Magnanimitate, In octo articulos divisa.

Deinde considerandum est de singulis fortitudinis partibus, ita tamen quod sub quatuor principalibus, quas Tullius ponit, alias comprehendamus, nisi quod magnanimitatem, de qua etiam Aristoteles tractat, loco fiduciae ponemus.

Primo. ergo considerandum erit de magnanimitate.

Secundo. De magnificentia.

Tertio. De patientia.

Quarto. De perseverantia.

Circa primum primo considerandum est de magnanimitate. *Secundo* de vitiis oppositis.

Circa primum queruntur octo.

Primo. Utrum magnanimitas sit circa honores.

Secundo. Utrum magnanimitas sit solum circa magnos honores.

Tertio. Utrum sit virtus.

Quarto. Utrum sit virtus specialis.

Quinto. Utrum sit pars fortitudinis.

Sexto. Quomodo se habeat ad fiduciam.

Septimo. Quomodo se habeat ad securitatem.

Octavo. Quomodo se habeat ad bona fortunæ.

ARTICULUS I.

643

Utrum magnanimitas sit circa honores.

*Sup. q. 28. & inf. præsentl q. a. 4. & 8. & q. 131.
a. 2. c. & 3. d. 26. q. 2. a. 2. ad 4. & d. 33. q. 3.
a. 3. q. 1. c. & ad 2. & d. 34. q. 1. a. 2. c.*

 Ad primum sic proceditur. Videtur, quod magnanimitas non sit circa honores. Magnanimitas enim est in irascibili: quod ex ipso nomine patet; nam *magnanimitas* dicitur quasi *magnitudo animi*: animus autem pro vi irascibili ponitur, ut patet in 3. de Anima (text. 42. tom. 2.) ubi Philosoph. dicit, quod *in sensitivo appetitu est desiderium, & animus, id est, concupisibilis, & irascibilis*: sed honor est quoddam bonum concupisibile, cum sit præmium virtutis: ergo videtur, quod magnanimitas non sit circa honores.

2. Præterea. Magnanimitas, cum sit virtus moralis, oportet quod sit circa passiones, vel operationes: non autem est circa operationes; quia sic esset pars justitiae. Et sic relinquitur, quod sit circa passiones. Honor autem non est passio: ergo magnanimitas non est circa honores.

3. Præterea. Ratio magnanimitatis videtur pertinere magis ad prosecutionem, quam ad fugam: dicitur enim magnanimus, quia ad magna tendit: sed virtuosi non laudantur ex hoc quod cupiunt honores, sed magis ex eo quod eos fugiunt: ergo magnanimitas non est circa honores.

Sed Contra est, quod Philos. dicit in 4. Ethicor. (cap. 3. tom. 5.) quod *magnanimitas est circa honores, & inhortationes.*

Respondeo dicendum, quod magnanimitas ex suo nomine importat quandam extensionem animi ad magna. Consideratur autem habitudo virtutis ad duo: primo ad materiam, circa quam operatur: alio modo ad actum proprium, qui consistit in debito usu talis materia. Et quia habitus virtutis principaliter ex actu determinatur, ex hoc principaliter dicitur aliquis magnanimus, quia habet animum ad aliquem magnum actum.

Aliquis autem rectus potest : dici *dupliciter magnus*
modo secundum proportionem : alio modo absolute. Magnus quidem potest dici actus secundum proportionem, etiam qui consistit in usu aliquius rei parvæ vel mediocris; puta si aliquis illa re optime utatur : sed simpliciter, & absolute magnus actus est, qui consistit in optimo usu rei maximæ.

Res autem, quæ in usum hominis veniunt, sunt res exteriores : inter quas simpliciter maximum est honorum quia propinquissimum est virtuti, utpote testificatio quedam existens de virtute aliquius, ut supra habitum est; (*q. 103. a. 1. 2^o 2.*) tum etiam quia Deo, & optimis exhibetur : tum etiam quia homines propter honorem consequendum, & vituperium vitandum, alia omnia postponunt. Sic autem dicitur aliquis magnanimus ex his, quæ sunt magna absolute, & simpliciter, sicut dicitur aliquis fortis ex his, quæ sunt difficultas, simpliciter. Et ideo consequens est, quod magnanimitas consistat circa honores.

Ad primum ergo dicendum, quod bonum, vel maius absolute quidem considerata petinent ad concupiscentiam : sed in quantum additur ratio ardui, sic pertinet ad irascibilem. Et hoc modo honorem respicit magnanimitas, in quantum scilicet honor habet rationem magni, vel ardui.

Ad secundum dicendum, quod honor etsi non sit passio, vel operatio, est tamen aliquius passionis objectum, scilicet spei, quæ tendit in bonum arduum. Et ideo magnanimitas est quidem immediate circa passionem spei, mediate autem circa honorem, sicut circa objectum spei; sicut & de fortitudine supra dictum est, (*q. 103. a. 4. 2^o 5.*) quod est circa pericula mortis, in quantum sunt objectum timoris, & audacie.

Ad tertium dicendum, quod illi qui contemnunt honores hoc modo, quod pro eis adipiscendis nil inconveniens faciunt, nec eos nimis appretiantur, laudabiles sunt. Si quis autem hoc modo contemneret honores, quod non curarent facere ea, quæ sunt digna honore, hoc vituperabile esset. Et hoc modo magnanimitas est circa honores, ut videlicet studeat facere ea, quæ sunt honore digna, non tamen sic ut pro magno aestimet humandum honorem.

Utrum magnanimitas de sui ratione habeat, quod sit circa magnum honorem.

Sup. q. 60. a. 3. c. & Inf. præsentis q. a. 4. ad 1. & q. 130. a. 2. ad 2. & 3. d. 9. q. 1. a. 1. q. 2. c. & q. 3. ad 3. & d. 34. g. 1. q. 2. c.

Ad secundum sic proceditur. Videtur quod magnanimitas de sui ratione non habeat, quod sit circa magnum honorem. Propria enim materia magnanimitatis est honor, ut dictum est: (*a. præc.*) sed *magnum*, & *parvum* accidentur honoris: ergo de ratione magnanimitatis non est, quod sit circa magnum honorem.

2. Præterea. Sicut magnanimitas est circa honores, ita mansuetudo est circa iras: sed non est de ratione mansuetudinis, quod sit circa iras magas, vel parvas: ergo etiam non est de ratione magnanimitatis, quod sit circa magnos honores.

3. Præterea. Parvus honor minus distat à magno honore, quam exhortatio: sed magnanimitas bene se habet circa exhortationes: ergo etiam circa parvos honores: non ergo est solum circa honores magnos.

Sed Contra est, quod Philos. dicit in 2. Ethic. (c. 7. tom. 5.) quod magnanimitas est circa magnos honores.

Respondeo dicendum, quod secundum Philos. in 7. Physic. (*text. 17. & 18. tom. 2.*) virtus est perfectio quadam; & intelligitur esse perfectio potentiae, ad cuius ultimum pertinet, ut patet in 1. de cœlo: (*text. 116. tom. 2.*) Perfectio autem potentiae non attenditur in qualcumque operatione, sed in operatione, quæ habet aliquam magnitudinem, aut difficultatem. Quælibet enim potentia, quantumcumque imperfecta, potest in aliquam operationem modicam, & debilem. Et ideo ad rationem virtutis pertinet, ut sit circa difficile, & bonum, ut dicitur in 2. Ethic. (com. 3. in fin. t. 5.)

Dificile autem, & *magnum* (quæ ad idem pertinet, in actu virtutis potest attendi *dupliciter*. Uno modo ex parte rationis, in quantum scilicet difficile est mecum

rationis adinvenire, & in aliqua materia statuere: Et ista difficultas solum invenitur in actu virtutum intellectualium, & etiam in actu justitiae. *Alia autem difficultas est ex parte materiæ, quæ de se repugnantiam habere potest ad modum rationis, qui est circa eam poneundus.* Et ista difficultas præcipue attenditur in aliis virtutibus moralibus, quæ sunt circa passiones; quia passiones pugnant contra rationem, ut Dionys. dicit 4. c. de div. nom. (par. 4. lect. 20. & 21.)

Circa quas considerandum est, quod quædam passiones sunt, quæ habent magnam vim resistendi rationi, principaliter ex parte passionis: quædam vero principaliter ex parte rerum, quæ sunt objecta passionum. Passiones autem non habent magnam vim repugnandi rationi, nisi fuerint vehementes, eo quod appetitus sensitivus, in quo sunt passiones, naturaliter subditur rationi. Et ideo virtutes, quæ sunt circa hujusmodi passiones, non ponuntur nisi circa id, quod est magnum in illis passionibus; sicut fortitudo est circa maximos timores, & audacias: temperantia autem circa maximarum delectationum concupiscentias: & similiter mansuetudo est circa maximas iras. Passiones autem quædam habent magnam vim repugnandi rationi ex ipsis rebus exterioribus, quæ sunt passionum objecta, sicut amor, vel cupiditas pecuniarum, siue honoris. Et in his oportet esse virtutem non solum circa id quod est maximum in eis, sed etiam circa mediocria, vel minora: quia res exterius existentes, etiamsi sint parvæ, sunt multum appetibiles, ut pote necessariæ ad vitam hominis. Et ideo circa appetitum pecuniarum sunt duæ virtutes: una quidem circa mediocres, vel moderatas, scilicet, liberalitas: alia autem circa pecunias magnas, scilicet, magnificentia.

Similiter etiam & circa honores sunt duæ virtutes. Una quidem circa mediocres honores, quæ innominata est: nominatur tamen ex suis extremis, quæ sunt philotimia, id est, amor, honoris; & aphilotimia, id est, sine amore honoris: laudatur enim quandoque qui amat honorem, quandoque autem qui non curat de honore; prout scilicet utrumque moderate fieri potest. Circa magnos autem honores est magnanimitas,

tas. Et ideo dicendum est, quod *propria materia magnanimitatis* est *magnus honor*; & ad ea tendit *magnanimus*, quæ sunt *magnis honore digna*.

Ad primum ergo dicendum, quod *magnum*, & *parvum* per accidens se habent ad honorem secundum se consideratum. Sed magnam differentiam faciunt, secundum quod comparantur ad ratiorem, cuius modum in usu honoris observari oportet, qui multo difficilior observatur in magis honoribus, quam in parvis.

Ad secundum dicendum, quod in *ira*, & in *aliis materiis* non habet difficultatem notabilem nisi illud quod est *máximum*, circa quod solum oportet esse virtutem. Alia autem est ratio de *divitiis*, & *honoribus*, quæ sunt res extra animam existentes.

Ad tertium dicendum, quod ille qui bene magnis ntitur, multo magis potest bene uti parvis. Magnanimus ergo intendit magnos honores; sicut quibus est dignus, vel etiam sicut minores his quibus est dignus; quia scilicet virtus non potest sufficienter honorari ab homine, cui debetur honor à Deo. Et ideo non extollitur ex magnis honoribus, quia non reputat eos supra se, sed magis eos contemnit, & multo magis moderatos, aut parvos. Et similiter etiam dehontorationibus non frangitur, sed eas contemnit, utpote quas reputat sibi indigne affiri.

ARTICULUS III.

645

Utrum magnanimitas sit virtus.

*Inf. q. 130. a. 2. v. 2. d. 42. q. 2. a. 4. cor. v. 4. d. 33.
q. 3. a. 2. ad 1. v. mal. q. 8. a. 2. c.*

Ad tertium sic proceditur. Videtur quod magnanimitas non sit virtus. Omni enim virtus moralis in medio consistit: sed magnanimitas non consistit in medio, sed in maximo; quia magnanimus *maximus dignificat seipsum* ut dicitur in *Ethic.* (c. 3. t. 5.) ergo magnanimitas non est virtus.

2. Præterea. Qui unam virtutem habet, habet omnes, ut supra habitum est: (1. 2. q. 65. a. 1.) Sed aliquis potest habere aliquam virtutem non habens mag-

animitatem : dicit enim Philos. in 4. Ethic. (c. 3. cir. princ. tom. 5.) quod qui est parvis dignus, & his dignificat seipsum, temperatus est, magnanimus autem non ergo magnanimitas non est virtus.

3. Præterea. *Virtus est bona qualitas mentis*, ut supra habitum est : (1. 2. q. 55. a. 4. Sed magnanimitas habet quasdam corporales dispositiones : dicit enim Philos. in 4. Ethic. (c. 3. à med. tom. 5.) quod motus lentus magnanimi videtur, & vox gravis, & locutio stabilis : ergo magnanimitas non est virtus.

4. Præterea. Nulla virtus opponitur humilitati nam magnanimus se dignum reputat magis, & alios contemnit, ut dicitur in 4. Ethic. (loc. cit.) ergo magnanimitas non est virtus.

5. Præterea. Cujuslibet virtutis proprietates sunt laudabiles : sed magnanimitas habet quasdam proprietates vituperabiles. Primo quidem, quia magnanimus non est memor beneficiorum : secundo, quia est otiosus, & tardus : tertio quia utitur ironia ad multos : quarto quia non potest aliis convivere : quinto, quia magis possidet iufructuosa, quam fructuosa : ergo magnanimitas non est virtus.

Sed Contra est, quod in laudem quorundam dicitur, 2. Machab. 14. Nicenor audiens virtutem comitum Iudee, & animi magnitudinem, quam pro patriæ certaminibus habebant &c. Laudabilia autem sunt solum virtutum opera : ergo magnanimitas, ad quam pertinet magnum animum habere, est virtus.

Respondeo dicendum, quod ad rationem virtutis humanae pertinet, ut in rebus humanis bonum rationis servetur, quod est proprium hominis bonum. Inter cæteras autem res humanas exteriores, honores præcipuum locum tenent, sicut dictum est, (a. 1. huj. q. & 1. 2. q. 2. a. 2. arg. 3.) Et ideo magnanimitas, quæ medium rationis ponit circa magnos honores, est virtus.

Ad primum ergo dicendum, quod sicut etiam Philosoph. dicit in 4. Ethic. (c. 3. parum à princip. t. 5.) magnanimus est quidem magnitudine extremus, in quantum scilicet ad maxima tendit; eo autem quod at operatur, mediocris; quia videlicet ad ea, quæ suunt maxima,

secundum rationem tendit. *Eo enim, quod est secundum dignitatem ipsum significat*, ut ibidem dicitur; quia scilicet se non extendit ad majora, quam dignius est.

Ad secundum dicendum, quod connexio virtutum non est intelligenda secundum actus, ut scilicet cuilibet competit habere actus omnium virtutum. Unde actus magnanimitatis non competit cuilibet virtuoso, sed solum magnis. Sed secundum principia virtutum, quæ sunt prudentia, & gratia, omnes virtutes sunt conexæ secundum habitus simul in anima existentes, vel in actu, vel in propinqua dispositione. Et sic potest aliquid, cui non competit actus magnanimitatis, per quem sc. disponitur ad talem actum exequendum, si sibi secundum statum suum competeteret.

Ad tertium dicendum, quod corporales motus diversificantur secundum diversas animæ apprehensiones, & affectiones. Et secundum diversas animæ apprehensiones, & affectiones. Et secundum hoc contingit, quod ad magnanimitatem consequuntur quædam accidentia determinata circa motus corporales. Velocitas enim motus provenit ex eo, quod homo ad multa intentit, quæ explere festinat. Sed magnanimus intendit solum ad magna, quæ pauca sunt, quæ etiam indigent magua attentione, & ideo habet motum tardum. Similiter etiam acuitas vocis, & velocitas præcipue competit his, qui de quibuslibet contendere volunt: quod non pertinet ad magnanimos, qui non intermittunt se nisi de magnis. Et sicut prædictæ dispositiones corporalium motuum convenient magnanimis secundum modum affectionis eorum: ita etiam in his, qui sunt naturaliter dispositi ad magnanimitatem, tales conditiones naturaliter inveniuntur.

Ad quartum dicendum, quod in homine inveniuntur aliquid magnum, quod ex dono Dei possidet; & aliquis defectus, qui competit ei ex infirmitate naturæ. Magnanimitas ergo facit, quod homo se magnis dignificet secundum considerationem donorum, quæ possidet ex Deo; sicut si habet maguam virtutem animi, magnanimitas facit quod ad perfecta opera dicendum de usu cuiuslibet alterius boni, puta scientiæ, vel exterioris fortunæ. Humilitas autem facit, quod hom-

seipsum parvipendat secundum considerationem proprii defectus. Similiter etiam magnanimitas contemnit alios secundum quod deficiunt à donis Dei, non enim tantum alios appretiatur, quod pro eis aliquid indecessus faciat. Sed humilitas alios honorat, & superiores estimat, in quantum in eis aliquid inspicit de donis Dei. Unde dicitur in Psalm. 14. de viro justo : *Ad nihilum deductus est in conspectu ejus malignus;* quod pertinet ad contemptum magnanimi : *Timentes autem Dominum glorificat;* quod pertinet ad honorationem humiliis. Et sic patet, quod magnanimitas, & humilitas non sunt contraria, quamvis in contraria tendere videantur : quia procedunt secundum diversas considerationes.

Ad quintum dicendum, quod proprietates illæ, secundum quod ad magnanimum pertinent, non sunt vituperabiles, sed superexcedenter laudabiles. Quod enim primo dicitur, quod magnanimus non habet in memoria eos, à quibus beneficia recipit, intelligendum est quantum ad hoc, quod non est sibi delectabile, quod ab aliis beneficia recipiat, quin eis majora recompenset: quod pertinet ad perfectionem gratitudinis, in cuius actu vult superexcclere, sicut & in actibus aliarum virtutum. Similiter etiam secundo dicitur, quod est otiosus, & tardus; non quia deficiat ab operando ea, quæ sibi convenient, sed quia non ingerit se quibuscumque operibus, sed solum magnis, qualia decent eum. Dicitur etiam tertio, quod utitur ironia, non secundum quod opponitur veritati, ut scil. dicat de se aliqua vilia, quæ non sunt, vel neget aliqua magna, quæ sunt; sed quia non totam magnitudinem suam monstrat, maxime quantum ad inferiorem multitudinem: quia, sicut etiam Philosophus ibidem dicit, (*scil. l. 4. Ethic. c. 3. tom. 5.*) *Ad magnanimum pertinet magnum esse ad eos,* qui in dignitate, & bonis fortunæ sunt, ad medios autem moderatum. Quarto etiam dicitur, quod ad alios non potest convivere, scilicet familiariter, nisi ad amicos; quia omnino vitat adulatioñem, & simulationem, quæ pertinent ad animi parvitatem. Convivit tamen omnibus, & magnis, & parvis, secundum quod oportet, ut dictum est (*In resp. ad 1.*) Quinto etiam dicitur, quod vult

vult habere magis instructuosa, non quæcumque, sed bona, id est, honesta, nam in omnibus præponit honesta utilibus, tanquam majora: utilia enim queruntur ad subveniendum alicui defectui, qui magnanimitati repugnat.

ARTICULUS IV.

646

Utrum magnanimitas sit virtus specialis.

Inf. a. 5. ad 2. & q. 134. a. 2. ad 2. & 2. d. 42. q. 2. a. 4. c. & 3. d. 9. q. 1. a. 1. q. 2. c. & d. 33. q. 3. a. 3. q. 4. c. & ad 1. & 4. d. 14. q. 1. a. 1. q. 3. ad 2. & d. 16. q. 4. a. 1. q. 2. ad 2. & mal. q. 8. a. 2. ad 1.

Ad Quartum sic proceditur. Videtur, quod magnanimitas non sit specialis virtus. Nulla enim specialis virtus operatur in omnibus virtutibus: sed Philosoph. in 4. Ethic. (c. 3. ante med. tom. 5.) dicit, quod *ad magnanimum pertinet, quod est in unaquaque virtute magnum:* ergo magnanimitas non est specialis virtus.

2. Præterea. Nulli speciali virtuti attribuuntur actus diversarum virtutum: Sed magnanimo attribuuntur diversarum virtutum actus: dicitur enim in 4. Ethic. (*loc. cit.*) quod *ad magnanimum pertinet non fugere componentem, (quod est actus prudentiæ) neque facere injusta, (quod est actus justitiæ) & quod est promptus ad benefaciendum, (quod est actus charitatis) & quod ministrat prompte, (quod est actus liberalitatis) & quod est veridicus, (quod est actus veritatis) & quod non est planctivus, (quod est actus patientiæ)* ergo magnanimitas non est specialis virtus.

3. Præterea. Quælibet virtus est quidem specialis ornatus animæ, secundum illud Isaïæ 61. *Induit me Dominus vestimentis salutis: & postea subdit: Quasi sponsam ornatam monilibus suis;* sed magnanimitas est ornatus omnium virtutum, ut dicitur in 4. Ethic. (*loc. cit.*) ergo magnanimitas est virtus generalis.

Sed Contra est, quod Philos. in 2. Etich. (c. 7. tom. 5.) distinguit eam contra alias virtutes.

Respondeo dicendum, quod, sicut supra dictum est,

(q.

(q. 123. a. 2.) ad specialem virtutem pertinet, quod modum rationis in aliqua determinata materia ponat. Magnanimitas autem ponit modum rationis circa determinatam materiam, sc. circa honores, ut supra dictum est: (a. 1. 2^o 2. hu. q.) Honor autem secundum se consideratus est quoddam speciale bonum. Et secundum hoc magnanimitas secundum se considerata est specialis quoddam virtus.

Sed quia honor est cuiuslibet virtutis præmium, ut ex supra dictis patet, (q. 103. a. 1. ad 2.) ideo ex consequenti ratione suæ materiæ resplicit omnes virtutes.

Ad primum ergo dicendum, quod magnanimitas non est circa honorem quemcumque, sed circa magnum honorem. Sicut autem honor debetur virtuti, ita & magnus honor debetur magno operi virtutis. Et inde est quod magnanimus intendit magna operari in qualibet virtute; in quantum scilicet tendit ad ea, quæ sunt digna magno honore.

Ad secundum dicendum, quod quia magnanimus tendit ad magna, consequens est, quod ad illa præcipue tendat, quæ important aliquam excellentiam, & illa fugiat, quæ pertinent ad defectum. Pertinet autem ad quandam excellentiam, quod aliquis beneficiat, & quod sit communicativus, & plurimum retributivus. Et ideo ad ista promptum se exhibet, in quantum habent rationem cujusdam excellentie, non autem secundum eam rationem, qua sunt actus aliarum virtutum. Ad defectum autem pertinet, quod aliquis in tantum magnipendat aliqua exteriora bona, vel mala, quod pro eius à justitia, vel quacunque virtute recedat, & declinet. Similiter etiam ad defectum pertinet omnis occultatio veritatis; quia videtur ex timore procedere. Quod etiam aliquis sit planctivus, ad defectum pertinet; quia per hoc videtur animus exterioribus malis succumbere. Et ideo hæc, & similia vitat magnanimus secundum quandam specialem rationem, scil. tanquam contraria excellentie, vel magnitudini.

Ad tertium dicendum, quod quælibet virtus habet quendam decorem, sive ornatum ex sua specie, qui est proprius unicuique virtuti. Sed superadditur aliis ornatus ex ipsa magnitudine operis virtuosi per magnani-

mitatem, quæ omnes virtutes majores facit, ut dicitur
in 4. Ethic. (c. 3. tom. 5.)

ARTICULUS V.

647

Utrum magnanimitas sit pars fortitudinis.

Sup. q. 128. &c locis ibid. notatis.

Ad Quintum sic proceditur. Videtur, quod magnanimitas non sit pars fortitudinis. Idem enim non est pars sui ipsius: sed magnanimitas videtur idem esse fortitudini: dicit enim Seneca in lib. de quatuor virtutibus, (cap. de magnanim. in princ.) *Magnanimitas, quæ fortitudo dicitur, si insit animo tuo, cum fiducia magna vives:* & Tullius dicit in 1. de Offic. (in tit. Fortitudinem, si ab honestate recedat &c.) *Viros fortes magnanimos eosdem esse voluntates veritatis amicos, minimeque fallaces:* ergo magnanimitas non est pars fortitudinis.

2. Præterea. Philos. in 4. Ethic. (c. 3. à med. tom. 5.) dicit, quod *magnanimus non est philokindynos*, id est, *amator periculi*. Ad fortem autem pertinet se exponere periculis: ergo magnanimitas non convenit cum fortitudine, ut possit dici pars ejus.

3. Præterea. Magnanimitas respicit magnum in bonis sperandis: fortitudo autem respicit magnum in malis timendis, vel audiendis: sed bonum est principalius, quam malum, ergo magnanimitas est principalior virtus, quam fortitudo: non ergo est pars ejus.

Sed Contra est, quod Macrobius, (l. 1. in Somn. Scip. c. 8.) & Andronicus ponunt magnanimitatem fortitudinis partem.

Respondeo dicendum, quod, sicut supra dictum est, (l. 2. q. 61. a. 3.) principalis virtus est, ad quam pertinet aliquem generalem modum virtutis constituere in aliqua materia principali. Inter alios autem generales modos virtutis unius est firmitas animi: quia *firmiter se habere requiritur in omni virtute*, ut dicitur in 2. Eth. (c. 4. tom. 5.) Præcipue tamen laudatur hoc in virtutibus, quæ in aliquod arduum tendunt, in quibus difficultissimum est firmitatem servare. Et ideo quanto difficilius est in aliquo

quo arduo firmiter se habere , tanto principalior est vir-
tus , quæ circa illud firmitatem præstat animo.

Difficilior autem est firmiter se habere in pericu-
lis mortis , in quibus confirmat animum fortitudo , quam
in maximis bonis sperandis , vel adipiscendis , ad quæ
confirmat animum magnanimitas : quia sicut homo ma-
xime diligit vitam suam , ita maxime refugit mortis
pericula. Sic ergo patet , quod magnanimitas convenit
cum fortitudine , in quantum confirmat animum circa
aliquid arduum. Deficit autem ab ea in hoc , quod fir-
mat animum in eo , circa quod facilius est firmitatem
servare. Unde magnanimitas ponitur pars fortitudinis , quia
ad jungitur ei sicut secundaria principali.

Ad primum ergo dicendum , quod , sicut Phil. di-
cit in 5. Eth. (c. 1. cir. med. & c. 3. in fin. tom. 5.)
carere malo accipitur in ratione boni. Unde & non supe-
rari ab aliquo gravi malo , puta à periculis mortis , ac-
cipitur quodammodo pro eo , quod est attingere ad
magnum bonum. Quorum primum pertinet ad fortitu-
dinem , sed secundum ad magnanimitatem. Et secundum
hoc fortitudo , & magnanimitas pro eodem accipi pos-
sunt. Quia tamen alia ratio difficultatis est in utroque
prædictorum , ideo proprie loquendo magnanimitas à
Philosopho (l. 2. Eth. c. 7. tom. 5.) ponitur alia virtus
à fortitudine.

Ad secundum dicendum , quod amator periculi di-
citur , qui indifferenter se periculis exponit. Quod vi-
detur pertinere ad eum , qui indifferenter multa quasi
magna existimat. Quod est contra rationem magnani-
mitati : nullus enim videtur pro aliquo se periculis expo-
nere , nisi illud magnum existimet. Sed pro his quæ ve-
re sunt magna , magnanimus promptissime se periculis
exponit : quia operatur magnum in actu fortitudinis ,
sicut in actibus aliarum virtutum. Unde & Philosoph.
ibidem dicit , quod magnanimus non est microkîndynos ,
id est , pro parvis periclitans , sed est megalokîndynos ,
id est , pro magnis periclitans. Et Seneca dicit in libro
de quatuor virtutibus , (c. de magnan. in fin.) *Eris*
magnanimus , si pericula nec appetas ut temerarius , nec
formides ut timidus. Nam nil timidum facit animum nisi
rehprehensibilis vitæ conscientia.

Ad tertium dicendum, quod malum, in quantum hujusmodi, fugiendum est. Quod autem contra ipsum sit persistendum est per accidens, id est, in quantum oportet sustinere mala ad conservationem bonorum. Sed bonum de se est appetendum; & quod ab eo refugiatur, non est nisi per accidens, in quantum scilicet existimatur excedere facultatem desiderantis. Semper autem quod per se est, potius est, quam illud quod est per accidens. Et ideo magis repugnat firmitati animi arduum in malis, quam arduum in bonis. Et ideo principalior est virtus fortitudinis, quam magnanimitatis. Licet enim bonum sit simpliciter principalius, quam malum, malum tamen est principalius quantum ad hoc.

ARTICULUS VI.

648

Utrum fiducia pertineat ad magnanimitatem.

Sup. q. 128. v. 3. d. 33. q. 3. a. 2. q. 1. c.

Ad Sextum sic proceditur. Videtur, quod fiducia non pertinet ad magnanimitatem. Potest enim aliquis habere fiduciam non solum de seipso, sed etiam de alio. secundum illud 2. ad Corinth. 3. *Fiduciam autem tales habemus per Christum Iesum ad Deum, non quod sufficienes simus cogitare aliquid à nobis quasi ex nobis.* Sed hoc videatur esse contra rationem magnanimitatis: ergo fiducia ad magnanimitatem non pertinet.

2. Præterea. Fiducia videtur esse timori opposita, secundum illud Isai. 12. *Fiducialiter agam, & non timbo.* Sed carere timore magis pertinet ad fortitudinem, pertinet, quam ad magnanimitatem.

3. Præterea. Præmium non debetur nisi virtuti: sed fiduciae debetur præmium, dicitur enim ad Hebr. 3. *quod nos sumus domus Christi, si fiduciam, & gloriam spei usque in finem firmam retineamus:* ergo fiducia est quædam virtus distincta à magnanimitate, quod etiam videtur per hoc, quod Macrobius (*lib. 1. In somn. Scip. cap. 8.*) eam magnanimitati condividit.

Sed Contra est, quod Tullius in sua Rhetor. (1. 2. de Invent. aliquant. ante fin.) videtur ponere fiduciam

ciam loco maguanimitatis , ut supra dictum est. (q.
præc. ad 6. & in divis. h. q.)

Respondeo dicendum , quod nomen fiduciæ ex fide assumptum esse videtur. Ad finem autem pertinet aliquid , & alicui credere. Pertinet autem fiducia ad spem , secundum illud Job 11. *Habebis fiduciam proposita tibi spe.* Et ideo nomen fiduciæ hoc principali- ter significare videtur , quod aliquis spem concipiat ex hoc , quod credit verbis alicujus auxilium promittentis.

Sed quia fides dicitur etiam opinio vehemens , con-tingit autem aliquid vehementer opinari non solum ex eo quod est ab alio dictum , sed etiam ex hoc quod est in alio consideratum ; inde est , quod fiducia etiam potest dici , qua aliquis spem alicujus rei concipit ex aliquo considerato. *Quandoque* quidem in seipso ; puta cum aliquis videntis se sanum , confidit se diu victu- rum. *Quandoque* autem in alio ; puta cum aliquis con- siderans alium amicum suum esse , & potentem , fidu- ciam habet adjuvari ab eo.

Dictum est autem supra , (a. 1. h. q. ad 2.) quod magnanimitas proprie est circa spem alicujus ardui. Et ideo quia fiducia importat quoddam robur spei prove- niens ex aliqua consideratione , quæ facit vehementem opinionem de bono assequendo , inde est quod fiduclia ad magnanimitatem pertinet.

Ad primum ergo dicendum , quod , sicut Philos. dicit in 4. Ethic. (cap. 3. ad fin. tom. 5.) ad magnanimum pertinet nullo indigere , quia hoc deficientis est. Hoc tamen debet intelligi secundum modum humanum. Unde addit vel viii. Hoc est enim supra hominem , ut omnino nullo indigeat , indiget enim omnis homo , primo quidem divino auxilio , secundo autem etiam auxilio humano : quia homo est naturaliter animal so- ciale , eo quod sibi non sufficit ad vitam : in quan- tum ergo indiget aliis , sic ad magnanimum pertinet , ut habeat fiduciam de aliis : quia hoc etiam ad excel- lentiā hominis pertinet , quod habeat alios in promptu , qui eum possint juvare. In quantum autem ipse ali- quid potest , in tantum ad magnanimitatem pertinet fidu- cia , quam habet de seipso.

Ad secundum dicendum , quod , sicut supra dictum est

est, (1. 2. q. 23. a. 2. & q. 40. a. 4.) cum de passionibus ageretur, spes quidem directe opponitur desperationi, quæ est circa idem objectum, scilicet circa bonum: sed secundum objectorum contrarietatem opponitur timori, cuius objectum est malum. Fiducia autem quoddam robur spei importat, & ideo opponitur timori, sicut & spes. Sed quia fortitudo proprie firmat hominem circa mala, magnanimitas autem circa prosecutionem bonorum, inde est, quod fiducia magis proprie pertinet ad magnanimitatem, quam ad fortitudinem. Sed quia spes causat audaciam, quæ pertinet ad fortitudinem, inde est quod fiducia ex consequenti ad fortitudinem pertinet.

Ad tertium dicendum, quod fiducia, ut dictum est, (*in c. a.*) importat quandam modum spei; est enim fiducia spes roborata ex aliqua firma opinione. Modus autem adhibitus alicui affectioni potest pertinere ad commendationem ipsius actus, ut ex hoc sit meritorius. Non tamen ex hoc determinatur ad speciem virtutis, sed ex materia. Et ideo fiducia non potest, proprie loquendo, nominare aliquam virtutem, sed potest nominare conditionem virtutis. Et propter hoc numeratur inter partes fortitudinis, non quasi virtus adjuncta, nisi secundum quod accipitur pro magnanimitate à Tullio, (*loc. cit. in arg. sed cont.*) sed sicut pars integralis, ut dictum est. (*q. præc.*)

ARTICULUS VII.

649

Utrum securitas ad magnanimitatem pertineat.

Ad Septimum sic proceditur. Videtur, quod securitas ad magnanimitatem non pertineat. Securitas enim, ut supra habitum est, (*q. præc. ad 6.*) importat quietem quandam à perturbatione timoris: sed hoc maxime facit fortitudo: ergo securitas videtur idem esse, quod fortitudo: sed fortitudo non pertinet ad magnanimitatem, sed potius è converso: ergo neque securitas ad magnanimitatem pertinet.

2. Præterea. Isid. dicit in lib. 10. Etymol. (*ad lit. S.*) quod *securus* dicitur quasi sine cura; Sed hoc

vi-

videtur esse contra virtutem, quæ curam habet de rebus honestis, secundum illud Apostoli 2. ad Timoth. 2. *Solicite cura te ipsum probabilem exhibere Deo: ergo securitas non pertinet ad magnanimitatem, quæ operatur magnum in omnibus virtutibus.*

3. Præterea. Non est idem virtus, & virtutis præmium: sed securitas ponitur virtutis præmium; ut patet Job. 11. *Si iniuriam, quæ est in manu tua, abs-tuleris, defossus securus dormies, ergo securitas non pertinet ad magnanimitatem, neque ad aliam virtutem, sicut pars ejus.*

Sed Contra est, quod Tullius dicit in 1. de Officiis, (*in tit. Magnanim. in duo us sita est.*) quod ad magnanimum pertinet neque perturbationi animi, neque homini, neque fortunæ succumbere. Sed in hoc consistit hominis securitas: ergo securitas ad magnanimitatem pertinet.

Respondeo dicendum, quod, sicut Philosophus dicit in 2. suæ Rhetoricae, (*c. 5. a. med. tom. 6.*) *Timor facit homines consiliatios; in quantum scilicet curam habent, qualiter possint evadere ea quæ timent. Securitas autem dicitur per remotionem hujus curæ, quam timor ingerit. Et ideo securitas importat quandam perfectam quietem animi à timore, sicut fiducia importat quoddam robur spei. Sicut autem spes directe pertinet ad magnanimitatem; ita timor directe pertinet ad fortitudinem. Et ideo sicut fiducia immediate pertinet ad magnanimitatem, ita securitas immediate pertinet ad fortitudinem.*

Considerandum tamen est, quod sicut spes est causa audaciæ, ita timor est causa desperationis, ut supra habitum est, (*1. 2. q. 45. a. 2.*) cum de passionibus ageretur. Et ideo sicut fiducia ex consequenti pertinet ad fortitudinem, in quantum utitur audacia; ita & securitas ex consequenti pertinet ad magnanimitatem, in quantum repellit desperationem.

Ad primum ergo dicendum, quod fortitudo non præcipue laudatur ex hoc, quod non timeat, quod pertinet ad securitatem, sed in quantum importat firmitatem quandam in passionibus. Unde securitas non est idem quod fortitudo, sed est quædam conditio ejus.

Ad secundum dicendum , quod non quælibet securitas est laudabilis , sed quando deponit aliquis curam , prout debet , & in quibus timere non oportet. Et hoc modo est conditio fortitudinis , & magnanimitatis.

Ad tertium dicendum , quod in virtutibus est quædam similitudo , & participatio futuræ beatitudinis , ut supra habitum est , (1. 2. q. 5. a. 3. & 7.) Et ideo nihil prohibet , securitatem quandam esse conditionem alterius virtutis , quamvis perfecta securitas ad præmium virtutis pertineat.

ARTICULUS VIII. 650

Utrum bona fortunæ conferant ad magnanimitatem.

Ad Octavum sic proceditur. Videtur , quod bona fortunæ non conferant ad magnanimitatem. Quia , ut Sen. dicit in lib. 1. de Ira , (cap. 9. & l. de vita beata , c. 16.) *Virtus sibi sufficiens est.* Sed magnanimitas facit omnes virtutes magnas , ut dictum est. (a. 4. h. q. ad 3.) ergo bona fortunæ non conferunt ad magnanimitatem.

2. Præterea. Nullus virtuosus contemnit ea , quibus juvatur : Sed magnanimus contemnit ea , quæ pertinent ad exteriorem fortunam , dicit enim Tull. in lib. 1. de Offic. (in tit. Magnam. in duob. potiss. sita.) quod *magnus animus in externarum rerum despiciencia commendatur :* ergo magnanimitas non adjuvatur à bonis fortunæ.

3. Præterea. Ibidem Tullius subdit , quod *ad magnum animum pertinet , ea quæ videntur acerba , ita ferre , ut nihil à statu naturæ discedat , nihil à dignitate sapientis.* Et Aristoteles dicit in quarto Ethicorum (c. 3. ante med. tom. 5.) quod *magnanimus in infortunis non est tristis :* sed acerba , & infortunia opponuntur bonis fortunæ : quilibet enim tristatur de subtractione eorum , quibus juvatur : ergo exteriora bona fortunæ non conferunt ad magnanimitatem.

Sed Contra est , quod Philos. dicit in 4. Ethic. (cap. 3. ante med. tom. 5.) quod *bona fortunæ videntur conferre ad magnanimitatem.*

Res-

Respondeo dicendum , quod , sicut ex supra dictis patet , (a. i. h. q.) magnanimitas ad duo respicit : ad honorem quidem , sicut ad materiam ; & ad aliquid magnum operandum , sicut ad finem .

Ad utrumque autem istorum bona fortunæ cooperantur . Quia enim honor virtuosis non solum à sapientibus , sed etiam à multitidine exhibetur , quæ maxima reputat hujusmodi exteriora bona fortunæ , sit ex consequenti , ut ab eis major honor exhibeat his , quibus adsunt exteriora bona fortunæ . Similiter etiam ad actus virtutum organice bona fortunæ deserviunt : quia per divitias , & potentias , & amicos datur nobis facultas operandi . Et ideo manifestum est , quod bona fortunæ conferunt ad magnanimitatem .

Ad primum : ergo dicendum , quod virtus sibi sufficiens esse dicitur , quia sine his etiam exterioribus bonis esse potest : Indiget tamen his exterioribus bonis ad hoc , quod expeditius operetur .

Ad secundum dicendum : quod magnanimus exteriora bona contemnit , in quantum non reputat ea bona magna , pro quibus debeat aliquid indecens facere : nou tamen quantum ad hoc contemnit ea , quin reputet ea utilia ad opus virtutis exequendum .

Ad tertium dicendum , quod quicunque non reputat aliquid magnum , neque multum gaudet , si illud obtineat , neque multum tristatur , si illud amittat . Et ideo quia magnanimus non æstimat exteriora bona , scilicet bona fortunæ , quasi aliqua magna , inde est , quod nec de eis multum extollitur , si adsint , neque in eorum amissione multum dejicitur .

Q U A E S T I O C X X X .

De Præsumptione , in duos articulos divisa .

Beinde considerandum est de vitiis oppositis magnanimitati .

Et primo de illis , quæ opponuntur sibi per excessum : quæ sunt tria , scilicet , præsumptio , ambitio , & inanis gloria .

Secundo de Pusillanimitate , quæ opponitur ei per modum defectus .

Et

Et circa primum quæruntur duo.

Primo. Utrum Præsumptio sit peccatum.

Secunda. Utreum opponatur magnanimitati per excessum.

ARTICULUS I.

651

Utrum Præsumptio sit peccatum.

Sup. q. 21. a. 2. ad 1. & q. 70. a. 3. ad 3.

A. Ad Primum sic proceditur. Videtur, quod præsumptio non sit peccatum. Dicit enim Apost. ad Philipp. 3. Quæ retro sunt oblivisciens, ad anteriora me extendo: Sed hoc videtur ad præsumptionem pertinere, quod aliquis tendat in ea, quæ sunt supra seipsum: ergo præsumptio non est peccatum.

2. Præterea. Philosophus dicit in 10. Ethicorum, (cap. 7. ad fin. tom. 5.) quod oportet non secundum suadentes humana sapere hominem entem, neque mortalis mortalem, sed in quantum contingit immortalem facere. Et in 2. Metaphys. (cap. 2. med. tom. 3.) dicit quod homo debet se trahere ad divina, in quantum potest: Sed divina, & immortalia maxime videntur esse supra hominem: cum ergo de ratione præsumptionis sit, quod aliquis tendat in ea quæ sunt supra seipsum, videtur, quod præsumptio sit non peccatum, sed magis sit aliquid laudabile.

3. Præterea. Apostolus dicit 2. ad Corinth. tertio: Non sumus sufficiētes aliquid cogitare à nobis, quasi ex nobis, si ergo præsumptio, secundum quam aliquis nititur in ea, ad quæ non sufficit, sit peccatum, videtur, quod homo nec cogitare aliquod bonum licet possit, quod est inconveniens, non ergo præsumptio est peccatum.

Sed Contra est, quod dicitur Eccl. 37. O præsumptio nequissima, unde creata es? Ubi respondet Glos. (intel.) de mala scilicet voluntate creaturæ: sed omne quod procedit ex radice malæ voluntatis, est peccatum: ergo præsumptio est peccatum.

Respondeo dicendum, quod cum ea, quæ sunt secundum naturam, sint ordinata ratione divina, quam humana ratio debet imitari, quicquid secundum rationem humanam fit, quod est contra ordinem communiter in naturalibus rebus inventum, est vitiosum, & peccatum.

Hoc autem communiter in omnibus rebus naturalibus investitur, quod quælibet actio commensuratur virtuti agentis; nec aliquod agens naturale nititur ad agendum id, quod excedit suam facultatem. Et ideo vitiosum est, & peccatum quasi contra ordinem naturalem existens, quod aliquis assumat ad agendum ea, quæ præferuntur suæ virtuti: Quod pertinet ad rationem præsumptionis, sicut & ipsum nomen manifestat. Unde manifestum est, quod *præsumptio est peccatum*.

Ad primum: ergo dicendum, quod nihil prohibet, aliquid esse supra potentiam activam alicujus rei naturalis, quod non est supra potentiam passivam ejusdem. Inest enim aeri potentia passiva, per quam potest transmutari in hoc, quod habeat actionem, & motum ignis, quæ excedunt potentiam activam aeris. Sic etiam vitiosum esset, & præsumptuosum, quod aliquis in statu imperfectæ virtutis existens, attentaret statim assequi ea, quæ sunt perfectæ virtutis: Sed si quis ad hoc tendat, ut proficiat in virtutem perfectam, hoc non est præsumptuosum, nec vitiosum. Et hoc modo Apostolus in anteriora se extendebat, scilicet per continuum profectum.

Ad secundum dicendum, quod divina, & immortalia secundum ordinem naturæ sunt supra hominem. Homini tamen inest quædam potentia naturalis, sc. intellectus, per quam potest conjungi immortalibus, & divinis. Et secundum hoc Phil. dicit, quod oportet hominem se trahere ad immortalia, & divina, non quidem ut ea operetur, quæ decet Deum facere, sed ut ei uniatur per intellectum, & voluntatem.

Ad tertium dicendum, quod, sicut Philos. dicit in 3. Ethic. (cap. 3. à med. tom. 4.) *Quæ per alios possumus, aliqualiter per nos possumus.* Et ideo quia cogitare, & facere bonum possumus cum auxilio divino, non totaliter hoc excedit nostram facultatem. Et ideo non

non est præsumptuosum, si aliquis ad aliquod opus virtuosum agendum intendat: esset autem præsumptuosum, si ad hoc aliquis tenderet absque fiducia divini auxilii.

ARTICULUS II.

652

Utrum præsumptio opponatur magnanimitati per excessum.

Inf. q. 133. a. 1. c. 2^o mal. q. 8. a. 3. ad 1.

 Ad Secundum sic proceditur. Videtur, quod præsumptio non opponatur magnanimitati per excessum. Præsumptio enim ponitur species peccati in Spiritum sanctum, ut supra habitum est: (q. 14. a. 2. 2^o q. 41. a. 1.) Sed peccatum in Spiritum sanctum non opponitur magnanimitati, sed magis charitati: ergo etiam neque præsumptio opponitur magnanimitati.

2. Præterea. Ad magnanimitatem pertinet, quod aliquis se magnis dignificet: Sed aliquis dicitur præsumptuosus, etiam si se parvis dignificet, dummodo hoc excedat propriam facultatem, non ergo direcie præsumptio opponitur magnanimitati.

3. Præterea. Magnanimus exteriora bona reputat quasi parva: Sed secundum Philos. in 5. Ethic. (c. 2. c. med. tom. 5.) præsumptuosus propter exteriorem fortunam fuit despactores, & injuriatores allorum, quasi magnum aliquid aestimantes exteriora bona: ergo præsumptio non opponitur magnanimitati per excessum, sed solum per defectum.

Sed Contra est, quod Philos. dicit in 2. Ethicor. (cap. 7.) & in 4. (cap. 3. ad fin. tom. 5.) quod magnanimo opponitur per excessum chuius, id est, sumosus, vel vestitus, quem nos dicimus præsumptuosum.

Respondeo dicendum, quod, sicut supra dictum est, (q. præc. a. 2. ad 1.) magnanimitas consistit in medio, non quidem secundum quantitatem ejus in quod tendit, quia tendit in maximum; sed constituitur in medio secundum proportionem ad propriam facultatem, non enim in majora tendit, quam sibi convenienter.

Præsumptuosus autem, quantum ad id in quod ten-

dit, non excedit magnanimum, sed multum quandoque ab eo deficit: Excedit autem secundum proportionem suæ facultatis, quam magnanimus, non transcendet. *Hoc modo opponitur præsumptio magnanimitati per excessum.*

Ad primum ergo dicendum, quod non quælibet præsumptio ponitur peccatum in Spiritum sanctum, sed illa, qua quis divinam justitiam contemnit ex inordinata confidentia divinæ misericordiæ. Et talis præsumptione materiae, in quantum scilicet per eam contemnitur aliquid divinum, opponitur charitati, vel potius dono timoris, cuius est Deum revereri. In quantum tamen talis contemptus excedit proportionem propriæ facultatis, potest opponi magnanimitati.

Ad secundum diceendum, quod sicut magnanimitas, ita & præsumptio in aliquod magnum tendere videtur. Non enim multum consuevit dici aliquis præsumptuosus, si in aliquo modico vires proprias transcendat. Si tamen talis præsumptuosus dicatur, hæc præsumptio non opponitur magnanimitati, sed illi virtuti, quæ est circa mediocres honores, ut dictum est (*q. præc. a. 2.*)

Ad tertium dicendum, quod nullus attentat aliquid supra suam facultatem, nisi in quantum facultatem suam æstimat majorem quam sit. Circa quod potest esse error dupliciter. *Uno modo* secundum solam quantitatem; puta cum aliquis æstimat se habere majorem virtutem, scientiam, vel aliquid aliud hujusmodi, quam habeat: *Alio modo* secundum genus rei: puta cum aliquis ex hoc æstimate se magnum, & magnis dignum, ex quo non est, potius propter divitias, vel propter aliqua bona fortunæ. Ut enim Philosophus dicit in 4. Ethicor. (cap. 3. circ. med. tom. 5.) qui sine virtute talia bona habent, neque juste magnis seipso dignificant, neque recte magnanimi dicuntur. Similiter etiam illud, ad quod aliquis tendit supra vires suas, quandoque quidem secundum rei veritatem est magnum simpliciter; sicut patet de Petro, qui tendebat ad hoc, quod pro Christo pateretur, quod erat supra virtutem suam; quandoque vero non est aliquid magnum simpliciter, sed solum secundum stultorum opinionem; sicut prætiosis vestibus indui, despici-

tere, & injuriari aliis: quod quidem pertinet ad excessum magnanimitatis, non secundum rei veritatem, sed secundum opinionem. Unde Seneca dicit in libro de quatuor virtutibus, (cap. de moderanda fortitud.) quod magnanimitas, si se extra modum suum extollat, faciet virum minacem, inflatum, turbidum, in quietum, & in quascumque excellentias, dictorum, factorumque neglecta honestate, festinum. Et sic patet, quod presumptuosus secundum rei veritatem quandoque deficit à magnanimo, sed secundum apparentiam in excessu se habet.

Q U A E S T I O C X X X I.

De Ambitione, In duos articulos divisa.

Deinde considerandum est de Ambitione.

Circa quam queruntur duo.

Primo. Utrum Ambitio sit peccatum.

Secundo. Utrum opponatur magnanimitati per excessum.

ARTICULUS I.

653

Utrum Ambitio sit peccatum.

And Primum sic proceditur. Videtur, quod ambitio non sit peccatum. Importat enim ambitio cupiditatem honoris: honor autem de se quoddam bonum est, & maximum inter exteriora bona: unde & illi qui de honore non curant, vituperantur: ergo ambitio non est peccatum, sed magis aliquid laudabiles, secundum quod bonum laudabiliter appetitur.

2. Præterea. Quilibet absque vitio potest appetere illud, quod sibi debetur pro præmio: sed honor est præmium virtutis, ut Philosophus dicit in primo Ethicorum, (cap. 12.) & in quarto, (cap. 3.) & in octavo, (cap. ult. tom. 5.) ergo ambitio honoris non est peccatum.

3. Præterea. Illud, per quod homo provocatur ad bonum, & revocatur à malo, non est peccatum: sed

per honorem homines provocantur ad bona facienda, & mala vitanda; sicut Philosophus dicit in tertio Ethicorum, (*cap. 8, cir. princ. tom. 5.*) quod fortissimi videntur esse apud quos timidi sunt iuhonorati; fortes autem honorati. At Tullius dicit in libro primo de Tusculanis quæstionibus, (*parum à princ.*) quod honor alit artes: ergo ambitio non est peccatum.

Sed Contra est, quod dicitur *i. ad Cor. 13.* quod *charitas non est ambitiosa, non querit quæ sua sunt:* nihil autem repugnat charitati, nisi peccatum: ergo ambitio est peccatum.

Respondeo dicendum, quod, sicut supra dictum est, (*q. 103. a. 1. & 2.*) honor importat quandam reverentiam alicui exhibitam in testimonium excellentiæ ejus. Circa excellentiam autem hominis duo sunt attendenda. *Primo* quidem, quod illud, secundum quod homo excellit, non habet homo à seipso, sed est quasi quiddam divinum in eo, & ideo ex hoc non debetur ei principaliter honor, sed Deo. *Secundo* considerandum est, quod illud, in quo homo excellit, datur homini à Deo, ut eo aliis prosit, unde in tantum debet homini placere testimonium suæ excellentiæ, quod ab aliis exhibetur, in quantum ex hoc paratur sibi via ad hoc quod aliis prosit.

Tripliciter autem appetitum honoris contingit esse inordinatum: *uno modo* per hoc quod aliquis appetit testimonium de excellentia, quam non habet: quod est appetere honorem supra suam proportionem: *Alio modo* per hoc quod honorem sibi cupit, non referendo in Deum: *Tertio* per hoc, quod appetitus ejus in ipso honore quiescit, non referens honorem ad utilitatem aliorum. Ambitio autem importat inordinatum appetitum honoris. Unde manifestum est, quod *ambitio semper est peccatum.*

Ad primum ergo dicendum, quod appetitus boni debet regulari secundum rationem; cuius regulam si transcendat, erit vitiosus. Et hoc modo vitiosum est, quod aliquis honorem appetat non secundum ordinem rationis. Vituperantur autem, qui non curant de honore, secundum quod ratio dictat; ut scilicet non vitent ea, quæ sunt contraria honori.

Ad

aureum habens in veste candida, & dixeritis ei: Tu sede hic, &c. Unde ambitio non est circa exteriorem cultum, nisi secundum quod pertinet ad honorem.

QUESTIO CXXXII.

De inani gloria, in quinque articulos divisa.

Deinde considerandum est de inani gloria.

Et circa hoc quaeruntur quinque.

Primo. Utrum appetitus gloriæ sit peccatum.

Secundo. Utrum magnanimitati opponatur.

Tertio. Utrum sit peccatum mortale.

Quarto. Utrum sit vitium capitale.

Quinto. De filiabus ejus.

ARTICULUS I.

655

Utrum appetitus gloriæ sit peccatum.

Mal. q. 9. a. 1. & 2. c.

Ad Primum sic proceditur. Videtur, quod appetitus gloriæ non sit peccatum. Nullus enim peccat in hoc quod Deo assimilatur: quinimum mandatur ad Ephes. 5. *Esto imitatores Deli: sicut filii charissimi:* Sed in hoc quod homo querit gloriam, videtur Deum imitari, qui ab hominibus gloriam querit: unde dicitur Isaiae 43. *Affer filios meos de longinquitate, & filias meas ab extremis terræ, & omnem, qui invocat nomen meum, in gloriam meam creavit eum:* ergo appetitus gloriæ non est peccatum.

2. Præterea. Illud, per quod aliquis provocatur ad bonum, non videtur esse peccatum: sed per appetitum gloriæ homines provocantur ad bonum: dicit enim Tullius in libro primo de Tusculanis quæst. (à princ.) quod omnes ad studia inciduntur gloriæ: in sacra etiam Scriptura promittitur gloria pro bonis operibus, secundum illud ad Roman. 2. *His quidem, qui secundum patien-*

locum habet in servis Christi, in quibus tamen nullum est peccatum mortale: ergo inanis gloria non est peccatum mortale.

Respondeo dicendum, quod, sicut supra dictum est, (q. 24. a. 12. & q. 110. a. 4. & q. 112. a. 2.) ex hoc aliquod peccatum est mortale, quod charitati contrariatur. Peccatum autem inanis gloriæ, secundum se consideratum, non videtur contrariari charitati quantum ad dilectionem proximi. Quantum autem ad dilectionem Dei potest contrariari charitati *dupliciter*. *Uno modo* ratione materiae, de qua quis gloriatur; *autem cum* quis gloriatur de aliquo falso, quod contrariatur divinæ reverentiae, secundum illud Ezech. 28. *Elevatum est cor tuum, & dixisti, Deus ego sum &* (1. ad Cor. 4.) *Quid habes quod non acceperis? Si autem acceperis, quid gloriaris, quasi non acceperis?* Vel etiam cum quis bonum temporale, de quo gloriatur, præfert Deo quod prohibetur Hierem. 9. *Non gloriatur sapiens in sapientia sua, nec fortis in fortitudine sua, nec dives in divitias suis; sed in hoc gloriatur, qui gloriatur, scire, & nosse me.* Aut etiam cum quis præfert testimonium hominum testimonio Dei: sicut contra quosdam dicitur Joan. 12. *Qui dilexerunt magis gloriam hominum, quam Dei.*

Alio modo ex parte ipsius gloriantis, qui intentionem suam resert ad gloriam tamquam ad ultimum finem: ad quem scilicet ordinat etiam virtutis opera, & pro quo consequendo non prætermittit facere etiam ea, quæ suut contra Denm. Et sic est peccatum mortale. Unde Augustinus dicit in quinto de Civitate Dei, (c. 15. à princ. tom. 5.) quod *hoc vitium, scilicet amor humanæ laudis, tam inimicum est piæ fidei, si major in corde sit cupiditas gloriæ, quam Dei timor, vel amor, ut dicitur Dominus, (Joann. 5.) Quomodo potest credere gloriam, ab invicem spectantes, & gloriam, quæ à solo Deo est, non querentes?*

Si autem amor humanæ gloriæ, quamvis sit inanis non tamen repugnat charitati, neque quantum ad id de quo est gloriæ, neque quantum ad intentionem gloriam querentis, non est peccatum mortale, sed veniale.

Ad primum ergo dicendum, quod nullus peccando meretur vitam æternam. Unde opus virtuosum amittit vim

vim merendi vitam æternam, si propter inanem gloriam fiat, etiamsi illa inanis gloria non sit peccatum mortale. Sed quando aliquis simpliciter omittit æternam mercedem propter inanem gloriam, & non solum quantum ad unum actum, tunc iuanis gloria est peccatum mortale.

Ad secundum dicendum, quod non omnis, qui est inanis gloriæ cupidus, appetit sibi illam excellentiam, quæ competit soli Deo. Alia enim est gloria, quæ debetur soli Deo, & alia, quæ debetur homini virtuoso, vel diviti.

Ad tertium dicendum, quod iuanis gloria dicitur esse periculosum peccatum, non tantum propter gravitatem sui, sed etiam propter hoc quod est dispositio ad gravia peccata; in quantum scilicet per inanem gloriam redditur homo præsumptuosus, & nimis de seipso confidens: et sic etiam paulatim disponit ad hoc, quod homo privetur interioribus bonis.

ARTICULUS IV.

Utrum ianis gloria sit vitium capitale.

Inf. art. 5. Et locis ibidem not.

Ad Quartum sic proceditur. Videtur quod ianis gloria non sit vitium capitale. Vitium enim quod semper ex altero oritur, non videtur esse capitale: sed ianis gloria semper ex superbia nascitur: ergo ianis gloria non est vitium capitale.

2. Præterea. Honor videtur esse aliquid principalius quam gloria, quæ est ejus effectus: sed ambitio, quæ est inordinatus appetitus honoris, non est vitium capitale: ergo etiam neque appetitus ianis gloriæ.

3. Præterea. Vitium capitale habet aliquam principaliatem: sed ianis gloria non videtur habere aliquam principaliatem; neque quantum ad rationem peccati, quia non semper est peccatum mortale, neque etiam quantum ad rationem boni appetibilis quia gloria humana videtur esse quiddam fragile, & extra hominem existens: ergo ianis gloria non est vitium capitale.

Sed contra est, quod Greg. 31. Mor. (c. 17. à med.) numerat ianam gloriam inter septem vicia capitalia.

Res-

Respondeo dicendum, quod de vitiis capitalibus dupliciter aliqui loquuntur. Quidam enim ponunt superbiam unum de vitiis capitalibus. Et hi non ponunt inanem gloriam inter vitia capitalia. Gregorius autem in 31. Moral. (*loc. cit.*) superbiam ponit reginam omnium vitiorum; & inanem gloriam, quæ immediate ab ipsa oritur, ponit vitium capitale.

Et hoc rationabiliter, Superbia enim, ut infra dicitur, (*q. 102. a. 1. § 2.*) importat inordinatum appetitum excellentiæ. Ex omni autem bono, quod quis appetit, quamdam perfectionem & excellentiam consequitur. Et ideo fines omnium vitiorum ordinantur in finem superbie. Et propter hoc videtur quod habeat quamdam generalem causalitatem super alia vitia, & non debeat computari inter specialia vitiorum principia, quæ sunt vitia capitalia.

Inter bona autem, per quæ excellentiam homo consequitur, præcipue ad hoc operari videtur gloria, in quantum importat manifestationem bonitatis alicujus. Nam bonum naturaliter amatur & honoratur ab omnibus. Et ideo sicut per gloriam, quæ est apud Deum, consequitur homo excellentiam in rebus divinis, ita etiam per gloriam hominum consequitur homo excellentiam in rebus humanis. Et ideo propter propinquitatem ad excellentiam, quam homines maxime desiderant, consequens est quod sit multum appetibilis. Et quia ex ejus inordinato appetitu multa vitia oriuntur, ideo *inanis gloria est vitium capitale*.

Ad primum ergo dicendum, quod aliquod vitium oriri ex superbia non repugnat ei, quod est esse vitium capitale, eo quod, sicut supra dictum est, (*in corp. § 1. 2. q. 84. a. 2.*) *superbia est regina, & mater omnium vitiorum*.

Ad secundum dicendum, quod laus, & honor comparantur ad gloriam, ut supra dictum est, (*a. 2. huj. qu.*) sicut causa, ex quibus sequitur gloria. Unde gloria comparatur ad ea, sicut finis. Propter hoc enim aliquis amat honorari, & laudari, in quantum per hoc aliquis estimat se in aliorum notitia fore præclarum.

Ad tertium dicendum, quod *inanis gloria* habet principalem rationem appetibilis, ratione jam dicta (*in corp.*)

Et

bet vanum appetere vitiosum est , secundum illud Psal. 4.
Ut quid diligitis vanitatem , & queritis mendaclum ?

Potest autem gloria dici vana tripliciter : uno modo ex parte rei , de qua quis gloriam querit : puta cum quis querit gloriam de eo , quod non est ; vel de eo quod non est gloria dignum ; sicut de aliqua re fragili , & caduca : alio modo ex parte ejus , à quo quis gloriam querit , puta hominis , cuius iudicium non est certum : tertio ex parte ipsius , qui gloriam appetit ; qui videlicet appetit gloriæ suæ non reiert in debitum finem , puta ad honorem Dei , vel proximi salutem .

Ad primum ergo dicendum , quod , sicut Augustinus dicit super illud Joan. 13. *Vos vocatis me , Magister , & Domine , & bene dictis :* (tract. 58. à princ. tom. 9.) *Periculum est sibi placere , cui cavendum est supervire.* Ille autem , qui super omnia est , quantumcumque se laudet , non extollit se . *Nobis namque expedit Deum nosse , non illi : nec eum quisque cognoscit ; si non se indicet ipse qui novit.* Unde patet , quod Deus suam gloriam non querit propter se , sed propter nos . Et similiter etiam homo laudabiliter potest ad aliorum utilitatem gloriam suam appetere , secundum illud Matth. 5. *Videant opera vestra bona , & glorifcent Patrem vestrum , qui in celis est.*

Ad secundum dicendum , quod gloria , quæ habetur à Deo , non est gloria vana , sed vera : & talis gloria bonis operibus in præmium recompensatur : de qua dicitur 2. Corinth. 10. *Qui gloriatur , in Domino gloriatur : non enim qui seipsum commendat , ille probatus est , sed quem Deus commendat.* Provocatur etiam aliqui ad virtutum opera ex appetitu gloriæ humanae , sicut etiam appetitu aliorum terrororum bonorum . Non tamen est vere virtuosus , qui propter humanam gloriam opera virtutis operatur , ut Augustinus probat in 5. de Civ. Dei . (cap. 12. cir. med. tom. 5.)

Ad tertium dicendum , quod ad perfectionem hominis pertinet , quod ipse se cognoscat ; sed quod ipse ab aliis cognoscatur , non pertinet ad eius perfectionem : & ideo non est per se appetendum . Potest tamen appeti , in quantum est utile ad aliquid , vel ad hoc quod

Deus ab hominibus glorificetur, vel ad hoc quod homines proficiant ex bono, quod in alio cognoscunt, vel ex hoc quod ipse homo e bonis, quæ in se cognoscit per testimonium laudis alienæ, studeat in eis perseverare, & ad meliora proficere. Et secundum hoc laudabile est, quod curam habeat aliquis de bono nomine, & quod provideat bona coram Deo, & hominibus; non tamen quod in hominum laude iraniter delectetur.

ARTICULUS II.

656

Utrum inanis gloria magnanimitati opponatur.

2. d. 42. q. 2. a. 4.

Ad Secundum sic proceditur. Videtur, quod inanis gloria magnanimitati non opponatur. Pertinet enim ad inanem gloriam, ut dictum est, (*a. præc.*) quod aliquis gloriatur in his quæ non sunt, quod pertinet ad falsitatem, vel in rebus terrenis, & cœducis, quod pertinet ad cupiditatem, vel in testimonio hominum, quorum judicium non est certum, quod pertinet ad imprudentiam: Hujusmodi autem vitia non opponuntur magnanimitati: ergo inanis gloria non opponitur magnanimitati.

2. Præterea. Inanis gloria non opponitur magnanimitati per defectum, sicut pusillanimitas, quæ inani gloriæ repugnans videtur: similiter etiam nec per excessum: sic enim magnanimitati præsumptio, & ambitione opposuntur, ut dictum est; (*q. 130. a. 2. v. q. præc. a. 2.*) à quibus inanis gloria differt: ergo inanis gloria non opponitur magnanimitati.

3. Præterea. Ad Philip. 2. super illud: *Nihil per contumaciam, aut inanem gloriam, dicit Glos. (ord. Ambros. in hunc loc.) Erant aliqui inter eos dissentientes, inquieti, inanis gloriæ causa contendentes: Contentio autem non opponitur magnanimitati: ergo neque inanis gloria.*

Sed Contra est, quod Tullius dicit in 1. de Off. (*in t.t. Magnan. in duob. sita*) *Cavenda est gloriæ cupiditas; eripit enim animi libertatem, pro qua magna-*

pl.

nūis viris omnis debet esse contentio : ergo opponitur magnanimitati.

Respondeo dicendum, quod sicut supra dictum est, (q. 103. a. 1. ad 3.) gloria est quidam effectus honoris & laudis. Ex hoc enim quod aliquis laudatur, vel quemcumque reverentia ei exhibetur, redditur clarus in notitia aliorum. Et quia magnanimitas est circa honorem, ut supra dictum est, (q. 129. a. 1. & 2.) consequens est etiam, ut sit circa gloriam : ut scilicet sicut aliquis moderate utitur honore, ita etiam moderate utatur gloria. Et ideo *inordinatus appetitus gloriae directe magnanimitati opponitur.*

Ad primum ergo dicendum, quod hoc ipsum magnitudini animi repugnat, quod aliquis res modicas tantum appretietur, quod de eis glorietur. Unde in 4. Ethic. (c. 3. ante med. tom. 5.) dicitur de magnanimo, quod sibi sit honor parvus. Similiter etiam alia, quæ propter honorem queruntur, puta potentatus, & divitiae, parva reputantur ab eo. Similiter etiam magnitudini animi repugnat, quod aliquis de his, quæ non sunt glorietur. Unde de magnanimo dicitur 4. Ethic. (c. 3. ad fin. tom. 5.) quod magis curat veritatem quam opinionem. Similiter etiam magnitudini animi repugnat, quod aliquis glorietur in testimonio laudis humanae, quasi hoc magnum aliquid aestimat. Unde de magnanimo dicitur in 4. Ethicor. (*ibid.*) quod non est ei cura ut laudetur. Et sic ea quæ aliis virtutibus opponuntur, nihil prohibet opponi magnanimitati, secundum quod habet pro magnis, quæ parva sunt.

Ad secundum dicendum, quod iuvans gloriæ cupidus secundum rei veritatem deficit à magnanimo; quia videlicet gloriatur in his, quæ magnanimus parva aestimat, ut dictum est, (*In solut. præc.*) Sed considerando estimationem ejus, opponitur magnanimo per excessum; quia videlicet gloriam, quam appetit, reputat aliquid magnum, & ad eam tendit supra suam dignitatem.

Ad tertium dicendum, quod, sicut supra dictum est, (q. 127. a. 2. ad 2.) oppositio vitiorum non attenditur secundum effectum. Et tamen hoc ipsum magnitudini animi opponitur, quod aliquis contentionem inten-

tendat, Nullus enim contendit, nisi pro re, quam aestimat magnam. Unde Philos. dicit in 4. Ethic. (c. 3. ad fin. tom. 5.) quod magnanimus non est contentus, quia nihil aestimat magnum.

ARTICULUS III.

657

Utrum inanis gloria sit peccatum mortale.

Mal. q. 9. a 2.

Ad tertium sic proceditur. Videtur 5; quod inanis gloria sit peccatum mortale. Nihil enim excludit mercedem æternam, nisi peccatum mortale: sed inanis gloria excludit mercedem æternam, dicitur enim Matth. 6. Attende, ne justitiam vestram faciat coram hominibus ut videamini ab eis: alioquin mercedem non habebitis apud Patrem vestrum, qui in celis est: ergo inanis gloria est peccatum mortale.

2. Præterea. Quicumque surripit sibi quod est Dei, proprium, mortaliter peccat: sed per appetitum inanis gloriæ aliquis sibi attribuit, quod est proprium Dei dicitur enim Isa. 42. Gloriam meam alteri non dabo; & 1. ad Timoth. 1. Soli Deo honor, et gloria: ergo inanis gloria est peccatum mortale.

3. Præterea. Illud peccatum, quod est maxime periculosum, & nocivum, videtur esse mortale: sed peccatum inanis gloriæ est hujusmodi, quia super illud 1. ad Thessal. 2. Deo qui probat corda nostra, dicit Glos. Augustini (ordin. Epist. 64. à med. tom. 2.) Quas vires nescendi habeat humanæ gloriæ amor, non scit nisi qui ei bellum indixerit: quia etsi cuiquam facile est laudem non cupere, dum negatur, difficile fama est ei non delectari, cum assertur. Chrysostomus etiam dicit Matth. 6. (Homil. 19. parum à princ.) quod inanis gloria occulte ingreditur, et omnia quæ intus sunt, insensibiliter aufert: ergo inanis gloria est peccatum mortale.

Sed contra est quod Chrysost. dicit super Matth. (Hom. 13. in op. imperf. ante med.) quod cum vita cetera locum habeant in servis diaboli, inanis gloria etiam

10.

locum habet in servis Christi, in quibus tamen nullum est peccatum mortale: ergo inanis gloria non est peccatum mortale.

Respondeo dicendum, quod, sicut supra dictum est, (q. 24. a. 12. & q. 110. a. 4. & q. 112. a. 2.) ex hoc aliquid peccatum est mortale, quod charitati contrariatur. Peccatum autem inanis gloriae, secundum se consideratum, non videtur contrariari charitati quantum ad dilectionem proximi. Quantum autem ad dilectionem Dei potest contrariari charitati dupliciter. Uno modo ratione materie, de qua quis gloriatur; utra cum quis gloriatur de aliquo falso, quod contrariatur divina reverentia, secundum illud Ezech. 28. *Elevatum est cor tuum, & dixisti, Deus ego sum & (1. ad Cor. 4.) Quid habes quod non acceperis? Si autem acceperisti, quid gloriaris, quasi non acceperis? Vel etiam cum quis bonum temporale, de quo gloriatur, praefert Deo quod prohibetur Hierem. 9. Non gloriatur sapientia in sapientia sua, nec fortis in fortitudine sua, nec dives in divilitate sua; sed in hoc glorietur, qui gloriatur, scire, & nosse me. Aut etiam cum quis praefert testimonium hominum testimonio Dei: sicut contra quosdam dicitur Joan. 12. *Qui dilexerunt magis gloriam hominum, quam Dei.**

Alio modo ex parte ipsius gloriantis, qui intentionem suam referit ad gloriam tamquam ad ultimum finem: ad quem scilicet ordinat etiam virtutis opera, & pro quo consequendo non praetermittit facere etiam ea, quae sunt contra Deum. Et sic est peccatum mortale. Unde Augustinus dicit in quinto de Civitate Dei, (c. 15. à princ. tom. 5.) quod *hoc vitium, scilicet amor humanæ laudis, tam inimicum est pia fidei, & major in corde sit cupiditas gloriae, quam Dei timor, vel amor, ut dicitur Dominus, (Joann. 5.) Quomodo potest credere gloriam, ab invicem spectantes, & gloriam, quae à solo Deo est, non querentes?*

Si autem amor humanæ gloriae, quamvis sit inanis non tamen repugnat charitati, neque quantum ad id de quo est gloria, neque quantum ad intentionem gloriam querentis, non est peccatum mortale, sed veniale.

Ad primum ergo dicendum, quod nullus peccando meretur vitam æternam. Unde opus virtuosum amittit vim

vim merendi vitam æternam, si propter inanem gloriam fiat, etiamsi illa inanis gloria non sit peccatum mortale. Sed quando aliquis simpliciter omittit æternam mercedem propter inanem gloriam, & non solum quantum ad unum actum, tunc inanis gloria est peccatum mortale.

Ad secundum dicendum, quod non omnis, qui est inanis gloriæ cupidus, appetit sibi illam excellentiam, quæ competit soli Deo. Alia enim est gloria, quæ debetur soli Deo, & alia, quæ debetur homini virtuoso, vel diviti.

Ad tertium dicendum, quod inanis gloria dicitur esse periculosum peccatum, non tantum propter gravitatem sui, sed etiam propter hoc quod est dispositio ad gravia peccata; in quantum scilicet per inanem gloriam redditur homo præsumptuosus, & nimis de seipso confidens: et sic etiam paulatim disponit ad hoc, quod homo privetur interioribus bonis.

ARTICULUS IV.

Utrum inanis gloria sit vitium capitale.

Inf. art. 5. & locis ibidem not.

Ad Quartum sic proceditur. Videtur quod inanis gloria non sit vitium capitale. Vitium enim quod semper ex altero oritur, non videtur esse capitale: sed inanis gloria semper ex superbia nascitur: ergo inanis gloria non est vitium capitale.

2. Præterea. Honor videtur esse aliquid principalius quam gloria, quæ est ejus electus: sed ambitio, quæ est incardinatus appetitus honoris, non est vitium capitale: ergo etiam neque appetitus inanis gloriæ.

3. Præterea. Vitium capitale habet aliquam principaliatem: sed inanis gloria non videtur habere aliquam principaliatem; neque quantum ad rationem peccati, quia non semper est peccatum mortale, neque etiam quantum ad rationem boni appetibilis quia gloria humana videtur esse quiddam fragile, & extra hominem existens: ergo inanis gloria non est vitium capitale.

Sed contra est, quod Greg. 31. Mor. (c. 17. à med.) numerat inanem gloriam inter septem vitia capitalia,

Res-

Respondeo dicendum, quod de vitiis capitalibus dupliciter aliqui loquuntur. Quidam enim ponunt superbiam unum de vitiis capitalibus. Et hi non ponunt inanem gloriam inter vitia capitalia. Gregorius autem in 31. Moral. (*loc. cit.*) superbiam ponit reginam omnium vitiorum; & inanem gloriam, quæ immediate ab ipsa oriatur, ponit vitium capitale.

Et hoc rationabiliter. Superbia enim, ut infra dicitur, (*q. 102. a. 1. & 2.*) importat inordinatum appetitum excellentiæ. Ex omni autem bono, quod quis appetit, quandam perfectionem & excellentiam consequitur. Et ideo fines omnium vitiorum ordinantur in finem superbie. Et propter hoc videtur quod habeat quandam generalem causalitatem super alia vitia, & non debeat computari inter specialia vitiorum principia, quæ sunt vitia capitalia.

Inter bona autem, per quæ excellentiam homo consequitur, præcipue ad hoc operari videtur gloria, in quantum importat manifestationem bonitatis alicujus. Nam bonum naturaliter amat & honoratur ab omnibus. Et ideo sicut per gloriam, quæ est apud Deum, consequitur homo excellentiam in rebus divinis, ita etiam per gloriam hominum consequitur homo excellentiam in rebus humanis. Et ideo propter propinquitatem ad excellentiam, quam homines maxime desiderant, consequens est quod sit multum appetibilis. Et quia ex ejus inordinato appetitu multa vitia oriuntur, ideo *inanis gloria est vitium capitale*.

Ad primum ergo dicendum, quod aliquod vitium oriri ex superbia non repugnat ei, quod est esse vitium capitale, eo quod, sicut supra dictum est, (*In corp. & I. 2. q. 84. a. 2.*) *superbia est regina, & mater omnium vitiorum.*

Ad secundum dicendum, quod laus, & honor comparantur ad gloriam, ut supra dictum est, (*a. 2. huj. qu.*) sicut causa, ex quibus sequitur gloria. Unde gloria comparatur ad ea, sicut finis. Propter hoc enim aliquis amat honorari, & laudari, in quantum per hoc aliquis estimat se in aliorum notitia fore præclarum.

Ad tertium dicendum, quod *inanis gloria* habet principalem rationem appetibilis, ratione jam dicta (*in corp.*)

Et

Et hoc sufficit ad rationem vitii capitalis. Non autem requiritur, quod vitium capitale semper sit peccatum mortale: quia etiam ex veniali peccato potest mortale oriri; in quantum scilicet veniale disponit ad mortale.

ARTICULUS V.

659

Utrum convenienter dicantur filiae inanis gloriae esse inobedientia, jactantia, hypocrisis, contentio, pertinacia, discordia, & novitatum præsumptio.

*Sup. q. 21. a. 4. & q. 105. a. 1. ad 2. & infr. q. 138.
a. 2. ad 1. & 2. d. 42. q. 2. a. 3. c. & mal. q. 8.
a. 1. c. & q. 9. a. 3. & q. 13. a. 3. c.*

Ad Quintum sic proceditur. Videtur, quod inconvenienter dicantur filiae inanis gloriae esse inobedientia, jactantia, hypocrisis, contentio, pertinacia, discordia, & novitatum præsumptio. Jactantia enim secundum Gregor. 23. Moralium (cap. 4. 5. & 7.) ponitur inter species superbie: Superbia autem non oritur ex inani gloria, sed potius ē converso, ut Gregorius dicit 31. Moralium. (cap. 17. à med.) ergo jactantia non debet poni filia inanis gloriae.

2. Præterea. Contentiones, & discordiae videntur ex ira maxime provenire: sed ira est capitale vitium inani gloriae condivisum: ergo videtur, quod non sint filiae inanis gloriae.

3. Præterea. Chrysost. dicit super Matth. (inuitatur hom. 13. & 15. in op. imperf. à princ.) quod ubique vanâ gloria malum est, sed maxime in philanthropia, id est in misericordia: quæ tamen non est aliquid novum, sed in consuetudine hominum existit: ergo præsumptio novitatum non debet specialiter poni filia inanis gloriae.

Sed Contra est auctoritas Gregor. in 31. Moral. (cap. 17. à med.) ubi predictas filias inanis gloriae assignat.

Respondeo dicendum, quod sicut supra dictum est, (q. 34. a. 5. & q. 35. a. 4. & 1. 2. q. 84. a. 3. & 4.) illa vitia, quæ de se nata sunt ordinari ad finem ali-

OR

cujus viti capitalis, dicuntur filiae ejus. Finis autem inanis glorie est manifestatio proprie excellentiae, ut ex supra dictis patet. (*a. præc. 3. a. 1. h. q.*) Ad quod potest homo tendere dupliciter. Uno modo directe, sive per verba; & sic est jactantia: sive per facta; & sic, si sint vera habentia aliquam admirationem, est *præsumptio novitatum*, quas homines solent magis admirari; si autem falsa sint, sic est *hypocrisis*.

Alio autem modo nititur aliquis manifestare suam excellentiam indirecte, ostendendo se non esse alio minorem. Et hoc quadrupliciter. Primo quidem quantum ad *Intellectum*: Et sic est *pertinacia*, per quam homo nimis innititur suæ sententiae, nolens credere sententiae meliori. Secundo quantum ad *voluntatem*: Et sic est *discordia*, dum non vult à propria voluntate discedere, ut aliis concordet. Tertio quantum ad *locutionem*: Et sic est *contentio*, cum aliquis verbis clamore contra alium litigat. Quarto quantum ad *factum*: Et sic est *obedientia*, dum scilicet aliquis non vult exequi Superioris præceptum.

Ad primum ergo dicendum, quod, sicut supra dictum est, (*q. 112. a. ad 2.*) jactantia ponitur species superbie quantum ad interiorem causam ejus, quæ est arrogantia: Ipsa autem jactantia exterior, ut dicitur in *4. Ethicor.* (*cap. 7. à med. tom. 5.*) ordinatur quandoque quidem ad lucrum, sed frequentius ad gloriam, & honorem: Et sic oritur ex inani gloria.

Ad secundum dicendum, quod ira non causat discordiam, & contentiosem, nisi cum adjunctione inanis gloria, per hoc scilicet quod aliquis sibi gloriosum reputat, quod non cedat voluntati, vel verbis aliorum.

Ad tertium dicendum, quod inanis gloria suppetatur circa eleemosynam propter defectum charitatis, quæ videtur esse in eo, qui præter inanem gloriam diligat proximi, dum hoc propter illud facit: non autem vituperatur aliquis ex hoc, quod præsumat eleemosynam facere, quasi aliquid novum.

QUÆSTIO CXXXIII.

De Pusillanimitate, in duos articulos divisa,
Deinde considerandum est de Pusillanimitate.

Et circa hoc queruntur duo.

Primo. Utrum pusillanimitas sit peccatum.
 Secundo. Cui virtuti opponatur.

ARTICULUS I.

660

Utrum pusillanimitas sit peccatum,

4. Ethic. lect. II.

And Primum sic proceditur. Videtur, quod pusillanimitas non sit peccatum. Ex omni enim peccato aliquis efficitur malus, sicut ex omni virtute aliquis efficitur bonus: Sed pusillanimus non est malus, ut Philosophus dicit in 4. Ethic. (cap. 3. ad fin. tom. 5.) ergo pusillanimitas non est peccatum.

2. Præterea. Philosophus dicit ibidem, quod maxime videatur pusillanimus esse, qui magnis bonis dignus existit, & tamen his non dignificat seipsum: sed nullus est dignus magnis bonis, nisi virtuosus, quia, ut Philosophus ibidem dicit, secundum veritatem solus bonus est honorandus: ergo pusillanimus est virtuosus: non ergo pusillanimitas est peccatum.

3. Præterea. Initium omnis peccati est superbia, ut dicitur Ecclesiast. 10. Sed pusillanimitas non procedit ex superbia: quia superbis extollit se supra id, quod est: pusillanimus autem subtrahit se ab his, quibus dignus est: ergo pusillanimitas non est peccatum.

4. Præterea. Philos. dicit in 4. Ethic. (cap. 3. a. prince tom. 5.) quod qui dignificat se minoribus, quam sit dignus, dicitur pusillanimus: sed quandoque Sancti viri dignificant seipso minoribus, quam sint digni; sicut patet de Moyse, & Hieremia, qui digni erant officio, ad quod assumebantur a Deo, quod tamen uterque eorum

hu*

humiliter recusabat, ut habetur Exod. 3. & Hierem. 1.
non ergo pusillanimitas est peccatum.

Sed Contra. Nihil in moribus hominum est vitandum,
nisi peccatum: sed pusillanimitas est vitanda: dicitur
enim ad Colos. 3. *Patres nolite ad indignationem provoca-*
re filios vestros, ut non pusillo animo fiant: ergo pusil-
lanimitas est peccatum.

Respondeo dicendum, quod omne illud, quod con-
trariatur naturali inclinationi, est peccatum; quia con-
trariatur legi naturæ. Inest autem unicuique rei natu-
ralis inclinatio ad exequendum actionem commensura-
tam suæ potentiarum, ut patet in omnibus rebus natura-
libus tam animatis, quam inanimatis. Sicut autem per
præsumptionem aliquis excedit proportionem suæ poten-
tiarum, dum nititur ad majora, quam possit: ita pusillani-
mitas etiam deficit à proportione suæ potentiarum dum recu-
sat in id tendere, quod est suæ potentiarum commensura-
tum. Et ideo *sicut præsumptio est peccatum, ita & pu-*
silanimitas.

Et iude est, quod servus, qui acceptam pecuniam
domini sui fodit in terram, nec est operatus ex ea pro-
pter quemdam pusillanimitatis timorem, punitur à domi-
no, ut habetur Matth. 25. & Luc. 19.

Ad primum ergo dicendum, quod Philosophus illos
nominat malos, qui proximis inferunt nocumta. Et
secundum hoc pusillanimus dicitur non esse malus; quia
nulli infert nocumentum, nisi per accidens, in quantum
scilicet, deficit ab operibus, quibus posset alios juvare.
Dicit enim Gregor. in Pastorali, (part. 1. cap. 5. circ.
fin.) quod illi, qui prodesse utilitati proximorum in præ-
dicatione refugunt, si districte judicentur, ex tantis re-
sunt, quantis venientes ad publicum prodesse potuerunt.

Ad secundum dicendum, quod nihil prohibet ali-
quem habentem habitum virtutis peccare: venialiter qui-
dem, etiam ipso habitu remanente; mortaliter autem cum
corruptione ipsius habitus virtutis gratuitæ. Et ideo po-
test contingere, quod aliquis ex virtute, quam habet,
sit dignus ad aliqua magna facienda, quæ sunt digna
magno honore. Et tamen per hoc quod ipse non at-
tentat sua virtute uti, peccat quandoque quidem venia-
liter quandoque autem mortaliter.

Vel

Vel potest dici , quod pusillanimus est dignus manis secundum habilitatem ad virtutem , quæ inest et vel ex bona dispositione naturæ , vel ex scientia , vel ex exteriori fortuna , quibus dum recusat uti ad virtutem , pusillanimus redditur.

Ad tertium dicendum , quod etiam pusillanimus aliquo modo ex superbia potest oriri ; dum scilicet quis nimis proprio sensu innititur , quo reputat se insufficientem ad ea , respectu quorum sufficientiam habet . Unde dicitur Proverb. 26. Sapientior sibi piger videtur septem viris loquentibus sententias . Nihil enim prohibet quod se quantum ad aliqua dejiciat , & quantum ad alia se in sublime extollat . Unde Greg. in Pastorali (part. cap. 7. à med.) de Moyse dicit , quod superbus fortassis esset , si ducatum plebis innumeræ sine trepidatione susperret ; & rursum superbus existeret , si auctoris imperio obedire recusaret .

Ad quartum dicendum , quod Moyses , & Hieremias digni erant officio , ad quod divinitus eligebantur ex divina gratia : sed ipsi considerantes propriæ infirmitatis insufficienciam , recusabant : non tamen pertinaciter , in superbiam laberentur .

ARTICULUS II.

66

Utrum pusillanimitas opponatur magnanimitati.

*Infr. q. 162. a. 1. ad 3. & 4. Ethic.
lect. II. fin.*

And Secundum sic proceditur . Videtur , quod pusillanimitas non oponatur magnanimitati . Dicit enim Philosoph. in 4. Ethic. (cap. 3. ad fin. tom. 5.) quod pusillanimus ignorat seipsum : appetere enim bona , quibus dignus est , si se cognosceret : sed ignorantia sui videtur opponi prudentiæ : ergo pusillanimitas opponitur prudentiæ .

2. Præterea . Matth. 25. Servum , qui propter pusillanimitatem pecunia uti recusavit , vocat Dominus malum , & pigrum . Philosop. etiam dicit in 4. Ethic. (loc. cit.) quod pusillanimi videntur pigri : sed pigritia op-

ponitur solicitudini, quæ est actus prudentiæ, ut supra habitum est. (q. 47. a. 9.) ergo pusillanimitas non opponitur magnanimitati.

3. Præterea. Pusillanimitas videtur ex inordinato timore procedere: unde dicitur Isaïæ 35. *Dicite pusillanimitis: confortamini, et nolite timere.* Videtur etiam procedere ex inordinata ira, secundum illud ad Colos. 3. *Patres nolite ad indignationem provocare filios vestros, ut non pusillo animo fiant: sed inordinatio timoris opponitur fortitudini, inordinatio autem iræ mansuetudini: ergo pusillanimitas non opponitur magnanimitati.*

4. Præterea. Vitium quod opponitur alicui virtuti, tanto gravius est, quanto est magis virtuti dissimile: sed pusillanimitas magis est dissimilis magnanimitati, quam præsumptio: ergo si pusillanimitas opponeretur magnanimitati, sequeretur, quod esset gravius peccatum, quam præsumptio: quod est contra illud quod dicitur Eccli. 37. *O præsumptio nequissima, unde creata es? non ergo pusillanimitas opponitur magnanimitati.*

Sed Contra est, quod pusillanimitas, & magnanimitas differunt secundum magnitudinem, & parvitatem animi, ut ex ipsis nominibus appareat. Sed *magnum*, & *parvum* sunt opposita: ergo pusillanimitas opponitur magnanimitati.

Respondeo dicendum, quod, pusillanimitas potest tripliciter considerari: *uno modo* secundum seipsam. Et sic manifestum est, quod secundum propriam rationem opponitur magnanimitati, à qua differt secundum differentiam magnitudinis, & parvitatis circa idem. Nam sicut magnanimus ex animi magnitudine tendit ad magna; ita pusillanimus ex animi parvitate se retrahit à magnis.

Alio modo potest considerari ex parte suæ causæ, quæ ex parte intellectus est ignorantia propriæ conditionis, ex parte autem appetitus est timor deficiendi in his, quæ false æstimat excedere suam facultatem.

Tertio modo potest considerari quantum ad effectum, qui est retrahere se à magnis, quibus est dignus.

Sed, sicut supra dictum est, (q. præc. a. 2. ad 3.) oppositio vitii ad virtutem attenditur magis secundum propriam speciem, quam secundum causam, vel effectum. Et ideo pusillanimitas directe magnanimitati opponitur.

Ad

Ad primum ergo dicendum, quod ratio illa procedit de pusillanimitate ex parte causæ, quam habet intellectu. Et tamen non proprie potest dici, quod ponatur prudentiæ etiam secundum causam suam, talis ignorantia non procedit ex insipientia, sed ex pigritia considerandi suam facultatem, ut dicitur 4. Ethic. (cap. 3. cire. fin. tom. 5.) vel exequendi suæ subjacet potestati.

Ad secundum dicendum, quod ratio illa procedit pusillanimitate ex parte effectus.

Ad tertium dicendum, quod ratio illa procedit parte causæ. Nec tamen timor causans pusillanimitatem semper est timor periculorum mortis. Unde etiam hoc parte non oportet quod opponatur fortitudini, antem secundum rationem proprii motus, quo quis tollitur in vindictam, non causat pusillanimitatem, dejicit animum, sed magis tollit eam. Inducit autem pusillanimitatem ratione causarum iræ, quæ sunt iniuria illata, ex quibus dejicitur animus patientis.

Ad quartum dicendum, quod pusillanimitas est gravius peccatum secundum propriam speciem, quam presumptio: quia per ipsam recedit homo à bonis; quae est pessimum, ut dicitur in 4. Ethic. (loc. sup. cit.) Sed presumptio dicitur esse nequissima ratione superbia, ex qua procedit.

Q UÆSTIO CXXXIV.

De Magnificentia, in quatuor articulos divisa.

Deinde considerandum est de Magnificentia, & virtutibus oppositis.

Circa Magnificentiam autem quæruntur quatuor.

Primo. Utrum magnificentia sit virtus.

Secundo. Utrum sit virtus specialis.

Tertio. Quæ sit materia ejus.

Quarto. Utrum sit pars fortitudinis.

ARTICULUS I.

662

Vtrum Magnificentia sit virtus.

4. Eth. lect. 6.

Ad Primum sic proceditur. Videtur, quod Magnificentia non sit virtus. Qui enim habet unam virtutem, habet omnes, ut supra habitum est: (1. 2. q. 65. a. 1.) Sed aliquis potest habere alias virtutes si ne magnificantia, dicit enim Philos. in 4. Ethic. (c. 2. paulo à princ. tom. 5.) quod non omnis liberalis est magnificus: ergo magnificantia non est virtus.

2. Præterea. Virtus moralis consistit in medio, ut patet in 2. Ethic. (cap. 6. tom. 5.) Sed magnificantia non videtur consistere in medio: superexcellit enim liberalitatem magnitudine: magnum autem opponitur parvo, sicut extreūm, quorum medium est æquale, ut dicitur in 10. Metaph. (text. 17. 18. & 19. tom. 3.) & sic magnificantia non est in medio, sed in extreūo: ergo non est virtus.

3. Præterea. Nulla virtus contrariatur naturali inclinationi, sed magis perficit ipsam, ut supra habitum est: (q. 108. a. 2. & q. 17. a. arg. 1.) Sed, sicut Philos. dicit in 4. Ethic. (c. 2. a. med. tom. 5.) magnificus non est sumptuosus in seipsum, quod est contra naturalem inclinationem, per quam aliquis maxime providet sibi: ergo magnificantia non est virtus.

4. Præterea. Secundum Philos. in 6. Ethicor. (c. 4. tom. 5.) ars est recta ratio factibilium. Sed magnificantia est circa factibia, ut ex ipso nomine apparet: ergo magis est ars, quam virtus.

Sed Contra. Humana virtus est participatio quædam virtutis divinæ: sed magnificantia pertinet ad virtutem divinam, secundum illud Psal. 67. *Magnificentia ejus & virtus ejus in nubibus:* ergo magnificantia est virtus.

Respondeo dicendum, quod sicut dicitur in 1. de cœlo, (tex. 116. tom. 2.) *Virtus dicitur per comparationem ad ultimum, in quod potentia potest: non quidem ad ultimum ex parte defectus, sed ex parte ex-*

cessus, cuius ratio consistit in magnitudine. Et operari aliquid magnum, ex quo sumitur nomen magnitudo, proprie pertinet ad rationem virtutis, de magnificentia nominat virtutem.

Ad primum ergo dicendum, quod non omnis ralis est magnificus quantum ad actum; quia de sibi ea, quibus uti necesse est ad actum magnificum. Tamen omnis liberalis habet habitum magnificum vel actu, vel in propinqua dispositione, ut supradictum est, (q. 129. a. 3. ad 2. v. 1. 2. q. 6. 3.) cum de connexione virtutum ageretur.

Ad secundum dicendum, quod magnificantia consistit quidem in extremo, considerata quantitate eiusdem facit: sed tamen in medio consistit, considerata ratione, à qua non deficit, nec eam excedit, sicut etiam de magnanimitate dictum est, (q. 129. 3. ad 1.)

Ad tertium dicendum, quod ad magnificantiam pertinet facere aliquid magnum. Quod autem pertinet ad personam uniuscujusque, est aliquid parvum in comparatione ad id quod convenit rebus divinis, vel rebus communibus. Et ideo magnificus non principaliter intendit sumptus facere in his, quæ pertinent ad personam propriam: non quia bonum suum non quatum sed quia non est magnum. Si quid tamen in his, quæ ad ipsum pertinent, magnitudinem habeat, hoc etiam magnifice magnificus prosequitur, sicut ea quæ semper fiunt, ut nuptiae, vel aliquid aliud hujusmodi; etiam ea, quæ permanentia sunt, sicut ad magnificantiam pertinet præparare convenientem habitationem, ut dicitur in §. Ethic. (loc. cit. in arg.)

Ad quartum dicendum, quod, sicut dicit Philo in 6. Ethic. (c. 5. a. med. tom. 5.) oportet arti-
se quandam virtutem, sc. moralem, per quam sc. appetitus inclinetur ad recte utendum ratione artis: Et hoc pertinet ad magnificantiam. Unde non est artis, sed virtus.

Utrum Magnificentia sit specialis virtus.

Ad Secundum sic proceditur. Videtur, quod magnificentia non sit specialis virtus. Ad magnanimentiam enim videtur pertinere facere aliquid magnum. Sed facere aliquid magnum potest convenire cuilibet virtutis, si sit magna: sicut qui habet magnam virtutem temperantie facit magnum temperantia opus: ergo magnificentia non est aliqua specialis virtus, sed significat statum perfectum cuiuslibet virtutis.

2. Præterea. Ejusdem videtur esse aliquid facere, & tendere in illud: sed tendere in aliquid magnum pertinet ad magnanimitatem, ut supra dictum est: (q. 129. a. 1. q. 2.) ergo & facere aliquid magnum pertinet ad magnanimitatem: non ergo magnificentia est virtus distincta à magnanimitate.

3. Præterea. Magnificentia videtur pertinet ad sanctitatem: dicitur enim Exodi 15. *Magnificus in sanctitate, & in Psal. 95. Sanctitas & misericordia in sanctificatione ejus:* sed sanctitas est idem religio: ut supra habitum est: (q. 81. a. 8.) ergo magnificantia videtur idem esse religioni: non ergo est virtus specialis ab aliis distincta.

Sed Contra est, quod Philos. (l. 2. E. h. c. 7. q. 1. 4. cap. 2. tom. 5.) connumerat eam aliis virtutibus specialibus.

Respondeo dicendum, quod ad magnanimentiam pertinet facere aliquid magnum, sicut ex ipso nomine apparet. Facere autem duplice potest accipi: uno modo proprie alio modo communiter. Proprie autem facere dicitur operari aliquid in exteriori materia: sicut facere domum, vel aliquid aliud hujusmodi: communiter autem dicitur facere pro quacunque actione; sive transeat in exteriorem materiam, sicut urere, & seccare; sive maneat in ipso agente, sicut intelligere, & velle.

Si ergo magnificantia acceperatur, secundum quod faciōnem alicujus magnū importat, prout factio proprie dicitur.

tur, sic magnificientia est specialis virtus. Opus enim factibile producitur ab arte. In cuius quidem usum potest attendi una specialis ratio bonitatis, quod ipsum opus factum per artem sit magnum, scilicet in quantitate, pretiositate, vel dignitate: quod facit magnificientia. Et secundum hoc magnificientia est specialis virtus.

Si vero nomen magnificientiae accipiatur ab eo quod est facere magnum, secundum quod facere communiter sumitur, sic magnificientia non est specialis virtus.

Ad primum ergo dicendum, quod ad quamlibet virtutem perfectam pertinet magnum facere in suo genere, secundum quod facere communiter sumitur, non autem secundum quod sumitur proprie, sed hoc est proprium magnificientiae.

Ad secundum dicendum, quod ad magnanimitatem pertinet non solum tendere in magnum, sed etiam in omnibus virtutibus magnum operari, vel faciendo, vel qualitercumque agendo, ut dicitur in 4. Ethic. (cap. 3. tom. 5.) Ita tamen quod magnanimitas circa hoc respicit solum rationem magni; aliae autem virtutes, quae, si sint perfectae, magnum operantur, non principaliter dirigunt intentionem suam ad magnum, sed ad id, quod est proprium unicuique virtuti. Magnitudo autem consequitur ex quantitate virtutis. Ad Magnificentiam vero pertinet, non solum facere magnum, secundum quod facere proprie sumitur, sed etiam ad magnum faciendum tendere animo. Unde Tullius dicit in sua Rhetorica, (l. 2. de Invent. aliquant. art. finem) quod magnificientia est rerum magnarum, & excelsarum cum animi quadam ampla & splendida proportione agitatio, atque administratio, ut agitatio reieatur ad interiorem intentionem, administratio autem ad exteriorem executionem. Unde oportet, quod sicut magnanimitas intendit aliquid magnum in omni materia, ita & magnificientia in aliquo opere factibili.

Ad tertium dicendum, quod magnificientia intendit opus magnum facere. Opera autem ab hominibus facta ad aliquem finem ordinantur. Nullus autem finis humanorum operum est adeo magnum, sicut honor Dei. Et ideo magnificientia præcipue magnum opus facit in ordine ad honorem Dei. Unde Philos, dicit in 4. Ethic. (cap. 2. art. med. 707)

tom. 5.) quod honorabiles sumptus sunt maxime, quæ pertinent ad divina sacrificia: & circa hos maxime studet magnificus. Et ideo magnificentia conjungitur sanctitati; quia præcipue ejus effectus ad religionem, sive ad sanctitatem ordinatur.

ARTICULUS III.

664

Utrum materia magnificentie sint sumptus magni.

*Inf. q. 151. a. 3. c. 27 q. 160. a. 1. c. 27 1. 2. q. 60.
a. 5. c. 27 3. d. 34. q. 1. a. 2. 27 4. d. 7. q. 2. 27
d. 17. q. 3. a. 2. q. 3. 27 d. 33. q. 3. a. 2.
27 3. Ethic. lect. 6.*

Ad Tertium sic proceditur. Videtur, quod materia magnificentie non sint sumptus magni. Circa eandem enim materiam non sunt duæ virtutes: sed circa sumptus est liberalitas, ut supra habitum est: (q. 117. a. 2.) ergo magnificentia non est circa sumptus.

2. Præterea. *Omnis magnificus est liberalis*, ut dicitur in 4. Ethic. (cap. 2. à princ. tom. 5.) Sed liberalitas est magis circa dona, quam circa sumptus: ergo etiam magnificentia non præcipue est circa sumptus, sed magis circa dona.

3. Præterea. Ad magnificentiam pertinet aliquod opus exterius facere: non autem quibuslibet sumptibus fit aliquod exterius opus, etiamsi sint sumptus magni; puta cum aliquis multa expendit in xeniis mittendis: ergo sumptus non sunt proprie materia magnificentie.

4. Præterea. Magnos sumptus non possunt facere nisi divites: sed omnes virtutes possunt habere etiam pauperes: quia virtutes non ex necessitate indigent exteriori fortuna, sed sibiipsis sufficiunt, ut Seneca dicit in lib. 1. de Ira: (cap. 9. & lib. de vita beata cap. 16.) ergo magnificentia non est circa magnos sumptus.

Sed Contra est, quod Philos. dicit in 4. Ethic. (cap. 2. ant. med. tom. 5.) quod magnificentia non extenditur circa omnes operationes, quæ sunt in pecunialibus, sicut liberalitas, sed circa sumptuosa solum, in quibus excellit liberalitatem magnitudine: ergo est solum circa magnos sumptus.

Respondeo dicendum, quod ad magnificentiam, sicut dictum est, (*loco cit.*) pertinet intendere ad aliquod magnum opus faciendum. Ad hoc autem quod aliquod magnum opus convenienter fiat, requiruntur proportionati sumptus: non enim possunt magna opera fieri, nisi cum magnis expensis. Unde ad magnificentiam pertinet et magnos sumptus facere, ad hoc quod opus magnum convenienter fiat. Unde & Philosophus dicit in 4. Ethic. (*loc. cit.*) quod magnificus ab aequali, id est à proportionato, sumptu opus faciet magis magnificum. Sumptus autem est quedam pecuniae emissio, à qua potest aliquis prohiberi per superfluum amorem pecuniae. Et ideo materia magnificentiae possunt dici & ipsi sumptus, quibus ntitur magnificus ad opus magnum faciendum, ipsa pecunia, qua utitur ad sumptus magnos faciendos, & amor pecuniae, quem moderatur magnificus, ne sumptus magni impediatur,

Ad primum ergo dicendum, quod sicut supra dictum est, (*q. 129. a. 2.*) virtutes illae, quae sunt circa res exteriores, habent aliquam difficultatem ex ipso genere rei, circa quam est virtus, & aliam difficultatem ex magnitudine ipsius rei. Et ideo oportet circa pecuniam, & usum ejus esse duas virtutes; scilicet liberalitatem, quae respicit communiter usum pecuniae; & magnificentiam, quae respicit magnum in pecuniae usum.

Ad secundum dicendum, quod usus pecuniae aliter pertinet ad liberalem, & aliter ad magnificum. Ad liberalem enim pertinet, secundum quod procedit ex ordinato affectu circa pecunias. Et ideo omnis usus debitus pecuniae, & cuius impedimentum tollit moderationis amoris pecuniae, pertinet ad liberalitatem, scilicet dona, & sumptus. Sed usus pecuniae perficit ad magnificum in ordine ad aliquod magnum opus, quod faciendum est: et talis usus non potest esse sine sumptu, sive expensa.

Ad tertium dicendum, quod magnificus etiam dat dona, vel xenia, ut dicitur in quarto Ethicorum, (*c. 2. tom. 5.*) non tamen sub ratione doni, sed potius sub ratione sumptus ordinati ad aliquod opus faciendum; puta ad honorandum aliquem, vel ad faciendum aliquid, unde proveniat honor toti civitati; sicut cum fa-

facit aliquid, ad quod tota civitas studet.

Ad quartum dicendum, quod principalis actus virtutis est iaterior electio, quam virtus potest habere absque exteriore fortuna: et sic etiam pauper potest esse magnificus. Sed ad exteriores actus virtutum requiruntur bona fortunæ, sicut quædam instrumenta. Et secundum hoc pauper non potest actum magnificientiæ exteriorem exercere in his, quæ sunt magna simpliciter, sed forte in his, quæ sunt magna per comparationem ad aliquod opus: quod etsi in se sit parvum, tamen potest magnifice fieri secundum proportionem illius generis, nam *parvum*, & *magnum* dicuntur relative, ut Philos. dicit in Prædic. (c. ad aliq. tom. I.)

ARTICULUS IV.

665

Utrum magnificentia sit pars fortitudinis.

Sup. q. 129. 2° locis ibi notat.

Ad Quartum sic proceditur. Videtur, quod magnificentia non sit pars fortitudinis. Magnificentia enim convenit in materia cum liberalitate, ut dictum est (art. præc.) Sed liberalitas non est pars fortitudinis, sed justitiæ: ergo magnificentia non est pars fortitudinis.

2. Præterea. Fortitudo est circa timores, & audacias: Magnificentia autem in nullo videtur respicere timorem, sed solum sumptus, qui sunt operationes quædam: ergo magnificentia magis videtur pertinere ad justitiam, quæ est circa operationes, quam ad fortitudinem.

3. Præterea. Philosophus dicit in 4. Ethic. (c. 2. à princ. tom. 5.) quod *magnificus* scienti assimilatur: Sed scientia magis convenit cum prudentia, quam cum fortitudine: ergo magnificentia non debet ponî pars fortitudinis.

Sed Contra est, quod Tullius, (lib. 2. de *Inven. aliquant. ante fin.*) & Macrobius, (lib. 1. in *sonn. Scip.* c. 8. cir. med.) & Andronicus magnificantiam partem fortitudinis ponunt.

Respondeo dicendum, quod magnificentia, secundum quod est specialis virtus, non potest poni pars subjectiva fortitudinis, quia non convenit cum ea in materia; sed ponitur pars ejus, in quantum adjungitur ei, sicut virtus secundaria principalis.

Ad hoc autem quod aliqua virtus adjungatur ali-
cui principali, duos requiruntur, ut supra dictum es-
(q. 80.) Quorum *unum* est, ut secundaria conveniat
cum principali: *Aliud* autem est, ut in aliquo exce-
datur ab ea. Magnificentia autem convenit cum fortiti-
tu i.ee in hoc, quod sicut fortitudo tendit in aliquod
arduum, & difficile, ita etiam & magnificentia. Un-
de etiam videtur esse in irascibili, sicut & fortitudo.
Sed magnificentia deficit à fortitudine in loco, quod illud
arduum, in quod tendit fortitudo, habet difficultatem
propter periculum, quod imminet personæ: Arduum
autem, in quod tendit magnificentia, habet difficultatem
propter dispendium rerum, quod est multo minus, quam
periculum personæ. Et ideo magnificencia ponitur pars
fortitudinis.

Ad primum ergo dicendum, quod justitia respicit operationes secundum se, prout in eis consideratur ratio debiti: sed liberalitas, & magnificentia considerant operationes sumptum, secundum quod comparantur ad passiones animæ. Diversimode tamen: nam li-
beralitas respicit sumptus per comparationem ad amo-
rem, & concupiscentiam pecuniarum, quæ sunt pas-
siones concupiscibilis, quibus non impeditur liberalis
à dationibus & sumptibus faciendis: unde est in con-
cupiscibili. Sed magnificencia respicit sumptus per com-
parationem ad spem, attingendo ad aliquid arduum non
simpliciter, sicut magnanimitas, sed in determinata
materia, sc. in sumptibus: unde magnificentia videtur
esse in irascibili, sicut & magnanimitas.

Ad secundum dicendum, quod magnificentia, etsi non conveniat cum fortitudine in materia, convenit tamen cum ea in conditione materiæ, in quantum sc. tendit in aliquid arduum circa sumptus, sicut & for-
titudo in aliquid arduum circa timores.

Ad tertium dicendum quod magnificentia ordinat usum artis ad aliquid magnum, ut dictum est, (in

c. 2^o art. præc.) Ars autem est in ratione. Et ideo ad magnificum pertinet bene uti ratione in attendendo proportionem sumptus ad opus, quod faciendum est. Et hoc præcipue necessarium est propter magnitudinem utriusque : quia nisi diligens consideratio adhiberetur, imminet periculum magni damni.

QUÆSTIO CXXXV.

De Parvifcentia, in duos articulos divisa.

Deinde considerandum est de vitiis oppositis Magnificentiae.

Et circa hoc queruntur duo.

Primo. Utrum parvifcentia sit vitium.

Secundo. De vitio ei opposito.

ARTICULUS I

666.

Utrum Parvifcentia sit vitium.

4. Eth. lect. 7.

And Primum sic proceditur. Videtur, quod parvifcentia non sit vitium. Virtus enim sicut est moderativa magnorum, ita etiam est moderativa parvorum; unde & liberales, & etiam magnifici aliqua parva faciunt: sed magnificantia est virtus: ergo etiam similiter parvifcentia magis est virtus, quam vitium.

2. Præterea. Philosophus dicit in 4. Ethic. (c. 2. ante med. tom. 5.) quod diligentia ratiocinii est parvifica. Sed diligentia ratiocinii videtur esse laudabilis; quia bonum hominis est secundum rationem esse, ut Dionysius dicit in 4. cap. de div. nomin. (p. 4. lect. 22.) ergo parvifcentia non est vitium.

3. Præterea. Philosophus dicit in 4. Eth. (c. 2. in fin. tom. 5.) quod parvifcus consumit pecuniam tristatus. Sed hoc pertinet ad avaritiam, sive ad illiberalitatem, ergo parvifcentia non est vitium ab aliis distinctum.

Sed Contra est, quod Philosophus in 2. Ethic. (c. 7.) & in 4. (cap. 2. ad fin. tom. 5.) ponit parvificantiam speciale vitium magnificentiae oppositum.

Respondeo dicendum, quod sicut supra dictum est, (I. 2. q. 1. a. 3. & q. 18. a. 6.) moralia speciem à fine sortinntur, unde & à fine ut pluries nominantur. Ex hoc ergo dicitur aliquis *parvificus*, quod intendit ad aliquid parvum faciendum. *Parvum* autem, & *magnum* secundum Philos. in Prædicam. (c. ad Aliquid, tom. 1.) relative dicuntur. Unde cum dicitur, quod *parvificus* intendit aliquid parvum facere, intelligendum est in comparatione ad *genus* operis quod facit.

In quo quidem *parvum*, & *magnum* potest attendi *dupliciter*. *Uno modo* ex parte operis fiendi: *Alio modo* ex parte sumptus. *Magnificus* ergo principaliter intendit magnitudinem operis; secundario intendit magnitudinem sumptus, quam non vitat, ut faciat magnum opus. Unde & Philosophus dicit in quattro Ethicorum, (c. 2. circ. med. tom. 5.) quod *magnificus* ab *æquali sumptu opus facies magis magnificum*. *Parvificus* autem è converso principaliter quidem intendit parvitatem sumptus, unde & Philosophus dicit in quarto Ethicorum, (c. 2. ad fin. tom. 5.) quod *Intendit qualiter minimum consumat*. Ex consequenti autem intendit parvitatem operis, quam scilicet non recusat, dummodo *parvum* sumptum faciat: unde Philosophus dicit ibidem, quod *parvificus maxima consumens in parvo*, scilicet, quod non vult ostendere, *bonum perdit*, scilicet, magnifici operis. Sic patet, quod *parvificus* deficit à proportione, quæ et esse secundum rationem inter sumptus, & opus. Defectus autem ab eo quod est secundum rationem, causat rationem vitii. Unde manifestum est quod *parvificantia vitium est*.

Ad primum ergo dicendum, quod virtus moderatur parva secundum regulam rationis, à qua deficiat *parvificus*, ut dictum est: (*In c.*) non enim dicitur *parvificus*, qui parva moderatur, sed qui in moderando magna, vel parva, deficit à regula rationis, & ideo habet vitii rationem.

Ad secundum dicendum, quod, sicut Philosophus di-

dicit in 2. Rhetic. (cap. 5. cir. med. tom. 6.) *Timor facit conciliatios*. Et ideo parvificus diligenter ratiociniis intendit, quia inordinate timet bonorum sanguinum consumptionem etiam in minimis. Unde hoc non est laudabile, sed vitiosum, & vituperabile: quia non dirigit affectum suum secundum rationem, sed potius rationis usum applicat ad inordinationem sui affectus.

Ad tertium dicendum, quod sicut magnificus convenit cum liberari in hoc, quod prompte, & delectabiliter pecunias emittit, ita etiam parvificus convenit cum illiberali, sive avaro in hoc, quod cum tristitia, & tarditate expensas facit. Differt autem in hoc, quod illiberalitas attenditur circa communes sumptus: parvificantia autem circa magnos sumptus, quo s difficilis est facere. Et ideo minus vitium est parvificantia, quam illiberalitas. Unde Philos. dicit in 4. Ethic. (cap. 2. in fin. tom. 5.) quod *quamvis parvificantia, & vitium oppositum sint malitiæ, non tamen approbria inferunt: quia nec sunt nocivæ proximo, nec sunt valde turpes.*

ARTICULUS II.

667

Utrum parvificantia aliquod vitium opponatur.

4. Eth. lect. 7.

A 1. Secundum sic proceditur. Videtur, quod parvificantia nullum vitium opponatur. Parvo enim opponitur magnum: sed magnificantia non est vitium, sed virtus, ergo parvificantia non opponitur vitium.

2. Præterea. Cum parvificantia sit vitium ex defecitu, ut dictum est, (art. præc.) videtur, quod si aliquod vitium esset parvificantia oppositum, consistaret solum in superabundanti consumptione: sed illi qui consumunt multa, ubi pauca consumere oportet, consumunt pauca, ubi multa oporteret consumere, ut dicitur in 4. Ethic. (cap. 2. cir. fin. tom. 5.) & sic habent aliquid de parvificantia, non ergo est aliquod vitium parvificantia oppositum.

3. Præterea. Moralia sortiuntur speciem ex fine, ut dictum est: (art. præc.) sed illi, qui superfluo con-

sumunt, hoc faciunt causa ostentationis divitiarum, ut dicitur in 4. Ethic. (*loc. cit.*) Hoc autem pertinet ad inanem gloriam, quæ opponitur magnitudini, ut dictum est, (*q. 131. a. 2.*) ergo nullum vitium parvificentiaæ opponitur.

Sed Contra est auctoritas Philos. qui in secundo Ethic. (*cap. 6.*) & in quarto, (*cap. 2. tom. 5.*) ponit magnificentiam medium duorum oppositorum vitiiorum.

Respondeo dicendum, quod parvo opponitur magnum. *Parvum* autem, & *magnum* relative dicuntur, ut dictum est: (*a. præc.*) sicut autem contingit, sumptum esse parvum per comparationem ad opus; ita etiam contingit, sumptum esse magnum in comparatione ad opus: ut scilicet excedat proportionem, quæ esse debet sumptus ad opus secundum regulam rationis. Unde manifestum est, quod *vicio parvificantiaæ*, quo aliquis deficit à debita proportione expensarum ad opus, intendens minus expendere, quam dignitas operis requirat, opponitur vitium, quo aliquis dictam proportionem excedit, ut scilicet plus expendat, quam sit operi proportionatum.

Et hoc vitium Græce quidem dicitur *βαναροία* à furno dieta; quia videlicet ad modum ignis, qui est in furno, omnia consumit. Vel dicitur *πυρεπάνα* id est sine bono igne; quia ad modum ignis omnia consumit non propter bonum. Unde Latine hoc vitium potest nominari *consumptio*.

Ad primum ergo dicendum, quod magnificencia dicitur esse ex eo, quod facit magnum opus, non autem ex eo, quod in sumptu excedat proportionem operis. Hoc enim pertinet ad vitium, quod opponitur parvificantiaæ.

Ad secundum dicendum, quod idem vitium contrariatur virtuti, quæ est in medio, & contrario vicio. Sic ergo vitium consumptionis opponitur parvificantiaæ in eo, quod excedit in sumptu operis dignitatem, expendens multa, ubi pauca oportet expendere. Opponitur autem magnificentiaæ ex parte operis magni, quod præcipue intendit magnitudinem; in quantum scilicet ubi oportet multa expendere, nihil, aut parum expendit.

Ad tertium dicendum, quod consumptor ex ipsa specie actus opponitur parvifiso, in quantum transcedit regulam rationis, à qua parvificus deficit. Nihil tamen prohibet, quin hoc ad finem alterius vitii ordinetur, puta inanis gloriæ, vel cujuscumque alterius.

QUÆSTIO CXXXVI.

De Patientia, in quinque articulos divisa.

Beinde considerandum est de Patientia.

Et circa hoc queruntur quinque.

Primo. Utrum patientia sit virtus.

Secundo. Utrum sit maxima virtutum.

Tertio. Utrum possit haberi sine gratia.

Quarto. Utrum sit pars fortitudinis.

Quinto. Utrum sit idem cum longanimitate.

ARTICULUS I.

668

Utrum Patientia sit virtus.

Inf. a. 5. corp. 27 sup. 128.

And Primum sic proceditur. Videtur, quod Patientia non sit virtus. Virtutes enim perfectissime sunt in patria, ut August. dicit in 14. de Trin. (c. 9. tom. 3.) Sed ibi non est patientia; quia nulla sunt ibi mala toleranda, secundum illud Isai. 49. & Apocal. 7. Non esurient, neque sitiens; Et non percutiet eos aestus, neque sol: ergo patientia non est virtus.

2. Præterea. Nulla virtus in malis potest inveniri, quia virtus est, quæ bonum facit habet item: sed patientia quandoque in malis hominibus invenitur; sicut patet in avaris, qui multa mala patienter tolerant, ut pecunias congregent, secundum illud Eccl. 5. Cunctis diebus vitaæ suæ comedunt in tenebris, & in curis multis, & in arsum, atque tristitia: ergo patientia non est virtus.

Præ-

3. Præterea. Fructus à virtutibus differunt, ut supra habitum est: (1. 2. q. 70. a. 1. ad 3.) sed patientia ponitur inter fructus, ut patet Gal. 5. ergo patientia non est virtus.

Sed Contra est, quod August. dicit in libro de Patientia, (in præl. tom. 4.) *Virtus animi, quæ patientia dicitur, tam magnum Dei donum est, ut etiam ipsius, qui nobis eam largiatur, patientia prædicetur.*

Respondeo dicendum, quod sicut dictum est supra, (q. 125. a. 1.) virtutes morales ordinantur ad bonum, in quantum conservant bonum rationis contra impetus passionum. Inter alias autem passiones tristitia efficax est ad impediendum bonum rationis, secundum illud 2. ad Cor. 7. *Seculi tristitia mortem operatur. & Eccles. 30. Multos occidit tristitia, & non est utilitas in illa.* Unde necesse est habere aliquam virtutem, per quam bonum rationis conservetur contra tristitiam, ne scilicet ratio tristitiae succumbat. Hoc autem facit patientia. Unde August. dicit in lib. de Patientia, (cap. 2. in præl. tom. 4.) quod patientia hominis est qua mala a quo animo toleramus, id est, sine perturbatione tristitiae: ne animo in quo bona deservamus, per quæ ad meliora perveniamus. Unde manifestum est, patientiam esse virtutem.

Ad primum ergo dicendum, quod virtutes morales non remanent secundum euudem actum in patria, quem habent in via, scilicet per comparationem ad bona præsentis vitæ, quæ non remanebunt in patria; sed per comparationem ad finem, qui erit in patria: sicut justitia non erit in patria circa emptiones, & venditiones: & alia, quæ pertinent ad præsentem vitam, sed in hoc quod est subditum esse Deo. Similiter actus patientiae in patria non erit in sustinendo aliqua, sed in fruitione honorum, in quæ pervenire volebamus patiendo. Unde Angst. dicit in 14. de Civ. Dei, (cap. 9. ad fin. tom. 5.) quod in patria non erit ipsa patientia, quæ necessaria non est, nisi ubi toleranda sunt mala: sed aeternum erit id, quo per patientiam perveneruntur.

Ad secundum dicendum, quod sicut August. dicit in lib. de Patientia, (cap. 2. & cap. 5. à med. tom,

tom. 4.) patientes proprie dicuntur, qui malunt mala non committendo ferre, quam non ferendo committere. In illis autem qui mala sustinent, ut mala faciant, nec miranda, nec laudanda est patientia, quæ nulla est, sed miranda duritia, neganda patientia.

Ad tertium dicendum, quod, sicut supra dictum est, (1. 2. q. 11. a. 1.) fructus in sui ratione importat quandam delectationem. Sunt autem operationes virtutum delectabiles secundum seipsas, ut dicitur in 1. Ethic. (cap. 8. à med. tom. 5.) Consuetum est autem, ut nomine virtutis etiam virtutum actus significentur. Et ideo patientia quantum ad habitum ponitur virtus: quantum autem ad delectationem, quam habet in actu, ponitur fructus: & præcipue quantum ad, hoc quod per patientiam animus præservatur, ne obruatur tristitia.

ARTICULUS II.

669

Utrum patientia sit potissima virtutum.

1. 2. q. 66. a. 3. ad 1.

Ad Secundum sic proceditur. Videtur, quod Patientia si potissima virtutum. Id enim quod est perfectum, est potissimum in unoquoque genere: sed patientia habet opus perfectum, ut dicitur Jacobi 1. ergo patientia est potissima virtutum.

2. Præterea. Omnes virtutes ad bonum animæ ordinantur: sed hoc præcipue videtur pertinere ad patientiam, dicitur enim Luc. 21. *In patientia vestra possidebitis animas vestras:* ergo patientia est maxima virtutum.

3. Præterea. Illud est conservativum, & causa aliorum, videtur potius esse: sed sicut Gregor. dicit in quadam Homil. (sc. 36. in Evang. parum ante med.) *Patientia est radix, & custos omniū virtutum:* ergo patientia est maxima virtutum.

Sed Contra est, quod non enumeratur inter quantor virtutes, quas Greg. 22. Moral. (cap. 1.) & August. in libro de moribus Ecclesiæ (cap. 15. tom. 1.) vocant principales.

Respondeo dicendum, quod virtutes secundum suam

ra-

rationem ordinantur ad bonum. Est enim virtus, quæ facit bonum habentem, & opus ejus bonum reddit, ut dicitur in 2. Ethic. (cap. 6. tom. 5.) Unde oportet, quod tanto principalior sit virtus, & potior, quanto magis, & directius ordinat hominem in bonum. Directius autem ad bonum ordinant hominem virtutes, quæ sunt constitutivæ boni, quam illæ quæ sunt impeditive eorum quæ abducunt à bono. Et sicut inter eas, quæ sunt constitutivæ boni, tanto aliqua potior est, quanto in majori bono statuit hominem; (sicut fides, spes, & charitas, quam prudentia, & justitia) ita & inter illas, quæ sunt impeditive retrahentium à bono, tanto aliqua est potior, quanto id quod ab ea impeditur, magis à bono retrahit. Plus autem à bono retrahunt pericula mortis, circa quas est fortitudo, vel delectationes tactus, circa quæ est temperantia, quam quævis adversa, circa quæ est patientia.

Et ideo patientia non est potissima virtutum; sed deficit non solum à virtutibus theologicis, & prudentia & justitia, quæ directe statuunt hominem in bono, sed etiam à fortitudine, & temperantia, quæ retrahunt à majoribus impedimentis.

Ad prium ergo dicendum, quod patientia dicitur habere opus perfectum in adversis tolerandis: ex quibus primo procedit tristitia, quam moderatur patientia: secundo ira, quam moderatur mansuetudo, tertio odium, quod tollit charitas: quarto injustum nocumentum, quod prohibet justitia. Tollere enim principium uniuscujusque est perfectius. Nec tamen sequitur si in hoc patientia est perfectior, quod sit perfectior simpliciter.

Ad secundum dicendum, quod possessio importat quietum dominium. Et ideo per patientiam dicitur hominem animam possidere, in quantum radicus evellit passiones adversitatum, quibus anima inquietatur.

Ad tertium dicendum, quod patientia dicitur esse radix, & custos omnium virtutum, non quasi directe eas causando & considerando, sed solum removendo prohibens,

ARTICULUS III.

670

Utrum patientia possit haberi sine gratia.

And Tertium sic proceditur. Videtur, quod patientia possit haberi sine gratia. Illud enim, ad quod ratio magis inclinat, magis potest impetrare rationalis creatura: sed magis est rationabile, quod aliquis patiatur mala propter bonum, quam propter malum: aliqui autem patiuntur mala propter malum ex propria virtute sine auxilio gratiæ, dicit enim August. in lib. de Patientia, (cap. 2. in princ. tom. 4.) quod multa in laboribus, & doloribus sustinent homines propter ea, quæ vitiouse diligunt: ergo multo magis homo potest mala sustinere propter bonum, quod est vere patientem esse, præter auxilium gratiæ.

2. Præterea. Aliqui non existentes in statu gratiæ magis abhorrent mala vitiorum, quam corporalia mala: unde quidam Gentilium leguntur multa mala tolerasse, ne patriam proderent, aut aliquid aliud in honestum committerent: sed hoc est vere patientem esse: ergo videtur, quod patientia possit haberi absque auxilio gratiæ.

3. Præterea. Manifeste apparet, quod aliqui propter sanitatem corporis recuperandam gravia quædam, & amara patiuntur: salus autem animæ non est minus appetibilis, quam sanitas corporis: ergo pati ratione pro salute animæ potest aliquis multa mala sustinere, quod est vere patientem esse, absque auxilio gratiæ.

Sed Contra est, quod dicitur in Psal. 16. *Ab ipso, scilicet Deo, patientia mea.*

Respondeo dicendum, quod, sicut August. dicit in lib. de Patientia, (cap. 4. circ. fin. tom. 4.) *Vis desideriorum facit tollerantiam laborum, & dolorum; & nemus, nisi pro eo quod delectat, sponte suscipit ferre quod cruciat.* Et hujus ratio est, quia tristitiam, & dolorem secundum se abhorret animus, unde nunquam eligeret eam pati propter se, sed solum propter finem: ergo oportet quod illum bonum, propter quod aliquis vult pati mala, sit magis volitum, & amatum quam

il-

illud bonum, cuius privatio ingerit dolorem, quem patienter toleramus. Quod autem aliquis preferat bonum gratiae omnibus naturalibus bonis, ex quorum amissione potest dolor causari, pertinet ad charitatem, quæ diligit Deum super omnia. Unde manifestum est, quod *patientia secundum quod est virtus, à charitate causatur*, secundum illud 1. ad Cor. 13. *Charitas patiens est.*

Manifestum est autem, quod *charitas non potest haberi nisi per gratiam*, secundum illud ad Rom. 5. *Charitas Dei diffusa est in cordibus nostris per Spiritum sanctum, quā datus est nobis.* Unde patet quod *patientia non potest haberi sine auxiliis gratiae.*

Ad primum ergo dicendum, quod in natura humana, si esset integræ prævaleret inclinatio rationis: sed in natura corrupta prævaleret inclinatio concupiscentiæ, quæ in homine dominatur. Et ideo prior est homo ad sustinendum mala propter bona, in quibus concupiscentia delectatur præstantialiter, quam tolerare mala propter bona futura, quæ secundum rationem appetuntur: quod tamen pertinet, ad veram patientiam.

Ad secundum dicendum, quod bonum polyticæ virtutis commensuratum est naturæ humanae, & ideo absque auxilio gratiae gratum facientis potest voluntas humana in illud tendere, licet non absque auxilio gratiae Dei. Sed bonum gratiae est supernaturale, unde in illud non potest tendere homo per virtutem suæ naturæ. Et ideo non est similis ratio.

Ad tertium dicendum, quod tolerantia etiam maiorum, que quis sustinet propter corporis sanitatem, procedit ex amore, quo homo naturaliter diligit suam carnem. Et ideo non est similis ratio de patientia, quæ procedit ex amore supernaturali.

ARTICULUS IV.

671

Utrum Patientia sit pars fortitudinis.

Sup. q. 128. 2° locis ibi notatis.

Ad Quartum sic proceditur. Videtur, quod patientia non sit pars fortitudinis. Idem enim non est pars

sui-

enipius : sed patientia videtur idem esse fortitudinis : quia sicut supra dictum est , (q. 123. art. 6.) proprius actus fortitudinis est sustinere : et hoc etiam pertinet ad patientiam , dicitur enim in lib. Sentent. Prospcri (*id habet Gregor. hom. 35. in Evang. circa mea.*) quod patientia consistit in alienis malis tolerandis : ergo patientia non est pars fortitudinis.

2. Præterea. Fortitudo est circa timores , & audacias , ut supra habitum est ; (quæst. 123. art. 3.) & ita est in irascibili : sed patientia videtur esse circa tristitas , & ita videtur esse in concupiscibili : ergo patientia non est pars fortitudinis , sed magis temperantie.

3. Præterea. Totum non potest esse sine parte : si ergo patientia sit pars fortitudinis , fortitudo nunquam posset esse sine patientia : cum tamen fortis quandoque non toleret patienter mala : sed etiam aggrediatur eum , qui mala facit : ergo patientia non est pars fortitudinis.

Sed Contra est , quod Tullius in sua Rhetorica (l. 2. de Invent. aliq. ante fin.) ponit eam fortitudinis partem.

Respondeo dicendum , quod patientia est pars fortitudinis quasi potentialis ; quia adjungitur fortitudini , sicut virtus secundaria principali.

Ad patientiam enim pertinet aliena mala aequaliter perpeti , ut Gregor. dicit in quadam Homil. (se. 35. in Evang. parum ante med.) In malis autem quæ ab aliis inferuntur , præcipua sunt , & difficillima ad sustinendum illa quæ pertinent ad pericula mortis , circa quæ est fortitudo. Unde patet , quod in ista materia principalitatem tenet fortitudo , quasi vendicans sibi id , quod principalius est in hac materia. Et ideo patientia adjungitur ei , sicut secundaria virtus principali.

Ad primum ergo dicendum , quod ad fortitudinem pertinet non qualicumque sustinere , sed illud quod est summe difficile in sustinendo , scilicet , sustinere pericula mortis. Ad patientiam autem potest pertinere sustinentia quorumcumque malorum.

Ad secundum dicendum , quod actus fortitudinis non solum consistit in hoc , quod aliquis in bono persistat

tat contra timores futurorum periculorum, sed etiam ut non deficiat propter præsentium tristitiam, sive dolorem. Et ex hac parte habet affinitatem cum fortitudine patientia. Et tamen fortitudo est principaliter circa timores, ad quorum rationem pertinet fugere quod vitat fortitudo. Patientia vero principalius est circa tristitias: nam patiens dicitur aliquis non ex hoc quod, non fugit, sed ex hoc quod laudabiliter se habet in patiendo quæ præsentialiter nocent, ut scilicet non inordinate ex eis tristetur. Et ideo fortitudo est proprie in irascibili, patientia autem in concupiscibili. Nec hoc impedit, quin patientia sit pars fortitudinis: quia adjunctio virtutis ad virtutem non attenditur secundum subjectum, sed secundum materiam, vel formam. Nec tamen patientia ponitur pars temperantiae, quamvis utraque sit in concupiscibili: quia temperantia est solum circa tristitias, quæ opponuntur delectationibus tactus; puta, quæ sunt ex abstinentia ciborum, vel venereorum: sed patientia præcipue est circa tristitias, quæ ab aliis inferuntur: et iterum ad temperantiam pertinet refrænare hujusmodi tristitias, sicut & delectationes contrarias. Ad patientiam autem pertinet, ut propter hujusmodi tristitias quæcumque sint, homo non recedat à bono virtutis.

Ad tertium dicendum, quod patientia potest quantum ad aliquid sui poni pars integralis fortitudinis: de qua parte objectio procedit, prout scilicet aliquis patienter sustinet mala, quæ pertinent ad pericula mortis. Nec est contra rationem patientiae, quod aliquis, quando opus fuerit, insiliat in eum qui mala facit: quia ut Chrysost. dicit super illud Matth. 4. *Vade Satana* (homil. 5. in opere imperfect. à med.) *In injurias proprias patientem esse laudabile est: injurias autem Dei patienter sustinere, nimis est implum.* Et August. dicit in quadam epistola ad Marcellinum, (quæ est 5. ante med. tom. 2.) quod *præcepta patientiae non contrariantur bono Republicæ, pro quo conservando contra inimicos pugnatur.* Secundum vero quod patientia se habet circa quæcumque alia mala, adjungitur fortitudini, ut virtus secundaria principali.

Utrum patientia sit idem quod longanimitas.

*Sup. q. 117. art. 5. ad 3. & 1. 2. q. 70. a. 3. corp.
& 2. cor. 6. lect. 2. princ.*

A. Ad Quintum sic proceditur. Videtur, quod patientia sit idem quod longanimitas. Dicit enim August. in libro de Patientia, (*colligitur ex cap. 1. tom. 4.*) quod patientia Dei non prædicatur in hoc, quod aliquod malum patiatur, sed in hoc quod expectat malos, ut convertantur: unde Eccli. 5. dicitur: *Altissimus patiens redditor est: ergo videtur, quod patientia sit idem quod longanimitas.*

2. Præterea. Idem non est oppositum duobus: sed impatientia opponitur longanimitati, per quam aliquis moram expectat: dicitur enim aliquis impatiens moræ, sicut aliorum malorum: ergo videtur, quod patientia sit idem longanimitati.

3. Præterea. Sicut tempus est quædam circumstancia malorum, quæ sustinentur, ita etiam locus: sed ex parte loci non sumitur aliqua virtus, quæ distinguatur à patientia: ergo similiter nec longanimitas quæ sumitur ex parte temporis, in quantum scilicet aliquis diu expectat, distinguitur à patientia.

Sed contra est, quod super illud ad Roman. 2., An „dixitias bonitatis ejus, & patientiae, & longanimitatis contemnis?“ dicit Glo. (Orig. lib. 2. comment. in hac epist. cap. 2. parum à princ.) „Videtur longanimitas à patientia differre: quia qui infirmitate magis quam proposito delinquunt, sustentari per longanimitatem dicuntur, qui vero pertinaci mente exultant in delictis suis, ferri patienter dicendi sunt.“

Respondeo dicendum, quod sicut magnanimitas dicitur, per quam habet aliquis animum tendendi in magna; ita etiam longanimitas dicitur, per quam aliquis habet animum tendendi in aliiquid, quod in longinquum distat: & ideo sicut magnanimitas magis respicit spem tendentem in bonum, quam audaciam, vel timorem, sive tristitiam, quæ respiciunt malum; ita etiam longa-

nimitas. Unde longanimitas majorem convenientiam videtur habere cum magnanimitate, quam cum patientia.

Potest tamen convenire cum patientia duplē ratione. Primo quidem, quia patientia, sicut & fortitudo, sustinet aliqua mala propter aliquid bonum. Quod si ex propinquuo expectetur, facilius est sustinere: si autem in longinquum differatur illud bonum, mala autem oporteat in præsenti sustinere, difficultius est. Secundo quia hoc ipsum quod est differri bonum speratum, natum est causare tristitiam, secundum illud Prov. 13. *Spes, quæ differtur, affligit animam.* Unde & in sustinendo hujusmodi afflictionem potest esse patientia, sicut & in sustinendo quascumque alias tristitias. Sic ergo secundum quod sub eadem ratione mali contristantia potest comprehendē & dilatio boni sperati, quæ pertinet ad longanimitatem, & labor, quem homo sustinet in continuata executione boni operis, quod pertinet ad constantiam, tam longanimitas, quam etiam constantia sub patientia comprehenduntur.

Unde & Tullius (*lib. 2. de Invent. aliq. ante finem*) definens patientiam dicit, quod *Patientia est honestatis ac utilitatis causa, voluntaria ac diuturna perpessio rerum arduarum, ac difficultium.* Quod dicit *arduarum*, pertinet ad constantiam in bono: quod dicit *difficillum*, pertinet ad gravitatem mali, quam proprie respicit patientia: quod vero addit, *diuturna*, sive *diutina*, pertinet ad longanimitatem, secundum quod convenit cum patientia.

Et per hoc patet responsio ad Primum, & Secundum.

Ad tertium dicendum, quod illud quod est longinquum loco, quamvis sit remotum à nobis, non tamen est simpliciter remotum à natura rerum, sicut id quod est longinquum tempore, & ideo non est similis ratio. Et præterea quod est longinquum loco, non affert difficultatem, nisi ratione temporis: quia quod est longinquum loco à nobis, tardius tempore ad nos potest pervenire.

Quartum concedimus. Tamen consideranda est ratio illius differentiæ, quam Glossa assignat: quia in his qui ex infirmitate peccant, hoc solum videtur importabile, quod diu perseverant in malo, & ideo dicitur, quod ex

longanimitate supportantur. Sed hoc ipsum quod aliquis ex superbia peccat, importabile videtur: & ideo per patientiam dicuntur sustineri illi, qui ex superbia peccant.

QUÆSTIO CXXXVII.

De perseverantia, in quatuor articulos divisa.

Peinde considerandum est de Perseverantia, & vitiis oppositis.

Circa Perseverantiam autem queruntur quatuor.

Primo. Utrum perseverantia sit virtus.

Secundo. Utrum sit pars fortitudinis.

Tertio. Quomodo se habeat ad constantiam.

Quarto. Utrum indigeat auxilio gratiae.

ARTICULUS I.

675

Utrum Perseverantia sit virtus.

*L*is. a. 2. corp. 2^o ad 1. 2^o 2. 2^o q. 138. a. 1. corp.

2^o 3. d. 33. q. 3. a. 3. q. 1. ad 4.

2^o q. 4. ad 1.

And Primum sic proceditur. Videtur, quod Perseverantia non sit virtus. Quia, ut Philos. dicit in 7. Eth. (cap. 7. clrc. med. tom. 5.) continentia est potior, quam perseverantia: sed continentia non est virtus, ut dicitur in 4. Ethic. (in fin. tom. 5.) ergo perseverantia non est virtus.

2. Præterea. *Virtus est, qua recte vivitur, secundum Aug.* in lib. 2. de lib. arb. (cap. 19. à princ. tom. 1.) Sed, sicut ipse dicit in lib. de perseverantia, (cap. 1. tom. 7.) nullus potest dici perseverantiam habere, quamdiu vivit, nisi perseveret usque ad mortem: ergo perseverantia non est virtus.

3. Præterea. Immobiliter persistere in opere virtutis requiritur ad omnem virtutem, ut patet in 2. Eth. (cap. 4. tom. 5.) Sed hoc pertinet ad rationem persever-

rari-

mantie: dicit enim Tullius in sua Rhet. (l. 2. de Invent. aliquant. ante fin.) quod perseverantia est in ratione bene considerata stabilis, & perpetua permanens: ergo perseverantia non est specialis virtus, sed conditio omnium virtutis.

Sed Contra est, quod Andronicus dicit quod perseverantia est habitus eorum, quibus immanendum est, & non immanendum, & neutrorum: sed habitus ordinatus non ad benefacientium aliquid, vel omittendum, est virtus: ergo perseverantia est virtus.

Respondeo dicendum, quod, secundum Philos. in 2. Ethic. (cap. 3. In fin. tom. 5.) virtus est circa difficile, & bonum. Et ideo ubi occurrit specialis ratio difficultatis, vel boni, ibi est specialis virtus. Opus autem virtutis potest habere bonitatem, & difficultatem ei duobus: uno quidem modo ex ipsa specie actus, quæ accipitur secundum rationem proprii objecti. Alio modo ex ipsa diuturnitate temporis, nam hoc ipsum quod est diu insistere alicui difficulti, speciale difficultatem habet. Et ideo diu persistere in aliquo bono usque ad consummationem pertinet ad specialem virtutem.

Sicut ergo temperantia, & fortitudo sunt speciales virtutes, eo quod altera earum moderatur delectationes tactus, (quod de se difficultatem habet) altera autem moderatur timores, & audacias circa pericula mortis; (quod etiam secundum se difficile est) ita etiam perseverantia est quædam specialis virtus, ad quam pertinet in his, vel in aliis virtuosis operibus diuturnitatem sustinere, prout necesse est.

Ad primum ergo dicendum, quod Philosophus accipit ibi perseverantiam, secundum quod aliquis perseverat in his, in quibus difficillimum est diu sustinere. Non est autem difficile sustinere bona, sed mala. Mala autem, quæ sunt pericula mortis, ut plurimum non diu sustinentur; quia ut frequentius cito transeunt: unde respectu illorum non est præcipua laus perseverantie. Inter alia autem mala præcipua sunt illa, quæ opponuntur delectationibus tactus, quia hujusmodi mala attenduntur circa necessaria vitæ, puta circa defectum ciborum, & aliorum hujusmodi, quæ quandoque imminent diu sustinenda. Non est autem difficile hæc diu susti-

nere illi, qui circa hoc non multum tristatur, nec in oppositis bonis multum delectatur; sicut patet in temperato, in quo hujusmodi passiones non sunt vehementes: sed maxime hoc difficile est in eo, qui circa hoc vehementer afficitur, utpote non habens perfectam virtutem modificantem has passiones. Et ideo si accipiatur hoc modo perseverantia, non est virtus perfecta, sed est quoddam imperfectum in genere virtutis. Si autem accipiamus perseverantiam, secundum quod aliquis in quocumque bono difficulti diu persistit, hoc potest convenire etiam habenti perfectam virtutem, cui etiamsi persistere sit minus difficile, persistit tamen in bono magis perfecto. Unde talis perseverantia potest esse virtus; quia perfectio virtutis magis attenditur secundum rationem boni, quam secundum rationem difficultis.

Ad secundum dicendum, quod eodem nomine quandoque nominatur & virtus, & actus virtutis; sicut August. dicit super Ioann. (tract. 79. paulo à princ. tom. 9.) *Fides est credere, quid non vides.* Potest tamen contingere, quod aliquis habeat habitum virtutis, qui tamen non exercet actum: sicut aliquis pauper habet habitum magnificentiae, cum tamen actum non exerceat. Quandoque vero aliquis habens habitum incipit quidem exercere actum, sed non perficit; puta si ædificator incipiat ædificare, & non compleat dominum. Sic ergo dicendum est, quod nomen perseverantie quandoque sumitur pro habitu, quo quis eligit perseverare; quandoque autem pro actu, quo quis perseverat. Et quandoque quidem habens habitum perseverantiae eligit quidem perseverare, & incipit exequi aliquandiu persistendo, non tamen complet actum, quia non persistit usque ad finem. Est autem duplex finis: *Unus* quidem, qui est finis operis; *Altus* autem, qui est finis humanae vitæ. Per se autem ad perseverantiam pertinet ut aliquis perseveret usque ad terminum virtuosi operis; sicut quod miles perseveret usque ad finem certaminis, & magnificus usque ad consummationem operis. Sunt autem quedam virtutes, quarum actus per totam vitam debent durare, sicut fidei, spei & charitatis, quia respiciunt ultimum finem totius vi-

træ humanæ. Et ideo respectu harum virtutum, quæ sunt principales, non consummatur actus perseverantia usque ad finem vitæ. Et secundum hoc August. accipit perseverantiam pro actu perseverantiae consummatam.

Ad tertium dicendum, quod immobiliter persistere virtuti potest convenire *dupliciter*. *Uno modo* ex propria intentione finis: et sic diu persistere usque ad finem in bono, pertinet ad specialem virtutem, quæ dicitur perseverantia, quæ hoc intendit, sicut specialem finem. *Alio modo* ex comparatione habitus ad subiectum: et sic immobiliter persistere consequitur quamlibet virtutem, in quantum est *qualitas difficile mobilis*.

ARTICULUS II.

674

Utrum Perseverantia sit pars fortitudinis.

*Supp. q. 128. 2^o 3. dist. 33. q. 3. art. 3. q. 1.
2. 2^o 4. corp.*

Accord Secundum sic proceditur. Videtur, quod perseverantia non sit pars fortitudinis. Quia ut Philos. dicit in 7. Ethic. (cap. 7. à princ. tom. 5.) perseverantia est circa tristitias tactus: sed hujusmodi pertinent ad temperantiam: ergo perseverantia magis est pars temperantiae, quam fortitudinis.

2. Præterea. Omnis pars virtutis moralis est circa aliquas passiones, quas virtus moralis moderatur: sed perseverantia non importat moderantiam passionum: quia quanto vehementiores fuerint passiones, tanto aliquis secundum rationem perseverans laudabilior videtur: ergo videtur, quod perseverantia non sit pars alicujus virtutis moralis, sed magis prudentiae, quæ perficit rationem.

3. Præterea. August. dicit in lib. de perseverantia. (ex cap. 1. tom. 7.) quod perseverantiam nullus potest amittere. Alias autem virtutes potest homo amittere: ergo perseverantia est potior omnibus aliis virtutibus: sed virtus principalis est potior, quam ejus pars: ergo perseverantia non est pars alicujus virtutis sed magis ipsa est virtus principalis.

Sed

Sed contra est, quod Tullius : (*l. 2. de Invent. aliquant. ante fin.*) ponit perseverantiam partem fortitudinis.

Respondeo dicendum, quod, sicut supra dictum est, (*q. 123. a. II. 2. 2. q. 61. a. 3. 2. 4.*) virtus principalis est, cui principaliter adscribitur aliquid, quod pertinet ad laudem virtutis; in quantum scilicet exercet illud circa propriam materiam, in qua difficultimum, & optimum est illud observare.

Et secundum hoc dictum est, (*q. 113. a. II.*) quod fortitudo est principalis virtus: quia firmitatem servat in his, in quibus difficultimum est firmiter persistere, scilicet in periculis mortis. Et ideo necesse est, quod fortitudini adjungatur, sicut secundaria virtus principali, omnis illa virtus, cuius laus consistit in sustinendo firmiter aliquod difficile. Sustinere autem difficultatem, quæ provenit ex diuturnitate boni operis, dat laudem perseverantie: nec hoc est ita difficile, sicut sustinere pericula mortis. Et ideo perseverantia adjungitur fortitudini, sicut virtus secundaria principali.

Ad primum ergo dicendum, quod annexio secundariæ virtutis ad principalem non solum attenditur secundum materiam, sed magis secundum modum, quia forma in unoquoque potior est quam materia. Unde licet perseverantia magis videatur convenire in materia cum temperantia, quam cum fortitudine; tamen in modo magis convenit cum fortitudine, in quantum firmitatem servat contra difficultatem diuturnitatis.

Ad secundum dicendum, quod illa perseverantia, de qua loquitur Philosophus, (*l. 7. Ethic. c. 4. 2. 7, tom. 5.*) non moderatur alias passiones, sed consistit solum in quadam firmitate rationis, & voluntatis. Sed perseverantia, secundum quod ponitur virtus, moderatur alias passiones, scilicet timorem fatigationis, aut defectus propter diuturnitatem. Unde hæc virtus est in irascibili, sicut fortitudo.

Ad tertium dicendum, quod Augustinus ibi loquitur de perseverantia, non secundum quod nominat habitum virtutis, sed secundum quod nominat actum virtutis continuatum usque in finem, secundum illud Mat-

thæi. 23. *Qui perseveraverit usque in finem, hic salvus erit.* Et ideo contra rationem perseverantiae sic acceptæ esset, quod amitteretur; quia jam non duraret usque in finem.

ARTICULUS III.

675

Utrum Constantia pertineat ad Perseverantiam.

And Tertium sic proceditur. Videtur, quod Constantia non pertineat ad Perseverantiam. Constantia enim pertinet ad patientiam, ut supra dictum est (*q. præc. art. 5.*) Sed patientia differt à perseverantia: ergo constantia non pertinet ad perseverantiam.

2. Præterea. *Virtus est circa difficile bonum: sed in parvis operibus constante esse non videtur esse difficile, sed solum in operibus magnis, quæ pertinent ad magnificentiam: ergo constantia magis pertinet ad magnificentiam, quam ad perseverantiam.*

3. Præterea. Si ad perseverantiam pertineret constantia, in nullo videretur à perseverantia differre; quia utrumque immobilitatem quamdam importat: differunt autem, nam Macrobius (*lib. 1. in Somn. Scip. c. 8. circ. med.*) coudividit constantiam firmitati, per quam intelligitur perseverantia, ut supra dictum est. (*q. 128. ad 6.*) ergo constantia non pertinet ad perseverantiam.

Sed Contra est, quod aliquis dicitur esse constans ex eo quod in aliquo stat: sed immanere aliquibus pertinet ad perseverantiam, ut patet ex definitione, quam Andronicus ponit: ergo constantia pertinet ad perseverantiam.

Respondeo dicendum, quod perseverantia, & constantia convenient quidem in fine, quia ad utrumque pertinet firmiter persistere in aliquo bono: differunt autem secundum ea, quæ difficultatem asierunt ad persistendum in bono. Nam virtus perseverantiae propriè facit firmiter persistere hominem in bono contra difficultatem, quæ provenit ex ipsa diuturnitate actus: constantia autem facit firmiter persistere in bono contra difficultatem, quæ provenit ex quibuscumque aliis exterioribus impedimentis.

Et ideo principalior pars fortitudinis est perseverantia;

lia, quam constantia : quia difficultas, quæ est ex diuturnitate actus, est essentialior actui virtutis, quam illa, quæ est ex exterioribus impedimentis.

Ad primum ergo dicendum, quod exteriora impedimenta persistendi in bono præcipue sunt illa, quæ tristitiam inferunt. Circa tristitiam autem est patientia, ut dictum est. (*q. præc. art. 1.*) Et ideo constantia secundum finem convenit cum perseverantia : secundum autem, ea quæ difficultatem inferunt, convenit cum patientia : finis autem potior est. Et ideo constantia magis pertinet ad perseverantiam, quam ad patientiam.

Ad secundum dicendum, quod in magnis operibus persistere difficultius est : sed in parvis, vel in mediocribus dum persistere habet difficultatem, & si non ex magnitudine actus, quam respicit magnificentia, saltem ex ipsa diuturnitate, quam respicit perseverantia. Et ideo constantia potest ad utrumque pertinere.

Ad tertium dicendum, quod constantia pertinet quidem ad perseverantiam, in quantum convenit cum ea : non tamen est idem ei, in quantum differt ab ea, ut dictum est. (*in corp.*)

ARTICULUS IV.

676

Utrum Perseverantia indigeat auxilio gratiæ.

1. *z. q. 109. art. 9. & 10. & q. 114. a. 2. corp. &*
2. d. 20. id expos. & ad 2. & 3. cont. cap. 125.

& vers. q. 24. art. 5. ad 3. & Psal. 31. &
Joan. 1. lect. 2. princ.

 Ad quartum sic proceditur. Videtur, quod perseverantia non indigeat auxilio gratiæ. Perseverantia enim est quædam virtus, ut dictum est : (*art. 1. huj. q.*) sed virtus, ut Tullius dicit in sua Rethor. (*lib. 3. de Invent. aliquant. ante fin.*) agit in modum naturæ : ergo sola inclinatio virtutis sufficit ad perseverantiam : non ergo ad hoc requiritur aliquod auxilium gratiæ.

2. Præterea Donum gratiæ Christi est maius, quam nocumeudum, quod Adam iustulit, ut patet ad Rom. 5. Sed ante peccatum sic conditus fuit homo, ut posset perseve-

120 QUÆST. CXXXVII. ART. IV.

rare per id, quod acceperat, sicut August. dicit in lib. de corrept. & grat. (cap. 11. in med. tom. 7.) ergo multo magis homo per gratiam Christi reparatus potest perseverare absque auxilio novæ gratiæ.

2. Præterea. Opera peccati quandoque sunt difficultioria, quam opera virtutis. Unde ex persona impiorum dicitur Sap. 5. *Ambulavimus vias difficiles: sed aliqui perseverant in operibus peccati absque alterius auxilio: ergo etiam in operibus virtutum potest homo perseverare absque auxilio gratiæ.*

Sed contra est, quod Augustinus dicit in lib. de perseverant. (cap. 1. in princ. tom. 7.) *Asserimus donum Dei esse perseverantiam, qua usque ad finem perseveratur in Christo.*

Respondeo dicendum, quod, sicut ex dictis patet (art. 1. huj. q. ad 2. & art. 2. ad 3.) perseverantia dupliciter dicitur. Uno modo pro ipso habitu perseverantiae, secundum quod est virtus: Et hoc modo indiget dono habitualis gratiæ, sicut & cæteræ virtutes infussæ.

Allo modo potest accipi pro actu perseverantiae durante usque ad mortem: et secundum hoc indiget non solum gratia habituali, sed etiam gratuito Dei auxilio conservantis hominem in bono usque ad finem vitæ, sicut supra dictum est, (1. 2. q. 109. art. 10.) cum de gratia ageretur.

Quia cum liberum arbitrium de se sit vertibile, & hoc ei non tollatur per habitualē gratiam, præsentis vitæ, non subest potestati liberi arbitrii etiam per gratiam reparati ut se immobiliter in bono statuat, licet sit in potestate ejus, quod hoc eligat. Plerumque enim cadit in nostram potestatem electio, sed non executio.

Ad primum ergo dicendum, quod virtus perseverantiae, quantum est de se, inclinat ad perseverandum: quia tamen habitus est, quo quis utitur, cum voluerit, non est necessarium, quod habens babitum virtutis immobiliter utatur eo usque ad mortem.

Ad secundum dicendum, quod sicut August. dicit, in lib. de corrept. & grat. (c. 11. in med. tom. 7.) „primo homini datum est, non ut perseveraret sed ut perseverare posset per liberum arbitrium, quia nulla

„corruptio tunc erat in humana natura, quæ perse-
 „verandi difficultatem præberet. Sed nunc prædestina-
 „tis per possint, sed ut perseverent gratiam Christi non
 „solum datur, ut perseverare. Unde primus homo,
 „nullo terrente, contra Dei terrentis imperium libero
 „usus arbitrio non stetit in tanta felicitate cum tan-
 „ta non peccandi facilitate: isti autem, sæviente mun-
 „do, ne flarent, steterunt in fide.“

Ad tertium dicendum, quod homo per se potest ca-
 dere in peccatum; sed non potest per se resurgere à
 peccato sine auxilio gratiæ. Et ideo ex hoc ipso quod
 homo cadit in peccatum, quantum de se est, facit se
 in peccato perseverantem, nisi gratia Dei liberetur.
 Non autem ex hoc quod facit bonum, facit se perse-
 verantem in bono; quia de se potens est peccare, &
 ideo ad hoc indiget auxilio gratiæ.

QUÆST. CXXXVIII.

*De vitiis oppositis perseverantia, in duos articulos
 divissa.*

Beinde considerandum est de vitiis oppositis per-
 severantia.

Et circa hoc queruntur duo.

Primo. De mollitie.

Secundo. De pertinacia.

ARTICULUS I.

677

Utrum Mollitie opponatur perseverantia.

Inf. art. 2. corp.

Add Primum sic proceditur. Videtur, quod mollitie non opponatur perseverantia. Quia super illud 1. ad Cor. 6. Neque adulteri, neque molles, neque masculorum concubitores, Glos. (interl.) exponit, molles, id est pa-
 thici, hoc est muliebria patientes: sed hoc opponitur cas-
 titati: ergo mollitie non est vitium oppositum perse-
 verantia.

2. Præterea. Philos. dicit in 7. Ethic. (cap. 7. ante med. tom. 5.) quod *delicia mollitiae quædam est*: sed esse deliosum videtur pertinere ad intemperiam: ergo mollitiae non opponitur perseverantiae, sed magis temperantiae.

3. Præterea. Philos. ibidem dicit, quod *lusivus est mollis*: sed esse immoderate lusivum opponitur eutrapelia, quæ est virtus circa delectationes ludorum, ut dicitur in 4. Ethic. (c. 8. tom. 5.) ergo mollitiae non opponitur perseverantiae.

Sed Contra est, quod Philos. dicit in 7. Ethic. (cap. 7. cir. med. tom. 5.) quod *mollis opponitur perseverantius*.

Respondeo dicendum, quod, sicut supra dictum est, (q. præc. a 1. & 2.) laus perseverantiae in hoc consistit, quod aliquis non recedit à bono propter diutinam tolerantiam difficultum, & laboriosorum: cui directe videtur opponi, quod aliquis de facili recedat à bono propter aliqua difficultia, quæ sustinere non potest: Et hoc pertinet ad rationem mollitiei. Nam molles dicitur, quod facile cedit tangenti.

Non autem judicatur aliquid molle ex hoc, quod cedit fortiter impellenti, nam & parietes cedunt machinæ percutienti. Et ideo non reputatur aliquis molles, si cedat aliquibus valde graviter impellantibus. Unde Philos. dicit in 7. Eth. (cap. 7. à med. tom. 5.) quod *si quis à fortibus, & superexcellentibus delectationibus vincitur, vel tristitis, non est admirabile, sed condonabile, si contra tendat*. Manifestum est autem, quod gravius impellit metus periculorum, quam cupiditas delectationum. Unde Tullius dicit in 1. de Offic. (in tit. *Vera magnanimitas in duobus sita est*) Non est consentaneum, qui metu non frangatur, cum frangi cupiditate; nec qui invictum se à labore præstiterit, vincit à voluptate. Ipsa enim voluptas fortius movet attrahendo, quam tristitia de carentia voluptatis retrahendo: quia carentia voluptatis est purus defectus. Et ideo secundum Philosophum (*loc. sup. cit.*) propriæ molles dicitur, qui recedit à bono propter tristitias causatas ex defectu delectationum, quasi cedens debili moventi.

Ad primum ergo dicendum, quod prædicta molles

ties

ties causatur *dupliciter*: uno modo ex consuetudine: cum enim aliquis consuetus est voluptatibus frui, difficilior potest earum absentiam sustinere: alio modo ex naturali dispositione, quia videlicet habet animum minus constantem propter fragilitatem complexionis. Et hoc modo comparantur fœminæ ad masculos, ut Philosophus dicit in 7. Ethic. (*loc. supra cit.*) Et ideo illi, qui muliebria patiuntur, molles dicuntur, quasi muliebres effecti.

Ad secundum dicendum, quod voluptati corporali opponitur labor, & ideo res laboriosæ tantum impediunt voluptates: deliciosi autem dicuntur, qui non possunt sustinere aliquos labores, nec aliquid quod voluptatem diminuat. Unde dicitur Deut. 28. *Tenera mulier, & delicata, quæ super terram ingredi non valebat, nec pedis vestigium figere propter mollitatem.* Et id deliciae mollities quædam est: sed mollities proprie respicit defectum delectationum; deliciæ autem causam impeditivam delectationis, puta laborem, vel aliquid hujusmodi.

Ad tertium dicendum, quod in ludo duo est considerare. Uno quidem modo delectationem: et sic inordinate insivns opponitur entrapellicæ. Alio modo in ludo consideratur quædam remissio, sive quies, quæ opponitur labori: et ideo sicut non posse sustinere laboriosa pertinet ad mollitatem, ita etiam nimis appetere remissionem ludi, vel quamcumque aliam quietem.

ARTICULUS I.

678

Utrum pertinacia opponatur perseverantiae.

And Secundum sic proceditur. Videtur, quod pertinacia non opponatur perseverantiae. Dicit enim Greg. 31. Moral. (cap. 17. à med.) quod pertinacia oritur ex inani gloria: sed inanis gloria non opponitur perseverantiae sed magis magnanimitati, ut supra dictum est, (q. 132. a. 2.) ergo pertinacia non opponitur perseverantiae.

2. Præterea. Si opponitur perseverantiae, aut opponitur ei per excessum, aut per defectum: sed non opponitur ei per excessum; quia etiam pertinax cedit

alicui delectationi & tristitia: quia, ut dicit Philos. in 7. Ethic. (cap. 9. ante med. tom. 5.) Gaudient vincentes, & tristantur, si sententiae eorum infirma appareant. Si autem per defectum, erit idem quod mollities: quod patet esse falsum, nullo ergo modo pertinacia opponitur perseverantiae.

3. Præserea. Sicut perseverans persistit in bono contra tristitias, ita continens, & temperatus contra delectationes, & fortis contra timores, & mansuetus contra iras: sed pertinax dicitur aliquis ex eo, quod nimis in aliquo persistit, ergo pertinacia non magis opponitur perseverantiae, quam aliis virtutibus.

Sed Contra est, quod Tullius dicit in sua Rhetor. (lib. 2. de Invent. aliquant ante fin.) quod ita se habet pertinacia ad perseverantiam, sicut superstitionem ad religionem: sed superstitione opponitur religione, ut supra dictum est, (q. 92. a. 1.) ergo & pertinacia perseverantiae.

Respondeo dicendum, quod, sicut Isid. dicit in lib. 10. Etymol. (ad lit. P.) pertinax dicitur aliquis, qui est impudenter tenens, & quasi ad omnia tenax. Et hic idem dicitur pervicax, eo quod in proposito suo ad victoriam perseverat. Antiqui enim dicebant vicium, quam nos victoriam: et hoc Philos. vocat in 7. Ethic. (cap. 9. tom. 1.) ισχυρωμένοις ischyrognomones, id est, fortis sententiae, vel ιδιογνώμονες indiognomones, id est, propriæ sententiae: quia scilicet perseverant in propria sententia plus quam oportet: mollis autem minus quam oportet: perseverans autem secundum quod oportet.

Unde patet, quod perseverantia ländatur, sicut in medio existens: Pertinax autem vituperatur secundum excessum medi: ollis autem secundum defectum.

Ad primum ergo dicendum, quod ideo aliquis nimis persistit in propria sententia, quia per hoc vult suam excellentiam manifestare, & ideo oritur ex inani gloria, sicut ex causa. Dictum est autem supra, (q. 127. a. 2. ad 1. & q. 133. a. 2.) quod oppositio vitiorum ad virtutes non attenditur secundum causam, sed secundum propriam speciem.

Ad secundum dicendum, quod pertinax excedit qui-

quidem in hoc , quod inordinate persistit in aliquo contra multas difficultates ; habet tamen aliquam delectationem in fine , sicut & fortis , & etiam perseverans : quia tamen illa delectatio est vitiosa , ex eo quod nimis appetit eam , & contrariam tristitiam fugit , assimilatur incontinenti , vel molli .

Ad tertium dicendum , quod etsi aliae virtutes persistant contra impetus passionum , non tamen proprius laus earum est ex persistendo , sicut laus perseverantiae . Laus vero continentiae magis videtur ex vincendo delectationes . Et ideo pertinacia directe opponitur perseverantiae .

Q U A E S T I O C XXXIX.

De dono fortitudinis , in duos articulos divisa.

Beinde considerandum est de dono , quod respondeat fortitudini , quod est fortitudinis donum .

Et circa hoc queruntur duo.

Primo. Utrum fortitudo sit donum .

Secundo. Quid respondeat ei in beatitudinibus , & fructibus .

ARTICULUS I.

679

Utrum fortitudo sit donum .

3. d. 34, q. 4. 2. cor. 7 q. 3. a. 1. q. 1.

And Primum sic proceditur . Videtur , quod fortitudo non sit donum . Virtutes enim à donis difierunt : sed fortitudo est virtus : ergo non debet ponî donum .

2. Præterea . Actus dolorum manent in patria , ut supra habitum est : (1. 2. q. 68. a. 6.) sed actus fortitudinis , non manet in patria , dicit enim Gregorius in primo Moral . (cap. 15. ante med.) quod fortitudo dat fiduciam trepidanti contra adversa , quæ nulla erunt in patria : ergo fortitudo non est donum .

3. Præterea , August. dicit in 2. de Doctr. Christ.

F 6

(cap. 7.

(cap. 7. In med. tom. 3.) quod fortitudinis est ab omni transcensum mortifera jucunditate seipsum sequestrare : sed circa noxias jucunditates , seu delectationes magis consistit temperantia , quam fortitudo , ergo videtur , quod fortitudo non sicut donum respondens virtuti fortitudinis.

Sed Contra est , quod Isa. 11. Fortitudo inter alia dona Spiritus sancti computatur.

Respondeo dicendum , quod fortitudo importat quadam animi firmitatem , ut supra dictum est : (q. 123. a. 2. & 1. 2. q. 61. a. 3.) Et haec quidem firmitas animi requiritur & in bonis faciendis , & in malis perferendis , & præcipue in arduis bonis , vel malis. Homo autem secundum proprium , & connaturalem sibi modum hanc firmitatem in utroque potest habere , ut non deficiat à bono propter difficultatem vel aliquius ardui operis implendi , vel aliquius gravis mali preferendi : et secundum hoc fortitudo ponitur virtus specialis , vel generalis , ut supra dictum est , (q. 123. a. 2.)

Sed ulterius à Spiritu sancto movetur animus hominis ad hoc , quod perveniat ad finem cuiuslibet operis inchoati , & evadat quæcumque pericula imminentia : quod quidem excedit naturam humanam : quandoque enim non subest potestati hominis , ut consequatur finem sui operis , vel evadat mala , seu pericula , cum quandoque opprimatur ab eis in morte : sed hoc operatur Spiritus sanctus in homine , cum perducit eum ad vitam æternam , quæ est finis omnium bonorum operum , & evasio omnium periculorum : et hujus rei infundit quandam fiduciam menti Spiritus sanctus , contrarium timorem excludens. Et secundum hoc fortitudo donum Spiritus sancti ponitur. Dictum est enim supra , (1. 2. q. 68. a. 1. & 2.) quod dona respiciunt motionem animæ à Spiritu sancto.

Ad primum ergo dicendum , quod fortitudo , quæ est virtus , perficit animum ad sustinendum quæcumque pericula. Sed non sufficit dare fiduciam evadendi quæcumque pericula , sed hoc pertinet ad fortitudinem , quæ est donum Spiritus sancti.

Ad secundum dicendum , quod dona non habent eosdem actus in patria , quos habent in via ; sed ibi ha-

habent actus circa perfruitionem finis. Unde actus fortitudinis ibi est perfrui plena securitate à laboribus, & malis.

Ad tertium dicendum, quod donum fortitudinis respicit virtutem fortitudinis, non solum secundum quod consistit in sustinendo pericula, sed etiam secundum quod consistit in quoconque arduo opere faciendo. Et ideo donum fortitudinis dirigitur à dono consilii, quod videtur præcipue esse de melioribus bonis.

ARTICULUS II.

680

Utrum quarta beatitudo, scilicet: Beati, qui esuriunt, & sitiunt justitiam, respondeat dono fortitudinis.

*Inf. q. 183. v. 1. 2. q. 69. a. 3. v. 3. d. 34.
q. 1. a. 4 v. 6. cor.*

Ad Secundum sic proceditur. Videtur, quod quarta beatitudo, sc. Beati, qui esuriunt, & sitiunt justitiam, non respondeat dono fortitudinis. Donum enim fortitudinis non respondet virtuti justitiae, sed potius donum pietatis: sed esurire, & sitire justitiam pertinet ad actum justitiae: ergo beatitudo ista magis pertinet ad donum pietatis, quam ad donum fortitudinis.

2. Præterea. Esuries, & sitiis justitiae importat desiderium boni: sed hoc proprie pertinet ad charitatem, cui non respondet donum fortitudinis, sed magis donum sapientiae, ut supra dictum est, (q. 45.) ergo ista beatitudo non respondet dono fortitudinis, sed dono sapientiae.

3. Præterea. Fructus consequuntur ad beatitudines; quia de ratione beatitudinis est delectatio, ut dicitur in 1. Ethic. (cap. 8. med. tom. 5.) Sed in fructibus non videatur aliquid ponи, quod pertineat ad fortitudinem, ergo nec beatitudo aliqua ei respondet.

Sed Contra est, quod August. dicit in lib. 1. de ser. Dom. in monte, (cap. 4. ante med. tom. 4.) Fortitudo congruit esurientibus, & sitientibus: laborant enim desiderantes gaudium de veris bonis, amorem à terrenis, & corporalibus avertere cupientes.

Res-

Respondeo dicendum, quod, sicut supra dictum est, (*q. 121. a. 2.*) Augustinus attribuit beatitudines donis secundum ordinem enumerationis, considerata tamen aliqua convenientia. Et ideo quartam beatitudinem, scilicet de esurie, & siti justitiae, attribuit quarto dono, scilicet dono fortitudinis.

Est tamen ibi aliqua convenientia: quia, sicut dictum est, (*art. præc.*) fortitudo in arduis consistit. Est autem valde arduum, quod aliquis non solum opera virtuosa faciat, quæ communiter dicuntur opera justitiae; sed quod faciat ea cum insatiabili quodam desiderio; quod potest significari per famem, & sitim justitiae.

Ad primum ergo dicendum, quod, sicut Chrysostomus dicit super Matth. (*hom. 15. inter præc. & med.*) Justitia hic potest accipi non solum particularis, sed etiam universalis, quæ se habet ad omnium virtutum opera, ut dicitur in *5. Ethic. (cap. 1. a. med. tom. 5.)* in quibus arduum intendit fortitudo, quæ est donum.

Ad secundum dicendum, quod charitas est radix omnium donorum, & virtutum, ut supra dictum est. (*q. 23. a. 8. ad 3. & 1. 2. q. 68. a. 4. ad 3.*) Et ideo quicquid pertinet ad fortitudinem potest, etiam ad charitatem pertinere.

Ad tertium dicendum, quod inter fructus ponuntur duo, quæ sufficienter correspondent dono fortitudinis; scilicet patientia, quæ respicit sustinentiam malorum; & longanimitas, quæ respicere potest diuturnam expectationem, & operationem bonorum.

Q U A E S T I O C X L.

De præceptis fortitudinis, in duos articulos divisa.

Beinde considerandum est de præceptis fortitudinis.
Et *Primo.* De præceptis ipsius fortitudinis,
Secundo. De præceptis partium ejus,

ARTICULUS I.

681

Utrum convenienter in lege divina præcepta fortitudinis tradantur.

Ad Primum sic proceditur. Videtur, quod non convenienter in lege divina præcepta fortitudinis tradantur. Lex enim nova perfectior est veteri lege: sed in veteri lege ponuntur aliqua præcepta fortitudinis, ut patet Deut. 20.: ergo & in nova lege aliqua præcepta fortitudinis danda fuerunt.

2. Præterea. Præcepta affirmativa videntur esse posteriora præceptis negativis; quia affirmativa includunt negativa; sed non ē converso: inconvenienter ergo in lege divina ponuntur præcepta fortitudinis solum negativa timorem prohibentia.

3. Præterea. Fortitudo est una de virtutibus principalibus, ut supra habitum est: (q. 123. a. 11. 2^o i. 2. q. 61. a. 2.) sed præcepta ordinantur ad virtutes, sicut ad fines: unde debent eis proportionari; ergo & præcepta fortitudinis debuerunt ponî inter præcepta decalogi, quæ sunt principalia legis præcepta.

Sed contrarium appareat ex traditione sacræ Scripturæ.

Respondeo dicendum, quod præcepta legis ordinantur ad intentionem legislatoris. Unde secundum diversos fines, quos intendit legislator, oportet diversimode præcepta legis institui. Unde & in rebus humanis alia sunt præcepta democratica, alia regia, alia tyrannica. Finis autem legis divinæ est, ut homo inhæreat Deo. Et ideo præcepta legis divinæ tam de fortitudine, quam de aliis virtutibus dantur, secundum quod convenit ordinacioni mentis in Deum.

Et propter hoc Deuter. 20 dicitur, *Non formidetis eos, quia Dominus Deus vester in medio vestri est, et pro vobis contra adversarios dimicabit.*

Leges autem humanæ ordinantur ad aliqua mundana bona, secundum quorum conditionem præcepta fortitudinis in humanis legibus inveniuntur.

Ad primum ergo dicendum, quod vetus testamentum

tum habebat temporalia promissa , novum autem spiritualia , & æterna , ut August. dicit contra Faust. (l. 4. cap. 2. in princ. tom. 6.) Et ideo necessarium fuit : ut in veteri lege populus instrueretur , qualiter pugnare deberet etiam corporaliter pro terrena possessione acquirenda. In novo autem testamento instruendi fuerunt homines , qualiter spiritualiter certando ad possessionem vitæ æternæ pervenirent , secundum illud Matth. 11. *Regnum cœlorum vim patitur , & violenti respiunt illud.* Unde & Petrus præcipit 1. Pet. ult. *Adversarius vester diabolus , tanquam leo rugiens , circumquærens , quem devoret , cui resistite fortis in fide.* Et Jacobi 4. *Resistite diabolo , & fugiet a vobis.* Quia tamen homines ad spiritualia bona tendentes , ab eis retrahi possent per corporalia pericula , fuerunt etiam in lege nova danda fortitudinis præcepta ad sustinenda fortiter temporalia mala , secundum illud Matth. 10. *Nolite timere eos , qui occidunt corpus.*

Ad secundum dicendum , quod lex in suis præceptis habet communem instructionem. Ea vero , quæ sunt agenda in periculis , non possunt ad aliquod communem reduci , sicut ea , quæ sunt vitanda. Et ideo præcepta fortitudinis magis dantur negative , quam affirmative.

Ad tertium dicendum , quod , sicut dictum est , (q. 122. a. 1.) præcepta Decalogi ponuntur in lege , sicut prima principia , quæ statim debent esse omnibus nota. Et ideo præcepta Decalogi debuerunt esse principaliter de actibus iustitiae , in quibus manifeste videtur esse ratio debiti : non autem de actibus fortitudinis ; quia non ita manifeste videtur esse debitum , quod aliquis pericula mortis non reformidet.

ARTICULUS II.

681

Utram convenienter tradantur præcepta in lege divina de partibus fortitudinis.

Ad Secundum sic proceditur. Videtur , quod inconvenienter tradantur præcepta in lege divina de partibus fortitudinis. Sicut enim patientia , perseverantia sunt

sunt partes fortitudinis, ita etiam magnificentia, & magnanimitas, sive fiducia, ut ex supra dictis patet: (q. 128.) sed de patientia inveniuntur aliqua præcepta tradita in lege divina: similiter etiam & de perseverantia: ergo pari ratione de magnificentia, & magnanimitate aliqua præcepta tradi debuerunt.

2. Præterea. Patientia est virtus maxime necessaria, cum sit custos aliarum virtutum, ut Gregorius dicit: (*hom. 35. in Evang. parum ant. med.*) sed de aliis virtutibus dantur absolute præcepta: non ergo de patientia fuerunt danda præcepta, quæ intelligantur solum secundum præparationem animi, ut August. dicit in lib. 1. de serm. Domini in monte. (*cap. 19. ¶ 21. tom. 4.*)

3. Præterea. Patientia, & perseverantia sunt partes fortitudinis, ut dictum est: (q. 128. ¶ 136. a. 4. ¶ 137. a. 2.) sed de fortitudine non dantur præcepta affirmativa, sed solum negativa, ut supra habitum est: (a. præc. ad 2.) ergo etiam neque de patientia, & perseverantia fuerunt danda præcepta affirmativa, sed solum negativa.

Sed contrarium habetur ex traditione sacræ Scriptoræ.

Respondeo dicendum, quod lex divina perfecte informat hominem de his, quæ sunt necessaria ad recte vivendum. Indigit autem homo ad recte vivendum, non solum virtutibus principalibus, sed etiam virtutibus secundariis, & adjunctis. Et ideo in lege divina, sicut dantur convenientia præcepta de actibus virtutum principalium, ita dantur convenientia præcepta de actibus secundariorum virtutum, ¶ adjunctarum.

Ad primum ergo dicendum, quod magnificentia, & magnanimitas non pertinent ad genus fortitudinis, nisi secundum quandam magnitudinis excellentiam, quam circa propriam materiam considerant. Ea autem quæ pertinent ad excellentiam, magis cadunt sub consiliis perfectionis, quam sub præceptis necessitatis. Et ideo de magnificentia, & magnanimitate non fuerunt danda præcepta, sed magis consilia. Afflictiones autem, & labores præsentis vitæ pertinent ad patientiam, & perseverantiam, non ratione alicujus magnitudinis in eis con-

consideratæ, sed ratione ipsius generis. Et ideo de patientia, & perseverantia fuerunt danda præcepta.

Ad secundum dicendum, quod, sicut supra dictum est (q. 3. a. 2.) præcepta affirmativa etsi semper obligent, non tamen obligant ad semper, sed pro loco, & tempore. Et ideo sicut præcepta affirmativa, quæ de aliis virtutibus dantur, sunt accipienda secundum præparationem animi, ut scilicet homo sit paratus ea adimplere, cum opas fuerit; ita etiam præcepta patientiæ.

Ad tertium dicendum, quod fortitudo, secundum quod distinguitur à patientia, & perseverantia, est circa maxima pericula, in quibus est cautius agendum: nec oportet aliquid determinari in particulari quid sit faciendum: sed patientia, & perseverantia sunt circa minores afflictiones, & labores: ideo magis sine periculo potest in eis determinari, quid sit agendum, maxime in universali.

Q U A E S T I O C X L I .

De temperantia, in octo articulos divisa.

Consequenter considerandum est de Temperantia. *Primo* quideam de ipsa temperantia. *Secundo* de partibus ejus. *Tertio* de præceptis ipsius. Circa temperantiam autem *primo* considerare oportet de ipsa temperautia. *Secondo* de vitiis oppositis.

Circa primum queruntur octo.

Primo. Utrum temperantia sit virtus.

Secundo. Utrum sit virtus specialis

Tertio. Utrum sit solum circa concupiscentias, & delectationes.

Quarto. Utrum sit solum circa delectationes tactus,

Quinto. Utrum sit circa delectationes gustus, in quantum est gustus, vel solum in quantum est tactus quidam.

Sexto. Quæ sit regula temperantie.

Septimo. Utrum sit virtus cardinalis, seu principialis.

Octavo. Utrum sit potissima virtutum,

Utrum Temperantia sit virtus.

*Inf. q. 186. a. 1. corp. 2° vir. q. 1. a. 12. ad 3. 2°
3. Eth. lect. 19.*

Ad Primum sic proceditur. Videtur, quod Temperantia non sit virtus. Nulla enim virtus repugnat inclinationi naturæ; eo quod in nobis est naturalis appetitudo ad virtutem, ut dicitur in 2. Ethic. (*cap. 1. à princ. tom. 5.*) Sed temperantia retrahit à delectationibus, ad quas natura inclinat, ut dicitur in 2. Ethic. (*cap. 3. 2° 8. tom. 5.*) ergo temperantia non est virtus.

2. Præterea. Virtutes sunt connexæ ad invicem, ut supra habitum est: (*1. 2. q. 65. a. 1.*) sed aliqui habent temperantiam, qui non habent alias virtutes: multi enim inveniuntur temperati, qui tamen sunt avari, vel timidi: ergo temperantia non est virtus.

3. Præterea cuilibet virtuti respondet aliquod donum, ut ex supradictis patet: (*1. 2. q. 68.*) sed temperantia non videtur aliquod donum respondere; quia jam in superioribus dona omnia sunt aliis virtutibus attributa: ergo temperantia non est virtus.

Sed contra est, quod August. dicit in 6. Musicæ: (*cap. 13. à med. tom. 1.*) ea est virtus quæ temperantia nominatur.

Respondeo dicendum: quod sicut supra dictum est, (*1. a. q. 55. a. 3.*) de ratione virtutis est ut inclinet hominem ad bonum. Bonum autem hominis est secundum rationem esse; ut Dionys. dicit 4. cap. Div. Nomin. (*part. 4. lect. 22.*) Et ideo virtus humana est, quæ inclinat ad id, quod est secundum rationem. Manifeste autem ad hoc inclinat temperantia: nam in ejus nomine importatur quædam moderatio, seu tempore, quam ratio facit. Et ideo temperantia est virtus.

Ad primum ergo dicendum, quod natura inclinat in id, quod est conveniens unicuique. Unde homo

naturaliter appetit delectationem sibi convenientem. Quia vero homo, in quantum hujusmodi, est rationalis, consequens est quod delectationes sint homini convenientes, quæ sunt secundum rationem. Et ab his non retrahit temperantia, sed potius ab his quæ sunt contra rationem. Unde patet, quod temperantia non contrariatur inclinationi naturæ humanæ, sed convenit cum ea. Contrariatur tamen inclinationi naturæ bestialis non subjectæ rationi.

Ad secundum dicendum, quod temperantia, secundum quod perfecte habet rationem virtutis, non est sine prudentia, qua carent quicunque vitiosi. Et ideo illi qui carent aliis virtutibus oppositis vitiis subditi, non habent temperantium, quæ est virtus, sed operantur actus temperantiae ex quadam naturali dispositione, prout virtutes quædam imperfectæ sunt hominibus naturales, ut supra dictum est, (I. 2. q. 63. a. 1.) vel per consuetudinem acquisitæ, quæ sine prudentia non habent perfectionem rationis, ut supra dictum est. (I. 2. q. 48. a. 4. & q. 65. a. 1.)

Ad tertium dicendum, quod temperantiae etiam respondet aliquod donum, scilicet timoris, quo aliquis refrenatur delectationibus carnis, secundum illud Ps. 118. *Conse timori tuo carnes meas.* Donum autem timores principaliter quidem respicit Denim, cuius offensam vitat: & secundum hoc correspondet virtuti spei, ut supra dictum est. (q. 19. a. 9. ad 1.) Secundario autem potest respicere, quæcumque aliquis refugit ad vitandum Dei offensam. Maxime autem homo indiget timore divino ad fungiendum ea quæ maxime alliciunt, circa quæ est temperantia. Et ideo temperantiae etiam correspondet donum timoris.

ARTICULUS II.

684

Utrum temperantia sit specialis virtus.

Inf. a. 4. ad 2.

Ad Secundum sic proceditur. Videtur, quod temperantia non sit specialis virtus. Dicit enim Augustinus in lib. de morib. Eccles. (cap. 15. circ. fin. & cap.

19.

19. tom. I.) quod ad temperantiam pertinet, *Deo se integrum incorruptumque servare*: sed hoc convenit omni virtuti: ergo temperantia est virtus generalis.

2. Præterea. Ambrosius dicit in 1. de Officiis, (cap. 43. in princ.) quod in temperantia maxime tranquillitas animi spectatur, & queritur: sed hoc pertinet ad omnem virtutem: ergo temperantia est generalis virtus.

3. Præterea. Tullius dicit in 1. de Officiis, (in tit. de Temperantia) quod decorum ab honesto nequit separari, & quod justa omnia decora sunt: sed decorum proprie consideratur in temperantia, ut ibidem dicitur: ergo temperantia non est specialis virtus.

Sed Contra est, quod Philosophus in 2. Ethicorum (cap. 7.) & in 3. (cap. 10. tom. 5.) ponit eam specialem virtutem.

Respondeo dicendum, quod secundum consuetudinem humanæ locutionis, aliqua nomina communia restringuntur ad ea, quæ sunt præcipua inter illa, quæ sub tali communitate continentur: sicut nomen urbis accipitur autonomastice pro Roma.

Sic ergo nomen temperantiae dupliciter accipi potest. Uno modo secundum communitatem suæ significationis: & sic temperantia non est virtus specialis, sed generalis: quia nomen temperantiae significat quamdam temperiem, id est, moderationem, quam ratiō ponit in humanis operationibus, & passionibus; quod est commune in omni virtute morali. Differt tamen ratione temperantiae à fortitudine, etiam secundum quod utraque sumitur ut virtus communis. Nam temperantia retrahit ab his, quæ contra rationem appetitum alliciunt. Fortitudo autem impellit ad ea sustinenda, vel aggredienda, propter quæ homo refugit bonum rationis.

Si vero consideretur autonomastice temperantia, secundum quod refrēnat appetitum ab his, quæ maxime alliciunt hominem, sic est specialis virtus, utpote habens specialem materiam, sicut & fortitudo.

Ad priūum ergo dicendum, quod appetitus hominis maxime corruptitur per ea, quibus allicitur homo ad recedendum à regula rationis, & legis divinae. Et ideo sicut i. sum temperantiae nomen potest dupliciter sumi, uno modo communiter, alio modo excellenter; ita & in te-

tegritas, quam temperantiae Augustinus attribuit.

Ad secundum dicendum, quod ea, circa quæ est temperantia, maxime possunt animum inquietare, propter hoc quod sunt homini essentialia, ut infra dicetur. (a. 4. v. 5. huj. q.) Et ideo tranquillitas animi per quandam excellentiam attribuitur temperantiae, quamvis communiter conveniat omnibus virtutibus.

Ad tertium dicendum, quod quamvis pulchritudo conveniat cuilibet virtuti, excellenter tamen attribuitur temperantiae dupli ratione. Primo quidem secundum rationem communem temperantiae, ad quam pertinet quædam moderata, & conveniens proportio, in qua consistit ratio pulchritudinis, ut patet per Dionys. 4. cap. de divinis nominibus. (part. 1. lect. 5.) Alio modo, quis ea, à quibus refrænat temperantia, sunt infima in homine, convenientia sibi secundum naturam bestiale, ut infra dicetur: (a. 4. v. 5. huj. q. v. q. seq. a. 4.) & ideo ex eis maxime natus est homo deturpari: & per consequens pulchritudo maxime attribuitur temperantiae, quæ præcipue turpitudinem hominis tollit: et ex eadem ratione honestum maxime attribuitur temperantiae. Dicit enim Isidorus in lib. 10. Etymolog. (ad lit. H.) Honestus dicitur, qui nil habet turpitudinis. Nam honestas dicitur, quasi honoris status; qui maxime consideratur in temperantia, quæ repellit vita maxime opprobriosa, ut infra dicetur. (q. seq. a. 4.)

ARTICULUS III.

685

Utrum temperantia sit solum circa concupiscentias, & delectationes.

*Sup. q. 21. a. 1. ad. 2. q. 23. a. 4. ad 3. v. q. 95.
a. 3. ad 2. v. inf. q. 147. a. 2. ad 3. v. 1. 2. q. 35.
a. 6. ad 3. v. 3. Ethic. lect. 19.*

A

*L*et Tertium sic proceditur. Videtur, quod temperantia non sit solum circa concupiscentias, & delectationes. Dicit enim Tullius in sua Rhetor. (lib. 2. de Invent. aliquant. ante fin.) quod temperantia est rationis in libidinem, atque in alios non rectos impetus animi fin.

firma, & moderata dominatio: sed impetus animi dicuntur omnes animæ passiones: ergo videtur, quod temperantia non sit solum circa concupiscentias, & delectationes.

2. Præterea. *Virtus est circa difficile, & bonum: sed difficilius videtur esse temperare timorem, maxime circa pericula mortis, quam moderari concupiscentias, & delectationes, quæ propter dolores, & pericula mortis contemnuntur ut Augustinus dicit in lib. 83. QQ. (q. 36. parum à princ. tom. 4.) ergo videtur, quod temperantiae virtus non sit præcipue circa concupiscentias, & delectationes.*

3. Præterea. *Ad temperantiam pertinet moderationis gratia, ut Ambros. dicit in I. de Offic. (cap. 4. in princ.) Et Tull. dicit in I. de Offic. (tit. de Temp.) quod ad temperantiam pertinet omnis sedatio perturbationum animi, & rerum modus: oportet autem modum pone-re non solum in concupiscentiis, & delectationibus, sed etiam in exterioribus actibus, & quibuslibet exterioribus: ergo temperantia non est solum circa con-cupiscentias, & delectationes.*

Sed Contra est, quod Isidorus dicit in lib. Ety-molog. quod *temperantia est, qua libido concupiscentia-que reficiatur.*

Respondeo dicendum, quod sicut supra dictum est, (q. 123. a. I. & q. 136. art. I.) ad virtutem moralem pertinet conservatio boni rationis contra passio-nes rationi repugnantes. Motus autem passionum animæ est duplex, ut supra habitum est, (I. 2. q. 23. a. 2.) cum de passionibus ageretur: *U*nus quidem, secundum quod appetitus sensitivus prosequitur sensibilia, & corporalia bona: *a*llus autem, secundum quod refu-git sensibilla, & corporalia mala. Primus autem motus appetitus sensitivi præcipue repugnat rationi per im-moderantium. Nam bona sensibilia, & corporalia se-cundum suam speciem considerata non repugnant ratio-ni, sed magis serviant ei sicut instrumenta, quibus ratio utitur ad consecutionem proprii sui: repug-nant autem ei præcipue secundum quod appetitus sen-sitivus in ea tendit non secundum modum rationis. Et ideo ad virtutem moralem pertinet proprie hujusmodi

passiones moderari, quæ important prosecutionem boni

Motus autem appetitus sensitivi refugientis naturam sensibiliæ præcipue contrariatur rationi, non quid secundum suam immoderatiam, sed maxime secundum suum discessum: prout scilicet aliquis refugiendo manifestat sensibilia, & corporalia, quæ interdum concomitantia bonum rationis, per consequens discedit ab ipso bono rationis, & ideo ad virtutem moralem pertinet in iustusmodi discessu firmitatem præstare iusta bono rationis.

Sicut ergo virtus fortitudinis, de cuius ratione e firmitate præstare, præcipue consistit circa passiones pertinentem ad fugam corporalium malorum, scilicet circa timorem, ex consequenti autem circa audaciam, quæ aggreditur terribilia sub spe alicujus boni; in etiam temperantia, quæ importat moderationem quædam, præcipue consistit circa passiones tendentes in bona sensibilia, scilicet circa concupiscentiam, & delectationem, ex consequenti autem circa tristitia, quæ contingunt ex absentia talium delectationum. Nam sicut audacia presupponit terribilia, ita etiam tristitia ut provenit ex absentia prædictarum delectationum.

Ad primum ergo dicendum, quod, sicut supra dictum est, (I. 2. q. 23. a. I. & 2. & q. 25. a. I.) de passionibus ageretur, passiones quæ pertinent ad fugam mali, presupponunt passiones, quæ pertinent prosecutionem, boni; & passiones irascibilis presupponunt passiones concupisibilis. Et sic dum temperantie directe modificat passiones concupisibilis tendentes in bonum, per quandam consequentiam modificantur alias passiones, in quantum ad moderantiam priorum passionum sequitur moderantia posteriorum: enim non immoderate concupiscit, consequens est moderate speret, & moderate de absentia concupisibilium tristetur.

Ad secundum dicendum, quod concupiscentia importat impetum quandam appetitus in delectabile, qui indiget refrænatione; quod pertinet ad temperantiam: timor importat retractionem quandam animi ab aliquo malis, contra quod indiget homo animi firmitate, quæ præstat fortitudo. Et ideo temperantia proprie est circa concupiscentias, fortitudo circa timores.

A tertium dicendum, quod exteriōres actus procedunt ab interioribus animæ passionibus: & ideo moderationis eorum dependet à moderatione interiorum passionum.

ARTICULUS IV.

686

Utrum temperantia sit solum circa concupiscentias, & delectationes tactus.

1. part. q. 59. a. 4. ad 3. 2^o 1. 2. q. 61. a. 3. corp.
2^o 3. dist. 33. q. 2. a. 2. q. 2. 2^o 4. dist. 49. q. 3.
a. 5. q. 2. corp. 2^o virt. q. 1. a. 12.
ad 23. 2^o 26.

Ad Quartum sic proceditur. Videtur, quod temperantia non solum sit circa concupiscentias, & delectationes tactus. Dicit enim August. in lib. de moribus Eccles. (c. 19. circ. princ. tom. I.) quod munus temperantiae est in coercendis, sed andisque cupiditatibus, quibus vertimur in ea, quæ nos avertunt à legibus Dei, & à fructu bonitatis ejus. Et post pauca subdit, quod officium temperantiae est contemnere omnes corporales illecebras, laudemque popularem: sed non solum cupiditates delectationum tactus avertunt nos à legibus Dei, sed etiam concupiscentiae delectationum alienum sensum, quæ etiam pertinent ad illecebras corporales; & similiter cupiditates divitiarum, vel etiam mundanæ gloriæ: unde dicitur I. ad Timoth. ultim. quod radix omium malorum est cupiditas: ergo temperantia non est solum circa concupiscentias delectationum tactus.

2. Præterea. Philos. dicit in 4. Ethic. (cap. 3. cir. princ. tom. 5.) quod ille, qui est parvus dignus, & his dignificat seipsum, est temperatus, non autem magnanimus: se honores parvi, vel magni, de quibus ibi loquitur, non sunt delectabiles secundum tactum, sed secundum apprehensionem animalem: ergo temperantia non est solum circa concupiscentias delectationum tactus.

3. Præterea. Ea, quæ sunt unius generis, videntur eadem ratione pertinere ad materiam alicujus virtutis: sed omnes delectationes sensum videtur esse unius generis: ergo pari ratione pertinent ad materiam temperantiae.

Tom. VII.

G

Præ-

4. Præterea. Delectationes spirituales sunt majores, quam corporales, ut supra habitum est, (1. 2. q. 31. a. 5.) cum de passionibus ageretur: sed quandoque propter concupiscentias delectationum spiritualium aliqui discedunt à legibus Dei, & à statu virtutis; sicut propter curiositatem scientiæ: unde & primo homini diabolus scientiam promisit Genes. 3. dicens: *Eritis scut dil, scientes bonum, & malum*: ergo non solum temperantia est circa delectationes tactus.

5. Præterea. Si delectationes tactus essent propria materia temperantie, oporteret quod circa omnes delectationes tactus temperantia esset: non autem est circa omnes, puta circa eas, quæ sunt in ludis: ergo delectationes tactus non sunt propria materia temperantie.

Sed contra est, quod Philos. dicit in 3. Ethic. (cap. 10. tom. 5.) quod temperantia proprie est circa concupiscentias, & delectationes tactus.

Respondeo dicendum, quod, sicut supra dictum est, (a. præc.) ita est temperantia circa concupiscentias, & delectationes, sicut fortitudo est circa timores, & audacias. Fortitudo autem est circa timores, & audacias respectu maximorum malorum, quibus ipsa natura extinguitur, quæ sunt pericula mortis. Unde similiter temperantia oportet quod sit circa concupiscentias maximarum delectationum.

Et quia delectatio consequitur operationem naturalem, tanto aliquæ delectationes sunt vehementiores, quanto consequuntur operationes magis naturales. Maxime autem naturales animalibus sunt operationes, quibus conservatur natura individui per cibum, & potum, & natura speciei per conjunctionem maris, & foeminae. Et ideo circa delectationes ciborum, & potum, & circa delectationes venereorum est proprie temperantia. Hujusmodi autem delectationes consequuntur sensum tactus. Unde relinquitur, quod temperantia sit circa delectationes tactus.

Ad primum ergo dicendum, quod August. ibi videtur accipere temperantiam, non secundum quod est specialis virtus habens determinatam materiam, sed secundum quod ad eam pertinet moderatio rationis in quacumque materia; quod pertinet ad generalem

conditionem virtutis. Quamvis etiam dici possit, quod ille, qui potest refrænare maximas delectationes, multo etiam magis potest refrænare minores delectationes. Et ideo ad temperantiam principaliter quidem, & proprie pertinet moderari concupiscentias delectationum tactus secundario autem alias concupiscentias.

Ad secundum dicendum, quod Philosophus ibi refert nomen temperantiae ad moderationem exteriorum rerum, dum scilicet aliquis tendit in aliqua sibi commensurata; non autem prout refertur ad moderationem affectionum animæ, quæ pertinet ad virtutem temperantiae.

Ad tertium dicendum, quod delectationes aliorum sensuum aliter se habent in hominibus, & aliter in aliis animalibus. In aliis enim animalibus ex aliis sensibus non causantur delectationes, nisi in ordine ad sensibilia tactus: sicut leo delectatur videns cervum, vel audiens vocem ejus, propter cibum. Homo autem delectatur secundum alios sensus non solum propter hoc, sed etiam propter convenientiam sensibilium. Et sic circa delectationes aliorum sensuum, in quantum referuntur ad delectationes tactus, est temperantia, non principaliter, sed ex consequenti: in quantum autem sensibilia aliorum sensuum sunt delectabilia propter sui convenientiam, sicut cum delectatur homo in somno bene harmonizato, ista delectatio non pertinet ad conservationem naturæ: unde non habent hujusmodi passiones illam principalitatem, ut circa eas antonomastice temperantia dicatur.

Ad quartum dicendum, quod delectationes spirituales etsi secundum suam naturam sint majores delectationibus corporalibus; tamen non ita percipiuntur sensu; & per consequens non ita vehementer afficiunt appetitum sensitivum, contra cuius impetuim bonum rationis conservatur per moralem virtutem.

Vel dicendum, quod delectationes spirituales, per se loquendo, sunt secundum rationem, unde sunt refrænandæ nisi per accidens, in quantum scilicet una delectatio spiritualis retrahit ab alia potiori, & magis debita.

Ad quintum, dicendum, quod non omnes delectationes tactus pertinent ad naturæ conservationem. Et

ideo non oportet, quod circa omnes delectationes tactus sit temperantia.

ARTICULUS V.

687

Utrum circa proprias delectationes gustus sit temperantia,

3. *Ethicor. lect. 9.***A**

Ad Quintum sic proceditur. Videtur, quod circa proprias delectationes gustus sit temperantia. Delectationes enim gustus sunt in cibis, & potibus, qui magis sunt necessarii ad hominis vitam, quam delectationes venereorum, quæ pertinent ad tactum: sed secundum prædicta (art. præc.) temperantia est circa delectationes eorum, quæ sunt necessaria ad vitam hominis, ergo temperantia est magis circa proprias delectationes gustus, quam circa proprias delectationes tactus.

2. *Præterea. Temperantia est circa passiones magis, quam circa res ipsas: sed sicut dicitur in 2. de Animali, (text. 28. tom. 2.) tactus videtur esse sensus alimenti, quantum ad ipsam substantiam alimenti: sapor autem, qui est proprie objectum gustus, est sicut delectamentum alimentorum: ergo temperantia magis est circa gustum, quam circa tactum.*

3. *Prærerea. Sicut dicitur in 7. Ethic. (cap. 4. & 7. & l. 3. cap. 10. à med. tom. 5.) circa eadem sunt temperantia, & intemperantia, continentia, & incontinentia, perseverantia, & mollities, ad quam pertinent deliciae: sed ad delicias videtur pertinere delectatio, quæ est in saporibus, qui pertinent ad gustum: ergo temperantia est circa delectationes proprias gustus.*

Sed Contra est, quod Philos. dicit (l. 3. Ethic. cap. 10. à med. tom. 5.) quod temperantia & intemperantia videntur gustu parum, vel nihil uti.

Respondeo dicendum, quod sicut dictum est, (a. præc.) temperantia consistit circa præcipuas delectationes, quæ maxime pertinent ad conservationem humanæ vitæ, vel in specie, vel in individuo, in quibus consideratur aliquid principaliter, & aliquid secundario. Principaliter quidem ipse usus necessariorum; puta vel fœminæ, quæ est

est necessaria ad conservationem speciei ; vel cibi , & potus , quæ sunt necessaria ad conservationem individui ; & ipse usus horum necessariorum habet quamdam essentialē delectationē adjunctam .

Secundario autem consideratur circa utrumque usum aliquid , quod facit ad hoc , quod usus sit magis delectabilis ; sicut pulchritudo , & ornatus foemineæ , & sapor delectabilis in cibo , & etiam odor . Et ideo principaliter temperantia est circa delectationem tactus , quæ per se consequitur ipsum usum necessariarum rerum , quarum omnis usus est in tangendo . Circa delectationes autem gustus , vel olfatus , vel visus est temperantia & in temperantia secundario ; in quantum sensibilia horum sensum conferunt ad delectabilem usum rerum necessariarum , quæ pertinent ad tactum . Quia tamen gustus propior est tactui , quam alii sensus , ideo temperantia magis est circa gustum , quam circa alios sensus .

Ad primum ergo dicendum , quod etiam ipse usus ciborum , & delectatio essentialiter ipsum consequens ad tactum pertinent . Unde Philosophus dicit in 2. de Anima , (text. 28. tom. 2.) quod tactus est sensus alimenti : nutrimur enim calido , & frigido , humido & sicco . Sed ad gustum pertinet discretio saporum , qui conferuntur ad delectationem alimenti , in quantum sunt signa convenientis nutrimenti .

Ad secundum dicendum , quod delectatio saporis est quasi superveniens ; sed delectatio tactus per se consequitur usum cibi , & potus .

Ad tertium dicendum , quod deliciæ principaliter quidem consistunt in ipsa substantia alimenti , sed secundario in exquisite sapore , & præparatione ciborum .

ARTICULUS VI.

688

Utrum regula temperantiae sit sumenda secundum necessitatem presentis vitæ .

*Inf. q. 142. a. 2. corp. 27 i. 2. q. 63. a. 4. corp. 27
4. d. 15. q. 3. a. 1. q. 4. corp. 27 mal. q. 14.
a. 1. ad 1.*

 Ad Sextum sic proceditur . Videtur , quod regula temperantiae non sit sumenda secundum necessitatem præ-

sensit vitæ. Superius enim non regulatur ab inferiori; sed temperantia, cum sit virtus animæ, est superior, quam necessitas corporalis: ergo regula temperantiz non debet sumi secundum necessitatem corporalem.

2. Præterea. Quicumque excedit regulam, peccat, si ergo necessitas corporalis esset regula temperantiz, quicumque aliqua delectatione uteretur supra necessitatem naturæ, quæ valde modicis contenta est, peccaret contra temperantiam, quod videtur esse inconveniens.

3. Præterea. Nullus attingens regulam peccat. Si ergo necessitas corporalis esset regula temperantiz, quicumque uteretur aliqua delectatione propter necessitatem corporalem, puta propter sanitatem; esset immunis à peccato: Hoc autem videtur falsum: ergo necessitas corporalis non est regula temperantiz.

Sed Contra est, quod August. dicit in lib. de mor. Ecc. (c. 21. circ. fin. tom. I.) *Habet vir temperans in rebus hujus vitæ regulam utroque testamento firmatam, ut corum nil diligat, nil per se appetendum putet: sed ad vitæ hujus, atque officiorum necessitatem, quantum satis est, usurpet utensilis modestia, non amantis affectu.*

Respondeo dicendum, quod, sicut ex supradictis patet, (art. 1. huj. q. 2^o q. 109. a. 2. 2^o q. 123. a. 1.) bonum virtutis moralis præcipue consistit in ordine rationis. Nam bonum hominis est secundum rationem esse, ut Dion. dicit 4. cap. de div. nom. (par. lect. 22.) Præcipuus autem ordo rationis consistit in hoc quod aliqua in finem ordinat: et in hoc ordine maxime consistit bonum rationis. Nam bonum habet rationem finis; & ipse finis est regula eorum, quæ sunt ad finem. Omnia autem delectabilia, quæ in usum hominis veniunt, ordinantur ad aliquam hujus vitæ necessitatem, sicut ad finem. Et ideo temperantia accipit necessitatem hujus vitæ, sicut regulam delectabilium, quibus utitur, quantum enecessitas hujus vitæ requirit.

Ad primum ergo dicendum, quod, sicut dictum est, (in corp. art.) necessitas hujus vitæ habet rationem regulæ, in quantum est finis. Considerandum est autem, quod quandoque aliud est finis operantis, & aliud finis operis, sicut patet, quod ædificationis finis

nis est domus, sed ædificatoris finis quandoque est lu-
crum. Sic ergo temperantia ipsius finis, & regula est
beatitudo : sed ejus rei, qua utitur finis, & regula
est necessitas humanæ vitæ, infra quam est id, quod
in usum vitæ venit.

Ad secundum dicendum, quod necessitas humanæ
vitæ potest attendi *dupliciter* : *uno modo*, secundum
quod dicitur necessarium illud, sine quo res nullo
modo potest esse ; sicut cibus est necessarius animali;
alio modo, secundum quod dicitur necessarium illud,
sine quo res non potest convenienter esse. Temperan-
tia autem non solum attendit primam necessitatem, sed
etiam secundam. Unde Philos. dicit in 3. Ethic. (cap. II.
ad fin. tom. 5.) quod *temperatus appetit delectabilia prop-
ter sanitatem, vel propter bonam habitudinem*. Alia ve-
ro, quæ ad hoc non sunt necessaria, possunt *dupliciter*
se habere. *Quædam* enim sunt *impedimenta sanitatis vel
bonæ habitudinis* : & his *temperatus* nullo modo utitur;
hoc enim esset peccatum contra temperantiam. *Quæ-
dam* vero sunt, quæ non sunt his *impedimenta* ; &
his moderate utitur pro loco, tempore, & congruen-
tia eorum, quibus convivit. Et ideo ibidem Philos.
dicit, quod *etiam temperatus appetit talia delectabilia,
quæ scilicet non sunt necessaria ad sanitatem, vel ad
bonam habitudinem, non impedimenta his existentia*.

Ad tertium dicendum, quod, sicut dictum est,
(*in corp.*) temperantia respicit necessitatem quantum ad
convenientiam vitæ : quæ quidem attendit non solum
secundum convenientiam corporis, sed etiam secundum
convenientiam exteriorum rerum, puta divitiarum, &
officiorum, & multo magis secundum convenientiam ho-
nestatis. Et ideo Philos. ibi subdit, (*loc. sup. cit.*) quod
*in delectabilitus, quibus temperatus utitur, non solum con-
siderat ut non sint impeditiva sanitatis, & bonæ habitudi-
nis corporalis, sed etiam ut non sint præter bonum, id
est, contra honestatem, & quod non sint supra subs-
tantiam, id est, supra facultatem divitiarum*. Et Au-
gustinus dicit in lib. de morib. Ecclesiæ, (cap. 21.
clrc. fin. tom. I.) quod *temperans respicit non solum ne-
cessitatem hujus vita, sed etiam officiorum*.

Utrum temperantia sit virtus cardinalis.

1. 2. q. 71. \mathcal{V} q. 66. a. 1. \mathcal{V} 4. corp. \mathcal{V} 3. d. 2.
q. 2. a. 1. \mathcal{V} vir. q. 1. a. 2. 12. ad 24. 25. \mathcal{V} 26.
 \mathcal{V} q. 5. a. 1.

A

Ad Septimum sic proceditur. Videtur, quod temperantia non sit virtus cardinalis. Bonum enim virtutis cardinalis à ratione dependet: sed temperantia ex circa ea, quæ magis distant à ratione, scilicet circ delectationes, quæ sunt nobis, & brutis communes dicitur in 3. Ethic. (cap. 10. à med. tom. 5.) ergo temperantia non videtur esse principalis virtus.

2. Præterea. Quanto aliquid est magis impetuosum, tanto difficilius videtur esse ad refrænandum. Sed ira quam refrænat mansuetudo, videtur esse impetuosior quam concupiscentia, quam refrænat temperantia, dicitur enim Proverbiorum 27. *Ira non habet misericordiam, nec erumpens furor; et impetum concitati spiritus ferre quis poterit?* ergo mansuetudo est principalior virtus, quam temperantia.

3. Præterea. Spes est principalior motus animæ, quam desiderium, & concupiscentia, ut supra habitum est (1. 2. q. 25. a. 4.) sed humilitas refrænat præsumptionem inmoderatæ spei: ergo humilitas videtur esse principalior virtus, quam temperantia, quæ refrænat concupiscentiam.

Sed Contra est, quod Gregor. in 2. Mor. (cap. 26. à princ.) ponit temperantiam inter virtutes principales.

Respondeo dicendum, quod, sicut supra dictum est, (q. 123. a. 11. \mathcal{V} 1. 2. q. 61. a. 3.) virtus principalis, seu cardinalis dicitur, quæ principalius laudatur ex aliquo eorum, quæ communiter requiruntur ad rationem virtutis.

Moderatio autem, quæ in omni virtute requiriatur, præcipue laudabilis est in delectationibus tactus, circa quas est temperantia; tum quia tales delectationes sunt ma-

magis nobis naturales, & ideo difficilior est ab eis abstinere, & concupiscentias earum refrænare: tunc etiam quia earum objecta magis sunt necessaria præsentis vitæ, ut ex dictis patet. (art. 4. huj. q.) Et ideo temperantia ponitur virtus principalis; seu cardinalis.

Ad primum ergo dicendum, quod tanto major ostenditur agentis virtus, quanto in ea, quæ sunt magis distantia, potest suam operationem extendere. Et ideo ex hoc ipso ostenditur major virtus rationis quod potest etiam concupiscentias, & delectationes maxime distantes moderari. Unde hoc pertinet ad principalitatem temperantie.

Ad secundum dicendum, quod impetus iræ causatur ex quoddam accidente, puta ex aliqua læsione contristante, & ideo cito transit, quamvis magnum impetum habeat. Sed impetus concupiscentiæ delectabilium tactus procedit ex causa naturali, unde est diuturnior, & communior, & ideo ad principaliorem virtutem pertinet ipsum refrænare.

Ad tertium dicendum, quod ea, quorum est spes, sunt altiora his, quorum est concupiscentia, & propter hoc spes ponitur passio principalis in irascibili. Sed ea, quorum est concupiscentia, & delectatio tactus, vehementius movent appetitum; quia sunt magis naturalia, & ideo temperantia, quæ in his modum statuit, est virtus principalis.

ARTICULUS VIII.

690

Utrum temperantia sit maxima virtutum.

And Octavum sic proceditur. Videtur quod temperantia sit maxima virtutum. Dicit enim Ambros. in I. de Offic. (cap. 43. in princ.) quod in temperantia maxime honesti cura, & decoris consideratio spectatur, & queritur: sed virtus laudabilis est, in quantum est honesta & decora: ergo temperantia est maximaria virtutum.

2. Præterea. Majoris est virtutis operari id, quod est difficilior; sed difficilior est refrænare concupiscen-

rias, & delectationes tactus, quam rectificare actiones exteriores; quorum primum pertinet ad temperantiam, secundum ad justitiam: ergo temperantia est major virtus, quam justitia,

3. Præterea. Quanto aliquid est communius, tanto magis necessarium videtur esse, & melius: sed fortitudo est ciuca pericula mortis, quæ rarius accidunt, quam delectabilia tactus, quæ quotidie occurunt: & sic usus temperantiae est communior, quam fortitudinis: ergo temperantia est nobilior virtus, quam fortitudo.

Sed Contra est, quod Philos. dicit in I. Rhetor. (cap. 9. à princ. tom. 6.) quod maximæ virtutes sunt, quæ aliis maxime sunt utiles, & propter hoc fortes & justos maxime honoramus.

Respondeo dicendum, quod, sicut Philos. dicit in I. Ethic. (cap. 2. cir. fin. tom. 5.) bonum multitudinis divinus est, quam bonum unius. Et ideo quanto aliqua virtus magis pertinet ad bonum multitudinis, tanto melior est. Justitia autem, & fortitudo magis pertinent ad bonum multitudinis, quam temperantia: quia justitia consistit in communicationibus, quæ sunt ad alterum: fortitudo autem in periculis bellorum, quæ sustinentur pro salute communi. Temperantia autem moderatur solum concupiscentias, & delectationes eorum, quæ pertinent ad ipsum hominem. Unde manifestum est, quod justitia, & fortitudo sunt excellentiores virtutes, quam temperantia, quibus prudentia, & virtutes theologicæ sunt potiores.

Ad primum ergo dicendum, quod honestas, & decor maxime attribuuntur temperantiae, non propter principalitatem proprii boni, sed propter turpitudinem contrarii mali, à quo retrahit; in quantum scilicet moderatur delectationes, quæ sunt nobis, & brutis communes.

Ad secundum dicendum, quod cum virtus sit circa difficile, & bonum, dignitas virtutis magis attenditur secundum rationem boni, in quo excedit justitia, quam secundum rationem difficultatis, in quo excedit temperantia.

Ad tertium dicendum, quod illa communitas quæ ali-

aliquid pertinet ad multitudinem hominum, magis facit ad excellentiam bonitatis, quam illa; quæ consideratur secundum quod aliquid frequenter occurrit; in quarum prima excedit fortitudo, in secunda temperantia. Unde simpliciter fortitudo est potior, licet quoad aliquid possit dicit temperantia portior non solum fortitudine, sed eam justitia.

QUÆSTIO CXLI.

De vitiis, quæ adversantur temperantiae, In quatuor articulos divisa.

Deinde considerandum est de vitiis oppositis temperantiae.

Et circa hoc quæruntur quatuor.

Primo. Utrum insensibilitas sit peccatum.

Secundo. Utrum intemperantia sit vitium puerile.

Tertio. De comparatione intemperantiae ad timiditatem.

Quarto. Utrum vitium intemperantiae sit maxime opprobriosum.

ARTICULUS I.

Utrum Insensibilitas sit vitium.

2. *Ethic. lect. 8. & lib. 3. lect. 21.*

And Primum sic proceditur. Videtur, quod insensibilitas non sit vitium. Dicuntur enim insensibiles, qui deficient circa delectationes tactus; sed in his penitus deficere videtur esse laudabile, & virtuosum. Dicitur enim Dan. 10. *In diebus illis ego Daniel lugebam trium hebdomadarum tempus; panem desiderabilem non comediebam; & caro, & vinum non introierunt in os meum; sed neque unguento unctionis sum: ergo insensibilitas non est peccatum,*

2. *Præterea. Bonum hominis est secundum rationem esse, secundum Dionys. 4. cap. de divin. nom. (part. 4. lect. 22.) sed abstinere ab omnibus delectabilibus tac-*

tus, maxime promovet hominem in bono rationis: dicitur enim Dan. 1. quod pueris, qui utebantur leguminibus, dedit Deus scientiam, & disciplinam in omni libro, & sapientia: ergo insensibilitas, quæ universaliter repellit hujusmodi delectationes, non est vitiosa.

3 Præterea. Illud, per quod maxime receditur à peccato, non videtur esse vitiosum: sed hoc est potissimum remedium abstinendi à peccato, quod aliquis fugiat delectationes; quos pertinet ad insensibilitatem: dicit enim Philos. in 2. Ethic. (cap. ult. à med. tom. 5.) quod abjicientes delectationum minis peccamus: ergo insensibilitas non est aliquid vitiosum.

Sed Contra. Nihil opponitur virtuti, nisi vitium: sed insensibilitas virtuti temperantiae opponitur, ut patet per Philos. in 2. Ethic. (cap. 7.) & in 3. (cap. II. tom. 5.) ergo insensibilitas est vitium.

Respondeo dicendum, quod omne illud, quod contrariatur ordini naturali, est vitiosum. Natura autem delectationem apposuit operationibus necessariis ad vitam hominis. Et ideo naturalis ordo requirit, ut homo in tantum hujusmodi delectationibus utatur, quantum necessarium est saluti humanæ, vel quantum ad conservationem individui, vel quantum ad conservationem speciei. Si quis ergo in tantum delectationem refugeret, quod prætermitteret ea, quæ sunt necessaria ad conservationem naturæ, peccaret, quasi ordinu naturali repugnans. Et hoc pertinet ad vitium insensibilitatis.

Sciendum tamen, quod ab hujusmodi delectationibus consequentibus hujusmodi operationes quandoque laudabile, vel etiam necessarium est abstinere propter aliquem finem: sicut propter sanitatem corporalem aliqui abstinent à quibusdam delectationibus ciborum, potuum, & venereorum: Et etiam propter alicujus officii executionem: sicut athletas, & milites necesse est à multis delectationibus abstinere, ut officium proprium exequantur. & similiter penitentes, ad recuperandam animæ sanitatem, abstinentia delectabilium, quasi quadam diæta utuntur: & homines volentes contemplationi, & rebus divinis vacare, oportet quod se magis à carnalibus desideriis abstrahant. Nec aliquid prædic-

dictorum ad insensibilitatis vitium pertinet, quia sunt secundum rationem rectam.

Ad primum ergo dicendum, quod Daniel illa abstinentia à delectabilibus utebatur, non quasi propter se abhorrens delectationes ut secundum se malas, sed propter aliquem fiuem laudabilem; ut scilicet idoneum se ad altitudinem contemplationis redderet, abstinendo scilicet à corporalibus delectationibus. Unde & statim ibi subditur de revelatione facta.

Ad secundum dicendum, quod quia ratione homo uti non potest sine sensitivis potentiis, quæ indigent organo corporali, ut in primo habitum est, (q. 84. a. 7. & 8.) necesse est, quod homo sustentet corpus, ad hoc quod ratione utatur. Sustentatio autem corporis fit per operationes delectabiles. Unde non potest esse bonum rationis in homine, si abstineat ab omnibus delectationibus. Secundum tamen quod homo in exequendo actum rationis plus, vel minus indiget corporali virtute, secundum hoc plus, vel minus necesse habet delectabilibus corporalibus uti. Et ideo homines, qui hoc officium assumpserunt, ut contemplationi vident, & bonum spirituale quasi quadam spirituali propagatione in alios transmittant, à multis delectabilibus laudabiliter abstinent, à quibus illi, quibus ex officio competit operibus corporalibus, & generationi carnali vacare, laudabiliter non abstinent.

Ad tertium dicendum, quod delectatio fugienda est ad vitandum peccatum, non totaliter, sed ut ultra non queratur, quam necessitas requirat.

ARTICULUS II.

692

Utrum temperantia sit puerile peccatum.

3. *Ethic. lect. ult.*

A Secundum sic proceditur. Videtur, quod intemperantia non sit puerile peccatum. Quia super illud Matth. 18. *Nisi converti fueritis, & efficiamini sicut parvuli, &c.* dicit Hieronym. (sup. illud, *Quicumque humiliaverit se*) quod parvulus non perseverat in ira-

cun-

eundia, Iesus non meminit, videns pulchram mulierem non delectatur: quod contrariatur intemperantiae: ergo intemperantia non est puerile peccatum.

2. Præterea. Pueri non habent nisi concupiscentias naturales: sed *circa naturales concupiscentias parum aliqui peccant per intemperantiam*, ut Philos. dicit in 3. Ethic. (cap. 11. tom. 5.) ergo intemperantia non est peccatum puerile.

3. Præterea. Pueri sunt fovendi, & nutriendi: sed concupiscentia, & delectatio, circa quæ est intemperantia, est semper diminuenda, & extirpanda, secundum illud ad Col. 3. *Mortificate membra vestra super terram, quæ sunt concupiscentia, &c.* ergo intemperantia non est puerile peccatum.

Sed Contra est, quod Philos. dicit in 3. Ethic. (cap. ult. in med. tom. 5.) quod nomen intemperantiae reserimus ad puerilia peccata.

Respondeo dicendum, quod aliquid dicitur esse puerile dupliciter. Uno modo quia convenit pueris: & sic Philos. non intendit dicere, quod peccatum intemperantiae sit puerile.

Alio modo secundum quandam similitudinem: & hoc modo peccata intemperantiae puerilia dicuntur. Peccatum enim intemperantiae est peccatum superflua concupiscentiae, quæ assimilatur pueri quoad tria.

Primo quidem quantum ad id, quod uterque appetit. Sicut enim puer, ita & concupiscentia appetit aliquid turpe. Cuius ratio est, quia pulchrum in rebus humanis attenditur, prout aliquid est ordinatum secundum rationem. Unde Tullius dicit in 1. de Offic. (in tit. Duplex decorum, generale, & speciale) quod pulchrum est, quod consentaneum est hominis excellendis in eo, in quo natura ejus à reliquis animalibus differt. Puer autem non attendit ad ordinem rationis: & similiter concupiscentia non audit rationem, ut dicitur in 7. Ethic. (cap. 6. à princ. tom. 5.) Secundo convenient quantum ad eventum. Puer enim, si suæ voluntati dimittatur, crescit in propria voluntate: unde Eccli. 30. dicitur: *equus indomitus evadit durus, & filius remissus evadit præceps*: ita etiam & concupiscentia, si ei satisfiat, majus robur accipit. Unde Augus-

tinus dicit in 7. Confess. dum servitur libidini , facta est consuetudo ; & dum consuetudinē non resistitur , facta est necessitas. Tertio quantum ad remedium , quod utriusque præbetur. Puer enim emendatur per hoc , quod coercetur. Unde dicitur Prov. 23. *Noli subtrahere à puerō disciplinam : tu virga percuties eum , & animam ejus de inferno liberabis.* Et similiter dum concupiscentiæ resistitur , reducitur ad debitum honestatis modum. Et hoc est , quod Augustinus dicit in 6 Musicæ , (cap. II. circ. med. fine tom. 5.) quod mente in spiritualia suspensa , atque ibi fixa , & manente , consuetudinis , scilicet carnalis concupiscentiæ , impetus frangitur , & pauplatim repressus extinguitur : major eum erat , cum sequeremur : non omnino nullus , sed certe minor , cum refrænamur. Et ideo Philosophus dicit in 3. Ethic. (cap. ult. in fine tom. 5.) quod quemadmodum puerum oportet secundum præceptum pædagogi vivere , sic & concupiscentib[em] consonari ratione.

Ad primum ergo dicendum , quod ratio illa procedit secundum illum modum , quod puerile dicitur id , quod in pueris invenitur. Sic autem non dicitur peccatum intemperantiæ puerile , sed secundum similitudinem , ut dictum est. (in corp. a.)

Ad secundum dicendum , quod concupiscentia aliqua potest dici naturalis dupliciter : uno modo secundum genus suum : & sic temperantia , & intemperantia sunt circa concupiscentias naturales : sunt enim circa concupiscentias ciborum , & venereorum : quæ ordinantur ad conservationem naturæ. Alio modo potest dici concupiscentia naturalis quantum ad speciem ejus , quod natura ad sui conservationem requirit : & sic non multum contingit peccare circa naturales concupiscentias : natura enim non requirit , nisi id per quod subvenitur necessitati naturæ ; in cuius desiderio non contingit esse peccatum , nisi solum secundum quantitatis excessum : & secundum hoc solum peccatur circa naturalem concupiscentiam , ut Philos. dicit in 3. Ethic. (cap. II. tom. 5.) Alia vero , circa quæ plurimum peccatur , sunt quædam concupiscentiæ incitamenta , quæ hominum curiositas adinvenit : sicut curiose preparati cibi , & mulieres ornatæ. Et quamvis ista non multum

re-

requirant pueri, nihilominus tamen intemperantia dicitur puerile peccatum, ratione jam dicta. (*in corp. a.*)

Ad tertium dicendum, quod id quod ad naturam pertinet, in pueris est augmentandum, & fovendum; quod autem pertinet ad defectum rationis in eis, non est fovendum, sed emendandum, ut dictum est. (*in corp. a.*)

ARTICULUS III.

693

Utrum timiditas sit magis vitium, quam intemperantia,

2. *Eth. lect. 2.*

A

Ad Tertium sic proceditur. Videtur, quod timiditas sit majus vitium, quam intemperantia. Ex hoc enim aliquid vitium vituperatur, quod opponitur bono virtutis: sed timiditas opponitur fortitudini, quæ est nobilior virtus, quam temperantia, cui opponitur intemperantia, ut ex supradictis patet: (*a. præc. 2. q. præc. a. 8.*) ergo timiditas est majus vitium, quam intemperantia.

2. Præterea. Quanto aliquis deficit in eo, quod difficilius vincitur, tanto minus vituperatur: unde Philos. dicit in 7. Ethic. (*cap. 7. à med. tom. 5.*) quod *si quis à fortibus, & superexcellentibus delectationibus vincitur, vel tristitis, non est admirabile, sed condonabile*: sed difficilius videtur vincere delectationes, quam alias passiones: unde in 2. Ethic. (*cap. 3. ad fin. tom. 5.*) dicitur, quod *difficilius est contra voluptatem pugnare*, quam contra iram, quæ videtur esse fortior, quam timor: ergo intemperantia, quæ vincitur à delectatione, minus peccatum est, quam timiditas, quæ vincitur à timore.

3. Præterea. De ratione peccati est, quod fit voluntarium: sed timiditas est magis voluntaria, quam intemperantia: nullus enim concupiscit intemperatus esse: aliqui autem concupiscunt fugere pericula mortis, quod pertinet ad timiditatem: ergo timiditas est peccatum gravius, quam intemperantia.

Sed contra est, quod Phil. dicit in 3. Eth. (*cap. 12. in pr. tom. 5.*) quod *intemperantia magis assimilatur voluntario, quam timiditas*: ergo plus habet de ratione peccati.

Res-

Respondeo dicendum, quod unum vitium potest alteri comparari *dupliciter*. *Uno modo* ex parte ipsius materiae, vel objecti: *alio modo* ex parte ipsius hominis peccantis: & utroque modo *intemperantia est gravius vitium, quam timiditas.*

Primo namque ex parte materiae. Nam timiditas refugit pericula mortis, ad quæ vitanda inducit maxima necessitas conservandæ vitæ. Intemperantia autem est circa delectationes, quarum appetitus non est adeo necessarius ad vitæ conservationem: quia, ut dictum est, (*art. præc. ad 2.*) intemperantia magis est circa quasdam appositas delectationes, seu concupiscentias; seu delectationes naturales. Quanto autem illud, quod commovet ad peccandum, videtur esse magis necessarium, tanto peccatum levius est quam circa concupiscentia, & ideo intemperantia est gravius vitium, quam timiditas ex parte objecti, sive materiae moventis.

Similiter etiam ex parte ipsius hominis peccantis. Et hoc *triplici* ratione. *Primo* quidem, quia quanto ille qui peccat, magis est compos suæ mentis, tanto gravius peccat: unde alienatis non imputantur peccata. Timores autem, & tristitia graves, & maxime in periculis mortis, stupefaciunt mentem hominis: quod non facit delectatio, quæ movet ad intemperantiam. *Secundo*, quia quanto aliquod peccatum est magis voluntarium, tanto est gravius. Intemperantia autem plus habet de voluntario, quam timiditas. Et hoc *dupliciter* ratione. *Uno modo*, quia ea quæ per timorem fiunt. Principium habent ab exteriori impellente: unde non sunt simpliciter voluntaria sed mixta, ut dicitur in 3. Ethic. (*cap. 1. tom. 5.*) Ea autem, quæ per delectationem fiunt, sunt simpliciter voluntaria. *Alio modo*, quia ea, quæ sunt intemperanti, sunt magis voluntaria in particulari, minus autem voluntaria in universalis. Nullus autem vellet intemperatus esse: allicitur tamen homo à singularibus delectabilibus, quæ intemperatum faciunt hominem. Propter quod ad vitandum intemperantiam maximum remedium est; ut non immoretur homo circa singularium considerationem. Sed in his, quæ pertinent ad timiditatem, est è converso. Nam singulare, quæ imminent, sunt minus voluntaria: ut ab-

abjicere clypeum, & alia hujusmodi: sed ipsum commuue est magis voluntarium; puta fugiendo salvari. Hoc autem est simpliciter magis voluntarium, quod est magis voluntarium in singularibus, in quibus est actus. Et ideo intemperantia, cum sit simpliciter magis voluntarium, quam timiditas, est majus vitium. Tertio quia contra intemperantiam potest magis de facili remedium adhiberi, quam contra timiditatem; eo quod delectationes ciborum, & venereorum, circa quas est intemperantia, per totam vitam occurunt, & sine periculo potest homo circa ea exercitari, ad hoc quod si temperatus: sed pericula mortis rarius occurunt, & periculosius in his homo exercitatur ad timiditatem fugiendam. Et ideo intemperantia est simpliciter majus peccatum, quam timiditas.

Ad primum ergo dicendum, quod excellentia fortitudinis supra temperantiam potest considerari duplenter. Uno modo ex parte finis; quod pertinet ad rationem boni; quia scilicet fortitudo magis ordinatur ad bonum commune, quam temperantia. Ex hac etiam parte timiditas habet quandam excellentiam supra intemperantiam, in quantum scilicet per timiditatem aliqui desistunt à defensione boni communis. Alter modo ex parte difficultatis, in quantum scilicet difficilis est subire pericula mortis, quam abstinere à quibusdam delectabilibus: et quantum ad hoc non oportet quod timiditas præcellat intemperantiam. Sicut enim majoris virtutis est non vinci à fortiori; ita etiam è contrario minoris vitii est à fortio vinci, & maiores vitii à debiliiori superari.

Ad secundum dicendum, quod amor conservationis vitæ propter quam vitantur pericula mortis, est multo magis connaturalis, quam quæcumque delectationes ciborum, vel venereorum, quæ ad conservationem vite ordinantur. Et ideo difficilis est vincere timorem periculorum mortis, quam concupiscentiam delectationum, quæ est in cibis, & venereis. Cui tamen difficilis est resistere, quam iræ, tristitiae, & timori quorundam aliorum malorum.

Ad tertium dicendum, quod in timiditate consideratur magis voluntarium in universalis, minus ta-

tamen in particulari, & ideo in ea est magis voluntarium secundum quid, & non simpliciter.

Utrum peccatum intemperantiae sit maxime exprobrabile.

*Ilf. q. 143. ¶ q. 144. a. 1. ad 2. ¶ q. 151.
a. 5. ad 2. ¶ 3.*

A
d Quartum sic proceditur. Videtur, quod peccatum intemperantiae non sit maxime exprobrabile. Sicut enim honor debetur virtuti, ita exprobratio debetur peccato: sed quædam peccata sunt graviora, quam intemperantia; sicut homicidium, blasphemia, & alia hujusmodi: ergo peccatum intemperantiae non est maxime exprobrabile.

2. Præterea, Peccata, quæ sunt magis communia, videntur minus esse exprobrabilia: eo quod de his homines minus verecundantur: sed peccata intemperantiae sunt maxime communia; quia sunt circa ea, quæ communiter in usum humanæ vitæ veniunt, in quibus etiam plurimi peccant: ergo peccata intemperantiae non videntur esse maxime exprobrabilia.

3. Præterea, Philos. dicit in 7. Ethic. (cap. 4. ¶ seq. tom. 5.) quod temperantia, & intemperantia sunt circa concupiscentias, & delectationes humanas: sunt autem quædam concupiscentiae, & delectationes turpiores concupiscentiis, & delectationibus humanis, quæ dicuntur bestiales: & ægritudinales, ut in eodem libro (cap. 5.) Philos. dicit: ergo intemperantia non est maxime exprobabilis.

Sed Contra est, quod Philos. dicit in 3. Ethic. (cap. 12. civ. pr. tom. 5.) quod intemperantia inter alia vitia videtur juste exprobabilis esse.

Respondeo dicendum; quod exprobratio opponi videntur honori, & gloriæ. Honor autem excellentiæ debetur, supra habitum est: (qu. 103. art. 1. ¶ 2.) Gloria autem claritatem importat. Est ergo intemperantia maximi exprobabilis propter duo.

Primo quidem, quia maxime repugnat excellentiæ ho-

hominis, est enim circa delectationes communes nobis, & brutis, ut supra habitum est. (q. 141. a. 2. ad 3.) Unde in Psal. 48. dicitur, *Homo, cum in honore esset, non intellexit: comparatus est jumentis insipientibus, et similis factus est illis.* Secundo, quia maxime repugnat ejus claritati, vel pulchritudini; in quantum scilicet in delectationibus, circa quas est intemperantia, minus apparet de lumine rationis, ex qua est tota claritas, & pulchritudo virtutis: unde & hujusmodi delectationes dicuntur maxime serviles.

Ad primum ergo dicendum, quod sicut Gregor. dicit, (*implic. lib. 33. Moral. cap. 11. circ. med.*) *Vitia carnalia, quæ sub intemperantia continentur, eti sunt minoris culpæ, sunt tamen majoris infamiae.* Nam magnitudo culpæ respicit deordinationem à fine: infamia autem respicit turpitudinem, quæ maxime consideratur secundum indecentiam peccantis.

Ad secundum dicendum, quod consuetudo peccandi diminuit turpitudinem & infamiam peccati secundum opinionem hominum, non autem secundum naturam ipsorum vitiorum.

Ad tertium dicendum, quod cum dicitur intemperantia esse maxime exprobabilis, est intelligendum inter vitia humana, quæ scilicet attenduntur secundum passiones humanæ naturæ aliqualiter conformes. Sed illa vitia, quæ excedunt modum humanæ naturæ, sunt magis exprobabilia. Et tamen etiam illa videntur reduci ad genus intemperantiarum secundum quemdam excessum: sicut si aliquis delectaretur in comeditione carnis humanae, aut in coitu bestiarum aut masculorum.

QUESTIO CLXIII.

De partibus temperantiarum in generali.

Deinde considerandum est de partibus temperantiarum.
Et primo. De ipsis partibus in generali.
Secundo, De singulis earum in speciali.

*Urum Tullius convenienter assignet partes temperantiae:
continentiam, clementiam, & modestiam.*

*Inf. q. 145. art. 3. & q. 157. art. 3. & q. 160.
art. 1. & 2. d. 44. q. 2. art. 1. & 3. d. 33.
q. 3. art. 2.*

A

*A*nd Primum sic proceditur. Videtur, quod Tullius in sua Rhetorica (lib. 2. de invent. aliquant. ante fin.) inconvenienter assignet partes temperantiae, quas dicit esse continentiam, clementiam, & modestiam. Continentia enim contra virtutem dividitur (cap. ult. ad fin. & lib. 7. in princ. tom. 5.) Sed temperantia continetur sub virtute: ergo continentia non est pars temperantiae.

2. Præterea. Clementia videtur esse mitigativa odii, vel iræ: temperantia autem non est circa hujusmodi, sed circa delectationes tactus, ut dictum est: (q. 141. art. 4.) ergo clementia non est pars temperantiae.

3. Præterea. Modestia consistit in exterioribus actibus, unde & Apostolus dicit in Philip. 4. *Modestia vestra nota sit omnibus hominibus*: sed actus exterioris sunt materia justitiae, ut supra habitum est (q. 58. a. 8.) ergo modestia magis est pars justitiae, quam temperantiae.

5. Præterea. Macrobius super somnium Scipionis, (lib. 1. cap. 18. circ. med.) ponit multo plures temperantiae partes, dicit enim, quod temperantiam sequitur modestia, verecundia, abstinentia, castitas, honestas, moderatio, parcitas, sobrietas, pudicitia. Andronicus etiam dicit, quod familiares temperantiae sunt austertas, continentia, humilitas, simplicitas, ornatus, bona ordinatio, per se sufficientia, videtur ergo insufficienter Tullius enumerasse temperantiae partes.

Respondeo dicendum, quod, sicut supra dictum est, (q. 48. & 128.) alicujus virtutis cardinalis triples partes esse ponunt: scilicet *integrales*, *subjectivæ*, & *potentiales*. Et dicuntur partes integrales alicujus virtutis conditiones, quas necesse est concurrere

ad*

ad virtutem. Et secundum hoc sunt duæ partes integræ temperantia scilicet verecundia, per quam alius refugit turpitudinem temperantie contrariam, & honestas, per quam scilicet aliquis amat pulchritudinem temperantie. Nam, sicut, ex dictis patet (q. 141. art. 2. ad 3.) præcipue temperantia inter virtutes videntur sibi quemdam decorem, & vitia intemperantie maxime turpitudinem habent.

Partes autem subjectivæ alicujus virtutis dicuntur species ejus. Oportet autem diversificare species virtutum secundum diversitatem materiarum, vel objecti. Est autem temperantia circa delectationes tactus, quæ dividuntur in duo genera. Nam quedam ordinantur ad nutrimentum: et in his quantum ad cibum est abstinentia: quantum autem ad potum proprie sobrietas. Quædam vero ordinantur ad vim generativam; et in his quantum ad delectationem principalem ipsius cultus est castitas: quantum autem ad delectationes circumstantes, puta quæ sunt in osculis, tactibus, & amplexibus, attenditur pudicitia.

Partes autem potentiales alicujus virtutis principali dicuntur virtutes secundarie, quæ modum quem principali virtus observat circa aliquam principalem materiam, eundem observant in quibusdam aliis materiis: in quibus non est ita difficile. Pertinet autem ad temperantiam moderari delectationes tactus, quas difficilimum est moderari. Unde quæcunque virtus moderationem quædam operatur in aliqua materia, & refrænationem appetitus in aliquid tendentis, ponit potest pars temperantie, sicut virtus ei adjuncta.

Quod quidem contingit tripliciter: uno modo in interioribus motibus animi: alio modo in exterioribus motibus & actibus corporis: tertio modo in exterioribus rebus. Præter motum autem concupiscentie, quem moderatur, & refrænat temperantia, tres motus inventiuntur in anima in aliquid tendentes. Primus quidem est motus voluntatis commotæ ex impetu passionis: et hunc motum refrænat continentia, ex qua fit, ut licet homo immoderatas concupiscentias patiatur, voluntas tamen non vincantur. Alius autem motus interior in aliquid tendens est motus spelæ, & audacia, que

ipsum consequitur : et hunc motum moderatur , sive refrænat *humilitas*. *Tertius* autem motus est *ira* tendens in vindictam , quem refrænat *mansuetudo* , sive *clementia*. Circa motus autem , & actus corporales moderationem , & refrenationem facit *modestia* , quam *Andronicus* in *tria* dividit. Ad quorum *primum* pertinet discernere , quid sit faciendum , & quid dimittendum , & quid quo ordine sit agendum , & in hoc firmiter persistere : & quantum ad hoc ponit *bonam orationem*. *Aliud* autem est , quod homo in eo , quod agit , decentiam observet : et quantum ad hoc ponit *ornatum*. *Tertium* autem est in colloquiis amicorum vel quibuscumque aliis , et quantum ad hoc ponitur *austeritas*. Circa exteriora vero *duplex* moderatio est adhibenda. *Primo* quidem , ut superflua non requirantur : et quantum ad hoc ponitur à *Macrobio parcitas* , & ab *Andronico per se sufficientia*. *Secundo* vero , ut homo non nimis exquisita requirat : et quantum ad hoc ponit *Macrobius moderationem* , *Andronicus* vero *simplicitatem*.

Ad *primum* ergo dicendum , quod continentia differt quidem à virtute , sicut imperfectum à perfecto , ut infra dicetur. (q. 154. art. 1.) Et hoc modo condividitur virtuti. Convenit tamen cum temperantia , & in materia , quia est circa delectationes tactus , & in modo , quia in quadam refrænatione consistit. Et ideo convenienter ponitur pars temperantiae.

Ad *secundum* dicendum , quod clementia , sive mansuetudo non ponitur pars temperantiae propter convenientiam materiæ ; sed quia convenit cum ea in modo refrænandi , & moderandi , ut dictum est. (*in corp. art.*)

Ad *tertium* dicendum , quod circa exteriores actus justitia attendit id , quod est debitum alteri. Hoc autem modestia non attendit , sed moderationem quamdam. Et non ponitur pars iustitiae , sed temperantiae.

Ad *Quartum* dicendum , quod *Tullius* sub modestia comprehendit omnia illa , quæ pertinent ad moderationem corporalium motuum , & exteriorum rerum , & etiam moderationem spei , quam diximus (*in corp.*) art.) ad *humilitatem* pertinere.

QUÆSTIO CXLIV.

De partibus Temperantiae in speciali, & primo de verecundia, in quatuor articulos divisa.

Beinde considerandum est de partibus temperantiae in speciali. Et primo de partibus quasi integralibus, quæ sunt Verecundia, & honestas.

Circa Verecundiam autem queruntur quatuor.

Primo. Utrum verecundia sit virtus.

Secundo. De quibus sit verecundia.

Tertio. A quibus homo verecundetur.

Quarto. Quorum sit verecundari.

ARTICULUS I.

669

Utrum Verecundia sit virtus.

3. d. 23. q. 1. a. 3. q. 2. ad 2. & 4. d. 14. q. 1.
a. 1. q. 2. ad 5. & ver. q. 26. a. 6. ad 15.

Ad Primum sic proceditur. Videtur, quod Verecundia sit virtus. Esse enim in medio secundum determinationem rationis est proprium virtutis, ut patet ex definitione virtutis, quæ ponitur in 2. Eth. (cap. 6. tom. 5.) Sed verecundia consistit in tali medio, ut patet per Philos. ibidem. (c. 7. à med.) ergo verecundia est virtus.

2. Præterea. Omne laudabile vel est virtus, vel ad virtutem pertinet: sed verecundia est quoddam laudabile: non est autem pars alicujus virtutis, non enim est pars prudentiae; quia non est in ratione, sed in appetitu, neque etiam est pars justitiae; quia verecundia passionem quamdam importat, justitia autem non est circa passiones, similiter etiam non est pars fortitudinis; quia ad fortitudinem pertinet persistere, & aggredi, ad verecundiam autem refugere aliquid, neque etiam est pars temperantiae; quia temperantia est

et.

circa concupiscentia, verecundia autem est timor quidam, ut patet per Philos. in 4. Ethic. (c. ult. tom. 5.) & per Damasc. in 2. lib. (art. fid. c. 15.) relinquitur ergo, quod verecundia sit virtus.

3. Præterea. Honestum cum virtute convertitur, ut patet per Tullium in 1. de Offic. (in tit. de Tempore. & seq.) Sed verecundia est quædam pars honestatis, dicit enim Ambros. in 1. de Offic. (c. 43. a. princ.) quod verecundia socta, ac familiaris est menti, placiditati, proterviam fugitans: ab omni luxu aliena sobrietatem diligit, & honestatem fovet, & decorum illud requirit: ergo verecundia est virtus.

4. Præterea. Omne vitium opponitur alicui virtuti: sed quædam vitia opponuntur verecundiæ, scilicet invere cundia, & inordinatus stupor, ergo verecundia est virtus.

5. Præterea. *Ex actibus similes habitus generantur*, ut dicitur in 2. Ethic. (c. 1. & 2. tom. 5.) Si verecundia importat actum laudabilem ergo ex multis talibus actibus causatur habitus: sed habitus laudabilium operum est virtus, ut patet per Philos. in 1. Ethic. (cap. 7. à med. tom. 5.) ergo verecundia est virtus.

Sed Contra est quod Philos. dicit in 2. Ethic. (cap. 7.) & in 4. (cap. ult. tom.) verecundiam non esse virtutem.

Respondeo dicendum, quod virtus *dupliciter accipitur* *proprie* scilicet, & *communiter*. Proprie quidem virtus perfectio quædam est, ut dicitur in 7. Physic. (text. 17. & 18. tom. 2.) Et ideo omne illud, quod repugnat perfectioni, etiamsi sit bonum, deficit à ratione virtutis. Verecundia autem repugnat perfectioni: est enim timor alicujus turpis, quod scilicet est exprobrabile. Unde Damas. dicit, (loc. cit. in arg. 2.) quod verecundia est timor de turpi actu. Sicut autem spes est de bono possibili, & arduo; ita etiam timor est malo possibili, & arduo, ut supra habitum est (1. 2. q. 40. a. 1. & q. 41. art. 2. & q. 42. a. 3.) cum de passionibus ageretur. Ille autem qui est perfectus secundum habitum virtutis, non apprehendit aliquid exprobrabile, & turpe ad faciendum, ut possibile & arduum, id est, difficile ad vitandum; neque etiam

Tom. VII.

H

ac-

actu facit aliquid turpe , unde opprobrium timeat. Us
de verecundia , proprie loquendo , non est virtus : de-
cit enim à perfectione virtutis.

Communiter autem dicitur virtus omne quod e-
bonum & laudabile in humanis actibus , vel passioni-
bus. Et secundum hoc quandoque verecundia dicitur vi-
tus , cum sit quædam laudabilis passio.

Ad primum ergo dicendum , quod esse in meli-
non sufficit ad rationem virtutis , quamvis sit una par-
ticula posita in virtutis definitione : sed requiri-
ulterius , quod sit habitus electivus , id est , ex lec-
tione operans. Verecundia autem non nominat habitum
sed passionem : neque motus ejus est ex electione , sed ei-
impetu quodam passionis. Unde deficit à ratione virtutis.

Ad secundum dicendum , quod , sicut dictum es-
(In corp. art.) verecundia est timor turpitudinis , &
exprobationis. Dictum est autem supra , (q. 14.
a. 4.) quod vitium intemperantiae est turpissimum , &
maxime exprobabile. Et ideo verecundia principaliu-
pertinet ad temperantium , quam ad aliquam aliam vir-
tutem ratione motivi quod est turpe , non autem secun-
dum speciem passionis , quæ est timor. Secundum quo-
tamen vitia aliis virtutibus opposita sunt turpia , &
exprobabilia , potest etiam verecundia ad alias virtu-
tes pertinere.

Ad tertium dicendum , quod verecundia foveat ho-
nestatem , removendo ea quæ sunt honestati contraria.
non ita quod pertingat ad perfectam rationem ho-
nestatis.

Ad quartum dicendum , quod quilibet defectus cau-
sat vitium : non autem quodlibet bonum sufficit ad re-
tionem virtutis. Et ideo non op̄ertet quod omne illud
cui directè opponitur vitium sit virtus : Quamvis omne
vitium opponatur alicui virtuti secundum suam originem.
Et sic in verecundia , in quantum provenit ex nimio
amore turpitudinum , opponitur temperantiae.

Ad quintum dicendum , quod ex multoties vere-
cundari causatur habitus virtutis acquisitæ , per quaenam
aliquis turpia vitet , de quibus est verecundia , non
autem ut aliquis ulterius verecundaretur : sed ex illo
habitu virtutis acquisitæ sic se habet aliquis , quod

magis verecundaretur, si materia verecundia adesset.

ARTICULUS II.

Utrum verecundia sit de turpi actu.

4. d. 14. q. 1. a. 5. q. 2. ad 5. & ver. q. 26. a. 4. ad
7. & a. 6. ad 15. & Ps. 53. cap. 6. & 4. Ethic. lect.
17. cap. 4.

Ad Secundum sic proceditur. Videtur, quod verecundia non sit de turpi actu. Dicit enim Philos. in 4. Ethic. (cap. ult. in princ. tom. 5.) quod verecundia est timor ingloriationis: sed quandoque illi qui nil turpe operantur, ingloriationem sustinent, secundum illud Psal. 68. Propter te sustinui opprobrium, operuit confusio faciem meam: ergo verecundia non est proprie de turpi actu.

2. Præterea. Illa solum videntur esse turpia, quæ habent rationem peccati: sed de quibusdam homo verecundatur, quæ non sunt peccata; puta si aliquis exerceat servilia opera: ergo videtur, quod verecundia non sit proprie de turpi actu.

3. Præterea. Operationes virtutum non sunt turpes, sed pulcherrimæ, ut dicitur in 1. Ethic. (cap. 7. & 8. à med. tom. 5.) Sed quandoque aliqui verecundantur aliqua opera virtutis facere; ut dicitur Luc. 9. Qui erubuerit me, & meos sermones, hunc filius hominis erubescet, &c. ergo verecundia non est de turpi actu.

4. Præterea. Si verecundia proprie esset de turpi actu, oporteret quod de magis turpibus homo magis verecundaretur: sed quandoque homo plus verecundatur de his, quæ sunt minus peccata, cum tamen de gravissimis quibusdam peccatis glorietur, secundum illud Psal. 51. Quid gloriaris in malitia? ergo verecundia non proprie est de turpi actu.

Sed Contra est, quod Damascen. dicit in 2. lib. (orth. fid. cap. 15.) & Gregor. Nyssenus (vel Nemes. lib. de nat. hom. cap. 20.) quod verecundia est timor in turpi actu, vel in turpi perpetrato.

Respondeo dicendum, quod sicut supra dictum est (1. 2. q. 41. art. 2. & q. 42. art. 3.) cum de positione timoris ageretur, timor proprie est de malo duo, quod scilicet difficile vitatur. Est autem turpitudo. Una quidem vitiosa, quæ scilicet consistit in deformitate actus voluntarii; et hæc, proprie quendo, non habet rationem mali ardui, quod enim sola voluntate consistit, non videtur esse arduum, elevatum super hominis potestatem: et propter hoc non apprehenditur sub ratione terribilis. Et pro hoc Philos. dicit in 1. Rhetor. (cap. 5. clr. med. tom. 7) quod horum malorum non est timor.

Alia autem est turpitudo quasi pœnalis, quæ quidem consistit in vituperatione alicujus; sicut quæ claritas gloriæ consistit in honoratione alicujus. Et quidem hujusmodi vituperium habet rationem mali ardui, sicut honor habet rationem boni ardui, verecundia, quæ est timor turpitudinis, primo, & principaliter respicit vituperium, seu opprobrium. Et quia vituperium proprium debetur vitio, sicut honor virtuti, ideo & ex quantum verecundia respicit turpitudinem vitiosam. Unde sicut Philos. dicit in 2. Rhet. (cap. 6. ante med. tom. 6.) minus homo verecundatur de defectibus, qui non ex ejus culpa proveniunt.

Kespicit autem verecundia culpam dupliciter. Un modo, ut aliquis desinat vitiosa agere propter timorem vituperii: alio modo, ut homo in turpibus, quæ agit, vitet conspectus publicos propter timorem vituperii: quorum primum, secundum Gregor. Nyssenon (loc. cit. in art. sed cont.) pertinet ad erubescientiam secundum ad verecundiam. Unde ipse dicit, quod si verecundatur, occultat se in his quæ agit: qui vero erubescit timet incidere in ingloriationem.

Ad Primum ergo dicendum, quod verecundia respicit proprie ingloriationem, secundum quod debetur culpa, quæ est defectus voluntarius. Unde Philos. dicit in 2. Rhet. (cap. 6. ante med. tom. 6.) quod omnia illa homo magis verecundatur, quorum ipse est causa. Opprobria autem, quæ inferuntur alicui propter virtutem, virtuosus quidem contemnit; quia indigne si bi irrogantur; sicut de magnanimis Philos. dicit in Ethic.

Ethic. (cap. 3. à med. tom. 5.) Et de Apostolis dicitur Act. 5. quod ibant Apostoli gaudentes à conspectu concilii, quoniam digni habitu sunt pro nomine Jesu contumeliam pati. Ex imperfectione autem virtutis contingit, quod aliquis verecundetur de opprobriis, quæ si bi inferuntur propter virtutem; quia quanto est aliquis magis virtuosus, tanto magis contemnit exteriora bona, vel mala. Unde dicitur Isai. 51. *Nolite timere opprobrium hominum.*

Ad secundum dicendum, quod sicut honor, ut supra habitum est, (q. 63. a. 3.) quamvis non debeatur vere nisi soli virtuti, respicit tamen quandam excellentiam; ita etiam vituperium, quamvis debeatur proprie soli culpæ, respicit tamen ad minus secundum opinionem hominum quemcumque defectum. Et ideo de paupertate, & ignobilitate, & servitute, & aliis hujusmodi aliquis verecundatur.

Ad tertium dicendum, quod de operibus virtuosis in se consideratis non est verecundia. Contingit tamen per accidens, quod aliquis de his verecundetur: vel in quantum habentur ut vitiosa, secundum hominum opinionem; vel in quantum homo refugit in operibus virtutis notam de præsumptione, aut etiam de simulatione.

Ad quartum dicendum, quod quandoque contingit aliqua graviora peccata minus esse verecundialia: vel quia minus habent de ratione turpitudinis, sicut peccata spiritualia, quam carnalia: vel quia in quodam excessu temporis boni se habent, sicut magis verecundatur homo de timiditate, quam de audacia, & de furto, quam de rapina, propter quamdam speciem potestatis. Et simile est in aliis.

ARTICULUS III.

698

Utrum homo magis verecundetur à personis magis conjunctis.

Ad Secundum sic proceditur. Videtur, quod homo non magis verecundetur à personis magis conjunctis. Dicitur enim in 2. Rhet. (cap. 6. tom. 6.) quod ho-

mores magis erubescunt ab illis, à quibus volunt in admiratione haberi: sed hoc maxime appetit homo à melioribus, qui quandoque non sunt magis conjuncti: ergo homo non magis erubescit de magis conjunctis.

2. Præterea. Illi videntur esse magis conjuncti, qui sunt similium operum: sed homo non erubescit de suo peccato ab his, quos scit simul peccato subjacentia, sicut dicitur in 2. Rhet. (cap. 6. circ. med. tom. 6.) *Qua quis ipse facit, hæc proximis non vetat ergo non magis verecundatur à maxime conjunctis.*

3. Præterea. Philos. dicit in 2. Rhet. (*Ibid.*) *quod homo magis verecundatur ab his, qui propagant multis, quod sciunt; sicut sunt Irrisores, & fabularum factores, sed illi qui sunt magis conjuncti, non solent vitia propagalare: ergo ab eis non maxime est verecundandum.*

4. Præterea. Philos. ibidem dicit, *quod homines maxime verecundantur ab eis, inter quos in nullo defecerunt; & ab eis, à quibus primo aliquid postulant; & quorum nunc primo volunt esse amici: hujusmodi autem sunt minus conjuncti: ergo non magis verecundatur homo de magis conjunctis.*

Sed Contra est, quod dicitur in 2. Ethic. (*Ibid.*) *quod eos, qui semper aderunt, homines magis erubescunt.*

Respondeo dicendum, quod cum vituperium honoris opponatur, sicut honor importat testimonium quoddam de excellentia alicujus, & præcipue quæ est secundum virtutem; ita effam opprobrium, cuius timor est verecundia, importat testimonium de defectu alienius, & præcipue secundum aliquam culpam. Et ideo quanto testimonium alicujus reputatur majoris ponderis, tanto ab eo aliquis magis verecundatur.

Potest autem testimonium aliquod majoris ponderis reputari, vel propter ejus certitudinem veritatis, vel propter effectum. Certitudo autem veritatis adest testimonio alienius propter duo. Uno quidem modo propter rectitudinem judicii; sicut patet de sapientibus, & virtuosis, à quibus homo & magis desiderat honorari, & magis verecundatur. Unde à pueris, & bestiis nullus verecundatur, propter defectum recti judicii, qui est in eis. Alio modo propter cognitionem eorum, de quibus est testimonium: quia unusquisque bene judicat quæ cognoscit.

noscit. Et sic magis verecundamur à personis conjunctis, quæ facta nostra magis considerant. A peregrinis autem, & omnino ignotis, ad quos facta nostra non pervenient, nullo modo verecundamur.

Ex effectu autem est aliquod testimonium magni ponderis propter juramentum, vel nocumentum ab eo proveniens. Et ideo magis desiderant homines honorari ab his, qui possunt eos juvare, & magis verecundantur ab his qui possunt nocere. Et inde etiam est, quod quantum ad aliquid magis verecundamur à personis conjunctis, cum quibus semper sumus conversaturi, quasi ex hoc nobis perpetuum proveniat detrimentum: quod autem provenit à peregrinis, & transeuntibus, quasi cito pertransit.

Ad primum ergo dicendum, quod similis ratio est propter quam verecundamur de melioribus, & magis conjunctis: quia sicut meliorum testimonium reputatur magis efficax propter universalem cognitionem, quam habent de rebus, & immutabilem sententiam à veritate: ita etiam familiarium personarum testimonium videtur magis efficax propter hoc, quia magis cognoscunt particularia, quæ circa nos sunt.

Ad secundum dicendum, quod testimonium eorum, qui sunt nobis conjuncti in similitudine peccati: non reformidamus, quia non aestimamus, quod defectum nostrum apprehendatur ut aliquid turpe.

Ad tertium dicendum, quod à propalantibus verecundamur propter nocumentum inde proveniens, quod est diffamatio apud multos.

Ad quartum dicendum, quod etiam ab illis, inter quos nihil mali fecimus, magis verecundamur propter nocumentum sequens: quia scilicet per hoc amittimus bonam opinionem, quam de nobis habebant: & etiam quia contraria juxta se posita majora videntur. Unde cum aliquis subito de aliquo, quem bonum aestimavit, aliquid turpe percipit, apprehendit hoc ut turpius. Ab illis autem, à quibus aliquid de novo postulamus, vel quorum nunc primo volumus esse amici, magis verecundamur propter nocumentum inde proveniens, quod est impedimentum implendæ petitionis, & amicitiae consummandæ.

Utrum etiam in virtuosis hominibus possit esse verecundia.

Ps. 43. v. 4. Eth. lect. 17.

A

1. Quartum sic proceditur. Videtur, quod etiam in virtuosis hominibus possit esse verecundia. Contrariorum enim contrarii sunt effectus: sed illi qui sunt superabundantis malitiæ, non verecundantur, secundum illud Jerem. 3. *Frons mulieris meretricis facta est tibi: nolueristi erubescere:* ergo illi qui sunt virtuosi, magis verecundantur.

2. Præterea. Philos. dicit in 2. Rhet. (cap. 6. à med. tomo 6.) quod homines non solum erubescunt vita, sed etiam signa vitiorum; que quidem contingit etiam esse in virtuosis: ergo in virtuosis potest esse verecundia.

3. Præterea. Verecundia est timor ingloriationis, sed contingit, aliquos virtuosos ingloriosos esse: nisi false diffamantur, vel etiam indigne opprobria patiantur: ergo verecundia potest esse in homine virtuoso.

4. Præterea. Verecundia est pars temperantiae, ut dictum est: (q. præc.) pars autem non separatur à toto: cum ergo temperantia sit in homine virtuoso, videtur, quod etiam verecundia.

Sed Contra est, quod Philos. dicit in 4. Ethicor. (cap. ult. in med. tom. 5.) quod verecundia non est hominis studiosi.

Respondeo dicendum, quod, sicut dictum est, (a. i. v. 2. huj. q.) verecundia est timor alicujus turpitudinis. Quod autem aliquod malum non timeatur, potest propter duplarem rationem contingere: uno modo, quia non aestimatur, ut malum: alio modo, quia non estimatur ut possibile sibi, vel ut difficile vitari. Et secundum hoc verecundia deficit in aliquo dupliciter. Uno modo, quia ea quæ sunt erubescibilia, non apprehenduntur ut turpia: et hoc modo carent verecundia homines in peccatis profundati, quibus sua peccata non dis-

displacent, sed magis de eis gloriantur.

Alio modo, quia non apprehendunt turpitudinem ut possibilem sibi, vel quasi non facile vitabilem. Et hoc modo senes, & virtuosos verecundia carent: sunt tamen sic dispositi, ut si in eis esset aliquid turpe, de hoc verecundarentur.

Unde Philos. dicit in 4. Ethic. (cap. ult. ad fin. tom. 5.) quod verecundia est ex suppositione studiosi.

Ad primum ergo dicendum, quod defectus verecundiae contingit in pessimis, & optimis viris ex diversis causis, ut dictum est. (in c.) Invenitur autem in his qui mediocriter se habent, secundum quod est in eis aliquid de amore boni, & tamen non sunt totaliter immunes à malo.

Ad secundum dicendum, quod ad virtuosum pertinet non solum vitare vitia, sed etiam ea quæ habent speciem vitiorum, secundum illud 1. Thessal. 5. *Ab omni specie mali abstineat vos.* Et Philos. dicit in 4. Ethic. (cap. ult. tom. 5.) quod vitanda sunt virtuoso, tam ea quæ sunt mala secundum veritatem, quam ea quæ sunt mala secundum opinionem.

Ad tertium dicendum, quod infamaciones, & probia virtuosus, ut dictum est, (a. 2. h. q. ad 1.) contemnit, quasi ea quibus ipse non est dignus. Et ideo etiam nec de his multum verecundatur. Est tamen aliquis motus verecundiae præveniens rationem, sicut & cæterarum passionum.

Ad quartum dicendum, quod verecundia non est pars temperantiae, quasi intrans essentiam ejus, sed quasi dispositio se habens ad ipsam. Unde Ambros. dicit in lib. 1. de Offic. (c. 43.) quod verecundia jacit prima temperantiae fundamenta, in quantum scil. incurrit horrorem turpitudinis.

QUÆSTIO CXLV.

De Honestate, in quatuor articulos divisa.

Beinde considerandum est de Honestate.

Et circa hoc queruntur quatuor.

Primo. Quomodo honestum se habeat ad virtutem.

Secundo. Quomodo se habeat ad decorem.

Tertio. Quomodo se habeat ad utile, & delectabile.

Quarto. Utrum honestas sit pars temperantie.

ARTICULUS I.

70

Utrum Honestum sit idem virtuti.

Inf. a. 2. corp. & ad 3. & a. 3. corp.

And Primum sic proceditur. Videtur, quod Honestum non sit idem virtuti. Dicit enim Tullius in sua Rhetor. (lib. 2. de Invent. aliquant. ante fin.) honestum esse, quod propter se appetitur: virtus autem non appetitur propter seipsam, sed propter felicitatem; dicit enim Philos. in 1. Ethic. (cap. 9. à princ. tom. 5.) quod felicitas est præmium virtutis, & finis: ergo honestum non est idem virtuti.

2. Præterea. Secundum Isidor. (lib. 10. Etymol. ad lit. H.) Honestas dicitur, quasi honoris status: sed multis aliis debetur honor, quam virtuti: nam virtuti proprie debetur laus, ut dicitur in 1. Ethic. (cap. 12. tom. 5.) ergo honestas non est idem virtuti.

3. Præterea. Principale virtutis consistit in inferiori electione, ut Philosophus dicit in 8. Ethicor. (cap. 13. in fin. tom. 5.) Honestas autem magis videtur ad exteriorem conversationem pertinere, secundum illud 1. ad Corinth. 14. Omnia honeste, & secundum ordinem stant in vobis: ergo honestas non est idem virtuti.

4. Præterea. Honestas videtur consistere in exteri-

ribus divitiis , secundum illum Ecclesiast. II. *Bona* , & *mala* , *vita* , & *mors* , *paupertas* , & *honestas* , à Deo sunt : sed in exterioribus divitiis non consistit virtus : ergo honestas non est idem virtuti.

Sed Contra est , quod Tullius dicit in I. de Offic. (in tit. de quatuor virtutibus) & in 2. Rhetor. (loc. cit. in arg. 1.) dividens honestum in quatuor principales virtutes , in quas etiam dividitur virtus : ergo honestum est idem virtuti.

Respondeo dicendum , quod sicut Isid. dicit (loc. cit. in arg. 2.) *honestas* dicitur quasi *honoris status* : unde ex hoc videtur aliquid dici honestum , quod est honore dignum.

Honor autem , ut supra dictum est , (q. præc. a. 2. ad 2.) excellentiæ debetur. Excellentia autem hominis maxime consideratur secundum virtutem , quæ est *dispositio perfecti ad optimum* , ut dicit in 7. Physic. (tex. 17. & 18. tom. 2.) Et ideo *honestum* , *proprie loquendo* , in idem refertur cum virtute.

Ad primum ergo dicendum , quod , sicut Philos. dicit in 1. Ethic. (cap. 7. tom. 5.) eorum , quæ propter se appetuntur , quædam appetuntur solum propter se , & numquam propter aliud ; sicut felicitas , quæ est ultimus finis ; quædam vero appetuntur & propter se , in quantum habent in seipsis aliquam rationem bonitatis , etiam si nihil aliud boni per ea nobis accideret , & tamen sunt appetibilia propter aliud , in quantum scilicet perducunt nos in aliquod bonum perfectius. Et hoc modo virtutes sunt propter se appetendæ. Unde Tullius dicit in 2. Rhet. (loc. cit. in arg.) quod quiddam est , quod sua vi nos allicet , & sua dignitate trahit ; ut *virtus* , *veritas* , *scientia*. Et hoc sufficit ad rationem honesti.

Ad secundum dicendum , quod eorum quæ honorantur præter virtutem , aliquid est virtute excellentius , scilicet Deus , & beatitudo. Et hujusmodi non sunt ita nobis per experientiam nota , sicut virtutes , secundum quas quotidie operamus. Et ideo virtus magis sibi vendicat nomen honesti. Alia vero , quæ sunt infra virtutem , honorantur , in quantum coadiuvant ad opera virtutis ; sicut nobilitas , potentia , & divitiae. Ut enim Philos. dicit in 4. Ethic. (cap. 3. ante med.

tom. 5.) *hujusmodi honorantur à quibusdam*: sed secundum veritatem *situs bonus est honorandus*. Bonus autem est aliquis secundum virtutem. Et ideo virtuti quidem debetur laus, secundum quod est appetibilis propter aliud; honor autem, prout est appetibilis propter seipsum, & secundum hoc habet rationem honesti.

Ad tertium dicendum, quod, sicut dictum est, (*In c. a.*) honestum importat debitum honoris. Honor autem est *contestatio quædam de excellentia alicujus*, ut supra dictum est. (*q. 103. a. 1. & 2.*) Testimonium autem non profertur, nisi de rebus notis. Interior autem electio non innescit homini, nisi per exteriore actus. Et ideo exterior conversatio habet rationem honesti, secundum quod est demonstrativa interioris rectitudinis. Et propter hoc radicaliter honestas consistit in interiori electione, significative autem in exteriore conversatione.

Ad quartum dicendum, quod quia secundum vulgarem opinionem excellentia divitiarum facit hominem dignum honore, inde est, quod quandoque nomen honestatis ad exteriorem prosperitatem transfertur.

ARTICULUS II.

701

Utrum honestum sit idem, quod decorum.

Lif. a. 4. c.

Ad Secundum sic proceditur. Videlur, quod honestum non sit idem, quod decorum. Ratio enim honesti sumitur ex appetitu: nam honestum est, *quod per se appetitur*: sed decorum magis respicit conspectum, cui placet: ergo decorum non est idem, quod honestum.

2. Præterea. Decor quandam claritatem requirit, quæ pertinet ad rationem gloriæ: honestum autem respicit honorem, cum ergo honor, & gloria difierant, ut supra dictum est, (*q. 103. a. 1. ad 3.*) videlur, quod etiam honestum difierat à decoro.

3. Præterea. Honestum est idem virtuti, ut supra dictum est: (*a. p.*) sed aliquis decor contrariatur virtu-

tuti, unde dicitur Ezech. 16. *Habens fiduciam in pulchritudine tua, fornicata es in nomine tuo, ergo honestum non est idem decoro.*

Sed Contra est, quod Apostolus dicit 1. ad Cor. 12. *Quæ inhonestæ sunt nostra, abundantiorē honestatē habent; honesta autem nostra nullius ēgent. Vocat autem ibi inhonestā membra turpia, honesta autem membra pulchra: ergo honestum, & decorum idem esse videtur.*

Respondeo dicendum, quod, sicut accipi potest ex verbis Dionysii cap. 4. de divin. nomin. (part. I. lect. 5. & 6.) ad rationem pulchri, sive decori concurrit & claritas, & debita proportio. Dicit enim, quod Deus dicitur pulcher, sicut universorum consonantiae, & claritatis causa. Unde pulchritudo corporis in hoc consistit, quod homo habeat membra corporis bene proportionata cum quadam debiti coloris claritate. Et similiter pulchritudo spiritualis in hoc consistit, quod conservatio hominis, sive actio ejus sit bene proportionata secundum spiritualem rationis claritatem.

Hoc autem pertinet ad rationem honesti, quod diximus (a. præc.) idem esse virtuti, quæ secundum rationem moderatur omnes res humanas: & ideo honestum est idem spirituali decori. Unde August. dicit in lib. 83. QQ. (q. 30. parum à princ. tom. 4.) *Honestum voco intelligibilem pulchritudinem, quam spirituale nos proprie dicimus.* Et postea subdit, quod multa sunt pulchra visibilia, quæ minus proprie honesta appellantur.

Ad primum ergo dicendum, quod objectum mœvens appetitum est bonum apprehensum. Quod antem id ipsa apprehensione apparet decorum, accipitur ut conveniens, & bonum. Et ideo dicit Dionysius 4. cap. de divin. nomin. (part. I. lect. 5. & part. 3. lect. 14.) quod omnibus est pulchrum, & bonum amabile. Unde & ipsum honestum, secundum quod habet spiritualem decorum, appetibile redditur. Unde & Tullius dicit in I. de Offic. (immediate ante tit. de 4. virtut. princ.) *Formam ipsam, & tanquam faciem honesti vides, quæ si oculis cerneretur, mirabiles amores, ut ait Plato, excitaret sapientiæ.*

Ad secundum dicendum, quod, sicut supra dictum est,

est, (q. 109. a. 1. ad 3.) gloria est effectus honoris. Ex hoc enim quod aliquis honoratur, vel laudatur, redditur clarus in oculis aliorum. Et ideo sicut idem est honorificum, & gloriosum: ita etiam idem est honestum, & decorum.

Ad tertium dicendum, quod objectio illa procedit ex pulchritudine corporali: quamvis possit dici, quod etiam propter pulchritudinem spiritualem aliquis spiritualiter fornicatur, in quantum de ipsa honestate superbit, secundum illud Ezech. 28. *Elevatum est cor tuum in decore tuo: Perdidisti sapientiam tuam in decore tuo.*

ARTICULUS III.

702

Utrum honestum differat ab utili, & delectabili.

1. q. 5. a. 6.

A

Unde Tertium sic proceditur. Videtur, quod honestum non differat ab utili, & delectabili. Dicitur enim honestum, quod propter se appetitur: sed delectatio propter se appetitur. Ridiculum enim videtur quererere, propter quid aliquis velit delectari, ut Philosophius dicit in decimo Ethicor. (cap. 2. parum à princ. tom. 5.) ergo honestum non differt à delectabili.

2. Præterea. Divitiæ sub bono utili continentur. Dicit enim Tullius in 2. Rhetor. (lib. 2. de Invent. aliquant. ante fin.) *Est aliiquid non propter suam vim, & naturam, sed propter fructum, & utilitatem appetendum, quod pecunia est: sed divitiæ habent rationem honestatis, dicitur enim Eccles. 11. Paupertas, & honestas, id est, divitiæ, à Deo sunt, Et cap. 13. Pondus super se tollit, qui honestiori, id est, ditiori, se communica: ergo honestum non differt ab utili.*

3. Præterea. Tullius probat in lib. 2. de Offic. (tit. 2. de utilit.) quod nihil potest esse utile, quod non sit honestum, & hoc idem habetur per Ambros. in lib. 2. de Offic. (c. 6.) ergo utile non differt ab honesto.

Sed Contra est, quod August. dicit in lib. 83. QQ. (q. 30. circ. princ. tom. 4.) *Honestum dicitur, quod propter seipsum appetendum est; utile autem, quod ad aliiquid aliud referendum est.*

Res-

Respondeo dicendum, quod honestum concurrit in idem subjectum cum utili, & delectabili, à quibus tamen differt ratione.

Dicitur enim aliquid honestum, sicut dictum est, (a. præc.) in quantum habet quandam decorum ex ordinatione rationis. Hoc autem quod est secundum rationem ordinatum, est naturaliter conveniens homini. Unumquodque autem naturaliter delectatur in suo convenienti. Et ideo honestum est naturaliter homini delectabile; sicut de operatione virtutis Philosophus probat in primo Ethic. (c. 8. tom. 5.) Non tamen omne delectabile est honestum; quia potest etiam aliquid conveniens esse secundum sensum, & non secundum rationem: sed hoc delectabile est præter hominis rationem, quæ perficit naturam ipsius, ipsa etiam virtus, quæ secundum se honesta est, refertur ad aliud, sicut ad finem, scilicet ad felicitatem. Et secundum hoc idem subjecto est honestum, & utile, & delectabile. Sed ratione differunt, nam honestum dicitur, secundum quod aliquid habet quandam excellentiam dignam honore propter spiritualem pulchritudinem; delectabile autem, in quantum quietat appetitum; utile autem, in quantum refertur ad aliud, in plus tamen est delectabile, quam utile, & honestum: quia omne utile, & honestum est aliqualiter delectabile, sed non convertitur, ut dicitur in 2. Ethic. (cap. 3 a. med. tom. 5.)

Ad primum ergo dicendum, quod honestum dicitur, quod propter se appetitur appetitu rationali, qui tendit in id, quod est conveniens rationi. Delectabile autem propter se appetitur appetitu sensitivo.

Ad secundum dicendum, quod divitiæ vocantur nomine honestatis secundum opinionem multorum, qui divitias honorant, vel in quantum ordinantur organice ad actus virtutum, ut dictum est. (a. 1. huj. q. ad 2.)

Ad tertium dicendum, quod intentio Tullii, & Ambrosii est dicere, quod nihil potest esse simpliciter, & vere utile, quod repugnat honestati: quia oportet, quod repugnet ultimo fini hominis, quod est bonum secundum rationem: quamvis possit forte esse utile secundum quid respectu alicujus finis particularis. Non autem

tem intendunt dicere, quod omne utile in se consideratum pertingat ad rationem honesti.

ARTICULUS IV.

703

Utrum honestas debeat ponî pars temperantiae.

A

Quartum sic proceditur. Videtur, quod honestas non debeat ponî pars temperantiae. Non enim est possibile, quod idem respectu ejusdem sit pars, & totum: sed temperantia est pars honestatis, ut Tullius dicit in secundo Rhetor. (*lib. 2. de Invent. aliquant. ante fin.*) ergo honestas non est pars temperantiae.

2. Præterea. Esdræ tertio, cap. 3. dicitur, quod *vinum omnia præcordia facit honestas*: sed usus vini, præcipue superfluus, de quod ibi loqui videtur; magis pertinet ad intemperantiam, quam ad temperantiam: ergo honestas non est pars temperantiae.

3. Præterea. Honestum dicitur, quod est honore dignum: sed *justi, & fortis maxime honorantur*, ut dicit Philosophus in primo Rhetic. (*cap. 9. à princ. tom. 6.*) ergo honestas non pertinet ad temperantiam, sed magis ad justitiam, & fortitudinem, unde & Eleazarus dixit, ut dicitur 2. Machab. 6. *Fortiter pro gravissimis, ac sanctissimis legibus honesta morte perfundar.*

Sed Contra est, quod Macrobius, (*lib. 1. in somni Scip. cap. 8.*) honestatem ponit partem temperantiae. Ambrosius etiam in 1. Offic. (*cap. 43.*) temperantiae specialiter honestatem attribuit,

Respondeo dicendum, quod, sicut supra dictum est, (*a. 3. huj. q.*) honestas est quædam spiritualis pulchritudo. Pulchro autem opponitur turpe. Opposita autem maxime se invicem manifestant. Et ideo ad temperantiam specialiter honestas pertinere videtur, quæ id quod est homini turpissimum, & indecentissimum, repellit, sc. brutales voluptates. Unde & ipso nomine temperantiae maxime intelligitur bonum rationis, cuius est moderari, & temperare concupiscentias pravas. Sic ergo honestas, prout speciali quadam ratione temperantiae attribuitur, ponitur pars ejus, non quidem subjecti-

,, V8,

„va, vel sicut virtus adjuncta, sed pars integralis ipsius, sicut quædam ejus conditio.“

Ad primum ergo dicendum, quod temperantia ponitur pars subjectiva honesti, prout sumitur in sua communitate: sic autem non ponitur temperantiae pars.

Ad secundum dicendum, quod *vinum in ebriis facit præcordia honesta secundum eorum reputationem, quia videtur eis, quod sint magni, & honorandi.*

Ad tertium dicendum, quod justitiae, & fortitudini debetur major honor, quam temperantiae: propter majoris boni excellentiam: sed temperantiae debetur maior honor propter cohibitionem vitiorum magis exprobrabilium, ut ex dictis patet (*in corp. art.*) Et sic honestas magis attribuitur temperantiae secundum regulam Apostoli primæ ad Corinthios 12. quod *inhonestata nostra majorem habent honestatem, scilicet, removentem quod dishonestum est.*

QUÆSTIO CXLVI.

De Abstinentia, in duobus articulos divisa.

Deinde considerandum est de partibus subjectivis temperantiae. Et primo de his, quæ sunt circa delectationes ciborum. Secundo de his quæ sunt circa delectationes venereorum.

Circa primum considerandum est de abstinentia, quæ est circa cibos, & potus; & de sobrietate, quæ est specialiter circa potum.

Circa Abstinentiam autem consideranda sunt tria. Primo de ipsa abstinentia. Secundo de actu ejus, qui est Jejunium. Tertio de opposito vitiis, quod est Gula.

Circa Abstinentiam autem queruntur duo.

Primo. Utrum abstinentia sit virtus.

Secundo. Utrum sit virtus specialis.

ARTICULUS I.

704

*Utrum abstinentia sit virtus.**Sup. q. 142.***A**

1. Primum sic proceditur. Videtur, quod Abstinentia non sit virtus. Dicit enim Apostolus 1. ad Corinth. 14. *Non est regnum Dei in sermone, sed in virtute: in abstinentia autem non consistit regnum ei.* Dicit enim Apostolus ad Rom. 14. *Non est regnum Dei esca, & potus ubi dicit Glos. (Augus. lib. 2. QQ. Evang. q. II. ante med. tom. 4.) Nec in abstinendo, nec in manducando esse justitiam: ergo abstinentia non est virtus.*

2. Præterea. Augustinus dicit in 10. Confessionum (cap. 31. à princ. tom. 1.) ad Deum loquens: *Hoc me docuisti, ut quemadmodum medicamenta, sic alimenta sumpturus accedam: sed medicamenta, moderari non pertinet ad virtutem, sed, ad artem medicinæ: ergo pari ratione moderari alimenta: quod pertinet ad abstinentiam, non est actus virtutis, sed artis.*

3. Præterea. Omnis virtus in medio consistit, ut habetur in 2. Ethic. (cap. 6. & 7. tom. 5.) Abstinentia autem non videtur in medio consistere, sed in defecitu, cum ex subtractione nominetur: ergo abstinentia non est virtus.

4. Præterea. Nulla virtus excludit aliam: sed abstinentia excludit patientiam. Dicit enim Greg. in Pastor. (part. 3. cap. 20. parum ante med.) quod abstinentium mentes plerunque impatientia excutit à simi tranquillitatis. Ibidem etiam dicit quod cogitationes abstinentium non unquam superbiam culpa transfigit: & ita excludit humilitatem: ergo abstinentia non est virtus.

Sed Contra est, quod dicitur 2. Pet. 1. *Ministrate in fide vestra virtutem, in virtute autem scientiam, in scientia autem abstinentiam: ubi abstinentia aliis virtutibus connumeratur: ergo abstinentia est virtus.*

Respondeo dicendum, quod abstinentia ex suo nomine importat subtractionem ciborum. *Dupliciter ergo*

no-

nomen abstinentiæ accipi potest. *Uno modo*, secundum quod absolute ciborum subtractionem designat; et *hoc modo* abstinentia non designat neque virtutem, neque actionem virtutis, sed quoddam indifferens.

Alio modo potest accipi, secundum quod est ratione regulata: Et tunc significat vel habitum virtutis, vel actum. Et hoc significatur in præmissa auctoritate Petri, ubi dicitur, in scientia esse abstinentiam ministrandam, ut scilicet homo à cibis abstineat, prout oportet pro congruentia hominum, cum quibus vivit, & personæ suæ, & pro valetudinis suæ necessitate.

Ad primum ergo dicendum, quod usus ciborum & eorum abstinentia, secundum se considerata, non pertinent ad regnum Dei. Dicit enim Apostolus 1. ad Cor. 8. *Esca nos non commendat Deo, neque enim si non manducaverimus, deficiemus; neque si manducaverimus, abundabimus*, scilicet spiritualiter. Utrumque autem eorum, secundum quod fit rationabiliter ex fide, & dilectione Dei, pertinet ad regnum Dei.

Ad secundum dicendum, quod moderatio ciborum secundum quantitatem, & qualitatem pertinet ad artem medicinæ in comparatione ad valetudinem corporis: sed secundum interiores affectiones in comparatione ad bonum rationis pertinet ad abstinentiam. Unde Augustinus dicit in libro secundo de QQ. Evang. (q. 11. ante med. tom. 4.) *Non interest omnia, scilicet ad virtutem, quid alimentorum, vel quantum quis accipiat, dummodo id faciat pro congruentia hominum, cum quibus vivit, & personæ suæ, & pro valetudinis suæ necessitate: sed quanta facilitas, & serenitate animi his careat, cum oportet, vel nescesse est carere.*

Ad tertium dicendum, quod ad temperantiam pertinet refrænare delectationes, quæ nimis animum ad se alliciunt, sicut ad fortitudinem pertinet firmare animum contra timores à bono rationis repellentes. Et ideo sicut laus fortitudinis consistit in quodam excessu; & ex hoc denominantur omnes partes fortitudinis: ita etiam laus temperantiae consistit in quodam defectu; & ex hoc ipsa, & omnes partes ejus denominantur. Unde & abstinentia, quia est pars temperantiae denominatur

à defectu; & tamen consistit in medio, in quantum est secundum rationem rectam.

Ad quartum dicendum, quod illa vitia proveniunt ex abstinentia, prout non est secundum rationem rectam. Ratio enim recta facit abstinere, sicut oportet, scilicet cum hilaritate mentis, & propter quod oportet, scilicet propter gloriam Dei, non propter gloriam suam.

ARTICULUS II.

705

Utrum abstinentia sit specialis virtus.

Ad Secundum sic proceditur. Videtur, quod abstinentia non sit specialis virtus. Omnis enim virtus secundum seipsam est laudabilis: sed abstinentia non est secundum se laudabilis, dicit enim Gregor. in Pastor. (par. 3. cap. 20. à med.) quod *virtus abstinentiae nominis ex aliis virtutibus commendatur*: ergo abstinentia non est specialis virtus.

2. Præterea. Augustinus dicit de fide ad Petrum (cap. 42. tom. 3.) quod *abstinentia sanctorum est à cibo, & potu; non quia aliqua creatura Dei sit mala, sed pro sola corporis castigatione*: hoc autem pertinet ad castitatem, ut ex ipso nomine appareat: ergo abstinentia non est virtus specialis à castitate distincta.

3. Præterea. Sicut homo debet esse contentus moderato cibo, ita & moderata veste, secundum illud 1. Timoth. ult. *Habentes alimenta, & quibus tegamur, his contenti simus*: in moderatione autem vestium non est aliqua specialis virtus: ergo neque abstinentia, quæ est moderativa alimentorum.

Sed Contra est, quod Macrobius (lib. 1. in somn. Scip. cap. 8.) ponit abstinentiam specialem partem temperantiae.

Respondeo dicendum, quod sicut supra dictum est, (q. 136. art. 1. & q. 141. art. 3.) virtus moralis conservat bonum rationis contra impetus passionum. Et ideo ubi invenitur specialis ratio, qua passio abstrahit à bono rationis, ibi necesse est esse specialem virtutem. Delectationes autem ciborum naturæ sunt abstrahere hominem à bono rationis; tum propter earum

mag-

magnitudinem; tum etiam propter necessitatem ciborum quibus homo indiget ad vitæ conservationem, quam maxime homo desiderat. Et ideo abstinentia est specialis virtus.

Ad primum ergo dicendum, quod virtutes oportet esse connexas, ut supra dictum est, (1. 2. q. 65. a. 1.) Et ideo una virtus adjuvatur, & commendatur ex alia, sicut justitia ex fortitudine. Et per hunc etiam modum virtus abstinentiae commendatur ex aliis virtutibus.

Ad secundum dicendum, quod per abstinentiam corpus castigatur, non solum contra illecebras luxuriae, sed etiam contra illecebras gulæ: quia dum homo abstinet, magis redditur fortis ad impugnationes gulæ vincendas, quæ tanto fortiores sunt, quanto magis homo eis cedit. Et tamen non prohibetur per hoc abstinentiam esse specialem virtutem, quod ad castitatem valet, quia una virtus ad aliam juvat.

Ad tertium dicendum, quod usus vestimentorum est introductus ab arte; usus autem ciborum à natura. Et ideo magis debet esse virtus specialis circa moderationem ciborum, quam circa moderationem vestimentorum.

Q U A E S T I O C X L V I I .

De Jejunio, in octo articulos divisa.

Deinde considerandum est de Jejunio.

Et circa hoc queruntur octo.

Primo. Utrum jejunium sit actus virtutis.

Secundo. Cujus virtutis sit actus.

Tertio. Utrum cadat sub præcepto.

Quarto. Utrum aliqui excusentur ab observatione ius præcepti.

Quinto. De tempore jejunii.

Sexto. Utrum semel comedere requiratur ad jejunium.

Septimo. De hora comestione jejunantium.

Octavo. De cibis, à quibus debent abstinere.

ARTICULUS I.

Utrum Jejunium sit actus virtutis.

Sup. q. 146. a. 1. & 4. dis. 15. q. 3. a. 3. q. 2.

A

Ad Primum sic proceditur. Videtur, quod jejunium non sit actus virtutis. Omnis enim actus virtutis Deo est acceptus: sed jejunium non semper est Deo acceptum, secundum illud Isaiae 58. Quare jejunavimus, & non aspexisti? ergo jejunium non est actus virtutis.

2. Præterea. Nullus actus virtutis recedit à medio virtutis: sed jejunium recedit à medio virtutis: quod quidem in virtute abstinentiæ accipitur secundum hoc, ut subveniatur necessitati naturæ, cui per jejunium aliquid subtrahitur; alioquin non jejunantes non haberent virtutem abstinentiæ, ergo jejunium non est actus virtutis.

3. Præterea. Id quod communiter omnibus convenit, & bonis, & malis, non est actus virtutis: sed jejunium est hujusmodi, quilibet enim, antequam comedat, jejunus est, ergo jejunium non est actus virtutis.

Sed Contra est, quod connumeratur aliis virtutum actibus 2. ad Cor. 6. ubi Apostolus dicit: *in jejunis, in scientia, in castitate, &c.*

Respondeo dicendum, quod ex hoc aliquis actus est virtuosus, quod per rationem ordinatur ad aliquod bonum honestum. Hoc autem convenit jejunio. Assumitur enim jejunium principaliter ad tria. Primo quidem ad concupiscentias carnis reprimendas. Unde Apostolus dicit in auctoritate inducta: *In jejunis, in castitate, quia per jejunia castitas conservatur.* Ut enim Hieronymus dicit, (*I. 2. cont. Jovin. cap. 6. in fin.*) *sine Cerere, & Baccho friget Venus,* id est, per abstinentiam cibi, & potus tepescit luxuria. Secundo assumitur ad hoc, quod mens liberius elevetur ab sublimia contemplanda. Unde dicitur Dan. 10. quod post jejunium trium hebdomadarum revelationem accepit à Deo.

Deo. Tertio ad satisfaciendum pro peccatis. Unde dicitur Joel. 2. *Convertimini ad me in toto corde vestro, in jejuniū, in fletu, & planctu.*

Et hoc est quod Augustinus dicit in quodam Sermone de oratione, & jejunio, (qui est 230. de Temp. tom. 10.) „Jejunium purgat animam, mentem sublevat, propriam „carnem spiritui subjicit, cor facit contritum, & hu- „miliatum, concupiscentiae nebulas dispergit, libidinum „ardores extinguit, castitatis verum lumen accendit. „Unde patet, quod jejunium est actus virtutis.“

Ad primum ergo dicendum, quod contingit, quod aliquis actus, qui ex genere suo est virtuosus, ex ali- quibus circumstantiis adjunctis redditur vitiosus. Unde ibidem dicitur: *Ecce in diebus jejuniū vestri invenitur voluntas vestra: et paulo post subditur: ad lites, & contentiones jejunatis, & percutitis pugno impio.* Quod exponens Gregor. in Pastor. (p. 3. cap. 20. à med.) dicit: „Voluntas ad lætitiam pertinet, pugnus ad „iram. Iucassum ergo per abstinentiam corpus atteri- „tur, si inordinatis motibus dimissa mens vitiis dis- „sipatur.“ Et Augustinus in praedicto Sermone dicit, quod „jejunium verbositatem non amat, divitiarum su- „perfluitatem judicat, superbiam spernit, humilitatem „commendat, præstat homini seipsum intelligere, quod „est infirmum, & fragile.“

Ad secundum dicendum, quod medium virtutis non accipitur secundum quantitatem, sed secundum ratio- nem rectam, ut dicitur in 2. Ethicor. (cap. 6. tom. 5.) Ratio autem judicat, quod propter aliquam specialem causam aliquis homo minus sumat de cibo, quam si- bi competeret secundum statum communem, sicut propter infirmitatem vitandam, aut ad aliqua opera cor- poralia expeditius agenda. Et multo magis ratio recta hoc ordinat ad spiritualia mala vitanda, & bona pro- sequenda. Non tamen ratio recta tantum de cibo sub- trahit, ut natura conservari non possit: quia, ut Hieronymus dicit, (*habet. cap. Non mediocriter, de con-secration. dist. 5.*) „Non differt, utrum magno, vel „parvo tempore te interimas; quia de rapina holo- „caustum offert, qui vel ciborum nimia egestate, „vel manducandi; vel somni penuria immoderate „cor-

„corpus affligit.“ Similiter etiam ratio recta non tantum de cibo subtrahit, ut homo reddatur impotens ad debita opera peragenda. Unde dicit Hieron. (*loc. cit.*) quod *rationalis homo dignitatem amittit*, qui vel *jejunium charitati*, vel *vigilias sensus integratit* præfert.

Ad tertium dicendum, quod jejunium naturæ quo quis dicitur *jejunus*, antequam comedat, consistit in pura negatione. Unde non potest poni actus virtutis, sed solum illud *jejunium*, quo quis ex rationabili proposito à cibis aliqualiter abstinet. Unde primum dicitur *jejunium jejunii*; secundum vero *jejunium jejunantis*, quasi ex proposito aliquid agentis.

ARTICULUS II.

707

Utrum jejunium sit actus abstinentiæ.

a. d. 15. q. a. 1. q. 3. per tot. 2^o q. 5. ad 2. 2^o quot. 3. a. 12. ad 3.

Ad Secundum sic proceditur. Videtur, quod *jejunium* non sit *actus abstinentiæ*. Quia super illud Matth. 17. *Hoc genus dæmoniorum &c.* dicit Glos. (*Ordin. Bedæ lib. 3. comment. cap. 8. in fin.*) *Jejunum non solum est ab escis, sed à cunctis illecebris abstinere*: sed hoc pertinet ad omnem virtutem, ergo *jejunium* non est *actus specialiter abstinentiæ*.

2. Præterea, Gregor. dicit in *Homil.* *Quadragesimæ* (*quæ est 16. in Evang. à med.*) quod *jejunium quadragesimale est decima totius anni*: sed dare decimas est *actus religionis*, ut supra habitum est, (*q. 87. a. 1.*) ergo *jejunium* est *actus religionis*, & non *abstinentiæ*.

3. Præterea. *Abstinentia* est pars *temperantiæ*, ut dictum est: (*q. præc. 2^o q. 143.*) *temperantia autem contra fortitudinem dividitur*, ad quam pertinet *molestias sustinere*: quod maxime videtur esse in *jejunio*, ergo *jejunium* non est *actus abstinentiæ*.

Sed Contra est, quod Isidorus dicit, (*lib. 6. Etymol. cap. 18. ad fin.*) quod *jejunium est parsimonia victus, abstinentiaque ciborum.*

Res-

Respondeo dicendum, quod eadem est materia habitus, & actus. Unde omnis actus vitiosus, qui est circa aliquam materiam, ad illam virtutem pertinet, quæ medium in illa materia constituit. Jejunium autem attenditur in cibis in quibus medium adinvenit abstinentia. Unde manifestum est, quod *jejunium est abstinentia actus*.

Ad primum ergo dicendum, quod *jejunium propriæ dictum consistit in abstinendo à cibis: sed metaphorice dictum consistit in abstinendo à quibuslibet nocivis, quæ maxime sunt peccata.*

Vel potest dici, quod etiam *jejunium propriæ dictum est abstinentia ab omnibus illecebris; quia per quælibet vitia adjuncta desinit esse actus virtuosus, ut dictum est, (a. præc. ad 1.)*

Ad secundum dicendum, quod nihil prohibet actum unius virtutis pertinere ad aliam virtutem, secundum quod ad ejus finem ordinatur, ut ex supra dicitur patet, (*q. præc. a. 2. ad 2. q. 1. 2. q. 18. a. 7.*) Et secundum hoc nihil prohibet, *jejunium pertinere ad religionem, vel ad castitatem, vel ad quamcumque aliam virtutem.*

Ad tertium dicendum, quod ad fortitudinem, secundum quod est specialis virtus, non pertinet perferre quascumque molestias, sed solum illas, quæ sunt circa pericula mortis. Sufferre autem molestias, quæ sunt ex defectu delectabilium tactus pertinet ad temperantiam, & ad partes ejus: et tales sunt molestiae *jejunii.*

ARTICULUS III.

203

Utrum jejunium sit præcepto.

d. 15. q. 3. a. 1. q. 4. q. 5. ad 2. q. a. 2. q. 1.

And Tertium sic proceditur. Videtur, quod *jejunium non sit in præcepto.* Præcepta enim non dantur de operibus supererogationum, quæ cadunt sub consilio: sed *jejunium est opus supererogationis;* alioquin Tom. VII,

ubique, & semper æqualiter esset observandum, ergo jejuniū non cadit sub præcepto.

2. Præterea. Quicumque transgreditur præceptum, peccat mortaliter, si ergo jejuniū esset in præcepto, omnes non jejunantes mortaliter peccarent: per quod videretur magnus laqueus hominibus esse injectus.

3. Præterea. Augustin. dicit in lib. de vera religione, (cap. 17. parv. ante med. tom. I.) quod ab ipsa Dei sapientia homine assumpto, quo in libertatem vocati sumus, pauca sacramenta saluberrima constituta sunt, quæ societatem Christiani populi, hoc est, sub uno Deo liberæ multitudinis, continerent: sed non minus videtur libertas populi Christiani impediri per multitudinem observantiarum, quam per multitudinem sacramentorum: dicit enim Aug. in lib. ad inquisitiones Januarii, (sc. epist. 19. cap. 19. cir. fin. tom. 2.) quod quidam ipsam religionem nostram, quam manifestissimis, & paucissimis celebrationum sacramentis Dei misericordia voluit esse liberam, servillibus premunt oneribus: ergo videtur, quod non debuit per Ecclesiam jejuniū sub præcepto institui.

Sed Contra est, quod Hieronymus ad Lucinum (epist. 28. cir. fin.) dicit de jejunis loquens: Unaque provincia abundet in suo sensu, & præcepta majorum leges Apostolicas arbitretur, ergo jejunium est in præcepto.

Respondeo dicendum, quod sicut ad seculares Principes pertinet præcepta legalia juris naturalis determinativa tradere de his, quæ pertinent ad utilitatem communem in temporalibus rebus: ita etiam ad Prelatos Ecclesiasticos pertinet ea statutis præcipere, quæ ad utilitatem communem fidelium pertinent in spiritualibus bonis.

Dictum est autem, (a. I. huj. q.) quod jejuniū utile est ad deletionem, & cohibitionem culpæ, & ad elevationem mentis in spiritualia. Unusquisque autem ex naturali ratione tenetur tantum jejunis uti, quantum sibi necessarium est ad prædicta. Et ideo jejuniū in communi cadit sub præcepto legis naturæ: sed determinatio temporis, & modi jejunandi secundum convenientiam, & utilitatem populi Christiani, cadit sub præ-

præcepto juris positivi, quod est à Prælatis Ecclesiæ institutum: et hoc est jejunium Ecclesiæ: aliud vero est naturæ.

Ad primum ergo dicendum, quod jejunium secundum se consideratum non nominat aliquid eligibile, sed pœnale quoddam. Redditur autem eligibile, secundum quod est utile ad finem aliquem. Et ideo absolute consideratum non est de necessitate præcepti, sed est de necessitate præcepti unicuique tali remedio indigentis. Et quia multitudo hominum ut plurimum indiget tali remedio, tum quia *in multis onnes offendimus*, ut dicitur Jacobi 3. tum etiam quia *caro concupiscit adversus spiritum*, ut dicitur ad Galat. 5. conveniens fuit, ut Ecclesia aliqua jejunia statueret ab omnibus communiter observanda, non quasi præcepto subjiciat id quod simpliciter ad supererogationem pertinet, sed quasi in speciali determinans id, quod est necessarium in communi.

Ad secundum dicendum, quod præcepta, quæ per modum communis statuti proponuntur, non eodem modo obligant omnes: sed secundum quod requiritur ad finem, quem legislator intendit: cuius auctoritatem si aliquis transgrediendo statutum contemnat, vel hoc modo transgrediatur, quod impediatur finis, quem intendit, peccat mortaliter talis transgressor: si autem ex aliqua rationabili causa quis statutum non servet, præcipue in casu, in quo etiamsi legislator adesset, non decerneret esse servandum, talis transgressio non constituit peccatum mortale. Et inde est, quod non omnes qui non servant jejunia Ecclesiæ, peccant mortaliter.

Ad tertium dicendum, quod Augnst. ibi loquitur de his, quæ neques sacrarum Scripturarum auctoritatibus continentur, nec in Conciliis Episcoporum statuta inveniuntur, nec consuetudine universalis Ecclesiæ robورata sunt. Jejunia vero quæ sunt in præcepto, sunt in Conciliis Episcoporum statuta, & consuetudine universalis Ecclesiæ robورata. Nec sunt contra libertatem populi fidelis; sed magis sunt utilia ad impedientem servitutem peccati, quæ repugnat libertati spirituali, de qua dicitur ad Gal. 5. *Vos enim fratres in libertatem vocati estis, tantum ne libertatem detis in occasione carnis.*

ARTICULUS IV.

703

Utrum omnes ad jejuna Ecclesiæ teneantur.

*Inf. a. 7. ad 3. & 4. dist. 15. q. 3. a. 2.
q. 1. 2. 3. & 4.*

A

*A*d Quartum sic proceditur. Videtur, quod omnes ad jejunia Ecclesiæ teneantur. Præcepta enim Ecclesiæ obligant, sicut Dei præcepta, secundum illud Luc. 10. *Qui vos audit, me audit: sed ad præcepta Dei servanda omnes tenentur, ergo & similiter omnes tenentur ad servanda jejunia, quæ sunt ab Ecclesia instituta.*

2. Præterea. Maxime videntur excusari pueri à jejunio propter ætatem: sed pueri non excusantur: dicitur enim Joel. 2. *Sanctificate jejunium.* Et postea: *Congregate parvulos, & sugentes ubera:* ergo multo magis omnes alii ad jejunia tenentur.

3. Præterea. Spiritualia sunt temporalibus præferenda, & necessaria non necessariis: sed opera corporalia ordinantur ad lucrum temporale. Peregrinatio etiam, etsi ad spiritualia ordinetur, non est necessitatis, cum ergo jejunium ordinetur ad spiritualem utilitatem, & necessitatem habeat ex statuto Ecclesiæ, videtur, quod non sint jejunia Ecclesiæ prætermittenda propter peregrinationem, vel propter corporalia opera.

4. Præterea. Magis est aliquid faciendum ex propria voluntate, quam ex necessitate, ut patet per Apost. 2. ad Cor. 9. Sed pauperes solent ex necessitate jejunare propter defectum alimentorum: ergo multo magis debent ex propria voluntate jejunare.

Sed contra videtur, quod nullus justus teneatur jejunare. Præcepta enim Ecclesiæ non obligant contra doctrinam Christi: sed Dominus dixit Luc. 5. quod non possunt filii sponsi jejunare, *quamdiu cum Ipsi est sponsus:* est autem cum omnibus justis spiritualiter eos inhabitans: unde Dominus dicit Matthæi ult. *Ecce ego vobiscum sum usque ad consummationem seculi:* ergo justi ex statuto Ecclesiæ non obligantur ad jejunandum.

Respondeo dicendum, quod, sicut supra dictum est,

(1.

(I. 2. q. 90. a. 2. & q. 98. a. 2. & 6.) statuta communia proponuntur, secundum quod multitudini conveniunt. Et ideo legislator in eis statuendis attendit id, quod communiter habetur, & in pluribus accidit: si quid autem ex speciali causa in aliquo inveniatur, quod observantiae statuti repugnet, non intendit tales legislator ad statuti observantiam obligare: in quo tamen est discretio adhibenda; nam si causa sit evidens, per seipsum licite potest homo statuti observantium præterire, præsertim consuetudine interveniente, vel si non posset de facili recursus ad Superiorem haberi.

Si vero causa sit dubia, debet aliquis ad Superiorum recurrere, qui habet potestatem in talibus dispensandi. Et hoc est observandum in jejunis ab Ecclesia institutis, ad quæ omnes communiter obligantur, nisi in eis fuerit aliquid speciale impedimentum.

Ad primum ergo dicendum, quod præcepta Dei sunt præcepta juris naturalis, quæ secundum se sunt de necessitate salutis. Sed statuta Ecclesiæ sunt de his, quæ non per se sunt de necessitate salutis, sed solum ex institutione Ecclesiæ. Et ideo possunt esse aliqua impedimenta, propter quæ aliqui ad observanda jejunia hujusmodi non tenentur.

Ad secundum dicendum, quod in pueris maxime est evidens causa non jejunandi; tum propter debilitatem naturæ, ex qua provenit, quod indigent frequenti cibo, & non multo simul assumpto; tum etiam quia indigent multo nutrimento propter necessitatem augmenti, quod fit de residuo alimenti. Et ideo quamdiu sunt in statu augmenti, quod est ut in pluribus usque ad finem tertii septennii, non tenentur ad Ecclesiastica jejunia observanda. Conveniens tamen est, ut etiam in hoc tempore se ad jejunandum exerceant, plus vel minus secundum modum suæ ætatis. Quandoque tamen magna tribulatio ne imminente, in signum pœnitentie arctioris etiam pueris jejunia indicuntur: sicut etiam de jumentis legitur Iohæ 3. *Homines, & jumenta non gustent quidquam, nec aquam libant.*

Ad tertium dicendum, quod circa peregrinos, & operarios distinguendum videtur: quia si peregrinatio, & operis labor commode diffiri possit, aut diminui

absque detimento corporalis salutis, & exterioris status, qui requiritur ad conservationem corporalis, vel spiritualis vitæ, non sunt propter hoc Ecclesiæ jejunia prætermittenda: si autem immineat necessitas statim peregrinandi, & magnas diætas faciendi, vel etiam multum laborandi, vel propter conservationem vitæ corporalis, vel propter aliquid necessarium ad vitam spiritualem, & simul cum hoc non possunt Ecclesiæ jejunia observari, non obligatur homo ad jejunandum: quia non videtur fuisse intentio Ecclesiæ statuentis jejunia, ut per hoc impedit alias pias, & magis necessarias causas. Videtur tamen in talibus recurrendum esse ad Superioris dispensationem, nisi forte ubi est ita consuetum; quia ex hoc ipso quod Prælati dissimulant, videntur annuere.

Ad quartum dicendum, quod pauperes qui possunt sufficienter habere, quod eis sufficiat ad unam comedionem, non excusantur propter paupertatem à jejunis Ecclesiæ, à quibus tamen excusari videntur illi, qui frustatim eleemosynas mendicant, qui non possunt simul habere, quod eis ad victimum sufficiat.

Ad quintum dicendum, quod illud verbum Domini tripliciter potest exponi. Uno modo secundum Chrysost. (*Homil. 31. in Matth. à med.*) qui dicit, quod discipuli, qui filii sponsi dicuntur, adhuc imbecilli dispositi erant, unde vestimento veteri comparantur. Et ideo in præsentia corporali Christi erant magis sovendi in quadam dulcedine, quam in austeritate jejunii exercendi. Et secundum hoc magis convenit, ut cum imperfectis, & novitiis in jejunis dispensemur, quam cum antiquioribus, & perfectis; ut patet in Glos. (*ordinar.*) super illud Psalm. 130. *Sicut aïlactatus est super matre sua.* Allo modo potest dici secundum Hieronym. (*habet. ex Beda lib. 2. comment. in Luc. cap. 5. à med.*) quod Dominus ibi loquitur de jejunio veterum observantiarum. Unde per hoc significat Dominus, quod Apostoli non erant in veteribus observantiis detinendi, quos oportebat gratiae novitate perfundi. Tertio modo secundum August. (*lib. 2. de consens. Evangelistar. cap. 27. prope fin. tom. 4.*) qui distinguit duplex jejunium. Quorum unum pertinet ad humilitatem tribulationis: et hoc non competit viris perfectis, qui dicuntur filii sponsi, unde ubi Lucas di-

dicit: *Non possunt filii sponsi jejunare*, dicit Matth. (cap. 9.) *Non possunt filii sponsi lugere*. Aliud autem est, quod pertinet ad gaudium mentis in spiritualia suspensæ. Et tale jejunium convenit perfectis.

ARTICULUS V.

710

Utrum convenienter determinentur tempora jejunii Ecclesiæ.

4. d. 15. q. 3. a. 3. q. 1.

And Quintum sic proceditur. Videtur, quod inconvenienter determinentur tempora jejunii Ecclesiæ. Christus enim legitur Matth. 4. statim post baptismum jejunium inchoasse: sed nos Christum imitari debemus, secundum illud 1. ad Cor. 4. *Imitatores mei estote, sicut & ego Christi*, ergo & nos debemus jejunium peragere statim post epiphaniam, in qua baptismus Christi celebratur.

2. Præterea. Ceremonialia veteris legis non licet in nova lege observare: sed jejunia in quibusdam determinatis mensibus pertinent ad solemnitates veteris legis, dicitur enim Zachar. 8. *Jejunium quarti, & jejunium quinti, & jejunium septimi, & jejunium decimi erit domini Iudeæ in gaudium, & laetitiam, & in solemnitates præclaras:* ergo jejunia specialium mensium, quæ dicuntur Quatuor Temporum, in Ecclesia inconvenienter observantur.

3. Præterea. Secundum Augustinum in lib. 2. de consensu Evangelistar. (cap. 27. ad fin. tom. 4.) *Sicut est jejunium afflictionis, ita est jejunium exultationis:* sed maxime exultatio spiritualis imminet fidelibus ex Christi resurrectione: ergo in tempore Quinquagesimæ, quod Ecclesia solemnizat propter Dominicam resurrectionem, & in diebus Dominicalibus, in quibus memoria resurrectionis agitur, debent aliqua jejunia indici.

Sed Contra est communis Ecclesiæ consuetudo.

Respondeo dicendum, quod, sicut supra dictum est, (a. 1. & 3. huj. q.) jejunium ad duo ordinatur; scilicet ad deletionem culpæ, & ad elevationem mentis in superna. Et ideo illis temporibus specialiter fuerunt jejunia iudicenda, in quibus oportebat homines à peccato purgari,

*et mentem fideliū elevari in Deum per devotionem: quæ quidem præcipue imminent ante Paschalem solemnitatem, in qua & culpæ per baptismum relaxantur, qui solemniter in Vigilia Paschæ celebratur, quando recolitur Dominica sepultura; quia per baptismum consepeluntur Christo in mortem, ut dicitur ad Rom. 6. In festo etiam Paschæ oportet maxime mentem hominis per devotionem elevari ad æternitatis gloriam, quam Christus resurgendo inchoavit. Et ideo immediate ante solemnitatem Paschalem Ecclesia statuit esse jejunandum: et eadem ratione in Vigiliis præcipuarum festivitatibus, in quibus præparari nos oportet ad festa futura devote celebranda. Similiter etiam consuetudo Ecclesiastica habet, ut in singulis quartis anni sacri Ordines conferantur: ad quorum susceptionem oportet per jejunium præparari, & eos qui ordinant, & illos qui ordinandi sunt, & etiam totum populum, pro cuius utilitate ordinantur. Unde & legitur Lucæ 6. quod Dominus ante discipulorum electionem exivit in montem orare. Quod expōens Ambrosius (*sup. illud: et erat per noctans*) dicit: *Quid te facere convenit, cum vis aliquid officium pietatis adoriri, quando Christus missurus Apostolos prius oravit?**

Ratio autem numeri, quantum ad quadragesimale jejunium, est triplex secundum Gregorium. (*hom. 16. in Evangel. à med.*) Primo quidem „quia virtus Decalogi „per libros quatuor sancti Evangelii impletur: denarius „etenim quater ductus in quadragenarium surgit. Vel „quia in hoc mortali corpore ex quatuor elementis sub-„sistimus, per cujus voluptates præceptis Dominicis „contrainimus, quæ per Decalogum sunt accepta. Unde „dignum est, ut eamdem carnem quaterdecies affligamus. Vel quia ita offerre contendimus Deo decimas „dierum. Num enim per trecentos & sexaginta quinque „dies annus dicitur, nos autem per triginta & sex dies „affligimur“ (qui sunt jejunabiles in sex septimanis Quadragesimæ) quasi amī nostri decimas Deo damus.

Secundum Augustinum autem (*lib. 2. de Doctrin. Christ. cap. 16. à med. tom. 3.*) additur quarta ratio. Nam creator est Trinitas, Pater, & Filius, & Spiritus sanctus: creaturæ vero invisibili debetur ternarius numerus, diligere enim jubemus Deum ex toto corde, &

ex

~~ex~~ tota anima , & ex tota mente : creaturæ vero visibili debetur quaternarius propter calidum , & frigidum, humidum , & siccum. Sic ergo per denarium significantur omnes res : qui si ducatur per quaternarium , qui competit corpori , per quod administratio geritur , quadragesimum numerum conficit.

Singula vero jejunia quatuor Temporum trībus diebus continentur propter numerum mensium , qui competit cuilibet tempori : vel propter numerum sacrorum Ordinum , qui in his temporibus conferuntur.

Ad primum ergo dicendum , quod Christus baptismo non indiguit propter seipsum , sed ut nobis baptismum commendaret. Et ideo sibi non competit , ut ante baptismum suum jejunaret , sed post baptismum , ut nos invitaret ad jejunandum ante nostrum baptismum.

Ad secundum dicendum , quod Ecclesia non servat jejunia quatuor Temporum , nec omnino eisdem temporibus , quibus Iudæi , nec etiam propter causas easdem. Illi enim jejunabant in Julio , qui est quartus mensis ab Aprili , quem primum habent , quia tunc Moyses descendens de monte Sinai tabulas legis confregit ; (Exod. 32.) & iuxta Jerem. muri primum rupti sunt civitatis. (Jerem. 39.) In quinto autem mense , qui apud nos vocatur Augustus , quia cum propter exploratores seditio esset orta in populo , jussi sunt in montem non ascendere. (Num. 14.) Et in hoc mense à Nabuchodonosor (Jerem. 52.) & post à Tito templum Hierosolymis est incensum. In septimo vero , qui appellatur October , Godolias occisus est , & reliquæ populi dissipatæ. (Jerem. 41.) In decimo vero mense , qui apud nos Januarius dicitur , populus cum Ezechiele in captivitate positus audivit templum esse subversum. (Ezech. 24.)

Ad tertium dicendum , quod jejunium exultationis ex instinctu Spiritus sancti procedit , qui est spiritus libertatis. Et ideo hoc jejunium sub præcepto cadere non debet. Jejunia ergo , quæ præcepto Ecclesiæ instituuntur , sunt magis jejunia afflictionis , quæ non convenient in diebus lœtitiæ. Propter quod non est jejunium ab Ecclesia institutum in toto Paschali tempore , nec etiam in diebus Dominicis : in quibus si quis jejunaret contra consuetudinem populi Christiani , quæ , ut Augustinus

dicit, (*epist. 86. parun à præc. tom. 2.*) est pro legi habenda, vel etiam ex aliquo errore, (*sicut Manicha* jejunant quasi necessarium tale jejunium arbitrante non esset à peccato immunis: quamvis ipsum jejunium secundum se consideratum omni tempore sit laudabile secundum quod Hieronymus dicit ad Lucinum. (*epist. 28. ad fin. & hab. cap. Utinam, dist. 76.*) Utinam omnibus tempore jejunare possemus.

ARTICULUS VI.

711

Utrum requiratur ad jejunium, quod homo tantum semel comedat.

4. *d. 8. q. 1. a. 4. q. 2. ad 2. & d. 15. q. 3. a. 4. q. 1. & 2.*



*A*d Sextum sic proceditur. Videtur, quod non requiratur ad jejunium, quod homo tantum semel comedat. Jejunium enim, ut dictum est, (*a. 2. huj. q.*) est actus virtutis abstinentiae, quæ quidem non minus observat debitam quantitatem cibi, quam comedionis numerum: non autem taxatur jejunantibus quantitas cibi, ergo nec numerus comedionis taxari debet.

2. *Præterea.* Sicut homo nutritur cibo, ita & potu, unde & potus jejunium solvit, propter quod non possumus post potum Eucharistiam accipere: sed non est prohibitum, quin pluries bibamus diversis horis diei, ergo etiam non debet esse prohibitum jejunantibus, quia pluries comedant.

3. *Præterea.* Electuaria quidam cibi sunt, quæ tamen a multis in diebus jejunii post comedionem sumuntur, ergo unitas comedionis non est de ratione jejunii.

Sed in contrarium est communis consuetudo populi Christiani.

Respondeo dicendum, quod jejunium ab Ecclesia instituitur ad concupiscentiam refrænandam; ita tamen quod natura salvetur. Ad hoc autem sufficere videtur unica comedio, per quam homo potest naturæ satisfacere; & tamen concupiscentiae aliquid detrahit, diminuer-

nuendo comedionum vices: et ideo Ecclesiæ moderatione statutum est, ut semel in die à jejunantibus comedatur.

Ad primum ergo dicendum, quod quantitas cibi non potuit eadem omnibus taxari propter diversas corporum complexiones, ex quibus contingit quod unus majori, alter minori cibo indiget: sed ut plurimum omnes possunt naturæ satisfacere per unicam comedionem.

Ad secundum dicendum, quod duplex est jejunium. Unum quidem naturæ, quod requiritur ad Eucharistiæ sumptionem: et hoc solvitur per quemlibet potum, etiam aquæ, post quem etiam non licet Eucharistiam sumere. Est autem aliud jejunium Ecclesiæ, quod dicitur *jejunium jejunantib[us]*: et istud non solvitur, nisi per ea, quæ Ecclesia interdicere intendit, instituendo jejunium. Non autem intendit Ecclesia interdicere abstinentiam potus; qui magis sumitur ad alterationem corporis, & digestionem ciborum assumptorum, quam ad nutritionem, licet aliquo modo nutriat, & ideo licet plures jejunantibus bibere. Si autem quis immoderate potu utatur, potest peccare, & meritum jejuniū perdere: sicut etiam si immoderate cibum in una comedione assumat.

Ad tertium dicendum, quod electuaria etiamsi aliquo modo nutrient, non tamen principaliter assumuntur ad nutrimentum, sed ad digestionem ciborum. Unde non solvunt jejunium, sicut nec aliarum medicinarum assumptio; nisi forte aliquis in fraudem electuaria in magna quantitate assumat per modum cibi.

ARTICULUS VII.

712

Utrum hora nona convenienter taxetur ad comedendum his, qui jejunant.

4. d. 15. q. 3. a. 3. q. 3.

Ad Septimum sic proceditur. Videtur, quod hora nona non convenienter taxetur ad comedendum his, qui jejunant. Status enim novi Testamenti est perfectior, quam status veteris Testamenti: sed in veteri Testamento jejunabant usque ad vesperam, dicitur enim Lev. 23.

Sabbatum est, affligitis animas vestras, & postea sequitur: A vespere usque ad vesperram celebrabilis sabbata vestra: ergo multo magis in novo Testamento jejuniū debet indicī usque ad vesperram.

2. Præterea. Jejuniū ab Ecclesia institutum omnibus imponitur: sed non omnes possunt determinate cognoscere horam nonam: ergo videtur, quod taxatio horæ nonæ non debeat cadere sub statuto jejunii.

3. Præterea. Jejuniū est actus virtutis abstinentiæ, ut supra dictum est: (a. 2. huj. q.) sed virtus moralis non eodem modo accipit medium quoad omnes; quia quod est multum uni, est parum alteri, ut dicitur in 2. Ethicorum. (cap. 6. tom. 5.) ergo non debet jejunantibus taxari hora nona.

Sed Contra est, quod Concilium Chalcedonense dicit: (hab. In quodam Concil. capitulari incerti Auctoris, loci, 2 temp. can. 39. tom. 9. Concil. Vid. cap. Solent, de Consecr. dist. 1.) In Quadragesima nullatenus credendi sunt jejunare, quia ante manducaverint, quam vespertinum celebretur officium, quod Quadragesimali tempore post nonam dicitur: ergo usque ad nonam est jejunandum.

Respondeo dicendum, quod sicut dictum est, (a. 1. 2. 5. huj. q.) jejuniū ordinatur ad deletionem, & cohibitionem culpæ. Unde exportet, quod aliquid addat supra communem consuetudinem; ita tamen quod per hoc non multum natura gravetur. Est autem debita, & communis consuetudo comedendi hominibus circa horam sextam: tum quia jam videtur esse completa digestio nocturno tempore naturali calore interius revocato propter frigus noctis circumstans, & diffusio humoris per membra, cooperante ad hoc calore diei usque ad summum solis ascensum: tum etiam quia tunc præcipue natura corporis humani indiget juvari contra exteriorem aeris calorem, ne humores interius adorantur. Et ideo ut jejunans aliquam afflictionem sentiat pro culpæ satisfactione, convenientis hora comedendi taxatur jejunantibus circa horam nonam.

Convenit etiam ista hora mysterio Passionis Christi; quæ completa fuit hora nona, quando inclinato capite tradidit spiritum. Jejunantes enim, dum suam car-

nem affigunt, Passioni Christi conformantur, secundum illud ad Galatas 5. Qui autem Christi sunt, carnem suam crucifixerunt cum vtilis, & concupiscentiis.

Ad primum ergo dicendum, quod status veteris Testamenti comparatur nocti: status vero novi Testamenti diei, secundum illud ad Rom. 13, *Nox præcessit, dies autem appropinquavit.* Et ideo in veteri Testamento jejunabant usque ad noctem, non autem in novo Testamento.

Ad secundum dicendum, quod ad jejunium requiriatur hora determinata, non secundum subtilem examinationem, sed secundum grossam aestimationem: sufficit enim, quod sit circa horam nonam: & hoc de faciliter quilibet cognoscere potest.

Ad tertium dicendum, quod modicum augmentum, vel etiam modicus defectus non multum potest nocere. Non est autem magnum temporis spatium, quod est ab hora sexta, in qua communiter homines comedere consueverunt, usque ad horam nonam, quæ jejunantibus determinatur. Et ideo talis taxatio temporis non multum potest alicui nocere, eujusque conditionis existat: vel si forte propter infirmitatem, vel ætatem, aut aliquid hujusmodi, hoc eis in magnum gravamen cederet, esset cum eis in jejunio dispensandum, vel ut aliquantulum prævenirent horam.

ARTICULUS VIII.

713

Utrum convenienter jejunantibus indicatur abstinentia à carnis, ovis, & lacticiniis.

4. d. 15. q. 3. a. 4. q. 2.

Ad Octavum sic proceditur. Videtur, quod inconvenienter jejunantibus indicatur abstinentia à carnis, ovis, & lacticiniis. Dietum est enim supra, (a. 6. huj. q.) quod jejunium est institutum ad concupiscentias carnis refrænandas: sed magis concupiscentiam provocat potus vini, quem esus carnium, secundum illud Proverb. 20. *Luxuriosa res est vinum, & ad Ephes. 5. Non inebriari vino, in quo est luxuria;* cum ergo non in-

interdicatur jejunantibus potus vini, videtur, quod non debeat interdici esus carnium.

2. Præterea. Aliqui pisces ita delectabiliter comeduntur, sicut quædam animalium carnes: sed concupiscentia est appetitus delectabilis, ut supra habitum est, (1. 2. q. 30. a. 1.) ergo in jejunio, quod est institutum ad concupiscentiam refrænandam, sicut non interdicitur esus piscium, ita non debet interdici esus carnium.

3. Præterea. In quibnsdam jejuniorum diebus aliqui ovis, & caseo utuntur, ergo pari ratione in jejunio Quadragesimali talibus homo uti potest.

Sed Contra est communis fidelium consuetudo.

Respondeo dicendum, quod, sicut supra dictum est, (a. 6. huj. q.) jejunium ab Ecclesia est institutum ad reprimendas concupiscentias carnis, quæ quidem sunt delectabilium secundum tactum, quæ consistunt in cibis, & venereis. Et ideo illos cibos Ecclesia jejunantibus interdixit, qui & in comedendo maxime habent delectationem, & iterum maxime hominem ad venerea provocant. Hujusmodi autem sunt carnes animalium in terra nascentium, & respirantium, & quæ ab eis procedunt, sicut lacticinia ex gressilibus, & ova ex avibus. Quia enim hujusmodi magis conformantur humano corpori, plus delectant, & magis conferunt ad humani corporis nutrimentum. Et sic ex eorum comedione plus superfluit, ut vertatur in materiam seminis, cuius multiplicatio est maximum incitamentum luxuriæ. Et ideo ab his cibis præcipue jejunantibus Ecclesia statuit esse abstinentiam.

Ad primum ergo dicendum, quod ad actum generationis tria concurrunt; scilicet calor, spiritus, & humor. Ad calorem quidem maxime cooperatur vinnum, & alia calefacientia corpus: ad spiritus autem videntur cooperari inflativa: sed ad humorē maxime cooperatur usus carnium, ex quibus multum de alimento generatur. Alteratio autem caloris, & multiplicatio spirituum cito transit; sed substantia humoris diu manet. Et ideo magis interdicitur jejunantibus usus carnium, quam vini, vel leguminum, quæ sunt inflativa.

Ad secundum dicendum, quod Ecclesia jejunium ins-

instituens intendit ad id, quod communius accidit. Eius autem carnium est magis delectabilis communiter, quam eis piscium, quamvis in quibusdam aliter se habeant. Et ideo Ecclesia magis jejunantibus prohibuit esum carnium, quam esum piscium.

Ad tertium dicendum, quod ova, & lacticinia jejunantibus interdicuntur, in quantum sunt ex animalibus exorta carnes habentibus. Unde principalius interdicuntur carnes, quam ova, vel lacticinia. Similiter etiam inter alia jejunia solemnis est Quadragesimale jejunium: tum quia observatur ad imitationem Christi; tamen etiam quia per ipsum disponimur ad redēptionis nostrae mysteria devote celebranda. Et ideo in quolibet jejunio interdicitur eis carnium. In jejunio autem Quadragesimali interdicuntur universaliter etiam ova, & lacticinia: circa quorum abstinentiam in aliis jejunis diversæ consuetudines existunt apud diversos; quas quisque observare debet secundum morem eorum, inter quos conversatur, unde Hieronymus dicit, (*epist. 28. ad Lucinum sub. fin.*) de jejunis loquens: *Unaquaque provincla abundet in suo sensu, et præcepta majorum leges Apostolicas arbitretur.*

QUÆSTIO CXLVIII.

De Gula, in sex articulos divisa.

Deinde considerandum est de Gula.

Et circa hoc queruntur sex.

Primo. Utrum gula sit peccatum.

Secundo. Utrum sit peccatum mortale.

Tertio. Utrum sit maximum peccatorum.

Quarto. De speciebus ejus.

Quinto. Utrum sit vitium capitale.

Sexto. De filiabus ejus.

ARTICULUS I.

714

*Utrum gula sit peccatum.**Mal. q. 14. a. 1. 2. v. 3.***A**

*M*od Primum sic proceditur. Videtur, quod gula non sit peccatum. Dicit enim Dominus Matth. 10. *Quod intrat in os, non coiquinat hominem: sed gula est circa cibos, qui intrant in hominem, cum ergo omne peccatum coiquinet hominem, videtur, quod gula non sit peccatum.*

2. *P*ræterea. Nullus peccat in eo, quod vitare non potest: sed gula consistit in immoderantia cibi, quam non potest homo vitare, dicit enim Gregorius 30. Moral. (cap. 14. ante med.) *Quia per esum voluptas necessitatibus miscetur, quid necessitas petat, & quid voluptus suppetat, ignoratur: & Augustinus dicit in 10. Confess. (cap. 31. sub. fin. tom. 1.) Quis est, Domine, qui aliquantum extra metas necessitatis cibam non sumit? ergo gula non est peccatum.*

3. *P*ræterea. In quolibet genere peccati primus motus est peccatum: sed primus motus sumendi cibam non est peccatum; alioquin fames, & sitis essent peccata, ergo gula non est peccatum.

Sed Contra est, quod Gregorius 30. Moral. (cap. 13. allquant. à princ.) dicit, quod *ad conflictum spiritualis agonis non assurgitur, nisi prius intra nos metipso hostis positus, gulæ videlicet appetitus, edomatur: sed interior hostis hominis est peccatum: ergo gula est peccatum.*

Respondeo dicendum, quod gula non nominat quemlibet appetitum edendi, & bibendi, sed inordinatum.

Dicitur autem appetitus inordinatus ex eo, quod recedit ab ordine rationis, in quo bonum virtutis moralis consistit. Ex hoc autem dicitur aliquid esse peccatum, quod virtuti contrariatur. Unde manifestum est, quod *gula est peccatum.*

Ad primum ergo dicendum, quod id quod intrat in

ho-

hominem per modum cibi , secundum suam substantiam , & naturam , non coinqnat hominem spiritualiter. Sed Iudæi , contra quos Dominus loquitur , & Manichæi opinabantur , quod aliqui cibi immundos facerent , non propter figuram , sed propter propriam naturam. Inordinata autem ciborum concupiscentia spiritualiter hominem coinqnat.

Ad secundum dicendum , quod , sicut dictum est , (*In c. a.*) vitium gulæ non consistit in substantia cibi , sed in concupiscentia non regulata ratione. Et ideo si aliquis excedat in quantitate cibi , non propter concupiscentiam cibi , sed æstimans id sibi necessarium esse , non pertinet hoc ad gulam , sed ad aliquam impietiam : sed hoc solum pertinet ad gulam , quod aliquis propter concupiscentiam cibi delectabilis scienter excedat mensuram in edendo.

Ad tertium dicendum , quod *duplex* est appetitus. *Ums* quidem naturalis , qui pertinet ad vires animæ vegetabilis , in quibus non potest esse virtus , & vitium , eo quod non possunt subjici rationi , unde & vis appetitiva dividitur contra retentivam , digestivam , & expulsivam : Et ad talem appetitum pertinet esurie , & siti. Est autem & *alius* appetitus sensitivus , in cuius concupiscentia vitium gulæ consistit. Unde primus motus gulæ importat inordinationem in appetitu sensitivo , quæ non est sine peccato.

ARTICULUS II.

715.

Utrum gula sit peccatum mortale.

Inf. q. 154. a. 2. ad 6. 2^o mal. q. 14. a. 2. 2^o Rom. 13. lect. 3. 2^o Gal. 5. lect. 4.

A. Secundum sic proceditur. Videtur , quod gula non sit peccatum mortale. Omne enim peccatum mortale contrariatur alicui præcepto Decalogi : quod de gula non videtur : ergo gula non est peccatum mortale.

2. Præterea. Omne peccatum mortale contrariatur charitatî , ut ex supra dictis patet : (q. 132. a. 3.) sed

Sed gula non opponitur charitati, neque in quantum ad dilectionem Dei, neque in quantum ad dilectionem proximi, ergo gula non est peccatum mortale.

3. Præterea. Angust. dicit in ser. de Purgat. (qui est 41. de Sanctis, aliquant. ante med. tom. 10.) *Quotiesquis in cibo, aut potu plus accipit, quam necesse est, ad minuta peccata pertinere noverit: sed hoc pertinet ad gulam, ergo gula computatur inter minuta, id est, inter venialia peccata.*

Sed Contra est, quod Gregor. dicit in 30. Moral. (a. 13. cir. med.) *Dominante gulæ vitio, omne, quod homines fortiter egerunt, perdunt; & dum venter non restringitur, simul cunctæ virtutes obriuntur: sed virtus non tollitur, nisi per peccatum mortale: ergo gula est peccatum mortale.*

Respondeo dicendum, quod, sicut dictum est, (a. præc.) vitium gulæ proprie consistit in concupiscentia inordinata. Ordo autem rationis concupiscentiam ordinantis duplicit tolli potest: *Uno modo* quantum ad ea, quæ sunt ad finem, prout scilicet non sunt ita commensurata, ut sint proportionata fini. *Alio modo* quantum ad ipsum finem, prout scilicet concupiscentia hominem avertit à fine debito. Si ergo inordinatio concupiscentiæ accipitur in gula secundum aversionem à fine ultimo, sic gula erit peccatum mortale. Quod quidem contingit, quando delectationi gulæ inhæret homo tamquam fini, propter quem Deum contemnit, paratus scilicet contra præcepta Dei agere, ut delectationes hujusmodi assequatur.

Si vero in vitio gulæ intelligatur inordinatio concupiscentiæ tantum secundum ea, quæ sunt ad finem, utpote quia nimis concupiscit delectationes ciborum, non tamen ita quod propter hoc ficeret aliquid contra legem Dei, est peccatum veniale.

Ad primum ergo dicendum, quod vitium gulæ habet quod sit peccatum mortale, in quantum avertit à fine ultimo: et secundum hoc per quamdam reductionem opponitur præcepto de sanctificatione sabbati, in quo præcipitur quies in fine ultimo. Non enim omnia peccata mortalia directe contrariantur præceptis Decalogi, sed solum illa, quæ injustitiam continent: quia

quia præcepta Decalogi specialiter pertinent ad justitiam, & partes ejus, ut supra habitum est. (q. 122. a. 1.)

Ad secundum dicendum, quod in quantum avertit à fine ultimo, contrariatur gula dilectioni Dei, qui est super omnia, sicut finis ultimus, diligendus: et secundum hoc solum gula est peccatum mortale.

Ad tertium dicendum, quod illud verbum Augustini intelligitur de gula, in quantum importat inordinationem concupiscentiae solum circa ea, quæ sunt ad finem.

Ad quartum dicendum, quod gula dicitur virtutes auferre, non tam propter se, quam etiam propter vitia, quæ ex ea oriuntur. Dicit enim Gregorius in Pastor. (par. 3. cap. 20. aliquant. à princ.) *Dum venter per ingluviem tenditur, virtutes animæ per luxuriam destruuntur.*

ARTICULUS III.

216

Utrum gula sit maximum peccatorum.

Ad Tertium sic proceditur. Videtur, quod gula sit maximum peccatorum. Magnitudo enim peccati ex magnitudine pœnæ consideratur: sed peccatum gulæ est gravissime puniendum: dicit enim Chrysostomus: (*hom. 13. in Matth. aliquant. à princ.*) Adam intemperantia ventris expulit à paradyso: Diluvium, quod fuit tempore Noe, ipsa fecit, & pœnam Sodomorum, secundum illud, Ezech. 16. Hæc fuit iniurias sororis tuæ Sodomæ, saturitas panis, &c. ergo peccatum gulæ est maximum peccatorum.

2. Præterea. Causa in quolibet genere est potior; sed gula videtur esse causa aliorum peccatorum. Quia super illud Psalm. 135. *Qui percussit Ægyptum cum primogenitis eorum*, dicit Glossa, (*ord. Cassiod.*) Luxuria, concupiscentia, superbia, sunt ea, quæ primo venter generat: ergo gula est gravissimum peccatorum.

3. Præterea. Post Denm homo debet seipsum maxime diligere, ut supra habitum est: (q. 25. a. 4.) sed per vitium gulæ homo infert sibi ipsi nocumentum.

Di-

Dicitur, enim Eccles. 37. Propter crapulam multi oblerunt : ergo gula est maximum peccatorum, ad minus præter peccata, quæ sunt contra Deum.

Sed Contra est, quod vitia carnalia, inter quæ computatur gula, secundum Gregor (*Implic. l. 33. Moral. cap. 11. ante med.*) sunt minoris culpæ.

Respondeo dicendum, quod gravitas alicujus peccati potest tripliciter considerari. Primo quidem, & principaliter secundum materiam, in qua peccatur. Et secundum hoc peccata, quæ sunt circa res divinas, sunt maxima. Unde secundum hoc vitium gulae non est maximum. Est enim circa ea, quæ ad sustentationem corporis spectant.

Secundo autem ex parte peccantis. Et secundum hoc peccatum gulae magis alleviatur, quam aggravetur ; tum propter necessitatem assumptionis ciborum ; tum etiam propter difficultatem discernendi, & moderandi id, quod in talibus convenit.

Tertio vero modo ex parte effectus consequentis. Et secundum hoc vitium gulae habet quandam magnitudinem, in quantum ex ea occasionantur diversa peccata.

Ad primum ergo dicendum, quod illæ poenæ referuntur magis ad vitia, quæ sunt consecuta ex gula, vel ad gulae radicem, quam ad ipsam gulam. Nam primus homo expulsus est de Paradiso propter superbiam, ex qua processit ad actum gulae. Diluvium autem, & poena Sodomorum sunt inducta propter peccata luxuriae procedentia ex gula occasionaliter.

Ad secundum dicendum, quod ratio illa procedit ex parte peccatorum, quæ ex gula oriuntur. Non autem oportet, quod causa sit potior, nisi in causis per se. Gula autem non est causa illorum vitiorum per se, sed quasi per accidens, & per occasionem.

Ad tertium dicendum, quod gulosus non intendit suo corpori nocentum inferre, sed in cibo delectari. Si autem nocentum corporis sequatur, hoc est per accidens. Unde hoc non directe pertinet ad gravitatem gulae. Cujus culpa tamen aggravatur, si quis corporale detrimentum incurrat propter immoderatam cibi sumptionem.

ARTICULUS IV.

717

rum convenienter species gulæ distinguantur secundum has quinque conditiones : Præpropere, laute, nimis, ardenter, studiose.

1. 2. q. 72. a. 9. cor. 2 ad 3. 2' 4. dist. 15. q. 3. a. 4.

Ad Quartum sic proceditur. Videtur, quod inconvenienter species gulæ distinguantur à Gregorio, qui 30. Moral. (c. 13. à med.) dicit : „Quinque modis nos gulæ vitium tentat : aliquando namque indigentie tempora prævenit : aliquando laudiores cibos quaerit; aliquando quæ sumenda sunt, præparari accuratius appetit aliquando in ipsa quantitate sumendi mensuram refectionis excedit ; aliquando ipso aestu immensi desiderii aliquis peccat : “ et continetur in hoc versu :

Præpropere, laute, nimis, ardenter, studiose.

Prædicta enim diversificantur secundum diversas circumstantias : sed circumstantiae, cum sint accidentia actuum, non diversificant speciem : ergo secundum prædicta non diversificant species gulæ.

2. Præterea. Sicut tempus est quædam circumstantia, ita & locus, si ergo secundum tempus una species gulæ accipitur, videtur quod pari ratione secundum locum, & alias circumstantias.

3. Præterea. Sicut temperantia observat debitas circumstantias, ita etiam & aliæ virtutes morales : sed in vitiis, quæ opponuntur aliis virtutibus moralibus, non distinguuntur species secundum diversas circumstantias, ergo nec in gula.

Sed Contra est verbum Gregorii inductum.

Respondeo dicendum, quod, sicut dictum est, (a. I. huj. q.) gula importat inordinatam concupiscentiam edendi. In esu autem duo considerantur, scilicet ipse cibus, qui comeditur, & ejus comestio. Potest ergo inordinatio concupiscentiarum attendi dupliciter. Uno quidem modo quantum ad ipsum cibum qui sumitur : & sic quantum ad substantiam, vel speciem cibi quærit

rit aliquis cibos lautos, id est, pretiosos: quantum ad qualitatein, quærít cibos nimis accurate præparatos, id est, studiose: quantum autem ad quantitatem, excedit nimis in edendo.

Alio vero modo attenditur inordinatio concupiscentiæ quantum ad ipsam sumptionem cibi: vel quia prævenit debitum tempus comedendi, quod est præpropere: vel quia non servat modum debitum in edendo, quod est ardenter.

Isidorus vero (*lib. 2. de sum. bon. cap. 42. ad fin.*) comprehendit primum, & secundum sub uno, dicens, quod gulosis excedit in cibo secundum *quid, quantum, quomodo, & quando.*

Ad primum ergo dicendum, quod corruptio diversarum circumstantiarum facit diversas species gulæ, propter diversa motiva, ex quibus moralium species diversificantur. In eo enim qui quærit lautos cibos, excitatur concupiscentia ex ipsa specie cibi: in eo vero qui præoccupat tempus, de ordinatur concupiscentia propter impatientiam moræ: & idem patet in aliis.

Ad secundum dicendum, quod in loco, & in aliis circumstantiis non invenitur aliud differens motivum pertinens ad usum cibi, quod faciat aliam speciem gulæ.

Ad tertium dicendum, quod in quibuscumque aliis vitiis diversæ circumstantiæ habent diversa motiva, oportet accipi diversas species vitiorum secundum diversas circumstantias. Sed hoc non contingit in omnibus, ut supra dictum est. (I. 2. q. 72. art. 9.)

ARTICULUS V.

718

Utrum gula sit vitium capitale.

*Mal. q. 8. a. 1. cor. 2^r ad 6. 2^r q. 13. a. 3. cor.
2^r q. 14. art. 4.*

Ad Quintum sic proceditur. Videtur, quod gula non sit vitium capitale. Vitia enim capitalia dicuntur, ex quibus alia oriuntur secundum rationem causa finalis; sed cibus, circa quem est gula, non habet ratio-

tionem finis: non enim propter se, quæritur sed propter corporis nutritionem: ergo gula non est vitium capitale.

2. Præterea. Vitium capitale aliquam principalitatem habere videtur in ratione peccati: sed hoc non competit gulæ; quia videtur esse secundum suum genus minimum peccatorum, utpote plus appropinquans ad id, quod est secundum naturam: ergo gula non videtur esse vitium capitale.

3. Præterea. Peccatum contingit ex hoc, quod aliquis recedit à bono honesto propter aliquid utile præsenti vitæ, vel delectabile sensui: sed circa bona, quæ habent rationem utilis, ponitur unum tantum vitium capitale, scilicet avaritia: ergo & circa delectationes videtur esse ponendum unum tantum vitium capitale: ponitur autem luxuria, quæ est majus vitium, quam gula, & circa maiores delectationes: ergo gula non est vitium capitale.

Sed Contra est, quod Gregor. 31. Moral. (cap. 17. 4. med.) computat gulam inter vitia capitalia.

Respondeo dicendum, quod, sicut supra dictum est, (1. 2. q. 84. a. 3.) vitium capitale dicitur, ex quo alia vitia oriuntur secundum rationem causæ finalis; in quantum sc. habet finem multum appetibilem. Unde ex ejus appetitu homines provocantur multipliciter ad peccandum: ex hoc autem aliquis finis redditur multum appetibilis, quod habet aliquam de conditionibus felicitatis, quæ est naturaliter appetibilis.

Pertinet autem ad rationem felicitatis delectatio, ut patet in 1. Ethic. (cap. 8.) & in 10. (cap. 3. 7. & 8. tom. 5.) & ideo vitium gulæ, quod est circa delectationes tactus, quæ sunt præcipue inter alias, convenienter ponitur inter vitia capitalia.

Ad primum ergo dicendum, quod ipse cibus ordinatur quidem ad aliquid, sicut ad finem: sed quia illæ finis, scil. conservatio vitæ, est maxime appetibilis, quæ sine cibo conservari non potest, inde etiam est quod ipse cibus est maxime appetibilis. Et ad hoc fere totus labor humanæ vitæ ordinatur, secundum illud Eccl. 6. *Omnis labor hominis in ore ejus.* Et tamen magis gula videtur esse circa delectationes cibi, quam circa cibos. Propter quod, ut August. dicit in lib. de

de vera religione, (cap. 53. cir. princ. tom. I.) quibus vilis corporis salus est, malunt vesci, in quo scilicet delectatio est, quam saturari; cum omnis finis illius voluptatis sit non sitire, atque esurire.

Ad secundum dicendum, quod finis in peccato accipitur ex parte conversionis; sed gravitas peccati accipitur ex parte aversionis. Et ideo non oportet vitium capitale, quod habet finem maxime appetibilem, habere magnam gravitatem.

Ad tertium dicendum, quod delectabile est appetibile secundum se. Et ideo secundum ejus diversitatem ponuntur duo vitia capitalia, scilicet gula, & luxuria. Utile autem ex se non habet rationem appetibiliis, sed secundum quod ad aliud ordinatur: & ideo in omnibus utilibus videtur esse una ratio appetibilitatis. Et propter hoc circa hujusmodi non ponitur nisi unum vitium capitale.

ARTICULUS VI.

719

Utrum convenienter assignentur gulæ quinque filiæ; scilicet inepta lætitia, scurrilitas, immunditia, multiloquium, & hebetudo mentis circa intelligentiam.

Mal. q. 14. a. 4.

Ad Sextum sic proceditur. Videtur, quod inconvenienter assignentur gulæ quinque filiæ; scil. inepta lætitia, scurrilitas, immunditia, multiloquium, hebetudo mentis circa intelligentiam. Inepta enim lætitia consequitur omne peccatum, secundum illud Proverb. 2. Qui lætantur, cum male fecerint, & exultant in rebus pessimis. Similiter etiam hebetudo mentis invenitur in omni peccato, secundum illud Proverb. 14. Errant, qui operantur malum, ergo inconvenienter ponuntur filiæ gulæ.

2. Præterea. Immunditia, quæ maxime consequitur gulam, videtur ad vomitum pertinere, secundum illud Isa. 28. Omnes mensæ repletæ sunt vomitu, sordibusque: sed hoc non videtur esse peccatum, sed poena peccati, vel etiam aliquid utile sub consilio cadens, secundum illud Eccles. 32. Si coactus fueris in edendo multum, sur-

ge à medio, & vomo, & refrigerabit te, ergo non debet poni inter filias gulæ.

3. Præterea. Isidorus (*lib. 2. de sum. bon. cap. 42. ad fine & lib. 10. Etym. ad lit. S.*) ponit scurrilitatem filiam luxuriaz, non ergo debet poni inter filias gulæ.

Sed Contra est, quod Greg. 31. Moral. (*cap. 17. à med.*) has filias gulæ assignat.

Respondeo dicendum, quod, sicut dictum est, (*a. 1. 2. & 3. huj. q.*) gula proprie consistit circa immoderatam delectationem, quæ est in cibis, & potibus. Et ideo illa vitia inter filias gulæ computantur, quæ ex immoderata delectatione cibi, & potus consequuntur.

Quæ quidem possunt accipi, *vel* ex parte animæ, *vel* ex parte corporis. Ex parte autem animæ quadrupliciter. Primo quidem quantum ad rationem, cuius acies hebetatur ex immoderatione cibi, & potus: et quantum ad hoc ponitur filia gulæ hebetudo sensus circ. intelligentiam, propter fumositates ciborum perturbaates caput; sicut è contrario abstinentia confert ad sapientiaz perceptionem, secundum illud Eccl. 2. *Cogitavi in corde meo abstrahere à vino carnem meam, ut animum meum transferrem ad intelligentiam: secundo quantum ad appetitum, qui multipliciter deordinatur per immoderantiam cibi, & potus, quasi sopito gubernaculo rationis: et quantum ad hoc ponitur incepta lætitia; quia omnes aliae inordinatae passiones ad lætitiam, & tristitiam ordinantur, ut dicitur in 2. Ethic. (cap. 5. tom. 5.)* Et hoc est quod dicitur 3. Esdræ 3. quod vinum omnem mentem convertit in securitatem, & jucunditatem. Tertio quantum ad inordinatum verbum: et sic ponitur multiloquium: quia, ut Gregorius dicit in Pastor. (*part. 3. cap. 20. in princ.*) nisi gulæ deditos immoderata loquacitas raperet, dives ille, qui epulatus quotidie splendide dicitur, in lingua gravius non arderet. Quarto quantum ad inordinatum actum: et sic ponitur scurrilitas, id est jocularitas quædam proveniens ex defectu rationis, quæ sicut non potest cohibere verba, ita non potest cohibere exteiores gestus. Unde ad Ephes. 5. super illud: *Aut stultiloquum, aut scurrilitas, dicit Glos. (Interlinearis) quod à stultis curialitas dicitur, idest jocularis.*

tas, quæ risum movere solet. Quamvis possit utrumque horum referri ad verba, in quibus contingit peccare, vel ratione superfluitatis, quod pertinet ad multiloquium, vel ratione dishonestatis, quod pertinet ad scurrilitatem.

Ex parte autem corporis ponitur immunditia, quæ potest attendi, sive secundum inordinatam emissionem quarumcunque superfluitatum, vel specialiter quantum ad emissionem seminis. Unde super illud ad Ephes. 5, *Fornicatio autem, & omnis immunditia &c. dicit Glos. (interl.) id est incontinentia pertinens ad libidinem quocumque modo.*

Ad primum ergo dicendum, quod lætitia, quæ est de actu peccati, vel sine, consequitur omne peccatum, maxime quod procedit ex habitu: sed lætitia vaga incomposita, quæ hic dicitur *Inepta*, præcipue oritur ex immoderata sumptione cibi, vel potus. Similiter etiam dicendum, quod hebetudo sensus quantum ad eligibilia communiter invenitur in omni peccato: sed hebetudo sensus circa speculabilia maxime procedit ex gula, ratione jam dicta. (*in cor. art.*)

Ad secundum dicendum, quod licet utilis sit vomitus post superfluam comedionem; tamen vitiosum est quod aliquis huic necessitati se subdat per immoderatam cibi, vel potus. Potest tamen absque culpa vomitus procurari ex consilio medicinæ in remedium alicuius languoris.

Ad tertium dicendum, quod scurrilitas procedit quidem ex actu gulæ, non autem ex actu luxurie, sed ex ejus voluntate, & ideo ad utrumque victimum potest pertinere.

Q U A E S T I O C X L I X.

De Sobrietate, in quatuor articulos divisa.

Deinde considerandum est de Sobrietate, & virtuo opposito, scilicet Ebrrietate.

Et circa Sobrietatem queruntur quatuor.

Primo. Quæ sit materia sobrietatis.

Secundo. Utrum sit specialis virtus.

Ter-

Tertio. Utrum usus vini sit licitus.

Quarto. Quibus præcipue competit sobrietas.

ARTICULUS I.

Utrum materia Sobrietatis sit potus.

Sup. q. 143.

Al. Primum sic proceditur. Videtur, quod materia sobrietatis non sit potus. Dicitur enim ad Roman. 12. Non plus sapere, quam oportet sapere, sed sapere ad sobrietatem, ergo sobrietas est etiam circa sapientiam, & non solum circa potum.

2. Præterea. Sapien. 3. dicitur de Dei sapientia, sobrietatem, & prudentiam docet, justitiam, & virtutem; ubi sobrietatem ponit pro temperantia: sed temperantia non solum est circa potus, sed etiam circa cibos, & venerea, ergo sobrietas non est solum circa potus.

3. Præterea. Nomen sobrietatis à mensura sumptum esse videtur: sed in omnibus, quæ ad nos pertinent, debemus mensuram servare, ut dicitur ad Titum 2. Sobrie, & juste, & pie vivamus in hoc seculo: ubi dicit Glos. (interl.) Sobrie in nobis, & 1. ad Timoth 2. dicitur: mulieres in habitu ornato, cum verecundia, & sobrietate ornantes se: et sic videtur sobrietas esse non solum in interioribus, sed etiam in his, quæ pertinent ad exteriorem habitum, non ergo propria materia sobrietatis est potus.

Sed Contra est, quod dicitur Eccl. 31. Aëjua vita hominibus vinum in sobrietate: si bibas illud moderate, eris sobrius.

Respondeo dicendum, quod virtutes, quæ ab aliqua generali conditione virtutis nominantur, illam materiam sibi specialiter vendicant, in qua difficillimum, & optimum est conditionem ejus observare; sicut fortitudo pericula mortis, & temperantia delectationes tactus. Nomen autem sobrietatis sumitur à mensura; dicitur enim aliquis sobrius, quasi bram (idest mensuram) servans. Et ideo illam materiam specialiter sibi

sobrietas adscribit, in qua maxime laudabile est mensuram servare.

Hujusmodi autem est potus inebriare valens: quia ejus usus mensuratus multum confert, & modicus excessus multum laedit; quia impedit usum rationis magis etiam quam excessus cibi. Unde Eccles. 31. „Sanitas „est animæ, & corporis sobrius potus. Vinum multum „potatum irritationem, & iram, & ruinas multas facit. „Et ideo specialiter sobrietas attenditur circa potum, „non quemcunque, sed eum, qui sua fumositate natus „est caput conturbare;“ sicut vinum, & omne, quod inebriare potest.

Communiter autem sumendo nomen sobrietatis, potest in quacumque materia dici, sicut & supra dictum est (q. 123. a. 2. & q. 141. a. 2.) de fortitudine, & temperantia.

Ad primum ergo dicendum, quod sicut vinum materiale inebriat corporaliter; ita etiam metaphorice consideratio sapientiae dicitur potus inebrians propter hoc, quod sua delectatione animum allicit, secundum illud Psalm. 22. *Calix meus inebrians quam præclarus est.* Et ideo circa contemplationem sapientiae per similitudinem quandam sobrietas dicitur.

Ad secundum dicendum, quod omnia, quæ ad temperantiam proprie pertinent, necessaria sunt præsentis vitiæ, & eorum excessus nocet. Et ideo in omnibus necessarium est adhibere mensuram: quod pertinet ad officium sobrietatis: propter quod nomine sobrietatis temperantia significatur: sed modicus excessus in potu plus nocet, quam in aliis. Et ideo sobrietas specialiter est circa potum.

Ad tertium dicendum, quod quamvis mensura in omnibus requiratur, non tamen sobrietas proprie in omnibus dicitur, sed in quibus mensura est maxime necessaria.

ARTICULUS II.

721

Utrum sobrietas sit per se virtus specialis.

2. Cor. 5. lect. 3. & Ti. 2. lect. 3. c. 2.

Ad Secundum sic proceditur. Videtur, quod sobrietas non sit per se quædam specialis virtus. Abstinentia enim attenditur & circa cibos, & circa potus; sed circa cibos non est specialiter aliqua specialis virtus: ergo nec sobrietas, quæ est circa potum, est aliqua specialis virtus.

2. Præterea. Abstinentia, & gula sunt circa delectationes tactus, in quantum sensus est alimenti: sed cibus, & potus simul cedunt in alimentum: simul enim indiget animal nutriti humido, & sicco: ergo sobrietas, quæ est circa potum, non est specialis virtus.

3. Præterea. Sicut in his quæ ad nutritionem pertinent, distinguitur cibus à potu; ita etiam distinguuntur diversa genera ciborum, & diversa genera potuum: si ergo sobrietas esset per se quædam specialis virtus, videtur quod circa quamlibet differentiam potus, vel cibi sit quædam specialis virtus: quod est inconveniens: non ergo videtur, quod sobrietas sit specialis virtus.

Sed Contra est, quod Macrobius (*I. 1. In Somn. Scip. cap. 8.*) ponit sobrietatem specialem partem temperanxiæ.

Respondeo dicendum, quod, sicut supra dictum est, (*quæst. 146. art. 2.*) ad virtutem moralem pertinet conservare bonum rationis contra ea, quibus potest impediri. Et ideo ubi invenitur speciale impedimentum rationis, ibi necesse est esse specialem virtutem ad illud removendum. Potus autem inebrians habet specialem rationem impediendi usum rationis, in quantum scilicet perturbat cerebrum sua fumositate. Et ideo ad removendum hoc impedimentum rationis requiritur specialis virtus, quæ est sobrietas.

Ad primum ergo dicendum, quod cibus, & potus communiter impedire possunt bonum rationis, absor-

bendo eam per immoderantiam delectationis. Et quantum ad hoc communiter circa cibum, & potum est abstinentia : sed potus inebriare valens impedit speciali ratione , ut dictum est. (*in corp. art.*) Et ideo requirit specialem virtutem.

Ad secundum dicendum , quod virtus abstinentia non est circa cibos , & potus , in quantum sunt nutritiva , sed in quantum impediunt rationem. Et ideo non oportet : quod specialitas virtutis attendatur secundum rationem nutritionis.

Ad tertium dicendum , quod in omnibus potibus inebriare valentibus est una & eadem ratio impedientis rationis usum. Et sic illa potum diversitas per accidens se habet ad virtutem. Et propter hoc secundum hujusmodi diversitatem virtutes non diversificantur. Et eadem ratio est de diversitate ciborum.

ARTICULUS III.

722

Utrum usus viuū totaliter sit illicitus.

Ad Tertium sic proceditur. Videtur , quod usus vini totaliter sit illicitus. Sine sapientia enim non potest aliquis esse in statu salutis , dicitur enim Sapient. 7. *Neminem dilit Deus, nisi eum qui cum sapientia inhabitat.* & infra cap. 9. Per sapientiam sanati sunt quicunque placuerunt tibi , Domine, à principio : sed usus vini impedit sapientiam: dicitur enim Eccl. 2. *Cogitavi in corde meo abstrahere à vino carnem meam, ut transferrem animum meum ad sapientiam :* ergo potus vini est universaliter illicitus.

2. Præterea. Apostolus dicit ad Rom. 14. *Bonum est non manducare carnem, & non bibere vinum, neque in quo frater tuus offenditur, aut scandalizatur, aut infirmatur :* sed cessare à bono virtutis est vitiosum & similiter fratribus scandalum ponere : ergo uti vino est illicitum.

3. Præterea. Hieronym. dicit , (*lib. 1. cont. Jovin.* cap. 9. *In fin. & hab. cap. Ab exordio, dist. 35.*) quod *vīnum cum carībus post diluvium est dedicātū,* christus autem *venit in fine seculorum, & extremitatem*

76-

retraxit ad principium : ergo tempore Christianæ legis videtur esse illicitum uti vino.

Sed Contra est, quod Apostolus dicit 1. ad Timo-th. 5. *Noli adhuc aquam bibere, sed modico vino utere propter stomachum tuum, & infirmitates tuas frequentes.* Et Eccli. 31. dicitur : *Exultatio animæ, & cordis vinum moderate potatum.*

Respondeo dicendum, quod nullus cibus, vel potus secundum se consideratus est illicitus, secundum sententiam Domini dicentis Matth. 15. *Non quod intrat in os, coquuntur hominem.* Et ideo bibere vinum, secundum se loquendo, non est illicitum.

Potest tamen reddi illicitum per accidens : quandoque quidem ex conditione bibentis, quia vino de facili iuditur, vel quia ex speciali voto obligatur ad vinum non bibendum. *Quandoque* autem ex modo bibendi, quia scilicet mensuram in bibendo excedit. *Quandoque* autem ex parte aliorum, qui ex hoc scandalizantur.

Ad primum ergo dicendum, quod sapientia potest haberi dupliciter. *Uno modo* secundum modum communem, prout sufficit ad salutem : et sic non requiritur ad sapientiam habendam, quod aliquis à vino omnino abstineat, sed quod abstineat ab immoderato usu vini. *Alio modo* secundum quemdam perfectionis gradum. Et sic requiritur in aliquibus ad perfecte sapientiam percipiendam, quod omnino à vino abstineant, secundum conditiones quarumdam personarum, & locorum.

Ad secundum dicendum, quod Apostolus non simpliciter dicit, bonum esse abstinere à vino, sed in casu in quo ex hoc aliqui scandalizantur.

Ad tertium dicendum, quod Christus retrahit nos à quibusdam, sicut omnino illicitis, à quibusdam vero, sicut ab impedimentis perfectionis. Et hoc modo retrahit aliquos à vino propter studium perfectionis, sicut & à divitiis, & aliis hujusmodi,

ARTICULUS IV.

723

Utrum sobrietas magis requiratur in majoribus personis,

1. *Tim. 2. lect. 2. c. 3.*

And Quartum sic proceditur. Videtur, quod sobrietas magis requiratur in majoribus personis. Senectus enim excellentiam quamdam homini præstat. Unde seibus honor, & reverentia debetur, secundum illud Levit. 19. *Coram capite consurge, et honora personam sens:* sed Apostolus specialiter senes dicit esse ad sobrietatem exhortandos, secundum illud ad Tit. 2. *Senes, ut sobri sint:* ergo sobrietas maxime requiritur in excellentioribus personis.

2. Præterea. Episcopus in Ecclesia excellentissimum gradum habet; cui per Apostolum indicitur sobrietas, secundum illud 1. ad Timoth. 3. Oportet Episcopum irreprehensibilem esse, *utius uxor virum, sobrium, prudentem, &c.* ergo sobrietas maxime requiritur in personis excellentioribus.

3. Præterea. Sobrietas importat abstinentiam à vino: sed vinum interdicitur Regibus, qui tenent summum locum in humanis rebus; conceditur autem his qui sunt in statu desolationis, secundum illud Proverbiorum trigesimoprimum: *noli Regibus dare vinum:* & postea subdit: *date sinceram mœrentibus, et vinum his, qui amaro animo sunt:* ergo sobrietas magis requiritur in excellentioribus personis.

Sed Contra est, quod Apostolus dicit 1. ad Timoth. 3. *Mulieres similiter pudicas, sobrias, &c.* Et ad Tit. 2. dicitur: *Juvenes similiter hortare, ut sobri sint.*

Respondeo dicendum, quod virtus habet habitudinem ad duo: uno quidem modo ad contraria vitia, quæ excludit, & concupiscentias, quas refrænat: *Altro modo ad finem, in quem perducit.* Sic ergo aliqua virtus magis requiritur in aliquibus dupli ratione. *Uno modo, quia in eis est major pronitas ad concupiscentias, quas oportet per virtutem refrænari, & ad vilia, quæ per-*

vis-

virtutem tolluntur: et secundum hoc sobrietas maxime requiritur in juvenibus, & mulieribus: quia in juvenibus viget concupiscentia delectabilis propter fervorem ætatis: in mulieribus autem non est sufficiens robur mentis ad hoc, quod concupiscentiis resistant. Unde secundum Valerium Maximum (lib. 2. cap. 1. n. 3.) mulieres apud Romanos antiquitus non bibeant vinum.

Alio vero modo, sobrietas magis requiritur in aliis, ut pote magis necessaria ad propriam operationem ipsorum. Vinum autem immoderate sumptua præcipue impedit usum rationis. Et ideo „senibus, in quibus ratio debet vigere ad aliorum eruditionem, & „Episcopis, seu quibuslibet Ecclesiæ ministris, qui mente te devota debent spiritualibus officiis insistere, & Regibus, qui per sapientiam debent populum subditum gubernare, specialiter sobrietas indicitur.“

Et per hoc patet responsio ad Objecta.

QUÆSTIO CL.

De Ebrietate, in quatuor articulos divisa.

Deinde considerandum est de Ebrietate.

Et circa hoc queruntur quatuor.

Primo. Utrum ebrietas sit peccatum.

Secundo. Utrum sit peccatum mortale.

Tertio. Utrum sit gravissimum peccatum.

Quarto. Utrum excusat à peccato.

ARTICULUS I.

724

Utrum Ebrietas sit peccatum.

Mal. q. 14. a. 4. ad 2. & ad Ti. 2. lect. 1. fin. & 3. Eth. lect. 12. fin.

And Primum sic proceditur. Videtur, quod Ebrietas non sit peccatum. Omne enim peccatum habet aliud peccatum sibi oppositum; sicut timiditati audacia, &

pusillanimitati presumptio opponitur: sed ebrietati nullum peccatum opponitur: ergo ebrietas non est peccatum.

2. Præterea. Omne peccatum est voluntarium: sed nullus vult esse ebrius: quia nullus vult privari usus rationis: ergo ebrietas non est peccatum.

3. Præterea. Quicumque est alteri causa peccandi, peccat: si ergo ebrietas esset peccatum, sequeretur, quod illi, qui alios invitant ad potum, quo inebriantur, faccarent, quod videtur esse valde durum.

4. Præterea. Omnibus peccatis correctio debetur: sed ebriis non adhibetur correctio, dicit enim Gregorius, quod *cum verba sui ingenio sunt relinquendi, ne deteriores fiant, si à tali consuetudine evellantur*: ergo ebrietas non est peccatum.

Sed Contra est, quod Apostol. dicit ad Rom. 13. *Non in concessationibus, & ebrietatisibus.*

Respondeo dicendum, quod ebrietas *dupliciter* potest accipi. *Uno modo*, prout significat ipsum defectum hominis, qui accidit ex multo vino potato, ex quo fit ut non sit compos rationis: et secundum hoc ebrietas non nominat *culpam*, sed *defectum pœnalem consequentem ex culpa.*

Alio modo ebrietas potest nominare actum, quo quis in hunc defectum incidit, qui potest causare ebrietatem *dupliciter*. *Uno modo* ex nimia vini fortitudine præter opinionem bibentis: et *sic etiam ebrietas potest accidere sine peccato*, præcipue si non ex negligentia hominis contingat: et *sic creditur Noe inebriatus fuisse*, ut legitur Gen. 9.

Alio modo ex inordinata concupiscentia, & usu vi- ni: et *sic ebrietas ponitur esse peccatum*, & continetur sub *gula*, sicut species sub genere. Dividitur enim gula in *concessione*, & ebrietatem, quæ prohibet Apostolus in auctoritate inducta.

Ad primum ergo dicendum, quod, sicut Philos. dicit in 3. Ethic. (cap. 11. circ. med. tom. 5.) insensibilitas, quæ opponitur temperantiae, non multum contingit. Et ideo tam ipsa, quam omnes ejus species, quæ opponuntur diversis speciebus temperantiae, nomine carant. Unde & vitium, quod opponitur ebrietati, inno-

minatum est. Et tamen si quis scienter in tantum à vino abstineret, ut naturam multum gravaret, à culpa immunis non esset.

Ad secundum dicendum, quod objectio illa procedit de defectu consequenti, qui est involuntarius: sed inmoderatus usus vini est voluntarius; in quo peccati ratio consistit.

Ad tertium dicendum, quod sicut ille qui inebriatur, excusat à peccato, si ignorat fortitudinem vini; ita etiam ille qui invitat aliquem ad bibendum, excusat à peccato, si ignoret talem esse conditionem bibentis, ut ex hoc potu inebrietur: sed si ignorantia debet, neuter à peccato excusat.

Ad quartum dicendum, quod aliquando correctio peccatoris est intermittenda, ne fiat inde deterior, ut supra dictum est. (*q. 33. a. 6.*) Unde Augustinus dicit in Epistola ad Aurelium Episcopum (*quæ est 64. parum ante med. tom. 2.*) de comedationibus, & ebrietatis loquens: „Nou aspere, quantum existimo, non „dure, non imperiose ista tolluntur, sed magis do- „cendo, quam jubendo, magis monendo, quam mi- „nando, sic enim agendum est cum multitudine pec- „cantium; severitas autem exercenda est in peccata „paucorum.“

ARTICULUS II.

Utrum ebrietas sit peccatum mortale.

I. 2. q. 88. a. 5. ad 1. & 2. d. 24. q. 2. a. 6. c.

& ma. q. 2. a. 8. ad 3. & Rom. 13. lect. 5.

A

Ad Secundum sic proceditur. Videtur, quod ebrietas non sit peccatum mortale. August. enim in Sermo de Purgatorio (*qui est 41. de Sanctis, parum à princ. tom. 10.*) dicit, ebrietatem esse peccatum mortale, si sit assidua: sed assiduitas importat circumstantiam, quæ non trahit in aliam speciem peccati: & sic non potest in infinitum aggravare, ut de veniali faciat mortale, sicut ex supradictis patet, (*I. 2. q. 88. a. 5.*) ergo si alias ebrietas non est peccatum mortale, nec etiam hoc modo erit peccatum mortale.

2. Præterea, August. dicit in eodem Sermone: *quoties alius in cibo, aut potu plus accipit quam necesse est, ad minuta peccata noverit pertinere.* Peccata autem minuta dicuntur venialia: ergo ebrietas, quæ causatur ex immoderato potu, est peccatum veniale.

3. Præterea. Nullum peccatum mortale est faciendum propter mediciuam: sed aliqui superflue bibunt secundum consilium medicinæ, ut postea per vomitum purgentur; & ex hoc superfluo potu sequitur ebrietas: ergo ebrietas non est peccatum mortale.

Sed Contra est, quod in Canonibus Apostol. (can. 41. & 42. tom. I. Concil.) legitur: „Episcopos, ant „Presbyter, aut Diaconus aleæ, aut ebrietati deser- „viens, aut desinat, aut deponatur: Subdiaconus au- „tem, aut Lector, aut Cantor similia faciens, aut „desinat, aut communione privetur: similiter & lai- „cus:“ sed tales pœnæ non infliguntur nisi pro pec- cato mortali: ergo ebrietas est peccatum mortale.

Respondeo dicendum, quod culpa ebrietatis sicut dictum est, (art. præc.) consistit in immoderato usu & concupiscentia vini. Hoc autem contingit esse tri- pliciter. Uno modo sic, quod nesciat potum esse immo deratum, & ineibriare potentem: & sic ebrietas potest esse sine peccato, ut dictum est, (a. præc.)

Alio modo sic, quod aliquis percipiat potum esse immoderatum, non tamen estimet potum esse ineibriare potentem: & sic ebrietas potest esse cum peccato veniali.

Tertio modo potest esse, quod aliquis bene adver sat, potum esse immoderatum, & iuebriantem, & tamen magis vult ebrietatem incurrire, quam à potu abstinere: & talis proprie dicitur ebrius; quia moralia recipiunt speciem non ab his quæ per accidens eveniunt præter intentionem, sed ab eo quod est per se intentum. Et sic ebrietas est peccatum mortale: quia secundum hoc homo volens, & sciens privat se usu rationis, quo secundum virtutem operatur, & peccata declinet: & sic peccat mortaliter, periculo peccandi se committens. Dicit enim Ambros. in lib. de Patriarchis, (seu lib. I. de Abraham, cap. 6. non procul à fin.) „Vitandam discimus ebrietatem, per quam vitia cave-

„ re non possumus. Nam quæ sobrii cavemus, per ebrietatem ignorantes committimus.“ Unde ebrietas, per se loquendo, est peccatum mortale.

Ad primum ergo dicendum, quod assiduitas facit ebrietatem esse peccatum mortale, non propter solam iterationem actus, sed quia non potest esse quod homo assidue inebrietur, quin sciens & volens ebrietatem incurrit; dum multoties experitur fortitudinem vini, & suam habilitatem ad ebrietatem.

Ad secundum dicendum, quod plus sumere in cibo, & potu, quam necesse sit, pertinet ad vitium gulae, quæ non semper est peccatum mortale: sed plus sumere in potu scienter usque ad ebrietatem, hoc est peccatum mortale. Unde Aug. dicit in 10. Confess. (cap. 31. art. med. tom. 1.) *Ebrietatis longe est à me; misereberis, ne appropinquet mihi: crapula autem nonnumquam subrepit servo tuo.*

Ad tertium dicendum, quod, sicut dictum est, (q. 141. a. 6.) cibus, & potus est moderandus, secundum quod competit corporis valetudini. Et ideo sicut quandoque contingit, ut cibus, vel potus, qui est moderatus sano, sit superfluus infirmo; ita etiam potest & converso contingere, ut ille qui est superfluus sano, sit moderatus infirmo. Et hoc modo cum aliquis multum comedat, vel bibit secundum consilium medicorum ad vomitum provocandum, non est reputandus superfluus cibus, vel potus.

Nec tamen ad vomitum provocandum requiritur, quod sit potus inebrians, quia etiam potus aquæ tepide vomitum causat: & ideo propter hanc causam non excusaretur aliquis ab ebrietate.

ARTICULUS III.

726

Utrum ebrietas sit gravissimum peccatorum.

Ad Tertium sic proceditur. Videtur, quod ebrietas sit gravissimum peccatorum. Dicit enim Chrysostom. (Hom. 58. in Matth. inter med. & fin.) quod nihil ita est dæmoni amicum, sicut ebrietas, & lascivia, quæ est mater omnium viltorum. Et in Decr. dicitur dis-

dist. 35. (cap. 9.) Ante omnia Clericis vitetur ebrietas , quæ omnium vitiorum fomes , & matrix est.

2. Præterea. Ex hoc dicitur aliquid esse peccatum , quod bonum rationis excludit : sed hoc maxime facit ebrietas : ergo ebrietas ex maximum peccatorum.

3. Præterea. Magnitudo culpæ ex magnitudine pœnæ ostenditur : sed ebrietas videtur esse maxime punita : dicit enim Ambr. (l. de Elia & jejuni. cap. 5. ante med.) quod non esset in homine servitus , si non fuisset ebrietas : ergo ebrietas est maximum peccatorum.

Sed Contra est , quod secundum Gregor. (l. 33. Moral. cap. 11. ante med. implic.) vicia spiritualia sunt majora , quam carnalia : sed ebrietas continetur inter vicia carnalia : ergo non ex maximum peccatorum.

Respondeo dicendum , quod ex hoc dicitur aliquid esse malum , quod privat bonum. Unde quanto majus est bonum , quod privatur per malum , tanto malum gravius est. Manifestum est antem , quod bonum diuinum est majus , quam bonum humanum. Et ideo peccata , quæ sunt directe contra Deum , sunt graviora peccato ebrietatis , quod directe opponitur bono rationis humanae .

Ad primum ergo dicendum , quod ad peccata intemperantiae maxime homo habet pronitatem , propter hoc quod hujusmodi concupiscentiae , & delectationes connaturales nobis sunt. Et secundum hoc dicuntur hujusmodi peccata esse maxime amica diabolo , non quia sint aliis graviora , sed quia sunt apud homines frequentiora.

Ad secundum dicendum , quod bonum rationis impeditur dupliciter : uno modo per id quod est contrarium rationi : alio modo per id quod aufert usum rationis. Plus autem habet de ratione mali id quod contrariatur rationi , quam quod ad horam usum rationis aufert : usus enim rationis potest esse & bonus , & malus , qui tollitur per ebrietatem : sed bona virtutum , quæ tolluntur per ea quæ contrariantur rationi , sunt semper bona.

Ad tertium dicendum , quod servitus est consecuta ex ebrietate occasionaliter , in quantum Cham maledictionem servitutis in sua posteritate accepit propter hoc ,

hoc, quod irrisit patrem inebriatum : non autem servitus fuit directe pœna ebrietatis.

ARTICULUS IV.

*U*trum ebrietas excusat à peccato.

1. 2. q. 76. a. 4. ad 2. 2^o 4. 2^o 2. dist. 22. q. 2.
a. 2. ad 2.

Ad Quartum sic proceditur. Videtur, quod ebrietas non excusat à peccato. Dicit enim Philos. in 3. Ethic. (cap. 5. ante med. tom. 5.) quod ebrius meretur duplices multationes : ergo ebrietas magis aggravat peccatum, quam excusat.

2. Præterea. Non excusatur peccatum per peccatum, sed magis augetur: ebrietas autem est peccatum: ergo non excusat à peccato.

3. Præterea. Philos. dicit in 6. Ethic. (ex cap. 5. tom. 5.) quod sicut ratio hominis ligatur per ebrietatem, ita ligatur per concupiscentiam: sed concupiscentia non excusat à peccato: ergo etiam neque ebrietas.

Sed Contra est, quod Lot excusatur ab incestu propter ebrietatem, ut Angust. dicit contra Faustum. (l. 21. cap. 44. tom. 6.)

Respondeo dicendum, quod in ebrietate duo attenduntur, sicut dictum est, (a. 1. huj. q.) scilicet defectus consequens, & actus præcedens. Ex parte autem defectus consequentis, in quo ligatur usus rationis, ebrietas habet excusare à peccato, in quantum causat involuntarium per ignorantiam.

Sed ex parte actus præcedentis videtur esse distinguendum: quia si ex actu illo præcedente subsecuta est ebrietas sine peccato, tunc peccatum sequens totaliter excusatur à culpa: sicut forte accidit de Lot.

Si autem actus præcedens fuit culpabilis, sic non totaliter aliquis excusat à peccato sequente; quod scilicet redditur voluntarium ex voluntate præcedentis actus, in quantum scilicet aliquis dans operam rei illicitæ incidit in sequens peccatum.

*D*iminuitur tamen peccatum sequens, sicut & dimini-

bu-

nuitur ratio voluntarii. Unde Aug. dicit contra Faustum, (*loc. sup. cit.*) quod *Lot culpandus est, non quantum ille incestus, sed quantum ebrietas meruit.*

Ad primum ergo dicendum, quod Philos. non dicit, quod mereatur graviorem mulctationem ebrius, sed quod mereatur *duplicem* mulctationem propter *duplex peccatum*.

Vel potest dici, quod loquitur secundum legem cunctam Pittaci, qui, ut dicitur in 2. Polyticor. (*in fin. tom. 5.*) statuit, quod ebrii, si percuterent, plus punirentur, quam sobrii; quia plures injuriantur: in quo, ut Aristot. ibidem dicit, videtur magis respexisse ad utilitatem, scilicet ut cohiberentur injuriæ, quam ad veniam, quam oportet habere de ebriis, propter hoc quod non sunt sui compotes.

Ad secundum dicendum, quod ebrietas habet excusare peccatum, non ex parte qua est peccatum, sed ex parte defectus consequentis, ut dictum est. (*in cor. a.*)

Ad tertium dicendum, quod concupiscentia non totaliter ligat rationem, sicut ebrietas, nisi forte sit tanta, quod faciat hominem insanire.

Et tamen passio concupiscentiæ diminuit peccatum; quia levius est ex infirmitate, quam ex malitia peccare.

QUÆSTIO CLI.

De Castitate, in quatuor articulos divisa.

Deinde considerandum est de Castitate.

Et primo. De ipsa virtute castitatis.

Secundo. De virginitate, quæ est pars castitatis.

Tertio. De luxuria, quæ est vitium oppositum.

Et circa primum queruntur quatuor.

Primo. Utrum castitas sit virtus.

Secundo. Utrum sit virtus generalis.

Tertio. Utrum sit virtus distincta ab abstinentia.

Quarto. Quomodo se habeat ad pudicitiam.

ARTICULUS I.

728

Utrum Castitas sit virtus.

3. Eth. lect. 22.

Ad Primum sic proceditur. Videtur, quod castitas non sit virtus. Loquimur enim nunc de virtute animæ: sed castitas videtur ad corpus pertinere: dicitur enim aliquis castus ex eo, quod aliqualiter se habet ad usum quarundam corporis partium: ergo castitas non est virtus.

2. Præterea. Virtus est habitus voluntarius, ut dicitur in 2. Ethicor. (cap. 4. & 6. tom. 5.) Sed castitas non videtur esse aliquod voluntarium, cum per violentiam auferri videatur mulieribus violenter oppressis: ergo videtur, quod castitas non sit virtus.

3. Præterea. Nulla virtus est in infidelibus: sed aliqui infideles sunt casti: non ergo castitas est virtus.

4. Præterea. Fructus à virtutibus distinguuntur: sed castitas inter fructus ponitur, ut patet ad Gal. 5. ergo castitas non est virtus.

Sed Contra est, quod August. dicit in lib. de decem chordis: (cap. 3. à med. tom. 9.) cum debeas in virtute præcedere uxorem, quondam castitas est virtus, tu sub uno impetu libidinis cadis, & vis uxorem tuam esse victricem.

Respondeo dicendum, quod nomen castitatis sumitur ex hoc, quod per rationem concupiscentia castigatur, quæ ad modum pueri est refrænanda, ut patet per Philos. in 3. Ethic. (cap. ult. tom. 5.) in hoc autem ratio virtutis humanæ consistit, quod sit aliquid secundum rationem modificatum, ut ex supra dictis patet. (1. 2. q. 64. a. 1.) Unde manifestum est, castitatem esse virtutem.

Ad primum ergo dicendum, quod castitas consistit quidem in anima, sicut in subjecto, sed materiam habet in corpore. Pertinet enim ad castitatem, ut secundum iudicium rationis, & electionem voluntatis aliquis moderate utatur corporalibus membris.

Ad

Ad secundum dicendum, quod, sicut August. dicit in 1. de Civ. Dei, (cap. 18. post med. tom. 5.) proposito animi permanente, per quod etiam corpus sanctificari meruit, nec ipsi corpori auferat sanctitatem violencia libidinis alienæ, quam servat perseverantia continenter suæ. Et ibidem dicit, quod est virtus animi, quæ comitem habet fortitudinem, qua potius quælibet mala tolerare, quam malo consentire decernit.

Ad tertium dicendum, quod, sicut August. dicit in 4. contra Julian. (cap. 3. inter princ. & med. tom. 7.) Absit, ut sit in aliquo vera virtus, nisi fuerit justus: absit autem, ut sit justus vere, nisi vivat ex fide. Et ideo concludit, quod in infidelibus neque est vere castitas, neque aliqua alia virtus; quia scilicet non referuntur ad debitum finem: et, sicut ibidem subdit, (parum ante med.) non officiis, id est, actibus, sed finibus à utili discernuntur virtutes.

Ad quartum dicendum, quod castitas, in quantum est quidem secundum rationem operans, habet rationem virtutis; in quantum autem habet delectationem in suo actu, connumeratur inter fructus.

ARTICULUS II.

725

Utrum castitas sit virtus generalis.

Ad Secundum sic proceditur. Videtur, quod castitas sit virtus generalis. Dicit enim August. in lib. de mendacio, (cap. 26. à med. tom. 4.) quod castitas animi est ordinatus animi motus, non subdens majora minoribus: sed hoc pertinet ad quamlibet virtutem: ergo castitas est generalis virtus.

2. Præterea. Nomen castitatis à castigatione sumitur: sed quilibet motus appetitivæ partis debet castigari à ratione: cum ergo per quamlibet virtutem moralem refranatur aliquis appetitivus motus, videtur quod quilibet virtus moralis sit castitas.

3. Præterea. Castitati fornicatio opponitur: sed fornicatio videtur ad omne genus peccati pertinere, dicitur enim in Psal. 72. Perdes omnes, qui fornicantur abs te: ergo castitas est generalis virtus.

Sed

Sed Contra est , quod Macrobius (lib. I. In somno. Seip. cap. 8.) ponit eam partem temperantiae.

Respondeo dicendum , quod nomen castitatis duplum accipitur : uno modo proprius : et sic est quædam specialis virtus habens specialem materiam , scilicet concupiscentias delectabilium , quæ sunt in venereis.

Alio modo nomen castitatis accipitur metaphorice . Sicut enim in corporis commixtione consistit delectatio venereorum , circa quam proprie est castitas , & oppositum vitium , scilicet luxuria : ita etiam in quadam spirituali conjunctione mentis ad res aliquas consistit quædam delectatio , circa quam est quædam spiritualis castitas metaphorice dicta , vel etiam spiritualis fornicatio similiter metaphorice dicta . Si enim mens hominis delectetur in spirituali conjunctione ad id , cui debet conjungi , scilicet ad Deum , & abstineat se , ne delectabiliter aliis conjungatur contra debitum divini ordinis , dicetur castitas spiritualis , secundum illud secundæ ad Corinthios 11. Despondi vos mihi viro virginem castam exhibere Christo . Si autem delectabiliter contra debitum divini ordinis conjungatur mens quibuscumque aliis rebus , dicetur fornicatio spiritualis , secundum illud Hierem. 3. Tu autem fornicata es cum amatoribus multis . Et hoc modo accipiendo castitatem , castitas est generalis virtus : quia per quamlibet virtutem retrahitur mens humana , ne rebus illicitis delectabiliter conjungatur.

Principaliter tamen ratio hujus castitatis consistit in charitate , & in aliis virtutibus theologicis , quibus mens hominis conjungitur Deo.

Ad primum ergo dicendum , quod ratio illa procedit de castitate metaphorice dicta . (in corp. a.)

Ad secundum dicendum , quod sicut supra dictum est , (a. præc. V q. 142. a. 2.) concupiscentia delectabilis maxime assimilatur pueri ; eo quod appetitus delectabilis est nobis connaturalis ; & præcipue delectabilium secundum tactum , quæ ordinantur ad conservationem naturæ . Et inde est , quod si nutriatur horum delectabilium concupiscentia , per hoc quod ei consentiatur , maxime augebitur ; sicut puer , qui suæ voluntati relinquitur : Et sic concupiscentia horum de-

lec-

lectabilium maxime indiget castigari. Et ideo circa hujusmodi concupiscentias autonomastice dicitur castitas sicut & fortitudo est circa ea, in quibus maxime indigemus animi firmitate.

Ad tertium dicendum, quod objectio illa procedit de fornicatione spirituali metaphorice dicta, quæ opponitur castitati spirituali, ut dictum est. (*In corp. a.*)

ARTICULUS III.

730

Utrum castitas sit virtus distincta ab abstinentia.

2. dist. 24. q. 2. a. 1. ad 1. *¶ vlr. q. 1. a. 4.*
cor. fin.

A

Ad Tertium sic proceditur. Videtur, quod castitas non sit virtus distincta ab abstinentia. Quia circa materiam unius generis sufficit una virtus: sed unius generis videntur esse, quæ pertinent ad unum sensum: cum ergo delectatio ciborum, circa quam est abstinentia, & delectatio venereorum, circa quam est castitas, pertineant ad tactum, videtur, quod castitas non sit alia virtus ab abstinentia.

2. Præterea. Philos. in 3. Ethic. (cap. ult. tom. 5.) omnia vitia temperantiae assimilat puerilibus peccatis, quæ castigatione indigent: sed castitas nominatur à castigatione vitiorum oppositorum: ergo cum per abstinentiam cohibeantur quadam vitia intemperantiae, videtur, quod abstinentia sit castitas.

3. Præterea. Delectationes aliorum sensuum pertinent ad temperantiam, in quantum ordinantur ad delectationes tactus; circa quas est temperantia: sed delectationes ciborum, circa quas est abstinentia ordinantur ad delectationes venereorum, circa quas est castitas, unde dicit Hieron. (epist. ad Amand. aliqu. à princ. ¶ super illud ac Tit. 1. Non vinolentum, non perversum, &c.) Venter, ¶ genitalia sibi met ipsi vicina sunt, ut ex vicinitate membrorum confederatio intelligatur vitiorum: ergo abstinentia, & castitas non sunt virtutes ab invicem distinctæ.

Sed Contra est, quod Apost. 2. ad Corinth. 6. con-

¶ II =

numerat castitatem jejuniis, quæ ad abstinentiam pertinent.

Respondeo dicendum, quod, sicut dictum est, (q. 141. a. 4.) temperantia est proprie circa concupiscentias delectationum tactus. Et ideo oportet, ut ubi sunt diversæ rationes delectationis, ibi sint diversæ virtutes sub temperantia comprehensæ.

Delectationes autem proportionantur operationibus, quarum sunt perfectiones, ut dicitur in nono Ethicor. (ex. cap. 7. tom. 5.) Manifestum est autem, quod alterius generis sunt operationes pertinentes ad usum ciborum, quibus natura individui conservatur, & operationes pertinentes ad usum venereorum, quibus conservatur natura speciei. Et ideo *castitas*, quæ est circa delectationes venereorum est virtus distincta ab abstinentia, quæ est circa delectationes ciborum.

Ad primum ergo dicendum, quod temperantia non consistit principaliter circa delectationes tactus quantum ad judicium sensus de tangilibus, quod est ejusdem rationis in omnibus, sed quantum ad ipsum usum tangibilem, ut dicitur in 3. Ethic. (cap. 10. tom. 5.) Est autem alia ratio utendi cibis, & potibus, & venereis. Et ideo oportet esse diversas virtutes, licet sint unius sensus.

Ad secundum dicendum, quod delectationes venere sunt vehementiores, & magis opprimentes rationem, quam delectationes ciborum, & propter hoc magis indigent castigatione, & refrænatione; quia si eis consentiantur, magis ex hoc increscit vis concupiscentiarum, & dejicitur virtus mentis. Unde August. dicit in Soliloq. (cap. 10. circ. med. tom. 1.) *Nihil esse sentio, quod magis ex arce dejiciat animum virilem, quam blandimenta feminæ, corporumque ille contactus, sine quo uxor huius non potest.*

Ad tertium dicendum, quod delectationes aliorum sensuum non pertinent ad naturam hominis conservandam, nisi prout ordinantur ad delectabilia tactus. Et ideo circa hujusmodi delectationes non est aliqua alia virtus sub temperantia comprehensa. Sed delectationes ciborum, quamvis aliqualiter ordinentur ad delectationes venereorum, tamen etiam per se ordinantur ad vitam

tam hominis conservandam, & ideo etiam per se habent specialem virtutem: quamvis illa virtus, quæ abstinentia dicitur, ordinet actum suum ad finem castitatis.

ARTICULUS IV.

731

Utrum pudicitia pertineat specialiter ad castitatem.

Sup. q. 143.

Ad Quartum sic proceditur. Videtur, quod pudicitia non pertineat specialiter ad castitatem. Dicit enim August. in 1. de civ. Dei, (cap. 8. à princ. tom. 5.) quod *pudicitia est quedam virtus animæ*: non ergo est aliquid ad castitatem pertinens, sed est per seipsum virtus à castitate distincta.

2. Præterea. Pudicitia à pudore dicitur, qui videatur idem esse verecundia: sed verecundia secundum Damasc. (lib. 2. orth. fin. cap. 15.) est de turpi actu: quod convenit omni actui vitiioso: ergo pudicitia non magis pertinet ad castitatem, quam ad alias virtutes.

3. Præterea. Philos. dicit in 3. Ethic. (cap. 11. à princ. tom. 5.) quod *omnis intemperantia generaliter est maxime exprobabilis*: sed ad pudicitiam pertinere videtur fugere ea, quæ exprobabilia sunt: ergo pudicitia pertinet ad omnes partes temperantie, non autem specialiter ad castitatem.

Sed Contra est, quod August. dicit in lib. de Perseverant. (cap. 20. paulo à princ. tom. 7.) *Prædicanda est pudicitia, ut ab eo, qui habet aures audiendi, nihil genitalibus membris illicitum perpetretur: sed usus genitalium membrorum proprie pertinet ad castitatem:* ergo pudicitia proprie ad castitatem pertinet.

Respondeo dicendum, quod, sicut supra dictum est, (in arg. 2.) nomen pudicitie à pudore sumitur, in quo verecundia significatur. Et ideo oportet, quod pudicitia proprie sit circa illa, de quibus homines magis verecundantur. Maxime autem verecundantur homines de actibus venereis, ut August. dicit in 14. de civ. Dei. (cap. 18. tom. 5.) in tantum quod etiam concubitus conjugalis, qui honestate nuptiarum deco-

ra.

ratur, verecundia non caret, & hoc ideo quia motus genitalium membrorum non subjicitur imperio rationis, sicut motus aliorum exteriorum membrorum. Verecundatur autem homo non solum de illa commixtione venerea, sed etiam de quibuscumque signis ejus, ut Philos. dicit in 2. lib. Ret. (cap. 6. post. med. tom. 6.) Et ideo pudicitia attenditur proprie circa venerea, & præcipue circa signa venereorum; sicut sunt aspectus impudicii, oscula, & tactus. Et quia hæc magis solent deprehendi, ideo pudicitia magis respicit hujusmodi exteriora signa; castitas autem magis ipsam venereum commixtionem. Et ideo pudicitia ad castitatem ordinatur, non quasi virtus ab ipsa distincta, sed sicut exprimens castitatis circumstantiam quamdam. Interdum tamen unum pro alio ponitur.

Ad primum ergo dicendum, quod August. ibi accipit pudicitiam pro castitate.

Ad secundum dicendum, quod quamvis omnia vitia habeant turpitudinem quamdam, specialiter tamen vitia intemperantiae, ut ex supra dictis patet. (q. 142. a. 4.)

Ad tertium dicendum, quod inter vitia intemperantiae præcipue sunt exprobribilia peccata venerea, tum propter inobedientiam genitalium membrorum, tum etiam propter hoc, quod ratio ab hujusmodi maxime absorvetur,

Q U Ä E S T I O C L I I .

De Virginitate, in quinque articulos divisa.

Beinde considerandum est de Virginitate.

Et circa hoc queruntur quinque.

Primo. In quo consistat virginitas.

Secundo. Utrum sit licita.

Tertio. Utrum sit virtus.

Quarto. De excellentia ejus respectu matrimonii.

Quinto. De excellentia ejus respectu aliarum virtutum.

ARTICULUS I.

732

Utrum Virginitas consistat in Integritate carnis.

4. dist. 33. q. 3. a. 1. *¶ d.* 34. q. 1. a. 5. ad 4.
¶ d. 49. q. 5. a. 3. q. 1. c. *¶ ad* 4. *¶ quol.* 5. a. 24.
ad 2. *¶ quol.* 6. a. 18. c.

Ad Primum sic proceditur. Videtur quod Virginitas non consistat in integritate carnis. Dicit enim August. in lib. de nupt. & concupiscent. (hab. in lib. de S. Virg. c. 13. in princ. tom. 6.) quod virginitas est in carne corruptibili incorruptionis perpetuo meditatio: sed meditatio non pertinet ad carnem: ergo virginitas non consistit in carne.

2. Præterea. Virginitas pudicitiam quamdam importat: sed Augnst. dicit in primo de civ. Dei, (c. 18. à princ. tom. 5.) quod pudicitia consistit in anima: ergo virginitas non consistit in carnis incorruptione.

3. Præterea. Carnis integritas videtur consistere in signaculo virginalis pudoris: sed quandoque absque virginitatis præjudicio frangitur illud signaculum, dicit enim August. in 1. de civ. Dei, (loc. cit.) quod illæ membra possunt diversis casibus vulnerata vim perpeti: et medici quandoque saluti opitulantes hæc ibi faciunt, quæ horret aspectus: obstetrix etiam virginis cuiusdam integritatem manu velut explorans, dum inspicit, perdidit. Et subdit: non opinor, quemquam tam stulte sapere, ut huic periisse, aliquid existimet etiam de ipsius corporis sanctitate, quamvis membris illius integritate jam perdita: ergo virginitas non consistit in carnis incorruptione.

4. Præterea. Corruptio carnis maxime in seminis resolutione consistit, quæ potest fieri sine concubitu, vel in dormiendo, vel etiam vigilando: sed sine concubitu non videtur perdi virginitas, dicit enim August. in lib. de virgin. (cap. 13. in princ. tom. 6.) quod virginis Integritas, et per plam continentiam ab omni concubitu immunitas, Angelica portio est: ergo virginitas non consistit in carnis incorruptione.

Sed

Sed Contra est, quod August. in eodem lib. (c. 18. in fin.) dicit, quod *virginitas est continentia, qua integritas carnis ipsi creatori animæ, & carnis novetur, consecratur, servatur.*

Respondeo dicendum, quod nomen *virginitatis* à virore sumptum videtur; et sicut illud dicitur *virens* & in suo virore persistere, quod non est ex superabundantia caloris adustionem expertum: ita etiam *virginitas* hoc importat, quod persona, cui inest, immunita sit à concupiscentiæ adustione, quæ esse videtur in consummatione maxime delectationis corporalis quamvis est venereorum delectatio. Unde Ambros. dicit in lib. 1. de Virgin. (inter priuc. & med.) quod *castitas virginalis est expers contagiosa integritas.*

In delectatione autem venereorum *tria* est considerare: *unum* quidem, quod est ex parte corporis, scilicet violatio signaculi *virginalis*: *aliud* autem est, in quo conjungitur id, quod est *animæ*, cum eo quod est corporis, scil. ipsa resolutio seminis delectationem sensibilem causans: *tertium* autem est *solum* ex parte *animæ*: scilicet propositum pervenienti ad *talem delectationem*: in quibus tribus id, quod *primo* positum est, per accidens se habet ad *moralē actum*, qui non consideratur per se, nisi secundum ea, quæ sunt *animæ*: *secundum* vero materialiter se habet ad *actum moralē*: nam sensibiles passiones sunt materia moralium actuum: *tertium* vero se habet formaliter, & complective quia ratio moralium in eo, quod est rationis, completur.

Quia ergo *virginitas* dicitur per remotionem praedictæ corruptionis, consequens est, quod *integritas membra corporalis per accidens se habeat ad virginitatem ipsa autem immunita à delectatione, quæ consistit in seminis resolutione, se habet materialiter: ipsum autem propositum perpetuo abstinenti à tali delectatione se habet formaliter, & complective in virginitate.*

Ad primum ergo dicendum, quod illa definitio Augustini tangit quidem in recto id, quod est *formale* in *virginitate*: nam per meditationem intelligitur propositum rationis: quod autem additur, *perpetua*, non sic intelligitur, quod oporteat *virginem semper actu* *talem*

meditationem habere , sed quia hoc debet in proposito gerere , ut perpetuo in hoc perseveret. Id vero quod est materiale , tangitur in obliquo , cum dicitur , *incorruptionis in carne corruptibili* ; quod additur ad ostendendam virginitatis difficultatem : nam si caro corrumphi non posset , non esset difficile perpetuam incorruptionis meditationem habere.

Ad secundum dicendum , quod pudicitia est quidem essentialiter in anima , materialiter autem in carne : et similiter virginitas. Unde August. dicit in lib. de virg. (cap. 8. tom. 6.) quod licet virginitas in carne servetur , ac per hoc corporalis sit , tamen spiritualis est , quam sovet , & servat continentia pletatis.

Ad tertium dicendum , quod sicut dictum est , (in cor. art.) integritas corporalis membra per accidens se habet ad virginitatem ; in quantum scilicet per hoc quod ex proposito voluntatis abstinet quis à delectatione venerea ; remanet integritas in membro corporeo. Unde si contingat , quod per alium modum aliquo casu membra integritas corrumpatur , non magis præjudicat virginitati , quam si corrumpatur manus , aut pes.

Ad quartum dicendum , quod delectatio , quæ est ex seminis resolutione , dupliciter potest contingere. Un modo ut procedat ex mentis proposito : et sic tollit virginitatem , sive fiat per concubitum , sive absque concubitu. Facit autem mentionem August. de concubitu quia hujusmodi resolutio communiter , & naturaliter ex concubitu causatur. Alio modo potest provenire præpositum mentis , vel in dormiendo , vel per vole-
tiam illatam , cui mens non consentit , quamvis delectationem experiatur , vel etiam ex infirmitate naturæ , ut patet in his , qui fluxum seminis patiuntur : sic non perditur virginitas ; quia talis pollutio non accedit per impudicitiam , quam virginitas excludit.

ARTICULUS II.

733

Utrum virginitas sit illicita.

*Inf. a. 3. & 4. & 4. d. 32. q. 3. a. 2. & 3. & Mal.
q. 15. a. 2. ad 13. & vir. q. 1. a. 13. ad 6.
& 2. Ethic. lect. 2. fin.*

Ad Secundum sic proceditur. Videtur, quod virginitas sit illicita. Omne enim, quod contrariatur præcepto legis naturæ, est illicitum: sed sicut præceptum legis naturæ ad conservationem iividui est, quod tangitur Genes. 1. *De omni ligno, quod est in paradiſo, comedet;* ita etiam præceptum legis naturæ est ad conservationem speciei, quod ponitur Genes. 1. *Crescite, & multiplicamini, & replete terram:* ergo sicut peccaret, qui abstineret ab omni cibo, utpote faciens contra bonum iividui; ita etiam peccat, qui omnino abstinet ab actu generationis, utpote faciens contra bonum speciei.

2. Præterea. Omne illud, quod recedit à medio virtutis, videtur esse vitiosum: sed virginitas recedit à medio virtutis, ab omnibus delectationibus venereis abstinenſ, dicit enim Philos. in 2. Ethic. (cap. 2. à med. & lib. 3. cap. 11. tom. 5.) quod qui omni voluptate potitur, neque ab una recedit, intemperatus est; qui autem omnes fugit, sicut agrestis, lususibilis est: ergo virginitas est aliquid vitiosum.

3. Præterea. Poena non debetur nisi vitio: sed apud antiquos puniebantur secundum leges illi, qui semper cœlibem vitam ducebant, ut Valerius Maximus dicit, (lib. 2. cap. 4. num. 2.) unde & Plato secundum Aug. in lib. de vera religione, (cap. 3. ad fin. tom. 2.) sacrificasse naturæ dicitur, ut perpetua ejus continencia tamquam peccatum aboleretur: ergo virginitas est peccatum.

Sed Contra est, quod nullum peccatum recte cadit sub consilio: sed virginitas recte cadit sub consilio, dicitur enim 1. ad Cor. 7. *De virginitate autem præceptum Domini non habeo, consilium autem do:* ergo virginitas non est aliquid illicitum.

Respondeo dicendum, quod in humanis actibus illud est vitiosum, quod est præter rectam rationem. Habet autem hoc recta ratio, ut his, quæ sunt ad finem, utatur aliquis secundum eam mensuram, quæ congruit fini. Est autem triplex hominis bonum, ut dicitur in 1. Eth. (cap. 8. à princ. tom. 6.) *Unum* quidem, quod consistit in exterioribus rebus, puta divitiis: *aliud* autem, quod consistit in bonis corporis: *tertium* autem, quod consistit in bonis animæ: inter quæ etiam bona contemplativæ vitae sunt potiora bonis vitae activæ, ut Philos. probat in 10. Ethie. (cap. 7. tom. 5.) & Dominus dicit Lucæ 10. *Maria* optimam partem elegit. Quorum bonorum exteriora quidem ordinantur ad ea, quæ sunt corporis: ea vero, quæ sunt corporis, ad ea, quæ sunt animæ: & ulterius ea, quæ sunt vitae activæ, ad ea, quæ sunt vitae contemplativæ.

Pertinet igitur ad rectitudinem rationis, ut aliquis utatur exterioribus bonis secundum eam mensuram, quæ competit corpori: et similiter de aliis. Unde si quis abstineat ab aliquibus possidendis, quæ alias esset bonum possidere, ut consultat saluti corporali, vel etiam contemplationi veritatis, non esset hoc vitiosum, sed secundum rationem rectam.

Et similiter si quis abstinet à delectationibus corporalibus, ut liberius vacet contemplationi veritatis, pertinet hoc ad rectitudinem rationis. Ad hoc autem pia virginitas ab omni delectatione venerea abstinet, ut liberius divinæ contemplationi vacet. Dicit enim Apost. 1. ad Cor. 7. *Mulier innupta, & virgo cogitat, quæ Domini sunt, ut sit sancta & corpore, & spiritu: quæ autem nupta est, cogitat, quæ mundi sunt, & quomodo placeat viro.* Unde relinquitur, quod *virginitas non est aliud vitiosum, sed potius laudabile.*

Ad primum ergo dicendum, quod præceptum habet rationem debiti, ut supra dictum est. (q. 122. a. 1.) *Dupliciter* autem aliquid est debitum. *Uno modo*, ut implatur ab uno: et hoc debitum sine peccato præteriri non potest. *Aliud* autem est debitum implendum à multitudine: et ad tale debitum implendum non tenetur quilibet de multitudine. *Multa enim sunt multitudini necessaria, ad quæ implenda unus non sufficit: sed im-*

plen-

plerum à multitudine, dum unus hoc, alius illud facit. Præceptum igitur legis naturæ homini datum de comestione, necesse est quod ab unoquoque impleatur: aliter enim individuum conservari non posset. Sed præceptum datum de generatione respicit totam multitudinem hominum, cui necessarium est, non solum quod multiplicetur corporaliter, sed etiam quod spiritualiter proficiat. Et ideo sufficienter providetur humanæ multitudini, si quidam carnali generationi operam dent; quidam vero ab hac abstinentes, contemplationi divinorum vacent ad totius humani generis pulchritudinem, & salutem: sicut etiam in exercitu quidam castra custodiunt, quidam signa deferunt, quidam gladiis decertant: quæ tamen omnia debita sunt multitudini, sed per unum impleri non possunt.

Ad secundum dicendum, quod ille qui abstinet ab omnibus delectationibus præter rationem rectam, quasi delectationes secundum se abhorrens, est insensibilis, sicut agrestis. Virgo autem non abstinet ab omni delectatione, sed solum à delectatione venerea: & ab hac abstinet secundum rationem rectam, ut dictum est. (*in corpore articuli*) Medium autem virtutis non secundum quantitatem, sed secundum rationem rectam determinatur, ut dicitur in 2. Ethicor. (cap. 6. tom. 5.) Unde de magnanimo dicitur in 4. Ethicor. (cap. 3. parvum à princ. tom. 5.) quod est magnitudine extremus, eo autem quod ut oportet, medius.

Ad tertium dicendum, quod leges feruntur secundum ea, quæ ut in pluribus accidunt. Hoc autem ratum erat apud antiquos, ut aliquis amore veritatis contemplandæ ab omni delectatione venerea abstineret: quod solus Plato legitur fecisse. Unde non sacrificavit, quasi hoc peccatum reputaret, sed perverse opinioni civium cedens, ut ibidem Augustinus dicit.

ARTICULUS III.

734

Utrum virginitas sit virtus.

*Inf. q. 155. a. 1. cor. 2^o ad 5. 2^o 4. d. 33. q. 3. a. 2.
2^o d. 49. q. 5. a. 3. q. 1. cor. 2^o 2.
Ethic. lect. 2. fin.*

A

*L*et Tertium sic proceditur. Videtur, quod virginitas non sit virtus. Nulla enim virtus inest nobis à natura, ut Philos. dicit in 2. Ethic. (cap. 1. tom. 5.) Sed virginitas inest nobis à natura: quilibet enim mox natus virgo est: ergo virginitas non est virtus.

2. Præterea. Quicumque habet unam virtutem, habet omnes, ut supra habitum est: (1. 2. q. 61. a. 1.) sed aliqui habent alias virtutes, qui non habent virginitatem; alioquin cum sine virtute nullus ad regnum cœlorum perveniat, nullus sine virginitate ad ipsum posset pervenire; quod esset matrimonium damnare: ergo virginitas non est virtus.

3. Præterea. Omnis virtus restituuntur per pœnitentiam: sed virginitas non reparatur per pœnitentiam: unde Hieronymus dicit, (epist. 22. ad Eustoch. de cust. virginit. cap. 2. cir. medium) *Cum cætera Deus possit, non potest virginem post ruinam reparare: ergo videtur, quod virginitas non sit virtus.*

4. Præterea. Nulla virtus perditur sine peccato: sed virginitas perditur sine peccato, scil. per matrimonium: ergo virginitas non est virtus.

5. Præterea. Virginitas condividitur viduitati, & pudicitiae conjugali: sed neutrum illorum ponitur virtus: ergo virginitas non est virtus.

Sed Contra est, quod Ambrosius dicit in lib. 1. de virginib. (aliquant. à princ.) *Invitat virginitatis amor, ut aliquid de virginitate dicamus, ne veluti transitu quodam perstricta videatur, quæ principalis est virtus.*

Respondeo dicendum, quod, sicut supra dictum est, (a. 1. huj. q.) in virginitate est sicut formale, & completivum, propositum perpetuo abstinendi à delectatione venerea. Quod quidem propositum laudabile redditur ex

fine, in quantum scilicet hoc sit ad vacandum rebus divinis. Materiale autem in virginitate est integritas carnis absque omni experimento venereæ delectationis.

Manifestum est autem, quod ubi est specialis materia boni habens specialem excellentiam, ibi invenitur specialis ratio virtutis; sicut patet in magnificentia, quæ est circa magnos sumptus, & ex hoc est specialis virtus à liberalitate distincta, quæ communiter se habet circa omnem pecuniarum usum.

Hoc autem quod est conservare se immunem ab experimento venereæ voluptatis, habet quandam excellentiam laudis supra hoc, quod est conservare se immunem ab inordinatione venereæ voluptatis. Et ideo virginitas est quædam specialis virtus habens se ad castitatem, sicut magnificentia ad liberalitatem.

Ad primum ergo dicendum, quod homines ex sua nativitate habent id quod est materiale in virginitate, scilicet integratatem carnis immunem ab experimento venereorum. Non tamen habent id quod est formale in virginitate, ut scilicet habeant propositum servandi iusmodi integratatem propter Deum: et ex hoc habet rationem virtutis. Unde Augustinus dicit in lib. de virginit. (cap. 11. in princ. tom. 6.) Nec nos hoc in virginibus prædicamus, quod virgines sunt, sed quod Deo dicatae pia continentia virgines sunt.

Ad secundum dicendum, quod connexio virtutum accipitur secundum illud, quod est formale in virtutibus, id est, secundum charitatem, vel secundum prudentiam, ut supra habitum est, (q. 129. a. 3. ad 2.) non autem secundum id quod est materiale in virtutibus. Nihil enim prohibet alicui virtuoso suppeteret materiam unius virtutis, non autem materiam alterius: sicut pauper habet materiam temperantiae, non autem materiam magnificentiae. Et hoc modo alicui habenti alias virtutes deest materia virginitatis, id est prædicta integritas carnis: tamen potest id, quod est formale in virginitate, habere, ut scilicet habeat in præparatione mentis prædictæ integratatis conservandæ propositum, si hoc sibi competeteret: sicut pauper potest in præparatione animi habere propositum magnificos sumptus faciendi, si sibi competeteret. Et similiter ille qui est in

prosperitate, habet in præparatione animi propositum adversa æquanimiter tolerandi; & sine hac præparatio-ne animi non potest esse aliquis virtuosus.

Ad tertium dicendum, quod virtus per pœnitentiam reparari potest, quantum ad id quod est formale in virtute; non autem quantum ad id quod est materiale in ipsa. Non enim si quis magnificus consumperit di-vitias suas, per pœnitentiam peccati restituuntur ei di-vitiæ. Et similiter ille qui virginitatem peccando amisit, per pœnitentiam non recuperat virginitatis mate-riam, sed recuperat virginitatis propositum. Circa ma-teriam autem virginitatis est aliquid, quod miraculose reparari poterit divinitus, scilicet integritas membra, quam dicimus accidentaliter se ad virginitatem habere. Aliud autem est, quod nec miraculose reparari potest, nt scilicet qui expertus est voluptatem venereum, fiat non expertus. Non enim Deus potest facere, ut ea que facta sunt, non sint facta, ut in primo habitum est. (q. 35. a. 4.)

Ad quartum dicendum, quod virginitas, secun-dum quod est virtus, importat propositum voto firma-tum integratatis perpetuo servandæ. Dicit enim August. in lib. de virgin. (cap. 8. in fin. tom. 6.) quod per vir-ginitatem *integritas carnis ipsi creatori animæ, & carnis* *voletur, consecratur, servatur.* Unde virginitas, secun-dum quod est virtus, nunquam amittitur, nisi per pec-catum.

Ad quintum dicendum, quod castitas conjugalis ex hoc solo habet laudem, quod abstinet ab illicitis voluptatibus: unde non habet aliquam excellentiam su-pra communem castitatem. Viduitas autem addit qui-dem aliquid supra castitatem communem: non tamen pervenit ad id quod est perfectum in materia ista, sci-liset ad omnimodam immunitatem venereæ voluptatis, sed sola virginitas. Et ideo sola virginitas ponitur vir-tus specialis supra castitatem, sicut magnificatia supra liberalitatem.

ARTICULUS IV.

735

Utrum virginitas sit excellentior matrimonio.

4. d. 30. q. 2. a. 3. ad 6. & d. 33. q. 3. a. 2. ad 5.
 & a. 3. ad 1. & 3.



*A*d Quartum sic proceditur. Videtur, quod virginitas non sit excellentior matrimonio. Dicit enim Aug. in lib. de bono conjugali, (cap. 21. in fin. tom. 6.) *Non impar meritum est continentiae in Joanne, qui nullas expertus est nuptias, & in Abraham, qui filios generavit: sed majoris virtutis majus est meritum: ergo virginitas non est potior virtus, quam castitas conjugalis.*

2. Præterea. Ex virtute dependet laus virtuosi: si ergo virginitas præferretur continentiae conjugali, vindetur esse consequens, quod quælibet virgo esset laudabilior quilibet conjugata: hoc autem est falsum: ergo virginitas non præfertur conjugio.

3. Præterea. Bonum commune potius est bono privato, ut patet per Philosophum in 1. Ethic. (cap. 2. ad fin. tom. 5.) Sed conjugium ordinatur ad bonum commune: dicit enim August. in lib. de bono conjugali. (cap. 16. in princ. tom. 6.) *Quod est cibus ad salutem hominis, hoc est concubitus ad salutem humanæ generis: virginitas autem ordinatur ad bonum speciale, ut scil. vitent tribulationem carnis, quam sustinent conjugati, sicut patet per Apostol. 1. ad Cor. 7. ergo virginitas non est potior continentia conjugali.*

Sed Contra est, quod dicit August. in lib. de virginit. (cap. 19. in fin. tom. 6.) *Et certa ratione, & sanctarum Scripturarum auctoritate nec peccatum esse nuptias inventimus, nec eas bono aut virginalis continentiae, vel etiam viduallis æquamus.*

Respondeo dicendum, quod, sicut patet in lib. 1. Hieron. contra Jovinianum, (non remote à princ.) hic error fuit Joviniani, qui posuit, virginitatem non esse matrimonio præferendam.

Qui quidem error præcipue destruitur & exemplo Christi, qui & matrem virginem elegit, & ipse virginitatem servavit, & ex doctrina Apostol. qui 1. ad

Corinth. 7. virginitatem consuluit, tamquam melius bonam: & etiam ratione: tum quia bonum divisum est potius humano bono: tum quia bonum animæ præseratur bono corporis: tum etiam quia bonum contemplativæ vitæ præfertur bono activæ: virginitas autem ordinatur ad bonum animæ secundum vitam contemplativam, quod est cogitare ea quæ sunt Dei: conjungium autem ordinatur ad bonum corporis, quod est corporalis multiplicatio generis humani; & pertinet ad vitam activam; quia vir, & mulier in matrimonio viventes necesse habent cogitare quæ sunt mundi, ut patet per Apost. 1. ad Corinth. 7.

Unde indubitanter virginitas præferenda est continentiæ conjugali.

Ad primum ergo dicendum, quod meritum non solum pensatur ex genere actus, sed magis ex animo operantis. Habuit autem avimum Abraham sic dispositum, ut paratus esset virginitatem servare, si esset temporis congruum: ex quo meritum continentiae conjugalis in ipso æquatur merito continentiae virginalis in Ioanne, respectu præmii substantialis, non autem respectu præmii accidentalis. Unde August. dicit in lib. de bono conjugali, (*cap. 21. in fin. tom. 6.*) quod „Joannes cœlibatus, & Abraham conubium pro temporum distinctione Christo militaverunt; sed continentiam Ioannes in opere, Abraham vero in solo habitu habebat.“

Ad secundum dicendum, quod licet virginitas sit melior, quam continentia conjugalis, potest tamen conjugatus melior esse, quam virgo, dupli ratione. Primo quidem ex parte castitatis, si scilicet ille qui est conjugatus, habeat animum magis paratum ad virginitatem servandam, si oporteret, quam ille qui est actu virgo. Unde Augustinus instruit virginem in lib. de bono conjugali, (*cap. 22. ante med. tom. 6.*) ut dicat: *ego non sum mellor, quam Abraham, sed mellor est castitas cœlibum, quam castitas nuptiarum.* Et rationem postea subdit, dicens: *quod enim nunc ago, minus ille egisset, si tunc agendum esset: quod autem illi agerunt, sic ego non agerem, etiam si nunc agendum esset.* Secundo, quia forte ille, qui non est virgo, habet aliquam excellentiorem virtutem. Unde Augustinus di-

dicit in lib. de virginitate, (cap. 44. in fin. tom. 6.)
 „Unde scit virgo, quamvis sollicita, quæ sunt Dominini, ne forte propter aliquam sibi incognitam mentis infirmitatem nondum sit matura martyrio, illa vero mulier, cui se præferre gestiebat, jam possit bibere calicem Dominicæ passionis?“

Ad tertium dicendum, quod bonum commune potius est bono privato, si sit ejusdem generis: sed potest esse, quod bonum privatum sit melius secundum suum genus. Et hoc modo virginitas Deo dicata præteritur fœcunditatì carnali. Unde Augustinus dicit in lib. de virginit. (cap. 9. in princ. tom. 6.) quod „fœcunditas carnis, etiam illarum quæ in hoc tempore nihil aliud in conjugio, quam prolem requirunt, quam mancipent Christo, pro amissa virginitate compensari non posse credenda est.“

ARTICULUS V.

736

Utrum virginitas sit maxima virtutum.

*Lif. q. 155. a. 1. & q. 185. a. 4. & 4. dist. 53.
 q. 3. a. 3. & 3. cont. cap. 134.*

 Ad Quintum sic proceditur. Videtur, quod virginitas sit maxima virtutum. Dicit enim Cyprianus in libro de virginitate, (seu de habitu Virgin. non remote à princ.) „Nunc nobis ad virgines sermo est, quem quo sublimior est gloria, eo est major cura. Flos est ille Ecclesiastici germinis, decus, atque ornamentum gratiæ spiritualis, illustrior portio gregis Christi.“

2. Præterea. Majus præmium debetur majori virtuti: sed virginitati debetur maximum præmium, scil. fructus centesimus, ut patet Matth. 13. in Glos. (ordin. Hieron. sup. Illud: qui vero in terram bonam) ergo virginitas est maxima virtutum.

3. Præterea. Tanto aliqua virtus est major, quanto per eam aliquis Christo magis conformatur: sed maxime aliquis conformatur Christo per virginitatem: dicitur enim Apocal. 14. de virginibus, quod sequuntur

*tur Agnum, quocunque ierit; & quod cantabant cantil-
cum novum, quod nemo alius poterat dicere: ergo vir-
ginitas est maxima virtutum.*

Sed Contra est, quod August dicit in libro de vir-
ginitate, (cap. 46. in fin. tom. 6.) *Nemo, quantum
puto, ausus fuerit virginitatem præferre martyrio + al-
monasterio. + Et in eodem lib. (cap. 45. in princ.)
dicit: „Præclarissimum testimonium perhibet Ecclesi-
tica auctoritas, in qua fidelibus votum est, quo
„loco Martyres, & quo defunctæ Sanctimoniales ad
„altaris sacramenta recitentur.“ Per quod datur intel-
ligi, quod martyrium virginitati præfertur, & simi-
liter monasterii status.*

Respondeo dicendum, quod aliquid potest dici ex-
cellentissimum dupliciter. Uno modo in aliquo genere:
et sic *virginitas* est excellentissima, scilicet in genere
castitatis. Transcendit enim & castitatem vidualem, &
conjugalem. Et quia castitati antonomastice attribuitur
decor, ideo virginitati per consequens attribuitur ex-
cellentissima pulchritudo. Unde & Ambrosius dicit in li-
bro 1. de virginibus, (parum à med.) „Pulchritudinem
„quis potest majorem aestimare decore virginis, quæ
„amatur à rege, probatur à judice, dedicatur Domi-
„no, consecratur Leo?“

Alio modo potest dici aliquid excellentissimum sim-
pliciter; & sic *virginitas* non est excellentissima virtu-
tum. Semper enim finis excellit id, quod est ad finem;
& quanto aliquid efficacius ordinatur ad finem, tanto
melius est. Finis autem, ex quo virginitas laudabilis
redditur, est vacare rebus divinis, ut dictum est. (ar-
ticulo *præcedenti*) Unde ipsæ virtutes theologicæ, &
etiam virtus religionis, quarum actus est ipsa occupa-
tio circa res divinas, præferuntur virginitati. Simili-
ter etiam vehementius operantur ad hoc quod inhæ-
rent Deo martyres, qui ad hoc postponunt propriam
vitam, & viventes in monasteriis, qui ad hoc postpo-
nunt propriam voluntatem, & omnia quæ possunt ha-
bere, quam virgines, quæ ad hoc postponunt venereum
voluptatem. Et ideo *virginitas* non simpliciter est ma-
xima virtutum.

Ad primum ergo dicendum, quod *virgines* sunt

Illustrior portio gregis Christi; & est earum sublîmior gloria per comparationem ad viduas, & conjugatas.

Ad secundum dicendum, quod centesimus fructus attribuitur virginitati, secundum Hieronymum, propter excellentiam, quam habet ad viduitatem, cui attribuitur sexagesimus, & ad matrimonium, cui attribuitur tricesimus: sed, sicut Augustinus dicit in libro 1. de quæstionibus Evangelii, (cap. 9. in prætom. 4.) centesimus fructus est martyrum, sexagesimus virginum, & tricesimus conjugatorum. Unde ex hoc non sequitur, quod virginitas sit simpliciter maxima virtutum omnium, sed solum in aliis gradibus castitatis.

Ad tertium dicendum, quod virgines sequuntur Agnum, quocunque ierit, quia imitantur Christum, non solum in integritate mentis, sed etiam in integritate carnis, ut Augustinus dicit in lib. de virginit. (cap. 27. à med. tom. 6.) Et ideo in pluribus sequuntur Agnum: non tamen oportet, quod magis de propinquo; quia aliae virtutes faciunt propinquius inhærere Deo per imitationem mentis. Canticum antem novum, quod solæ virgines cantant, est gaudium, quod habent de integritate carnis servata.

QUÆSTIO CLIII.

De vitio luxuriæ, in quinque articulos divisa.

Deinde considerandum est de vitio luxuriæ, quod opponitur castitati. Et primo de ipsa in generali. Secundo de speciebus ejus.

Et circa primum queruntur quinque.

Primo. Quæ sit materia luxuriæ.

Secundo. Utrum oninis concubitus sit illicitus.

Tertio. Utrum luxuria sit peccatum mortale.

Quarto. Utrum luxuria sit vitium capitale.

Quinto. De filiabns ejus.

Utrum materia luxuriæ sint solum concupiscentiæ, & delectationes venereæ.

1. *Ethic. cap. 5. lect. 2. c. 3.*

Ad Primum sic proceditur. Videtur, quod materia luxuriæ non solum sint concupiscentiæ, & delectationes venereæ. Dicit enim Augustin. in lib. 2. Confess. (cap. 6. à med. tom. 1.) quod *luxuria ad satietatem, atque abundantiam se cupit vocari*: sed satietas pertinet ad cibos, & potus, abundantia autem ad divitias: ergo luxuria non est proprie circa concupiscentias, & voluptates venereas.

2. Præterea. Proverb. 20. dicitur: *luxuriosa res est vinum*, sed vinum pertinet ad delectationem cibi, & potus: ergo circa ea maxime videtur luxuria esse.

3. Præterea. Luxuria dicitur esse libidinosæ voluptatis appetitus: sed libidinosa voluptas non solum est in venereis, sed etiam in multis aliis: ergo luxuria non est solum circa concupiscentias, & voluptates venereas.

Sed Contra est, quod dicitur in lib. de vera religione (cap. 3. à med. tom. 1.) de luxuriosis: *Qui seminat in carne, de carne metet corruptionem*: sed seminatio carnis fit per voluptates venereas: ergo ad has pertinet luxuria.

Respondeo dicendum, quod sicut Isidorus dicit in libro 10. Etymologiar. (ad liter. L.) *Luxuriosus aliquis dicitur, quasi solutus in voluptates*. Maxime autem voluptates venereæ animum hominis solvunt. Et ideo circa voluptates venereas maxime luxuria consideratur.

Ad primum ergo dicendum, quod sicut temperantia principaliter quidem & proprie est circa delectationes tactus; dicitur autem ex consequenti, & per similitudinem quamdam in quibusdam aliis materiis, ita etiam luxuria principaliter quidem est in voluptibus venereis, quæ maxime & præcipue animum ho-

hominis resolvunt; secundario autem dicitur in quibuscumque aliis ad excessum pertinentibus. Unde ad Galat. 5. dicit in Gl. (interl. sup. illud: *Luxuria, idolorum servitus, &c.*) quod *luxuria est quælibet superfluitas.*

Ad secundum dicendum, quod vinum dicitur res luxuriosa, vel secundum hunc modum, quo in quælibet materia abundantia ad Luxuriam refertur, vel in quantum superflius usus vini incentivum voluptati venereæ præbet.

Ad tertium dicendum, quod etsi libidinosa voluptas in aliis materiis dicatur; tamen specialiter hoc nomen sibi vendicant venereæ delectationes, in quibus etiam specialiter libido dicitur, ut August. dicit in 34. de civ. Dei (cap. 15. ad fin. & cap. 16. in princ. tom. 5.)

ARTICULUS II.

738

Utrum nullus actus venereus possit esse sine peccato.

Mal. q. 15. art. 1.

Ad Secundum sic proceditur. Videtur, quod nullus actus venereus possit esse sine peccato. Nihil enim videtur impedire virtutem, nisi peccatum: sed omnis actus venereus maxime impedit virtutem, dicit enim Aug. in 1. Soliloquiorum: (cap. 10. ante med. tom. 1.) *nihil esse sentio, quod magis ex arce dejiciat animum virilem, quam blandimenta foeminea, corporunque ille contactus: ergo nullus actus venereus videtur esse sine peccato.*

2. Præterea. Ubicumque invenitur aliud superfluum, per quod à bono rationis receditur, hoc est vitiosum; quia virtus corruptitur per superfluum, & diminutum, ut dicitur in 2. Ethic. (cap. 2. & 6. tom. 5.) Sed in quolibet actu venereo est superfluitas delectationis, quæ in tantum absorbet rationem, quod impossibile est aliquid intelligere in ipsa, ut Philos. dicit in 7. Eth. (cap. 11. à med. tom. 5.) & sicut Hieron. dicit (epist. 11. ad Ageruch. de Monogam. parum à med. & hab. c. Coniubia, 32. q. 2.) in illo actu spiritus prophetarum non

tan-

tangebat corda Prophetarum : ergo nullus actus venereus potest esse sine peccato.

3. Præterea. Causa potior est , quam effectus : sed peccatum originale in parvulis trahitur à concupiscentia , sine qua actus venerens esse non potest , ut patet per August. in lib. 1. de nuptiis , & concupiscentia , (cap. 24. tom. 7.) ergo nullus actus venereus potest esse sine peccato.

Sed Contra est , quod Aug. dicit in lib. de bono conjugali , (cap. 25. circ. princ. tom. 6.) „Satis res ponsum est hæreticis , si tamen capiunt , non esse peccatum , quod neque contra naturam committitur , neque contra morem , neque contra præceptum:“ et loquitur de actu venereo , quo antiqui Patres plurimos conjugibus utebantur : ergo non omnis actus venereus est peccatum.

Respondeo dicendum , quod peccatum in humanis actibus est , quod est contra ordinem rationis. Habet autem hoc rationis ordo ; ut quælibet convenienter ordinet in suum finem. Et ideo non est peccatum , si per rationem homo utatur rebus aliquibus ad finem ad quem sunt , & modo & ordine convenienti , dummodo ille finis sit aliquid vere bonum.

Sicut autem est vere bonum , quod conservetur corporalis natura unius individui ; ita etiam est quoddam bonum excellens , quod conservetur natura speciei humanæ. Sicut autem ad conservationem vitæ unius hominis ordinatur usus ciborum , ita etiam ad conservationem totius humani generis usus venereorum.

Unde August. dicit in libro de bono conjugali : (cap. 16. in princ. tom. 6.) *Quod est cibus ad salutem hominis , hoc est concubitus ad salutem generis.* Et ideo sicut usus ciborum potest esse absque peccato si fiat debito modo & ordine , secundum quod competit saluti corporis : ita etiam „& usus venereorum potest esse absque omni peccato , si fiat debito modo & ordine , secundum quod est conveniens ad finem generationis humanæ.“

Ad primum ergo dicendum , quod aliquid potest impedire dupliciter virtutem. Uno modo quantum ad communem statum virtutis : & sic non impeditur vir-

tus , nisi per peccatum. *Alio modo quantum ad perfectum virtutis statum : & sic potest impediti virtus aliquid , quod non est peccatum , sed est minus bonum.* Et hoc modo usus feminæ dejicit animum non à virtute , sed ab arce , id est , perfectione virtutis. Unde August. dicit in lib. de bono conjugali , (*cap. 8. à med. tom. 6.*) „Sicut bonum erat , quod „Martha faciebat occupata circa ministerium Sanctorum , „sed melius quod Maria audiens verbum Dei : ita etiam „bonum Susannæ in castitate conjugali laudamus , sed „tamen ei bonum viduæ Annæ , ac multo magis Mariae virginis anteponimus.“

Ad secundum dicendum , quod , sicut supra dictum est , (*q. præc. a. 2. ad 2. & 1. 2. q. 64. a. 2.*) medium virtutis non attenditur secundum quantitatem , sed secundum quod convenit rationi rectæ. Et ideo abundantia delectationis , quæ est in actu venereo secundum rationem ordinato , non contrariatur medio virtutis. Et præterea ad virtutem non pertinet , quantum sensus exterior delectetur , quod consequitur corporis dispositionem , sed quantum appetitus interior ad hujusmodi delectationes afficiatur. Nec ex hoc etiam , quod ratio non potest liberum actum rationis ad spiritualia consideranda simul cum illa delectatione habere , ostenditur quod actus ille sit virtuti contrarius , non enim est virtuti contrarium , si rationis actus aliquando intermitteatur pro aliquo , quod secundum rationem fit: alioquin quod aliquis se somno tradit , esset contra virtutem. Hoc tamen quod concupiscentia , & delectatio venernm non subjacet imperio , & moderationi rationis , provenit ex poena primi peccati ; in quantum scilicet ratio rebellis Deo mernit habere suam carnem rebellem , ut patet per August. 13. de Civitate Dei . (*cap. 13. ton. 5.*)

Ad tertium dicendum , quod , sicut Aug. ibidem dicit , (*loc. citat. in arg.*) *ex concupiscentia carnis , quæ regeneratis non imputatur in peccatum , tanquam ex filia peccati proles nascitur , originali obligata peccato.* Unde non sequitur , quod actus ille sit peccatum , sed quod in illo actu sit aliquid pœnale à peccato primo derivatum.

ARTICULUS III.

739

Utrum luxuria, quæ est circa actus venereoꝝ, possit esse peccatum.

*Sup. q. 35. a. 3. cor. v. q. 36. a. 3. cor. v. 4. d.
33. q. 1. a. 3. q. 2. v. 3. v. mal. q. 15. a. 2.
v. 1. Cor. lect. 3.*

A

*L*aud Tertium sic proceditur. Videtur, quod luxuria, quæ est circa actus venereoꝝ, non possit esse aliquod peccatum. Per actum enim venereum semen emittitur, quod est superfluum alimenti, ut patet per Philos. in lib. 1. de generatione animalium: (cap. 18. à med. v. cap. 19. tom. 2.) sed in emissione aliarum superfluitatum non attenditur aliquod peccatum: ergo neque circa actus venereoꝝ potest esse aliquod peccatum.

2. Præterea. Quilibet potest licite uti, ut liber, eo quod suum est: sed in actu venereo homo non utitur, nisi eo quod suum est, nisi forte in adulterio, vel raptu: ergo in usu venereo non potest esse peccatum: et ita luxuria non erit peccatum.

3. Præterea. Omne peccatum habet vitium oppositum: sed luxurie nullum vitium videtur esse oppositum: ergo luxuria non est peccatum.

Sed Contra est, quod causa est potior suo effectu: sed vinum prohibetur propter luxuriam, secundum illud Apostoli ad Ephes. 5. *Nolite inebriari vino, in quo est luxuria:* ergo luxuria est prohibita.

Præterea. Gal. 5. enumeratur inter opera carnis.

Respondeo dicendum, quod quanto aliquid est magis necessarium, tanto magis oportet ut circa illud rationis ordo servetur. Unde per consequens magis est vitiosum, si ordo rationis prætermittatur. Usus autem venereoꝝ, sicut dictum est, (a. præc.) est valde necessarius ad bonum commune, quod est conservatio humani generis. Et ideo circa hoc maxime attendi debet rationis ordo: & per consequens si quid circa hoc fit, præter id quod ordo rationis habet, vitiosum erit. Hoc autem pertinet ad rationem luxurie, ut ordinem,

&

& modum rationis excedat circa venerea. Et ideo *absque dubio luxuria est peccatum.*

Ad primum ergo dicendum, quod, sicut Philosoph. in eodem libro dicit, (*loc. cit. in arg.*) *Semen est superfluum, quod indigetur: dicitur enim superfluum ex eo, quod residuum est operationis virtutis nutritivæ, tamen indigetur eo ad opus virtutis generativæ: sed aliae superfluitates humani corporis sunt, quibus non indigetur, & ideo non refert, qualitercumque emittantur, salva decentia convictus humani. Sed non est simile in seminis emissione, quæ taliter debet fieri, ut conveniat fini, ad quem eo indigetur.*

Ad secundum dicendum, quod, sicut Apost. dicit i. ad Cor. 6. contra luxuriam loquens: *empti estis pretio magno: glorificate ergo, & portate Deum in corpore vestro.* Ex eo ergo quod aliquis inordinate suo corpore utitur per luxuriam, injuriam facit Deo, qui est principalis dominus corporis nostri. Unde & August. dicit in lib. de decem chordis, (*cap. 10. circ. med. tom. 9.*)
 » *Deus, q-i sic gubernat servos suos ad utilitatem illorum, non ad suam, hoc jussit, hoc præcepit, ne per illecebras, & illicitas voluptates corruat templum ejus, quod esse coepisti.* »

Ad tertium dicendum, quod oppositum luxuriæ non contingit in multis; eo quod homines magis sunt propensi ad delectationes: et tamen oppositum vitium continetur sub insensibilitate. Et accidit hoc vitium in eo, qui in tantum detestatur mulierum usum, quod etiam uxori debitum non reddit.

ARTICULUS IV.

704

Utrum luxuria sit vitium capitale.

Mal. q. 15. a. 4.

Ad Quartum sic proceditur. Videtur, quod luxuria non sit vitium capitale. Luxuria enim videtur idem esse immunditia, ut patet per Glos. (*interl. super illud: omnis immunditia*) ad Ephes. 5. Sed immunditia est filia gulae, ut patet per Gregor. 31. Moral. (*cap. 17. à med.*)

med.) ergo luxuria non est vitium capitale.

2. Præterea. Isidorus dicit in lib. 2. de summo
no, (cap. 39. in princ.) quod *sicut per superbiam*
tis itur in prostitutionem libidinis; ita per humilitatem
tis salva fit castitas carnis: sed contra rationem
talis vitii esse videtur, quod ex alio vitio oriatur:
go luxuria non est vitium capitale.

3. Præterea. Luxuria causatur ex desperatione,
cundum illud Ephes. 4. *Qui desperantes, semetipsos*
diderunt impudicitiae: sed desperatio non est vitium
tale: quinimmo ponitur filia accidiae, ut supra habili
est: (q. 35. a. 4. ad 2.) ergo multo minus luxuria
vitium capitale.

Sed Contra est, quod Gregor. 31. Moral. (cap.
à med.) ponit luxuriā inter vitia capitalia.

Respondeo dicendum, quod, sicut ex dictis patr.
(q. 148. a. 5. &c. I. 2. q. 84. a. 3. &c. 4.) vitium
pitale est, quod habet finem multum appetibilem;
quod ex ejus appetitu homo procedat ad multa peccata
perpetranda, quæ omnia ex illo vitio, tanquam ex pri
cipali, oriri dicuntur. Finis autem luxuriae est delecta
tio venereorum, quæ est maxima. Unde hujusmodi
lectatio est maxime appetibilis secundum appetitum
sativum; tum propter vehementiam delectationis, tu
etiam propter connaturalitatem hujusmodi concupis
cie. Unde manifestum est, quod *luxuria est vita*
capitale.

Ad primum ergo dicendum, quod immunditia
cundum quosdam, quæ ponitur filia gulæ, est quoque
immunditia corporalis, ut supra dictum est. (q. 14
a. 6.) Et sic objectio non est ad propositum.

Si vero accipiatur pro immunditia luxuriae, sic
cendum, quod gula causatur materialiter, in quantum
scilicet gula ministrat materiam corporalem luxuriae
non autem secundum rationem causæ finalis, secundum
quam potissimum attenditur origo aliorum vitiorum ex
vitis capitalibus.

Ad secundum dicendum, quod, sicut supra dictum
est, (q. 132. a. 4.) cum de inani gloria ageretur,
superbia ponitur communis mater omnium peccatorum. Et
ideo etiam vitia capitalia ex superbia oriuntur.

Ad tertium dicendum, quod à delectationibus luxuriae præcipue aliqui abstinent propter spem futuræ gloriæ, quam desperatio subtrahit; & ideo causat luxuriam, sicut removens prohibens, non sicut per se causa, quod requiri videtur ad vitia capitalia.

ARTICULUS V.

741

Utrum convenienter dicantur esse filiæ luxuriae, cæcitas mentis, inconsideratio, præcipitatio, inconstantia, amor sui, odium Dei, affectus præsentis seculi, & horror futuri.

*Sup. q. 53. a. 6. & mal. q. 8. a. 2. c. & q. 13. a. 3.
& q. 15. a. 4.*

Ad Quintum sic proceditur. Videtur, quod inconvenienter dicantur esse filiæ luxuriae, cæcitas mentis, inconsideratio, præcipitatio, inconstantia, amor sui, odium Dei, affectus præsentis seculi, horror, vel desperatio futuri. Quia cæcitas mentis, & inconsideratio, & præcipitatio pertinent ad imprudentiam, quæ invenitur in omni peccato, sicut & prudentia in omni virtute: ergo non debent poni speciales filiæ luxuriae.

2. Præterea. Constantia ponitur pars fortitudinis, ut supra habitum est: (q. 128. & q. 137. a. 3.) sed luxuria non opponitur fortitudini, sed temperantiae: ergo inconstantia non est filia luxuriae.

3. Præterea. Amor sui usque ad contemptum Dei est principium omnis peccati, ut patet per August. 14. de Civ. Dei: (cap. ult. in princ. tom. 5.) non ergo debet poni filia luxuriae.

4. Præterea. Isidorus (*comment. in Deut. cap. 16. clv. med.*) ponit quatuor, scilicet turpiloquia, scurrilia, ludicia, stultiloquia: ergo prædicta enumeratio videtur esse superflua.

Sed Contra est auctoritas Gregor. 31. Moral. (cap. 17. à med.)

Respondeo dicendum, quod quando inferiores potentiae vehementer afficiuntur ad sua objecta, consequens est, quod superiores vires impediantur, & deordinentur

in

in suis actibus. Per vitium autem luxuriæ maxime appetitus inferior, scilicet concupisibilis, vehementer intendit suo objecto, scilicet delectabili, propter vehementiam passionis, & delectationis. Et ideo consequens est, quod per luxuriam maxime superiores vires deordinantur, scilicet ratio, & voluntas.

Sunt autem rationis quatuor actus in agendis. Primo quidem simplex intelligentia, quæ apprehendit aliquem finem ut bonum. Et hic actus impeditur per luxuriam, secundum illud Dan. 13. *Species decepit te, & concupiscentia subvertit cor tuum.* Et quantum ad hoc ponitur cœcitas mentis. Secundus actus est consilium de his, quæ sunt agenda propter finem: et hic etiam impeditur per concupiscentiam luxuriæ. Unde Terentius dicit in Eunuco (*Act. I. Scen. I. à princ.*) loquens de amore libidinoso: *Quæ res in se neque consilium, neque modum ullum habet, eam consilio regere non potes.* Et quantum ad hoc ponitur præcipitatio, quæ importat subtractionem consilii, ut supra habitum est. (*q. 53. a. 3.*) Teretus actus est judicium de agendis: & hic etiam impeditur per luxuriam. Dicitur enim Dan. 13. de senibus luxuriosis: *Averterunt sensum suum, ut non recordarentur judiciorum justorum.* Et quantum ad hoc ponitur inconsideratio. Quartus autem actus est præceptum rationis ab agendo, qui etiam impeditur per luxuriam, in quantum scilicet homo impeditur ex impetu concupiscentiæ, ne exequatur id, quod decrevit esse faciendum. Et quantum ad hoc ponitur inconstantia. Unde Terentius dicit in Eunuco (*loc. cit.*) de quodam, qui dicebat se recessum ab amica: *Hæc verba una falsa lacrymula restinguunt.*

Ex parte autem voluntatis consequitur duplex actus inordinatus. Quorum unus est appetitus finis: & quantum ad hoc ponitur amor, quantum scilicet ad delectationem, quam inordinate appetit, & per oppositum ponitur odium Dei, in quantum scilicet prohibet delectationem concupitam. Alius autem est appetitus eorum, quæ sunt ad finem: & quantum ad hoc ponitur affectus præsentis seculi, in quo scilicet aliquis vult frui voluptate; & per oppositum ponitur desperatio futuri seculi, quia dum nimis detinetur carnalibus delectationi-

tionibus, non curat pervenire ad spirituales, sed fastidit eas.

Ad primum ergo dicendum, quod, sicut Philos. dicit in 6. Ethic. (cap. 5. à med. tom. 5.) *intemperantia maxime corrumpt prudentiam*. Et ideo vitia opposita prudentiae maxime oriuntur ex luxuria, quæ est præcipua intemperantiae species.

Ad secundum dicendum, quod constantia in arduis, & terribilibus ponitur pars fortitudinis: sed constantiam habere in abstinentia à delectabilibus pertinet ad continentiam, quæ ponitur pars temperantiae, sicut supra dictum est, (q. 143.) & ideo inconstantia, quæ ei opponitur, ponitur filia luxuriae. Et tamen etiam prima inconstantia ex luxuria causatur, in quantum emollit cor hominis, & effeminatum reddit, secundum illud Osee 4. *Fornicatio, & vinum, & ebrietas auferunt cor*. Et Vegetius dicit in lib. 1. de re militari, (cap. 3. in fin.) quod *m̄inus mortem metuit, qui m̄inus deliciarum norit in vita*. Nec oportet, sicut sæpe dictum est, (q. 35. a. 4. ad 2. & q. 118. a. 8. ad 1. & q. 148. a. 6.) quod filiæ vitiæ capitalis cum eo in materia convenienter.

Ad tertium dicendum, quod amor sui quantum ad quæcunque bona, quæ sibi aliquis appetit, est communè principium peccatorum: sed quantum ad hoc specia-liter, quod aliquis appetit sibi delectabilia carnis, ponitur amor sui filia luxuriae.

Ad quartum dicendum, quod illa, quæ Isidorus ponit, sunt quidam inordinati actus exteriores, & præcipue ad locutionem pertinentes. In qua est aliiquid inordinatum quadrupliciter. Uno modo propter materiam: & sic ponuntur turpiloqua. Quia enim *ex abundantia cordis os loquitur*, ut dicitur Matth. 12. luxuriosi, quorum cor est turpibus concupiscentiis plenum, de facili ad turpia verba prorumpunt. Secundo ex parte causæ. Quia enim luxuria inconsiderationem, & præcipitationem causat, consequens est quod faciat prorumpere in verba leviter, & inconsiderate dicta, quæ dicuntur *scurrilia*. Tertio quantum ad finem. Quia enim luxuriosus delectationem querit, verba sua ad delectationem ordinat; & sic prorumpit in verba *ludicra*. Quarto quantum ad sententiam verborum, quam pervertit luxuria propter cæcitatem

men-

mentis, quam causat; & sic prorumpit in *stultiloqua*; utpote cum suis verbis præfert delectationes, quas appetit, quibuscumque aliis rebus.

QUÆSTIO CLIV.

De Luxuriæ partibus, in duodecim articulos divisa.

Deinde considerandum est de luxuriæ partibus.

Et circa hoc queruntur duodecim.

Primo. De divisione partium luxuriæ.

Secundo. Utrum fornicatio simplex sit peccatum mortale.

Tertio. Utrum sit maximum peccatorum.

Quarto. Utrum in tactibus, & osculis, & aliis hujusmodi illecebris consistat peccatum mortale.

Quinto. Utrum nocturna pollutio sit peccatum.

Sexto. De stupro.

Septimo. De raptu.

Octavo. De adulterio.

Nono. De incestu.

Decimo. De sacrilegio.

Undecimo. De peccato contra naturam.

Duodecimo. De ordine gravitatis in prædictis species.

ARTICULUS I.

742

Utrum convenienter assignentur sex species luxuriæ, scilicet fornicatio simplex, adulterium, incestus, stuprum, raptus, & vitium contra naturam.

4. d. 41. a. 4. q. 1. & 2. & mal. q. 15. a. 3.

And Primum sic proceditur. Videtur, quod inconvenienter assignentur sex species luxuriæ; scilicet fornicatio simplex, adulterium, incestus, stuprum, raptus, & vitium contra naturam. Diversitas enim materiæ non di-

ver-

versificat speciem: sed prædicta divisio sumitur secundum materiæ diversitatem; prout sc. aliquis commisetur conjugatæ, vel virgini, vel alterius conditionis mulieri: ergo videtur, quod per hoc species luxuriæ non diversificantur.

2. Præterea. Species vitii unus non videntur diversificari per ea, quæ pertinent ad aliud vitium: sed adulterium non differt à simplici fornicatione, nisi in hoc quod aliquis accedit ad eam, quæ est alterius, & sic injustitiam committit: ergo videtur, quod adulterium non debeat ponи species luxuriæ.

3. Præterea. Sicut contingit, quod aliquis commisetur mulieri, quæ est alteri viro per matrimonium obligata, ita etiam contingit, quod aliquis commisetur mulieri, quæ est obligata Deo per votum: sicut ergo adulterium ponitur species luxuriæ, ita etiam sacrilegium species luxuriæ ponи debet.

4. Præterea. Ille, qui est matrimonio junctus, non solum peccat, si ad aliam mulierem accedat, sed etiam si sua conjugi inordinate utatur: sed hoc peccatum sub luxuria continetur: ergo deberet inter species luxuriæ computari.

5. Præterea. Apost. 2. ad Cor. 12. dicit: *Ne iterum, cum venero, humiliet me Deus apud vos, & lugam multos ex his, qui ante peccaverunt, & non ergerunt paenitentiam super immunditia; & fornicatione, & impudicitia, quam gesserunt: ergo videtur, quod etiam inimunditia, & impudicitia debeat ponи species luxuriæ, sicut & fornicatio.*

6. Præterea. Divisum non condividitur dividentibus: sed luxuria condividitur prædictis: dicitur enim Gal. 5. *Manifesta sunt opera carnis, que sunt fornicatio, immunditia, impudicitia, luxuria: ergo videtur, quod inconvenienter fornicatio ponatur species luxuriæ.*

Sed Contra est, quod prædicta divisio ponitur in Decret. 36. q. 1. (*in appendice Grat. ad C. Lex illa.*)

Respondeo dicendum, quod, sicut dictum est, (*q. præc. a. 2. & 3.*) peccatum luxuriæ consistit in hoc, quod aliquis non secundum rectam rationem delectatio-
ne venerea utitur. Quod quidem contingit dupl. citer: upr
Tom. VII,

modo secundum materiam , in qua hujusmodi delectationem quærit: *alio modo* , secundum quod materia debita existente , non observantur aliæ debitæ conditio-
nes.

Et quia circumstantia , in quantum hujusmodi , non dat speciem actui morali , sed ejus species sumitur ab objecto , quod est materia actus , ideo oportuit species luxuriæ assignari ex parte materiae , vel objecti. Quæ quidem potest non convenire rationi rectæ *dupliciter*. *Uno modo* , quia habet repugnantiam ad finem venerei actus: et sic in quantum impeditur generatio proliis , est *vitiæ contra naturam* , quod est in omni actu venereo , ex quo generatio sequi non potest: in quantum autem impeditur debita educatio , & promotio proliis natæ , est *fornicatio simplex* , quæ est soluti cum soluta.

Alio modo materia , in qua exercetur actus venereus , potest esse non conveniens rationi rectæ per compara-
tionem ad alios homines. Et hoc *dupliciter*. *Primo* qui-
dem ex parte ipsius fœminæ , cui aliquis commiscetur ,
quia ei debitus honor non servatur : et sic est *incestus* ,
qui consistit in abusu mulierum consanguinitate , vel
affinitate junctarum. *Secundo* ex parte ejus , in cuius
potestate est fœmina ; quæ si est in potestate viri , est
adulterium ; si autem est in potestate patris , est *stuprum* ,
si non inferatur violentia ; *raptus* autem , si infera-
tur.

Diversificantur autem istæ species magis ex parte fœminæ , quam viri : quia in actu venereo fœmina se
habet sicut patiens , & per modum materiae , vir au-
tem per modum agentis. Dictum est autem , (*in arg. 1.*)
quod prædictæ species secundum differentiam materiae
assignantur.

Ad primum ergo dicendum , quod prædicta diver-
sitas materiae habet annexam diversitatem formalem ob-
jecti , quæ accipitur secundum diversos modos repug-
nantiæ ad rationem rectam , ut dictum est. (*in corp.
a.*)

Ad secundum dicendum , quod nihil prohibet , in
eodem actu diversorum vitiorum deformitates concurre-
re , ut supra dictum est. (*1. 2. q. 18. a. 7.*) Et hoc
modo adulterium continetur sub luxuria , & sub injus-
ti-

titia. Nec deformitas injustitiae omnino per accidens se habet ad luxuriam; ostenditur enim luxuria gravior, quæ in tantum concupiscentiam sequitur, quod etiam in iustitiam ducat.

Ad tertium dicendum, quod quia mulier vovens continentiam, quoddam spirituale matrimonium facit cum Deo, & sacrilegium, quod committitur in violatione talis mulieris, est quoddam adulterium spirituale. Et similiter alii modi sacrilegii reducuntur ad alias species luxuriæ.

Ad quartum dicendum, quod peccatum conjugati cum sua uxore non est secundum indebitam materiam, sed secundum alias circumstantias, quæ non constituent speciem moralis actus, ut dictum est. (*in corp. 2. I. 2. q. 18. a. II.*)

Ad quintum dicendum, quod sicut Gloss. (*interlin.*) dicit ibidem, immunditia ponitur pro luxuria contra naturam: impudicitia autem est, quæ fit cum liberis à viro, unde videtur ad stuprum pertinere.

Vel etiam potest dici, quod impudicitia pertinet ad quosdam actus circumstantes actum venereum; sicut sunt oscula, tactus, & alia hujusmodi.

Ad sextum dicendum, quod luxuria sumitur ibidem pro quacumque superfluitate, ut Glos. (*interl.*) ibidem dicit.

ARTICULUS II.

743

Utrum fornicatio simplex sit peccatum mortale.

4. d. 41. a. 4. q. 1. c. 2. q. 2. c. 2. ad 2.

 Ad Secundum sic proceditur. Videtur, quod fornicatio simplex non sit peccatum mortale. Ea enim, quæ simili conuinerantur, videntur esse unius rationis: sed fornicatio conuineratur quibusdam, quæ non sunt peccata mortalia, dicitur enim. Act. 15. *Astlineatis vos ab immolatis simulacrorum, & sanguine, & suffocato, & fornicatione:* illorum autem usus non est peccatum mortale, secundum iliid 1. ad Timoth. 4. *Nihil rejicendum est, quod cum gratiarum actione perclpitur;* ergo fornicatio non est peccatum mortale.

2. Præterea. Nullum mortale peccatum cadit sub præcepto divino: sed Oseæ primo præcipitur à Domino: *Vade, sume tibi uxorem fornicationum*, & fac filios fornicationum: ergo fornicatio non est peccatum mortale.

3. Præterea. Nullum peccatum mortale in Scriptura sacra absque reprehensione commemoratur: sed fornicatio simplex commemoratur in Scriptura in antiquis Patribus sine reprehensione: sicut legitur Genes. 16, de Abraham, quod accessit ad Agar ancillam suam: infra cap. 30. legitur de Jacob, quod accessit ad ancillas uxorum suarum Balan, & Zelphan: Et infra cap. 38. legitur, quod Judas accessit ad Thamar, quam estimavit meretricem: ergo fornicatio simplex non est peccatum mortale.

4. Præterea. Omne peccatum mortale contrariatur charitati: sed fornicatio simplex non contrariatur charitati, neque quantum ad dilectionem Dei, quia non est directe peccatum contra Deum, nec etiam quantum ad dilectionem proximi, quia per hoc homo nulli homini facit injuriam: ergo fornicatio simplex non est peccatum mortale.

5. Præterea. Omne peccatum mortale dicit in perditionem æternam: hoc autem non facit fornicatio simplex: quia super illud i. ad Tim. i. *Pletas ad omnia utilis est*, dicit Glos. Ambros. „Omnis summa discipulæ Christianæ in misericordia, & pietate est, „quam aliquis sequens, si lubricum carnis patiatur, „sine dubio vapulabit, sed non perbit.“ ergo fornicatio simplex non est peccatum mortale.

6. Præterea. Sicut August. dicit in libro de bono conjug. (cap. 16. in princ. tom. 6.) quod est cibus ad salutem corporis, hoc est concubitus ad salutem generis: sed non omnis inordinatus usus ciborum est peccatum mortale: ergo nec omnis inordinatus concubitus: quod maxime videtur de fornicatione simplici, que minima est inter species enumeratas.

Sed Contra est, quod dicitur Tobie quarto: *Attende tibi ab omni fornicatione, & præter uxorem tuam nunquam patiaris crimen scire*. Crimen autem importat peccatum mortale: ergo fornicatio, & omnis concubitus,

tus, qui est præter uxorem, est peccatum mortale.

Præterea, Nihil excludit à regno Dei, nisi peccatum mortale: Fornicatio autem excludit, ut patet per Apost. ad Gal. 5, ubi præmissa fornicatione & quibusdam aliis vitiis, subdit: *Qui talia agunt, regnum Dei non consequentur*: ergo fornicatio simplex est peccatum mortale.

Præterea, In Decretis dicitur 2. 2. q. 1. (cap. *Prædicandum*) „Nosse debet, talem de perjurio pœnitentiā, tiam imponi debere, qualem de adulterio, & fornicatione, & de homicidio sponte commisso, & de cæteris criminalibus vitiis.“ ergo fornicatio simplex est peccatum criminale, seu mortale.

Respondeo dicendum, quod *absque omni dubio tenendum est*, quod fornicatio simplex sit peccatum mortale, non obstante quod Deuteronomio 23. super illud: *Non erit meretrix, &c.* dicit Glossa (*ordin. August. lib. de QQ. in Deuter. q. 37. tom. 4.*) ad meretrices prohibet accedere, quarum est *venialis turpitudine*. Non enim debet dici *venialis*, sed *venalis*, quod est proprium meretricium.

Ad hujus autem evidentiam considerandum est, quod peccatum mortale est omne peccatum, quod committitur directe contra vitam hominis. Fornicatio autem simplex importat inordinationem, quæ vergit in documentum vitæ ejus, qui est ex tali concubitu nasciturus. Videmus enim in omnibus animalibus, in quibus ad educationem prolixi requiriatur cura maris, & fœminæ, quod in eis non est vagus concubitus, sed maris ad certam fœminam, unam, vel plures: sicut patet in omnibus avibus: secus autem est in animalibus, in quibus sola fœmina sufficit ad educationem fœtus, in quibus est vagus concubitus; ut patet in canibus, & huiusmodi aliis animalibus. Manifestum est autem, quod ad educationem hominis non solum requiritur cura matris, à qua nutritur, sed multo magis cura patris, à quo est instruendus, & defendendus, & in bonis tam interioribus, quam exterioribus promovendus. Et ideo contra naturam hominis est, quod utatur vago concubitu; sed oportet quod sit maris ad determinatam fœminam, cum qua permaneat non per modicum tem-

pus, sed diu, vel etiam per totam vitam. Et inde est, quod naturaliter inest maribus in specie humana solicitude de certitudine prolis: quia eis imminet educatio prolis: haec autem certitudo tolleretur, si esset vagus concubitus. Haec autem determinatio certæ foeminae matrimonium vocatur, & ideo dicitur esse de jure naturali.

Sed quia concubitus ordinatur ad bonum communem totius humani generis, bona autem communia cadunt sub determinatione legis, ut supra habitum est, (I. 2. q. 90. a. 2.) consequens est, quod ista conjunctio maris ad foeminae, quæ matrimonium dicitur, lege aliqua determinetur. Qualiter autem sit apud nos determinatum, in tertia parte hujus Operis dicetur, (quam non absolvit, vld. Suppl. q. 50. & seq. & 4. dist. 26. & seq.) cum de matrimonii Sacramento tractabitur. Unde cum fornicatio sit concubitus vagus, utpote præter matrimonium existens, est contra bonum prolis educandæ, & ideo est peccatum mortale. Nec obstat, si aliquis fornicando aliquam cognoscens sufficienter provideat proli de educatione: quia id quod cadit sub legis determinatione, judicatur secundum id, quod communiter accidit, & non secundum id, quod in aliquo casu potest accidere.

Ad primum ergo dicendum, quod fornicatio illis connumeratur, non quia habeat eandem rationem culpare cum aliis, sed quantum ad hoc quod ex his, quæ ibi ponuntur, similiter poterat dissidium generari inter Judæos, & Gentiles, & eorum unanimis consensus impediti: Quia apud Gentiles fornicatio simplex non reputabatur illicita propter corruptionem naturalis rationis: judæi autem ex lege divina instructi eam illicitam reputabant. Alia vero, quæ ibi ponuntur, Judæi abominabantur propter consuetudinem legalis conversationis. Unde Apostoli ea Gentilibus interdixerunt, non quasi secundum se illicita, sed quasi Judæis abominabilia, ut etiam supra dictum est, (I. 2. q. 103. a. 4. ad 3.)

Ad secundum dicendum, quod fornicatio dicitur esse peccatum, in quantum est contra rationem rectam. Ratio autem hominis recta est, secundum quod regulatur voluntate divina, quæ est prima, & summa regula,

la. Et ideo quod homo facit ex voluntate Dei, ejus præcepto obediens, non est contra rationem rectam, quamvis videatur esse contra communem ordinem rationis: sicut etiam non est contra naturam, quod miraculose sit virtute divina, quamvis sit contra communem cursum naturæ. Et ideo sicut Abraham non peccavit, filium innocentem volendo occidere, propter hoc quod obedivit Deo, quamvis hoc secundum se consideratum sit communiter contra rectitudinem rationis humanæ: ita Osea non peccavit fornicando ex præcepto divino: nec talis concubitus proprie fornicatio debet dici, quamvis fornicatio nominetur referendo ad cursum communem. Unde Augustin. dicit 3. Confess. (cap. 8. à princip. tom. 1.) „Cum Deus alii quid contra morem, aut pactum quorumlibet jubet, etsi nunquam ibi factum est, faciendum est. Et postea subdit: sicut enim in potestatibus societatis humanæ major potestas minori ad obediendum præponitur ita Deus omnibus.“

Ad tertium dicendum, quod Abraham, & Jacob ad ancillas accesserunt, non quasi fornicario concubitu, ut infra patebit, (Non complevit, & vñl. 4. sent.) cum de matrimonio agetur. Judam autem non est necessarium à peccato excusare, qui etiam actor fuit venditionis Josephi.

Ad quartum dicendum, quod fornicatio simplex contrariatur dilectioni proximi, quantum ad hoc quod repugnat bono proli nascituræ, ut ostensum est, (in corpore art.) dum scilicet dat operam generationi secundum quod convenit proli nascituræ.

Ad quintum dicendum, quod per opera pietatis ille, qui lubricum carnis patitur, libratur à perditione æterna; in quantum per hujusmodi opera disponitur ad hoc quod gratiam consequatur, per quam pœnitentia, & in quantum per hujusmodi opera satisfacit de lubrico carnis commisso: non autem ita quod si in lubrico carnis perseveret impœnitens usque ad mortem, per pietatis opera liberetur.

Ad sextum dicendum, quod ex uno concubitu potest unus homo generari. Et ideo inordinatio concubitus, quæ impedit bonum proli nascituræ, ex ipso

genere actus est peccatum mortale, & non solum ex inordinatione concupiscentiæ. Ex una autem commissione non impeditur bonum totius vitæ unius hominis, et ideo gñz actus ex suo genere non est peccatum mortale: esset tamen, si quis scienter cibum comedere, qui totam conditionem vitæ ejus immutaret; sicut patet de Adam. Nec tamen fornicatio est minimum peccatorum, quæ sub luxuria continentur, minus enim est concubitus cum uxore, qui fit ex libidine.

ARTICULUS III.

744

Utrum fornicatio sit gravissimum peccatum,

*Mal. q. 1. a. 1. ad 3. & q. 2. a. 10. c. & q. 15.
a. 2. ad 6.*

Ad Tertium sic proceditur. Videtur, quod fornicatio sit gravissimum peccatum. Tanto enim videtur peccatum gravius, quanto ex majori libidine procedit: sed maxima libido est in fornicatione: dicitur enim in Glos. (interl. implicit. & ex Lyrano super illud: est nubere) 1. ad Corinth. 7. quod ardor libidinis in luxuria est maximus: ergo videtur, quod fornicatio sit gravissimum peccatum.

2. Præterea. Tanto aliquis magis peccat, quanto in rem sibi magis conjunctam delinquit; sicut gravius peccat, qui percutit patrem, quam qui percutit extraneum: sed, sicut dicitur 2. Corinth. 6. qui fornicatur in corpus suum peccat quod est homini conjunctissimum: ergo videtur, quod fornicatio sit gravissimum peccatum.

3. Præterea. Quanto aliquod bonum est maius, tanto peccatum, quod contra illud committitur, videtur esse gravius: sed peccatum fornicationis videtur esse contra bonum totius humani generis, ut patet ex predictis. (art. præced.) Est etiam contra Christum secundum illud 1. ad Corinth. 6. Tollens membra Christi, faciam membra meretricis? ergo fornicatio est gravissimum peccatum.

Sed Contra est, quod Gregor. dicit (implic. l. 22.

Ms.

Moral. cap. II. parum ante med.) quod peccata carnaalia sunt minoris culpæ, quam peccata spiritualia.

Respondeo dicendum, quod gravitas alicujus peccati potest attendi *dupliciter*: uno modo secundum se. Alio modo secundum accidens; secundum se quidem attenditur ex sua ratione suæ speciei, quæ consideratur secundum bonum, cui peccatum opponitur.

Fornicatio autem est contra bonum hominis nascituri. Et ideo „est gravius peccatum secundum spe- „ciem suam peccatis, quæ sunt contra bona exterio- „ra, sicut est furtum, & alia hujusmodi; minus est „autem peccatis, quæ sunt directe contra Deum, & „peccato, quod est contra vitam hominis iam nati, „sicut est homicidium.“

Ad primum ergo dicendum, quod libido: quæ aggravat peccatum, est quæ consistit in inclinatione voluntatis. Libido autem, quæ est in appetito sensitivo, diminuit peccatum: quia quanto aliquis ex majori passione impulsus peccat, tanto peccat minus est peccatum. Et hoc modo libido in fornicatione est maxima. Et inde est quod Augustinus dicit in lib. de agone Christiano, (*id hab. express. serm. 250. de Temp. cap. 2. ante med. tom. 10.*) quod inter omnia Christianorum certamina duriora sunt prælia castitatis, „est quotidiana pugna, & rara victoria. Et Isidorus dicit in lib. 2. de summo bono (*cap. 39. circ. fin.*) quo magis per carnis luxuriam humanum genus subditur d'abolo quam per aliquid aliud; quia scilicet difficilius est vincere vehementiam hujusmodi passionis.

Ad secundum dicendum, quod ille qui fornicatur, dicitur peccare in corpus suum, non solum quia fornicationis delectatio consummatur in carne, quod etiam in gula accedit; sed etiam quia contra bonum proprii corporis agit, qui fornicatur, in quantum scilicet indebitate resolvit illud, & inquinat, & alteri commiscet. Nec tamen propter hoc sequitur, quod fornicatio sit gravissimum peccatum; quia ratio in homine prævalet corpori: unde si sit peccatum magis repugnans rationi, gravius erit.

Ad tertium dicendum, quod peccatum fornicationis est contra bonum speciei humanae, in quantum

impedit generationem singularem unius hominis nasci-
turi. Magis autem pertingit ad rationem speciei, qui
actu jam participat speciem, quam qui est potentia
homo. Et secundum hoc etiam homicidium est gravius
quam fornicatio, & omnis luxuriae species, tamquam
magis bono speciei humanæ repugnans. Bonum etiam
divinum est majus bono speciei humanæ. Et ideo etiam
peccata; quæ sunt contra Deum, sunt majora. Nec
fornicatio est directe peccatum in Deum, quasi forni-
cator Dei offensam intendat; sed ex consequenti si-
cet & omnia peccata mortalia. Sicut autem membra
corporis nostri sunt membra Christi; ita etiam & spiritus
noster est unus cum Christo, secundum illud 1. ad
Corinth. 6. Qui adhæret Deo, unus spiritus est. Unde etiam
peccata spiritualia sunt magis contra Christum, quam
fornicatio.

ARTICULUS IV.

745

Utrum in tactibus, & osculis consistat peccatum mortale.

1. 2. q. 74. a. 10. & ver. q. 15. a. 4. c. & mal. q.
15. a. 2. ad 18. & Eph. 5. c. 3. fin.

A

Ad Quartum sic proceditur. Videtur, quod in tac-
tibus, & osculis non consistat peccatum mortale. Apost.
enim ad Ephes. 5. dicit: Fornicatio autem, & omnis
immunditia, aut avaritia nec nominetur in vobis, sicut
debet sanctos: subdit autem, Aut turpitudo, Gloss.
(interlin.) ut in osculis, & amplexibus: aut stultiloquium,
ut blanda verba: aut scurrilitas, quæ à stultis curiali-
tas dicitur, id est, jocularitas: Postea autem subdit:
Hoc enim scitote intelligentes, quod omnis fornicator, aut
immundus, aut avarus, quod est idolorum servitus, non
habet hereditatem in regno Christi, & Del. Ubi non
replicat de turpitudine, sicut nec de stultiloquio, aut
scurrilitate: ergo ista non sunt peccata mortalia.

2. Præterea. Fornicatio dicitur esse peccatum mor-
tale ex hoc, quod per eam impeditur bonum proliis ge-
nerandæ, & educandæ: sed ad hoc nihil operantur os-
cula, & tactus, sive amplexus: ergo in his non con-
tingit esse peccatum mortale.

3. Præterea. Illa quæ secundum se sunt peccata

mor-

mortalia, nunquam possunt bene fieri: sed oscula, & tactus & hujusmodi possunt quandoque fieri absque peccato: ergo non sunt secundum se peccata mortalia.

Sed Contra. Minus est aspectus libidinosus, quam tactus, amplexus, vel osculum: sed aspectus libidinosus est peccatum mortale, secundum illud Matt. 5. *Qui viderit mulierem ad concupiscentum eam, jam marchatus est eam in corde suo: ergo multo magis osculum libidinosum, & alia hujusmodi sunt peccata mortalia.*

Præterea. Cyprianus ad Pomponium de virginitate (*lib. I. epist. II. circ. med.*) dicit: „Certe ipse con-, cubitus, ipse amplexus, ipsa confabulatio, & oscu-, latio, & conjacentium duorum turpis & fœda dor-, mitio, quantum dedecoris & criminis sit, confite-, tur!“ ergo per prædicta homo fit reus criminis, id est, peccati mortalis.

Respondeo dicendum, quod aliquid dicitur esse peccatum mortale *dupliciter*. *Uno modo* secundum speciem suam: et *hoc modo* osculum, amplexus, vel tactus secundum suam rationem non nominant peccatum mortale. Possunt enim hæc absque libidine fieri, vel propter consuetudinem patriæ, vel propter aliquam necessitatem, aut rationabilem causam.

Alio modo dicitur aliquid esse peccatum mortale ex sua causa: sicut ille qui dat eleemosynam, ut aliquem inducat ad hæresim, mortaliter peccat propter intentionem corruptam. Dictum est autem supra, (I. 2. q. 74. a. 7. & 8.) quod consensus in delectationem peccati mortalis est peccatum mortale, & non solum consensus in actu. Et ideo cum fornicatio sit peccatum mortale, & multo magis aliæ luxuria species, consequens est, quod consensus in delectationem talis peccati sit peccatum mortale, & non solum consensus in actu. Et ideo cum oscula, & amplexus hujusmodi propter delectationem hujusmodi fiant, consequens est quod sint peccata mortalia: et sic solum dicuntur libidinosa. Unde hujusmodi, secundum quod libidinosa sunt, sunt peccata mortalia.

Ad primum ergo dicendum, quod Apostolus ideo non resumit illa tria, quia non habent nomen pec-

cati, nisi secundum quod ordinantur ad præcedentia.

Ad secundum dicendum, quod oscula, & tactus, quamvis secundum se non impedian bonum proliis humanae, procedunt tamen ex libidine, quæ est radix hujusmodi impedimenti: & ex hoc habet rationem peccati mortalis.

Ad tertium dicendum, quod ratio illa concludit, quod hujusmodi non sunt peccata secundum suam speciem.

ARTICULUS V.

746

Utrum pollutio nocturna sit peccatum.

3. q. 80. a. 7. cor. 2. 4. dist. 8. a. 4. q. 1. ad 1.
2. q. 1. per tot. 2. opusc. 64. cap. 16.

A

Ad Quintum sic proceditur. Videtur, quod nocturna pollutio sit peccatum. Meritum enim, & demeritum habent fieri circa idem: sed dormiens potest mereri: sicut patet de Salomone, qui dormiens à Domino donum sapientiae impetravit, ut dicitur 3. Reg. 3. & 2. Paral. 1. ergo in dormiendo potest aliquis demereri: & ita videtur, quod nocturna pollutio sit peccatum.

2. Præterea. Quicumque habet usum rationis, potest peccare: sed in dormiendo aliquis habet usum rationis, quia frequenter aliquis in somnis ratiocinatur, & præeligit unum alteri, consentiens, vel dissentiens: ergo in dormiendo potest aliquis peccare: & ita propter somnum nocturna pollutio non impeditur, quin sit peccatum, cum ex genere actus sit peccatum.

3. Præterea. Frustra increpatur & instruitur, qui non potest agere secundum rationem, vel contra rationem: sed homo in somnis instruitur à Deo, & increpatur, secundum illud Job 33. Per somnum in visione nocturna, quando sopor solet occupare homines, tunc aperit aures virorum, & erudiens eos instruit disciplina: ergo in somnis potest aliquis agere secundum rationem, vel contra rationem, quod est bene agere, vel peccare: & sic videtur, quod nocturna pollutio sit peccatum.

Sed

Sed Contra est , quod August. dicit 12. super Gen. ad lit. (cap. 15. in med. tom. 3.) „ ipsa phantasia , quæ fit in cogitatione sermocinantis , cum ita expressa fuerit in visione somniantis , ut inter illam , & veram commixtionem corporum non discernatur , continue movetur caro , & sequitur , quod eum motum sequi solet , cum hoc tam sine peccato fiat , quam sine peccato à vigilantibus dicitur , quod ut dicetur , sine dubio cogitatum est.“

Respondeo dicendum , quod nocturna pollutio dupliter potest considerari. Uno modo secundum se : & hoc modo non habet rationem peccati. Omne enim peccatum dependet ex judicio rationis: quia etiam primus motus sensualitatis non habet quod sit peccatum , nisi in quantum judicio rationis reprimi potest : & ideo , sublatto judicio rationis , tollitur ratio peccati. In dormiendo autem ratio non habet liberum judicium. Nullus enim est dormiens , qui non intendat aliquibus similitudinibus phantasmatum , velut rebus ipsis , ut patet ex his quæ in primo dicta sunt. (q. 84. a. 8.) Et ideo id quod agit homo dormiens , qui non habet liberum judicium rationis , non imputatur ei ad culpam , sicut nec illud quod agit furiosus , aut amens.

Alio modo potest considerari nocturna pollutio per comparationem ad suam causam. Quæ potest esse triplex. Una quidem corporalis. Cum enim humor seminalis superabundat in corpore , vel cum facta est humoris resolutio , vel per nimiam calefactionem corporis , vel quancumque aliam commotionem , somniat dormiens ea quæ pertinent ad expulsionem hujusmodi humoris abundantis , vel resoluti : sicut etiam contingit , quando natura gravatur ex aliqua alia superfluitate , ita quod quandoque formantur in imaginatione phantasma pertinentia ad emissionem talium superfluitatum. „Si igitur superabundantia talis humoris sit ex causa culpabili , (puta cum caussata est ex superfluitate cibi , vel potus) tunc nocturna pollutio habet rationem culpæ ex sua causa. Si autem superabundantia , vel resolutio talis humoris non sit ex aliqua causa culpabili , tunc nocturna pollutio non est culpabilis , nec in se , nec in sua causa.“

Allia

Alia vero causa nocturnæ pollutionis potest esse animalis, & interior; puta cum ex cogitatione præcedenti contingit aliquem dormientem pollui. Cogitatio autem, quæ in vigilia præcessit, quandoque est pure speculativa; puta cum aliquis causa disputationis cogitat de peccatis carnalibus: quandoque autem est cum aliqua affectione vel concupiscentiæ, vel horroris. Contingit autem magis pollutio nocturna ex cogitatione carnalium vitiorum, quæ sunt cum concupiscentia talium delectationum, quia ex hoc remanet quoddam vestigium, & inclinatio in anima; ita quod dormiens faciliter inducitur in sua imaginatione ad assentendum actibus, ex quibus sequitur pollutio. Et secundum hoc Philos. dicit in I. Ethic. (cap. ult. à med. tom. 5.) quod in quantum paulatim pertransirent quidam motus à vigilantibus ad dormientes, meliora sunt phantasmata studiorum, quam quorundam. Et August. dicit 12. super Gen. ad literam (cap. 15. ad fin. tom. 3.) quod propter bonam animæ affectionem quædam ejus merita etiam in somnis clarent. Et sic patet, quod nocturna pollutio habet rationem culpæ ex parte sue causæ. Quandoque tamen contingit, quod ex præcedenti cogitatione carnalium actuum, etiam speculativa, vel si sit cum horrore, sequitur in somnis pollutio: & tunc non habet rationem culpæ, nec in se, nec in sua causa.

Tertia vero causa est spiritualis extrinseca; puta cum ex operatione dæmonis commoventur phantasmata dormientis in ordine ad talem effectum. Et hoc quidem quandoque est cum peccato præcedenti, scilicet negligentia præparandi se contra dæmonis illusiones: unde & in sero cantatur: Hostemque nostrum comprime, ne polluantur corpora. Quandoque vero est absque omni culpa hominis ex sola nequitia dæmonis: sicut in Collationibus Patrum (collat. 22. cap. 6.) legitur de quodam, qui semper in diebus festis pollutionem nocturnam patiebatur, hoc diabolo procurante, ut impediatur à sacra Communione. Sic igitur patet, quod nocturna pollutio nunquam est peccatum, sed quandoque est sequela peccati præcedentis.

Ad primum ergo dicendum, quod Salomon non mensuit in dormiendo sapientiam à Deo, sed fuit signum præ-

præcedentis desiderii, propter quod dicitur talis peti-
tio Deo placuisse, ut August. dicit 12. super Gen. ad
litteram. (cap. 25. in fin. tom. 3.)

Ad secundum dicendum, quod secundum quod vi-
res sensitivæ interiores magis vel minus opprimun-
tur à somno propter vaporis turbulentiam, vel purita-
tem, secundum hoc usus rationis magis vel minus im-
peditor in dormiendo. Semper tamen quantum ad ali-
quid impeditur, ut non possit omnino liberum judi-
cium habere, ut in prima parte dictum est. (q. 84.
a. 8.) Et ideo non imputatur ei ad culpam, quod
tunc agit.

Ad tertium dicendum, quod apprehensio rationis
non ita impeditur in somno, sicut ejus judicium, quod
perficitur per conversionem ad sensibilia, quæ sunt
prima principia cogitationis humanæ. Et ideo nihil pro-
hibet, hominem secundum rationem apprehendere ali-
quid de novo in dormiendo, vel ex ipsis reliquiis præ-
cedentium cogitationum, & phantasmatibus oblatis, vel
etiam ex revelatione divina, aut immissione Angeli
boni, vel mali.

ARTICULUS VI.

747

Utrum stuprum debeat ponî una species luxuriæ.

Supp. a. 1. cor. 2. q. 4. dist. 41. a. 4. q. 1. 2. cor.
2. mal. q. 15. a. 3. cor.

A

Ad Sextum sic proceditur. Videtur, quod stuprum
non debent ponî una species luxuriæ. Stuprum enim im-
portat illicitam virginum deflorationem, ut habetur
in Decretis 36. q. 1. (in appendice Grat. ad C. Lex
illa) Sed hoc potest esse soluti cum soluta; quod per-
tinet ad fornicationem: ergo stuprum non debet ponî
species luxuriæ à fornicatione distincta.

2. Præterea. Ambros. dicit in lib. de Patriarchis
(seu lib. 1. de Abraham, cap. 4. inter princ. 2. med.
tom. 4.) Nemo sibi blandiatur de legibus hominum: om-
ne stuprum adulterium est: sed speciem ex opposito di-
versarum usæ non continetur sub alia; cum ergo adul-
ter-

terium ponatur species luxuriæ , videtur quod stuprum species luxuriæ poni non debeat.

3. Præterea. Inferre alicui injuriam videtur magis ad injustitiam , quam ad luxuriam pertinere : sed ille qui stuprum committit , injuriam facit alteri , sc. patri pueræ , quam corruptit , qui potest ad animum suum injuriam revocare , & agere actione injuriarum contra stupratorem : ergo stuprum non debet poni species luxuriæ .

Sed Contra est , quod stuprum proprie consistit in actu venereo , quo virgo defloratur. Cum igitur luxuria proprie sit circa venerea , videtur quod stuprum sit species luxuriæ .

Respondeo dicendum , quod ubi circa materiam aliquius vitii occurrit aliqua specialis deformitas , ibi debet poni determinata species illius vitii. Luxuria autem est peccatum circa venerea existens , ut supra dictum est : (q. præc. a. 1. & 4.) in virginie autem sub custodia patris existente quedam deformitas specialis occurrit , si corruptitur : tum ex parte pueræ , quæ ex hoc quod violatur nulla pactione conjugali præcedente , & impeditur à legitimo matrimonio consequendo , & ponitur in via meretricandi , à quo retrohebatur , ne signaculum virginitatis ammitteret ; tum etiam ex parte patris , qui de ejus custodia solicitudinem gerit , secundum illud Eccli. 42. *Super filiam luxuriosam confirmata custodiā , ne quando faciat te in opprobrium venire inimicis.* Et ideo manifestum est , quod stuprum quod importat illicitam virginem deflorationem sub cura parentum existentium , est determinata luxuriæ species.

Ad primum ergo dicendum , quod quamvis virgo sit soluta à vinculo matrimonii , non tamen est soluta à patris potestate. Habet etiam speciale impedimentum fornicarii concubitus virginitatis signum , quod non debet nisi per matrimonium auferri. Unde stuprum non est fornicatio simplex , sed fornicatio est concubitus , qui fit cum meretricibus , id est , mulieribus jam corruptis , ut patet per Glossam (interl.) 2. ad Corinth. 12. super illud : *qui non egerunt pœnitentiam propter immunditia , & fornicatione , &c.*

Ad secundum dicendum , quod Ambros. ibi aliter

accipit stuprum, prout scilicet communiter accipitur pro omni peccato luxuriæ. Unde stuprum ibi nominat concubitum viri conjugati cum quacumque alia muliere præter uxorem, quod patet ex hoc quod subdit: *Nec viro licet, quod mulieri non licet.* Et hoc modo etiam accipitur Num. 5. ubi dicitur: *si latet adulterium, & testibus argui non potest, quia non est inventa in stupro,* &c.

Ad tertium dicendum, quod nihil prohibet, unum peccatum ex adjunctione alterius deformius fieri. Fit autem deformius peccatum luxuriæ ex peccato injustitia: quia videtur concupiscentia esse inordinatior, que à delectabili non abstinet, ut injuriam vitet. Habet autem duplìcēm injuriam annexam. *Unam* quidem ex parte virginis, quam etsi non vi corrumpat, tamen eam seducit; & sic tenetur ei satisfacere. Unde dicitur Exod. 22. „Si seduxerit quis virginem nondum despontatam, dormieritque cum ea, dotabit eam, & habebit uxorem. Si autem pater virginis dare noluerit, reddet pecuniam juxta modum dotis, quam virginis accipere conssuerunt.“ Aliam vero injuriam facit patri pueræ: unde & ei secundum tenetur ad pœnam. Dicitur enim Deut. 22. „Si invenerit vir pueram virginem, quæ non habet sponsum, & apprehendens concubuerit cum illa, & res ad judicium venit, dabit qui dormivit cum ea, patri pueræ quinquaginta siclos argenti, & habebit eam uxorem: & quia humiliavit illam, non poterit dimittere eam cunctis diebus vitæ suæ:“ & hoc ideo ne videatur ludibrium fecisse, ut August. dicit, (*in l. QQ. in Deut. quæst. 34. tom. 4.*)

ARTICULUS VII.

748

Utrum raptus sit species luxuriæ distincta à stupro.

Supp. a. 1. cor. & 4. dist. 41. a. 4. q. 1. cor. fin.

& q. 2. cor. & ad 6. & mal. q. 15.

a. 3. cor.

 Ad Septimum sic proceditur. Videtur, quod raptus non sit species luxuriæ distincta à stupro. Dicit enim

enim Isidor. in lib. 5. Etymolog. (cap. 26. ante med.) quod *stuprum*, *Id est*, *raptus*, *propre est illicitus coltus à corrumpendo dictus*: unde *et qui raptu potitur, stupro fruitur*: ergo videtur, quod *raptus* non debeat poni species luxuriæ à stupro distincta.

2. Præterea. *Raptus* videtur quamdam violentiam importare: dicitur enim in Decret. 36. q. 1. (in append. Grat. ad C. Lex illa) quod *raptus committitur, cum puella violenter à domo patris abducitur, ut corrupta in uxorem habentur*: sed hoc quod violentia aliqui inferatur, per accidens se habet ad luxuriam, quæ per se respicit delectationem concubitus: ergo videtur, quod *raptus* non debet poni determinata species luxuriæ.

3. Præterea. Peccatum luxuriæ per matrimonium cohibetur: dicitur enim 1. ad Cor. 7. *Propter fornicationem unusquisque suam uxorem habeat*: sed *raptus* impedit matrimonium sequens: dicitur enim in Concil. Meldensi, (*habet cap. Placuit. 36. q. 2.*) *Placuit, ut hi qui raplunt foeminas, vel furantur, vel seducunt, eas nullatenus habcant uxores, quamvis eas postmodum nuptialiter cum consensu parentum suorum susceperint*: ergo *raptus* non est determinata species luxuriæ.

4. Præterea, Aliquis potest cognoscere suam sponsam absque peccato luxuriæ: sed *raptus* potest committi, si aliquis violenter sponsam suam auferat de domo parentum, & eam carnaliter cognoscat: ergo *raptus* non debet poni determinata species luxuriæ.

Sed Contra est, quod *raptus* est *illicitus coitus*, ut Isid. dicit: (l. 5. Etym. cap. 26. ante med.) sed hoc pertinet ad peccatum luxuriæ: ergo *raptus* est species luxuriæ.

Respondeo dicendum, quod *raptus*, prout nunc de eo loquimur, est species luxuriæ: *et quandoque quidem in idem concurrunt cum stupro*: quandoque autem invenitur *raptus sine stupro*: quandoque vero *stuprum sine raptu*.

Concurrunt quidem in idem, quando aliquis violentiam infert ad virginem illicite deflorandam: quæ quidem violentia quandoque infertur tam ipsi virgini, quam patri: quandoque autem infertur patri: sed non virgini; puta cum ipsa consentit, ut per violentiam

de domo patris absstrahatur. Differt etiam violentia, & raptus alio modo: quia quandoque puella violenter abducitur à domo parentum, & violenter corrumpitur, quandoque autem etsi violenter abducatur, non tamen violenter corrumpitur, sed de voluntate virginis, sive corrumpatur fornicario concubitu, sive matrimoniali, qualitercumque enim violentia adsit, salvatur ratio raptus. Invenitur autem raptus sine stupro; puta si aliquis rapiat viduam, vel puellam corruptam. Unde Symmachus Papa dicit, (*in epist. 5. ad Cæsarium, cap. 4. tom. 4. Concil. 2. hab. cap. Raptore, 36. q. 2.*) *Raptori viduarum, vel virginum ob immanitatem facinoris tanti detestamus. Stuprum vero sine raptu invenitur quando aliquis absque violentiæ illatione virginem illicite deflorat.*

Ad primum ergo dicendum, quod quia raptus plenumque cum stupro in idem concurrit, ideo quandoque unum pro alio ponitur.

Ad secundum dicendum, quod illatio violentiæ videtur procedere ex magnitudine concupiscentiæ, ex qua aliquis non refugit periculo se injicere violentiæ inferendæ.

Ad tertium dicendum, quod aliter est dicendum de raptu puellarum, quæ sunt aliis desponsatae, & aliter de raptu illarum, quæ non sunt aliis desponsatae: illæ enim quæ sunt aliis desponsatae, restituenda sunt suis sponsis, qui in eas ex ipsa desponsatione jus habent: illæ autem quæ non sunt aliis desponsatae, primo restituenda sunt patris potestati; & tunc de voluntate parentum licite possunt eas in uxores accipere: si autem aliter fiat, illicite matrimonium contrahitur: tenetur enim qui quamcumque rem rapit, ad ejus restitutionem. Nec tamen raptus dirimit matrimonium jam contractum, etsi impedit contrahendum. Quod autem dicitur in prædicto Concilio, dictum est in detestationem illius criminis, & est abrogatum. Unde Hieronym. (*hab. cap. Tria, 36. q. 2.*) contrarium dicit: „Tria, inquit, conjugia legitima in Scripturis leguntur. Primum est, virgo casta in virginitate viro data legitimate: secundum est, virgo in civitate deprehensa à viro, & illi per vim copulata, si vo-

lue-

•luerit pater ejus, dotabit eam iste vir , quantum ju-
 „ dicaverit pater, & dabit pretium pudicitiae ejus: ter-
 „ tium autem est, quando aufertur ei , & traditur al-
 „ teri de voluntate patris.“ Vel potest intelligi de il-
 lis quæ sunt aliis desponsatae , & maxime per verba de
 præsentis.

Ad quartum dicendum , quod sponsus ex ipsa des-
 ponsatione habet aliquod jus in sua sponsa , & ideo
 quamvis peccet violentiam inferendo , excusatur tamen
 à crimine raptus. Unde Gelasius Papa dicit , (hab. cap.
Lex , 36. q. 1.) *Lex illa præteriorum Principum ibi*
raptum dixit esse commissum , ubi puella , de cuius ante
ruptilis nihil actum fuerat , videbatur abducta.

ARTICULUS VIII.

749

*Utrum adulterium sit determinata species luxuriæ ab aliis
 distincta.*

4. d. 41. a. 4. q. 2. corp. ♂ mal. q. 15.
 a. 3. corp.

Ad Octavum sic proceditur. Videtur , quod adulte-
 rium non sit determinata species luxuriæ ab aliis dis-
 tincta. Dicitur enim adulterium ex eo , quod aliquis
 ad alteram accedit præter suam , sicut dicit quædam
 Gios. super Exodum : (ordin. sup. illud cap. 20. Non
 mœchaberis : ♂ est August. in lib. QQ. sup. Exod. q. 71.
 à med. tom. 4.) sed alia mulier præter suam potest esse
 diversarum conditionum , scilicet virgo , vel in potes-
 tate patris existens , vel meretrix , vel cujuscumque al-
 terius conditionis : ergo videtur , quod adulterium non
 sit species luxuriæ ab aliis distincta.

2. Præterea. Hieronym. dicit : (lib. 1. cont. Jovin.
 prope fin. ♂ hab. cap. Origo , 32. q. 4.) Nihil interest,
 ex qua causa quis insanitat , unde Xystus Pythagoricus in
 Sententilis : adulter , inquit , est amator ardenter in suam
 uxorem , & pari ratione in quamlibet aliam mulierem:
 sed in omni luxuria est amor ardenter debito : ergo
 adulterium invenitur in omni luxuria , non ergo debet
 ponni luxuriæ species.

Præ*

3. Præterea. Ubi est eadem ratio deformitatis, ibi non videtur esse alia species peccati: sed in stupro, & adulterio videtur esse eadem ratio deformitatis: quia utrobique violatur mulier alienæ potestati subjecta: ergo adulterium non est determinata species luxuriaz ab aliis distincta.

Sed Contra est, quod Leo Papa dicit, (*id hab. Aug. lib. 1. de bono conjug. cap. 4. tom. 6. Vide append. Grat. ad cap. Illæ autem, 32. q. 5.*) quod adulterium committitur, cum propriæ libidinis instinctu, vel alieno consensu cum altero, vel altera contra pactum conjugale concubitur; sed hoc importat specialem deformitatem luxuriaz, ergo adulterium est determinata species luxuriaz.

Respondeo dicendum, quod adulterium, sicut ipsum nomen sonat, est accessus ad alienum torum. In quo quidem dupliciter contra castitatem, & humanæ generationis bonum aliquis delinquit. Primo quidem, in quantum accedit ad mulierem non sibi matrimonio copulatam; quod requiritur ad bonum prolis propriæ educande,

Alio modo, quia accedit ad mulierem alteri per matrimonium copulatam, & sic impedit bonum prolis alienæ. Eadem ratio est de muliere conjugata, quæ per adulterium corrumpitur: unde dicitur *Eccles. 23. Omnis mulier reliquens virum suum peccabit.* Primo enim in *lege Altissimæ incredibilis fuit*, in qua scilicet præcipitur, *non machaberis.* Et secundo in *virum suum delinquit*, in quo facit contra certitudinem prolis ejus: Tertio in adulterio fornicata est, & ex alio viro filios statuit sibi, quod est contra bonum propriæ prolis. Sed primum est commune in omnibus peccatis mortalibus. Alta vero duo specialiter pertinent ad deformitatem adulterii. Unde manifestum est, quod adulterium est determinata species luxuriaz, utpote specialem deformitatem habens circa actus venereos.

Ad primum ergo dicendum, quod si ille, qui habet uxorem, ad aliam accedat, peccatum ejus potest denominari, vel ex parte sua; & sic semper est adulterium, quia contra fidem matrimonii agit: vel ex parte mulieris, ad quam accedit; & sic quandoque est adulterium, puta cum conjugatus accedit ad uxorem alterius;

quan-

quandoque autem habet rationem stupri, vel alicuius alterius, secundum diversas conditiones mulierum, ad quas accedit. Dicitum est autem supra, (a. 1. huj. q.) quod species luxuriæ accipiuntur secundum diversas mulierum conditions.

Ad secundum dicendum, quod matrimonium specialiter est ordinatum ad bonum humanæ prooris, sicut dictum est: (a. 2. huj. q.) adulterium autem specialiter matrimonio contrariatur, in quantum violat matrimonii fidem, quam quis conjugi debet. Et quia ille, qui est ardentior amator uxoris, facit contra bonum matrimonii, inhoneste eo uteus, licet fidem non violet, ideo aliqualiter potest adulter nominari, & magis ille, qui est ardentior amator alterius mulieris.

Ad tertium dicendum, quod uxor est in potestate viri, sicut ei matrimonio copulata: puella autem est sub potestate patris, sicut per eum matrimonium copulanda. Et ideo alio modo contra bonum matrimonii est peccatum adulterii, alio modo peccatum stupri. Et propter hoc ponuntur diversæ luxuriæ species. De aliis autem ad adulterium pertinentibus dicetur in tertia parte, (sed non absolvit, vñd. 4. dist. 42.) cum de matrimonio tractabitur.

ARTICULUS IX.

750

Utrum Incestus sit determinata species luxuriæ.

Supp. a. 1. corp. 2^o 4. d. 41. a. 4. q. 1. 2^o 2. corp. 2^o mal. q. 15. a. 3. corp.

A

*L*aud Nonum sic proceditur. Videtur, quod incestus non sit species determinata luxuriæ. Incestus enim dicitur per privationem castitatis: sed castitati universaliter opponitur luxuria: ergo videtur, quod incestus non sit species luxuriæ, sed sit universaliter ipsa luxuria.

2. Præterea. In Decretis dicit. 36. q. 1. (*in append. Grat. ad cap. Lex illi*) quod incestus est consanguineorum, vel afflinum abusus: sed affinitas differt à consanguinitate, ergo incestus non est una species luxuriæ, sed plures.

Præ-

3. Præterea. Illud, quod de se non importat aliquam deformitatem, non constituit aliquam determinatam speciem vitii: sed accedere ad consanguineas, vel affines, non est secundum se deformis; alias nullo tempore licuisset, ergo incestus non est determinata species luxuriae.

Sed Contra est, quod species luxuriae distinguuntur secundum conditiones mulierum, quibus aliqui abutuntur: sed in incestu importatur specialis conditio mulierum; quia est abusus consanguineorum, vel affinum, ut dictum est, (*In arg. 2. & a. 1. huj. q.*) ergo incestus est determinata species luxuriae.

Respondeo dicendum, quod sicut dictum est, (*a. 1. & 6. huj. q.*) ibi necesse est inveniri determinatam speciem luxuriae, ubi invenitur aliquid repugnans usui debito venereorum. In usu autem consanguinearum, vel affinum iuvenitur aliquid incongruum cominixtioni venereæ triplici ratione. Primo quidem, quia naturaliter homo debet quandam honorificantiam parentibus, & per consequens aliis consanguineis, qui ex eisdem parentibus de propinquuo originem trahunt; in tantum quod apud antiquos, ut Valerius Maximus refert, (*lib. 2. cap. 1. num. 7.*) non erat fas filium simul cum patre balneari, ne scilicet se invicem nudos conspicerent, manifestum est autem secundum prædicta, (*q. 142. a. 4. & q. 151. a. 4.*) quod in actibus venereis maxime consistit quedam turpitudo honorificantie contraria, unde de his homines verecundantur. Et ideo incongruum est, quod talis commissio venerea fiat talium personarum adinvicem. Et hæc causa videtur exprimi Levit. 18. ubi dicitur: *Mater tua est, non revelabis turpitudinem ejus.* Et idem postea dicitur in aliis. Secunda ratio est, quia personas sanguine conjunctas necesse est adinvicem simul conversari. Unde si homines non arcerentur à commissione venerea, nimia opportunitas daretur hominibus venereæ commissionis; & sic animi hominum nimis emollescerent per luxuriam. Et ideo in veteri lege illæ personæ specialiter videantur prohibitæ esse, quas necesse est simul conmorari. Tertia ratio est, quia per hoc impediretur multiplicatio amicorum. Dum enim homo uxorem extraneam accipit, junguntur sibi quadam specia-

ciali amicitia omnes consanguinei uxoris, ac si essent consanguinei sui. Unde August. dicit 15. de civ. Dei: (cap. 16, cir. princ. tom. 5.) *Habita est ratio rectissima charitatis, ut homines, quibus esset utilis, atque honesta concordia, diversarum vicissitudinum vinculis necterentur, nec unius in una multas haberet, sed singulæ spargerentur in singulos.* Addit etiam Aristotel. quartam rationem in 2. Polit. (cap. 2. cir. med. tom. 5.) quia cum naturaliter homo consanguineam diligat, si addetur amor, qui est ex commissione venerea, fieret nimius ardor amoris, & maximum libidinis incentivum; quod castitati repugnat. Unde manifestum est, quod incestus est determinata luxuria species.

Ad primum ergo dicendum, quod abusus conjunctarum personarum maxime induceret corruptelam castitatis, tum propter opportunitatem, tum etiam propter nimium ardorem amoris, ut dictum est: (*la corp. a.*) & ideo antonomastice abusus talium personarum vocatur incestus.

Ad secundum dicendum, quod persona affinis conjugitur alicui propter personam consanguinitate conjunctam. Et ideo quia unum est propter alterum, ejusdem rationis inconvenientiam facit consanguinitas, & affinitas.

Ad tertium dicendum, quod in commissione personarum conjunctarum aliquid est, quod est secundum se indecens, & repugnans naturali rationi; sicut quod commissio fiat inter parentes, & filios, quorum est per se, & immediata cognatio: nam filii naturaliter honorem debent parentibus. Unde Philos. dicit in 9. de animal. (cap. 47. tom. 4.) quod quidam equus, qui deceptus fuit, ut matri commiseretur, seipsum præcipitavit quasi præ horrore: eo quod etiam animalibus aliquibus inest naturalis reverentia ad parentes. Aliæ vero personæ, quæ non conjunguntur secundum seipsas, sed per ordinem ad parentes, non habent ita ex seipsis indecentiam: sed variatur circa hoc decentia, vel indecentia secundum consuetudinem, & legem humanam, vel divinam: quia, ut dictum est, (*a. 2. huj. q.*) usus venereorum, qui ordinatur ad bonum commune, sub jacet legi. Et ideo, sicut August. dicit 15. de civ. Dei,

(cap. 16. cir. princ. tom. 5.) *Commixtio sororum*, & fratribus quanto fuit antiquior, compellente necessitate, tamen postea facta est damnabilior, religione prohibente.

ARTICULUS X.

251

Utrum Sacrilegium possit esse species luxuriæ.

*Supp. a. 1. ad 3. & 4. d. 41. a. 4. q. 2.
ad 7.*

And Decimum sic proceditur. Videtur, quod sacrilegium non possit esse species luxuriæ. Eadem enim species non invenitur sub diversis generibus non subalternatim positis: sed sacrilegium est species irreligiositatis, ut supra dictum est, (q. 99.) ergo sacrilegium non debet ponî species luxuriæ.

2. Præterea, In Decret. 36. q. 1. (*in append. Grat. ad cap. Lex illa*) sacrilegium non ponitur inter alia, quæ ponuntur species luxuriæ: ergo videtur, quod non sit luxuriæ species.

3. Præterea, Sicut per luxuriam contingit aliquid fieri contra aliquam rem sacram, ita etiam per alia vitiorum genera: sed sacrilegium non ponitur species gulæ, aut alterius hujusmodi vitii: ergo etiam non debet poni species luxuriæ.

Sed Contra est, quod August. dicit 15. de civ. Dei, (cap. 16. à med. tom. 5.) quod *si iniquum est aviditate possidendi transgredi limitem agrorum, quanto est iniquius libidine concubandi subvertere limitem morum.* Sed transgredi limitem agrorum in rebus sacris est peccatum sacrilegii, ergo pari ratione subvertere limitem morum libidine concubandi in rebus sacris facit sacrilegii vitium: sed libido concubandi pertinet ad luxuriam: ergo sacrilegium est luxuriæ species.

Respondeo dicendum, quod, sicut supra dictum est, (implic. q. 99. a. 1. & a. 2. ad 2. & 1. 2. q. 18.) a. 7.) actus virtutis, vel vitii ordinatus ad finem alterius, assumit speciem illius: sicut furtum, quod propter adulterium committitur, transit in speciem adulterii. Manifestum est autem, quod observatio castitatis,

Tem. VII.

N

se-

secundum quod ordinatur ad cultum Dei, fit actus religionis, ut patet in illis qui vovent, & servant virginitatem, ut patet per August. in libro de virginit. (cap. 8. tom. 6.) Unde manifestum est, quod etiam luxuria, secundum quod violat aliquid ad divinum cultum pertinens, pertinet ad speciem sacrilegii. Et secundum hoc sacrilegium potest ponu species luxuriæ.

Ad primum ergo dicendum, quod luxuria, secundum quod ordinatur ad finem alterius vitii, efficitur illius vitii species. Et sic aliqua luxuriæ species potest etiam esse species irreligiositatis, sicut cujusdam superioris generis.

Ad secundum dicendum, quod ibi enumerantur illa, quæ sunt species luxuriæ secundum seipsa. Sacrilegium autem est species luxuriæ, secundum quod ordinatur ad alterius vitii finem, & potest concurrere cum diversis luxuriæ speciebus. Si enim aliquis abutatur persona conjuncta sibi secundum spiritualem cognationem, committit sacrilegium ad modum incestus: si autem abutatur virgine Deo sacra, in quantum est sponsa Christi, est sacrilegium per modum adulterii: in quantum vero est sub spiritualis patris cura constituta, erit quoddam spirituale stuprum: & si violentia inferatur, spiritualis raptus: qui etiam secundum leges civiles gravius punitur, quam aliis raptus. Unde Justinianus Imperator dicit: (*I. Si quis. C. de Episc. & Cler.*) *Si quis, non dicam rapere, sed attentare tantummodo matrimonii conjugendi causa sacratissimas virgines ausus fuerit, capitali pena seriatur.*

Ad tertium dicendum, quod sacrilegium committitur in re sacrata. Res autem sacrata est, vel persona sacrata, quæ concupiscitur ad concubitum, & sic pertinet ad luxuriam: vel quæ concupiscitur ad possidendum; & sic pertinet ad injustitiam. Potest etiam ad iram pertinere sacrilegium; puta si aliquis ex ira injuriam inferat personæ sacræ, vel si gulose cibum sacrum assumat, sacrilegium committit. Specialius tamen sacrilegium attribuitur luxuriæ, quæ opponitur castitati, ad cuius observantiam aliquæ personæ specialiter consequantur.

ARTICULUS XI.

752

Utrum vitium contra naturam sit species luxuriæ.

4. d. 41. a. 4. q. 2.

Ad Undecimum sic proceditur. Videtur, quod vitium contra naturam non sit species luxuriæ. Quia in predicta enumeratione specierum luxuriæ, (a. 1. huj. q.) nulla fit mentio de vitio contra naturam, ergo non est species luxuriæ.

2. Præterea. Luxuria opponitur virtuti: & ita sub malitia continetur: sed vitium contra naturam non continetur sub malitia, sed sub bestialitate, ut patet per Philos. in 7. Ethic. (cap. 5. tom. 5.) ergo vitium contra naturam non est species luxuriæ.

3. Præterea. Luxuria consistit circa actus ad generationem humanam ordinatos, ut patet ex supradictis. (q. præc. a. 1.) Sed vitium contra naturam consistit circa actus, ex quibus non potest generatio sequi: ergo vitium contra naturam non est species luxuriæ.

Sed Contra est, quod 2. Cor. 12. connumeratur aliis luxuriæ speciebus, ubi dicitur: *Et non egerunt penitentiam super immunditia, & fornicatione, & impudicitia: ubi dicit Glos. (interl.) immunditia, id est, luxuria contra naturam.*

Respondeo dicendum, quod, sicut supra dictum est, (a. 6. & 9. huj. q.) ibi est determinata luxuriæ species, specialis ubi ratio deformitatis occurrit, quæ facit indecentem actum venereum. Quod quidem potest esse *dupliciter*. *Uno* quidem modo, quia repugnat rationi rectæ; quod est commune in omni vitio luxuriæ,

Alio modo, quia etiam super hoc repugnat ipsi ordini naturali venerei actus, qui convenit humanæ speciei, quod dicitur *vitium contra naturam*. Quod quidem potest *pluribus modis contingere*. *Uno* quidem modo, si absque omni concubitu causa delectationis venereæ pollutione procuretur; quod pertinet ad peccatum *immundi-*

tiæ, quam quidam *mollitiem* vocant. *Alio modo*, si fiat per concubitum ad rem non ejusdem speciei, quod vocatur *bestialitas*. *Tertio* si fiat per concubitum ad non debitum sexum, puta masculi ad masculum, vel feminæ ad foemina, ut Apostolus dicit ad Rom. 1, quod dicitur *Sodomiticum vitium*. *Quarto* si non servetur naturalis modus concubandi, aut quantum ad instrumentum non debitum, aut quantum ad alios monstruosos, & bestiales concubandi modes.

Ad primum ergo dicendum, quod ibi enumerantur species luxuriæ, quæ non repugnant humanæ naturæ, & ideo prætermittitur vitium contra naturam.

Ad secundum dicendum, quod bestialitas differt à malitia, quæ humanæ virtuti opponitur per quemdam excessum circa eamdem materialia: & ideo ad idem genus reduci potest.

Ad tertium dicendum, quod luxuriosus non intendit generationem humanam, sed delectationem venereum, quam potest aliquis experiri sine actibus, ex quibus sequitur humana generatio. Et hoc est, quod quæritur in vitio contra naturam.

ARTICULUS XII.

753

Utrum vltium contra naturam sit maximum peccatum inter species luxuriæ.

*In 1. q. 170. a. 1. ad 2. & 1. 2. q. 73. a. 7. c. 4.
d. 41. a. 4. q. 3. c. fin.*



*L*ad Duodecimum sic proceditur. Videtur, quod vitium contra naturam non sit maximum peccatum inter species luxuriæ. Tanto enim aliquod peccatum est gravius, quanto magis contrariatur charitati: sed magis videntur contrariari charitati proximi adulterium, & stuprum, & raptus, quæ vergunt in injuriam proximi, quam peccata contra naturam, per quæ nullus alteri injuriatur: ergo peccatum contra naturam non est maximum inter species luxuriæ.

2. Præterea. Illa peccata videntur esse gravissima, quæ contra Deum committuntur: sed sacrilegium di-

recte committitur contra Deum : quia vergit in injuriam divini cultus : ergo sacrilegium est gravius peccatum , quam vitium contra naturam,

3. Praeterea. Tanto aliquod peccatum videtur esse gravius , quanto exercetur in personam quam magis diligere debemus : sed secundum ordinem charitatis magis debemus diligere personas nobis conjunctas , quæ polluuntur per incestum , quam personas extraneas , quæ interdum polluuntur per vitium contra naturam : ergo incestus est gravius peccatum quam vitium contra naturam.

4. Praeterea. Si vitium contra naturam est gravissimum , videtur , quod tanto sit gravius , quanto est magis contra naturam : sed maxime videtur esse contra naturam peccatum immunditiæ , seu mollitiei ; quia hoc videtur esse maxime secundum naturam , ut alterum sit patiens : ergo secundum hoc immunditia esse gravissimum inter vicia contra naturam : hoc autem est falsum : ergo vicia contra naturam non sunt gravissima inter peccata luxuriæ.

Sed Contra est quod August. dicit in lib. de adulter. conjug. (hab. in lib. de bono conjug. cap. 9. & 12. & hab. cap. Adulterii 32. q. 7.) quod omnium horum vitiiorum , scilicet quæ ad luxuriam pertinent , pessimum est , quod contra naturam fit.

Respondeo dicendum , quod in quolibet genere pessima est principii corruptio , ex quo alia dependent. Principia autem rationis sunt ea , quæ sunt secundum naturam. Nam ratio , præsuppositis his , quæ sunt à natura determinata , disponit alia , secundum quod convenit. Et hoc apparet tam in speculativis , quam in practicis. Et ideo sicut in speculativis error circa ea , quorum cognitio est homini naturaliter indita , est gravissimus , & turpissimus : ita in agendis agere contra ea , quæ sunt secundum naturam determinata est gravissimum , & turpissimum. Quia ergo in vitiis quæ sunt contra naturam , transgreditur homo id quod est secundum naturam determinatum circa usum venereum , inde est , quod in tali materia hoc peccatum est gravissimum.

Post quod est incestus , qui , sicut dictum est , (c. 9.

huj. q.) est contra naturalem reverentiam, quam personis conjunctis debemus. Per alias autem luxuriæ species præteritur solum id, quod est secundum rationem rectam determinatum, ex præsumptione tamen naturalium principiorum. Magis autem repugnat rationi, quod aliquis venereis utatur, non solum contra id quod convenit proli generandæ, sed etiam cum injuria alterius. Et ideo fornicatio simplex, quæ committitur sine injuria alterius personæ, est minima inter species luxuriæ. Major autem injuria est, si quis abutatur muliere alterius potestati subjecta ad usum generationis, quam ad solam custodiam. Et ideo adulterium est gravius, quam stuprum: et utrumque aggravatur per violentiam. Propter quod raptus virginis est gravius, quam stuprum & raptus uxoris, quam adulterium: et hæc omnia etiam aggravantur secundum rationem sacrilegii, ut supra dictum est. (art. 10. *huj. q. ad 2.*)

Ad peccatum ergo dicendum, quod sicut ordo rationis rectæ est ab homine, ita ordo naturæ est ab ipso Deo. Et ideo in peccatis contra naturam, in quibus ipse ordo naturæ violatur, fit injuria ipsi Deo ordinatori naturæ. Unde Agust. dicit in 3. Confess. (cap. 8. circ. præluc. tom. 1.) *Flagitia, quæ sunt contra naturam, ubique, ac semper detestanda, atque punienda sunt;* qualia Sodomitarum fuerunt, quæ si omnes gentes facerent, omnes eodem criminis reatu divina lege tenerentur, quæ non sic fecit homines, ut se illo uterentur modo, violatur quippe ipsa societas, quæ cum Deo nobis esse debet cum eadem natura, cuius ille auctor est, libidinis perversitate polluitur.

Ad secundum dicendum, quod etiam vitia contra naturam sunt contra Deum, ut dictum est, (*In solut. preced.*) & tanto sunt graviora, quam sacrilegii & corruptela, quanto ordo naturæ humanæ inditus est prior, & stabilior, quam quilibet aliis ordo superaditus.

Ad tertium dicendum, quod unicuique individuo magis est conjuncta natura speciei, quam quocumque aliud individuum. Et ideo peccata, quæ sunt contra naturam speciei, sunt graviora.

Ad quartum dicendum, quod gravitas in peccato

magis atenditur ex abusu alicujus rei, quam ex omissione debiti usus. Et ideo inter vitia, quæ sunt contra naturam, infimum locum tenet peccatum immunditiae quod consistit in sola omissione concubitus ad alterum. Gravissimum autem est peccatum bestialitatis: quia non servatur debita species. Unde super illud Gen. 37. Accusavit fratres suos de criminе pessimo, dicit Glossa (*interlin.*) quod cum pecoribus miscebantur. Post hoc autem est vitium Sodomiticum, quod ibi non servetur debitus sexus. Post hoc autem est peccatum ex eo, quod non servatur debitus modus concubandi. Magis autem si non sit debitum vas, quam si sit inordinatio secundum aliqua alia pertinentia ad modum concubitus.

QUÆSTIO CLV.

De partibus potentialibus Temperantie, & primo de Continentia, in quatuor articulos divisa.

Prostea considerandum est de partibus potentialibus Temperantie.

Et primo. De Continentia.

Secundo. De Clementia.

Tertio. De Modestia.

Circa primam considerandum est de Continentia, & de Incontinentia,

Circa Continentia queruntur quatuor.

Primo. Utrum Continentia sit virtus.

Secundo. Quæ sit materia ejus.

Tertio. Quod sit ejus subjectum.

Quarto. De comparatione ejus ad Temperantiam.

ARTICULUS I.

754

Uirum Continentia sit virtus.

1. 2. q. 85. a. 2. 3. ad 2. 29 3. q. 7. a. 2. ad 3. 29
ver. q. 14. a. 1. cor. fin.

A

ad Primum sic proceditur. Videtur, quod Continentia non sit virtus. Species enim non condividitur generi, sed continentia condividitur virtuti, ut patet per Philos. in 7. Ethic. (cap. 1. in princ. 29 cap. 9. tom. 5.) ergo continentia non est virtus.

2. Præterea. Nullus utendo virtute peccat; quia secundum Agust. in lib. 2. de lib. arbit. (cap. 18. 29. tom. 1.) *Virtus est, qua nemo male utitur*: sed aliquis continendo potest peccare, puta si desideret aliquod bonum facere, & ab eo se contineat: ergo continentia non est virtus.

3. Præterea. Nolla virtus retrahit hominem à licitis, sed solum ab illicitis: sed continentia retrahit hominem à licitis, dicit enim Glos. (interl. super illud *Fides modestia, &c.*) Gal. 5. quod per continentiam aliquis se etiam à licitis abstinet: ergo continentia non est virtus.

Sed Contra. Omnis habitus laudabilis videtur est virtus: sed continentia est hujusmodi, dicit enim Aduonicus, quod *continentia est habitus invictus à delectatione*: ergo continentia est virtus.

Respondeo dicendum, quod nomen continentiae duplice sumitur à diversis. Quidam enim continentiam nominant, per quam aliquis ab omni delectatione venera abstinet. Unde & Apostolus ad Gal. 5. continentiam cœstati conjungit. Et sic continentia perfecta principalis quidem est virginitas, secundaria vero viuitas. Unde secundum hoc eadem ratio est de continentia, quæ de virginitate, quam supra diximus virtutem. (q. 152. a. 3.)

Alli vero dicunt, continentiam esse, per quam aliquis resistit concupiscentiis pravis, quæ in eo vehementer existunt. Et hoc modo accipit Philosophus

CON-

continentiam in 7. Ethic. Hoc etiam modo accipitur continentia in Collationibus Patrum. (collat. 12. cap. 10. & 11.) Hoc autem modo continentia habet aliquid de ratione virtutis, in quantum scilicet ratio firmata est contra passiones, ne ab eis deducatur: non tamen attingit ad perfectam rationem virtutis moralis, secundum quam etiam appetitus sensitivus subditur rationi. sic, ut in eo non insurgant vehementes passiones rationi contrariae. Et ideo Philosoph. dicit in 4. Ethic. (cap. ult. tom. 5.) quod continentia non est virtus, sed quædam mixta, in quantum scil. habet aliquid de virtute, & in aliquo deficit à virtute.

Largius tamen accipiendo nomen virtutis pro quo libet principio laudabilium operum, possumus dicere, continentiam esse virtutem.

Ad primum ergo dicendum, quod Philosoph. continentiam condividit virtuti quantum ad hoc, in quo deficit à virtute.

Ad secundum dicendum, quod homo proprie est id quod est secundum rationem. Et ideo ex hoc dicitur aliquis in se ipso se tenere, quod tenet se in eo quod convenit rationi. Quod autem pertinet ad perversitatem rationis, non est conveniens rationi. Unde ille solus vere continens dicitur, qui tenet se in eo quod est secundum rationem rectam, non autem in eo, quod est secundum rationem perversam. Rationi autem rectæ opponuntur concupiscentiæ pravæ, sicut & rationi perversæ opponuntur concupiscentiæ bonæ: & ideo proprie, & vere continens est, qui persistit in ratione recta, abstinentia à concupiscentiis pravis; non autem qui persistit in ratione perversa, abstinentia à concupiscentiis bonis; sed hic magis potest dici obstinatus in malo.

Ad tertium dicendum, quod Glossa ibi loquitur de continentia secundum primum modum, secundum quem continentia nominat quamdam virtutem perfectam, quæ non solum abstinet ab illicitis bonis, sed etiam à quibusdam licitis minus bonis, ut totaliter intendatur perfectioribus bonis.

ARTICULUS II.

755

Utrum materia continentiae sint concupiscentiae delectationum tactus.

Ad Secundum sic proceditur. Videtur, quod materia continentiae non sint concupiscentiae delectationum tactus. Dicit enim Ambros. in 1. de Offic. (cap. 46. circ. princ.) Generale decorum ita est, ac si æquabilium formam, atque universitatem honestatis habeat in omni actu suo continentem: sed non omnis actus humanus pertinet ad delectationes tactus: ergo continentia non est solum circa concupiscentias delectationum tactus.

2. Præterea. Nomen continentia ex hoc sumitur, quod aliquis tenet se bono rationis rectæ, sicut dictum est: (a. præc.) sed quædam aliæ passiones vehementius abducunt hominem à ratione recta, quam concupiscentiae delectabilium tactus: sicut timor periculorum mortis, qui stupescit hominem; & ira, quæ est inanizæ similis, ut Seneca dicit: (lib. 1. de ira, cap. 1.) ergo continentia non dicitur proprie circa concupiscentias delectationum tactus.

3. Præterea. Tullius dicit in 2. Rhet. (seu de Invent. aliquant. ant. fin.) quod continentia est, per quam cupiditas consilii gubernatione regitur: cupiditas autem magis consuevit dici divitiarnm, quam delectabilium tactus, secundum illud 1. Timot. ult. Radix omnium malorum est cupiditas: ergo continentia non est proprie circa concupiscentias delectationum tactus.

4. Præterea. Delectationes tactus non solum sunt in rebus venereis, sed etiam in usu ciborum: sed continentia solum circa usum venereorum consuevit dici: ergo nou est propria materia ejus concupiscentia delectationum tactus.

4. Præterea. Inter delectationes tactus quædam sunt non humanæ, sed bestiales, tam in cibis utpote si quis delectaretur in esu carnium humanarum, quam etiam in venereis, puta in abusu bestiarum, vel puerorum: sed circa hujusmodi non est continentia, ut dicitur in 7. Ethic. (cap. 5. tom. 5.) non ergo pro-

propria materia continentiae sunt concupiscentiae delectationum tactus.

Sed Contra est, quod Philosophus dicit in 7. Eth. (cap. 5. tom. 4.) quod continentia, & incontinentia sunt circa eadem, circa quæ temperantia & intemperantia: sed temperantia, & intemperantia sunt circa concupiscentias delectationum tactus, ut supra habitum est: (quæstione 141. articulo 4.) ergo etiam continentia, & incontinentia sunt circa eamdem materiam.

Respondeo dicendum, quod nomen continentiae refrænationem quandam importat; in quantum scilicet tenet se aliquis, ne passiones sequatur. Et ideo proprie continentia dicitur circa illas passiones, quæ impellunt ad aliquid prosequendum, in quibus laudabile est ut ratio retrahat hominem à prosequendo: non autem proprie est circa illas passiones, quæ important retractationem quandam; sicut timor, & alia hujusmodi. In his enim laudabile est firmitatem servare in prosequendo, quod ratio dictat, ut supra dictum est: (quæst. 123. articulo 3. & 4.)

Est autem considerandum, quod naturales inclinations principia sunt omnium supervenientium, ut supra dictum est. (elicitur ex quæst. 26. a. 3. 7. & 8.) Et ideo passiones tanto vehementius impellunt ad aliiquid prosequendum, quanto magis sequuntur inclinationem naturæ, quæ præcipue inclinat ad ea quæ sunt sibi necessaria, vel ad conservationem individui, sicut sunt cibi, vel ad conservationem speciei, sicut sunt actus venerei, quorum delectationes ad tactum pertinent. Et ideo continentia, & incontinentia proprie dicuntur circa concupiscentias delectationum tactus.

Ad primum ergo dicendum, quod sicut nomen temperantiae potest communiter accipi in quacumque materia; proprie tamen dicitur in illa materia, in qua est optimum hominem refrænari: ita etiam continentia proprie dicitur in materia, in qua est optimum, & difficillimum contineri, scil. in concupiscentiis delectationum tactus; communiter autem, & secundum quid potest dici in quacumque alia materia. Et hoc modo ntitur Ambrosius nomine continentiae.

Ad secundum dicendum, quod circa timorem non

proprie laudatur continentia , sed magis firmitas animi , quam fortitudo importat. Ira autem impetum quidem facit ad aliquid prosequendum. Iste tamen impetus magis sequitur apprehensionem animalem , prout scilicet aliquis apprehendit se esse ab alio læsum , quam inclinationem naturalem. Et ideo dicitur quidem aliquis secundum quid continens iræ non tamen simpliciter.

Ad tertium dicendum , quod hujusmodi exteriora bona , sicut honores , divitiæ , & hujusmodi , ut Philosophus dicit in septimo Ethicorum , (cap. 4. à princ. tom. 5.) videntur quidem secundum se esse eligibilia , non autem quasi necessaria ad conservationem naturæ. Et ideo circa ea non dicimus simpliciter aliquos continentes , vel incontinentes , sed secundum quid: apponendo quod sint continentes , vel incontinentes lucri , vel honoris , vel alicujus hujusmodi. Et ideo vel Tullius communiter usus est nomine continentiae , prout comprehendit sub se etiam continentiam secundum quid: vel accipit cupiditatem stricte pro concupiscentia delectabilium tactus.

Ad quartum dicendum , quod delectationes venereorum sunt vehementiores , quam delectationes ciborum. Et ideo circa venerea magis consuevimus continentiam , & incontinentiam dicere , quam circa cibos : licet secundum Philosophum circa utrumque possit dici.

Ad quintum dicendum quod continentia est bonum rationis humanæ : & ideo attenditur circa passiones , quæ possunt esse homini connaturales. Unde Philosophus dicit in 7. Ethicor. (cap. 5. à med. tom. 5.) quod si aliquis tenens puerum concupiscat eum , vel comedere , vel ad venereorum inconvenientem delectationem , sive sequatur concupiscentiam , sive non , non dicetur simpliciter continens , sed secundum quid.

ARTICULUS III.

75

Utrum subjectum continentiae sit vis concupisibilis.

*Supp. q. 53. a. 5. ad 3. Ὡ 1. 2. q. 58. a. 5. ad 20.
Ω 3. dist. 33. q. 2. a. 4. q. 2. Ὡ 7. Ethicor.
lect. 10.*

A

Ad Tertium sic proceditur. Videtur, quod subiectum continentiae sit vis concupisibilis. Subjectum enim alicujus virtutis oportet esse proportionatum materiæ: sed materia continentiae, sicut dictum est, (articulo præcedenti) sunt concupiscentiæ delectabilium tactus quæ pertinent ad vim concupisibilem: ergo continentia est in vi concupisibili.

2. Præterea. Opposita sunt circa idem: sed incontinentia est in concupisibili, cujus passiones superant rationem: dicit enim Andronicus, quod *incontinentia est militia concupisibilis*, secundum quam eligit pravas delectationes, prohibente rationali: ergo & continentia pari ratione est in concupisibili.

3. Præterea. Subjectum virtutis humanæ vel est ratio, vel vis appetitiva, quæ dividitur in voluntatem concupisibilem, & irascibilem: sed continentia non est in ratione; quia sic esset virtus intellectualis: neque etiam in voluntate; quia continentia est circa passiones, quæ non sunt in voluntate: nec etiam est in irascibili; quia non est proprie circa passiones irascibilis, ut dictum est: (a. præc. ad 2.) ergo relinquuntur, quod sit in concupisibili.

Sed Contra. Omnis virtus in aliqua potentia existens auferit malum actum illius potentiae: sed continentia non auferit malum actum concupisibilis: habet enim continens concupiscentias pravas, ut Philos. dicit in 7. Ethic. (cap. 9. circ. fin. tom. 5.) ergo continentia non est in concupisibili.

Respondeo dicendum, quod omnis virtus in aliquo subjecto existens facit illud differre à dispositione, quam habet, dum subjicitur opposito vitio. Concupisibilis autem eodem modo se habet in eo qui est continens, & in eo, qui est incontinentis, quia in utroque prorumpit in

con-

concupiscentias vehementes. Unde manifestum est, quod continentia non est in concupiscibili, sicut in subiecto.

Similiter etiam ratio eodem modo se habet in utroque, quia tam continens, quam incontinens habet rationem rectam; & uterque extra passionem existens gerit in proposito concupiscentias illicitas non sequi. Prima autem differentia eorum invenitur in electione: quia continens, quamvis patiatur vehementes concupiscentias, tamen eligit non sequi eas propter rationem: incontinens autem eligit sequi eas, non obstante contradictione rationis. Et ideo oportet, quod continentia sit, sicut in subiecto, in illa vi animæ, cuius actus est electio. Et hæc est voluntas, ut supra habituim est. (1. 2. q. 13. a. 5.)

Ad primum ergo dicendum, quod continentia habet materiam concupiscentias delectationum tactus, non sicut quas moderetur, (quod pertinet ad temperantiam, quæ est in concupiscibili) sed est circa eas, quasi eis resistens. Unde oportet, quod sit in alia vi; quia resistentia est alterius ad alterum.

Ad secundum dicendum, quod voluntas media est inter rationem, & concupiscibilem, & potest ab utroque moveri. In eo autem, qui est continens, movetur à ratione; in eo autem, qui est incontinens, movetur à concupiscibili. Et ideo continentia potest attribui rationi, sicut primo moventi, & incontinentia concupiscibili: quamvis utrumque immediate pertineat ad voluntatem, sicut ad proprium subiectum.

Ad tertium dicendum, quod licet passiones non sint in voluntate, sicut in subiecto; est tamen in potestate voluntatis eis resistere: et hoc modo voluntas continentis resistit concupiscentiis.

ARTICULUS IV.

757

Utrum continentia sit melior, quam temperantia.

A

Ad Quartum sic proceditur. Videtur, quod continentia sit melior, quam temperantia. Dicitur enim Eccles. 26. Omnis ponderatio non est digna continentis animæ: ergo nulla virtus potest continentia adæquare.

Prae-

2. Præterea. Quanto aliqua virtus meretur majus præmium , tanto potior est : sed continentia videtur mereri majus præmium , dicitur enim 2. ad Timoth. 2. Non coronabitur , nisi qui legitime certaverit : Magis autem certat continens , qui patitur vehementes passiones , & concupiscentias pravas , quam temperatus , qui non habet eas vehementes : ergo continentia est potior virtus , quam temperantia .

3. Præterea. Voluntas est dignior potentia , quam vis concupisibilis : sed continentia est in voluntate itemperantia autem in vi concupisibili , ut ex dictis patet . (a. præc. in cor. 2 ad 1.) ergo continentia est potior virtus , quam temperantia .

Sed Contra est , quod Tullius , (lib. 2. de Invent. aliquant. ante fin.) & Andronicus ponunt continentiam adjunctam temperantiae , sicut principali virtuti .

Respondeo dicendum , quod , sicut supra dictum est , (a. 1. huj. q.) nomen continentiae dupliciter accipitur . Uno modo , secundum quod importat cessationem ab omnibus delectationibus venereis : et sit sumendo nomen continentiae , continentia est potior temperantia simpliciter dicta ; ut patet ex his , quæ supra dicta sunt , (q. 152. a. 5.) de præminentia virginitatis ad castitatem simpliciter dictam .

Alio modo potest accipi nomen continentiae , secundum quod importat resistantiam rationis ad concupiscentias pravas , quæ sunt in homine vehementes : et secundum hoc temperantia est multo potior , quam continentia ; quia bonum virtutis laudabile est ex eo , quod est secundum rationem . Plus autem viget bonum rationis in eo , qui est temperatus , in quo etiam ipse appetitus sensitivus est subjectus rationi , & quasi à ratione edomitus , quam in eo , qui est continens , in quo appetitus sensitivus vehementer resistit rationi per concupiscentias pravas .

Unde continentia comparatur ad temperantiam , sicut imperfectum ad perfectum .

Ad primum ergo dicendum , quod auctoritas illa potest dupliciter intelligi . Uno modo , secundum quod accipitur continentia , prout abstinet ab omnibus venereis : et hoc modo dicitur , quod omnis ponderatio non est

est digna animæ continentis in genere castitatis; quia nec etiam fœunditas carnis, quæ queritur in matrimonio, adæquatur continentiae virginali, vel viduali, ut supra dictum est, (q. 152, a. 4, q. 5.)

Alio modo potest intelligi, secundum quod nomen continentiae sumitur communiter pro omni abstinentia à rebus illicitis: & sic dicitur, quod omnis ponderatio non est digna animæ continentis, quia non recipit estimationem auri, vel argenti, quæ commutantur ad pondus.

Ad secundum dicendum, quod magnitudo concupiscentiæ, seu debilitas ejus ex dupli causa procedere potest. *Quandoque enim procedit ex causa corporali. Quidam enim ex naturali complexione sunt magis proni ad concupiscendum, quam alii: et iterum quidam habent opportunitates delectationum concupiscentiam inflammantes magis paratas, quam alii. Et talis debilitas concupiscentiæ diminuit meritum; magnitudo vero auget. Quandoque vero debilitas, vel magnitudo concupiscentiæ provenit ex causa spirituali laudabili, puta ex vehementia charitatis, vel fortitudine rationis, sicut est in homine temperato. Et hoc modo debilitas concupiscentiæ auget meritum ratione suæ causæ; magnitudo vero minuit.*

Ad tertium dicendum, quod voluntas propinquior est rationi, quam vis concupiscibilis. Unde bonum rationis, ex quo virtus laudatur, majus esse ostenditur ex hoc, quod pertingit non solum usque ad voluntatem, sed etiam usque ad vim concupiscibilem, quod accidit in eo qui, est temperatus; quam si pertingat solum ad voluntatem, ut accidit in eo qui est continens.

QUÆSTIO CLVI.

De Incontinentia, in quatuor articulos divisa.



In ostea considerandum est de Incontinentia.

Et circa hoc queruntur quatuor.

Primo. Utrum incontinentia pertineat ad animam, vel ad corpus.

Secundo. Utrum incontinentia sit peccatum.

Tertio. De comparatione incontinentiæ ad intemperantiam.

Quarto. Quis sit turpior, utrum incontinentis iræ, vel incontinentis concupiscentiæ.

ARTICULUS I.

758

Utrum Incontinentia pertineat ad animam, an ad corpus.

Ad Primum sic proceditur. Videtur, quod incontinentia non pertineat ad animam, sed ad corpus. Diversitas enim sexuum non est ex parte animæ, sed ex parte corporis: sed diversitas sexuum facit diversitatem circa incontinentiam, dicit enim Philos. in 7. Ethic. (cap. 5. ante med. tom. 5.) quod mulieres non dicuntur neque continentes, neque incontinentes: ergo incontinentia non pertinet ad animam, sed ad corpus.

2. Præterea. Id, quod pertinet ad animam, non sequitur corporis complexionem: sed incontinentia sequitur corporis complexionem: dicit enim Philos. in 7. Ethic. (cap. 7. in fin. tom. 5.) quod maxime acuti, id est, cholericæ, & melancholicæ secundum irrefrænatum concupiscentiam sunt incontinentes: ergo incontinentia pertinet ad corpus.

3. Præterea. Victoria magis pertinet ad eum, qui vincit, quam ad eum, qui vincitur: sed ex hoc dicitur aliquis esse incontinentis, quod caro concupiscens adversus spiritum superat ipsum: ergo incontinentia magis pertinet ad carnem, quam ad animam.

Sed Contra est, quod homo differt à bestiis principaliter secundum animam: differt autem secundum rationem continentia, & incontinentia; bestias enim dicimus neque continentis, neque incontinentis, ut patet per Philos. in 7. Ethic. (cap. 3. & 6. à med. tom. 5.) ergo incontinentia maxime est ex parte animæ.

Respondeo dicendum, quod unumquodque attribuitur magis ei, quod est causa per se, quam ei, quod solam occasionem præstat. Id autem quod est ex parte corporis, solam occasionem præstat incontinentia, ex dispositione enim corporis potest contingere, quod insur-

surgant passiones vehementes in appetitu sensitivo, qui est virtus corporis organici. Sed hujusmodi passiones quantumcumque vehementes, non sunt sufficiens causa incontinentiæ, sed occasio sola; eo quod durante usu rationis, semper homo potest passionibus resistere.

Si vero passiones adeo insurgant, quod totaliter anserant usum rationis, sicut accidit in his, qui propter vehementiam passionum amentiam incurunt, non remanebit ratio continentia, neque incontinentia: quia non salvatur in eis judicium rationis, quod continens servat, & incontinentis deserit. Et sic relinquitur, quod per se causa incontinentiæ sit ex parte animæ, quæ ratione passionibus non resistit.

Quod quidem sit *dubius* modis, ut Philos. dicit in 7. Ethic. (cap. 7. non procul à fin. tom. 5.) Uno modo, quando anima passionibus cedit, antequam ratio consilietur; quæ quidem vocatur irrefræuata incontinentia, vel prævolatio. Alio modo, quando non permanet homo in his, quæ consiliata sunt, eo quod debiliter est firmatus in eo, quod ratio judicavit: unde hæc incontinentia vocatur debilitas. Et sic patet, quod incontinentia principaliter ad animam pertinet.

Ad primum ergo dicendum, quod anima humana est corporis forma, & habet quasdam vires corporeis organis utentes; quarum operationes aliquid conferunt etiam ad illa opera animæ, quæ sunt sine corporeis instrumentis, id est, ad actum intellectus, & voluntatis: in quantum scilicet intellectus à sensu accipit, & voluntas impellitur à passione appetitus sensitivi. Et secundum hoc quia fœmina secundum corpus habet quasdam debilem complexionem, sit ut in pluribus quod etiam debiliter inhæreat, quibuscumque inhæret: etsi raro in aliquibus aliter accidat, secundum illud Prov. ult. *Mulierem fortē quis inveniet?* Et quia id, quod est parvum, vel debile, reputatur quasi nullum, inde est quod Philos. loquitur de mulieribus, quasi non habentibus judicium rationis firmum, quamvis in aliquibus mulieribus contrarium accidat. Et propter hoc dicit, quod mulieres non dicimus continentes; quia non ducuntur quasi habentes solidam rationem, sed ducuntur quasi de facili sequentes passiones.

Ad secundum dicendum, quod ex impetu passionis contingit, quod aliquis statim sequatur passionem ante consilium rationis. Impetus autem passionis provenire solet vel ex velocitate, sicut in cholericis, vel ex vehementia, sicut in melancholicis, qui propter terrem complexione vehementissime inflammantur; sicut è contrario contingit, quod aliquis non persistat in eo, quod consiliatum est ex eo quod debiliter inhaeret propter mollitatem complexioneis, ut de mulieribus dictum est; (*in solut. præc.*) quod etiam videtur in phlegmaticis contingere propter eandem causam, sicut etiam in mulieribus. Hæc autem accidentunt, in quantum ex complexione corporis datur aliqua incontinentiae occasio, non autem causa sufficiens, ut dictum est. (*in cor. a.*)

Ad tertium dicendum, quod concupiscentia carnis in eo, qui est incontinens, superat spiritum non ex necessitate, sed per quandam negligentiam spiritus non resistentis fortiter.

ARTICULUS II.

759

Utrum Incontinentia sit peccatum.

Supp. q. 15. a. 2. cor.

Ad Secundum sic proceditur. Videtur, quod incontinentia non sit peccatum. Quia, ut August. dicit in lib. 3. de lib. arb. (cap. 18. parum à princ. tom. I.) nullus peccat in eo, quod vitare non potest: sed incontinentiam nullus potest ex seipso vitare, secundum illud Sap. 8. Sclo, quod non possum esse continens, nisi Deus det: ergo incontinentia non est peccatum.

2. Præterea. Omne peccatum in ratione videtur consistere: sed in eo, qui est incontinens, vincitur iudicium rationis: ergo incontinentia non est peccatum.

3. Præterea. Nullus peccat ex eo quod Deum vehementer amat: sed ex vehementia divini amoris aliquis sit incontinens, dicit enim Diobys. 4. cap. de div. nom. (part. I. lect. 10.) quod Paulus per incontinentiam divini amoris dixit: Vivo ego, jam non ego: ergo incontinentia non est peccatum,

Sed

Sed Contra est, quod connumeratur aliis peccatis. 2. Timoth. tertio, ubi dicitur, *criminatores, invenientes, immites, &c.* ergo incontinentia est peccatum.

Respondeo dicendum, quod incontinentia potest ostendiri circa aliquid tripliciter. Uno modo proprie, & simpliciter: et sic incontinentia attenditur circa concupiscentias delectationum tactus, sicut & intemperantia supra dictum est de continentia: (*q. præc. a. 2.*) *hoc modo incontinentia est peccatum ex duplice ratione:* uno modo ex eo quod incontinentis recedit ab eo, et est secundum rationem. *Alio modo ex eo,* quod se inerget quibusdam turpibus delectationibus. Et idem in los. dicit in 7. Ethic. (*cap. 8. à med. tom. 5.*) *Incontinentia vituperatur, non solum ut peccatum,* scilicet est per recessum à ratione, sed sicut magis quædam in quantum pravas concupiscentias sequitur.

Alio modo incontinentia attenditur circa aliquid, prie quidem, in quantum homo recedit ab eo, et est secundum rationem, sed non simpliciter: puta aliquis non servat modum rationis in concupiscentia honoris, divitiarum, & aliorum hujusmodi, quæ secundum se videntur esse bona: circa quæ non est incontinentia simpliciter, sed secundum quid, sicut supra continentia dictum est: (*q. præc. a. 2. ad 3.*) *et incontinentia est peccatum, non ex eo quod aliquis ingerat se pravis concupiscentiis, sed ex eo quod aliquis servet modum debitum rationis, etiam in concupiscentia rerum per se appetendarum.*

Tertio modo incontinentia dicitur esse circa aliquem non propriæ, sed secundum similitudinem; puta circa concupiscentias eorum, quibus non potest aliquis mutari, puta circa concupiscentias virtutum: circa quæ potest aliquis dici incontinentis esse per similitudinem quia sicut ille, qui est incontinentis, totaliter docetur per concupiscentiam malam; ita aliquis totaliter docetur per concupiscentiam bonam, quæ est secundum rationem. Et talis incontinentia non est peccatum, sed pertinet ad perfectionem virtutis.

Ad primum ergo dicendum, quod homo potest ostendere peccatum, & facere bonum; non tamen sine divo auxilio, secundum illud Joan. 15. *Sine me nihil potest*

ecclastis facere. Unde per hoc quod homo indiget divino auxilio ad hoc quod sit continens, non excluditur quin continentia sit peccatum: quia, ut dicitur in 2. Eth. est cap. 3. à med. tom. 5.) Quæ per amicos possumus, alii qualiter per nos possumus.

Ad secundum dicendum quod in eo, qui est incontinentis, vincitur judicium rationis, non quidem ex necessitate, quod auferret rationem peccati, sed ex negligencia quadam hominis non firmiter intendentis ad resistendum passioni per judicium rationis, quod habet.

Ad tertium dicendum, quod ratio illa procedit de incontinentia per similitudinem dicta, & non proprie.

ARTICULUS III.

760

Utram incontinentis plus peccet, quam intemperatus.

I. 2. q. 78. a. 4. corp. & 2. d. 43. a. 4. corp. & ver.

q. 24. a. 10. corp. & 1. Ethic. lect. 3.

& lib. 7. lect. 4.

Ad Tertium sic proceditur. Videtur, quod incontinentis plus peccet, quam intemperatus. Tanto enim aliquis videtur gravius peccare, quanto magis contra conscientiam agit, secundum illud Lucæ 12. *Servas sciens voluntatem domini sui, & non faciens, plagis vapulabit multis, &c.* Sed incontinentis magis videtur agere contra conscientiam, quam intemperatus: quia, ut dicitur in 7. Ethic. (cap. 3. tom. 5.) incontinentis sciens, quam prava sunt quæ concupiscit, nihilominus agit propter passionem: intemperatus autem judicat ea quæ concupiscit, esse bona: ergo incontinentis gravius peccat, quam intemperatus.

2. Præterea. Quanto aliquod peccatum gravius est, tanto videtur esse minus sanabile; unde & peccata in Spiritum sanctum, quæ sunt gravissima, dicuntur esse irremissibilia: sed peccatum incontinentiae videtur esse insanabilis, quam peccatum intemperantiae; sanatur enim peccatum alicujus per admonitionem, & correctionem; quæ nihil videtur conferre incontinenti, qui scit se male agere, & nihilominus male agit; intempe-

perato autem videtur quod bene agat, & sic aliquid ei conferre posset admonitio: ergo videtur, quod incontinentis gravius peccet, quam intemperatus.

3. Præterea. Quanto aliquis ex majori libidine peccat, tanto gravius peccat, sed incontinentis peccat ex majori libidine, quam intemperatus; quia incontinentis habet vehementes passiones, & concupiscentias, quas non semper habet intemperatus: ergo incontinentis magis peccat, quam intemperatus.

Sed Contra est, quod impenitentia aggravat omne peccatum, unde August. in lib. de verb. Dom. (ser. II. cap. 12. & 13. tom. 10.) dicit, quod *impenitentia est peccatum in Spiritum sanctum*. Sed, sicut Philos. dicit in 7. Ethic. (cap. 7. & 8. in princ. tom. 5.) *intemperatus non est pœnitivus; immanet enim electioni: incontinentis autem omnis ex pœnitivus*: ergo intemperatus gravius peccat, quam incontinentis.

Respondeo dicendum, quod peccatum secundum Augustinum, (*in lib. de duabus animab. cap. 10. & 11. tom. 6.*) præcipue in voluntate consistit. *Voluntas enim est, qua peccatur, & recte vivitur*. Et ideo ubi est major inclinatio voluntatis ad peccandum, ibi est gravius peccatum. In eo autem qui est intemperatus, voluntas inclinatur ad peccandum ex propria electione, quæ procedit ex habitu per consuetudinem acquisito: in eo autem qui est incontinentis, voluntas inclinatur ad peccandum ex aliqua passione. Et quia passio cito transit, habitus autem est qualitas difficile mobilis, inde est, quod incontinentis statim pœnitit, transeunte passione: quod non accidit de intemperato; quinimmo gaudet se peccasse, eo quod operatio peccati est sibi facta connaturalis secundum habitum. Unde de his dicitur Proverb. 2. quod *lætantur, cum male fecerint, & exultant in rebus pessimis*. Unde patet, quod intemperatus est multo pejor, quam incontinentis, ut etiam Philos. dicit in 7. Ethic. (cap. 7. ante med. tom. 5.)

Ad primum ergo dicendum, quod ignorantia intellectus quandoque quidem præcedit inclinationem appetitus, & causat eam. Et sic quanto est major ignorantia, tanto magis peccatum diminuit, vel totaliter ex-

cusat, in quantum causat involuntarium. *Alio modo* è converso, ignorantia rationis sequitur inclinationem appetitus : et talis ignorantia quanto est major, tantum peccatum est gravius ; quia ostenditur inclinatio appetitus esse major. Ignorantia autem tam incontinentis, quam intemperati provenit ex eo, quod appetitus est in aliquid inclinatus sive per passionem, sicut in continentia, sive per habitum, sicut in intemperato. Major autem ignorantia causatur ex hoc in intemperate, quam in incontinentie. Et *uno* quidem modo quanto ad duratiouem : quia in incontinentie durat illa ignorantia solum passione durante ; sicut accessio febris tertianæ durat durante commotione humoris : ignorantia autem intemperati durat assidue propter permanentiam habitus, unde assimilatur phthisi (*Θεσμ.*) vel cunctumque morbo continuo, ut Philos. dicit in 7. Ethicor. (cap. 8. circ. princ. tom. 5.) *Alio autem modo* est major ignorantia intemperati, quantum ad id quod ignoratur. Nam ignorantia incontinentis attenditur quantum ad aliquod particulare eligibile, prout scilicet aestimat hoc nunc esse eligendum : sed intemperatus habet ignorantiam circa ipsum finem ; in quantum scilicet judicat hoc esse bonum, ut irrefrænate concupiscentias sequatur. Unde Philos. dicit in 7. Ethic. (cap. 7. ante med. & cap. 8. in fin. tom. 5.) quod *incontinentis est melior intemperato* ; *quia salvatur in eo optimum principium*, scilicet recta aestimatio de fine.

Ad secundum dicendum, quod ad sanationem incontinentis non sufficit sola cognitio, sed requiritur interius auxilium gratiæ concupiscentiam mitigantis ; & adhibetur etiam exterius remedium admonitionis, & correctionis, ex quibus aliquis incipit concupiscentiis resistere, ex quo concupiscentia debilitatur, ut supra dictum est. (q. 142. a. 2.) Et iisdem etiam modis potest sanari intemperatus. Sed difficilior est ejus sanatio propter duos, quorum *primum* est ex parte rationis, quæ corrupta est circa estimationem ultimi finis ; quod se habet sicut principium in demonstrativis : Difficilius autem reducitur ad veritatem ille qui errat circa principium & similiter in operativis finem. *Aliud autem* est ex parte inclinationis appetitus ; quæ intemperato est ex

ex habitu, qui difficile tollitur; inclinatio autem incontinentis est ex passione, quæ facilius reprimi potest.

Ad tertium dicendum, quod libido voluntatis quæ auget peccatum, major est in intemperato, quam in incontinentे, ut ex dictis patet, (*In cor. art.*) sed libido concupiscentiæ appetitus sensitivî quandoque major est id incontinentे: quia incontinentis non peccat nisi ex gravi concupiscentia; sed intemperatus etiam ex levi concupiscentia peccat, & quandoque eam prævenit. Et ideo Philos. dicit in 7. Ethic. (*cap. 7. & 8. circ. med. tom. 5.*) quod „magis intemperatum vi„ tuperamus, quia non concupiscens, vel quiete, *Id est*, „remisse, concupiscens persequitur delectationes. Quid „enim faceret, si adasset concupiscentia juvenilis?“

ARTICULUS IV.

761

Utrum Incontinentis iræ, sit pejor, quam Incontinentis concupiscentiæ.

*Inf. q. 158. a. 4. cor. & 3. dist. 26. q. 1. a. 2. cor.
& ver. q. 25. a. 2. cor. & 7. Ethic.
lect. 6. princ.*

Al. Quartum sic proceditur. Videtur, quod incontinentis iræ sit pejor, quam incontinentis concupiscentiæ. Quanto enim difficilius est resistere passioni tanto incontinentia videtur esse levior: unde Philos. dicit in 7. Ethic. (*cap. 7. à med. tom. 5.*) *Non enim si quis à fortibus, & superexcedentibus delectationibus vincitur, vel tristitis, est admirabile, sed condonabile: sed sicut Heraclitus dixit, difficilius est pugnare contra concupiscentiam, quam contra iram: ergo levior est incontinentia concupiscentiæ, quam incontinentia iræ.*

2. Præterea. Si passio propter suam vehementiam totaliter anferat judicium rationis, omnino excusatur aliquis à peccato; sicut patet in eo qui incidit ex passione in furiam: sed plus remanet de judicio rationis in eo qui est incontinentis iræ, quam in eo qui est incontinentis concupiscentiæ: iratus enim aliqualiter audit rationem, non autem concupiscens, ut patet per

Phi

Philos. in 7. Ethic. (cap. 6. in princ. tom. 5.) ergo incontinentis iræ est pejor, quam incontinentia concupiscentiæ.

3. Præterea. Tanto aliquod peccatum est gravius, quanto est periculosius: sed incontinentia iræ videatur esse periculosior; quia perducit hominem ad magius peccatum, scilicet ad homicidium, quod est gravius peccatum, quam adulterium, ad quod perducit concupiscentiæ incontinentia: ergo incontinentia iræ est gravior, quam incontinentia concupiscentiæ.

Sed Contra est, quod Philos. dicit in 7. Ethic. (cap. 6. tom. 5.) quod minus turpis est incontinentia iræ, quam incontinentia concupiscentiæ.

Respondeo dicendum, quod peccatum incontinentiæ potest considerari *dupliciter*. *Uno modo* ex parte passionis, ex qua ratio superatur: & sic incontinentia concupiscentiæ turpior est, quam incontinentia iræ; quia motus concupiscentiæ habet majorem iuordinatiōnem, quam motus iræ.

Et hoc propter *quatuor*, quæ Philos. tangit in 7. Ethicorum (*loc. cit.*). *Primo* quidem, quia motus iræ participat aliqualiter rationem; in quantum scilicet iratus tendit ad vindicandum injuriam sibi factam, quod aliqualiter ratio dictat, sed non perfecte, quia non intendit debitum modum vindictæ; sed motus concupiscentiæ totaliter est secundum sensum, & nullo modo secundum rationem. *Secundo*, quia motus iræ magis consequitur corporis complexionem propter velocitatem motus cholerae, quæ tendit ad iram. Unde magis est in promptu, quod ille, qui est secundum complexionem corporis dispositus ad irascendum, irascatur, quam quod ille, qui dispositus est ad concupiscendum, concupiscat. Unde etiam frequentius ex iracundiis nascuntur iracundi, quam ex concupiscentibus concupiscentes. Quod autem provenit ex naturali corporis dispositione, reputatur magis venia dignum. *Tertio*, quia ira querit manifeste operari; sed concupiscentia querit latebras, & dolose subintrat. *Quarto*, quia concupiscens delectabiliter operatur: sed iratus quasi quadam tristitia præcedente coactus.

Alio modo potest considerari peccatum incontinentiæ.

Tom. VII.

tiae, quantum ad malum, in quod quis incidit à ratione discedens. Et sic incontinentia iræ est ut plurimum gravior: quia dicitur in ea, quæ pertinent ad proximum nocumentum.

Ad primum ergo dicendum, quod difficilis est assidue pugnare contra delectationem, quam contra iram: quia concupiscentia est magis continua: sed ad horam difficilis est resistere iræ propter ejus impetum.

Ad secundum dicendum, quod concupiscentia dicitur esse sine ratione, non quia totaliter auferat usum rationis: sed quia in nullo procedit secundum judicium rationis: & ex hoc est turpior.

Ad tertium dicendum, quod ratio illa procedit ex parte eorum, in quæ incontinens deducitur.

Q U A E S T I O C L V I I .

De Clementia, & Mansuetudine, in quatuor articulos divisa.

Proposita considerandum est de Clementia, & Mansuetudine, & vitiis oppositis.

Circa ipsas autem virtutes queruntur quatuor.

Primo. Utrum Clementia, & Mansuetudo sint idem.

Secundo. Utrum utraque earum sit virtus.

Tertio. Utrum utraque earum sit pars temperantiae.

Quarto. De comparatione earum ad alias virtutes.

A R T I C U L U S I .

761

Utrum Clementia, & Mansuetudo sint penitus idem.

Inf. a. 4. ad 3. & 3. dist. 33. q. 3. a. 2. q. 1. # 1.

And Primum sic proceditur. Videtur, quod Clementia, & Mansuetudo sint penitus idem. Mansuetudo enim

enim est moderativa irarum, ut Philos. dicit in 4. Ethic. (cap. 5. tom. 5.) Ira autem est appetitus vindictæ, cum ergo clementia sit lenitas superioris adversus inferiorem in constituendis pœnis, ut Seneca dicit in 2. de Clementia, (cap. 3. cir. princ.) per pœnas autem fiat vindicta, videtur, quod clementia, & mansuetudo sint idem.

2. Præterea, Tullius dicit in 2. Rhetor. (l. 2. de Invent. aliquant. ante fin.) quod *Clementia est virtus, per quam animus temere conclatus in odium alcujus, benignitate retinetur: & sic videtur, quod clementia sit moderativa odii: sed odium*, ut Aug. dicit, (epist. 109. inter med. & fin. tom. 2.) causatur ab ira, circa quam est mansuetudo, & clementia: ergo videtur, quod clementia, & mansuetudo sint penitus idem.

3. Præterea. Idem vitium non contrariatur diversis virtutibus: sed idem vitium opponitur mansuetudini, & clementiæ, scilicet crudelitas: ergo videtur, quod mansuetudo, & clementia sint penitus idem.

Sed Contra est, quod secundum predictam definitionem Senecæ, *Clementia est lenitas superioris adversus inferiorem: mansuetudo autem non solum est superioris ad inferiorem, sed cuiuslibet ad quemlibet: ergo mansuetudo, & clementia non sunt penitus idem.*

Respondeo dicendum, quod, sicut dicitur in 2. Ethic. (cap. 3. ante med. tom. 5.) virtus moralis consistit circa passiones, & actiones. Passiones autem interiores sunt exteriorum actionum principia, aut etiam impedimenta. Et ideo virtutes, quæ moderantur passiones, quodammodo concurrunt in eundem effectum cum virtutibus, quæ moderantur actiones, licet specie differant: sicut ad justitiam proprie pertinet prohibere hominem à furto, ad quod aliquis inclinatur per inordinatum amorem, vel concupiscentiam pecuniarum, quæ moderatur per liberalitatem, & ideo liberalitas concorrerit cum justitia in hoc effectu, qui est abstinere à furto. Et hoc etiam considerandum est in proposito. Nam ex passione iræ provocatur aliquis ad hoc, quod graviorum inferat pœnam: ad clementiam autem pertinet directe, quod sit diminutiva pœnarum, quod quidem impedi posset per excessum iræ.

Et ideo mansuetudo, in quantum refrænat impetum iræ, concurrit in eundem effectum cum clementia. Differt tamen ab invicem; in quantum clementia est moderativa exterioris punitionis; mansuetudo autem propriè diminuit passionem iræ.

Ad primam ergo dicendum, quod mansuetudo proprie respicit ipsum vindictæ appetitum; sed clementia respicit ipsas pœnas, quæ exterius adhibentur ad vindictam.

Ad secundum dicendum, quod affectus hominis inclinatur ad minorationem eorum, quæ homini per se non placent. Ex hoc autem quod aliquis amat aliquid, provenit quod non placet ei per se pœna ejus, sed solum in ordine ad aliud, puta ad justitiam, vel ad correctionem ejus, qui punitur. Et ideo ex amore provenit, quod aliquis sit promptus ad diminuendum pœnas (quod pertinet ad clementiam) & ex odio impeditur talis diminutio. Et propter hoc Tullius dicit, quod *animus concitatus in odium*, scilicet ad gravius puniendum, per clementiam retinetur, ne scilicet acriorem pœnam inferat, non quod clementia sit directe odii moderativa, sed pœnæ.

Ad tertium dicendum, quod mansuetudini, quæ est directe circa iras, proprie opponitur vitium iracundie, quod importat excessum iræ: sed crudelitas importat excessum in puniendo, unde dicit Seneca in 2. de clement. (cap. 4.) quod *crudelis vocantur, qui pugnandi causam habent, modum tamen non habent*. Qui autem in pœnis hominum propter se delectantur, etiam sine causa, possunt dici *sævi*, vel *feri*, quasi affectum humanum non habentes, ex quo naturaliter homo diligit hominem.

ARTICULUS II.

763

Utrum tam clementia, quam mansuetudo sit virtus.

Inſ. a. 3. cor. 2. 3. d. 26. q. 2. a. 2. ad 4.

Ad Secundum sic proceditur. Videtur, quod neque clementia, neque mansuetudo sit virtus. Nulla enim virtus alteri virtuti opponitur: sed utraque videatur

tur opponi severitati, quæ est quædam virtus: ergo neque clementia, neque mansuetudo est virtus.

2. Præterea. Virtus corrumpitur per superfluum, & diminutum: sed tam clementia, quam mansuetudo in quadam diminutione consistunt: nam clementia est diminutiva pœnarum, mansuetudo autem est diminutiva iræ: ergo neque clementia, neque mansuetudo est virtus.

3. Præterea. Mansuetudo, sive mititas ponitur Matth. 5. inter beatitudines, & inter fructus ad Gal. 5. Sed virtutes differunt & à beatitudinibus, & à fructibus: ergo non continetur sub virtute.

Sed Contra est, quod dicit Seneca in 2. de Clementia: (cap. 5. in princ.) clementiam, & mansuetudinem omnes viri boni præstabunt. Sed virtus est proprie, quæ pertinet ad bonos viros: nam virtus est, quæ bonum facit habentem, & opus ejus bonum reddit, ut dicitur 2. Ethic. (cap. 6. tom. 5.) ergo clementia, & mansuetudo sunt virtutes.

Respondeo dicendum, quod ratio virtutis moralis consistit in hoc, quod appetitus rationi subdatur, ut patet per Philos. in 1. Ethic. (cap. ult. tom. 5.) Hoc autem servatur tam in clementia, quam in mansuetudine. Nam clementia, diminuendo pœnas, aspicit ad rationem, ut Seneca dicit in secundo de Clementia: (cap. 5. à princ.) similiter etiam mansuetudo secundum rationem rectam moderatur iras, ut dicitur in quarto Ethicorum. (cap. 5. tom. 5.) Unde manifestum est, quod tam clementia, quam mansuetudo est virtus.

Ad primum ergo dicendum, quod mansuetudo non directe opponitur severitati. Nam mansuetudo est circa iras; severitas autem attenditur circa exteriorem inflictionem pœnarum. Unde secundum hoc videretur magis opponi clementiæ, quæ etiam circa exteriorem punitionem consideratur, ut dictum est: (art. præc.) non tamen opponitur: eo quod utrumque est secundum rationem rectam. Nam severitas inflexibilis est circa inflictionem pœnarum, quando hoc recta ratio requirit: clementia autem diminutiva est pœnarum etiam secundum rationem rectam, quando scilicet oportet, &

in quibus oportet. Et ideo non sunt opposita, quia non sunt circa idem.

Ad secundum dicendum, quod secundum Philosophum in 4. Ethic. (cap. 5. in princ. tom. 5.) habitus, qui medium tenet in ira, est innominatus. Et ideo virtus nominatur à diminutione iræ, quæ significatur nomine mansuetudinis, eo quod virtus propinquior est diminutioni, quam superabundantiae, propter hoc quod naturalius est homini appetere vindictam injuriarum illatarum, quam ab hoc deficere; quia vix alicui nimis parvæ videntur injuriæ sibi illatae, ut dicit Sallustius. (in conjur. Catil. ante med. orat. Cœsar.) Clementia autem est diminutiva pœnarum, non quidem in respectu ad id, quod est secundum rationem rectam; sed in respectu ad id, quod est secundum legem communem, quam respicit justitia legalis: sed propter aliqua particularia considerata clementia diminuit pœnas, quasi decernens hominem non esse magis puniendum. Unde dicit Seneca in Secundo de Clementia: (cap. ult. à med.) Clementia hoc primum præstat, ut quos dimittit, nihil aliud illi pati debuisse pronuntiet: venia vero debitæ pœnae remissa est. Ex quo patet, quod clementia comparatur ad severitatem, sicut Epicheja ad justitiam legalem, cuius pars est severitas, quantum ad inflictionem pœnarum secundum legem: difert tamen clementia ab epicheja, ut infra dicetur. (a. seq. ad 1.)

Ad tertium dicendum, quod beatitudines sunt actus virtutum; fructus autem sunt delectationes de actibus virtutum. Et ideo nihil prohibet, mansuetudinem ponî & virtutem, & beatitudinem, & fructus,

ARTICULUS III.

76

Utrum prædictæ virtutes sint partes temperantiæ.

*Supp. q. 143. 2^o inf. q. 161. a. 4. c. 2^o 2. d. 44. 4
2. a. 1. ad 3. 2^o 3. d. 33. q. 3. a. 2.*

Ad Tertium sic proceditur. Videlur, quod prædictæ virtutes non sint partes temperantiæ. Clementia enim est diminutiva pœnarum, ut dictum est: (a. præc. hoc

hoc autem Philosophus in §. Ethic. (cap. 10. tom. 5.) attribuit epichejæ, quæ pertinet ad justitiam, ut supra habitum est: (q. 120. a. 2.) ergo videtur, quod clementia non sit pars temperantie.

2. Præterea. Temperantia est circa concupiscentias: mansuetudo autem, & clementia non respiciunt concupiscentias, sed magis iram, & vindictam: non ergo debent poni partes temperantie.

3. Præterea. Seneca dicit in secundo de Clementia: (cap. 4. cir. med.) *Cui voluptati saevitia est, possimus insaniam vocare*: hoc autem opponitur clementiae, & mansuetudini: cum ergo insaniam opponatur prudentia, videtur, quod clementia, & mansuetudo sunt partes prudentiae magis, quam temperantie.

Sed Contra est, quod Seneca dicit in 2. de Clement. (cap. 3. circ. princ.) quod clementia est temperantia animi in potestate ulciscendi. Tullius etiam (lib. 2. de Invent. aliquant, ante fin.) ponit clementiam partem temperantie.

Respondeo dicendum, quod partes assignantur virtutibus principalibus, secundum quod imitantur ipsas in aliquibus materiis secundariis quantum ad modum, ex quo principaliter dependet laus virtutis, unde & nomen accipit: sicut modus, & nomen justitiae in quadam æqualitate consistit: fortitudinis autem in animi quadam firmitate, temperantiae autem in quadam refrænatione, in quantum scilicet refrænat concupiscentias vehementissimas delectationum tactus. Clemens autem, & mansuetudo similiter in quadam refrænatione consistunt: quia scilicet clementia est diminutiva penarum, mansuetudo vero est mitigativa iræ, ut ex dictis patet. (a. 1. & 2. præc.)

Et ideo tam clementia, quam mansuetudo adjunguntur temperantiae, sicut virtuti principali. Et secundum hoc ponuntur partes temperantie.

Ad primum ergo dicendum, quod in diminutione penarum sunt consideranda duo. Quorum unum est, quod diminutio penarum fiat secundum intentionem legislatoris, licet non secundum verba legis: & secundum hoc pertinet ad Epichejam. Aliud autem est quædam moderatio affectus, ut homo non utatur sua potestate

in inflictione penarum : & hoc proprie pertinet ad clementiam. Propter quod Seneca dicit , (lib. 2. de Clement. cap. 3. circ. princ.) quod clementia est temperantia animi in potestate ulciscendi. Et haec quidem moderatio animi provenit ex quadam dulcedine affectus, quia quis abhorret omne illud, quod potest alium contristare. Et ideo dicit Seneca , (loc. cit.) quod clemencia est quadam lenitas animi : nam è converso austernitas animi videtur esse in eo , qui non veretur alios contristare.

Ad secundum dicendum , quod adjunctio virtutum secundariarum ad principales magis attenditur secundum modum virtutis , qui est quasi forma ejus , quam secundum materiam. Mausuetudo autem , & clementia convenienter cum temperantia in modo , ut dictum est, (in corp. a.) licet non convenienter in materia.

Ad tertium dicendum , quod insaniam dicitur per corruptionem sanitatis. Sicut autem sanitas corporalis corruptitur per hoc , quod corpus recedit à debita complexione humanæ speciei : ita etiam insaniam secundum animam accipitur per hoc , quod anima humana recedit à debita dispositione humanæ speciei. Quod quidem contingit & secundum rationem , (puta cum aliquis usum rationis amittit) & quantum ad vim appetitivam ; puta cum aliquis amittit affectum humanum , secundum quem homo est naturaliter homini amicus , ut dicitur in 8. Ethic. (cap. 1. tom. 5.) Insaniam autem , quæ excludit usum rationis , opponitur prudentiæ. Sed quod aliquis delectetur in pœnis hominum , dicitur esse insaniam ; quia per hoc videtur homo privatus affectu humano , quem sequitur clementia.

ARTICULUS IV.

76

Utrum clementia , & mansuetudo sint potissimæ virtutes.

And Quartum sic proceditur. Videtur , quod clementia , & mansuetudo sint potissimæ virtutes. Laus etiam virtutis consistit præcipue in hoc , quod ordinat hominem

nem ad beatitudinem, quæ in Dei cognitione consistit: sed mansuetudo maxime ordinat hominem ad Dei cognitionem: dicitur Jacobi 1. *In mansuetudine suscipite insitum verbum: & Eccli. 5. Esto mansuetus ad audiendum verbum Del:* & Dionysius dicit in epist. ad Demophilum, (*quæ est 8. in princ.*) Moysen propter multam mansuetudinem Dei apparitione dignum habitum: ergo mansuetudo est potissima virtutum.

2. Præterea. Tanto virtus aliqua videtur esse potior, quanto magis acceptatur à Deo, & ab hominibus: sed mansuetudo maxime videtur acceptari à Deo: dicitur enim Eccli. 1. quod *beneplacitum est Deo fides, & mansuetudo: unde & specialiter ad suæ mansuetudinis imitationem Christus nos invitat, dicens: (Matth. 11.) Discite à me, quia mīlis sum, & humiliis corde,* & Hilarius dicit, (*can. 4. in Matth. parvum à princ.*) quod per mansuetudinem mentis nostræ habitat Christus in nobis. Est etiam hominibus acceptissima: unde dicitur Eccli. tertio: *fili, in mansuetudine perfice opera tua, & super hominum gloriam diligenter: propter quod & Proverbiorum vigesimo dicitur, quod clementia thronus regius robatur: ergo mansuetudo, & clementia sunt potissimæ virtutes.*

3. Præterea. Augustinus dicit in libro primo de sermone Domini in monte, (*cap. 2. à princ. tom. 4.*) quod *mites sunt, qui cedunt improbitatibus, & non resistunt malo, sed vincunt in bono malum: hoc autem videtur pertinere ad misericordiam, vel pietatem, quæ videtur esse potissima virtutum: quia super illud 1. ad Timoth. 4. *Pietas ad omnia utilis est,* dicit Glos. Ambrosii, quod *summa religionis Christianæ in pietate consistit: ergo mansuetudo, & clementia sunt maximæ virtutes.**

Sed Contra est, quod non ponuntur virtutes principales, sed adjunguntur alteri virtuti quasi principiori.

Respondeo dicendum, quod nihil prohibet: aliquas virtutes non esse potissimas simpliciter, nec quoad omnia, sed secundum quid, & in aliquo genere. Non autem est possibile, quod clementia, & mansuetudo sint potissimæ virtutes simpliciter; quia laus earum attendi-

tur in hoc , quod retrahunt à malo , in quantum scilicet diminunt iram , vel pœnam. Perfectius autem est consequi bonum , quam carere malo. Et ideo virtutes , quæ simpliciter ordinant in bonum , sicut fides , spes charitas , & etiam prudentia , & justitia , sunt simpliciter maiores virtutes , quam clementia , & mansuetudo.

Sed secundum quid nihil prohibet , clementiam , & mansuetudinem habere quandam excellentiam inter virtutes , quæ resistunt affectionibus pravis. Nam ira , quam mitigat mansuetudo , propter suum impetum maxime impedit animum hominis , ne libere judicet veritatem : & propter hoc mansuetudo maxime facit hominem esse compotem sui. Unde dicitur Eccli. 10. *Fili , in mansuetudine serua animam tuam.* Quamvis concepsentur delectationum tactus sint turpiores , & magis continue infestent : propter quod temperantia magis ponitur virus principalis , ut ex dictis patet : (q. 141. a. 7. ad 2.) elementia vero in hoc , quod diminuit pœnas , maxime videtur accedere ad charitatem , quæ est potissima virtutum , per quam bona operamur ad proximos , & eorum mala impedimus.

Ad primum ergo dicendum , quod mansuetudo preparat hominem ad Dei cognitionem removendo impedimentum. Et hoc dupliciter. Primo quidem , faciendo hominem compotem sui per diminutionem iræ , ut dictum est : (*in corp. a.*) alio modo , quia ad mansuetudinem pertinet , quod homo non contradicat verbis veritatis ; quod plerunque aliqui faciunt ex commotione iræ. Et ideo Augustinus dicit in 2. de doctr. Christ. (cap. 7. à princ. tom. 3.) *Mitescere est non contradicere divinæ Scripturæ , sive intellectu , si aliqua vita nostra perculis , sive non intellectu , quasi nos melius sapore , utriusque percipere possemus.*

Ad secundum dicendum , quod mansuetudo , & clementia reddunt hominem Deo , & hominibus acceptum , secundum quod concurrunt in eundem effectum cum charitate , quæ est maxima virtutum , scilicet in subtrahendo mala proximorum.

Ad tertium dicendum , quod misericordia , & pie-
tas convenient quideam cum mansuetudine , & clemen-
tia , in quantum concurrunt in eundem affectum , qui
est

est prohibere mala proximorum. Differunt tamen quantum ad motivum. Pietas enim removet mala proximorum ex reverentia, quam habet ad aliquem superiorem, puta Deum, vel parentem: misericordia vero removet mala proximorum ex hoc, quod in eis aliquis contrastatur, in quantum estimat ea ad se pertinere, ut supra dictum est, (q. 30. a. 2.) quod provenit ex amicitia, quæ facit amicos de eisdem gaudere, & tristari: mansuetudo autem hoc facit, in quantum removet iram incitantem ad vindictam: clementia vero hoc facit ex animi lenitate, quantum iudicat esse æquum, ut aliquis non amplius puniatur.

QUÆSTIO CLVIII.

De Iracundia, in octo articulos divisa.

Prostea considerandum est de vitiis oppositis. Et primo de iracundia, quæ opponitur mansuetudini, Secundo de crudelitate, quæ opponitur clementiæ.

Circa Iracundiam queruntur octo.

- Primo. Utrum irasci possit esse aliquando licitum,
- Secundo. Utrum ira sit peccatum.
- Tertio. Utrum sit peccatum mortale.
- Quarto. Utrum sit gravissimum peccatum.
- Quinto. De speciebus iræ.
- Sexto. Utrum ira sit vitium capitale.
- Septimo. Quæ sint filiae ejus.
- Octavo. Utrum habeat vitium oppositum.

ARTICULUS I.

Utrum irasci sit licitum.

3. dist. 9. q. 4. a. 2. q. 2. cor. 2' mal. q. 12. a. 2.
2' Eph. 4. lect. 8, 2' Job 17. princ.

Ad Primum sic proceditur. Videtur, quod irasci non sit illicitum, Hieronymus enim exponens illud

Matth. 5. Qui irascitur fratri suo, &c. dicit: in quibusdam codicibus additur, Sine causa: ceterum in variis definita sententia est, & ita penitus tollitur: ergo irasci nullo modo licitum est.

2. Præterea. Secundum Dionysium 4. cap. de div. nom. (part. 4. lect. 22.) malum animæ est sine ratione esse: sed ira semper est sine ratione, dicit enim Phil. in 7. Ethic. (cap. 6. in princ. tom. 5.) quod ira non perfecte audit rationem: & Gregorius dicit in 5. Moral. (cap. 30. parum à princ.) quod cum tranquillitatem mentis ira diverberat, dilaniatam quodammodo, scissaque perturbat: & Cassianus dicit in lib. 8. de institut. Cœnob. (cap. 6. in princ.) Quilibet ex causa iracundia motus effervens excœcat oculum cordis: ergo irasci semper est malum.

3. Præterea. Ira est appetitus vindictæ, ut Glossa (ord. August. lib. de QQ. in Levit. q. 70. à med. tom. 4.) dicit super Levit. 19. Non oderis fratrem tuum in corde tuo. Sed appetere ultiō non videtur esse licitum, sed hoc est Deo reservandum, secundum illud euter. 32. Mea est ultiō: ergo videtur, quod irasci semper sit malum.

4. Præterea. Omne illud quod abducit nos à divina similitudine, est malum: sed irasci semper abducit nos à divina similitudine; quia Deus cum tranquillitate iudicat, ut habetur Sapient. 12. ergo irasci semper est malum.

Sed Contra est, quod Chrysostomus dicit super Matth. (hom. 11. in op. imperf. aliquant. à princ.) Qui sine causa irascitur, reus erit; qui vero cum causa, non erit reus; nam si ira non fuerit, nec doctrina proficit, nec iudicia stant, nec crimina compescuntur: ergo irasci non semper est malum.

Respondeo dicendum, quod ira proprie loquendo est passio quedam appetitus sensitivi, à qua vis irascibilis denominatur, ut supra habitum est, (1. 2. q. 46. a. 1.) cum de passionibus ageretur. Est autem hoc considerandum circa passiones animæ, quod dupliciter potest in eis malum iuveniri. Uno modo ex ipsa specie passionis, quæ quidem consideratur secundum objectum passionis: sicut invidia secundum suam speciem importat quod-

quoddam malum, est enim tristitia de bono aliorum, quod secundum se rationi repugnat: & ideo invidia mox nominata sonat aliquid mali, ut Philosophus dicit in 2. Ethic. (cap. 6. à med. tom. 5.) Hoc autem non competit ira, quæ est appetitus vindictæ, potest enim vindicta & bene, & male appeti.

Alio modo invenitur malum in aliqua passione secundum quantitatem ipsius, id est, superabundantiam, vel defectum ipsius. Et sic potest malum in ira inveniri, quando scilicet aliquis irascitur plus, vel minus præter rationem rectam: si autem aliquis irascitur secundum rationem rectam, tunc irasci est laudabile.

Ad primum ergo dicendum, quod Stoici iram, & omnes alias passiones nominabant affectus quosdam præter ordinem rationis existentes: & secundum hoc ponebant iram, & omnes alias passiones esse malas ut supra dictum est, (1. 2. q. 24. a. 2.) cum de passionibus ageretur. Et sic accipit iram Hieronym. loquitur enim de ira, qua quis irascitur contra proximum, quasi malum ejus intendens. Sed secundum Peripateticos, quorum sententiam magis approbat August. in 9. de civit. Dei, (cap. 9. tom. 5.) ira, & aliæ passiones animæ dicuntur motus appetitus sensitivi, sive sint moderatæ secundum rationem, sive non: & secundum hoc ira non semper est mala.

Ad secundum dicendum, quod ira dupliciter se potest habere ad rationem. *Uno* quidem modo antecedenter: & sic trahit rationem à sua rectitudine: unde habet rationem mali: *alio modo* consequenter, prout scilicet appetitus sensitivus movetur contra vitia secundum ordinem rationis. Et hæc ira est bona, quæ dicitur ira per zelum. Unde Gregorius dicit in 5. Moral. (cap. 33. ad fin.) Curandum summiopere est, ne ira, quæ ut instrumentum virtutis assunitur, menti dominetur, ne quasi domina præeat, sed velut ancilla ad obsequium parata à rationis tergo nunquam recedat. Hæc autem ira, etsi in ipsa executione actus judicium rationis aliqualiter impedit, non tamen rectitudinem rationis tollit. Unde Gregorius ibidem dicit, quod ira per zelum turbat rationis oculum, sed ira per vitium excusat. Non est autem contra rationem virtutis, ut intermitatur deliberatio

rationis in executione ejus , quod est à ratione delibera-
ratum : quia etiam ars impediretur in suo actū , si dum
debet agere , deliberaret de agendis .

Ad tertium dicendum , quod appetere vindictam
propter malum ejus qui puniendus est , illicitum est:
sed appetere vindictam propter vitiorum correctionem,
& bonum justitiae conservandum , laudabile est : & in
hoc potest tendere appetitus sensitivus , in quantum mo-
vetur à ratione : & dum vindicta secundum ordinem ju-
dicii fit , à Deo fit , cuius minister est potestas puniens,
ut dicitur Roman. 13.

Ad quartum dicendum , quod Deo assimilari possumus , & debemus in appetitu boni : sed in modo appe-
tendi ei omnino assimilari non possumus ; quia in Deo
non est appetitus sensitivus , sicut in nobis , cuius motus
debet rationi deservire. Unde Gregorius dicit in 5. Mor.
(loc. supr. cit.) quod tunc robustius ira contra vitia eri-
gitur , cum subdita ratione famulatur .

ARTICULUS II.

767

Utrum ira sit peccatum.

1. dist. 36. a. 1. ad 2. & 3. d. 15. 4. 2. a. 2. q. 2. corp.
& mal. q. 12. a. 2. & Ephes. 4. lect. 1.

Ad Secundum sic proceditur. Videtur , quod ira non
sit peccatum. Peccando enim demeremur : sed passioni-
bus non demeremur , sicut nec vituperamur , ut dicitur
in 2. Ethic. (cap. 5. cir. mei. tom. 5.) ergo nulla
passio est peccatum : ira autem est passio , ut supra
habitum est , (1. 2. q. 46. a. 1.) cum de passionibus
ageretur : ergo ira non est peccatum.

2. Præterea. In omni peccato est conversio ad ali-
quod bonum commutabile : sed per iram non converti-
tur aliquis ad aliquod bonum commutabile , sed in ma-
lum alicujus : ergo ira non est peccatum.

3. Præterea. Nullus peccat in eo quod vitare non
potest , ut Augustinus dicit : (lib. 3. de lib. arb. cap. 19.
à princ. tom. 1.) sed iram homo vitare non potest,
quia super illud Psalm. 4. Irascimini , & nolite peccare ,

di-

dicit Glos. (ord. Cassiod.) quod *motus iræ non est in potestate nostra.* Philosophus etiam in 7. Ethic. (cap. 6. cir. med. tom. 5.) dicit, quod *iratus cum tristitia operatur: tristitia autem est contraria voluntati: ergo ira non est peccatum.*

4. Præterea. Peccatum est contra naturam, ut Damascenus dicit in 2. lib. (orth. fid. cap. 4. v 30.) Sed irasci non est contra naturam hominis, eum sit actus naturalis potentiae, quæ est irascibilis: unde & Hieronymus dicit in quadam epistola, (sc. 9. ad Salvinam, aliquant. ante fin.) quod *irasci est hominis: ergo irasci non est peccatum.*

Sed Contra est, quod Apostolus dicit ad Ephes. 4. *Omnis indignatio, & ira tollatur a vobis.*

Respondeo dicendum, quod ira, sicut dictum est, (art. præc. v 1. 2. q. 46. a. 1.) proprie nominat quandam passionem. Passio autem appetitus sensitivi in tantum est bona, in quantum ratione regulatur: si autem ordinem rationis excludat, est mala. Ordo autem rationis in ira potest attendi quantum ad duo. Primo quidem quantum ad appetibile, in quod tendit, quod est vindicta. Unde si aliquis appetat, quod secundum ordinem rationis fiat vindicta, est laudabilis iræ appetitus: & votatur ira per zelum.

Si autem aliquis appetat, quod fiat vindicta qualitercumque contra ordinem rationis, (puta si appetat puniri eum, qui non meruit, vel ultra quam meruit, vel etiam non secundum legitimum ordinem, vel non propter debitum suum, qui est conservatio justitiae, & correctio culpe) erit appetitus iræ vitiosus: & nominatur ira per vitium.

Allo modo attenditur ordo rationis circa iram, quantum ad modum irascendi; ut scilicet motus iræ non immoderata fervescat, nec interius, nec exterius; quod quidem si prætermittatur, non erit ira absque peccato, etiam si aliquis appetat justam vindictam.

Ad primum ergo dicendum, quod quia passio potest esse regulata ratione, vel non regulata, ideo secundum passionem absolute consideratam non importatur ratio meriti, vel demeriti, seu laudis, vel vituperii: secundum tamen quod est regulata ratione, potest habere

rationem meritorii, & laudabilis: & è contrario secundum quod non est regulata ratione, potest habere rationem demeriti, vel vituperabilis. Unde & Philosophus ibidem dicit, quod laudatur, vel vituperatur, qui aliqualiter irascitur.

Ad secundum dicendum, quod iratus non appetit malum alterius propter se, sed propter vindictam, in quam convertitur appetitus ejus, sicut in quoddam commutabile bonum.

Ad tertium dicendum, quod homo est dominus suorum actuum per arbitrium rationis. Et ideo motus qui præveniunt judicium rationis, non sunt in potestate hominis in generali; ut scilicet nullus eorum insurgat; quamvis ratio possit quemlibet singulariter impedire, si insurgat. Et secundum hoc dicitur, quod motus iræ non est in potestate hominis; ita scilicet quod nullus iuratur. Quia tamen aliqualiter est in hominis potestate, non totaliter perdit rationem peccati, si sit inordinatus. Quod autem Philosophus dicit, iratum cum tristitia operari, non est sic intelligendum, quasi tristetur de eo, quod irascitur, sed quia tristatur de injuria, quam aestimat sibi illatam: & ex hac tristitia movetur ad appetendum vindictam.

Ad quartum dicendum, quod irascibilis in homine naturaliter subjicitur rationi. Et ideo actus ejus tantum est homini naturali, in quantum est secundum rationem; in quantum vero est præter ordinem rationis, est contra hominis naturam.

ARTICULUS III.

768

Utrum omnis ira sit peccatum mortale.

I. 2. q. 88. a. 5. ad 1. ♂ mal. q. 7. a. 4. ad 1. ♂
q. 12. a. 3. ♂ Gal. 5. lect. 5.

A

Ad Tertium sic proceditur. Videtur, quod omnis ira sit peccatum mortale. Igitur enim Job 5. *Virum stultum interficit iracundia:* & loquitur de intersectione spirituali, à qua denominatur peccatum mortale: ergo omnis ira est peccatum mortale.

Præ-

2. Præterea. Nihil meretur damnationem æternam, nisi peccatum mortale: sed ira meretur damnationem æternam: dicit enim Dominus Matth. 5. *Omnis, qui irascitur fratri suo, reus erit iudicio: ubi dicit Glos. (ordin.) quod per illa tria, quæ ibi tanguntur, scilicet iudicium, concilium, & gehenna, diversæ mansiones in æterna dominatione pro modo peccati signanter exprimuntur: ergo ira est peccatum mortale.*

3. Præterea. Quidquid contrariatur charitati, est peccatum mortale: sed ira de se contrariatur charitati, ut patet per Hieronymum super illud Matth. 5. *Qui irascitur fratri suo, &c. ubi dicit, quod hoc est contra proximi dilectionem: ergo ira est peccatum mortale.*

Sed Contra est, quod super illud Psalm. 4. *Irascermini, & nolite peccare, dicit Glos. (ord. Cassiod.) Venialis est ira, quæ non perducitur ad effectum.*

Respondeo dicendum, quod motus iræ potest esse inordinatus, & peccatum dupliciter, sicut dictum est. (art. præc.)

Uno modo ex parte appetibilis; utpote cum aliquis appetit injustam vindictam: & sic ex genere suo ira est peccatum mortale, quia contrariatur charitati, & justitiae.

Potest tamen contingere, quod talis appetitus sit peccatum veniale propter imperfectionem actus. Quæ quidem imperfectio attenditur, vel ex parte appetentis; puta cum motus iræ prævenit iudicium rationis: vel etiam ex parte appetibilis; puta cum aliquis appetit in aliquo modico se vindicare, quod quasi nihil est reputandum, ita quod etiam si actu inferatur, non esset peccatum mortale; puta si aliquis parum trahit aliquem puerum per capillos, vel aliquid hujusmodi.

Alio modo potest esse motus iræ inordinatus quantum ad modum irascendi; utpote si nimis ardenter irascatur interius, vel si nimis exterius manifestet signum iræ: & sic ira secundum se non habet ex suo genere rationem peccati mortalis: potest tamen contingere, quod sit peccatum mortale; puta si ex vehementia iræ aliquis excidat à dilectione Dei, & proximi.

Ad primum ergo dicendum, quod ex illa auctoritate non habetur quod omnis ira sit peccatum mortale, sed

la, (se. epist. 109. aliquant. ante fin. tom. 2.) Ne ira crescat in odium, & trahem faciat de festuca : non ergo ira est gravissimum peccatum.

Respondeo dicendum, quod, sicut dictum est (a. 1. & 2. huj. q.) inordinatio iræ secundum duo attenditur : scilicet secundum indebitum appetibile, & secundum indebitum modum irascendi. Quantum igitur ad appetibile, quod iratus appetit, videtur esse ira minimum peccatorum : appetit enim ira malum pœnæ alicujus sub ratione boni, quod est vindicta. Et ideo ex parte mali, quod appetit, convenit peccatum iræ cum illis peccatis, quæ appetunt malum proximi, puta cum invidia, & odio : sed odium appetit absolute malum alterius, in quantum hujusmodi : invidus autem appetit malum alterius propter appetitum propriæ gloriae: sed iratas appetit malum alterius sub ratione justæ vindictæ. Ex quo patet, quod odium est gravius quam invidia, & invidia quam ira : quia pejus est appetere malum sub ratione mali, quam sub ratione boni: & pejus est appetere malum sub ratione boni exteriores, quod est honor, vel gloria, quam sub ratione rectitudinis justitiae.

Sed ex parte boni, sub cuius ratione iratus appetit malum, convenit ira cum peccato concupiscentiæ, quod tendit in aliquid bonum. Et quantum ad hoc etiam absolute loquendo peccatum iræ videtur esse minus, quam concupiscentiæ, quanto melius est bonum justitiae, quod appetit iratus, quam bonum delectabile, vel utile, quod appetit concupiscens. Unde Philos. dicit in 7. Ethicorum, (cap. 6. tom. 5.) quod incontinentis concupiscentiæ est turpior, quam incontinentis iræ.

Sed quantum ad inordinationem, quæ est secundum modum irascendi, ira habet quamdam excellentiam propter vehementiam, & velocitatem sui motus, secundum illud Proverb. 27. *Ira non habet misericordiam, nec erumpens furor : & impetum concitati spiritus ferre quis poterit?* Unde Greg. dicit in 5. Moral. (cap. 31, ante med.) *Ira sua stimulis accessum cor palpitat, corpus tremit, lingua se præpedit, facies ignescit, exasperantur oculi, & nequaquam recognoscuntur noti : lingua quidem clamorem format, sed sensus quid loquatur ignorat.*

Ad

sed quod stulti per iracundiam spiritualiter occiduntur; in quantum scilicet non refrænando per rationem motum iræ, dilabuntur in aliqua peccata mortalia, puta in blasphemiam Dei, vel injuriam proximi.

Ad secundum dicendum, quod Dominus dixit verbum illud de ira, quasi superaddens ad illud verbum legis, *Qui occiderit, reus erit iudicio.* Unde loquitur ibi Dominus de motu iræ, in quo quis appetit proximi occisionem, aut quamcumque gravem iæsionem: cui appetit si consensus rationis superveniat, absque dubio erit peccatum mortale.

Ad tertium dicendum, quod in illo casu, in quo ira contrariatur charitati, est peccatum mortale: sed hoc non semper accidit, ut ex dictis patet. (*in corp.*)

ARTICULUS IV.

769

Utrum ira sit gravissimum peccatum.

1. 2. q. 46. a. 6. & mal. q. 12. a. 4.

Ad Quartum sic proceditur. Videtur, quod ira sit gravissimum peccatum. Dicit enim Chrysost. (*hom. 57. in Joan. ad fin.*) quod *nihil est turplus visu furentis, & nihil deformius severo visu, & multo magis anima:* ergo ira est gravissimum peccatum.

2. Præterea, Quanto aliquod peccatum est magis nocivum, tanto videtur esse pejus: quia sicut Aug. dicit in *Enchirid.* (*cap. 12. tom. 3.*) *malum dicitur aliquid quia nocet:* ira autem maxime nocet quia auferit homini rationem, per quam est dominus sui ipsius, dicit enim Chrysost. (*loc. cit.*) *quod inter iram, & insaniam nihil differt, sed temporarius quidam dæmon est, immo quam qui dæmonio vexatur, gravior:* ergo ira est gravissimum peccatum.

3. Præterea, Interiores motus dijudicantur secundum exteriore effectus: sed effectus iræ est homicidium, quod est gravissimum peccatum: ergo ira est gravissimum peccatum.

Sed Contra est, quod ira comparatur ad odium, sicut festuca ad trahem, dicit enim Angust. in *Regula,*

Ad primum ergo dicendum, quod Chrysost. loquitur de turpitudine quantum ad gestus exteriores, qui proveniunt ex impetu iræ.

Ad secundum dicendum, quod ratio illa procedit secundum inordinatum motum iræ, qui provenit ex ejus impetu, ut dictum est. (*in corp. a.*)

Ad tertium dicendum, quod homicidium non minus provenit ex odio, vel invidia, quam ex ira: tamen levior est in quantum attendit rationem justitiae, ut dictum est. (*in corp.*)

ARTICULUS V.

780

Utrum Philosophus convenienter determinet species iracundie, dicens, quod iracundorum quidam sunt acuti, quidam amari, & quidam difficiles.

I. 2. q. 45. a. 2. & 4. Eth. lect. 13.

Ad Quintum sic proceditur. Videtur, quod inconvenienter determinentur species iracundie à Philos. in 4. Ethic. (cap. 5. tom. 5.) ubi dicit, quod iracundorum quidam sunt acuti, quidam amari, quidam difficiles, sive graves. Quia secundum ipsum amari dicuntur, quorum ira difficile, solvit, & multo tempore matnet: sed hoc videtur pertinere ad circumstantiam temporis: ergo videtur, quod etiam secundum alias circumstantias possint accipi aliæ species iræ.

2. Præterea. *Difficiles*, sive *graves* dicit (*ibid.*) esse, quorum ira non commutatur sine cruciatu, vel punitione: sed hoc etiam pertinet ad insolubilitatem iræ: ergo videtur, quod idem sint difficiles, & amari.

3. Præterea. Dominus Matth. 5. ponit tres gradus iræ, cum dicit, qui irascitur fratri suo; & qui dixerit fratri suo, *Racha*: & qui dixerit fratri suo, *Fatu*: qui quidem gradus ad prædictas species non referuntur: ergo videtur, quod prædicta divisio iræ non sit conveniens.

Sed Contra est, quod Greg. Nyssen. (vel *Nemts.* lib. de nat. hom. cap. 21.) dicit, quod tres sunt irascibilitatis species; sc. *ira*, quæ vocatur *fellea* & *mar*ia

da, quæ vocatur insania, & furor. Quæ tria videntur esse eadem tribus præmissis. Nam iram felleam dicit esse, quæ principium, & motum habet, quod Phil. (loc. sup. cit.) attribuit acutis : *Maniam* vero dicit esse iram, quæ permanet, & in vetustatem devenit quod Philos. attribuit amaris : *Furorem* autem dicit esse iram, quæ observat tempus in supplicium, quod Philos. attribuit difficultibus. Et eamdem etiam divisionem ponit Damasc. in 2. lib. (orth. fid. cap. 16.) ergo prædicta distinctio Philosophi non est inconveniens.

Respondeo dicendum, quod prædicta distinctio potest referri vel ad passionem iræ, vel etiam ad ipsum peccatum iræ. Quomodo autem referatur ad passionem iræ, supra habitum est, (1. 2. q. 46. art. 8.) cum de passione iræ agatur. Et sic præcipue videtur poni à Greg. Nysseu, & Damasc. Nunc autem oportet accipere distinctionem harum specierum, secundum quod pertinent ad peccatum iræ, prout ponitur à Philosopho.

Potest autem inordinatio iræ ex dubiis attendi. Primo quidem ex ipsa iræ origine : & hoc pertinet ad acutos qui nimis cito irascuntur, & ex qualibet levi causa.

Alio modo ex ipsa iræ duratione, eo scilicet quod ira nimis perseverat. Quod quidem potest esse dupliciter. Uno modo, quia causa iræ, scilicet injuria illata, nimis manet in memoria hominis : unde ex hoc homo diutinam tristitiam concipit : & ideo sunt sibiipsis graves, & amari. Alio modo contingit ex parte ipsius vindictæ, quam aliquis obstinato appetitu querit : & hoc pertinet ad difficultes, sive graves, qui non dimittunt iram, quoque puniant.

Ad primum ergo dicendum, quod in speciebus prædictis non principaliter consideratur tempus, sed facilitas hominis ad iram, vel firmitas in ira.

Ad secundum dicendum, quod utrique, scilicet amari, & difficultes habent iram diurnam, sed propter aliam causam. Nam amari habent iram permanentem propter permanentiam tristitiae, quam inter viscera tenent clausam : & quia non prorumpunt ad exteriora iracundia signa, non possunt persuaderi ab aliis, nec ex seipsis recedunt ab ira, nisi prout diurnitate temporis aboleatur tristitia, & sic deficit ira. Sed in difficultibus est ira diurna

prop-

propter vehemens desiderium vindictæ : & ideo tempore non digeritur , sed per solam punitionem quiescit.

Ad tertium dicendum , quod gradus iræ , quos Dominus ponit , non pertinent ad diversas iræ species , sed accipiuntur secundum processum humani actus . In quibus primo aliquid in corde concipitur : & quantum ad hoc dicit : *Qui irascitur fratri suo.* Secundum autem est , cum per aliqua signa exteriora manifestatur exterius , etiam antequam prorumpat in effectum : & quantum ad hoc dicit : *Qui dixerit fratri suo , Racha ,* quod est interjectio irascentis . Tertius gradus est , quando peccatum interius conceptum ad effectum perducitur , est autem effectus iræ nocumentum alterius sub ratione vindictæ . Minimum autem nocumentorum est , quod fit solo verbo : & ideo quantum ad hoc dicit : *Qui dixerit fratri suo , Fatus .* Et sic patet , quod secundum addit supra primum , & tertium supra utrumque . Unde si primum est peccatum mortale in casu , in quo Dominus loquitur , sicut dictum est , (a. 3. huj. q. ad 2.) multo magis alia . Et ideo singulis eorum ponuntur correspondentia aliqua pertinentia ad condemnationem . Sed primo ponitur iudicium , quod minus est ; quia , ut August. dicit , (l. 1. de serm. Dom. in monte , cap. 9. à med. tom. 5.) in iudicio adhuc defensioni locus datur : in secundo vero ponit concilium , in quo judices inter se conferunt , quo supplicio damnari oporteat : in tertio ponit gehennam ignis , quæ est certa damnatio .

ARTICULUS VI.

77¹

Utrum ira debeat ponri inter vicia capitalia.

Supp. q. 34. a. 5. & mal. q. 8. a. 2. cor. & ad 21. &
22. & q. 12. a. 5.

Ad Sextum sic proceditur . Videtur , quod ira non debeat poni inter vicia capitalia . Ira enim ex tristitia nascitur : sed tristitia est vitium capitale , quod dicitur accidia : ergo ira non debet poni vitium capitale .

2. Præterea . Odium est gravius peccatum , quam ira : ergo magis debet poni vitium capitale , quam ira .

Præ-

3. Præterea. Super illud Prov. 29. *Vir iracundus provocat rixas*, dicit Glos. (ordinar.) *Janua est omnium vitiorum iracundia*; *qua clausa, virtutibus intrinsecus debitur quies*; *aperta autem, ad omne facinus armabitur animus*: nullum autem vitium capitale est principium omnium peccatorum, sed quorumdam determinate: ergo ira non debet ponni inter vitia capitalia.

Sed Contra est, quod Gregor. 31. Moral. (cap. 17. à med.) ponit iram inter vitia capitalia.

Respondeo dicendum, quod, sicut ex præmissis patet, (1. 2. q. 84. a. 3. & 4.) vitium capitale dicitur, ex quo multa vitia oriuntur. Habet autem hoc ira, quod ex ea multa vitia oriri possunt duplci ratione. Primo ex parte sui objecti, quod multum habet de ratione appetibilitatis: in quantum scilicet vindicta appetitur sub ratione justi vel honesti, quod sua dignitate allicit, ut supra habitum est. (a. 4. huj. q.) Alio modo ex suo impetu, quo mentem præcipitat ad inordinata quæcunque agenda. Unde manifestum est, quod ira est vitium capitale.

Ad primum ergo dicendum, quod illa tristitia, ex qua oritur ira, ut plurimum non est accidie vitium, sed passio tristitiae, quæ consequitur ex injuria illata.

Ad secundum dicendum, quod, sicut ex supradicatis patet, (1. 2. q. 84. a. 3. & 4.) ad rationem vitii capitalis pertinet, quod habeat finem multum appetibilem, ut sic propter appetitum ejus multa peccata committantur. Ira autem, quæ appetit malum sub ratione boni, habet finem magis appetibilem, quam odium, quod appetit malum sub ratione mali. Et ideo magis est vitium capitale ira, quam odium.

Ad tertium dicendum, quod ira dicitur esse janua vitiorum per accidens, scilicet removendo prohibeas, id est, impediendo judicium rationis, per quod homo retrahitur à malis: directe autem, & per se est causa aliquorum specialium peccatorum, quæ dicuntur filii eius.

ARTICULUS VII.

771

Utrum convenienter assignentur sex filiae iræ, scilicet rixa, tumor mentis, contumelia, clamor, indignatio, & blasphemia.

Supp. q. 37. a. 2. ad 1. & q. 41. a. 2. & mal. q. 12. a. 5. corp.

And Septimum sic proceditur. Videtur, quod inconveniente assignentur sex filiae iræ; quæ sunt rixa, tumor mentis, contumelia, clamor, indignatio, blasphemia. Blasphemia enim ponitur ab Isidoro filia superbia, (*Comment. in Deut. cap. 16.*) non ergo debet ponni filia iræ.

2. Præterea. Odium nascitur ex ira, ut August. dicit in Regula: (*scil. epist. 109. aliq. ante fui. tom. 2.*) ergo debet numerari inter filias iræ.

3. Præterea. Tumor mentis videtur idem esse, quod superbia: superbia autem non est filia alicujus vitii, sed mater omnium vitiorum, ut Greg. dicit 31. Moral. (*cap. 17. à med.*) ergo tumor mentis non debet numerari inter filias iræ.

Sed Contra est, quod Greg. 31. Moral. (*ibid.*) signat has filias iræ.

Respondeo dicendum, quod ira potest tripliciter considerari. *Uno modo*, secundum quod est in corde. Et sic ex ira nascuntur duo vitia. *Uuum* quidem ex parte ejus, contra quem homo irascitur, quem reputat indignum, ut sibi tale quid fecerit: & sic ponitur indignatio. *Aliud* autem vitium est ex parte sui ipsius; in quantum scilicet excogitat diversas vias vindictæ, & talibus cogitationibus animum suum replet, secundum illud Job 15. *Nunquid sapiens implebit ardore stomachum suum?* Et sic ponitur tumor mentis.

Alio modo consideratur ira, secundum quod est in ore. Et sic ex ira duplex inordinatio procedit. *Una* quidem secundum hoc, quod homo in modo loquendi iram suam demonstrat, sicut dictum est (*a. 5. huj. q. ad 3.*) de eo qui dicit fratri suo: *Racha.* Et sic ponitur clamor.

mor, per quæ intelligitur inordinata, & confusa locutio. *Allia* etiam est inordinatio, secundum quod aliquis prorumpit in verba injuriosa: quæ quidem *sī sint contra Deum*, erit blasphemia; *sī autem contra proximum*, contumelia.

Tertio modo consideratur ira, secundum quod procedit usque ad factum: & sic ex ira oriuntur iræ, per quas intelliguntur omnia nocimenta, quæ facto proximis inferuntur ex ira.

Ad primum ergo dicendum, quod blasphemia, in quam aliquis prorumpit deliberata mente, procedit ex superbia hominis contra Deum se erigentis; quia, ut dicitur Eccl. 10. *Initium superbiae hominis apostatare à Deo*, id est, recedere à veneratione ejus, est prima superbie pars: & ex hoc oritur blasphemia: sed blasphemia, in quam aliquis prorumpit ex commotione animi, procedit ex ira.

Ad secundum dicendum, quod odium etsi aliquando nascatur ex ira: tamen habet aliquam priorem causam, ex qua directius oritur, scilicet tristitiam; sicut è contrario amor nascitur ex delectatione: ex tristitia autem illata quandoque in iram, quandoque in odium aliquis movetur. Unde convenientius fuit, quod odium ponetur oriri ex accidē, quam ex ira.

Ad tertium dicendum, quod tumor mentis non accipitur hic pro superbia, sed pro quodam conatu, sive audacia hominis intentantis vindictam: audacia autem est vitium fortitudini oppositum.

ARTICULUS VIII.

773

Utrum sit aliquod vitium oppositum iracundiae proveniens ex defectu iræ.

 Ad Octavum sic proceditur. Videtur, quod non sit aliquod vitium oppositum iracundiae proveniens ex defectu iræ. Nihil enim est vitiosum, per quod homo Deo assimilatur: sed per hoc, quod homo omnino est sine ira, assimilatur Deo, qui cum tranquillitate iudicat. ergo non videtur, quod sit vitiosum omnino ira carere.

2. Præterea. Defectus ejus, quod ad nihil est utilis, non est vitiosus. Sed motus iræ ad nihil est utilis, ut probat Seneca in lib. quem fecit de ira; (sc. lib. I. cap. 12.) ergo videtur, quod defectus iræ non sit vitiosus.

3. Præterea. *Malum hominis*, secundum Dionys. (cap. 4. de div. nom. par. 4. lect. 22.) est præter rationem esse: sed subtractio omni motu iræ, adhuc remanet integrum judicium rationis, ergo nullus defectus iræ vitium causat.

Sed Contra est, quod Chrysost. dicit super Matth. (hom. II. In op. imperf. inter princ. & med.) qui cum causa non irascitur, peccat. Patientia enim irrationalis vultus seminat, negligentiam nutrit, & non solum malos, sed etiam bonos invitat ad malum.

Respondeo dicendum, quod ira dupliciter potest intelligi. Uno modo, ut est simplex motus voluntatis, quo aliquis non ex passione, sed ex judicio rationis prenam infigit: Et sic defectus iræ absque dubio est peccatum. Et hoc modo ira accipitur in verbis Chrysost. qui dicit ibidem: Iracundia, quæ cum causa est, non est iracundia, sed judicium. Iracundia enim proprie intelligitur commotio passionis: qui autem cum causa irascitur, ira illius non est ex passione: ideo judicare dicitur, non irasci.

Alio modo accipitur ira pro motu appetitus sensitivi, qui est cum passione, & transmutatione corporali. Et hic quidem motus ex necessitate consequitur in homine ad simplicem motum voluntatis, quia naturaliter appetitus inferior sequitur motum appetitus superioris, nisi aliquid repugnet. Et ideo non potest totaliter desicere motus iræ in appetitu sensitivo, nisi per subtractionem, vel debilitatem voluntarii motus. Et ideo ex consequenti etiam defectus passionis iræ vitiosus est, si-
ent & defectus voluntarii motus ad puniendum secun-
dum judicium rationis.

Ad primum ergo dicendum, quod ille, qui totaliter non irascitur, cum debet irasci, imitatur quidem Deum quantum ad carentiam passionis, non autem quantum ad hoc, quod Deus ex judicio punit.

Ad secundum dicendum, quod passio iræ utilis est,

sicut & omnes alii motus appetitus sensitivū, ad hoc quod homo promptus exequatur id, quod ratio dictat: alioquin frustra esset in homine appetitus sensitivus, cum tamen natura nihil faciat frustra.

Ad tertium dicendum, quod in eo, qui ordinate agit, judicium rationis non solum est causa simplicis motus voluntatis, sed etiam passionis appetitus sensitivū, ut dictum est. (*In cor. ar.*) Et ideo sicut remotio effectus est signum remotionis causæ; ita etiam remotio iræ est signum remotionis judicij rationis.

QUÆSTIO CLIX.

De Crudelitate, in duos articulos divisæ.

Deinde considerandum est de Crudelitate.

Et circa hoc queruntur duo.

Primo. Utrum crudelitas opponatur clementiæ.

Secundo. De comparatione ejus ad sævitiam, vel feritatem.

ARTICULUS I.

774

Utrum crudelitas opponatur clementiæ.

Inf. art. 2. ad 1.

Ad Primum sic proceditur. Videtur, quod crudelitas non opponatur clementiæ. Dicit enim Seneca in 2. de Clementia, (cap. 4.) quod illi vocantur crudeles, qui excedunt modum in puniendo; quod contrariatur justitiæ; Clementia autem non ponitur pars justitiæ, sed temperantiæ: ergo crudelitas non videtur opponi clementiæ.

2. Præterea. Hierem. 6. dicitur: *Crudelis est, si non miserebitur;* & sic videtur, quod crudelitas opponatur misericordiæ; sed misericordia non est idem clementiæ, ut supra dictum est, (q. 157. a. 4. ad 3.) ergo crudelitas non opponitur clementiæ.

3. Præterea. Clementia consideratur circa inflictionem

nem pœnarum , ut dictum est : (q. 157. a. 1.) sed crudelitas consideratur in subtractione beneficiorum , secundum illud Proverb. 11. *Qui autem crudelis est , etiam propinquos abjicit ; ergo crudelitas non oppositur clementiæ.*

Sed Contra est , quod dicit Seneca in 2. de Clementia , (cap. 4. in princ.) quod opponitur clementiæ crudelitas , quæ nihil aliud est , quam atrocitas animi in exigendis pœnis.

Respondeo dicendum , quod nomen crudelitatis à cruditate sumptum esse videtur. Sicut autem ea , quæ sunt cocta , & digesta , solent habere suavem , & dulcem saporem : ita illa , quæ sunt cruda , habent horribilem , & asperum saporem. Dictum est autem supra , (q. 157. a. 3. ad 1. & a. 4. ad 3.) quod clementia importat quandam animi lenitatem , sive dulcedinem , per quam aliquis est diminutivus pœnarum. Unde directe crudelitas clementiæ opponitur.

Ad primum ergo dicendum , quod sicut diminutio pœnarum , quæ est secundum rationem , pertinet ad epichejam ; sed ipsa dulcedo affectus , ex qua homo ad hoc inclinatur , pertinet ad clementiam : ita etiam superexcessus pœnarum , quantum ad id , quod exterius agitor , pertinet ad injustitiam ; sed quantum ad austерitatem animi , per quam aliquis fit promptus ad pœnas augendas , pertinet ad crudelitatem.

Ad secundum dicendum , quod misericordia , & clementia convenient in hoc , quod utraque resurgit , & abhorret miseriæ alienam : aliter tamen , & aliter : nam ad misericordiam pertinet , miseriæ subvenire per beneficij collationem : ad clementiam autem pertinet , miseriæ diminuere per subtractionem pœnarum. Et quia crudelitas superabundantiam in exigendis pœnis importat , directius opponitur clementiæ , quam misericordiæ : tamen propter similitudinem harum virtutum accipitur quandoque crudelitas pro immisericordia.

Ad tertium dicendum , quod crudelitas ibi accipitur pro immisericordia , ad quam pertinet beneficia non largiri.

Quamvis etiam dici possit , quod ipsa beneficij subtractione quedam pœna est ,

ARTICULUS II.

275

Utrum crudelitas à sævitia, sive feritate differat.

Sup. q. 257. a. 1. ad 3.

A. Ad Secundum sic proceditur. Videtur, quod crudelitas à sævitia, sive feritate non differat. Uni enim virtuti ex una parte unum vitium videtur esse oppositum: sed clementiae per superabundantiam opponitur & sævitia, & crudelitas, ergo videtur, quod sævitia, & crudelitas sint idem.

2. Præterea. Isidor. dicit in lib. 10. Etymolog. (ad lit. S.) quod *severus* dicitur quasi *sævus*, & *verus*, quia sine pietate tenet justitiam: & sic sævitia videtur excludere remissionem pœnarum in judicio; quod pertinet ad pietatem: hoc autem dictum est (art. præc. ad 1.) ad crudelitatem pertinere: ergo crudelitas est idem quod sævitia.

3. Præterea. Sicut virtuti opponitur aliquod vitium in excessu, ita etiam in defectu; quod quidem contrariatur & virtuti quæ est in medio, & vitio quod est in excessu: sed idem vitium ad defectum pertinens opponitur & crudelitati, & sævitiae, videlicet remissis, vel dissolutio: dicit enim Grægor. 20. Moral. (cap. 8. ante med.) Sit amor, sed non emoliens: sit rigor, sed non exacerbans: sit zelus, sed non immoderatae sæviens: sit pietas, sed non plus quam expeditat parcens; ergo sævitia est idem crudelitati.

Sed Contra est, quod Seneca dicit in 2. de Clementia, (cap. 4. circ. med.) quod ille qui non est Iesus, nec peccatori irascitur, non dicitur crudelis, sed ferus, sive sævus.

Respondeo dicendum, quod nomen sævitiae, & feritatis à similitudine ferarum accipitur, quæ etiam dincuntur sæva. Hujusmodi enim animalia nocent hominibus, ut ex eorum corporibus pascantur, non ex aliqua justitiae causa, cuius consideratio pertinet ad solam rationem. Et ideo, proprie loquendo, feritas, vel sæ-

vitia dicitur, secundum quam aliquis in pœnis inferrendis non considerat aliquam culpam ejus, qui punitur, sed solum hoc quod delectatur in hominum cruciatu. Et sic patet, quod continetur sub bestialitate: nam talis delectatio non est humana, sed bestialis proveniens vel ex mala consuetudine, vel ex corruptione naturæ, sicut & aliæ hujusmodi bestiales affectiones.

Sed crudelitas non solum attendit culpam in eo, qui punitur, sed excedit modum in puniendo. Et ideo crudelitas differt à sævitia, sive feritate, sicut malitia humana differt à bestialitate, ut dicitur in 7. Ethic. (cap. 5. tom. 5.)

Ad primum ergo dicendum, quod clementia est virtus humana; unde directe ipsi opponitur crudelitas, quæ est malitia humana. Sed sævitia, vel feritas continetur sub bestialitate, unde non directe opponitur clementiæ, sed superexcellentiæ virtutis, quam Philos. (libr. 7. Ethic. circ. princ. tom. 5.) vocat heroicam, vel divinam, quæ secundum nos videtur pertinere ad dona Spiritus Sancti. Unde potest dici, quod sævitia directe opponitur dono pietatis.

Ad secundum dicendum, quod severus non dicitur simpliciter sævus, quia hoc sonat in vitium; sed dicitur sævus circa severitatem, + al. veritatem + propter aliquam similitudinem sævitiae, quæ non est diminutiva penarum.

Ad tertium dicendum, quod remissio in puniendo non est vitium, nisi in quantum prætermittitur ordo justitiae, quo aliquis deberet puniri propter culpam, quia excedit crudelitas. Sævitia autem penitus hunc ordinem non attendit. Unde remissio punitionis directe opponitur crudelitati, non autem sævitiae.

QUÆSTIO CLX.

De Modestia, in duos articulos divisa.

Deinde considerandum est de Modestia. Et primo de ipsa in communi, Secundo de singulis, quæ sub continentur.

Circa primum queruntur duos.

Primo. Utrum modestia sit pars temperantiae.
Secundo. Quæ sit materia modestiae.

ARTICULUS I.

776

Utrum modestia sit pars temperantiae.

Sap. q. 143. v. 2. d. 44. q. 3. a. 1. ad 3. v. 3. d. 33.
q. 3. a. 2. q. 2. co. v. ad 3. v. ad Tit. 3.

 Ad Primum sic proceditur. Videtur, quod modestia non sit pars temperantiae. Modestia enim à modo dicitur sed in omnibus virtutibus requiritur modus; nam virtus ordinatur ad bonum: *bonum autem, ut Aug. dicit in lib. de natura boni, (cap. 3. tom. 6.) consistit in modo, specie, & ordine;* ergo modestia est generalis virtus; non ergo debet poni pars temperantiae.

2. Præterea. Lans temperantiae videtur consistere præcipue in quadam moderatione: ex hac autem sumitur nomen modestiae; ergo modestia est idem quod temperantia, & non pars ejus.

3. Præterea. Modestia videtur consistere circa proximorum correptionem, secundum illud 2. ad Timoth. 2. *Servum Dei non oportet litigare, sed mansuetu- esse ad omnes, cum modestia corriplentem eos, qui resistunt veritati;* sed correptio delinquentium est actus justitiae, vel charitatis, ut supra habitum est: (q. 33. a. 1. v. 2.) ergo videtur, quod modestia magis sit pars justitiae, quam temperantiae.

Sed Contra est, quod Tullius (*lib. 2. de Invent. aliq. ante fin.*) ponit modestiam partem temperantiae.

Respondeo dicendum, quod, sicut supra dictum est, (q. 141. a. 4. v. q. 157. a. 3.) temperantia moderationem adhibet circa ea, in quibus difficultissimum est moderari, scilicet circa concupiscentias delectationum tactus. Ubiunque autem est aliqua virtus specialiter circa aliquod maximum, oportet esse aliam virtutem circa ea, quæ mediocriter se habent: eo quod oportet

quantum ad omnia vitam hominis secundum virtutem esse regulatam: sicut supra dictum est, (q. 134. a. ad 1.) quod magnificentia est circa magnos sumptus pecuniarum; præter quam est necessaria liberalitas, quæ sit circa mediocres sumptus. Unde necessarium est quod sit quædam virtus moderativa in mediocribus, in quibus non est ita difficile moderari. Et hæc virtus vocatur modestia, & adjungitur temperantiae, tanquam principali.

Ad primum ergo dicendum, quod nomen communum quandoque appropriatur his, quæ sunt infima; sicut nomen commune Angelorum appropriatur infimo ordinis Angelorum: ita etiam & modus, qui communiter observatur in qualibet virtute, appropriatur specialiter virtutis, quæ in minimis modum ponit.

Ad secundum dicendum, quod aliqua indigent temperatione propter suam vehementiam; sicut forte unum temperatur: sed moderatio requiritur in omnibus. Et ideo temperantia magis se habet ad passiones vehementes; modestia vero ad mediocres.

Ad tertium dicendum, quod modestia accipitur modo communiter sumpto, prout requiritur in omnibus virtutibus.

ARTICULUS II.

77

Utrum modestia sit solum circa exteriores actiones.

Inf. q. 168. a. 1. & 3. d. 33. q. 3. a. 2. q. 1. ad 3.

 Ad Secundum sic proceditur. Videtur, quod modestia sit solum circa exteriores actiones. Interiores enim motus passionum aliis noti esse non possunt: sed Apostolus ad Philip. 4. mandat, ut modestia nostra nota sit omnibus hominibus; ergo modestia est solum circa exteriores actiones.

2. Præterea. Virtutes, quæ sunt circa passiones, distinguuntur à virtute justitiae, quæ est circa operationes: sed modestia videtur esse una virtus; si ergo est circa operationes exteriores, non erit circa aliquas exteriores passiones.

3. Præterea. Nulla virtus una & eadem est circa ea, quæ pertinet ad appetitum, quod est proprium virtutum moralium, & circa ea, quæ pertinent ad cognitionem, quæ est proprie virtutum intellectualium, neque etiam circa ea, quæ pertinent ad irascibilem, & concupisibilem; si ergo modestia est una virtus, non potest esse circa omnia prædicta.

Sed Contra. In omnibus prædictis oportet observare modum, à quo modestia dicitur: ergo circa omnia prædicta est modestia.

Respondeo dicendum, quod sicut dictum est, (*art. præc.*) modestia differt à temperantia in hoc, quod temperantia est moderativa eorum, quæ difficillimum est refrænare; modestia autem est moderativa eorum, quæ in hoc mediocriter se habent. Diversimode autem aliqui de modestia videntur esse locuti. Ubiunque enim consideraverunt aliquam specialem rationem boni vel difficultatis in moderando, illud substraxerunt modestiæ, relinquentes modestiam circa minora. Manifestum est autem omnibus, quod refrænatio delectationum tactus specialem quandam difficultatem habet. Unde omnes temperantiam à modestia distinxerunt.

Sed præter hoc Tullius (*lib. 2. de Inven. alig. ante fin.*) consideravit, quoddam speciale bonum esse in moderatione pœnarum, & ideo etiam clementiam substraxit modestiæ, ponens modestiam circa omnia, quæ relinquuntur moderanda. Quæ quidem videntur esse quatuor. Quorum uuum est motus animi ad aliquam excellentiam, quam moderatur *humilitas*. Secundum autem est desiderium eorum, quæ pertinent ad cognitionem: & hoc moderatur *studiositas*, quæ opponitur curiositati. Tertiū autem, quod pertinet ad corporales motus, & actiones, ut scilicet decenter, & honeste fiant tam in his, quæ serio, quam in his, quæ ludo aguntur. Quartum autem est, quod pertinet ad exteriorem apparatus; puta in vestibus, & in aliis hujusmodi.

Sed circa quædam eorum *alii* posuerunt quasdam speciales virtutes: sicut Andronicus mansuetudinem, simplicitatem, humilitatem, & alia hujusmodi, de quibus supra dictum est: (*q. 143.*) Aristot. autem, (*lib. 4. Ethic. cap. 8. tom. 5.*) circa delectationem ludorum po-

suit Eutrapeliam: quæ omnia continentur sub modestia, secundum quod à Tullio accipitur.

Et hoc modo modestia se habet non solum circa exteriorum actiones, sed etiam circa interiorum.

Ad primum ergo dicendum; quod Apostolus loquitur de modestia, prout est circa exteriora: & tamen etiam interiorum moderatio manifestari potest per quemdam exteriora signa.

Ad secundum dicendum, quod sub modestia continentur diversæ virtutes, quæ à diversis assignantur. Unde nihil prohibet, modestiam esse circa ea, quæ requirunt diversas virtutes. Et tamen non est tanta diversitas inter partes modestiae ad invicem, quanto est justitiae, quæ est circa operationes; ad temperantiam quæ est circa passiones: quia in actionibus, & passionibus, in quibus non est aliqua excellens difficultas ex parte materiæ, sed solum ex parte moderationis, non attenditur virtus, nisi una, scilicet secundum rationem moderationis.

Et per hoc patet etiam responsio ad Tertium.

QUÆSTIO CLXI.

De speciebus Modestiae, & primo de Humilitate in sex articulos divisa.

Quæ ostea considerandum est de speciebus modestiae. Et primo de humilitate, & superbia, quæ ei opponitur. Secundo de studiositate, & curiositate ipsi opposita. Tertio de modestia, secundum quod est in verbis, vel in factis. Quarto de modestia, secundum quod est circa exteriorem cultum.

Circa Humilitatem queruntur sex.

Primo. Utrum humilitas sit virtus.

Secundo. Utrum consistat in appetitu, vel in iudicio rationis.

Tertio. Utrum aliquis per humilitatem se debeat omnibus subjiceret.

Quarto. Utrum sit pars modestiae, vel temperantiae.

Quin.

Quinto. De comparatione ejus ad alias virtutes,
Sexto. De gradibus humilitatis.

ARTICULUS I.

278

Utrum Humilitas sit virtus.

*Supp. q. 160. a. 2. 27 in præsentī q. a. 2. 27
4. corp.*



1. Primum sic proceditur. Videtur, quod Humilitas non sit virtus. Virtus enim importat rationem boni: sed humilitas videtur importare rationem mali pœnalis, secundum illud Psalm. 104. *Humiliaverunt in compedibus pedes ejus:* ergo humilitas non est virtus.

2. Præterea. Virtus, & vitium opponuntur: sed humilitas quandoque sonat in vitium: dicitur enim Eccli. 19. *Est qui nequiter se humiliat:* ergo humilitas non est virtus.

3. Præterea. Nulla virtus opponitur alii virtutis: sed humilitas videtur opponi virtuti magnanimitatis, quæ tendit in magna; humilitas autem ipsa refugit ergo videtur, quod humilitas non sit virtus.

4. Præterea. *Virtus est dispositio perfecti,* ut dicitur in 7. Phys. (text. 17. 27 18. tom. 2.) Sed humilitas videtur esse imperfectorum: unde & Deo non convenit humiliari, quia nulli subjici potest: ergo videtur, quod humilitas non sit virtus.

5. Præterea. Omnis virtus moralis est circa actiones, & passiones, ut dicitur in 2. Ethic. (cap. 3. tom. 5.) Sed humilitas non connumeratur à Philoso pho inter virtutes, quæ sunt circa passiones: nec etiam continetur sub justitia, quæ est circa actiones: ergo videtur, quod non sit virtus.

Sed Contra est, quod Origenes dicit, exponens illud Luc. 1. *Respxit humilitatem ancillæ suæ:* (hom. 8. in Luc. à med.) *proprie in Scripturis una de virtutibus humilitas prædicatur.* *Ait quippe Salvator: diserte à me, quia militis sum, & humiliis corde.*

Respondeo dicendum, quod, sicut supra dictum est, (1. 2. q. 23. a. 2.) cum de passionibus age-

retur, bonum arduum habet quicquid, unde attrahit appetitum, scilicet ipsam rationem boni; & habet aliquid retrahens, scilicet ipsam difficultatem adispicendi: secundum quorum primum insurget motus spei, & secundum aliud motus desperationis. Dictum est autem supra, (1. 2. q. 60. a. 4.) quod circa motus appetitivos, qui se habent per modum impulsoris, oportet esse virtutem moralem moderantem, & refran-tem: circa illos autem, qui se habent per modum retractionis, & resiliionis, ex parte appetitus, oportet esse virtutem moralem firmantem, & impellentem. Et ideo circa appetitum boni ardui necessaria est duplex virtus. Una quidem, quæ temperet, & refran-tem animum, ne immoderata tendat in excusa. Et hoc pertinet ad virtutem humilitatis. Alia vero, quæ firmet animum contra desperationem & impellat ipsum ad prosecutionem magnorum secundum rationem rectam: & hæc est magnanimitas. Et sic patet, quod humilitas est quadam virtus.

Ad primum ergo dicendum, quod, sicut Isidor. dicit in lib. 10. Etymol. (ad lit. H.) *humilis* dictur quasi *humi* acclivis, id est, imis inhærens. Quod quidem contingit dupliciter. Uno modo ex principio extrinseco; puta enim aliquis ab alio dejicitur: & sic humiliitas est pena. Alio modo à principio intrinseco: & hoc potest fieri quandoque quidem bene: puta cum aliquis considerans suum defectum, tenet se in insimilis secundum suum modum; sicut Abraham dixit ad Dominum Genes. 18. *Loquar ad Dominum meum, cum sim pulvis, et cinis:* & hoc modo humilitas ponitur virtus. Quandoque autem potest fieri male: puta cum homo hororem suum non intelligens, comparat se juuentis insipientias, et similis fit illis.

Ad secundum dicendum, quod, sicut dictum est, (in s.l. præc.) humilitas, secundum quod est virtus, in sua ratione importat quadam laudabilem delectio-nem in ima. Hoc autem quandoque fit solum secundum signa exteriora secundum fictionem. Unde hæc est falsa humilitas, de qua August. dicit in quadam Epist. (implic. epist. 59. q. 7. vers. fin. tom. 2.) quod est magna superbia; quia scilicet videtur tendere ad excellentiam

gloriæ. Quandoque autem ut secundum interiorem motum animæ : & secundum hoc humilitas propriæ ponitur virtus ; quia virtus non consistit in exterioribus, sed principaliter in interiori electione mentis , ut patet per Philos. in lib. 2. Eth. (cap. 5. à med. tom. 5.)

Ad tertium dicendum , quod humilitas reprimit appetitum , ne tendat in magna præter rationem rectam magnanimitas autem animum ad magna impellit secundum rationem rectam. Unde patet , quod magnanimitas non opponitur humilitati ; sed convenienter in hoc , quod utraque est secundum rationem rectam.

Ad quartum dicendum , quod perfectum dicitur aliquid dupliciter. Uno modo simpliciter , in quo scilicet nullus defectus invenitur , nec secundum suam naturam , nec per respectum ad aliquid aliud : & sic solus Deus est perfectus , cui secundum naturam divinam non competit humilitas , sed solum secundum naturam assumptam. Alio modo potest dici aliquid perfectum secundum quid , puta secundum suam naturam , aut statum , aut tempus : & hoc modo homo virtuosus est perfectus ; cujus tamen perfectio in comparatione ad Deum deficiens invenitur , secundum illud Isa. 40. *Omnis gentes , quasi non sint , sic sunt coram eo.* Et sic cuilibet homini potest convenire humilitas.

Ad quintum dicendum , quod Philos. intendebat agere de virtutibus , secundum quod ordinantur ad vitam civilem , in qua subjectio unius hominis ad alterum secundum legis ordinem determinatur , & ideo continetur sub justitia legali. Humilitas autem , secundum quod est specialis virtus , præcipue respicit subjectionem hominis ad Deum , propter quem etiam aliis humiliando se subjicit.

ARTICULUS II.

779

Utrum humilitas consistat circa appetitum.

In. a. 6. corp. 2° q. 165. a. 3. ad 2.

*A*nd. ad Secondum sic proceditur. Videtur , quod humilitas non consistat circa appetitum , sed magis circa
ju-

judicium rationis. Humilitas enim superbiz̄ oppositur: sed superbia maxime consistit in his, quæ pertinent ad cognitionem: dicit enim Gregorius 34. Mor. (cap. 18. circ. princ.) quod superbia, cum exterius usque ad corpus extenditur, prius per oculos judicatur: unde & in Psalm. 130. dicitur: Domine, non est exaltatum cor meum, neque elati sunt oculi mei: oculi autem maxime deserviunt cognitioni: ergo videtur, quod humilitas maxime sit circa cognitionem, per quam de se aliquis aestimat parva.

2. Præterea. Augustinus dicit in lib. de virginit. (cap. 31. in med. tom. 6.) quod humilitas pene tota disciplina Christiana est: nihil ergo quod in disciplina Christiana continetur, repugnat humilitati: sed in disciplina Christiana admonemur ad appetendum meliora, secundum illud 1. ad Cor. 13. *Æmulamini charismata meliora:* ergo ad humilitatem non pertinet reprimere appetitum arduorum, sed magis aestimationem.

2. Præterea. Ad eamdem virtutem pertinet refrænare superfluum motum, & firmare animum contra superfluum retractionem, sicut eadem fortitudo est, quæ refrænat audaciam, & quæ firmat animum contra timorem: sed magnanimitas firmat animum contra difficultates, quæ accident in prosecutioe magnorum: si ergo humilitas refrænaret appetitum magnorum, sequeretur quod humilitas non esset virtus distincta à magnanimitate: quod patet esse falsum: non ergo humilitas consistit circa appetitum magnorum, sed magis circa aestimationem.

4. Præterea. Andronicus ponit humilitatem circa exteriorem cultum: dicit enim, quod humilitas est habitus non superabundans sumptibus, & preparationibus: ergo non est circa motum appetitus.

Sed Contra est, quod Augustinus dicit in libro de Pœnitentia, (qui est hom. ult. inter 50. cap. 1. in med. tom. 10.) quod humili est, qui eligit abjici in domo Domini magis, quam habitare in tabernaculis peccatorum. Sed electio pertinet ad appetitum: ergo humilitas consistit circa appetitum magis, quam circa aestimationem.

Respondeo dicendum, quod, sicut dictum est, (art. præc.) ad humilitatem proprie pertinet, ut ali-

aliquis reprimat seipsum, ne feratur in ea quæ sunt supra se. Ad hoc autem necessarium est, ut aliquis cognoscat id, in quo deficit à proportione ejus, quod suam virtutem excedit. Et ideo cognitio proprii defectus pertinet ad humilitatem, sicut regula quadam directiva appellatus.

Sed in ipso appetitu consistit humilitas essentialiter. Et ideo dicendum est, quod humilitas proprie est directiva, & moderativa motus appetitus.

Ad ptimum ergo dicendum, quod extollentia oculorum est quoddam signum superbiae: in quantum excludit reverentiam, & timorem: consueverunt enim timentes, & verecundati maxime oculos deprimere, quasi non audentes se aliis comparare. Non autem ex hoc sequitur, quod humilitas essentialiter circa cognitionem consistat.

Ad secundum dicendum, quod tendere in aliqua majora ex propriarum virium confidentia, humilitati contrariatur: sed quod aliquis ex confidentia divini auxilii in majora tendat, hoc non est contra humilitatem; præsertim cum ex hoc aliquis magis apud Deum exaltetur, quod ei se magis per humilitatem subjicit. Unde Augustinus dicit in lib. de Pœnitentia, (loc. cit. in arg. Sed cont.) Aliud est levare se ad Deum, aliud est levare se contra Deum. Qui ante illum se projicit, ab illo erigitur: qui adversus illum se erigit, ab illo projectur.

Ad tertium dicendum, quod in fortitudine inventur eadem ratio refrænandi audaciam, & firmandi animum contra timorem: utrinque enim ratio est ex hoc, quod homo bonum rationis debet periculis mortis præferre. Sed in refrænando præsumptionem spei, quod pertinet ad humilitatem, & in firmando animum contra desperationem, quod pertinet ad magnanimitatem, est & alia ratio. Nam ratio firmandi animum contra desperationem est adeptio proprii boni; ne scilicet desperando homo se indignum reddat bono, quod sibi competebat: sed in reprimendo præsumptionem spei, ratio præcipua sumitur ex reverentia divina, ex qua contingit ut homo non plus sibi attribuat, quam sibi competit secundum gradum, quem est à Deo sor-

titus. Unde humilitas præcipue videtur importare subjectionem hominis ad Deum. Et propter hoc Augustinus in lib. 1. de serm. Domini in monte, (cap. 4. à princ. tom. 4.) humilitatem, quam intelligit per paupertatem spiritus, attribuit dono timoris, quo homo Deum reveretur. Et inde est, quod fortitudo aliter se habet ad audaciam, quam humilitas ad spem. Nam fortitudo plus utitur audacia, quam eam reprobatur: unde superabundantia est ei similior, quam defectus. Humilitas autem plus reprimit spem, vel fiduciam de seipso, quam ea utatur; unde magis opponitur sibi superabundantia, quam defectus.

Ad quartum diceadum, quod superabundantia in exterioribus sumptibus, & præparationibus solet ad quamdam jactantiam fieri, quæ per humilitatem reprimitur: & quantum ad hoc secundario consistit in exterioribus, prout sunt signa interioris appetitivi motus.

ARTICULUS III.

780

Utrum homo debat se omnibus per humilitatem subjicere.

Inf. a. 6. ad 1. Philip. 2.

And Tertium sic proceditur. Videtur quod homo non debat se omnibus per humilitatem subjicere. Quia sicut dictum est, (a. præc. ad 3.) humilitas præcipue consistit in subjectione hominis ad Deum: sed id quod debetur Deo, non est homini exhibendum, ut patet in omnibus actibus latræ: ergo homo per humilitatem non debet se homini subjicere.

2. Præterea. Ang. dicit in lib. de natura, & gratia, (cap. 34. ante med. tom. 7.) *Humilitas colligenda est in parte veritatis, non in parte falsitatis:* sed alii qui sunt in supremo statu, qui si se inferioribus subjicerent absque falsitate hoc fieri non posset: ergo homo non debet se omnibus per humilitatem subjicere.

3. Præterea. Nullus debet facere id, quod vergat in detrimentum salutis alterius; sed si quis per humilitatem se alteri subjiciat, quandoque hoc vergeret in

in detrimentum illius, cui se subjicit, qui ex hoc superbiaret, vel eum contemneret: unde Aug. dicit in Regula: (*sc. epist. 109. vers. fin. tom. 2.*) *Nec dum nimium servatur humilitas, regendi frangatur auctoritas: ergo homo per humilitatem non debet omnibus se subjicere.*

Sed Contra est, quod dicitur Philip. 2. *In humilitate superiores sibi invicem arbitrande.*

Respondeo dicendum, quod in homine duo possunt considerari; scil. id quod est *Dei*, & id quod est *hominis*. *Hominis* autem est, quicquid pertinet ad defec-
tum: sed *Dei* est, quicquid pertinet ad salutem & perfectionem, secundum illud Osee 13. *Perditio tua, Israel, ex te est: ex me tantum auxilium tuum.* Hu-
militas autem, sicut dictum est, (*a. 1. huj. q. ad 5. v. a. 2. ad 3.*) proprio respicit reverentiam, qua homo Deo subjicitur. Et ideo cuilibet homo secundum
Id quod suum est, debet se quilibet proximo subjicere,
quantum ad *Id quod est Dei* in ipso: non autem hoc
requirit humilitas, ut aliquis *Id quod est Dei* in seipso
subjiciat ei, quod apparet esse *Dei* in altero.

Nam illi qui *Dona Dei* participant, cognoscunt ea se habere secundum illud 1. ad Cor. 2. *Ut sciamus, quæ à Deo donata sunt nobis.* Et ideo absque præju-
dicio humilitatis possunt dona, quæ ipsi acceperunt,
preferre donis *Dei*, quæ aliis apparent collata: si-
cuit Apostolus ad Eph. 3. dicit: *alii generationibus*
non est agitum filii hominum, sicut nunc revelatum est
sancis Apostolis ejus.

Similiter etiam non hoc requirit humilitas, ut aliquis
Id quod est suum in seipso, subjiciat ei quod est *ho-
minis* in proximo; alioquin oporteret, ut quilibet re-
putaret se magis peccatorem quolibet alio; cum tam-
en Apostolus absque præjudicio humilitatis dicat Gal.
2. *Nos natura Iudei, & non ex gentibus peccatores.*

Potest tamen aliquis reputare aliquid boni esse in
proximo, quod ipse non habet, vel aliquid mali in
se esse, quod in alio non est, ex quo se potest ei
subjicere per humilitatem.

Ad primum ergo dicendum, quod non debemus
solum Deum revereri in se ipso, sed etiam quod est
ejus

ejus debemus revereri in quolibet; non tamen eo modo reverentiæ, quo reveremur Deum. Et ideo per humilitatem debemus nos subjicere omnibus proximis propter Deum secundum illud 1. Pet. 2. *Subjecti estote omniū humanæ creaturæ propter Deum.* Latriam tamen soli Deo debemus exhibere

Ad secundum dicendum, quod si nos præferamus id quod est Dei in proximo, ei quod est proprium in nobis non possumus incurtere falsitatem. Unde super illud Philip. 2. *Superiores sibi invicem arbitrantes,* dicit Glos. (ordin. Aug. in lib. 83. QQ. q. 71. à med. tom. 4.) *Non hoc ita debemus aestimare, ut nos aestimare fingamus;* sed vere aestimemus posse esse aliquid occultum in alio, quo nobis superior sit, etiamsi bonum nostrum, quo illo videmur superiores esse, non sit occultum.

Ad tertium dicendum, quod humilitas, sicut & cæteræ virtutes, præcipue interius in anima consistit. Et ideo potest homo secundum interiorem actum animæ alteri se subjicere, sine hoc quod occasionem habeat alicujus, quod pertineat ad detrimentum suæ salutis. Et hoc est quod Augustin. dicit in Regula (sc. Epist. 109. prope fin. tom. 2.) *Timore coram Deo prælatus substractus sit pedibus vestris.* Sed in exterioribus humilitatis actibus, sicut & in actibus cæterarum virtutum, est debita moderatio adhibenda, ne possint vergere in detrimentum alterius. Si autem aliquis quod debet faciat, & alii ex hoc occasionem sumant peccati, non imputatur humiliter agenti; quia ille non scandalizat, quamvis alter scandalizetur.

ARTICULUS IV.

781

Utrum humilitas sit pars modestiæ, vel temperantiæ.

*Supp. q. 160. a. 2. corp. 2^o 3. d. 33. q. 3. a.
2. q. 3. corp.*

 Ad Quartum sic proceditur. Videtur, quod humilitas non sit pars modestiæ, vel temperantiæ. Humilitas enim præcipue respicit reverentiam, qua quis subjicitur Deo, ut dictum est: (a, præc.) sed ad virtutem theo-

10-

logicam pertinet, quod habeat Deum pro objecto: ergo humilitas magis debet poni virtus Theologica, quam pars temperantiae, seu modestiae.

2. Præterea. Temperantia est in concupiscibili: humilitas autem videtur esse in irascibili, sicut & superbia, quæ ei opponitur, cuius objectum est arduum: ergo videtur, quod humilitas non sit pars temperantiae, vel modestiae.

3. Præterea. Humilitas, & magnanimitas circa eadem sunt, ut ex supradictis patet: (a. i. huj. q. ad 3. v. q. 129. a. 3. ad 4.) sed magnanimitas non ponitur pars temperantiae, sed magis fortitudinis, ut supra habitum est: (q. 129. a. 5.) ergo videtur, quod humilitas non sit pars temperantiae, vel modestiae.

Sed Contra est, quod Origenes dicit super Lucam, (*hom. 8. à med.*) *Si vis nomen hujus audire virtutis, quomodo à Philosophis etiam appelletur, ausculta eamdem esse humilitatem, quam respicit Deus, quæ ab illis perfecte dicitur, id est, mensuratio, vel moderatio, quæ manifeste pertinet ad modestiam, vel temperantiam: ergo humilitas est pars modestiae, vel temperantiae.*

Respondeo dicendum, quod, sicut supra dictum est, (q. 128. v. q. 129. a. 5. v. q. 157. a. 3.) in assignando partes virtutibus præcipue attenditur similitudo quantum ad modum virtutis. Modus autem temperantiae, ex quo maxime habet laudem, est refrænatio, vel repressio impetus alicujus passionis. Et ideo omnes virtutes refrænantes, sive reprimentes impetus aliquorum affectionum, vel actiones moderantes, ponuntur partes temperantiae. Sicut autem mansuetudo reprimet motum iræ; ita etiam humilitas reprimet motum spei, qui est motus spiritus in magna tendentis. Et ideo sicut mansuetudo ponitur pars temperantiae, ita etiam humilitas.

Unde & Philosophus in 4. Ethic. (cap. 3. *parum à princ. tom. 5.*) eum qui tendit in parva secundum suum modum, dicit non esse magnanimum, sed temperatum, quem nos humiliem dicere possumus. Et inter alias partes temperantiae, ratione superius dicta, (q. præc. a. 1.) continetur sub modestia, prout Tullius de ea loquitur (l. 2. de Invent. aliquant. ante fin.) in qua-

quantum scilicet humilitas nihil est aliud, quam quædam moderatio spiritus, Unde 1. Pet. 3. dicitur: *In incorruptibilitate quieti, & modesti spiritus.*

Ad primum ergo dicendum, quod virtutes Theologicae, quæ sunt circa ultimum finem, qui est primum principium in appetilibus, sunt causæ omnium alliarum virtutum. Unde ex hoc quod humilitas causatur ex reverentia divina, non excluditur, quia humilitas sit pars modestiæ vel temperantiæ.

Ad secundum dicendum, quod partes principalibus virtutibus assignantur, non secundum convenientiam in subjecto, vel in materia, sed secundum convenientiam in modo formalí, ut dictum est: (q. 137. a. 2. ad 1. & q. 157. a. 3. ad 2.) & ideo licet humilitas sit in irascibili sicut in subjecto; ponitur tamen pars modestiæ, & temperantiæ propter modum.

Ad tertium dicendum, quod licet magnanimitas, & humilitas in materia conveniant; differunt tamen in modo, ratione cuius magnanimitas ponitur pars fortitudinis, humilitas autem pars temperantiæ.

ARTICULUS V.

782

Utrum humilitas sit potissima virtutum.

4. d. 33. q. 3. a. 3. ad 6.

Ad Quintum sic proceditur. Videtur, quod humilitas sit potissima virtutum. Dicit enim Chrysostomus (*Implic. hom. 5. de incomprehensibili Dei natura, prope fin.*) exponens illud quod dicitur Lucæ 18. de Pharisæo, & Publicano, quod *si mixta delictis humilitas tam facile currit, ut justitiam superbis conjunctam transeat, si justitiae conjuixeris eam, quo non ibit? Assistet ipsi tribunal divinæ in medio Angelorum: & sic patet, quod humilitas præfertur justitiæ: sed justitia est præclarissima omnium virtutum, & includit in se omnes virtutes, ut patet per Philos. 5. Eth. (cap. 1. à med. tom. 5.) ergo humilitas est maxima virtutum.*

2. Præterea. August. dicit in lib. de verb. Dom. (*Serm. 10. cap. 1. tom. 10.*) *Cogitas magna fabricam*

Glossa

construere celsitudinis : de fundamento prius cogita humiliatis : ex quo videtur, quod humilitas sit fundamentum omnium virtutum : ergo videtur esse potior aliis virtutibus.

3. Præterea. Majori virtuti majus debetur præmium : sed humilitati maximum debetur præmium ; quia qui se humiliat, exaltabitur, ut dicitur Luce 14. ergo humilitas est maxima virtutum.

4. Præterea. Sicut August. dicit in lib. de vera relig. (cap. 16. non procul. à fin. tom. I.) *Tota vita Christi in terris per hominem, quem suscipere dignatus est, disciplina morum fuit. Sed præcipue humilitatem suam imitandam proposuit, dicens: (Matth. 11.) Discite à me, quia mitis sum, et humilis corde.* Et Gregor. dicit in Pastor. (par. 3. cap. 1. Admonit. 18. parum à præluc.) *quod argumentum redemptionis nostræ inventa est humilitas Deli : ergo humilitas videtur esse maxima virtutum.*

Sed Contra est, quod charitas præfertur omnibus virtutibus, secundum illud Coloss. 3. *Super omnia charitatem habete : non ergo humilitas est maxima virtutum.*

Respondeo dicendum, quod bonum humanæ virtutis in ordine rationis consistit: qui quidem principali-
ter attenditur respectu finis, unde virtutes theologicæ,
que habent ultimum finem pro objecto, sunt potissimæ:
secundario autem attenditur, prout secundum rationem
finis ordinantur ea, quæ sunt ad finem.

Et hæc quidem ordinatio essentialiter consistit in ipsa ratione ordinate; participative autem in ipso appetitu per rationem ordinato: quam quidem ordinacionem universaliter facit justitia, præsertim legalis: ordinationi autem facit hominem bene subjectum humili-
tas in universali quantum ad omnia; quælibet autem alia virtus quantum ad aliquam materiam specialem. Ideo post virtutes theologicas, et virtutes intellectuales, quæ res-
picunt ipsam rationem, et post justitiam, præsertim lega-
lem, poter ceteris est humilitas.

Ad primum ergo dicendum, quod humilitas justi-
tiz non præfertur, sed justitiae, cui superbia conjungi-
tur, quæ jam desinat esse virtus; sicut è contrario pec-

catum per humilitatem remittitur. Nam de Publicano dicitur Luc. 18. quod merito humilitatis descendit iustificatus in domum suam. Unde & Chrysost. dicit, (loc. cit. in arg.) *Geminus ligas mihi accommodes ; alteram quidem superbiae, & justitiae ; alteram vero peccati, & humilitatis : & videbis peccatum prævertens justitiam non propriis, sed humilitatis vincere viribus : aliud vero par videbis devictum non fragilitate justitiae, sed mole, & temore superbiae.*

Ad secundum dicendum, quod sicut ordinata virtutum congregatio per quandam similitudinem ædificio comparatur: ita etiam illud quod est primum in acquisitione virtutum, fundamento comparatur, quod primum in ædificio jacitur. Virtutes autem vere infunduntur à Deo. Unde primum in acquisitione virtutum potest accipi dupliciter. Uno modo per modum removentis prohibens: & sic humilitas primum locum tenet; in quantum scilicet expellit superbiam, cui Deus resistit, & præbet hominem subditum, & patulum ad suscipiendum influxum divinæ gratiæ, in quantum evacuat inflationem superbiae. Unde dicitur Jacobi 4. quod Deus superbris resistit, humilibus autem dat gratiam; & secundum hoc humilitas dicitur spiritualis ædificii fundamentum. Altero modo est aliquid primum in virtutibus directe, per quod scilicet iam ad Deum acceditur. Primum autem accessus ad Deum est per fidem, secundum illud Hebr. 11. Accedentem ad Deum oportet credere, & secundum hoc fides fundamentum nobiliori modo quam humilitas.

Ad tertium dicendum, quod contemnenti terreni promittuntur cœlestia; sicut contemnentibus divitias terræ promittuntur cœlestes thesauri, secundum illud Matth. 5. *Nolite vobis thesaurizare thesauros in terra, sed thesaurizate vobis thesauros in cœlo, & similiter contemnentibus mundi gaudia promittuntur consolationes cœlestes secundum illud Matth. 5. Beati qui lugent, quoniam ipsi consolabuntur, & eodem modo humilitati promittitur spiritualis exultatio, non quia sola ipsam mereatur, sed quia ejus est proprium contemnere sublimitates terrenam. Unde Augustinus dicit in libro de Peccatitia (qui est hom. ult. inter 50. cap. I. med. tom. 10. N)*

Ne putes eum, qui se humiliat, semper jacere, eum dicunt sit, Exaltabitur: & ne opineris ejus, exaltationem oculis hominum per sublimitates fieri corporales.

Ad quartum dicendum, quod ideo Christus præcipue nobis humilitatem commendavit, quia per hoc maxime renovetur impedimentum humanæ salutis, quæ consistit in hoc, quod homo ad cœlestia, & spiritualia tendat, à quibus homo impeditur, dum in terrenis magnificari studet. Et ideo Dominus, ut impedimentum salutis auferret, exteriorem celsitudinem contemnendam monstravit per humilitatis exempla. Et sic humilitas est quasi quædam dispositio ad liberum accessum hominis in spiritualia, & divina bona. Sicut ergo perfectio est potior dispositione: ita etiam charitas, & aliæ virtutes, quibus homo directe movetur in Deum, sunt potiores humilitate.

ARTICULUS VI.

783

Uirum convenienter distinguantur secundum B. Benedictum duodecim gradus humilitatis: scilicet corde, & opere, semper humilitatem ostendere, defixis in terram aspectibus, &c.

Ilf. q. 161. a. 4. ad 4. & Matth. 3.

Ad Sextum sic proceditur. Videtur, quod inconvenienter distinguantur duodecim gradus humilitatis, qui in Regula B. Benedicti (cap. 7.) ponuntur. Quorum primus est, corde, & corpore semper humilitatem ostendere, defixis in terram aspectibus: *Secundus*, ut pauca verba, & rationabilia loquatur aliquis non clamosa voce: *Tertius*, ut non sit facilis, aut promptus in risum: *Quartus*, taciturnitas usque ad interrogationem: *Quintus*, tenere quod habet communis monasterii regula: *Sextus*, credere, & pronuntiare se omnibus virorem: *Septimus*, ad omnia indignum, & inutiliter se confiteri, & credere: *Octavus*, confessio peccatorum: *Nonus*, per obedientiam in duris, & asperis patientiam amplecti: *Decimus*, ut cum obedientia se subdat majori: *Undecimus*, ut voluntatem propriam non delec-

lectetur implere : *Duodecimus*, ut Deum timeat, & mor sit omnium quæ præcepit. Enumerantur enim quædam, quæ ad alias virtutes pertinent ; sicut dientia, & patientia. Enumerantur etiam aliqua, ad falsam opinionem pertinere videntur, quæ nullitati possunt competere ; scilicet quod aliquis pronuntiatur omnibus viliorum, & quod ad omnia indignum, inutilem se confiteatur, & credat ; ergo inconvenientia ponuntur inter gradus humilitatis.

2. Præterea. Humilitas ab interioribus ad exteriora procedit, sicut & cæteræ virtutes : inconvenientes præmittuntur in præmissis gradibus illa quæ pertinent exteriores actus, his quæ pertinent ad interiora.

3. Præterea. Anselm. in lib. de similitudinibus (a 99. usque ad 108.) ponit septem humilitatis gradus. Quorum *Primus* est, contemptibilem se esse cognoscere. *Secundus*, de hoc dolere : *Tertius*, hoc confiteri : *Quartus*, hoc persuadere, ut scilicet hoc velit credi : *Quintus*, ut patienter sustineat hoc dici : *Sextus*, ut tiatur contemptibiliter se tractari : *Septimus*, ut amet : ergo videntur præmissi gradus esse superflui.

4. Præterea. Matth. 3. dicit Glos. (ord. super Iud, *Implere omnem justitiam*) *Perfecta humilitas* triquet gradus : *Primus* est, subdere-se majori, & non preferre se æquali, qui est sufficiens : *Secundus* est, non se æquali, nec præferre se minori : Et hic dicitur a dicens : *Tertius gradus* est, subesse minori, in quo tenuis justitia ; ergo præmissi gradus videntur esse superflui.

5. Præterea. Augustinus dicit in lib. de virginitate (cap. 31. ante med. tom. 6.) Mensura humilitatis que ex mensura ipsius magnitudinis data est, cui est ridicula superbia, quæ amplius amplioribus insidiatur : mensura magnitudinis humanæ non potest sub certo numero graduum determinari ; ergo videtur, quod non possint determinati gradus humilitatis assignari.

Respondeo dicendum, quod, sicut ex supra dicitur, (a. 2. huj. q.) humilitas essentialiter in appetitu consistit, secundum quod aliquis refrænat impatum animi sui, ne inordinate tendat in magna ; sed regulam habet in cognitione, ut scilicet aliquis non existimet supra id esse, quod est : & utriusque principia

pium, & radix est reverentia, quam quis habet ad Deum. Ex interiori autem dispositione humilitatis procedunt quædam exteriora signa in verbis, & factis, & gestibus, quibus id quod interius latet, manifestatur; sicut & in cæteris virtutibus accidit. Nam ex visu cognoscitur vir, & ab occursu faciel sensatus, ut dicitur Eccli. 19. Et ideo in predictis gradibus humilitatis ponitur aliquid, quod pertinet ad humilitatis radicem; scilicet *duodecimus gradus*, qui est, ut homo Deum timeat, & memor sit omnium quæ præcepit.

Positum etiam aliquid pertinens ad appetitum, ne scilicet in propriam excellentiam inordinata tendat. Quod quidem sit tripliciter: uno modo, ut homo non sequatur propriam voluntatem: quod pertinet ad *unde-*
cimum gradum: alio modo, ut regulet eam secundum superioris arbitrium: quod pertinet ad *septimum*: tertio modo, ut ab hoc non desistat propter dura & aspera, quæ occurruunt: & hoc pertinet ad *nonum*.

Ponuntur etiam quædam pertinentia ad existimationem hominis recognoscens suum defectum. Et hoc tripliciter: uno quidem modo per hoc quod proprios defectus recognoscat, & confiteatur: quod pertinet ad *octavum gradum*: secundo, ut ex consideratione sui defectus aliquis insufficiens se existimet ad majora: quod pertinet ad *septimum*: tertio, ut quantum ad hoc alios sibi præferat: quod pertinet ad *sextum*.

Ponuntur etiam quædam, quæ pertinent ad exteriora signa, quorum *nonum* est in factis: ut factis; ut scilicet homo non recedat in suis operibus à via communis: quod pertinet ad *quintum*: alia *duæ* sunt in verbis; ut scilicet homo non præcipiat tempus loquendi: quod pertinet ad *quartum*: nec excedat modum in loquendo: quod pertinet ad *secundum*. Alia vero consistunt in exterioribus gestibus: Puta in reprimendo extollentiam oculorum: quod pertinet ad *primum*: & in colhibendo exterioris risum, & alia ineptæ letitiæ signa: quod pertinet ad *tertium*.

Ad *primum*, ergo dicendum, quod aliquis absque falsitate potest se credere, & pronuntiare omnibus vijorem secundum defectus occultos, quos in se recognoscit, & dona Dei, quæ in aliis latent. Unde Au-

gustiūus dicit in lib. de virginit. (cap. 52. parum à med. tom. 6.) Existimare aliquos in occulto superiores, quibus estis in manifesto meliores. Similiter etiam absque falsitate potest aliquis confiteri, & credere ad omnia se inutilem esse, & indignum per proprias vires, ut sufficientiam suam totam in Deum referat, secundum illud 2. ad Corint. 4. Non quod sufficientes simus aliquid cogitare à nobis, quasi ex nobis, sed sufficientia nostra ex Deo est. Non est autem inconveniens, quod ea quae ad alias virtutes pertinent, humilitati adscribantur; quia sicut unum vitium oritur ex alio, ita naturali ordine actus unius virtutis procedit ex actu alterius.

Ad secundum dicendum, quod homo ad humilitatem pervenit per duo. Primo quidem, & principaliter per gratiæ donum: & quantum ad hoc interiora precedunt exteriora. Aliud autem est humanum studium, per quod homo prius exteriora cohibet, postmodum pertingit ad extirpandum interiore radicem: & secundum hunc ordinem assignantur hic humilitatis gradus.

Ad tertium dicendum, quod omnes gradus, quos Anselmus ponit, reducuntur ad opinionem & manifestationem, & voluntatem propriæ abjectionis. Nam primus gradus pertinet ad cognitionem proprii defectus. Sed quia vituperabile esset, si quis proprium defectum amaret, hoc per secundum gradum excluditur. Sed ad manifestationem sui defectus pertinent tertius, & quartus gradus; ut scilicet aliquis non solum simpliciter suum defectum enuntiet, sed etiam persuadeat. Alii autem tres gradus pertinent ad appetitum, qui excellentiam exteriorem non querit, sed exteriorem abjectionem, vel æquanimiter patitur, sive in verbis, sive in factis, quia sicut Gregorius dicit in Registro, (lib. 2. Indict. 10. epist. 24.) Non grande est illos esse humiles, à quibus honoramur; quia et hoc subculares quilibet faciunt: sed illis maxime humiles esse debemus, à quibus aliqua patimur. Et hoc pertinet ad quintum, & sextum gradum: vel etiam desideranter exteriore abjectione amplectitur: quod pertinet ad septimum gradum. Et sic omnes isti gradus continentur sub sexto, & septimo superius enumeratis.

Ad

Ad quartum dicendum, quod illi tres gradus accipiuntur, non ex parte ipsius rei, id est, secundum naturam humilitatis, sed per comparationem ad gradus hominum, qui sunt vel *majores*, vel *minores*, vel *æquales*.

Ad quintum dicendum, quod etiam illa ratio procedit de gradibus humilitatis, non secundum ipsam naturam rei, secundum quam assignantur promissi gradus, sed secundum diversas hominum conditiones.

Q U A E S T I O C L X I I .

De Superbia, in octo articulos divisæ.

Prostea considerandum est de Superbia.

Et primo de superbia in communi.

Secundo de peccato primi hominis, quod ponitur esse superbia.

Circa primum queruntur octo.

Primo. Utrum superbìa sit peccatum.

Secundo. Utrum sit vitium speciale.

Tertio. In quo sit sicut in subjecto.

Quarto. De speciebus ejus.

Quinto. Utrum sit peccatum mortale.

Sexto. Utrum sit gravissimum omnium peccatorum.

Septimo. De ordine ejus ad alia peccata.

Octavo. Utrum debeat poni vitium capitale.

A R T I C U L U S I.

Utrum superbìa sit peccatum.

I. 2. q. 84. art. 2. & mal. q. 8. art. 2. ad 16.

& Ps. 46.

And Primum sic proceditur. Videtur, quod Superbia non sit peccatum. Nullum enim peccatum est reprehensum à Deo: promittit enim Dens, quod ipse facturus est; non est autem actor peccati: sed superbia

bia connumeratur inter reprobationes divinas, dicitur enim Isaiae 60. Ponam te in superbiam seculorum, gaudium in generationem, & generationem: ergo superbia non est peccatum.

2. Præterea. Appetere divinam similitudinem non est peccatum hoc enim naturaliter appetit quælibet creatura, & in hoc optimum ejus consistit: & præcipue hoc convenit rationali creaturæ, quæ facta est ad imaginem, & similitudinem Dei, sed sicut dicitur in lib. Sent. Prosperi (sent. 292. inter op. Aug. & lib. 11. sup. Gen. ad lit. cap. 14. tom. 3.) superbia est amor propriæ excellentiæ, per quam homo Deo assimilatur, qui est excellentissimus. Unde dicit Augustinus in 2. Confess. (cap. 6. aperte med. tom. 1.) Superbia celsitudine in imitatur, cum tu sis unus super omnia Deus ex celsus: ergo superbia non est peccatum.

3. Præterea. Peccatum non solum contrariatur virtuti, sed etiam opposito vitio, ut patet per Philos. in 2. Ethic. (cap. 8. tom. 5.) Sed nullum vitium inventur oppositum esse superbie: ergo superbia non est peccatum.

Sed Contra est, quod dicitur Tob. 4. Superbiā nunquam in tuo sensu, aut in tuo verbo dominari permittas.

Respondeo dicendum, quod superbia nominatur *hunc*, quod aliquis per voluntatem tendit supra id quod est. Unde dicit Isidorus in lib. 10. Etymol. (ad lit. S.) *Superbus dictus est*, quia super vult videri quam est: qui enim vult supergredi quod est, superbus est. Habet autem hoc ratio recta, ut voluntas uniuscujusque regatur in id, quod est proportionatum sibi. Et ideo manifestum est, quod superbia importat aliquid, quod adversatur rationi rectæ.

Hoc autem facit rationem peccati: quia secundum Dionysium cap. 4. de divin. nomin. (part. 4. lect. 22) malum animæ est præter rationem esse. Unde manifestum est, quod superbia est peccatum.

Ad primum ergo dicendum, quod superbia duplicitur accipi potest. Uno modo ex eo quod supergreditur regulam rationis: Et sic dicimus eam esse peccatum. Alio modo potest superbia nominari simpliciter à se per-

perexcessu : & secundum hoc omne superexcedens potest nominari superbia : & ita reprobatur à Deo superbia , quasi quidam superexcessus honorum. Unde & Glos. Hieronymi (*sup. illud Is. 26. Vos autem Sacerdotes*) dicit ibidem , quod est superbia bona , & mala.

Quamvis etiam dici possit , quod superbia ibi accipitur materialiter pro abundantia rerum de quibus possunt homines superbire.

Ad secundum dicendum , quod eorum , quæ naturaliter homo appetit , ratio est ordinatrix : & ita si aliquis à regula rationis recedit vel in plus , vel in minus , erit talis appetitus vitiosus , sicut patet de appetitu cibi , qui naturaliter desideratur. Superbia autem appetit excellentiam in excessu ad rationem rectam. Unde Augustinus dicit in 14. de civ. de Dei , (cap. 13. clrc. princ. tom. 5.) quod superbia est perversæ celsitudinis appetitus. Et inde est etiam , quod sicut Augustinus dicit in 19. de civit. Dei , (cap. 12. à med. tom. 5.) superbia perverse limitatur Deum. Quid namque cum sociis æqualitate in sub illo , sed imponere vult sociis dominationem suam pro illo.

Ad tertium dicendum , quod superbia directe opponitur virtuti humilitatis , quæ quodammodo circa eadem cum magnanimitate existit , ut supra dictum est. (q. præc. a. I. ad 3.) Unde & vitium , quod opponitur superbia , in defectum vergens , propinquum est vitio pusillanimitatis , quæ opponitur impellere animum ad magna contra desperationem : ita ad humilitatem pertinet retrahere animum ab ordinato appetitu magnorum contra præsumptionem. Pusillanimitas autem , si importet defectum à prosecutione magnorum , proprie opponitur magnanimitati per modum defectus. Si autem importet applicationem animi ad aliqua vi- liora , quam hominem deceant , opponitur humilitati secundum defectum : utrumque enim ex animi parvitate procedit : sicut & è contrario superbia potest secundum superexcessum & magnanimitati , & humilitati opponi , secundum rationes diversas : humilitati quidem , secundum quod subjectionem aspernatur. Magnanimitati autem , secundum quod inordinate ad magna

se extendit : sed quia superbìa superioritatem quam-dam importat , directius opponitur humilitati : sicut & pusillanimitas, quæ importat pravitatem animi in magna tendentis , directius opponitur magnanimitati.

ARTICULUS II.

- 785

Utrum superbìa sit speciale peccatum.

*Inf. a. 8. c. 2. 1. 2. q. 84. a. 2. 2. 2. d. 5. q. 1.
a. 3. c. 2. d. 42. q. 2. a. 3. ad 2. 2. mal.
q. 8. a. 2.*

A

1. Secundum sic proceditur. Videtur, quod superbìa non sit speciale peccatum. Dicit enim August. in lib. de natura , & gratia , (cap. 29. parum à priu-
tom. 7.) quod sine superbìæ appellatione nullum peccatum
iuveneris. Et Prosper dicit in lib. 3. de vita contem-
plativa , (cap. 2. parum à princ.) quod nullum peccatum
sine superbìa potest , vel potuit esse , aut poterit : ergo su-
perbia est generale peccatum.

2. Præterea. Job 33. super illud , Ut avertat hu-
mum ab iniqüitate , dicit Glos. (ord.) quod contra con-
ditorem superbire , est ejus præcepta peccando transci-
dere : sed secundum Ambros. (l. de Parad. cap. 8. pa-
rum ante med.) omne peccatum est transgressio legis di-
vincæ , & cœlestium inobedientia mandatorum : ergo om-
ne peccatum est superbìa.

3. Præterea. Omne peccatum speciale alicui specia-
li virtuti opponitur : sed superbìa opponitur omnibus
virtutibus , dicit enim Greg. 34. Mor. (cap. 18. à
princ.) „ Superbia nequaquam est unius virtutis extinc-
„ tione contenta ; contra cuncta animæ membra se ex-
„ git , & quasi generalis , ac pestifer morbus corpus om-
„ ne corruptit.“ Et Isid. dicit in lib. 2. de summo bo-
no , (cap. 38. à med.) quod est ruina omnium virtutum:
ergo superbìa non est speciale peccatum.

4. Præterea. Omne peccatum speciale habet specia-
lem materiam : sed superbìa habet generalem materiam,
dicit enim Gregor. 34. Moral. (cap. 18. ante med.)
quod alter intumescit auro , alter eloquo , alter lysi-
nili.

*V*er terrenis rebus , alter summis , cœlestibusque virtutibus ergo superbia non est speciale peccatum , sed generale.

Sed Contra est , quod Augst. dicit in libro de natura , & gratia , (cap. 29. circ. med. tom. 7.) Quærat diligenter , *V*er inveniet secundum legem Dei superbiam esse peccatum multum discretion ab aliis vitiis . Genus autem non distinguitur à suis speciebus : ergo superbia non est generale peccatum , sed speciale.

Respondeo dicendum , quod peccatum superbiz duplèciter potest considerari . Uno modo secundum propriam speciem , quam habet ex ratione proprii objecti : & hoc modo superbia est speciale peccatum , quia habet speciale objectum , est enim inordinatus appetitus propriæ excellentiæ , ut dictum est . (a. præc.)

Alio modo potest considerari secundum redundantiam quandam in alia peccata : & secundum hoc habet quædam generalitatem ; in quantum scilicet ex superbia oriri possunt omnia peccata , dupli ratione : uno modo per se , in quantum scilicet alia peccata ordinantur ad finem superbiz , qui est propria excellentia , ad quam potest ordinari omne id , quod quis inordinate appetit : alio modo indirecte , & quasi per accidens , scilicet removendo prohibens ; in quantum scilicet homo per superbiam contemnit divinam legem , per quam prohibetur à peccando , secundum illud Hierem. 2. *Confrigisti jugum , rupisti vincula , dixisti , Non ser-viam.*

Sciendum tamen , quod ad hanc generalitatem superbiz pertinet , quod omnia vitiæ interdum ex superbia oriri possint : non autem ad ea pertinet , quod omnia vitiæ semper ex superbia oriuntur . Quamvis enī omnia præcepta legis possit quis transgredi qualicunque peccato ex contemptu , qui pertinet ad superbiam : non tamen semper ex contemptu aliquis præcepta divina transreditur , sed quandoque ex ignorantia , quandoque ex infirmitate . Et inde est , quod sicut Aug. dicit in lib. de natura , & gratia , (cap. 29. in med. tom. 7.) *multa perperam fiuit , quæ non sunt superbe.*

Ad primum ergo dicendum , quod Augst. illa verba inducit in lib. de nat. & gratia , non ex sua persona , sed ex persona alterius , contra quem disputat.

Unde & postmodum imprebat ea, ostendens, quod non semper ex superbia peccatur.

Potest tamen dici, quod auctoritates illæ intelligunt quantum ad exteriorem effectum superbie, qui est transgredi præcepta; quod invenitur in quolibet peccato; non autem quantum ad interiorem actum superbie, qui est contemptus præcepti. Non enim semper peccatum fit ex contemptu, sed quandoque ex ignorantia, quandoque ex infirmitate, ut dictum est. (*in cor. a.*)

Ad secundum dicendum, quod quandoque aliquis committit aliquod peccatum secundum effectum, secundum affectum: sicut ille qui ignoranter occidit patrem, committit patricidium secundum effectum, sed non secundum affectum; quia hoc non intendebat. Et secundum hoc transgredi præceptum Dei, dicitur esse contra Deum superbire; secundum effectum quidem semper, non autem semper secundum affectum.

Ad tertium dicendum, quod peccatum aliquod potest corrumpere virtutem *dupliciter*: uno modo per directam contrarietatem ad virtutem. Et hoc modo superbìa non corrumpit quamlibet virtutem, sed solum humilitatem; sicut & quodlibet aliud speciale peccatum corrumpit specialem virtutem sibi oppositam, contrarium agendo. Alio modo peccatum aliquod corrumpit virtutem, abutendo ipsa virtute: & sic superbìa corrumpit quamlibet virtutem, in quantum scilicet ex ipsis virtutibus sumit occasionem superbie; sicut ex quibuslibet aliis rebus ad excellentiam pertinentibus. Unde non sequitur, quod sit generale peccatum.

Ad quartum dicendum, quod superbìa attendit specialem rationem objecti, quæ tamen inveniri potest in diversis materiis. Est enim inordinatus amor propriae excellentiae: excellētia autem in diversis rebus potest inveniri.

Utrum superbia sit in irascibili sicut in subjecto.

Mal. q. 8. a. 2. & ver. q. 1. a. 5. ad 10.

And Tertium sic proceditur. Videtur, quod superbia non sit in irascibili sicut in subjecto. Dicit enim Greg. 23. Moral. (cap. 10. ante med.) *Obstaculum veritatis tumor mentis est; quia dum inflat, obnubiliat: sed cognitio veritatis non pertinet ad irascibilem, sed ad vim rationalem: ergo superbia non est in irascibili.*

2. Præterea, Gregor. dicit 24. Moral. (cap. 6. à med.) *quod superbi non eorum vitam considerant, quibus se humiliando postponant, sed quibus superi lendo se præferant: & sic videtur, quod superbia ex indebita consideratione procedat: sed consideratio non pertinet ad irascibilem, sed potius ad rationalem: ergo superbia non est in irascibili, sed potius in rationali.*

3. Præterea. Superbia non solum querit excellētiam in rebus sensibilibus, sed etiam in rebus spirituālibus, & intelligibiliābus: ipsa autem principaliter consistit in contemptu Dei, secundum illud Eccl. 10. *Lūtiū superbiū hominis apostatare à Dō.* Sed irascibilis, cum sit pars appetitus sensitivi, non potest se extende-re in Deum, & in intelligibilia: ergo superbia non potest esse in irascibili.

4. Præterea. Ut dicitur in lib. Sententiar. Prosperi, (sentent. 291. inter op. Aug. tom. 3.) *Superbia est amor propriæ excellentiæ: sed amor non est in irascibili, sed in concupiscibili: ergo superbia non est in irascibili.*

Sed Contra est, quod Gregor. in 2. Moral. (cap. 26. parum à princ.) ponit contra superbiam donum timoris: timor autem pertinet ad irascibilem: ergo superbia est in irascibili.

Respondeo dicendum, quod subjectum cuiuslibet virtutis, vel vitiī oportet inquirere ex proprio objecto. Non enim potest esse aliud objectum habites, vel actus, ni-

si quod est objectum potentiae, quæ utrique subjicitur. Proprium autem objectum superbiae est arduum; et enim appetitus propriæ excellentiae, ut dictum est. (n. 1. & 2. præc.) Unde oportet, quod superbia aliquo modo ad vim irascibilem pertineat.

Sed irascibilis dupliciter accipi potest. Uno modo proprie: & sic est pars appetitus sensitivi, sicut & ira proprie sumpta est quædam passio appetitus sensitivi. Alio modo potest accipi irascibilijs largius, sc. ut pertineat etiam ad appetitum intellectivum, cui eram quandoque attribuitur ira, prout scilicet attribuimus iram Deo, & Angelis, non quidem secundum passionem, sed secundum judicium justitiae judicantis: & tamen irascibilis sic communiter dicta non est potentia distincta à concupiscibili, ut patet ex his quæ in primo dicta sunt. (q. 59. a. 4. & q. 82. a. 5. ad 1. & 2.)

Si ergo arduum, quod est objectum superbiae, eset solum aliquid sensibile, in quod posset tendere appetitus sensitivus, oporteret quod superbia esset in irascibili, quæ est pars appetitus sensitivi. Sed quia arduum quod respicit superbiam, communiter invenitur & in sensibilibus, & in spiritualibus rebus; , necesse est dicere, „quod subjectum superbiae sit irascibilis non solum pro-„prie sumpta, prout est pars appetitus sensitivi, sed „etiam communius accepta, prout invenitur in appeti-„tu intellectivo.“ Unde & in dæmonibus superbia ponitur.

Ad primum ergo dicendum, quod cognitio veritatis est duplex. Una pure speculativa: & hanc superbia indirecte impedit, subtrahendo causam. Superbus enim neque Deo intellectum suum subjicit, ut ab eo veritatis cognitionem percipiat, secundum illud Matth. 11. A secundisti haec à sapientibus, & prudentibus, id est, à superbis, qui sibi sapientes, & prudentes videntur, & revelasti ea parvulis, id est, humilibus: neque etiam ab hominibus addiscere dignatur; cum tamen dicatur Eccl. 6. Si inclinareris aurum tuam, scilicet humiliiter audiendo, excipes doctrinam. Alia autem est cognitio veritatis, scilicet affectiva: & talem cognitionem veritatis directe impedit superbia: quia superbii, dum delectantur in propria excellentia, excellentiam veritatis fas- tie-

tidiunt: ut Gregor. dicit 23. Moral. (cap. 10. circ. med.) quod superbi, etsi secreta quædam intelligendo percipiunt, eorum dulcedinem experiri non possunt; & si neverunt quomodo sunt, ignorant quomodo sapiunt. Unde & Proverb. 11. dicitur: *Ubi humilitas, ibi sapientia.*

Ad secundum dicendum, quod, sicut supra dictum est, (q. præc. a. 1. & 2.) humilitas attendit ad regulam rationis rectæ, secundum quam aliquis veram æstimationem de se habet. Hanc autem regulam rectæ rationis non attendit superbìa, sed de se majora existimat quam sint: quod contingit ex inordinato appetitu propriæ excellentiæ: quia quod aliquis vehementer desiderat, facile credit; & ex hoc etiam ejus appetitus in altiora fertur, quam sibi conveniat. Et ideo quæcumque conferunt ad hoc quod aliquis æstimet se supra id quod est, inducunt hominem ad superbiam: quorum unum est, quod aliquis consideret defectus aliorum; sicut è contra Gregor. ibidem dicit, quod sancti viri virtutum consideratione vicissim sibi alios præferunt. Ex hoc ergo non habetur, quod superbìa sit in rationali, sed quod aliqua causa ejus in ratione existat.

Ad tertium dicendum, quod superbìa non est solum in irascibili, secundum quod est pars appetitus sensitivi, sed prout communius irascibilis accipitur, ut dictum est. (in corp. art.)

Ad quartum dicendum, quod, sicut Angust. dicit 14. de civit. Dei, (cap. 7. à med. & cap. 9. tom. 5.) amor præcedit omnes alias animi affectiones, & est causa earum: & ideo potest ponî pro qualibet aliarum affectionum. Et secundum hoc superbìa dicitur esse amor propriæ excellentiæ, in quantum ex amore causatur inordinata præsumptio alios superandi, quod proprie pertinet ad superbiam.

ARTICULUS IV.

78

Utrum convenienter à Gregorio assignentur quatuor superbiz species; sicut etiam bonum à seipso habere; sibi datum desuper credere pro suis accepisse meritis; jactant se habere quod non habent; et respectis cæteris singulariter videri appetere habere, quod habent.

2. dist. 24. q. 2. a. 4. 2^o mal. q. 8. a. 4. 2^o i. Cor. 4.
lect. 2. 2^o 2. Ethic. 5.

Ad Quartum sic proceditur. Videtur, quod inconvenienter assignentur quatuor superbiz species, quas Gregor. assignat 23. Moral. (cap. 4.) dicens: „Quas, tuor quippe sunt species, quibus omnis tumor arrogantium demonstratur; cum bonum aut à semetipsis habere se testimant; aut si sibi datum desuper creditur, pro suis se hoc accepisse meritis putant; aut certe cum jactant se habere quod non habent; aut respectis cæteris, singulariter videri appetunt habere quod habent.“ Superbia enim est vitium distinctum ab infidelitate, sicut etiam humilitas est virtus distincta à fide: sed quod aliquis testiminet bonum se non habere à Deo, vel quod bonum gratia habeat ex meritis propriis, ad infidelitatem pertinet: ergo non deoet ponit species superbiz.

2. Præterea. Idem non debet ponit species diversorum generum: sed jactantia ponit species mendacii, ut supra habitum est: (q. 110. a. 2. 2^o q. 112.) ergo non debet ponit species superbiz.

3. Præterea. Quædam alia videntur ad superbiam pertinere, quæ hic non connumerantur: dicit enim Hieron. quod nihil est tam superbum, quam ingratum videri: & Augustinus dicit 14. de civit. Dei, (cap. 14. tom. 5.) quod excusare se de peccato commisso ad superbiam pertinet. Præsumptio etiam, qua quis tendit ad assequendum aliquid, quod supra se est, maxime ad superioriam pertinere videntur: non ergo sufficienter predicta divisio comprehendit superbiz species.

P.M.

4. Præterea. Inveniuntur aliæ divisiones superbiæ. Dividit enim Anselmus (*in lib. de similitudiñib. cap. 22. & seq.*) exaltationem superbiæ, dicens, quod quædam est in voluntate, quædam in sermone, quædam in operatione. Bernard. etiam (*tract. de grad. humilit. cap. 10. & seq.*) ponit duodecim gradus superbiæ ; „qui sunt, „curiositas, mentis levitas, inepta lætitia, jactantia, „singularitas, arrogantia, præsumptio, defensio peccatorum, simulata confessio, rebellio, libertas peccandi, „consuetudo: “ quæ non videntur comprehendendi sub speciebus à Gregorio assignatis: ergo videtur, quod inconvenienter assignentur.

In Contrarium sufficiat auctoritas Gregorii.

Respondeo dicendum, quod, sicut supra dictum est, (*a. 1. & 3. huj. q.*) superbia importat immoderatum excellentiæ appetitum, qui scilicet non est secundum rationem rectam. Est autem considerandum, quod quilibet excellentia consequitur aliquod bonum habitum. Quod quidem potest tripliciter considerari. Uno modo secundum se. Manifestum est enim, quod quanto majus est bonum, quod quis habet, tanto per hoc excellentiam majorem consequitur. Et ideo cum aliquis attribuit sibi majus bonum quam habeat, consequens est, quod ejus appetitus tendat in excellentiam propriam ultra modum sibi convenientem. Et sic e.t tertia species superbiæ, cum scilicet aliquis jactat se habere quod non habet.

Alio modo ex parte causæ, prout scilicet excellentius est, quod aliquod bonum insit alicui à seipso, quam quod insit ei ab alio. Et ideo cum aliquis estimat bonum quod habet ab alio, ac si haberet à seipso, fertur per consequens appetitus ejus in propriam excellentiam supra suum modum. Est autem dupliciter aliquis causa sui boni: uno modo efficienter: alio modo meritorie. Et secundum hoc sumuntur duas primæ superbiæ specie, scilicet cum quis à seipso habere estimat quod à Deo habet, vel cum propriis meritis sibi datum desuper credit.

Tertio modo ex parte modi habendi, prout excellenter aliquis redditur ex hec, quod bonum aliquod excellentius ceteris possidet; unde ex hoc etiam fertur in-

inordinate appetitus in propriam excellentiam. Et secundum hoc sumitur quarta superbiae species, quæ est, cum aliquis, aliis despectis, singulariter vult videri.

Ad primum ergo dicendum, quod vera æstimatio potest corrupti dupliciter. Uno modo in universali: & sic in his quæ ad fidem pertinent, corruptitur vera æstimatio per infidelitatem. Alio modo in aliquo particuliari eligibili: & hoc non facit infidelitatem: sicut ille qui fornicatur, æstimat pro tempore illo bonum esse sibi fornicari: nec tamen est infidelis, sicut esset, si in universali diceret, fornicationem esse bonum. Et ita etiam est in proposito. Nam dicere in universali aliquod bonum esse, quod non est à Deo, vel gratiam hominibus pro meritis dari, pertinet ad infidelitatem: sed quod aliquis ex inordinato appetitu propriæ excellentiæ ita de bonis suis glorietur, ac si ea à se haberet, vel ex meritis propriis, pertinet ad superbiam, & non ad infidelitatem, proprie loquendo.

Ad secundum dicendum, quod jactantia ponitur species mendacii quantum ad exteriorem actum, quo quis falso sibi attribuit quod non habet: sed quantum ad interiorem cordis arrogantiam ponitur à Gregorio species superbiae.

Ad tertium dicendum, quod ingratus est, qui sibi attribuit quod ab alio habet. Unde duæ primæ superbiae species ad ingratitudinem pertinent: quod autem aliquis se excusat de peccato quod habet, pertinet ad tertiam speciem: quia per hoc aliquis attribuit sibi bonum innocentiae, quod non habet: quod autem aliquis presumptuose tendat in id, quod supra ipsum est, precipue videtur ad quartam speciem pertinere, secundum quam aliquis vult aliis præferri.

Ad quartum dicendum, quod illa tria, quæ ponit Anselmus, accipiuntur secundum progressum peccati cuiuslibet: quod primo corde concipitur, secundo ore profertur, tertio opere perficitur. Illa autem duodecim, quæ ponit Bernardus, sumuntur per oppositum ad duodecim gradus humilitatis, de quibus supra habitum est. (q. præc. a. 6.) Nam primus gradus humilitatis est corde, ut corpore semper humilitatem ostendere, deflexis in terram aspectibus: cui opponitur curiositas, per quam ali-

aliquis curiose ubique, & inordinate circumspicit. *Se-*
undus gradus humilitatis est, ut pauca verba, & ratio-
nabilia loquuntur aliquis non clamosa voce: contra quem
opponitur levitas mentis, per quam scilicet homo super-
be se habet in verbo. Tertius gradus humilitatis est,
ut non sit facilis, & promptus in risu: cui opponitur
inepta letitia. Quartus gradus humilitatis est, taciturni-
tas usque ad Interrogationem: cui opponitur jactantia.
Quintus gradus humilitatis est, tenere quod communis re-
gula monasterii habet: cui opponitur singularitas, per
quam scilicet aliquis sanctior vult apparere. Sextus
gradus humilitatis est, credere, & pronuntiare se onus-
bus viliorem: cui opponitur arrogantia, per quam scili-
cet homo se aliis praefert. Septimus gradus humilitatis
est, ad omnia inutilem, & indignum se confiteri, & cre-
dere: cui opponitur præsumptio, per quam scilicet ali-
quis reputat se sufficientem ad majora. Octavus gradus
humilitatis est, confessio peccatorum: cui opponitur de-
fensio coruadem. Novus gradus humilitatis est, in duris,
& asperis patientiam amplecti: cui opponitur simulata
confessio, per quam scilicet aliquis non vult subire pœ-
nam pro peccati, quæ simulate confitetur. Decimus
gradus humilitatis est, obedientia: cui opponitur rebellio.
Undecimus gradus humilitatis est: ut homo non delecte-
tur facere propriam voluntatem: cui opponitur libertas,
per quam scilicet homo delectatur libere facere, quod
vult. Ultimus autem gradus humilitatis est timor Dei:
cui opponitur peccandi consuetudo, quæ implicat Dei
*contemptum. In his autem duodecim gradibus tangun-
tur non solum superbia species, sed etiam quædam an-
tecedentia, & consequentia; sicut etiam supra de hu-
*militate dictum est, (q. præc. a. 6.)**

ARTICULUS V.

Utrum superbia sit peccatum mortale.

4. d. 33. q. 1. a. 3. q. 2. ad 3.

A Quintum sic proceditur. Videtur, quod superbia
 non sit peccatum mortale. Quia super illud Psalm. 7.

Domine Deus meus, si feci istud, dicit Glossa, (ordin. August. tom. 8.) scilicet universale peccatum, quod est superbia: si igitur superbia esset peccatum mortale, omne peccatum esset mortale.

2. Præterea. Omne peccatum contrariatur charitati: sed superbia non videtur contrariari charitati, neque quantum ad dilectionem Dei, neque quantum ad dilectionem proximi: quia excellentia, quam quis inordinate per superbiam appetit, non semper contrariatur honori Dei, aut utilitatì proximi: ergo superbia non est peccatum mortale.

3. Præterea. Omne peccatum mortale contrariatur virtuti: sed superbia non contrariatur virtuti, sed potius ex ea oritur: quia, ut Gregor. dicit 34. Moral. (cap. 18. ante med.) aliquando homo ex summis, cœlestibusque virtutibus intumescit: ergo superbia non est peccatum mortale.

Sed Contra est, quod Gregor. in eodem lib. (*ibid. cir. fin.*) dicit, quod evidentissimum reproborum signum superbia est; at contra humilitas electorum: sed homines non sunt reprobi pro peccatis venialibus: ergo superbia non est peccatum veniale, sed mortale.

Respondeo dicendum, quod superbia humilitati opponitur. Humilitas autem proprie respicit subjectionem hominis ad Deum, ut supra dictum est. (*q. præc. a. 1. ad 5.*) Unde è contrario superbìa proprie respicit defectum hujus subjectionis, secundum scilicet quod aliquis se extollit supra id, quod est sibi præfixum secundum divinam regulam, vel mensuram, contra id quod Apo. t. dicit 2. ad Corinth. 10. *Nos autem non in immensum gloriamur, sed secundum mensuram, qua mensus est notis Dei.* Et ideo dicitur Ecclesiasti. 10. quod *initium superbiae hominis est apostatare à Deo:* quia scilicet in hoc radix superbiae consideratur, quod homo aliquatenus non subjicitur Deo, & regulæ ipsius.

Manifestum est autem, quod hoc ipsum quod est non subjici Deo, habet rationem peccati mortalis, hoc enim est averti à Deo. Unde consequens est, quod *superbia secundum genus suum sit peccatum mortale.*

Sicut tamen in aliis, quæ suo genere sunt peccata mortalia, (puta fornicatione, & adulterio) sunt aliqui

motus, qui sunt peccata venialia propter eorum imperfectionem; quia scilicet præveniunt rationis judicium, & sunt præter ejus consensum: ita etiam & circa superbiam accidit, quod aliqui motus superbiæ sunt peccata venialia, dum eis ratio non consentit.

Ad primum ergo dicendum, quod, sicut supra dictum est, (a. 2, *huj. q.*) superbia non est universale peccatum per suam essentiam, sed per quandam redundantiam; in quantum scilicet ex superbia omnia peccata oriri possunt. Unde non sequitur, quod omnia peccata sint mortalia, sed solum quando oriuntur ex superbia completa, quam diximus esse peccatum mortale.

Ad secundum dicendum, quod superbia semper quidem contrariatur dilectioni divinæ, in quantum sc. superbis non se subjicit divinæ regulæ, prout debet. Et quandoque etiam contrariatur dilectioni proximo, in quantum sc. aliquis inordinate se præfert proximo, aut ab ejus subjectione se subtrahit: in quo etiam derogatur divinæ regulæ, ex qua sunt hominum ordines instituti, prout sc. unus eorum sub alio esse debet.

Ad tertium dicendum, quod superbia non oritur ex virtutibus, sicut ex causa per se, sed sicut ex causa per accidens, in quantum sc. aliquis ex virtutibus occasionem superbiæ sumit. Nihil autem prohibet, quin unum contrariorum sit alterius causa per accidens, ut dicitur in 8 Physic. (*text. 8. tom. 2.*) Unde etiam de ipsa humilitate aliqui superbiunt.

ARTICULUS VI.

789

Utrum superbia sit gravissimum peccatorum.

*Inf. a. 7. ad 4. & Psalm. 118. fin. & 2. Cor. 12.
lect. 3.*

Ad Sextum sic proceditur. Videtur, quod superbia non sit gravissimum peccatorum. Quanto enim aliud peccatum difficulter cavetur, tanto videtur esse levis: sed superbia difficultime cavetur: quia sicut Augustinus dicit in *regula*, (*sc. epist. 109. ante med. tom.*

tom. 2.) cætera peccata in malis operibus exercentur, ut fiant; superbia autem bonis operibus insidiatur, ut pereant: ergo superbia non est gravissimum peccatorum.

2. *Præterea. Majus malum majori boni opponitur, ut Philosophus dicit in 8. Ethic. (cap. 10, cir. princ. tom. 5.) Sed humilitas, cui opponitur superbia, non est maxima virtutum, ut supra habitum est: (q. præc. a. 5.) ergo & vitia, quæ opponuntur majoribus virtutibus, puta infidelitas, desperatio, odium Dei, homicidium, & alia hujusmodi, sunt graviora peccata, quam superbia.*

3. *Præterea. Majus malum non punitur per minus malum: sed interdum superbia punitur per alia peccata, ut patet ad Rom. 1. ubi dicitur, quod Philosophi per elationem cordis traditi sunt in reprobum sensum, ut faciant quæ non convenient: ergo superbia non est gravissimum peccatorum.*

Sed Contra est, quod super illud Ps. 118. *Superbi inique agebant usquequaque*, dicit Glossa, (*interl. implic. v. Ambros. Octonar. 7. in hunc Ps.*) *Maximum peccatum in homine est superbia.*

Respondeo dicendum, quod in peccato duo attenduntur, scilicet conversio ad commutabile bonum, quæ materialiter se habet in peccato; & aversio à bono incommutabili, quæ est formalis, & completiva ratio peccati. *Ex parte autem conversionis non habet superbiam, quod sit maximum peccatorum: quia celsitudo, quam superbis inordinate appetit, secundum suam rationem non habet maximam repugnantiam ad bonum virtutis.*

Sed *ex parte aversionis superbiam habet maximam gravitatem: quia in aliis peccatis homo à Deo avertitur, vel propter ignorantiam, vel propter infirmitatem, sive propter desiderium cujuscunque alterius boni: sed superbia habet aversionem à Deo ex hoc ipso, quod non vult Deo, & ejus regulæ subjici. Unde Boëtius dicit, quod cum omnia vita fugiunt à Deo, sola superbia se Deo opponit. Propter quod etiam specialiter dicitur Jacobi 4. quod Deus superbis resistit. Et ideo averti à Deo, & ejus præceptis, quod est quasi consequens in aliis peccatis, per se ad superbiam pertinet,*

net, cuius actus est Dei contemptus. Et quia id quod est per se, potius est eo quod est per aliud, *consequens est, quod superbia sit gravissimum peccatorum secundum suum genus*: quia excedit in aversione, quæ formaliter compleat peccatum.

Ad primum ergo dicendum, quod aliquod peccatum difficile cavetur *dupliciter*. *Uno modo* propter vehementiam impugnationis: sicut ira vehementer impugnat propter suum impetum: & adhuc difficilior est resistere concupiscentiæ propter ejus connaturalitatem, ut dicitur in 2. Ethic. (cap. 9. non procul à fin. tom. 4.) *Et talis difficultas* vitandi peccatum gravitatem peccati diminuit: quia quanto alius minoris tentationis impetu cadit, tanto gravius peccat, ut Augustinus dicit. *Alio modo* difficile est vitare aliquod peccatum propter ejus latentiam: & hoc modo superbiam difficile est vitare: quia etiam ex ipsis bonis occasionem sumit, ut dictum est: (art. præced. ad 3.) *Et ideo signanter* Augustinus dicit, quod bonis operibus insidiatur. *Et in Psalm. 141.* dicitur: *In via hac, qua ambulabam, absconderunt superbi laqueum miki.* *Et ideo motus superbie* oculie subrepens non habet maximam gravitatem, antequam per iudicium rationis deprehendatur; sed postquam deprehensus fuerit per rationem, tunc facile evitatur: tum ex consideratione propriæ infirmitatis, secundum illud Eccli. 10. *Quid superbis terra, &c. ciniſt?* Tum etiam ex consideratione magnitudinis divinæ, secundum illud Job 15. *Quid tumet contra Deum spiritus tuus?* Tum etiam ex imperfectione bonorum, de quibus superbis homo, secundum illud Isaiæ 40. *Omnis caro fœnum, & omnis gloria ejus quasi flos ager.* *Et infra cap. 64. Quasi pannus menstruatæ universæ justitiae nostræ.*

Ad secundum dicendum, quod oppositio vitii ad virtutem attenditur secundum objectum, quod consideratur ex parte conversionis: & secundum hoc superbìa non habet, quod sit maximum peccatorum, sicut nec humilitas, quod sit maxima virtutum: sed ex parte aversionis est maximum, utpote aliis peccatis magnitudinem præstans. Nam per hoc ipsum infidelitatis peccatum gravius redditur, si ex superbie contemp-

temptu procedat , quam si ex ignorantia , vel infirmitate proveniat : & idem dicendum est de desperatione , & aliis hujusmodi .

Ad tertium dicendum , quod sicut in syllogismis ducentibus ad impossibile quandoque aliquis convincitur per hoc , quod ducitur ad inconveniens magis manifestum : ita etiam ad convincendum superbiam hominum Deus aliquos punit , permittens eos ruerere in peccata carnalia ; quæ etsi sint minora , tamen manifestorem turpitudinem continent . Unde Isidorus dicit in libro 2. de summo bono , (cap. 38.) „ Omnis vita deteriore esse superbiam , seu propter hoc quod à summis personis , & primis assumitur , sen de opere justitiae , & virtutis exoritur , minusque culpa ejus sentitur : luxuria vero carnis ideo nobilis omnibus est , quoniam statim per se turpis est , & tamen , dispensante Deo , superbia minor est : sed qui detinetur superbiam , & non sentit , labitur in capnis luxuriam , ut per hanc humiliatus à confusionis exurgat .“

Ex quo etiam patet gravitas ipsius superbie . Sic enim medicus sapiens in remedium majoris morbi patientis infirmum in leviorem morbum incidere : ita etiam peccatum superbie gravius esse ostenditur ex hoc ipso quod pro ejus remedio Deus permittit ruere homines in alia peccata .

ARTICULUS VII.

Utrum superbia sit primum omnium peccatorum?

2. Cor. 12. lect. 4.

And Septimum sic proceditur . Videtur , quod superbia non sit primum omnium peccatorum . Primum enim salvator in omnibus consequentibus : sed non omnia peccata sunt cum superbia , nec oririuntur ex superbia : dicit enim August. in lib. de natura , & gratia , (cap. 29. in med. tom. 7.) quod multa perperam sunt superbie : ergo superbia non est primum omnium peccatorum .

2. Præterea . Ecclesiast. 10. dicitur , quod initium

superbia est apostatare à Deo : ergo apostasia à Deo est prius , quam superbia.

3. Præterea. Ordo peccatorum esse videtur secundum ordinem virtutum : sed humilitas non est prima virtutum, sed magis fides : ergo superbia non est primum peccatorum.

4. Præterea. 2. ad Timoth. 3. dicitur : *Mali homines , & seductores proficiunt in peccatis.* Et ita videtur, quod principium malitiae hominis non sit à maximo peccatorum : sed superbia est maximum peccatorum, ut dictum est: (*art. præc.*) non est igitur primum peccatorum.

5. Præterea. Id quod est secundum apparentiam, & fictionem , est posterior eo quod est secundum veritatem : sed Philos. dicit in 3. Ethic. (cap. 7. circ. med. tom. 5.) quod *superbus est factor fortitudinis , & audaciae* : ergo vitium audacie est prius vitio superbie.

Sed Contra est , quod dicitur Eccli. 10. *Initium omnis peccati est superbia.*

Respondeo dicendum , quod illud , quod est per se, est primum in quolibet genere. Dictum est autem supra , (*art. præced.*) quod aversio à Deo , quæ formaliter compleat rationem peccati , pertinet ad superbiam per se , ad alia autem peccata ex consequenti. Et inde est , quod *superbia habet rationem primi peccati , & est etiam principium omnium peccatorum* , ut supra dictum est , (*I. 2. q. 84. a. 2.*) cum de causis peccati ageretur , ex parte aversionis , quæ est principalior in peccato.

Ad primum ergo dicendum , quod superbia dicitur esse omnis peccati initium , non quia quodlibet peccatum singulariter ex superbia oriatur , sed quia quodlibet genus peccati natum est ex superbia oriri.

Ad secundum dicendum , quod apostatare à Deo dicitur esse superbie humanæ initium , non quasi aliud peccatum à superbia existens , sed quia est prima superbie pars. Dictum est enim , (*a. 5. huj. q.*) quod superbia principaliter respicit subjectionem divinam , quam contemnit : ex consequenti autem contemnit subiecti creature propter Deum.

Ad tertium dicendum , quod non oportet esse enim dem

dem ordinem virtutum, & vitiorum. Nam vitium est corruptivum virtutis. Id autem quod est primum in generatione, est postremum in corruptione. Et ideo sicut fides est prima virtutum; ita infidelitas est ultimum peccatorum, ad quod homo quandoque per alia peccata perducitur. Unde super illud Psal. 136. *Exinanite, exinanite usque ad fundatum vitiorum in te,* dicit Glossa, quod *coacervatione vitiorum subrepit disdientia.* Et Apostolus dicit I. ad Timoth. 1, quod *quidam repellentes conscientiam bonam circa fidem naufragaverunt.*

Ad quartum dicendum, quod superbìa dicitur esse gravissimum peccatorum ex eo, quod per se committit principio, ex quo attenditur gravitas in peccato. Et ideo superbìa causat gravitatem aliorum peccatorum. Contingit ergo ante superbiam esse aliqua peccata leviora + al. graviora + quæ etiam ex ignorantia vel infirmitate committuntur. Sed inter graviora peccata primum est superbìa, sicut causa, per quam alia peccata aggravantur. Et quia id quod est primum in causando peccata, est etiam ultimum in recedendo, ideo super illud Psal. 18. *Emundabor à delicto maximino,* dicit Glossa, (*interl.*) *hoc est à delicto superbìa, quod est ultimum redeuntibus à Deum, & primum recedentibus à Deo.*

Ad quintum dicendum, quod Philosophus posuit superbiam circa fictionem fortitudinis, non quia sola in hoc consistat, sed quia per hoc homo reputatur magis se posse excellentiam apud homines consequi audax, vel fortis videatur.

ARTICULUS VIII.

v

Utrum superbìa debeat ponì vitium capitale.

Ad Octavum sic proceditur. Videtur, quod superbìa debeat ponì vitium capitale. Isid. euim, (*I. Comment. in Deut. cap. 16.*) & Cassianus (*I. 5. de Iustit. Cœnob. cap. 1. & I. 12.*) enumerant superbiam inter vitia capitalia.

2. Præterea. Superbia videtur esse idem inanis gloria, quia utraque excellentiam querit: sed inanis?

ria ponitur vitium capitale : ergo etiam superbia debet poni vitium capitale.

3. Præterea. August. dicit in libro de virginitate, (cap. 31. circ. med. tom. 6.) quod *superbia iuvidiam parit*, nec *unquam est sine tali comite*: sed invidia ponitur vitium capitale , ut supra dictum est : (q. 36. a. 4.) ergo multo magis superbia.

Sed Contra est , quod Greg. 31. Moralium , (cap. 17. à med.) non enumerat superbiam inter vitia capitalia.

Respondeo dicendum , quod sicut ex supradictis patet , (a. 2. huj. q. 2. & a. 5. ad 1.) superbia dupl. citer considerari potest: uno modo secundum se , prout scilicet est quoddam speciale peccatum , alio modo , secundum quod habet quandam universalem influentiam in omnia peccata. Capitalia autem vitia ponuntur esse quedam specialia peccata , ex quibus multa genera peccatorum oriuntur. Et ideo quidam considerantes superbiam , secundum quod est quoddam speciale peccatum , connumeraverunt eam aliis vitiis capitalibus.

Gregorius vero considerans universalem ejus influentiam , quam habet in omnia vicia , ut dictum est , (a. 2. huj. q.) non connumeravit eam aliis capitalibus viciis , sed posuit eam reginam omnium viciorum , & matrem. Unde Greg. dicit in 31. Moralium , (loc. sup. cit.) „ ipsa viciorum regina superbia , cum de- „ victum plene cor reperit , mox illud septem princi- „ palibus viciis , quasi quibnsdam suis ducibus devas- „ tandum tradit , ex quibus viciorum multitudines „ oriuntur. “

Et per hoc patet responsio ad Primum.

Ad secundum dicendum , quod superbia non est idem inani gloriæ , sed causa ejus. Nam superbia inordinata excellentiam appetit : sed inanis gloria appetit excellentiæ manifestationem.

Ad tertium dicendum , quod ex hoc quod invidia , quæ est vitium capitale , oritur ex superbia , non sequitur quod superbia sit vitium capitale , sed quod sit aliquid principalius capitalibus viciis.

QUÆSTIO CLXIII.

*De peccato primi hominis, in quatuor articulos
divisa.*

Deinde considerandum est de peccato primi hominis, quod fuit per superbiam. Et primo de peccato ejus. Secundo de pena peccati. Tertio de tentatione, qua inductus est ad peccandum.

Circa primum queruntur quatuor.

Primo. Utrum primum peccatum hominis fuerit ~~per~~ ⁱⁿ superbia.

Secundo. Quid primus homo peccando appetierit.

Tertio. Utrum ejus peccatum fuerit gravius omnibus aliis peccatis.

Quarto. Quis plus peccaverit, utrum vir, vel ~~vir~~ ^{mulier.}

ARTICULUS I.

792

Utrum primi hominis peccatum fuerit superbia.

*Inf. a. 3. & 4. corp. & 3. q. 1. a. 3. corp. &
dist. 22. q. 1. a. 1. & mal. q. 7. a. 7. ad 12. i.
& 16. & Rom. 5. lect. 5. fin. & I.
Timoth. 2. fin.*

Ad Primum sic proceditur. Videtur, quod ~~super~~ ⁱⁿ superbia non fuerit primi hominis peccatum. Dicit enim Apost. ad Rom. 5. quod per inobedientiam unius hominis peccatores constituti sunt multi : sed primi homini peccatum est, ex quo omnes peccatores constituti sunt originali peccato : ergo inobedientia fuit primi hominis peccatum, & non superbia.

2. Præterea. Ambros. dicit super Lac. (cap. 4. sup. illud : *Dixit autem illi diabolus*) quod eo ordine diabolus Christum tentavit, quo primum hominem decepit : sed Christus primo tentatus est de gula, et patet Matth. 4. cum ei dictum est, *si Filius Dei es* ^{de} _{de}

Sic ut lapides isti panes sunt : ergo primum peccatum primi hominis non fuit superbia , sed guæ.

2. Præterea. Homo , diabolo suggerente , peccavit: sed diabolus tentans hominem scientiam reprobavit , ut patet Genes. 3. ergo prima inordinatio hominis fuit per appetitum scientiæ , quod pertinet ad curiositatem : ergo curiositas fuit primum peccatum , & non superbia.

4. Præterea. Super illud 1. ad Tim. 2. Muller seducta in prævaricatione fuit , dicit Glos. (ordin. August. l. 11. sup. Gen. ad lit. C. ult. à med. tom. 3.) „Hanc „seductionem appellavit proprie Apostolus , per quam „id quod suadebatur , cum falsum esset , verum esse „putatum est ; scilicet quod Deus lignum illud ideo „tangere pronibuerit , quod sciebat eos , si tetigissent , „velut deos futuros , tamquam eis divinitatem invide- „ret , qui eos homines fecerat : “ sed hoc credere per- „tinet ad infidelitatem : ergo primum peccatum hominis fuit infidelitas , & non superbia.

Sed Contra est , quod dicitur Eccl. 10. *Initium omniū peccati superbia : sed peccatum primi hominis est initium omnis peccati , secundum illud Rom. 5. Per unum hominem peccatum in hunc mundum intravit : ergo primum peccatum hominis fuit superbia.*

Respondeo dicendum , quod ad unum peccatum multi motus concurrere possunt: inter quos ille habet rationem primi peccati , in quo primo inordinatio invenitur. Manifestum est autem , quod primo invenitur inordinatio in motu interiori animæ , quam in actu exteriori corporis: quia , ut Augustinus dicit in 1. de Civ. Dei , (cap. 18. à med. tom. 5.) non amittitur corporis sanctitas , manente animæ sanctitate. Inter motus autem interiores prius movetur appetitus in finem , quam in id quod queritur propter finem. Et ideo ibi fuit primum peccatum hominis , ubi potuit esse primus appetitus inordinati finis. Sic autem homo erat in statu innocentiae institutus , ut nulla esset rebellio carnis ad spiritum. Unde non potuit esse prima inordinatio appetitus humani ex hoc , quod appetierit aliquod sensibile bonum , in quod carnis concupiscentia tendit præter ordinem rationis. Re[in]quiritur igitur , quod prima inordinatio appetitus humani fuit ex hoc , quod aliquod

bonum spirituale inordinate appetit. Non autem inordinate appetivis et, appetendo id secundum suam mensuram ex divina regula præstitutam. Unde relinquitur, quod primum peccatum hominis fuit in hoc, quod appetit quoddam spirituale bonum supra suam mensuram, quod pertinet ad superbiam.

Unde manifestum est, quod *primum peccatum primi hominis fuit superbia.*

Ad primum ergo dicendum, quod hoc, quod homo non obedierit divino præcepto, non fuit propter se ab eo volitum; quia hoc non posset contingere, nisi præsupposita inordinatione voluntatis. Relinquitur ergo, quod voluerit propter aliquid aliud. Primum autem, quod inordinate voluit, fuit propria excellentia. Et ideo inobedientia in eo causata fuit ex superbia. Et hoc est quod August. dicit ad Orosium, (*in Dialog. QQ. 65. q. 4. ante med. tom. 4.*) quod *homo elatus superbia, suasioni serpentis obediens, præcepta Dei contempsit.*

Ad secundum dicendum, quod in peccato primorum parentum etiam gula locum habuit. Dicitur enim Genes. 3. *Vidit mulier, quod lignum esset bonum ad vescendum, & pulchrum oculis, aspectuque delectabile; & tulit de fructu ejus, & comedit.* Non tamen ipsa honestas, & pulchritudo cibi fuit primum motivum ad peccandum, sed potius suasio serpentis, qui dixit, *Aperientur oculi vestri, & eritis sicut dii: quod appetendo superbiam mulier incurrit.* Et ideo peccatum gula derivatum est ex peccato superbie.

Ad tertium dicendum, quod appetitus scientiae causatus fuit in primis parentibus ex inordinato appetitu excellentie. Unde & in verbis serpentis præmittitur. *Eritis sicut dii: & postea subditur, Scientes bonum, & malum.*

Ad quartum dicendum, quod, sicut Augustinus dicit 11. super Genesim ad litteram, (*cap. 30. à med. tom. 3.*) „verbis serpentis mulier non crederet, à bona, atque utili re divinitus se fuisse prohibitos, nisi iam inesset menti amor ille propriæ potestatis, & quædam de se superba præsumptio.“ Quod non est sic intelligendum, quasi superbia præcesserit suasionem serpen-

pentis, sed quia statim post suasionem serpentis invasit mentem ejus elatio, ex qua consecutum est, ut crederet verum esse quod dæmon dicebat.

ARTICULUS II.

793

Utrum superbia primi hominis fuerit in hoc, quod appetierit divinam similitudinem.

Is. 17. lect. 2.

Ad Secundum sic proceditur. Videtur, quod superbia primi hominis non fuerit in hoc, quod appetierit divinam similitudinem. Nullus enim peccat appetendo id, quod sibi competit secundum suam naturam: sed similitudo Dei competit homini secundum suam naturam: dicitur enim Gen. 4. *Facias hominem a / imaginem, & similitudinem nostram:* ergo non peccavit divinam similitudinem appetendo.

2. Præterea. In hoc videtur primus homo divinam similitudinem appellisse, ut scientia boni, & mali potiretur: hoc enim ei à serpente suggerebatur: eritis sicut dñi, scientes bonum, & malum: sed appetitus scientiæ est homini naturalis, secundum illud Philosoph. in princip. Metaphys. *Omnis homo natura scire desiderant:* ergo non peccavit appetendo divinam similitudinem.

3. Præterea. Nullus sapiens eligit id, quod est impossibile: primus autem homo sapientia prædictus erat, secundum illud Eccli. 17. *Disciplina intellectus replevit illos:* cum ergo omne peccatum consistat in appetitu deliberato, qui est electio, videtur quod primus homo non pecaverit appetendo aliquid impossibile: sed impossibile est esse hominem similem Deo, secundum illud Exod. 15. *Quis similis tui in fortibus Domine?* ergo primus homo non peccavit appetendo divinam similitudinem.

Sed Contra est, quod super illud Psalm. 68. *Quæ non rapui, tunc exolvebam,* dicit Augustinus: (tom. 8. & est in Glos. ordin.) Adam, & Eva rapere voluerunt divinitatem, & perdiderunt felicitatem.

Respondeo dicendum, quod duplex est similitudo. Una omnimodæ equiparantia: & hanc similitudinem ad Deum primi parentes non appetierunt; quia talis similitudo ad Deum non cadit in apprehensione, præcipue sapientis.

Alia autem est similitudo imitationis, qualis possibilis est creaturæ ad Deum; in quantum videlicet participat aliquid de similitudine ipsius secundum suum modum. Dionysius enim dicit in 9. cap. de Div. Nomin. (à msd. lect. 3.) Eadem similia sunt Deo, & dissimilia: illud quidem secundum contingentem imitationem: hoc autem, secundum quod causata minus habent à causa. Quodlibet autem bonum in creatura existens est quedam participata similitudo primi boni. Et ideo ex hoc ipso quod homo appetit aliquod spirituale bonum supra suam mensuram, ut dictum est, (art. præced.) consequens est, quod appetierit divinam similitudinem inordinate.

Considerandum tamen est, quod appetitus est proprie rei non habitus. Bonum autem spirituale, secundum quod creatura rationalis divinam participat similitudinem, potest secundum tria attendi. Primo quidem secundum ipsum esse natura: & talis similitudo ab ipso creationis principio fuit impressa, & homini, de quo dicitur Gen. 1. quod Deus fecit hominem ad imaginem, & similitudinem suam, & Angelo, de quo dicitur Ezech. 28. Tu signaculum similitudinis. Secundo vero quantum ad cognitionem: & hanc etiam similitudinem in sui creatione Angelus accepit: unde in premissis verbis cum dictum esset, Tu signaculum similitudinis, statim subditur, Plenus sapientia. Sed prius homo in sua creatione istam similitudinem nondum actu adeptus erat, sed solum in potentia. Tertio quantum ad potestatem operandi: & hanc similitudinem nondum erant in actu assecuti neque Angelus, neque homo in ipso creationis principio: quia utrique restabat aliquid agendum, quod ad beatitudinem pervenirent.

Et ideo cum uterque (scilicet diabolus, & primus homo) inordinante divinam similitudinem appetierit, neuter eorum peccavit appetendo similitudinem na-

turæ. Sed primus homo peccavit principaliter appetendo similitudinem Dei quantum ad scientiam boni, & mali, sicut serpens ei suggestit; ut scilicet per virtutem propriæ naturæ determinaret sibi, quid esset bonum, & quid malum ad agendum; vel etiam ut per se ipsum præcognosceret, quid sibi boni, vel mali esset futurum: & secundario peccavit appetendo similitudinem Dei quantum ad propriam potestatem operandi: ut scilicet virtute propriæ naturæ operaretur ad beatitudinem consequendam. Unde August. dicit 11. super Gen. ad litteram (c. 30. circ. med. tom. 3.) quod menti mulieris inhæsit amor propriæ potestatis. Sed diabolus peccavit appetendo similitudinem Dei quantum ad potestatem. Unde Augustinus dicit in libro de vera religione, (cap. 13. circ. med. tom. 1.) quod magis voluit sua potentia frui, quam Dei. Verumtamen quantum ad aliquid uterque Deo æquiparari appetiit, in quantum scilicet uterque sibi inniti voluit, contempto divinæ regulæ ordine.

Ad primum ergo dicendum, quod ratio illa procedit de similitudine naturæ, ex cuius appetitu homo non peccavit, ut dictum est.

Ad secundum dicendum, quod appetere similitudinem Dei absolute quantum ad scientiam, non est peccatum; sed appetere similitudinem inordinate, id est, supra mensuram suam peccatum est. Unde super illud Ps. 90. Deus, qui similis erit tibi, dicit Augustin. (tom. 8. & est in Glos. ord.) „Qui per se vult esse, ut Deus, à nullo est, perverse vult, esse similis Deo, ut diabolus, qui noluit esse sub eo, & homo, qui ut servus noluit teneri præcepto.“

Ad tertium dicendum, quod ratio illa procedit de similitudine æquiparantiae,

ARTICULUS III.

794

Utrum peccatum primorum parentum fuerit cæteris gravius.

1. 2. q. 83. a. 3. corp. 2. d. 21. q. 2. a. 2. 2. d. 33.
in exposit. ad 1. 2.

Al. 2. d. Tertium sic proceditur. Videtur, quod peccatum primorum parentum fuerit cæteris gravius. Dicit enim Augustin. 14. de Civ. Dei. (cap. 15. non remote à princ. tom. 5.) Magna fuit in peccando iniuria, ubi tanta fuit non peccandi facilitas. Sed primi parentes maximam habuerunt facilitatem ad non peccandum; quia nihil habebant intrinsecus, quod eos ad peccandum impelleret: ergo peccatum primorum parentum fuit cæteris gravius.

2. Præterea. Pœna proportionatur culpæ: sed peccatum primorum parentum gravissime est punitum: quia per ipsum mors induxit in hunc mundum, ut Apost. dicit ad Rom. 5. ergo peccatum illud fuit gravius cæteris peccatis.

3. Præterea. Primum in quolibet genere videtur esse maximum, ut dicitur in 2. Metaphysice: (tex. 4. tom. 3.) Sed peccatum primorum parentum fuit primum inter alia peccata hominum: ergo fuit maximum.

Sed Contra est, quod Crigenes dicit, (lib. 1. Patriarch. c. 3. in fin.) „Non arbitror, quod aliquis ex his, „qui in summo perfectioque constiterint gradu, ad su- „bitum evanescet, aut decidat; sed paulatim, & per „partes defluere eum necesse est:“ sed primi paren- teis in summo, perfectioque gradu consistebant, non ergo eorum primum peccatum fuit maximum omnium peccatorum.

Respondeo dicendum, quod duplex gravitas in pec- cato attendi potest: *una* quidem ex ipsa specie pec- cati, sicut dicimus, adulterium esse gravius peccatum simplici fornicatione: *alia* autem est gravitas pecca- ti, quæ attenditur secundum aliquam circumstantiam

loci, vel personæ, aut temporis. Prima autem gravitas essentialior est peccato, & principalior. Unde secundum eam magis peccatum dicitur grave, quam secundum aliam. Dicendum est igitur, quod peccatum primi hominis non fuit gravius omnibus aliis peccatis humanis secundum speciem peccati. Etsi enim superbia secundum suum genus habeat quamdam excellentiam inter alia peccata: major tamen est superbia, qua quis Deum negat, vel blasphemat, quam superbia qua quis inordinate divinam similitudinem appetit; qualis fuit superbia primorum parentum, ut dictum est. (a. p̄ræc.)

Sed secundum conditionem personarum peccantium, peccatum illud habuit maximam gravitatem propter perfectionem status ipsorum. Et ideo dicendum est, quod illud peccatum fuit quidem secundum quid gravissimum, non tamen simpliciter.

Ad primum ergo dicendum, quod illa ratio procedit de gravitate peccati ex circumstantia peccantis.

Ad secundum dicendum, quod magnitudo penæ, quæ consecuta est ad illud primum peccatum, non correspondet ei secundum quantitatem propriæ speciei, sed in quantum fuit primum: quia ex hoc interrupta est innocentia primi status, qua subtracta, deordinata est tota natura humana.

Ad tertium dicendum, quod in his quæ sunt per se ordinata, oportet id quod est primum, esse maximum. Talis autem ordo non attenditur in peccatis; sed unum per accidens sequitur post aliud. Unde non sequitur, quod primum peccatum sit maximum.

ARTICULUS IV.

795

Utrum peccatum Adæ fuerit gravius, quam peccatum Evæ.

2. d. 22. q. 1. a. 3.

A.D Quartum sic proceditur. Viletur quod peccatum Adæ fuerit gravius, quam peccatum Evæ. Dicitur enim 1. ad Tim. 2. quod Adam non est seductus, mulier autem seducta in prævaricatione fuit: et sic videtur quod peccatum mulieris fuerit ex ignorantia, pec-

catum autem viri ex certa scientia : sed hujusmodi peccatum est gravius , secundum illud Luc. 12. Ille servus , qui cognovit voluntatem dominū suū , & non fecit secundum voluntatem ejus , vapulabit multis ; qui autem non cognovit , & fecit digna plagiis , vapulabit paucis : ergo Adam gravius peccavit , quam Eva.

2. Præterea. August. dicit in lib. de decem choris , (cap. 3. à med. tom. 9.) Si caput est vir , mens debet vivere , & præcedere in omnibus bonis factis , maxime uxori suam , ut illa imitetur virum : sed ille qui melius debet facere , si peccet , gravius peccat : ergo Adam gravius peccavit , quam Eva.

3. Præterea. Peccatum in Spiritum sanctum videotur esse gravissimum : sed Adam in Spiritum sanctum videotur peccasse ; quia peccavit cogitans de divina misericordia ; quod pertinet ad peccatum præsumptionis : ergo videotur , quod Adam gravius peccavit , quam Eva.

Sed Contra est , quod pena respondet culpe : sed mulier est gravius punita , quam vir , ut patet Gen. 3. ergo gravius peccavit , quam vir.

Respondeo dicendum , quod , sicut dictum est , (a. præc.) gravitas peccati principalius attenditur secundum peccati speciem , quam secundum peccati circumstanciam. Dicendum est ergo , quod si consideremus conditionem personæ viri usque , scilicet mulieris , & viri peccatum viri est gravius ; quia erat perfectior muliere.

Sed quantum ad ipsum genus peccati utriusque peccatum æquale dicitur ; quia utriusque peccatum fuit superbia. Unde Aug. dicit 11. super Gen. ad litteram (cap. 35. à med. tom. 3.) quod mulier excusavit peccatum suum impari sexu , sed pari fastu.

Sed quantum ad speciem superbiae gravius peccavit mulier , triplici ratione. Primo quidem , quia major elatio fuit mulieris , quam viri. Mulier enim credidit verum esse , quod serpens suasit , scilicet quod Deus prohibuerit ligni esum , ne ad ejus similitudinem pervenirent : & ita dum per esum ligni vetiti Dei similitudinem consequi voluit , superbia ejus ad hoc se erexit , quod contra Dei voluntatem aliquid voluit obtainere. Sed vir non credidit hoc esse verum , unde non voluit consequi divinam similitudinem contra Dei voluntatem , sed in hoc

hoc superbivit, quod voluit eam consequi per seipsum. Secundo, quia mulier non solum ipsa peccavit, sed etiam viro peccatum suggestit, unde peccavit & in Denm, & in proximum. Tertio in hoc, quod peccatum viri diminuntam est ex hoc, quod in „peccatum con-„sensit amicibili quadam benevolentia, qua plerumque „sit, ut offendatur Deus, ne homo ex amico fiat ini-„micus, quod eum facere non debuisse divinæ senten-„tiae justus exitus iudicavit, ut August. dicit 11. super Genes. ad litteram, (cap. ult. à med. tom. 3.) Et sic patet, quod peccatum mulieris fuit gravius, quam peccatum viri.

Ad primum ergo dicendum, quod illa seductio mulieris ex præcedenti elatione subsecuta est. Et talis ignorantia non excusat, sed aggravat peccatum; in quantum scilicet ignorando in majorem elationem erecta est.

Ad secundum dicendum, quod ratio illa procedit ex circumstantia conditionis personæ, ex qua peccatum viri fuit gravius secundum quid.

Ad tertium dicendum, quod vir non cogitavit de divina misericordia usque ad contemptum divinæ justitiae, quod facit peccatum in Spiritum sanctum: sed quia, ut Augustin. dicit 14. de Civ. Dei, (cap. 11. clr. fin. tom. 5.) Inexpertus divinæ severitatis credidit illud peccatum esse veniale, id est, de facili remissibile.

QUÆSTIO CLXIV.

*De pœnis peccati primi hominis, in duos articulos
divisa.*

Deinde considerandum est de pœna primi peccati.

Et circa hoc queruntur duæ.

Primo. De morte, quæ est pœna communis.

Secundo. De aliis particularibus pœnis, quæ in Ge-
nesi assignantur.

Utrum mors sit pœna peccati primorum parentum.

1. 2. q. 85. d. 5. & 2. d. 30. q. 1. a. 1. & 3. d. 16. q. 1. a. 1. & 4. prol. princ. & d. 4. q. 1. a. 2. q. 3. & 4. con. cap. 51. & mal. q. 15. a. 4. & opus. 3. cap. 197. 298. 241. & 242. & Rom. 5. lect. 3. & Heb. 9. fin.

And Primum sic proceditur. Videtur, quod mors non sit pœna peccati primorum parentum. Id enim quod est homini naturale, non potest dici pœna peccati; quia peccatum non perficit naturam, sed vitiat. Mors autem est homini naturalis: quod patet ex hoc quod corpus ejus ex contrariis componitur, & ex hoc etiam quod mortale ponitur in definitio hominis: ergo mors non est pœna peccati primorum parentum.

2. Præterea. Mors, & alii corporales defectus similiter inveniuntur in homine, sicut & in aliis animalibus, secundum illud Eccl. 3. *Unus interitus est hominis, & iuuentorum, & æqua utriusque conditio: sed in animalibus brevis mors non est pœna peccati: ergo etiam neque in hominibus.*

3. Præterea. Peccatum primorum parentum fuit specia iuriu personarum: sed mors consequitur totam humanam naturam: ergo non videtur esse pœna peccati primorum parentum.

4. Præterea. Omnes æqualiter derivantur à primis parentibus; si igitur mors esset pœna peccati primorum parentum, sequeretur quod omnes homines æqualiter mortem paterentur. Quod patet esse falsum; quia quidam citius alii, & gravius moriuntur: ergo mors non est pœna primi peccati.

5. Præterea. Malum pœnae est à Deo, ut supra habitu est (1. part. q. 49. a. 2.) sed mors non videtur esse à Deo: dicitur enim Sap. 1. quod *Deus mortem non fecit: ergo mors non est pœna primi peccati.*

6. Præterea. Pœna non videntur esse meritoriae: nam merita continetur sub bono, pœna autem sub

malo: sed mors quandoque est meritoria, sicut patet de morte Martyrum: ergo videtur, quod mors non sit pena.

7. Præterea. Pœna videtur esse afflictiva: sed mors non potest esse afflictiva, ut videtur: quia quando mors est, eam homo non sentit; quando autem non est, sentiri non potest: ergo mors non est pœna peccati.

8. Præterea. Si mors esset pœna peccati, statim fuisse ad peccatum consecuta: sed hoc non est verum: nam primi parentes post peccatum diu vixerunt, ut patet Gen. 4: ergo mors non videtur esse pœna peccati.

Sed Contra est, quod Apostolus dicit ad Roman. 5. Per unum hominem peccatum in hunc mundum intravit, & per peccatum mors.

Respondeo dicendum, quod si aliquis propter culpam suam privetur aliquo beneficio sibi dato, carentia illius beneficij est pœna culpæ illius. Sicut autem in primo dictum est, (q. 91. a. 1. & q. 97. a. 1.) homini in sui prima institutione hoc beneficium fuit collatum divinitus, ut quamdiu mens ejus esset Deo subjecta, inferiores vires animæ subjicerentur rationali menti, & corpus animæ subjiceretur. Sed quia mens hominis per peccatum à divina subjectione recessit, consecutum est, ut nec interiores vires totaliter subjicerentur rationi. Unde tanta consecuta est rebellio carnalis appetitus ad rationem, ut nec etiam corpus totaliter subjiceretur animæ: unde consequitur mors, & alii corporales defectus. Vita enim, & incolumitas corporis consistit in hoc, quod subjiciatur animæ, sicut perfectibile suæ perfectioni. Unde per oppositum mors, & ægritudo, & quilibet corporalis defectus pertinet ad defectum subjectionis corporis ad animam.

Unde patet, quod „sicut rebellio carnalis appetitu „ad spiritum est pœna peccati primorum parentum; ita „etiam & mors, & omnes corporales defectus.“

Ad primum ergo dicendum, quod naturale dicitur, quod ex principiis naturæ causatur. Naturæ autem per se principia sunt forma, & materia. Forma autem hominis est anima rationalis, quae est de se immortalis: & ideo mors non est naturalis homini ex parte suæ formæ. Materia autem hominis est corpus tale, quod est

ex contrariis compositum, ad quod sequitur ex necessitate corruptibilitas, & quantum ad hoc mors est homini naturalis. Hæc autem conditio in natura humani corporis est consequens ex necessitate materiæ; quia oportebat corpus humanum esse organum tactus, & per consequens medium inter tangibilia; & hoc non poterat esse, nisi esset ex contrariis compositum, ut patet per Philosophum in 2. de Anima. (*text. 111. 2^o seq. tom. 2.*) Non autem est conditio, secundum quam materia adaptetur formæ: quia si esset possibile, cum forma sit incorruptibilis, potius oporteret materiam incorruptibilem esse: sicut quod serra sit ferrea, competit formæ, & actioni ejus, ut per duritatem sit apta ad secundum: sed quod sit potens rubiginem contrahere, consequitur ex necessitate talis materiæ, & non secundum electionem agentis: nam si artifex posset, faceret ex ferro serram, quæ rubiginem contrahere non posset. Deus autem, qui est conditor hominis, omnipotens est; unde ademit suo beneficio ab homine primitus instituto necessitatem moriendi ex tali materia consequentem: quod tamen beneficium subtractum est per peccatum primorum parentum. Et sic mors & est naturalis propter conditionem materiæ, & est penalis propter amissionem divini beneficii præservantis à morte.

Ad secundum dicendum, quod similitudo illa hominis ad alia animalia attenditur quantum ad conditionem materiæ, id est, quantum ad corpus ex contrariis compositum, non autem quantum ad formam. Nam anima hominis est immortalis, brutorum vero animalium animæ sunt mortales.

Ad tertium dicendum, quod primi parentes fuerunt à Deo instituti non solum sicut quedam personæ singulares, sed sicut quedam principia totius humanæ nature ab eis ad posteros derivandæ simul cum beneficio diuino præservante à morte. Et ideo per eorum peccatum tota humana natura in posteris tali beneficio destituta mortem incurrit.

Ad quartum dicendum, quod aliquis defectus ex peccato consequitur dupliciter. Uno modo per modum penale taxatae à judice. Et talis defectus æqualis debet esse in his, ad quos æqualiter pertinet peccatum. Alius au-

tem defectus est, qui ex hujusmodi pœna per accidens consequitur; sicut quod aliquis pro culpa sua excœcatus cadat in via: & talis defectus culpæ non proportionatur, nec ab homine judice pensatur, qui non potest fortuitos eventus præcognoscere. Sic ergo pœna taxata pro primo peccato proportionaliter ei respondens fuit subtractio divini beneficii, quo rectitudo, & integritas humanae naturæ conservabitur. Defectus autem consequentes subtractionem hujusmodi beneficij sunt mors, & alia pœnalitates præsentis vitæ: & ideo non oportet, hujusmodi pœnas æquales esse in his, ad quos æqualiter pertinet primum peccatum. Verum quia Deus præciosus est omnium futorum eventuum, ex dispositione divine præscientie, & providentie hujusmodi pœnalitates diversimode in diversis inveniuntur: non quidem propter aliqua merita, vel demerita præcedentia hanc vitam, ut Origenes posuit. (*lib. 2. Periarch. cap. 9. à med.*) Hoc enim est contra id, quod dicitur *Roman. 9.* *Cum nondum aliquid boni, aut mali egirent.* Et etiam est contra hoc, quod in primo ostensum est, (*q. 47. a. 2. q. 75. a. 7. & q. 90. a. 4.*) quod anima non est creata ante corpus: sed vel in pœnam paternorum peccatorum, in quantum filius est quædam res patris: unde frequenter parentes puniuntur in prole: vel etiam propter remedium salutis ejus, qui hujusmodi pœnalitatibus subditur; ut scilicet per hoc à peccatis arceatur, aut etiam de virtutibus non superbiat, & per patientiam corosetur.

Ad quintum dicendum, quod mors duplicitate potest considerari. *Uno modo*, secundum quod est quoddam malum humanae naturæ: & sic non est ex Deo, sed est defectus quidam incidens ex culpa humana. *Allo modo* potest considerari, secundum quod habet quandam rationem boni, prout scilicet est quædam justa pœna; & sic est à Deo. Unde Augustinus dicit in *lib. 1. Retract.* (*cap. 21. cir. med. & cap. 26. parum à princ. tom. 1.*) quod Deus non est auctor mortis, nisi in quantum est mors pœna.

Ad sextum dicendum, quod, sicut Augustinus dicit *13. de civ. Dei:* (*cap. 5. ad fin. tom. 5.*), *Quemadmo-*
dum iniusti male utuntur non tantum malis, verum
& etiam

„etiam bonis; ita justi bene utuntur non tantum bonis,
 „sed etiam malis. Hinc sit, ut & mali male lege utan-
 „tur, quamvis lex sit bonum, & boni bene moriantur,
 „quamvis sit mors malum:“ in quantum igitur Sancti
 bene morte utuntur, sit eis mors meritoria.

Ad septimum dicendum, quod mors *dupliciter accipi* potest. *Uno modo* pro ipsa privatione vitæ: & sic mors sentiri non potest, cum sit privatio sensus, & vi-
 tæ: & sic non est pena sensus, sed pena danni. *Alio modo*, secundum quod nominat ipsam corruptionem,
 quæ terminatur ad privationem prædictam. De corrup-
 tione autem, sicut & de generatione *dupliciter loqui* possumus. *Uno modo*, secundum quod est terminus alter-
 rationis: & sic in ipso instanti, in quo primo privatur
 vita, dicitur *inesce mors*: & secundum hoc etiam mors
 non est pena sensus. *Alio modo* corruptio potest accipi
 cum alteratione præcedente, prout dicitur aliquis mori-
 dum movetur in mortem; sicut dicitur aliquid genera-
 ti, dum movetur in generatum esse: & sic mors potest
 esse afflictiva.

Ad octavum dicendum, quod, sicut Augustinus di-
 cit 11. super Genes. ad litteram, (cap. 32. tom. 3.)
 „Hæc mors ea die accidit, qua factum est quod Deus
 „venitus; quia ex tunc morbidam qualitatem, & morti-
 „feram primi parentes in corpore mortali contraxe-
 „runt.“ Vel, sicut dicit lib. 1. de peccatorum meritis,
 & remissione, (cap. 16. cir. med. tom. 7.) „Quamvis
 „annos multos primi parentes postea vixerint, illo ta-
 „men die mori cœperunt, quo mortis legem, qua in
 „senium veterascerent, acceperunt.“

ARTICULUS II.

797

Utrum convenienter particulares poenæ primorum parentum determinantur in Scriptura.

2. dist. 29. a. 5.

Ad Secundum sic proceditur. Videtur, quod incon-
 venienter particulares poenæ primorum parentum deter-
 minantur in Scriptura. Non enim debet assignari ut
 pte.

pena peccati, id quod etiam sine peccato esset: sed dolor in pariendo esset, ut videtur, etiam sine peccato: hoc enim requirit dispositio feminei sexus, ut proles nasci non possit sine dolore parientis: similiter etiam subjectio mulieris ad virum consequitur ad perfectionem virilis sexus, & imperfectionem muliebris. Germinatio etiam spinarum, & tribulorum ad naturam terræ pertinet, quæ fuisset etiam sine peccato: non ergo hujusmodi sunt convenientes pœnæ primi peccati.

2. Præterea. Id quod pertinet ad dignitatem alius, non videtur ad pœnam ejus pertinere: sed multiplicatio conceptus pertinet ad dignitatem mulieris: ergo non debet poni quasi mulieris pena.

3. Præterea. Pœna peccati primorum parentum ad omnes derivatur; sicut de morte dictum est: (*a. præc.*) sed non omnium mulierum multiplicantur conceptus; nec omnes viri in sudore vultus sui pane vescuntur: non ergo istæ sunt convenientes pœnæ primi peccati.

4. Præterea. Locus paradisi propter hominem factus erat: sed nihil debet esse frustra in rerum ordine: ergo videtur: quod non fuerit convenientius hominis pœna, quod à Paradiso excluderetur.

5. Præterea. Locus ille Paradisi terrestris de se dicitur esse inaccessibilis: frustra ergo opposita sunt alia impedimenta, ne homo illuc reverteretur; scilicet Cherubim, & gladius flammens, atque versatilis.

6. Præterea. Homo post peccatum statim necessitati mortis fuit addictus: & ita beneficio ligni vitæ non poterat ad immortalitatem reparari; frustra ergo ei esus ligni vitæ interdicitur, cum dicitur Gen. 3. *Videte, ne forte sumat de ligno vita, & vivat in æternum.*

7. Præterea. Insultare misero, videtur misericordie, & clementiae repugnare, quæ maxime in Scriptura Deo attribuitur, secundum illud Ps. 114. Miserationes ejus super omnia opera ejus: ergo inconvenienter positor, Denique iuseltas e primis parentibus per peccatum jam in miseriam deductis, ubi dicitur: *ecce Adam quasi unus ex nobis factus est sciens bonum, & malum.*

8. Præterea. Vestitus ad necessitatem hominis pertinet, sicut & cibis, secundum illud 1. ad Timothum. *Habentes alimenta, & quibus tegamur, his contenti*

simus: ergo sicut cibus primis parentibus fuit attributus ante peccatum, ita etiam & vestitus attribui debuit: inconvenienter ergo post peccatum dicitur eis Deus tunicas pelliceas fecisse.

9. Præterea. Pœna quæ alicui peccato adhibetur, debet plus habere in malo, quam emolumentum, quod quis ex peccato consequitur, alioquin per pœnam non deterretur quis à peccato: sed primi parentes ex peccato consecuti sunt, quod eorum oculi aperirentur, ut dicitur Gen. 3. Hoc autem præponderat in bono omnibus malis penalibus, quæ ponuntur ex peccato consecuta: inconvenienter ergo describuntur pœna peccatum primorum parentum consequentes.

In contrarium est, quod hujusmodi pœnæ sunt divinitus taxatae à Deo, qui omnia facit *in numero, pondere, & mensura*, ut dicitur Sap. 11.

Respondeo dicendum, quod, sicut dictum est, (art. *præced.*) primi parentes propter suum peccatum privati sunt beneficio divino, quo humanæ naturæ integritas in eis conservabatur, per cujus subtractionem humana natura in defectus pœnales incidit. Et ideo *dupliciter* puniti fuerunt. *Primo* quidem quantum ad hoc, quod subtractionem fuit eis id, quod integratatis statui competebat, scilicet locus terrestris paradisi: quod significatur Gen. 3. cum dicitur: & *emisit eum Deus de paradyso voluptatis*. Et quia ad illud statum primæ innocentiae per seipsum redire non poterat, convenienter apposita sunt impedimenta, ne rediret ad ea quæ primo statui competebant, scilicet à cibo, ne sumeret de ligno vitæ, & à loco: *Collocavit enim Deus ante paradiſum Cheruōim, & flammœum gladium*.

Secundo autem puniti fuerunt quantum ad hoc, quod attributa sunt eis ea, quæ naturæ convenienter tali beneficio destitutæ. Et hoc quidem quantum ad corpus, & quantum ad animam. Quantum quidem ad corpus, ad quod pertinet differentia sexus, alia pœna attributa est mulieri, alia viro. Mulieri quidem attributa est pœna secundum *dus*, propter quæ viro conjungitorum sunt generatio prolis, & communicatio operum pertinuentium ad domesticam conversationem: quantum ad generationem prolis punita fuit *dupliciter*. *Primo* quidem quan-

quantam ad tñdia , quæ sustinet portando prolem concepcionem. Et hoc significatur , cum dicitur , (Gen. 3.) *Multiplicabo ærumnas tuas , & conceptus tuus.* Et quantum ad dolorem , quem patitur in pariendo : & quantum ad hoc dicitur : *in dolore paries.* Quantum vero ad domesticam conversationem punitur secundum hoc , quod subjicitur dominationi viri , per hoc quod dicitur : *sub viri potestate eris.* Sicut autem ad mulierem pertinet , ut subdatur viro in his quæ ad domesticam conversationem pertinet : ita ad virum pertinet , quod necessaria vita procuret. Et circa hoc punitur tripliciter. Primo quidem per terræ sterilitatem , cum dicitur : *Maledicta terra in opere tuo.* Secundo per laboris anxietatem , sine qua fructus terræ non percipit ; unde dicitur : *in labore comedes ex ea cunctis diebus vitae tuae.* Tertio quantum ad impedimenta , quæ proveniunt terræ coalentibus ; unde dicitur : *Spinas , & tribulos germinabit tibi.*

Similiter etiam ex parte anima *triplex* eorum pœna describitur. Primo quidem quantum ad confusionem , quam passi sunt de rebellione carnis ad spiritum ; unde dicitur : *aperti sunt oculi amborum , & cognoverunt se esse nudos.* Secundo quantum ad increpationem propriæ culpe ; per hoc quod dicitur : *ecce Adam factus est quasi uetus ex nobis.* Tertio quantum ad commemorationem futuræ mortis , secundum quod ei dictum est : *pulvis es , & in pulvorem reverteris.* Ad quod etiam pertinet , quod Deus fecit eis tunicas pelliceas in signum mortalitatis eorum.

Ad primum ergo dicendum , quod in statu innocentiae fuisset partus absque dolore. Dicit enim Avg. in 14. de Civ. Dei , (cap. 26. circ. med. tom. 5.) *Sicut ad parviendum non doloris gemitus , sed maturitatis impulsus somnia viscera relaxaret ; ita ad foetandum , & concipiendum non libidinis appetitus , sed voluntarius usus naturam utramque conjungeret.* Subjectio autem mulieris ad virum intelligenda est in pœnam mulieris esse inducta , non quantum ad regimen , (quia etiam ante peccatum , vir caput mulieris fuisset , & ejus gubernator extitisset) sed prout mulier contra propriam voluntatem nunc necesse habet viri voluntati parere. Spinas

autem, & tribulos terra germinasset, si homo peccasset, in cibum animalium, non autem in hominis pœnam: quia scilicet propter eorum exortum nullus labor, aut punitio homini operanti in terra accideret, ut Aug. dicit 3. super Gen. ad lit. (c. 18. tom. 3.) Quamvis Alchinius dicat, quod ante peccatum terra omnino spinas, & tribulos non germinasset. Sed primum est melius.

Ad secundum dicendum, quod multitudo conceputum inducitur in pœnam mulieris, non propter ipsam procreationem prolis, quæ etiam ante peccatum fuisset, sed propter multitudinem afflictionum, quas mulier patitur ex hoc quod portat fœtum conceptum. Unde signanter conjugitur: *Multiplicabo ærumnas tuas, & conceptus tuus.*

Ad tertium dicendum, quod illæ pœnæ aliqualiiter ad omnes pertinent. Quæcumque enim mulier concipit, necesse est quod ærumnas patiatur, & cum dolore pariat; præter E. Virginem, quæ sine corruptione concepit, & sine dolore peperit: quia ejus conceptio non fuit secundum legem naturæ à primis parentibus derivata. Si autem aliqua non concipit, neque parit, patitur sterilitatis defectum, qui præponderat penis prædictis. Similiter etiam oportet, ut quicumque terram operatur, in sudore vultus comedat panem: & ipsi qui per se agriculturam non exercent, in aliis laboribus occupantur, homo enim nascitur ad laborem, ut dicitur Job 5. Et sic panem ab aliis in sudore vultus elaboratum manducant.

Ad quartum dicendum, quod locus ille paradisi terrestris, quamvis non serviat homini ad usum, servit tamen ei ad documentum; dum cognoscit, propter peccatum se tali loco fuisse privatum; & dum per ea, quæ corporaliter in illo paradiso sunt, instruitur de his, quæ pertinent ad paradisum cœlestem, quo aditus homini preparatur per Christum.

Ad quintum dicendum, quod salvis spiritualis sensu mysteriis, ille locus præcipue videtur esse inaccessibilis propter vehementiam æstus in locis inter mediis ex propinquitate solis. Et hoc significatur per flammrum gladium, qui versatilis dicitur propter proprietatem motus

tus circularis hujusmodi æstum causantis. Et quia mons corporalis naturæ disponitur ministerio Angelorum, ut patet per August. 3. de Trinit. (cap. 4. ante med. tom. 3.) convenienter etiam simul cum gladio versatili Chernobim adjungitur ad custodiendam viam ligni vitæ. Unde Aug. dicit in 11. super Gen. ad litteram, (cap. 40. in fin. tom. 3.) Hoc per cœlestes utiles potestates etiam in paradiſo visibili factum esse credendum est, ut per Angelicum ministerium esset illic quædam ignea custodia.

Ad sextum dicendum, quod homo si post peccatum de ligno vitæ comedisset, non propter hoc immortalitatem recuperasset, sed beneficio illius cibi potuisset vitam magis prolongare. Unde quod dicitur, *Et vivit in æternum, similitur ibi in æternum pro diuturno.* Hoc autem non expediebat homini, ut in miseria hujus vitæ diutius permaneret.

Ad septimum dicendum, quod, sicut Augustinus dicit 11. super Gen. ad litteram (cap. 39. à med. tom. 3.) verba haec Dei non tam sunt primis parentibus insultantia, quam cæteros, ne ita superbiant, deterrentis propter quos ista conscripta sunt: quia scilicet non solum Adam non fuit factus, qualis fieri vult, sed nec illud, ad quod factus fuerat, conservavit.

Ad octavum dicendum, quod vestitus necessarius est homini secundum statum præsentis miseritæ, propter duo: primo quidem propter defectum ab exterioribus documentis, pnta intemperati caloris, & frigoris: secundo ad tegumentum ignominiae, ne turpitudo membrorum appareat, in quibus præcipue manifestatur rebellio carnis ad spiritum. Hæc autem duo in primo statu non erant: quia in statu illo corpus hominis non poterat per aliquod extrinsecum laedi, ut in primo dictum est: (q. 97. a. 2.) Nec etiam erat in statu illo aliqua turpitudo in corpore hominis, quæ ad confusionem induceret. Unde dicitur Gen. 2. Erat autem eterque nudus, Adam, scilicet, & uxor ejus, & non erubescabant. Alia autem ratio de cibo est, qui est necessarius ad fomentum caloris naturalis, & ad corporis augmentum.

Ad nonum dicendum, quod sicut August. dicit 11.

super Gen. ad litter. (cap. 31. tom. 3.) non est credendum, quod primi parentes essent producti clausis oculis : præcipue cum de muliere dicatur, quod vidit lignum, quod esset pulchrum, & bonum ad vescendum. Aperi-
ti ergo sunt oculi amborum ad aliquid intuendum, & con-
gitandum, quod anteas nunquam adverterant, scil. ad in-
vicem concupiscendum, quod ante non fuerat.

QUÆSTIO CLXV.

*De tentatione primorum parentum in duos articulos
divisa.*

Deinde considerandum est de tentatione primorum parentum.

Circa primum queruntur duo.

Primo. Utrum fuerit conveniens, quod à diabolo ho-
mo tentaretur.

Secundo. De modo, & ordine illius temptationis.

ARTICULUS I.

798

Utrum fuerit conveniens, ut homo à diabolo tentaretur.

And Primum sic proceditur. Videtur, quod non fue-
rit conveniens, ut homo à diabolo tentaretur. Ea-
dem enim pœna finalis debetur peccato Angeli & pec-
cato hominis, secundum illud Matih. 25. *Ie maledic-
ti in ignem æternum, qui paratus est diabolo, & Ange-
lis ejus :* sed primum peccatum Angeli non fuit ex
aliqua temptatione exteriori : ergo nec primum pecca-
tum hominis debuit esse ex aliqua exteriori temptatione.

2. Præterea Deus præscius futurorum sciebat, quod
homo per temptationem dæmonis in peccatum dejicere-
tur : & sic bene sciebat, quod non expediebat ei; quod
tentaretur : ergo videtur, quod nec fuerit conveniens,
quod permitteret eum tentari.

3. Præterea. Quod aliquis impugnatorem habeat ad
pœnam pertinere videtur; sicut & è contrario pertinere
videtur ad præmium, quod impugnatio subtrahatur, se-
cun-

cundum illud Proverb. 16. *Cum placuerint Domino viæ hominis, inimicos quoque ejus convertet ad pacem: sed pena non debet præcedere culpam: ergo inconveniens fuit, quod homo ante peccatum tentaretur.*

Sed Contra est, quod dicitur Eccli. 34. *Qui tentatus non est, quilia scit?*

Respondeo dicendum, quod divina sapientia disponit omnia suaviter, ut dicitur Sap. 8. in quantum sc. sua providentia singulis attribuit, quæ eis competunt secundum suam naturam: quia, ut dicit Dionys. 4. cap. de div. nomin. (part. 2. med. lect. 23.) providentia non est naturam corrumpere, sed salvare. Hoc autem pertinet ad conditionem humanæ naturæ, ut ab aliis creaturis juvari, vel impediri possit.

Unde conveniens fuit, ut Deus hominem in statu innocentia & tentari permetteret per malos Angelos, & juvari eum saceret per bonos, ex speciali enim beneficio gratiæ hoc erat ei collatum, ut nulla creatura exterior ei posset nocere contra propriam voluntatem, per quam etiam tentationi dæmonis resistere poterat.

Ad primum ergo dicendum, quod supra naturam humanam est aliqua natura, in qua potest malum culpa inveniri; non autem supra naturam angelicam. Tentare autem inducendo ad malum, non est nisi jam depravati per culpam. Et ideo conveniens fuit, ut homo per Angelum malum tentaretur ad peccandum; sicut etiam secundum ordinem naturæ per Angelum bonum promoveretur ad perfectionem. Angelus autem à suo superiori, scil. à Deo, in bono persici potuit, non autem ad peccandum induci: quia, sicut dicitur Jacobi 1. *Deus intentator malorum est.*

Ad secundum dicendum, quod sicut Deus sciebat, quod homo per temptationem in peccatum esset dejicendus; ita etiam sciebat, quod per liberum arbitrium resistere poterat tentatori. Hoc autem requirebat conditio naturæ ipsius, ut propriæ volumati relinqueretur, secundum illud Eccli. 15. *Deus reliquit hominem in manu consilli sui.* Unde August. dicit 11. super Genes. ad litteram, (cap. 4. ante med. tom. 3.) *Non mihi videtur magna laudis futurum fuisse hominem, si propterea posset bene vivere, quia nemo male vivere suaderet;* cum

Et in natura posse, et in potestate haberet velle non consentire suadent.

Ad tertium dicendum, quod impugnatio, cui cum difficultate resistitur, penal is est. Sed homo in statu innocentiae poterat absque omni difficultate tentationi resistere. Et ideo impugnatio tentatoris ei penal is non fuit.

ARTICULUS II.

799

Utrum fuerit conveniens modus, et ordo primæ temptationis.

I. q. 41. a. 4. cor.

Ad Secundum sic proceditur. Videtur, quod non fuerit conveniens modus, & ordo primæ temptationis. Sicut enim ordine nature angelus erat superior homine, ita & vir erat perfectior muliere: sed peccatum perverit ab Angelo ad hominem: ergo pari ratione debuit pervenire à viro in mulierem, ut scil. mulier per virum tentaretur, & non è converso.

2. Præterea. Tentatio primorum parentum fuit per suggestionem: potest autem diabolus etiam sugerere homini absque alia exteriori sensibili creatura, cum ergo priui parentes essent spirituali mente prædicti, minus sensibiliibus, quam intelligibiliibus iuhærentes, convenientius fuisse, quod solum spirituali tentatione homo tentaretur, quam exteriori.

3. Præterea. Non potest convenienter aliquis malum sugerere, nisi per aliquid apprens bonum: sed multa alia animalia habent majorem apparentiam boni, quam serpens, non ergo convenienter tentatus fuit homo à diabolo per serpentem.

4. Præterea. Serpens est animal irrationali: sed animali irrationali non competit sapientia, nec locutio, nec pena: ergo inconvenienter inducitur serpens, (Gen. 3.) esse callidior cunctis animalibus, vel prudentissimus omnium bestiarum, secundum aliam translationem, (LXX. Interp.) inconvenienter etiam inducitur suis mulieri locutus, & à Deo punitus.

Sed Contra est, quod id quod est primum in aliquo
ge-

genere, debet esse proportionatum his, quæ in eodem genere consequantur: sed in quolibet genere peccati inventur ordo primæ temptationis: in quantum videlicet præcedit in sensualitate, quæ per serpentem signatur peccati concupiscentia; in ratione inferiori, quæ signatur per mulierem, delectatio; in ratione superiori, quæ signatur per virum, consensus peccati, ut Augustinus dicit 12. de Trinit. (cap. 12. tom. 3.) ergo congruus fuit ordo primæ temptationis.

Respondeo dicendum, quod homo compositus est ex duplice natura, intellectiva scilicet, & sensitiva. Et ideo diabolus in temptatione hominis usus est incitamento ad percandum dupliciter. Uno modo ex parte intellectus; in quantum promisit divinitatis similitudinem per scientiæ adeptiōem, quam homo naturaliter desiderat. Alio modo ex parte sensus: & sic usus est his sensibilibus rebus, quæ maximam habent affinitatem ad hominem, partim quidem in eadem specie tentans virum per mulierem, partim vero in eodem genere tentans mulierem per serpentem, partim vero ex genere propinquo proponens poinum ligni vetiti ad edendum.

Ad primum ergo dicendum, quod in actu temptationis diabolus erat sicut principale agens: sed mulier assumebatur quasi instrumentum temptationis ad dejiciendum virum; tum quia mulier erat infirmior viro; unde magis seduci poterat; tum etiam quia propter conjunctionem ejus ad virum, maxime per eam diabolus poterat virum seducere. Non autem est eadem ratio principalis agentis, & instrumenti. Nam principale agens oportet esse potius: quod non requiritur in agente instrumentalis,

Ad secundum dicendum, quod suggestio, qua spiritualiter diabolus homini aliquid suggerit, ostendit diabolum plus habere potestatis in homine, quam habeat suggestio exterior: quia per suggestionem interiorem immunitur à diabolo saltem hominis phantasias; sed per suggestionem exteriorem immunitur sola exterior creatura. Diabolus autem minimum potestatis habebat in homine peccatum. Et ideo non potuit eum interiori suggestione, sed solum exteriori tentare.

Ad tertium dicendum, quod, sicut Augustinus dicit

cit. 11. super Genesim ad litteram, (cap. 3. tom. 3.)
 „ non debemus opuari , quod serpentem sibi per quem
 „ tentaret, diabolus eligeret : sed cum esset in illo de-
 „ cipiendo cupiditas , nonnisi per illud animal potuit,
 „ per quod posse permisus est.“

Ad quartum dicendum , quod , sicut Augustinus dicit 11. super Genesim ad litt. (cap. 28. & 29. tom. 3.) „ Serpens dictus est prudentissimus , vel callidissi-
 „ mus , propter astutiam diaboli , qui in illo agebat
 „ dolum : sicut dicitur prudens , vel astuta lingua , quam
 „ prudens , vel astutus movet ad aliquid prudenter , vel
 „ astute suadendum . Neque etiam serpens verborum so-
 „ nos intelligebat , qui ex illos siebant ad mulierem ,
 „ neque enim conversa credenda est anima ejus in na-
 „ turam rationalem : quandoquidem nec ipsi homines ,
 „ quorum rationalis natura est cum diemon in eis lo-
 „ quitur , sciunt quid loquantur . Sic ergo locutus est
 „ serpens homini , sicut asina , in qua sedebat Balaam ,
 „ locuta est homini ; nisi quod illud fuit opus diaboli-
 „ cum , hoc angelicum . (quaer sequitur , habentur cap.
 „ 36. cir. med.) Unde serpens non est interrogatus ,
 „ car hoc fecerit ; quia non in sua natura ipse hoc fe-
 „ cerat , sed diabolus in illo , qui iam ex peccato suo
 „ igni destinatus fuerat sempiterno . Quod autem ser-
 „ penti dicitur , ad eum qui per serpenteum operatus
 „ est resertur . Et , sicut rursus August. dicit in lib. 2.
 „ super Gen. contra Manichæos , (cap. 17. & 18. tom.
 „ 1. & hab. in glos. ord.) nunc quidem ejus pena ,
 „ scilicet diaboli , dicitur qua nobis cavendus est , non
 „ ea , quæ ultimo iudicio reservatur . Per hoc enim quod
 „ ei dicitur , aledictus es inter omnia animantia , &
 „ bestias terre , pecora illi præponuntur , non in po-
 „ testate , sed in conservatione naturæ suæ , quia pe-
 „ cora non amiserunt beatitudinem aliquam cœlestem ,
 „ quam nunquam habuerunt ; sed in suæ natura , quam
 „ acceperunt , peragunt vitam . Dicitur etiam ei : Pectore
 „ & ventre reper , secundum aliam litteram : (70. In-
 „ terp.) Ubi nomine pectoris significatur superbia ;
 „ quia ibi dominatur impetus animæ : nomine autem
 „ ventris significatur carbale desiderium : quia hæc
 „ pars mollior sentitur in corpore . His autem rebus

„ serpit ad eos , quos vult decipere . Quod autem dici-
 „ tur , Terram comedes cunctis diebus vitæ tuæ , duo-
 „ bus modis intelligi potest : vel ad te pertinebunt , quos
 „ terrena cupiditate deceperis , id est , peccatores , qui
 „ terræ nomine significantur : vel certe tertium genus
 „ temptationis his verbis figuratur , quod est curiositas:
 „ terram enim qui manducat , profunda , & tenebro-
 „ sa penetrat . Per hoc autem quod inimicitiae ponuntur
 „ inter ipsum , & mulierem , ostenditur nos non posse
 „ à diabolo tentari , nisi per illam animalem partem ,
 „ quæ quasi mulieris imaginem in homine gerit , sive
 „ ostendit . Semen autem diaboli est perversa suggestio ,
 „ semen mulieris fructus boni operis , quod perversæ
 „ suggestioni resistit . Et ideo observat serpens plantam
 „ mulieris , ut si quando in illicita labitur , delecta-
 „ tio illam capiat : & illa observat caput ejus , ut eum
 „ in ipso initio malæ suasionis excludat .

QUÆSTIO CLXVI.

De studiositate , in duos articulos divisa .

Prostea considerandum est de Studiositate , & Cu-
 riositate sibi opposita .

Circa Studiositatem autem queruntur duæ .

Primo . Quæ sit materia studiositatis .

Secundo . Utrum sit pars temperantiae .

ARTICULUS I.

800

Utrum materia Studiositatis sit proprie cognitio .

Sup. q. 160. a. 2. cor. 27 inf. q. 167. a. 1. cor.

And Primum sic proceditur . Videtur , quod mate-
 ria studiositatis non sit proprie cognitio . Studiosus enim
 dicitur aliquis ex eo , quod adhibet studium aliquibus
 rebus : sed in qualibet materia debet homo studium ad-
 hibere ad hoc , quod recte faciat quod est faciendum :

Tom. VII.

S

er-

ergo videtur, quod non sit specialis materia studiositatis cognitionis.

2. Præterea. Studiositas curiositati opponitur: sed curiositas, quæ à cura dicitur, potest esse etiam circa ornatum vestium, & circa alia hujusmodi, quæ pertinent ad corpus. Unde Apostol. dicit ad Rom. 13. *Carnis curam ne feceritis in desideriis: ergo studiositas non est solum circa cognitionem.*

3. Præterea. Hierem. 6. dicitur: *A minore usque ad maiorem omnes avaritiæ student: sed avaritia non est proprie circa cognitionem, sed magis circa possessionem divitiarum, ut supra dictum est (q. 118. a. 2.) ergo studiositas, quæ à studio dicitur, non est proprie circa cognitionem.*

Sed Contra est, quod dicitur Proverb. 27. *Stude sapientiæ, filii mi, & laetifica cor meum, ut possis respondere exprobranti sermonem: sed eadem studiositas est, quæ laudatur ut virtus, & ad quam lex invitat: ergo studiositas est proprie circa cognitionem.*

Respondeo dicendum, quod studium proprie importat vehementem applicationem mentis ad aliquid. Non autem non applicatur ad aliquid, nisi cognoscendo illud. Unde per prius mens applicatur ad cognitionem; secundario autem applicatur ad ea, in quibus homo per cognitionem dirigitur. Et ideo studium per prius respicit cognitionem, & per posterius quæcumque alia, ad quæ operanda directione cognitionis indigemus.

Virtutes autem proprie sibi attribuunt illam materiam, circa quam primo & principaliter sunt; sicut fortitudo pericula mortis, & temperantia delectationem tactus. Et ideo studiositas proprie dicitur circa cognitionem.

Ad primum ergo dicendum, quod circa alias materias non potest aliquid recte fieri, nisi secundum quod est præordinatum per rationem cognoscentem. Et ideo per prius studiositas cognitionem respicit, cuicunque materiæ studium adhibeatur.

Ad secundum dicendum, quod ex affectu hominis, trahitur mens ejus ad intendendum his, ad quæ affectur, secundum illud Matth. 6. *Ubi est thesaurus tuus, ibi est & cor tuum. Et quia circa ea, quibus caro fo-*

vetur, maxime homo afficitur, consequens est, quod cognitio hominis versetur circa ea, quibus caro foveatur, ut scilicet homo inquirat, qualiter optime possit carni sue subvenire. Et secundum hoc curiositas ponitur circa ea, quæ ad carnem pertinent ratione eorum, quæ pertinent ad cognitionem.

Ad tertium dicendum, quod avaritia inhiat ad lucra conquirenda; ad quod maxime necessaria est quaedam peritia terrenarum rerum. Et secundum hoc studium attribuitur his, quæ ad avaritiam spectant.

ARTICULUS II.

801

Utrum studiositas sit pars temperantie.

And Secundum sic proceditur. Videtur, quod studiositas non sit pars temperantie. Studiosus enim dicitur aliquis secundum studiositatem: sed universaliter omnis virtuosus vocatur studiosus, ut patet per Philos. qui frequenter sic utitur nomine studiosi (*hab. ter. l. 9. Ethic. cap. 4. &c. bis cap. 8. &c. septies cap. 9. &c. l. 1. Magn. Moral. cir. prin. juxta græc. lit. tom. 5.*) ergo studiositas est generalis virtus, & non est pars temperantie.

2. Præterea. Studiositas, sicut dictum est, (*a. præc.*) ad cognitionem pertinet: sed cognitio non pertinet ad virtutes morales, quæ sunt in appetitiva animæ parte, sed magis ad intellectuales, quæ sunt in parte cognoscitiva: unde & solicitude est actus prudentie, ut supra habitum est: (*q. 47. a. 9.*) ergo studiositas non est pars temperantie.

3. Præterea. Virtus, quæ ponitur pars alicujus principalis virtutis, assimilatur ei quantum ad modum: sed studiositas non assimilatur temperantie quantum ad modum: quia temperantie nomen sumitur ex quadam reservatione; uade magis opponitur vitio, quod est in excessu: nomen autem studiositatis sumitur è contrario, ex applicatione animæ ad aliquid; unde magis videatur opponi vitio quod est in defectu, scilicet negligenter studendi, quam vitio quod est in excessu, scilicet curiositatib; unde propter horum similitudinem dicit

Isidor. in lib. 10. Etymol. (ad lit. S.) quod studiosus dicitur quasi studiis curiosus: ergo studiositas non est pars temperantiae.

Sed Contra est, quod August. dicit in lib. de moribus Ecclesiae, (cap. 21. cir. princ. tom. 1.) Curiositas esse prohibemur, quod magnum temperantiae munus est: sed curiositas prohibetur per studiositatem moderatam: ergo studiositas est pars temperantiae.

Respondeo dicendum, quod, sicut supra dictum est, (q. 141. a. 1. 2. & 3.) ad temperantiam pertinet moderari motum appetitus, ne superflue tendat in id, quod naturaliter concupiscitur. Sicut autem naturaliter homo concupiscit delectationes ciborum, & venereorum secundum naturam corporalem; ita secundum animam naturaliter desiderat cognoscere aliquid. Unde & Philos. dicit in princip. Met. quod omnes homines naturaliter scires desiderant.

Moderatio autem hujusmodi appetitus pertinet ad virtutem studiositatis. Unde consequens est, quod studiositas sit pars potentialis temperantiae, sicut virtus secundaria ei adjuncta ut principali virtuti; & comprehendetur sub modestia, ratione superius dicta. (q. 160. a. 2.)

Ad primum ergo dicendum, quod prudentia est completiva omnium virtutum moralium, ut dicitur in 6. Ethic. (cap. ult. tom. 5.) In quantum ergo cognitione prudentiae ad omnes virtutes pertinet, in tantum nomen studiositatis, quæ proprie circa cognitionem est, ad omnes virtutes derivatur.

Ad secundum dicendum, quod actus cognoscitivæ virtutis imperatur à vi appetitiva, quæ est motiva omnium virium, ut supra dictum est. (1. 2. q. 9. a. 1.) Et ideo circa cognitionem duplex bonum potest attendi. Unum quidem quantum ad ipsum actum cognitionis. Et tale bonum pertinet ad virtutes intellectuales; ut scilicet homo circa singula aestimet verum. Aliud autem bonum est, quod pertinet ad actum appetitivæ virtutis; ut scilicet homo habeat appetitum rectum applicandi vim cognoscitivam sic, vel aliter, ad hoc, vel ad aliud. Et hoc pertinet ad virtutem studiositatis. Unde computatur inter virtutes morales.

Ad tertium dicendum, quod sicut Philos. dicit in 1. Ethic.

Ethic. (cap. ult. tom. 5.) ad hoc quod homo fiat virtuosus, oportet quod servet se ab his, ad quæ maxime inclinat natura. Et inde est, quod quia natura præcipue inclinat ad timendum mortis pericula, & ad secundum delectabilia carnis; ideo laus virtutis fortitudinis præcipue consistit in quadam firmitate persistendi contra hujusmodi pericula; & laus virtutis temperantiae in quadam refrænatione à delectabilibus carnis. Sed quantum ad cognitionem est in homine contraria inclinatio; quia ex parte animæ inclinatur homo ad hoc, quod cognitionem rerum desideret: & sic oportet, ut laudabiliter homo hujusmodi appetitum refrænat, ne immoderate rerum cognitioni intendat. Ex parte vero naturæ corporalis homo inclinatur ad hoc, ut laborem inquirendi scientiam vitet. Quantum ergo ad primum, studiositas in refrænatione consistit: & secundum hoc ponitur pars temperantiae: sed quantum ad secundum, laus virtutis hujusmodi consistit in quadam vehementia intentionis ad scientiam rerum percipiendam: & ex hoc nominatur. Primum autem est essentialius huic virtuti, quam Secundum. Nam appetitus cognoscendi per se respicit cognitionem, ad quam ordinatur studiositas: sed labor addiscendi est impedimentum quoddam cognitionis: unde respicitur ab hac virtute per accidens, quasi removendo prohibens.

Q U A E S T I O CLXVII.

De Curiositate, in duos articulos divisa.

Prostea considerandum est de Curiositate.

Et circa hoc queruntur duo.

Primo. Utrum vitium curiositatis possit esse in cognitione intellectiva.

Secundo. Utrum sit in cognitione sensitiva.

ARTICULUS I.

802

Utrum circa cognitionem intellectivam possit esse curiositas.

3. d. 35. q. 2. a. 3. q. 3.

Ad Primum sic proceditur. Videtur, quod circa cognitionem intellectivam non possit esse curiositas. Quia secundum Philos. in 2. Ethicor. (cap. 6. à med. tom. 5.) in his quæ secundum se sunt bona, vel mala, non possunt accipi medium, & extrema: sed cognitio intellectiva secundum se est bona, in hoc enim perfectio hominis videtur consistere, ut intellectus ejus de potentia reducatur in actum: quod fit per cognitionem veritatis, dicit etiam Dionys. 4. cap. de div. nom. (part. 4. lect. 22.) quod bonum animæ humanae est secundum rationem esse; cuius perfectio in cognitione veritatis consistit: ergo circa cognitionem intellectivam non potest esse vitium curiositatis.

2. Præterea. Illud, per quod homo assimilatur Deo, & quod à Deo consequitur, non potest esse malum: sed quæcumque abundantia cognitionis à Deo est, secundum illud Eccli. 1. Omnis sapientia à Domino Deo est, & Sap. 7. dicitur: *Ipse dedit mihi horum quæ sunt scientiam veram, ut sciām dispositionem orbis terrarum, & virtutes elementorum &c.* Per hoc etiam homo Deo assimilatur, quod veritatem cognoscit: quia omnia nuda, & aperta sunt oculis ejus, ut habetur ad Hebreos 4. unde 1. Reg. 2. dicitur, quod Deus scientiarum dominus est: ergo quantumcumque abundet cognitione veritatis, non est mala, sed bona: appetitus autem boni non est vitiosus: ergo circa intellectivam cognitionem veritatis non potest esse vitium curiositatis.

3. Præterea. Si circa aliquam intellectivam cognitionem potest esse curiositatis vitium, præcipue esset circa Philosophicas scientias: sed eis intendere non videtur esse vitiosum: dicit enim Hieronymus super Daniilem, (cap. 1. sup. illud: *Proposuit autem &c.* Et hab. cap. Qui de mensa dist. 37.) *Qui de mensa, & vino re-*

gls noluerunt comedere , ne polluantur , si sapientiam , atque doctrinam Babyloniorum scirent esse peccatum , nunquam acqüescerent discere , quod non licet. Et Augustinus dicit in 2. de Doctrina Christiana , (cap. 40. in præc. tom. 3.) quod si qua vera Philosophi dixerunt , ab eis sunt , tamquam ab injuctis possessoribus , in usum nostrum vendicanda : non ergo circa cognitionem intellectivam potest esse curiositas vitiosa.

Sed Contra est , quod Hieronymus dicit , (sup. illud Ephes. 4. Non ambuletis in vanitate) „ Nonne vobis visum detur in vanitate sensus , & obscuritate mentis ingredi , qui diebus ac noctibus in Dialectica arte torqueatur , qui Physicus perscrutator oculos trans cœlum levat ? “ Sed vanitas sensus , & obscuritas mentis est vitiosa : ergo circa intellectivas scientias potest esse curiositas vitiosa.

Respondeo dicendum , quod , sicut dictum est , (q. præc. a. I.) studiositas non est directe circa ipsam cognitionem , sed circa appetitum , & studium cognitionis acquirendæ. Alter autem est judicandum de ipse cognitione veritatis , & alter de appetitu , & studio veritatis cognoscendæ. Ipsa enim veritatis cognitio , per se loquendo , bona est : potest autem per accidens esse mala , ratione scilicet alicujus consequentis ; vel in quantum aliquis de cognitione veritatis superbit , secundum illud 1. ad Cor. 8. Scientia inflat ; vel in quantum homo utitur cognitione veritatis ad peccandum.

Sed ipse appetitus , vel studium cognoscendæ veritatis potest habere rectitudinem , vel perversitatem. Uno quidem modo , prout aliquis tendit suo studio in cognitionem veritatis , prout per accidens jungitur ei malum ; sicut illi qui student ad scientiam veritatis , ut exinde superbiant. Unde Augustinus dicit in lib. de morib. Eccles. (cap. 21. ante med. tom. 1.) „ Sunt qui desertis virtutibus , & nescientes quid sit Deus , & quanta maiestas semper eodem modo manentis naturæ , magnum aliquid se agere putant , si universam istam corporis molem , quam mundum nuncupamus , curiosissime , intensissimeque perquirant. Unde etiam tanta superbia gignitur , ut in ipso cœlo , de quo saepè disputant , sibimet habitare videantur . “ Similiter etiam illi qui

student addiscere aliquid ad peccandum , vitiosum studium habent , secundum illud Jeremiæ 9. Docuerunt lingam suam loquì mendacium ; ut inique agerent , laboraverunt .

Alio autem modo potest esse vitium ex ipsa inordinatione appetitus , & studii ad descendam veritatem . Et hoc quadrupliciter . Uno modo , in quantum per studium minus utile retrahuntur à studio , quod eis ex necessitate incunabit . Unde Hieronymus dicit , (epist. 146. ad Damas. de Filio Prodigo ante med.) Sacerdotes , missis Evangelii , & Prophetis , videntur comedias legere , & amatoria Bucolicorum versuum verba cantare . Alio modo , in quantum studet aliquis addiscere ab eo , à quo non licet : sicut patet de his qui aliqua futura à dæmonibus perquirunt ; quæ est superstitionis curiositas . Unde August. dicit in libro de vera religione , (cap. 4. in fin. tom. 1.) Nescio , an Philosophi impedirentur à fide vitio curiositatis in percontandis dæmonibus . Tertio , quando homo appetit cognoscere veritatem circa creaturas , non referendo ad debitum finem , scilicet ad cognitionem Dei . Unde Augustinus dicit in libro de vera religione , (cap. 29. à princ. tom. 1.) quod „in consideratione creaturarum non est vana , & peritura curiositas exercenda : sed gradus ad immortalia , & semper manentia faciendus .“ Quarto modo , in quantum aliquis studet ad cognoscendam veritatem supra proprii ingenii facultatem : quia per hoc homines de facili in erroribus labuntur . Unde dicitur Eccli. 3. „Altiora te nequaquam sieris ; & fortiora te ne scrutatus fueris ; & in pluribus operibus ejus ne fueris curiosus . Et postea sequitur : multos enim supplavit suspicio eorum , & in vanitate detinuit sensus eorum .“

Ad primum ergo dicendum , quod bonum hominis consistit in cognitione veri : non tamen summum hominis bonum consistit in cognitione cuiuslibet veri , sed in perfecta cognitione summæ veritatis , ut patet per Philos. in 10. Ethic. (cap. 7. & 8. tom. 5.) Et ideo potest esse vitium in cognitione aliquorum verorum , secundum quod talis appetitus non debito modo ordinatur ad cognitionem summæ veritatis , in quo consistit umma felicitas .

Ad secundum dicendum, quod etsi ratio illa ostendit, quod cognitio veritatis secundum se bona sit; non tamen per hoc excluditur, quin possit aliquis cognitione veritatis abuti ad malum, vel etiam inordinate cognitionem veritatis appetere; quia etiam oportet appetitum boni debito modo regulatum esse.

Ad tertium dicendum, quod studium Philosophiæ secundum se est licitum, & laudabile propter veritatem, quam Philosophi perceperunt, Deo illis revelante, ut dicitur ad Roman. 1. Sed quia quidam Philosophi abutuntur ad fidei impugnationem, ideo Apostolus dicit ad Coloss. 2. *Videte, ne quis vos decipiat per Philosophiam, & inanem fallaciam secundum traditionem hominum, & non secundum Christum.* Et Dionysius dicit in epistola ad Polycarpum, (*est 7. parvum ante med.*) de quibusdam Philosophiis, quod *divinis non sancte contra divina utuntur, per sapientiam Dei tentantes expellere divinam generationem.*

ARTICULUS II.

803

Utrum vitium curiositatis sit circa sensitivam cognitionem.

Ad Secundum sic proceditur. Videtur, quod vitium curiositatis non sit circa sensitivam cognitionem. Sicut enim aliqua cognoscuntur per sensum visus, ita etiam aliqua cognoscuntur per sensus tactus, & gustus: sed circa tangibilia, & gustabilia non ponitur vitium curiositatis, sed magis vitium luxurie, & gulæ: ergo videtur, quod nec circa ea quæ cognoscuntur per visum, sit vitium curiositatis.

2. Præterea. Curiositas videtur esse in inspectione ludorum: unde Augustinus dicit in 6. Confes. (c. 8. in med. tom. 1.) quod quodam pugnæ casu cum clamor ingens totius populi vehementer Alipiū pulsasset, curiositate victus aperuit oculos: sed inspectio ludorum non videtur esse vitiosa; quia hujusmodi inspectio delectabilis redditur propter repræsentationem, in quo homo naturaliter delectatur, ut Philosophus dicit in sua Poetica. (c. 2. tom. 6.) non ergo circa sensibilium cognitionem est vitium curiositatis.

3. Præterea. Ad curiositatem pertinere videtur actus proximorum perquirere, ut dicit Beda: (*sup. illud 1. Ioann. 2. Concupiscentia carnis, &c.*) Sed perquirere facta aliorum non videtur esse vitiosum: quia, sicut dicitur Eccl. 17. *unicuique mandavit Deus de proximo suo*: ergo vitium curiositatis non est in bujus-medi particularibus sensibilibus cognoscendis.

Sed Contra est, quod Augustinus dicit in lib. de vera relig. (*cap. 38. circ. med. tom. 1.*) quod concupiscentia oculorum reddit homines curiosos: ut autem dicit Beda, (*loc. cit.*) *concupiscentia oculorum est non solum in discendis magicis artibus, sed etiam in contemplandis spectaculis, & in dignoscendis, & carpendis vitiis proximorum*: quæ sunt quædam particularia sensibiliæ. Cum ergo concupiscentia oculorum sit quoddam vitium, sicut etiam superbia vitæ, & concupiscentia carnis, contra quæ dividitur 1. Joan. 2. videtur quod vitium curiositatis sit circa sensibilem cognitionem.

Respondeo dicendum, quod cognitio sensitiva ordinatur ad duo. Uno enim modo tam in hominibus, quam in aliis animalibus ordinatur ad corporis sustentationem: quia per hujusmodi cognitionem homines, & alia animalia vitant nocivas, & conquirunt ea quæ sunt necessaria ad corporis sustentationem. Alio modo specialiter in homine ordinatur ad cognitionem intellectivam, vel speculativam, vel practicam.

Apponere ergo studium circa sensibilia cognoscenda, dupliciter potest esse vitiosum. Uno modo in quantum cognitio sensitiva non ordinatur in aliquid utile, sed potius avertit hominem ab aliqua utili consideratione. Unde August. dicit in 10. Confess. (*cap. 35. paulo ante f. u. tom. 1.*) „Canem currentem post leponem jam non specto, cum in circo fit. At vero in agro, si casu transeam, avertit me fortassis ab aliqua magna cogitatione, atque ad se convertit illa venatio: & nisi jam mihi demonstrata infirmitate mea cito admoneas, vanus habesco.“

Alio modo, in quantum cognitio sensitiva ordinatur ad aliquod noxiū: sicut inspectio mulieris ordinatur ad concupiscendum; & diligens inquisitio eorum

rum quæ ab aliis fiunt, ordinatur ad detrahendum.

„Si quis autem cognitioni sensibilium intendit ordinatum propter necessitatem sustentandæ naturæ, vel propter studium intelligendæ veritatis, est virtuosa studiositas circa sensibilem cognitionem.“

Ad primum ergo dicendum, quod luxuria, & gula sunt circa delectationes, quæ sunt in usu rerum tangibilium: sed circa delectationem cognitionis omnium sensuum est curiositas; & vocatur concupiscentia oculorum, quia oculi sunt ad cognoscendum in sensibus principales; unde omnia sensibilia videri dicuntur, ut Augustinus dicit in 10. lib. Confess. ibidem (cap. 35. à princ. tom. 1.) & sicut Augustinus ibidem subdit „ex hoc evidentius discernitur, quid voluptatis, quid curiositatis agatur per sensus, quod voluptas pulchra, suavia, canora, sapida, lenia sectatur: curiositas autem etiam hic contraria tentandi causa, non ad subeundam molestiam, sed experiendi, noscendi, que libidinem.“

Ad secundum dicendum, quod inspectio spectaculorum vitiosa redditur, in quantum per hoc homo sit pronus ad vitia, vel lascivitatem, vel crudelitatem, per ea quæ ibi representantur. Unde Chrysostomus dicit, (hom. 6. in Matth. parum ante fin.) quod adulteros, & luverculos constituant tales inspectiones.

Ad tertium dicendum, quod prospicere facta aliorum, vel inquirere bono animo, vel ad utilitatem propriam, ut scilicet homo ex bonis operibus proximi provocetur ad melius, vel etiam ad utilitatem illius, ut scilicet corrigatur, si quid ab eo agitur vitiose, secundum regulam charitatis, & debitum officii, est laudabile, secundum illud ad Hebr. 10. Considerate vos invicem in provocationem charitatis, & bonorum operrum. Sed quod aliquis intendat ad consideranda vitia proximorum, ad despiciendum, vel detrahendum, vel saltem inutiliter inquietandum, est vitiosum. Unde dicitur Proverb. 24. Ne insidieris, & quereras impietatem in domo justi, neque vastes requiem ejus.

QUÆSTIO CLXVIII.

De Modestia, secundum quod consistit in exterioribus corporis motibus, in quatuor articulos divisa.

Prostea considerandum est de Modestia, secundum quod consistit in exterioribus motibus corporis.

Et circa hoc queruntur quatuor.

Primo. Utrum in exterioribus motibus corporis, qui serio aguntur, possit esse & virtus, & virtutum.

Secundo. Utrum possit esse aliqua virtus circa actiones iudi.

Tertio. De peccato quod fit in excessu iudi.

Quarto. De peccato ex defectu iudi.

ARTICULUS I.

804

Utrum in exterioribus motibus corporis sit aliqua virtus.

4. Ethic. lect. 16. - princ.

And Primum sic proceditur. Videtur, quod in exterioribus motibus corporis non sit aliqua virtus. Omnis enim virtus pertinet ad spiritualem animae decorem, secundum illud Psal. 44. *Omnis gloria ejus filiae regis ab intus :* Glos. (interl. August. tom. 8.) id est, in conscientia : sed motus corporales non sunt ad intus sed exterius : ergo circa hujusmodi motus non potest esse virtus.

2. Præterea. Virtutes non insunt nobis à natura, ut patet per Philosophum in 2. Ethic. (cap. 1. tom. 5.) Sed motus corporales exteriores insunt hominibus à natura, secundum quam quidam sunt velocis motus, & quidam tardi motus : & idem est de aliis differentiis exteriorum motuum : ergo circa tales motus non attenditur aliqua virtus.

3. Præterea. Omnis virtus moralis est circa actiones, quæ sunt ad alterum, sicut justitia, vel circa pæ-

passiones, sicut temperantia, & fortitudo: sed exteriores motus corporales non sunt ad alterum, neque etiam sunt passiones: ergo circa eos non est aliqua virtus.

4. Præterea. In omni opere virtutis est studium adhibendum, ut supra dictum est: (q. 166. art. 1. arg. 1. & art. 2. ad 1.) sed adhibere studium in dispositione motuum exteriorum est vituperabile, dicit enim Ambrosius in 1. de Officiis, (cap. 18. cir. med.) „Est gressus probabilis, in quo sit species auctoritatis, „gravitatisque podus, tranquillitatis vestigium, ita „tamen si studium desit, atque affectatio: sed motus „sit purus, ac simplex: ergo videtur, quod circa compositionem exteriorum motuum non consistat virtus.

Sed Contra est, quod decor honestatis pertinet ad virtutem: sed compositione exteriorum motuum pertinet ad decorum honestatis; dicit enim Ambrosius in 1. de Offic. (cap. 19. in fin.) „Sicut molliculum, & infrac-tum aut vocis souum, aut gestum corporis non prohibeo; ita nec agrestem, aut rusticum: naturam imitans: effigies ejus formula disciplinæ, forma honestatis est: ergo circa compositionem exteriorum motuum est virtus.

Respondeo dicendum, quod virtus moralis consistit in hoc, quod ea quæ sunt hominis, per rationem ordinantur. Manifestum est autem, quod exteriores motus hominis sunt per rationem ordinabiles: ad imperium enim rationis exteriora membra moventur. Unde manifestum est, quod circa horum motuum ordinationem virtus moralis consistit.

Ordinatio autem horum motuum attenditur quantum ad duo: uno quidem modo secundum convenientiam personæ: alio modo secundum convenientiam ad exteriores personas, negotia, seu loca. Unde dicit Ambrosius in lib. 1. de Officiis, (loc. sup. cit.) Hoc est pulchritudinem vivendi tenere, convenientia cuique sexui, & personæ reddere: & hoc pertinet ad primum. Quatum autem ad secundum, subditur: hic ordo gestorum optimus, hic ornatus ad omnem actionem accommodus.

Et ideo circa hujusmodi exteriores motus ponit An-dronicus duo; scilicet ornatum, qui respicit convenientiam

tiam personæ ; unde dicit , quod est scientia circa de-
cens in motu , & habitudine : & bonam ordinationem , quæ
respicit convenientiam ad diversa negotia , & ea quæ
circumstant. Unde dicit , quod est experientia separa-
tionis , id est , distinctionis actionum.

Ad primum ergo dicendum , quod motus exteriores
sunt quædam signa interioris dispositionis , secundum
illud Eccli. 19. Amictus corporis , & risus dentium , &
Ingressus hominis evulantur de illo. Et Ambros. dicit in
1. de Officiis , (cap. 18. ante med.) quod *habitus men-
tis in corporis statu censiuntur* ; & quod *vox quædam animi
est corporis motus*.

Ad secundum dicendum , quod quamvis ex naturali
dispositione habeat homo aptitudinem ad hanc , vel ad
illam dispositionem exteriorum motuum , tamen quod
deest naturæ , potest suppleri ex industria rationis. Un-
de Ambrosius dicit in 1. de Offic. (cap. 18. à med.)
*Motum natura informet : si quid sane in natura vitil est,
industria emendet.*

Ad tertium dicendum , quod , sicut dictum est , (in
resp. ad 1.) exteriores motus sunt quædam signa inter-
ioris dispositionis , quæ præcipue attenditur secundum
animæ passiones. Et ideo moderatio exteriorum mo-
tuum requirit moderationem interiorum passionum. Un-
de Ambrosius dicit in 1. de Offic. (cap. 18. ant. med.)
quod *hunc , scilicet ex motibus exterioribus , homo cor-
dis nostri absconditus , aut levior , aut jactantior , aut
turpidior , aut contra gravior , & constantior , & purior ,
& maturior aestimatur* : per motus etiam exteriores alii
homines de nobis iudicium capiunt , secundum illud Ec-
cli. 19. *Ex visu cognoscetur vir , & ab occurso facie
cognoscitur sensatus.* Et ideo moderatio exteriorum mo-
tuum quodammodo ad alios ordinatur , secundum illud
quod Augustinus dicit in Regula : (scil. epist. 109. pa-
rum à med. tom. 2.) *In omnibus motibus vestris nihil
fiat , quod cuiusquam offendat aspectum , sed quod ves-
trum deceat sanctitatem.* Et ideo moderatio exteriorum
motuum potest reduci ad duas virtutes , quas Phileso-
phus tangit in 4. Ethic. (cap. 6. & 7. tom. 5.) In
quantum enim per exteriores motus ordinamur ad alios ,
pertinet exteriorum motuum moderatio ad amictitum ,
vel

vel affabilitatem , quæ attenditnr circa delectationes , & tristitias , quæ sunt in verbis , & factis in ordine ad alios , quibus homo convivit : in quantum vero extei- riores motus sunt signa interioris dispositionis , perti- net eorum moderatio ad virtutem veritatis , secundum quam aliquis talem se exhibet in verbis , & factis , qua- lis est interius .

Ad quartum dicendum , quod in compositione ex- teriorum motuum studium vituperatur , per quod ali- quis fictione quadam in exterioribus motibus utitur , ita quod interiori dispositioni non convenient. Debet tamen tale studium adhibere , ut si quid in eis inordinatum est , corrigatur. Unde Ambrosius dicit in 1. de Offic. (cap. 18. parum à med.) *Ars desit , non desit correctio.*

ARTICULUS II.

805

Utrum in ludis possit esse aliqua virtus.

4. d. 16. q. 4. a. 1. q. 1. corp. & 3. cont. cap. 25.
& Isa. 3. lect. 5. princip. & 4. Ethicor.
lect. 6. princ.

A

Ad Secundum sic proceditur. Videtur , quod in ludis non possit esse aliqua virtus. Dicit enim Ambros. in 1. de Officiis : (cap. 23.) *Dominus ait : vœ vobis qui ride- tis , quia flebitis. Non solum ergo profusos , sed etiam emnes jocos declinandos arbitror : sed illud quod potest virtuose fieri , non est totaliter declinandum : non er- go circa ludos potest esse virtus.*

2. Præterea. *Virtus est , quam Deus in nobis sine no- bis operatur , ut supra habitum est :* (1. 2. q. 55. a. 4.) sed Chrysostomus dicit , (hom. 6. in Matth. aliquant. ante fin.) *Non dat Deus ludere , sed diabolus. Audi , quid aliquando ludentes passi sunt. Sed it) populus manducare , & bibere , & surrexerunt ludere : ergo circa ludos non potest esse virtus.*

3. Præterea. Philos. dicit in 10. Ethicor. (cap. 6. ante med. tom. 5.) quod operationes ludi non ordinan- tur in aliquid aliud : sed ad virtutem requiritur , ut propter aliud eligens operetur ; sicut patet per Philos.

in

in 2. Ethic. (cap. 4. tom. 5.) ergo circa ludos non potest esse aliqua virtus.

Sed Contra est, quod August. dicit in 2. Musicæ (cap. ult. in fin. tom.) *Volo tandem tibi parcas: nam sapientem decet interdum remittere aolem rebus agendis intentam: sed ista remissio animi à rebus agendis fit per Judicra verba, & facta: ergo his uti interdum ad sapientem, & virtuosum pertinet;* Philos. etiam (lib. 4. Etich. cap. 8. tom. 5.) ponit virtutem Eutrapeliae circa ludos, quam nos possumus discere Jucunditatem.

Respondeo dicendum, quod sicut homo indiget corporali quiete ad corporis refocillationem; quia non potest continue laborare propter hoc, quod habet finitam virtutem, quæ determinatis laboribus proportionatur: ita etiam est ex parte animæ, cuius etiam est virtus finita ad determinatas operationes proportionata. Et ideo quando ultra modum suum in aliquas operationes se extendit, laborat, & ex hoc fatigatur: præsentium quia in operationibus animæ simul etiam laborat corpus, in quantum scilicet anima intellectiva utitur viribus per organa corporea operantibus. Sunt autem bona sensibilia connaturalia homini. Et ideo quando anima supra sensibilia elevatur, operibus rationis intenta, nascitur exinde quedam fatigatio animalis, sive homo intendat operibus rationis practicæ, sine speculativæ; magis tamen si operibus contemplationis intendat; quia per hoc magis à sensibilibus elevatur; quamvis forte in aliquibus operibus exterioribus rationis practicæ major labor corporis consistat. In utrisque tamen tanto aliquis magis altero fatigatur, quanto vehementius operibus rationis inteduit. Sicut autem fatigatio corporalis solvitur per corporis quietem; ita etiam oportet, quod fatigatio animalis solvatur per animæ quietem.

Quies autem animæ est delectatio, ut supra habatum est, (1. 2. q. 25. a. 2. & q. 31. a. 1. ad 2.) cum de passionibus ageretur. Et ideo oportet remedium contra fatigationem animalem adhiberi per aliquam delectionem, intermissa intensione ad insistendum studio rationis: sicut in Collationibus Patrum (collat. 24. c. 21.) legitur, quod D. Joannes Evangelista, cum quidam scandalizarentur, quod eum cum discipulis suis iudicem

tem invenirent, dicitur mandasse uni eorum, qui arcum gerebat, ut sagittam traheret; quod cum plures fecisset, quæsivit utrum hoc continue facere posset: qui respondit, quod si hoc continue ficeret, arcus frangeretur: unde Beatus Joannes subintulit, quod similiter animus hominis frangeretur, si nunquam a sua intensione relaxaretur. Hujusmodi autem dicta, vel facta, in quibus non queritur nisi delectatio animalis, vocantur ludicra, vel jocosa. Et ideo necesse est talibus interdum uti, quasi ad quandam animæ quietem.

Et hoc est quod Philosophus dicit in 4. Ethicor. (cap. 8. tom. 5.) quod in hujus vitæ conversatione quædam regulae cum ludo habetur. Et ideo oportet interdum aliquibus talibus uti. Circa quæ tamen videntur tria esse præcipue cavenda. Quorum primum, & principale est, quod prædicta delectatio non queratur in aliquibus operationibus, vel verbis turpibus, vel nocivis. Unde Tullius dicit in 1. de Offic. (in tit. de scurrilit. & facit.) quod unum genus jocandi est illiberale, petullans, flagitiosum, obscenum. Aliud autem attendendum est, ne totaliter gravitas animæ resolvatur. Unde Ambros. dicit in 1. de Officiis. (cap. 20. circ. princ. Caveanus, ne dum relaxare animi volumus, solvamus omnem harmoniam, quasi concentum quendam bonorum operum. Et Tull. dicit in 1. de Offic. (immediate ante cap. de scurrilit.) quod sicut pueris non omnem ludendi licentiam damus, sed eum, quæ ab honestis actionibus non sit aliena: sic in ipso joco aliquid probi ingenii lumen eluceat. Tertio autem attendendum est, sicut & in omnibus aliis humanis actionibus, ut congruat personæ, tempori, & loco, & secundum alias circumstantias debite ordinetur; ut scilicet sit tempore, & homine dignus, ut Tullius dicit ibidem. (In tit. de scurrilit.) Hujusmodi autem secundum regulam rationis ordinantur: habitus autem secundum rationem operans est virtus moralis.

Et ideo circa ludos potest esse aliqua virtus, quam Philosophus (loc. sup. cit.) Eutrapeliam nominat: & dicitur aliquis eutrapelus à bona conversione; quia scilicet bene convertit aliqua dicta, vel facta in solitum; & in quantum per hanc virtutem homo refrænatur ab immoderantia ludorum, sub modestia continetur.

Ad

Ad primum ergo dicendum, quod, sicut dictum est, (*in cor. art.*) jocosa debent congruere negotiis & personis. Unde & Tullius dicit in 1. Rhet. (*seu de Invent. inter princ. & med.*) quod quando auditores sunt desatigati, non est inutile ab aliqua re nova, aut ridicula oratorem incipere, si tamen rei dignitas non admittit jocunditatem. Doctrina autem sacra maximis rebus intendit, secundum illud Prov. 8. *Audite quoniam de rebus magis locutura sum.* Unde Ambrosius non excludit universaliter jocum à conversatione humana, sed à doctrina sacra. Unde præmittit: licet interdum honesta joca, ac suavia sint: tamen ab Ecclesiastica abhorrent regula, quoniam quæ in Scripturis sanctis non repertimus, ea quemadmodum usurpare possumus?

Ad secundum dicendum, quod verbum illud Chrysostomi est intelligendum de illis, qui inordinate ludis utiuntur, & præcipue eorum, qui finem in delectatione ludi constitnunt: sicut de quibusdam dicitur Sapientiae 15. *Æstimaverunt, esse ludum vitam nostram.* Contra quos dicit Tullius in 1. de Officiis: (*in tit. Fontem esse modestiæ, ut appetitus obediatur rationi*) Non ita generati à natura sumus, ut ad ludum, & jocum facili esse videamur, sed ad severitatem potius, & ad quedam studia graviora, atque majora.

Ad tertium dicendum, quod ipsæ operationes ludi secundum suam speciem non ordinantur ad aliquem finem; sed delectatio, quæ in talibus actibus habetur, ordinatur ad aliquam animæ recreationem, & quietem. E secundum hoc, si fiat moderate, licet uti ludo. Unde Tullius dicit in 1. de Offic. (*loc. cit.*) *Ludo, & joco uti quidem licet, sed sicut somno, & quietibus cæteris, tum cum gravibus, serlisque rebus satisfacrimus.*

ARTICULUS III.

806

Utrum in superfluitate ludi possit esse peccatum.

4. Ethic. lect. 16.

Ad Tertium sic proereditur. Videtur, quod in superfluitate ludi non possit esse peccatum. Illud enim, quod

ex-

excusat à peccato, non dicitur esse peccatum: sed ludus quandoque excusat à peccato; multa enim, si serio fierent, gravia peccata essent, quæ quidem joco facta vel nulla, vel levia sunt: ergo videtur, quod in superabundantia ludi non sit peccatum.

2. Præterea. Omnia alia vicia reducuntur ad septem vicia capitalia, ut Gregorius dicit 31. Moral. (cap. 17. à med.) Sed superabundantia in ludis non videtur reduci ad aliquod capitalium vitiorum: ergo videtur, quod non sit peccatum.

3. Præterea. Maxime histriones in ludo videntur superabundare, qui totam suam vitam ordinant ad ludendum: si ergo superabundantia ludi esset peccatum, tuic omnes histriones esseint in statu peccati: peccarent etiam omnes, qui eorum ministerio uterentur, vel qui eis aliqua largirentur, tanquam peccati fatores: quod videtur esse falsum; legitur enim in vitis Patrum, (I. 2. cap. 16. & lib. 8. cap. 63.) quod Beato Paphnutio revelatum est, quod quidam joculator futurus erat sibi cossors in vita futura.

Sed Contra est, quod super illud Prov. 14. *Risus dolori miscelatur, & extrema gaudii luctus occupat*, dicit Glos. (interl.) *luctus perpetuus*: sed in superfluitate ludi est inordinatus risus, & inordinatum gaudium: ergo est ibi peccatum mortale, cui soli debetur luctus perpetuus.

Respondeo dicendum, quod in omni eo, quod est dirigibile secundum rationem, superfluum dicitur, quod regulam rationis excedit. Diminutum autem dicitur aliiquid, secundum quod deficit à regula rationis. Dictum est autem, (art. præc.) quod ludicra, sive jocosa verba, vel facta sunt dirigibilia secundum rationem. Et ideo superfluum in ludo accipitur, quod excedit regulam rationis. Quod quidem potest esse dupliciter. Uno modo ex ipsa specie actionum, quæ assumuntur in ludum: quod quidem jocandi genus secundum Tullium (lib. 1. de Offic. tit. de scurrilit. & facet.) dicitur esse *illitterale, pertulans, flagitosum, obscenum*, quando scilicet utitur aliquis causa ludi turpibus verbis, vel factis, vel etiam his, quæ vergunt in proximi documentum, quæ de se sunt peccata mortalia. Et sic patet, quod

excessus in ludo est peccatum mortale.

Alio autem modo potest esse excessus in ludo secundum defectum debitarum circumstantiarum; puta cum aliqui utuntur ludo vel temporibus, vel in locis indebitis, aut etiam præter convenientiam negotii, seu personæ. Et hoc quidem quandoque potest esse peccatum mortale propter vehementiam affectus ad ludum, cuius delectationem præponit aliquis dilectioni Dei; ita quod contra præceptum Dei, vel Ecclesiæ, talibus ludis uti non refugiat. Quandoque autem est peccatum veniale; puta si aliquis non tantum afficitur ad ludum, quod propter hoc velit aliquid contra Deum committere.

Ad primum ergo dicendum, quod aliqua sunt peccata propter solam intentionem, quia scilicet in injuriam alicujus fiunt: quam quidem intentionem excludit ludus, cujus intentio ad delectationem fertur, non ad injuriam alicujus: & in talibus ludus excusat à peccato, vel peccatum diminuit. Quædam vero sunt, quæ secundum suam speciem sunt peccata; sicut homicidium; fornicatio, & similia; & talia non excusantur per ludum, quinimmo ex his ludus redditur flagiosus, & obscenus.

Ad secundum dicendum, quod superfluitas in lude pertinet ad ineptam lætitiam, quam Gregorius (*loc. cit. in arg.*) dicit esse filiani gulæ. Unde Exod. 32. dicitur: *sedit populus manducare, & bibere, & surrexerunt ludere.*

Ad tertium dicendum, quod, sicut dictum est, (*a. præc.*) ludus est necessarius ad conversationem humanæ vitæ. Ad omnia autem, quæ sunt utilia conversationi humanæ, deputari possunt aliqua officia licita. Et ideo etiam officium histrionum, quæ ordinatur ad solatium hominibus exhibendum, non est secundum se illicitum. Nec sunt in statu peccati, dummodo moderate ludo utantur, id est, non utendo aliquibus illicitis verbis, vel factis ad ludum, & non adhibendo ludum negotiis, & temporibus indebitis: & quamvis in rebus humanis non utantur alio officio per comparationem ad alios homines: tamen per comparationem ad seipso, & ad Deum, alias habent seriosas, & virtuosas operationes: puta dum orant, & suas passiones, & operationes

componunt, & quandoque etiam pauperibus eleemosynas largiuntur. Unde illi qui moderate eis subveniunt, non peccant, sed juste faciunt, mercedem ministerii eorum eis tribuendo: si qui autem superflue sua in tales consumunt, vel etiam sustentant illos histriones, qui illicitis ludis utuntur, peccant, quasi eos in peccato fowentes. Unde Augustinus dicit super Joan. (tract. 100. ante med. tom. 9.) quod donare res suas histrionibus, *vitium est inumane, non virtus*, nisi forte aliquis histrio esset in extrema necessitate, in qua esset ei subveniendum. Dicit enim Ambrosius in lib. de Officiis (*quid simile hab. l. 1. de offic. cap. 30. ante med. & l. 3. cap. 6. vid. c. Pasce, dist. 86.*) *Pasce fame morientem: quisquis enim pascendo hominem servare poteris, si non paveris, occidisti.*

ARTICULUS IV.

807

Urum in defectu ludi consistat aliquid peccatum.

4. Eth. lect. 16.

Ad Quartum sic proceditur. Videtur, quod in defectu ludi non consistat aliquid peccatum. Nullum enim peccatum indicitur pœnitenti: sed Augustinus dicit (*in lib. de vera, & falsa pœnit. cap. 15. à med. tom. 4.*) de pœnitente loquens: *Cohibeat se à ludis, & à spectaculis seculi, qui perfectam consequi vult remissionis gratiam: ergo in defectu ludi non est aliquid peccatum.*

2. Præterea. Nullum peccatum ponitur in commendatione Sanctorum: sed incommendatione quorundam ponitur, quod à ludo abstinerant, dicitur enim Hierem. 15. *Non sedi in consilio ludentium, & Tob. 3. dicitur: Nunquam cum ludentibus miscui me, neque cum his, qui in levitate ambulant, participem me præbui: ergo in defectu ludi non potest esse peccatum.*

3. Præterea. Antonius ponit austeritatem, quam inter virtutes numerat, esse habitum, secundum quem aliqui nec afferunt aliis delectationes collocutionum, neque ab his recipient: sed hoc pertinet ad defectum ludi:

di : ergo defectus ludi magis pertinet ad virtutem , quam ad vitium.

Sed Contra est , quod Philos. in 2. Ethic. (cap. 7.) & in 4. (cap. 8. tom. 5.) ponit defectum in ludo esse vitiosum.

Respondeo dicendum , quod omne , quod est contra rationem in rebus humanis , vitiosum est. Est autem contra rationem , ut aliquis se aliis onerosum exhibeat: puta dum nihil delectabile exhibet , & etiam aliorum delectationes impedit. Unde Seneca dicit (l. de 4. virutib. c. de Continentia ante med.) *Sic te geras sapienter , quod nullus te habeat tanquam asperum , nec contemnat quasi vilem.* Illi autem , qui in ludo deficiunt , nec ipsi dicunt aliquod ridiculum , & dicentibus molesti sunt ; quia scilicet moderatos aliorum ludos non recipiunt. Et ideo tales vitiosi sunt , & dicuntur duri , & agrestes , ut Philos. dicit in 3. Ethicor. (cap. 8. tom. 5.)

Sed quia ludus est utilis propter quietem , & delectationem , delectatio autem , & quies non propter se queruntur in humana vita , sed propter operationem , ut dicitur in 16. Ethic. (cap. 6. tom. 5.) ideo defectus ludi minus est vitiosus , quam ludi superexcessus. Unde Philos. dicit in 9. Ethic. (cap. 10. ante med. tom. 5.) quod pauci amici propter delectationem sunt habentes ; quia parvum de delectatione sufficit ad vitam quasi pro condimento , sicut parvum de sale sufficit in cibo.

Ad primum ergo dicendum , quod , quia paenitentibus luctus indicitur pro peccatis , ideo interdicitur eis lodus. Nec hoc pertinet ad vitium defectus : quia hoc ipsum est secundum rationem , quod in eis lodus diminuatur.

Ad secundum dicendum , quod Hierem. ibi loquitur secundum congruentiam temporis , cuius status magis luctum requirebat. Unde subdit : *Solus sedebam , quoniam a maritudine replesti me.* Quod autem dicitur Tob. 3. pertinet ad ludem superfluum. Quod patet ex eo quod sequitur : *Neque cum his , qui in levitate ambulant , participem me prælui.*

Ad tertium dicendum , quod austeritas , secundum quod est virtus , non excludit omnes delectationes , sed superfluas , & inordinatas , unde videtur pertinere ad

affabilitatem, quam Philos. (l. 4. Ethic. cap. 6. tom. 5.) amicitiam nominat, vel ad Eutrapeliam, sive jucunditatem. Et tamen nominat, & definit eam sic secundum convenientiam ad temperantiam, cuius est delectationem reprimere.

QUÆSTIO CLXIX.

De Modestia, in duos articulos divisa.

Deinde considerandum est de Modestia, secundum quod consistit in exteriori apparatu.

Et circa hoc queruntur duo.

Primo. Utrum circa exteriorem apparatus possit esse virtus, & vitium.

Secundo. Utrum mulieres peccent mortaliter in superfluo ornatu.

ARTICULUS I.

808

Utrum circa exteriorem ornatum possit esse virtus, & vitium.

Inf. q. 187. a. 6. cor. 2^o qust. 10. a. 14. 2^o opusc. 58. cap. 8. 2^o Matth. 10. 2^o I. Ethic.

And Primum sic proceditur. Videtur, quod circa exteriorem ornatum non possit esse virtus, & vitium. Exterior enim ornatus non inest nobis à natura; nude & secundum diversitatem temporum, & locorum variatur. Unde August. dicit in 3. de doctrina christiana (cap. 12. ad fin. tom. 3.) quod talares, & manicatas tunicae habere apud veteres Romanos flagitium erat; nunc autem honesto loco natis non eas habere flagitium est: sed, sicut Philos. dicit in 2. Ethic. (cap. 1. tom. 5.) naturaliter inest nobis aptitudo ad virtutes: ergo circa hujusmodi non est virtus, & vitium.

2. Præterea. Si circa exteriorem cultum esset virtus, & vitium, oporteret quod superfluitas in talibus

e-

esset vitiosa , & etiam defectus vitiosus : sed superfluitas in cultu exteriori non videtur esse vitiosa ; quia etiam Sacerdotes , & ministri altaris in sacro ministerio pretiosissimis vestibus utuntur. Similiter etiam defectus in talibus non videtur esse vitiosus ; quia in laudem quorundam dicitur ad Hebr. 11. *Circularunt in melotis, & in pellibus caprinis,* non ergo videtur, quod in talibus possit esse virtus , & vitium.

3. Præterea. Omnis virtus aut est theologica , aut moralis , aut intellectualis : sed circa hujusmodi non consistit virtus intellectualis, quæ perficitur in aliqua cognitione veritatis. Similiter etiam nec est ibi virtus theologica , quæ habet Deum pro objecto : nec est etiam ibi aliqua virtutum moralium , quas Philos. tangit : (*lib. 2. Ethic. cap. 7. tom. 5.*) ergo videtur, quod circa hujusmodi cultum non possit esse virtus , & vitium.

Sed Contra. Honestas ad virtutem pertinet : sed in exteriori cultu consideratur quædam honestas ; dicit enim Ambros. in 1. de Offic. (*cap. 19.*) „Deco^r poris non sit affectatus , sed naturalis , simplex , ne^glectus magis , quam appetitus , non pretiosus , & aluentibus adjutus vestimentis , sed communibus , ut honestati , vel necessitatibus nihil desit , nihil accedit , nitori :“ ergo in exteriori cultu potest esse virtus , & vitium.

Respondeo dicendum , quod in ipsis rebus exterioribus , quibus homo utitur , non est aliquid vitium , sed ex parte hominis , qui immoderata utitur eis. Quæ quidem immoderantia potest esse dupliciter. Uno quidem modo per comparationem ad consuetudinem hominum , cum quibus aliquis vivit. Unde dici August. in 3. Confess. (*cap. 8. a. princ. tom. 1.*) „Quæ contra modis res hominum sunt flagitia , pro morum diversitate vitanda sunt ; ut pactum inter se civitatis , aut gentes consuetudine , vel lege firmatum nullius civis , aut peregrini libidine violetur : tu p̄pis est enim omnis pars universo suo non congruens.“

Alio modo potest esse immoderantia in usu talium rerum ex inordinato affectu orientis ; ex quo quandoque contingit , quod homo nimis libidinosa talibus utatur.

sive secundum consuetudinem eorum, cum quibus vivit, sive præter eorum consuetudinem, unde Augustinus dicit in 3. de Doctrina Christiana, (cap. 12. in fin. tom. 3.) „In usu rerum abesse oportet libidinem, quæ non solum ipsa eorum, inter quos vivit consuetudine nequiter abutitur; sed etiam sæpe fines ejus egredi, fœditatem suam, quæ inter claustra morum solemnum latitavat, flagitosissima eruptione manifestat.“

Contingit autem ista inordinatio actus tripliciter, quantum ad superabundantiam. Uno modo per hoc quod aliquis ex superfluo cultu vestium hominum gloriam querit: prout scilicet vestes, & alia hujusmodi pertinent ad quemdam ornatum. Unde Gregor. dicit in quadam Homilia, (sc. 40. in Evang. inter princ. & med.) „Sunt nonnulli, qui cultum subtilium, pretiosarumque vestium non putant esse peccatum; quod videlicet si culpa non esset, nequaquam sermo Dei tam vigilanter exprimeret, quod dives, qui torquebatur apud inferos, byssos, & purpura induitus fuisset.“ Nemo quippe vestimenta pretiosa, scilicet excedentia proprium statum, nisi ad inasem gloriam querit. Alio modo secundum quod homo per superfluum cultum vestium querit delicias, secundum quod vestis ordinatur ad corporis folementum. Tertio, secundum quod nimiam sollicitudinem applicavit ad exteriorem vestium cultum, etiamsi non sit aliqua inordinatio ex parte finis. Et secundum hoc Andronicus ponit tres virtutes circa exteriorem cultum, scilicet humilitatem, quæ excludit intentionem glorie: unde dicit, quod humilitas est habitus non superabundans in sumptibus, & præparationibus: & per se sufficientiam, quæ excludit intentionem deliciarum: unde dicit, quod per se sufficientia est habitus contentus, quibus oportet, & determinativa eorum, quæ ad vivere convenient, secundum illud Apostol. 1. ad Timoth. ult. *Habentes alimenta, & quibus tegimur, his contenti simus:* & simplicitatem, quæ excludit superfluam sollicitudinem talium: unde dicit, quod simplicitas est habitus contentus his, quæ contingunt.

Ex parte autem defectus similiter potest esse duplex inordinatio per affectum. Uno quidem modo ex neglig-

gentia hominū, qui non adhibet studium, vel laborem ad hoc, quod exteriori cultu utatur, secundum quod oportet. Unde Philos. dicit in 7. Eth. (cap. 7. à med. tom. 5.) quod ad mollitiem pertinet quod aliquis trahat vestimentum per terram, ut non laboret elevando ipsum. Alio modo ex eo, quod ipsum defectum exterioris cultus ad gloriam ordinat: unde dicit August. in lib. 2. de sermone Domini in monte: (cap. 12. parum à princ. tom. 4.) non in solo rerum corporearum nütore, atque pompa, sed etiam in ipsis sordibus luctuosis esse posse jactantiam, & eo periculosorem, quod sub nomine servitutis Lei decipit. Et Philos. dicit in 4. Ethic. (c. 7. circ. fin. tom. 5.) quod superabundantia, & inordinatus defectus ad jactantiam pertinent.

Ad primum ergo dicendum, quod quamvis ipse cultus exterior non sit à natura, tamen ad naturalem rationem pertinet, ut exteriorem cultum moderetur. Et secundum hoc nati sumus hanc virtutem suscipere, quæ exteriorem cultum moderatur.

Ad secundum dicendum, quod illi, qui in dignitatibus constituuntur, veletiam ministri altaris, pretiosioribus vestibus, quam cæteri induuntur, non propter sui gloriam, sed ad significandam excellentiam sui ministri, vel cultus divini, & ideo in eis non est vitiosum. Unde August. dicit in 3. de Doctrina Christiana (c. 12. in princ. tom. 3.) „Quisquis sic utitur exterioribus rebus, ut metas consuetudinis bonorum, inter quos versatur, excedat, aut aliquid significat, aut ostegitiosus est; dum scilicet propter delicias, aut ostentationem talibus utitur.“ Similiter etiam ex parte defectus contingit esse peccatum. Non tamen semper qui vilioribus, quam cæteri vestibus utitur, peccat. Si enim hoc facit propter jactantiam, vel superbiam, ut se cæteris præferat, vitium superstitionis est: si autem hoc faciat propter macerationem carnis, vel humilationem spiritus, ad virtutem temperantiae pertinet. Unde August. dicit in lib. de Doctr. Christ. (loc. cit.) Qui quis restrictius rebus prætereruntibus ultiur, quam se habent mores eorum, cum quibus vivit, aut temperatus, aut superstilosus est. Præcipue autem competit vilibus vestimentis uti his, qui alios & verbo, & exemplo ad pœ-

pœnitentiam hortantur; sicut fecerunt Prophetæ, de quibus Apostolus ibi loquitur. Unde quædam Glos. (ord. sup. illud, Ipse autem Joann. Eccl.) dicit Matth. 3. Qui pœnitentiam prædicat, habitum pœnitentia prætendit.

Ad tertium dicendum, quod hujusmodi exterior cultus judicium quoddam est conditionis humanæ. Et ideo excessus, & defectus, & medium in talibus reduci possunt ad virtutem veritatis, quam Philos. (loc. cit. in arg.) ponit circa facta, & dicta, quibus aliquid de statu hominis significatur.

ARTICULUS II.

809

Utrum ornatus mulierum sit sine peccato mortali.

Opusc. 57. c. 8. & Isa. 3. fin. & I. cor. 7. lect. 7.

Ad Secundum sic proceditur. Videtur, quod ornatus mulierum non sit sine peccato mortali. Omne enim, quod est contra præceptum divinæ legis, est peccatum mortale: sed ornatus mulierum est contra præceptum divinæ legis, dicitur enim 1. Pet. 3. *Quorum, scilicet mulierum, non sit extrinsecus capillatura, aut circumdatio auri, aut indumenti vestimentorum cultus;* ubi dicit Gloss. Cypriani (ord. lib. de Habitū Virg. cir. medii) Serico, & purpura induitæ Christum sincere inducere non possunt: auro, & margaritis adornatæ, & monilibus, ornamenta mentis, & corporis perdidérunt: sed hoc non fit nisi per peccatum mortale: ergo ornatus mulierum non potest esse sine peccato mortali.

2. Præterea. Cyprianus dicit in libro de habitu Virginum: (loc. cit.) „Non virgines tantum, aut vi- „duas, sed & nuptias puto, & omnes omnino fœ- „minas admirandas, quod opus Dei, & facturam ejus „& plasma adulterare nullo modo debcant, exhibito „flavo colore, vel nigro pulvere, vel rubore, aut quo- „libet lineamenta nativa corruptente medicamine. Et „postea subdit. : Manus Deo inferunt, quando illud, „quod ille formavit, reformare conterdunt. Impugna- „tio est ista divini operis, prævaricatio est verita- „tis: Deum videre non poteris, quando oculi tibi

„non sunt, quos Deus fecit, sed quos diabolus infestavit, de inimico tuo compta, cum illo pariter arsurat: sed hoc non debetur nisi peccato mortali: ergo ornatus mulieris non est si re peccato mortali.

3. Præterea. Sicut non congruit mulieri, quod ueste virili utatur; ita etiam ei non competit, quod inordinato ornatu utatur: sed primum est peccatum: dicitur enim Deuter. 22. *Non induatur mulier ueste virili, nec vir ueste muliebri*: ergo etiam videtur, quod superfluous ornatus mulierum sit peccatum mortale.

Sed Contra est, quia secundum hoc videtur, quod artifices hujusmodi ornamenta præparantes mortaliter peccarent.

Respondeo dicendum, quod circa ornamenta mulierum sunt eadem attendenda, quæ supra (art. præc.) communiter dicta sunt circa exteriorem cultum: insuper quodam alind speciale, quod scilicet muliebris cultus viros ad lasciviam provocat, secundum illud Proverb. 7. *Ecce mulier occurrit illi ornatu merestrito preparata ad decipiendas animas*.

Potest tamen mulier licite operam dare ad hoc, quod viro suo placeat, ne per ejus contemptum in adulterium labatur. Unde dicitur I. ad Corinth. 7. quod mulier, quæ nupta est, cogitat, quæ sunt mundi, quomodo placeat viro. Et ideo si mulier conjugata ad hoc se ornaret, ut viro suo placeat, potest hoc facere absque peccato.

„*Illæ autem mulieres, quæ viros non habent, nec volunt habere, vel sunt in statu non habendi, non possunt absque peccato appetere placere virorum appetibus ad concupiscendum: quia hoc est dare eis incentivum peccandi. Et si quidem hac intentione se ornant, ut alios provocent ad concupiscentiam, motus taliter peccant; si autem ex quadam levitate, vel etiam ex quadam vanitate propter jactantiam quamdam, non semper est peccatum mortale, sed quandoque veniale. Et eadem ratio quantum ad hoc est de viris. Unde August. dicit in Epist. ad Possidum: (quæ est 73. paulo à princ. tom. 2.) Nolo, ut de ornamentis auri, vel vestis præproperam habeas in prohibendo sententiam, nisi in eos, qui neque*

„que conjugati sunt, neque conjugari cupientes, co-
„gitare debent quomodo placeant Deo : illi autem co-
„gitant, quæ sunt mundi, quomodo placeant vel viri
„uxoribus, vel mulieres maritis : nisi quod capillos
„nudare fœminas, quas etiam caput velare Apostolus
„jubet, nec maritatas decet.

In quo tamen casu possent aliquæ à peccato excusari, quando hoc non fieret ex aliqua vanitate, sed propter contrariam consuetudinem : quamvis talis consuetudo non sit laudabilis.

Ad primum ergo dicendum, quod, sicut Gloss. (ord.) ibidem dicit, mulieres eorum, qui in tribulatione erant, contemnebant viros; ut alii placearent, se pulchre ornabant: quod fieri Apostolus prohibet. In quo etiam casu loquitur Cyprianus: non autem prohibet, mulieres conjugatas ornari, ut placeant viris, ne detur eis occasio peccandi cum aliis. Unde Apost. I. ad Timoth. 2. dicit: *Mulieres in habitu ornato, cum verecundia, & sobrietate ornantes se, non in tortis crinibus, aut auro, aut margaritis, aut veste pretiosa.* Per quod datur intelligi, quod sobrius, & moderatus ordinatus non prohibetur mulieribus, sed superfluous, & inventercentus & impudicus.

Ad secundum dicendum, quod mulierum fucatio, de qua Cyprian. loquitur, est quedam species fictio-
nis, quæ non potest esse sine peccato. Unde August. dicit in Epist. ad Possidium, (quæ est 73. ante med. tom. 2.) „Fucari pigmentis, quo rubicundior, vel candi-
„dior appareat, adulterina fallacia est: qua non dnu-
„bito etiam ipsos maritos se nolle decipi, quibus so-
„lis, scilicet maritis, permittendæ sunt fœminæ or-
„nari secundum veniam, non secundum imperium.“ Non semper talis fucatio est cum peccato mortali, sed solum quando fit propter lasciviam, vel in Dei contemptum: in quibus casibus loquitur Cyprianus. Scien-
dum tamen, quod aliud est fingere pulchritudinem non habitam, & aliud occultare turpitudinem ex aliqua cau-
sa provenientem puta ægritudine, vel aliquo hujusmo-
di, hoc enim est licitum: quia secundum Apostol. I.
ad Corinth. 12. quæ putamus ignobiliora membra corporis esse, his honorem abundantiorem circumdamus.

Ad tertium dicendum, quod, sicut dictum est, (*a. præc.*) cultus exterior debet competere conditioni personæ secundum communem consuetudinem. Et ideo de se vitiosum est, quod mulier utatur veste virili, aut è converso: & præcipue quia hoc potest esse causa lasciviæ: & specialiter prohibetur in lege; (*Deut. 22.*) quia Gentiles tali mutatione habitus utebantur ad idolatriæ superstitionem. Potest tamen quandoque hoc fieri sine peccato propter aliquam necessitatem, vel causa se occultandi ab hostibus, vel propter defecuum alterius vestimenti, vel propter aliquid aliud hujusmodi.

Ad quartum dicendum, quod si qua ars est ad faciendum aliqua opera, quibus homines uti non possunt absque peccato, per consequens artifices talia faciendo peccaret, utpote præbentes directe aliis occasionem peccandi; puta si quis fabricaret idola, vel aliqua ad cultum idolatriæ pertinentia. Si qua vero ars sit, cuius operibus homines possunt bene, & male uti, (sicut gladii, sagittæ, & alia hujusmodi) usus talium artium non est peccatum: & hæ solæ artes sunt dicendæ. Unde Chrys. dicit super Matth. (*hom. 50. à med.*) *Eas solum artes oportet vocare, quæ necessarium: & earum, quæ continent vitam nostram, sunt utiliæ, & constructivæ.* Si tamen operibus alicuius artis ut pluries aliqui male utantur, quamvis de se non sint illicitæ, sunt tamen per officium principis à civitate extirpandæ secundum documenta Platonis. Quia ergo mulieres licite se possunt ornare, vel ut convenient decentiam sui status, vel etiam aliquid superaddere, ut placeant viris, consequens est quod artifex talium ornamentorum non peccant in usu talis artis nisi forte inveniendo aliqua superflua, & curiosis. Unde Chrys. dicit super Matth. (*loc. cit.*) quod etiam ab arte calceorum, & textorum multa absindere oportet, etenim ad luxuriam deduxerunt necessitatem ejus corrumpentes, artem arti male commiscentes.

QUÆSTIO CLXX.

De præceptis temperantiae, in duos articulos divisa.

Prostea considerandum est de præceptis temperantiae.
Et primo. De præceptis ipsius temperantiae.
Secundo. De præceptis partium ejus.

ARTICULUS I.

810

Utrum præcepta temperantiae convenienter in lege divina tradantur.

I. 2. q. 100. a. 11. ad 3.

Ad Primum sic proceditur. Videtur, quod præcepta temperantiae inconvenienter in lege divina tradantur. Fortitudo enim est potior virtus, quam temperantia. ut supra dictum est: (q. 141. a. 8. & 1. 2. q. 66. a. 4.) sed nullum præceptum fortitudinis ponitur inter præcepta Decalogi, quæ sunt potiora legis præcepta: ergo inconvenienter inter præcepta Decalogi ponitur prohibitio adulterii, quod contrariatur temperantiae, ut ex supradictis patet. (q. 154. a. 8.)

2. Præterea. Temperantia non est solum circa venerea, sed etiam circa delectationem ciborum, & potuum: sed inter præcepta Decalogi non prohibetur aliquod vitium pertinens ad delectationem ciborum, & potum, neque etiam pertinens ad aliquam aliam speciem luxuriae: ergo neque etiam debet poni aliquod præceptum prohibens adulterium, quod pertinet ad delectationem venereorum.

3. Præterea. Principalius est in intentione legislatoris inducere ad virtutes, quam vitia prohibere: ad hoc enim vitia prohibentur, ut virtutum impedimenta tollantur: sed præcepta Decalogi sunt principaliora in lege divina: ergo inter præcepta Decalogi magis debuit poni præceptum aliquod affirmativum directe inducens ad virtutem temperantiae, quam præceptum negativum prohibens adulterium, quod ei directe opponitur.

In contrarium est auctoritas Scripturæ. (*Exod. 20.*)

Respondeo dicendum, quod sicut Apost. dicit *I. ad Timoth. 1.* *Finis præcepti charitas est;* ad quam duobus præceptis inducitur pertinentibus ad dilectionem Dei, & proximi. Et ideo illa præcepta in Decalogo ponuntur, quæ directius ordinantur ad dilectionem Dei, & proximi.

Inter vitia autem temperantiae opposita maxime dilectioni proximi videtur opponi adulterium, per quod aliquis usurpat sibi rem alienam, abutendo scilicet uxore proximi. Et ideo inter præcepta Decalogi præcepue prohibetur adulterium, non solum secundum quod operre exercetur, sed etiam secundum quod corde concupiscitur.

Ad primum ergo dicendum, quod inter species vitiorum, quæ opponuntur fortitudini, nulla est quæ ita directe contrarietur dilectioni proximi, sicut adulterium, quod est species luxuriae, quæ temperantiae contrariatur: & tamen vitium audaciae, quod opponitur fortitudini, quandoque solet esse causa homicidii, quod inter præcepta Decalogi prohibetur. Dicitur enim *Eccles. 8.* *Cum audace non eas in via, ne forte gravat mala sua in te.*

Ad secundum dicendum, quod gula non directe opponitur dilectioni proximi, sicut adulterium, neque etiam aliqua alia species luxuriae. Non enim tanta fit injuria parti per stuprum virginis, quæ non est ejus connubio deputata, quanta fit injuria viro per adulterium uxoris, cuius corporis potestatem ipsa habet, non uxor.

Ad tertium dicendum, quod præcepta Decalogi, ut supra dictum est, (*q. 122. a. 1.*) sunt quedam universalia divinæ legis principia. Unde oportet ea esse communia. Non poterant autem aliqua præcepta communia affirmativa de temperantia dari; quia usus ejus variatur secundum diversa tempora, sicut *Angus.* dicit in libro de bono conjugali, (*cap. 15. tom. 6.*) & secundum diversas hominum leges, & consuetudines.

ARTICULUS II.

811

Utrum convenienter tradantur in divina lege præcepta de virtutibus annexis temperantia.

Ad Secundam sic proceditur. Videtur, quod inconveniente tradantur in divina lege præcepta de virtutibus annexis temperantia. Præcepta enim Decalogi, ut dictum est, (*a. præc. ad 3.*) sunt quædam universalia principia totius legis divinæ: sed *superbia est initium omnis peccati*, ut dicitur *Eccles. 10.* ergo inter præcepta Decalogi debuit aliquod poni prohibitivum superbie.

2. Præterea. Illa præcepta maxime debent in Decalogo poni, per quæ homines maxime inclinantur ad legis impletionem; quia ista videntur principalia: sed per humilitatem, per quam homo Deo subjicitur, maxime videtur homo disponi ad observantiam divinæ legis, unde obedientia inter gradus humilitatis computatur, ut supra habitum est; (*q. 161. a. 6.*) Et idem etiam videtur esse dicendum de mansuetudine, per quam fit, ut homo divinæ Scripturæ non contradicat, ut Augustinus dicit in *2. de Doctr. Christ.* (*cap. 7. cir. princ. tom. 3.*) ergo videtur, quod de humilitate, & mansuetudine aliqua præcepta in Decalogo poni debuerint.

3. Præterea. Dictum est, (*art. præc.*) quod adulterium in Decalogo prohibetur, quia contrariatur dilectioni proximi: sed etiam inordinatio exteriorum motuum, quæ contrariatur modestiae, dilectioni proximi opponitur, unde Augustinus dicit in *Regula*, (*sc. epist. 109. cir. med. tom. 2.*) in omnibus motibus vestris nihil fiat, quod eujusquam offendat aspectum: ergo videatur, quod etiam huiusmodi inordinatio debuit prohiberi per aliquod præceptum Decalogi.

In contrarium sufficit auctoritas Scripturæ.

Respondeo dicendum, quod virtutes temperantia annexæ duplice considerari possunt: uno modo secundum se: alio modo secundum suos effectus. Secundum se quidem non habent directam habitudinem ad dilectionem Dei, vel proximi; sed magis respiciunt quandam mo-

derationem eorum, quæ ad ipsum hominem pertinent.

Quatum autem ad effectus suos, possunt respicere dilectionem Dei, vel proximi. Et secundum hoc aliqua præcepta in Decalogo ponuntur pertinentia ad prohibendum effectus vitiorum oppositorum temperantiae partibus: sicut ex ira, quæ opponitur mansuetudini, procedit interdum aliquis ad homicidium, (quod in Decalogo prohibetur) aut ad subtrahendum debitum honorem parentibus; quod etiam potest ex superbia provenire, ex qua etiam multi transgrediuntur præcepta primæ tabulae.

Ad primum ergo dicendum, quod superbia est initium peccati, sed latens in corde; cuius etiam inordinatio non perpenditur communiter ab omnibus. Unde eius prohibitio non debuit poni inter præcepta Decalogi, quæ sunt prima principia per se nota.

Ad secundum dicendum, quod præcepta, quæ per se inducunt ad observantiam legis, presupponunt iam legem, unde non possunt esse prima legis præcepta, ut in Decalogo ponantur.

Ad tertium dicendum, quod inordinatio exteriorum motuum non pertinet ad offensam proximi secundum ipsam speciem actus, sicut homicidium, adulterium, & furtum, quæ in Decalogo prohibentur; sed solum secundum quod sunt signa interioris inordinatio-
nis, ut supra dictum est. (quest. 168. a. 1. ad 1.)

QUÆSTIO CLXXI.

De Prophetia, in sex articulos divisa

Dicitur ostquam dictum est de singulis virtutibus, & vi-
tiss, quæ pertinent ad omnium hominum conditiones,
& status, nunc considerandum est de his, quæ specia-
liter ad aliquos homines pertinent. Invenitur autem
differentia inter homines secundum ea, quæ ad habi-
tus, & actus animæ rationalis pertinent, tripliciter.
Uno quidem modo, secundum diversas gratias gratis da-
tas; quia, ut dicitur 1. ad Corinth. 12. *Divisiones*
gratiarum sunt, & alii datur per spiritum sermo sapientie, alii sermo scientie &c. *Alia vero differentia est*
se-

secundum diversas vitas , activam scilicet , & contemplativam , quæ accipiuntur secundum diversa operationum studia , unde & ibidem dicitur , quod divisiones operationum sunt . Aliud enim est studium operationis in Martha , quæ sollicita erat , & laborabat circa frequens ministerium ; quod pertinet ad vitam activam : Aliud autem est in Maria , quæ sedens secus pedes Domini audiebat verbum illius ; quod pertinet ad contemplativam , ut habetur Lucæ 10. Tertio modo secundum diversitatem officiorum , & statuum , prout dicitur ad Ephes. 4. Et ipse dedit quosdam quidem Apostolos , quosdam autem Prophetas , alios veros Evangelistas , alios autem Pastores , & Doctores ; quod pertinet ad diversa ministeria , de quibus dicitur 1. ad Corinth. 12. Divisiones ministrations sunt . Est autem attendendum circa gratias gratis datas , de quibus occurrit consideratio , Primo , quod quedam earum pertinent ad cognitionem , quedam vero ad locutionem , quedam vero ad operationem . Omnia vero , quæ ad cognitionem pertinent , sub prophetia comprehendi possunt . Nam prophetica revelatio extendit non solum ad futuros hominum eventus , sed etiam ad res divinas , & quantum ad ea , quæ proponuntur omnibus credenda , quæ pertinent ad fidem , & quantum ad altiora mysteria , quæ sunt perfectorum , quæ pertinent ad sapientiam . Est etiam prophetica revelatio de his , quæ pertinent ad spirituales substantias , à quibus vel ad bonum , vel ad malum inducimur ; quod pertinet ad discretionem spirituum . Extendit etiam se ad directionem humanorum actuum ; quod pertinet ad scientiam , ut infra patebit . (q. 177.) Et ideo primo occurrit considerandum de Prophetia , & de Rapiu , qui est quidam Prophetiæ gradus .

De Prophetia autem quadruplex consideratio occurrit . Quarum prima est de essentia ejus .

Secunda . De causa ipsius .

Tertia . De modo prophetice cognitionis .

Quarta . De divisione prophetiæ .

Circa primum queruntur sex .

Primo , Utrum Prophetia pertineat ad cognitionem .

Secundo. Utrum sit habitus.

Tertio Utrum sit solum futurorum contingentium.

Quarto. Utrum Propheta cognoscat omnia prophetalia.

Quinto. Utrum Propheta discernat ea, quæ divinitus percipit, a eis, quæ proprio spiritu videt.

Sexto. Utrum Prophetæ possit subesse falsum.

ARTICULUS I.

812

Utrum Prophetia pertineat ad cognitionem.

*Inf. a. 2. corp. v. 3. q. 7. a. 8. v. vers. q. 12. art. I.
et Isaiae 1. princ. v. 1. Corinth. 14. princ.*

Heb. 11. lect. 7.

Ad Primum sic proceditur. Videtur, quod Prophetia non pertineat ad cognitionem. Dicitur enim Eccli. 48. quod *corpus Eliae mortuum prophetavit*. Et infra cap. 49. dicitur de Joseph, quod *ossa ipsius visitata sunt*, et *post mortem prophetaberunt*: sed in corpore, vel in ossibus post mortem non remanet aliqua cognitione: ergo Prophetia non pertinet ad cognitionem.

2. Præterea. I. ad Corinth. 14. dicitur: *Qui prophætat, hominibus loquitur ad ædificationem*: sed locutio est effectus cognitionis, non est autem ipsa cognitione: ergo videtur, quod Prophetia non pertineat ad cognitionem.

3. Præterea. Omnis cognoscitiva perfectio excludit stultitiam, & insaniam: sed hæc simul possunt esse cum Prophetia; dicitur enim Osee 9. *Selitote Israel stultum Prophetam, insanum*: ergo Prophetia non est cognoscitiva perfectio.

4. Præterea. Sicut revelatio pertinet ad intellectum, ita inspiratio videtur pertinere ad affectum; eo quod importat motionem quandam: sed Prophetia dicitur esse *Inspiratio*, vel *revelatio*, secundum Cassiodorum: (*in Prolog. super Psalm. c.ip. 1.*) ergo videtur, quod Prophetia non magis pertineat ad intellectum, quam ad affectum.

Sed Contra est , quod dicitur 1. Reg. 9. Qui enīm Propheta dicitur hodie , oīm vocabatur *Videns* : sed visio pertinet ad cognitionem : ergo Prophetia ad cognitionem pertinet.

Respondeo dicendum , quod Prophetia primo , & principaliter consistit in cognitione ; quia videlicet Prophetæ cognoscunt ea , quæ sunt procul , & remota ab hominum cognitione , Unde possunt dici Prophetæ à πρὸ προ , quod est procul , & Φάνας phanos , quod est apparitio ; quia scilicet eis aliqua , quæ sunt procul , apparet. Et propter hoc , ut Isidorus dicit in 7. Etymolog. (cap. 8.) in veteri testamento appellabantur *Videntes* , quia videbant ea , quæ cæteri non videbant , & propriebant , quæ in mysterio abscondita erant. Unde & Gentilitas eos appellabat *Vates* à vi mentis.

Sed quia , ut dicitur 1. Corinth. 12. *uicuique datur manifestatio spiritus ad utilitatem* , & infra cap. 14. dicitur , ad ædificationem Ecclesiæ quœrite ut abundetis , id est , quod Prophetia secundario consistit in locutione : prout Prophetæ ea , quæ divinitus edocti cognoscunt , ad ædificationem aliorum annuntiant , secundum illud Isaiae 21. Quæ audivi à Domino exercituum , Deo Israel , annuntiavi vobis. Et secundum hoc , ut Isidorus dicit in libro 7. Etymolog. (cap. 8.) possunt dici Prophetæ quasi Præfatores ; eo quod porro fiantur , id est , à remotis fiantur , & de futuris vera prædicunt.

Ea autem , quæ supra humanam cognitionem divinitus revelantur , non possunt confirmari ratione humana , quam excedunt , sed secundum operationem virtutis divinæ , secundum illud Marci ult. „Prædicave-
„runt ubique , Domino cooperante , & sermonem con-
„firmante sequentibus signis. Unde tertio ad Prophetiam
„pertinet operatio miraculorum , quasi confirmatio que-
„dam propheticæ annuntiationis. Unde dicitur Deuero-
„nom. ult. Non surrexit Propheta ultra in Israel , sicut
„Moyses , quem nosset Dominus facie ad faciem in
„omnibus signis , atque portentis.“

Ad primum ergo dicendum , quod auctoritates illæ loquuntur de Prophetia quantum ad hoc tertium , quod assumitur ut Prophetæ argumentum.

Ad secundum dicendum , quod Apostolus ibi loqui-
tus

tur quantum ad propheticam enuntiationem.

Ad tertium dicendum, quod illi, qui dicuntur Prophetæ insani, & stulti, non sunt veri Prophetæ, sed falsi: de quibus dicitur Jæremiæ 23. „Nolite audire „verba Prophetarum, qui prophetant vobis, & deci- „piunt vos: visionem cordis suis loquuntur, non de ore „Domini. Et Ezech. 13. Hæc dicit Dominus, Væ pro- „phetis insipientibus, qui sequuntur spiritum suum, & „nihil vident.“

Ad quartum dicendum, quod in Prophetis requiri-
tur, quod intentio mentis elevetur ad percipienda di-
vina. Unde dicitur Ezech. 2. *Fili hominis, sta super
pedes tuos, & loquir tecum.* Hæc autem elevatio inten-
tionalis fit, Spiritu sancto movente. Unde ibidem subdi-
tetur: *Et ingressus est in me spiritus, & statuit me su-
per pedes meos.* Post quam autem intentio mentis ele-
vata est ad superna, percipit divina. Unde subditur
ibidem: & audiū loquentem ad me. Sic igitur ad Pro-
phetiam requiritur inspiratio quantum ad mentis ele-
vationem, secundum illud Job. 32. *Inspiratio omnipo-
tentis dat intelligentiam; revelatio autem quantum ad ip-
sam perceptionem divinorum: in quo perficitur Prophe-
tia, & per ipsam removetur obscuritas, & ignoran-
tiae velamen, secundum illud Job. 12. Qui revelat pro-
funda de tenebris.*

ARTICULUS II.

813

Utrum Prophetia sit habitus.

I. 2. q. 68. a. 3. ad. 3. & 3. cont. cap. 154. fin.
& vers. q. 12. a. 1. per tot. & a. 13. ad 3. & po.
q. 6. a. 4. fin. & quo. 12. a. 27. ad 1.

A secundum sic proceditur. Videnter, quod Pro-
phetia sit habitus. Quia, ut dicitur in 2. Ethic. (c. 5.
tom. 5.) tria sunt in anima, potentia, passio, & ha-
bitus: sed Prophetia non est potentia; quia sic inesset
omnibus hominibus, quibus potentiae animæ sunt com-
unes, similiter etiam non est passio; quia passio-
nes pertinent ad vim appetitivam, ut supra habitum est.

(1. 2. q. 22. a. 2.) Prophetia autem pertinet principalius ad cognitionem, ut dicitur est: (art. præced.) ergo Prophetia est habitus.

2. Præterea. Omnis perfectio animæ, quæ non semper est in actu, est habitus: sed Prophetia est quædam animæ perfectio, non autem semper est in actu; alioquin non diceretur *dormiens Propheta*: ergo videtur, quod Prophetia sit habitus.

3. Præterea. Prophetia computatur inter gratias gratis datas: sed gratia est habituale quoddam in anima, ut supra halitum est: (1. 2. q. 110. a. 2.) ergo Prophetia est habitus.

Sed Contra. *Habitus est, quo quis agit, cum voluerit*, ut dicit Commentator. in 3. de Anima: (comment. 8.) sed aliquis non potest uti Prophetia, cum voluerit: sicut patet 4. Reg. 3. de Helisæo, „quem cum Josaphat de faturis requireret, & Prophetiæ spiritus ei deesset, psalmem fecit applicari, ut Prophetiæ ad hunc spiritus per laudem psalmodie descenderet, atque ejus animum de venturis repleret,“ ut Gregorius dicit super Ezech. (hom. 1. inter med. & fin.) ergo Prophetia non est habitus.

Respondeo dicendum, quod, sicut Apostolus dicit ad Ephes. omne, quod manifestatur, lumen est: quia videlicet sicut manifestatio corporalis visionis fit per lumen corporale; ita etiam manifestatio visionis intellectualis fit per intellectuale. Oportet ergo, quod manifestatio proportionetur lumini, per quod fit; sicut effectus proportionatur suæ causæ; cum ergo Prophetia pertineat ad cognitionem, quæ supra naturalem rationem existit, ut dictum est, (art. præced.) consequens est, quod ad Prophetiam requiratur quoddam lumen intellectuale excedens lumen naturalis rationis. Unde Michel. 7. Cum sedero in tenebris, Dominus lux mea est.

Lumen autem dupliciter alicui inesse potest: uno modo per modum formæ permanentis; sicut lumen corporale est in Sole: & in igne, alio modo per modum cuiusdam passionis, sive impressionis transientis; sicut lumen est in aere: Lumen autem propheticum non inest intellectui Prophetæ per modum formæ permanentis; alias oporteret, quod semper Prophetæ adesset facultas pro-

phetandi : quod patet esse falsum : dicit enim Gregorius super Ezechielem , (*hom. 1. inter med. & fin.*) „ Ali „ quando prophetæ spiritus deest Prophetis , nec sem „ per eorum mentibus præsto est , quatenus cum hunc „ non habent , se hunc cognoscant ex dono habere , cum „ habent *Unde Helisaus dixit de muliere Suanamite 4.* „ *Reg. 4.* Anima ejus in amaritudine est , & Dominus „ cellavit à me , & non indicavit mihi.“

Et hujus ratio est , quia lumen intellectuale in aliquo existens per modum formæ permanentis , & perfectæ , perficit intellectum principaliter ad cognoscendum principium illorum , quæ per illud lumen manifestantur : sicut per lumen intellectus agentis præcipue intellectus cognoscit prima principia omnium aliorum , quæ naturaliter cognoscuntur . Principium autem eorum , quæ ad supernaturalem cognitionem pertinent , quæ per Prophetiam manifestator , est ipse Deus , qui per essentiam à Prophetis non videtur : Videtur autem à Beatis in patria , in quibus hujusmodi lumen inest per modum cuiusdam formæ permanentis , & perfectæ , secundum illud Psalm. 35. *In lumine tuo videbimus lumen.*

Relinquitur ergo , quod lumen propheticum inuit animæ Prophetæ per modum cuiusdam passionis , vel impressionis transcurrentis . Et hoc significatur Exodi 33. Cumque transiit gloria mea , ponam te in foramine petræ &c. Et 3. Reg. 19. dicitur ad Heliām : egredere , & sta in monte coram Domino : & ecce Dominus transit , &c. Et inde est , quod sicut aer semper indiget nova illuminatione ; ita etiam mens Prophetæ semper indiget nova revelatione : sicut discipulus , qui nondum est adeptus principia artis , indiget ut de singulis instruatur . Unde & Isa. 50. dicitur : Manc erigit nūhi aurem , ut audiam quasi magistrum . Et hoc etiam ipse modus loquendi Prophetiam designat , secundum quod dicitur , quod locutus est Dominus ad tales , vel tales Prophetam ; aut quod factum est verbum Domini , sive manus Domini super eum . Habitus autem est forma permanentis . Unde manifestum est , quod Prophetia , proprie loquendo , non est habitus .

Ad primum ergo dicendum , quod illa divisio Philosophi non comprehendit absolute omnia , quæ sunt in anima , sed ea , quæ possunt esse principia moralium ac-

tuum : qui quandoque sunt ex passione , quandoque autem ex habitu , quandoque autem ex potentia nuda ; ut patet in his , qui ex judicio rationis aliquid operantur , antequam habeant habitum . Potest autem Prophetia ad passionem reduci , si tamen nomen passionis pro qualibet receptione accipiatur , prout Phil. dicit in 3. de Anima , (tex. 12. tom. 2.) quod intelligere pati quoddam est . Sicut enim in cognitione naturali intellectus possibilis patitur ex lumine intellectus agentis : ita etiam in cognitione prophetica intellectus humanus patitur ex illustratione divini luminis .

Ad secundum dicendum , quod , sicut in rebus corporalibus , abeunte passione , remanet quædam habilitas ad hoc quod iterum patientur ; sicut lignum semel inflatum facilius iterum inflammatur : ita etiam in intellectu Prophetæ , cessante actuali illustratione , remanet quædam habilitas ad hoc quod facilius iterato illustretur : sicut etiam mens semel ad devotionem excitata , facilius postmodum ad devotionem pristinam revocatur . Propter quod Augustinus in libro de orando Deum (sc. Epist. 121. cap. 9. clr. med. tom. 2.) dicit , esse necessarias crebras orationes , ne concepta devotio totaliter extinguitur .

Potest tamen dici , quod aliquis dicitur Prophetæ , etiam cessante actuali prophetica illustratione , ex deputatione divina , secundum illud Jeremij 1. Et Prophetam in gentibus dedi te .

Ad tertium dicendum , quod omne donum gratiæ hominem elevat ad aliquid , quod est supra naturam humanam . Quod quidem potest esse dupliciter . Uno modo quantum ad substantiam actus , sicut miracula facere , & cognoscere occulta , & incerta divinæ sapientiæ : & ad hos actus non datur homini donum gratiæ habituale . Alio modo est aliquid supra naturam humanam quantum ad modum actus , non autem quantum ad substantiam ipsius ; sicut diligere Deum , & cognoscere eum in speculo creaturarum : & ad hoc datur donum gratiæ habituale .

ARTICULUS III.

814

Utrum Prophetia sit solum futurorum contingentium.

*Inf. q. 172. a. 1. corp. fin. ¶ ad 4. ¶ vers. q. 12. a. 2.
¶ Is. 1. princ. ¶ Rom. 12. lect. 2.*

Ad Tertium sic proceditur. Videtur, quod Prophetia sit solum futurorum contingentium. Dicit enim Cassiod. (*in Prol. super Ps. cap. 1.*) quod *Prophetia est inspiratio, vel revelatio divina, rerum eventus immobili veritate denuntians: sed eventus pertinet ad contingentia futura: ergo de solis contingentibus futuris fit revelatio prophetica.*

2. Præterea. Gratia Prophetiae dividitur contra sapientiam, & fidem, quæ sunt de divinis, & discretionem spirituum, quæ est de spiritibus creatis, & scientiam, quæ est de rebus humanis, ut patet *I. ad Cor. 12.* Habitus autem, & actus distinguuntur secundum objecta, ut patet per ea quæ supra dicta sunt (*I. 2. q. 54. a. 2.*) ergo videtur, quod de nullo pertinente ad aliquod horum sit Prophetia. Relinquitur ergo, quod sit solum de futuris contingentibus.

3. Præterea. Diversitas objecti causat diversitatem speciei, ut ex supradictis patet: (*I. 2. q. 54. a. 2.*) si ergo Prophetia quædam sit de futuris contingentibus, quædam autem de quibusdam aliis rebus, videtur sequi quod non sit eadem species Prophetiae.

Sed Contra est, quod Gregor. dicit super Ezech. (*hom. I. cir. princ.*) quod „Prophetia quædam est de futuro; sicut id quod dicitur, (*Isaiæ 7.*) Ecce virgo concipiet, & pariet filium: quædam de præterito; sicut id, quod dicitur, (*Gen. 1.*) In principio creavit Deus cœlum, & terram: quædam de præsenti, sicut id, quod dicitur, (*I. ad Cor. 14.*) Si omnes prophetent, intret autem quis infidelis, occulta cordis ejus manifesta fiunt.“ non ergo est Prophetia solum de contingentibus futuris.

Respondeo dicendum, quod manifestatio, quæ fit per aliquod lumen, ad omnia illa se extenderet potest, quæ

quæ illi lumini subjiciuntur: sicut visio corporalis se extendit ad omnes colores; & cognitio naturalis animæ se extendit ad omnia illa, quæ subduntur lumini intellectus agentis. Cognitio autem prophetica est per lumen divinum, quo possunt omnia cognosci tam divina, quam humana, tam spiritualia, quam corporalia. Et ideo revelatio prophetica ad omnia hujusmodi se extendit: sicut de his, quæ pertinent ad Dèi excellētiam, & Angelorum spirituum ministeria revelatio prophetica facta est Isaiae cap. 6. ubi dicitur: *Vidi Dominum sedentem super solium excelsum & elevatum.* Quia etiam Prophetia continet ea, quæ pertinent ad corpora naturalia, secundum illud Is. 40. *Quis mensus est pugillo aquas &c.* Continet etiam ea, quæ ad mores hominum pertinent, secundum illud Is. 58. *Frangere esurienti panem tuum &c.* Continet etiam ea, quæ pertinent ad futuros eventus, secundum illud Isaiae 47. *Venient tibi duo in die una subito, sterilitas, & videritas.*

Considerandum tamen est, quod quia Prophetia est de his, quæ procul à nostra cognitione sunt, tanto aliqua magis proprie ad Prophetiam pertinent, quanto longius ab humana cognitione existunt. Horum autem est *triplex gradus.* Quorum *unus* est eorum, quæ sunt procul à cognitione hujus hominis, sive secundum sensum, sive secundum intellectum, non autem à cognitione omnium hominum: sicut sensu cognoscit aliquis homo, quæ suuī sibi præsentia secundum locum; quæ tamen alius humano sensu, utpote sibi absentia, non cognoscit. Et sic Helisæns prophetice cognovit, quæ Giezi discipulus eius in absentia fecerat, ut habetur 4. Reg. 5. Et similiter cogitationes cordis unius Alteri prophetice manifestantur, ut dicitur 1. ad Cor. 14. Et per hunc modum etiam ea, quæ unus scit demonstrative, alii possunt prophetice revelari. *Secundus* autem gradus est eorum, quæ excedunt universaliter cognitionem omnium hominum, non quia secundum se non sint cognoscibilia, sed propter defectum cognitionis humanae: sicut mysterium Trinitatis, quod revelatum est per Seraphim dicentia, *Sanctus, Sanctus, Sanctus,* &c. ut habetur Isaiae 6. *Ultimus* autem gradus est eorum, quæ sunt procul ab omnium hominum cognitione; quia

in seipsis non sunt cognoscibilia: ut contingentia futura, quorum veritas non est determinata. Et quia quod est universaliter, & secundum se, potius est eo, quod est particulariter, & per aliud, ideo ad Prophetiam propriissime pertinet revelatio eventuum futurorum, unde & nomen Prophetiae sumi videtur. Unde Gregor. dicit super Ezech. (hom. i. in princ.) *Et cum ideo Prophetia dicta sit, quod futura prædicat, quando de præterito, vel præsenti loquitur, rationem sui nominis amittit.*

Ad primum ergo dicendum, quod Prophetia ibi definitur secundum id, quod proprie significatur nomine Prophetiae. Et per hunc etiam modum Prophetia dividitur contra alias gratias gratis datas.

Unde patet responsio ad Secundum. Quamvis possit dici, quod omnia quæ sub Prophetia cadunt, convenient in hac ratione, quod non sunt ab homine cognoscibilia, nisi per revelationem divinam: Ea vero, quæ pertinent ad sapientiam, & scientiam, & interpretationem sermonum, possunt naturali ratione ab homine cognosci; sed altiori modo manifestantur per illustrationem divini luminis. Fides autem etsi sit de invisibilibus hominî, tamen ad ipsam non pertinet eorum cognitione, quæ creduntur, sed quod homo per certitudinem assentiat his, quæ sunt ab aliis cognita.

Ad tertium dicendum, quod formale in cognitione prophetica est lumen divinum, à cuius unitate Prophetia habet unitatem speciei; licet sint diversa, quæ per divinum lumen prophetice manifestantur.

ARTICULUS IV.

815

Utrum Prophetæ per divinam revelationem cognoscat omnia, quæ possunt prophetice cognosci.

Ver. q. 12. a. 1. ad 5. & Rom. 15. lect. 3. in princ.

And Quartum sic proceditur. Videtur, quod Prophetæ per divinam revelationem cognoscat omnia, quæ possunt prophetice cognosci. Dicitur enim Amos 3. *Non faciet Dominus Deus verbum, nisi revelaverit secretum suum ad servos suos Prophetas:* Sed omnia, quæ profetice re-

veluntur, sunt verba divinitus facta, nihil ergo eorum est, quod non reveletur Prophetæ.

2. Præterea. *Dei perfecta sunt opera*, ut dicitur Deuter. 32. Sed Prophetia est divina revelatio, ut dictum est. (*a. præc.*) ergo est perfecta: Quod non esset, nisi perfecte omnia prophetabilia prophetice revelarentur; quia perfectum est, cui nihil deest, ut dicitur in 3. *Physic.* (*tex. 64. t. 2.*) ergo Prophetæ omnia prophetabilia revelantur.

3. Præterea. Lumen divinum, quod causat Prophe-tiam, est potentius, quam lumen naturalis rationis, ex quo causatur humana scientia: Sed homo qui habet aliquam scientiam, cognoscit omnia, quæ ad illam scientiam pertinet; sicut Grammaticus cognoscit omnia grammaticalia. Ergo videtur, quod Propheta cognoscit omnia prophetabilia.

Sed contra est, quod Gregorius dicit super Ezech. (*hom. I. Inter princ. & med.*) quod „aliquando spiritus prophetae ex præsenti tangit animum prophetantis, & „ex futuro nequaquam tangit: Aliquando autem ex præ- „senti non tangit, & ex futuro tangit.“ Non ergo Propheta cognoscit omnia prophetabilia.

Respondeo dicendum, quod diversa non est necesse esse simul, nisi propter aliquod unum, in quo connectuntur, & à quo dependent: sicut supra dictum est, (*I. 2. q. 65. a. I. & 3.*) quod virtutes omnes necesse est esse simul propter prudentiam, vel charitatem. Omnia autem, quæ per aliquod principium cognoscuntur, connectuntur in illo principio & ab illo dependent. Et ideo qui cognoscit perfecte principium secundum totam ejus virtutem, simul cognoscit omnia, quæ per illud principium cognoscuntur: Ignorato autem communī principio, vel communiter apprehenso, nulla necessitas est simul omnia cognosendi; sed unumquodque eorum per se oportet manifestari; & per consequens aliqua eorum possunt cognosci, & alia non cognosci.

Principium autem eorum, quæ divino lumine prophete-tice manifestantur, est ipsa veritas prima, quam Prophetæ in seipsa non vident. Et ideo non oportet, quod omnia prophetabilia cognoscant; sed quilibet eorum cog-noscit ex eis aliqua secundum specialem revelationem hu-jus, vel illius rei.

Ad primum ergo dicendum, quod Dominus omnia, quæ sunt necessaria ad instructionem fidelis populi, revelat Prophetis; non tamen omnia omnibus, sed quædam uni, quædam aliis.

Ad secundum dicendum, quod Prophetia est sicut quiddam imperfectum in genere divinæ revelationis. Unde dicitur 1. ad Chorinth. 13. quod prophetæ evanescunt; & quod ex parte prophetamus, id est imperfecte. Perfectio autem divinæ revelationis erit in patria. Unde subditur: Cum venerit quod perfectum est, evanesceret quod ex parte est. Unde non oportet, quod prophetæ revelationi nihil desit, sed quod nihil desit eorum, ad quæ Prophetia ordinatur.

Ad tertium dicendum, quod ille, qui habet aliquam scientiam, cognoscit principia illius scientiæ ex quibus omnia, quæ sunt illius scientiæ, dependent. Et ideo qui perfecte habet habitum alicujus scientiæ, scit omnia, quæ ad illam scientiam pertinent. Sed per Prophetiam non cognoscitur in seipso principium prophetatum cognitionum, quod est Deus. Unde non est similis ratio.

ARTICULUS V.

816

Utrum Propheta discernat semper, quid dicat per spiritum proprium, & quid per spiritum prophetæ.

3. cont. c. 154. & ver. q. 12. a. 2. ad 15. & 16.

Al. D Quintum sic proceditur. Videtur, quod Prophetæ discernat semper, quid dicat per spiritum proprium, & quid per spiritum prophetæ. Dicit enim Augustinus in 9. Conf. (cap. 13. à med. tom. 1.) quod „mater sua dicebat discernere se nescio quo sapore, quem „verbis explicare non poterat, quid interesset inter „Deum revelantem, & inter animam suam somniantem:“ sed Prophetia est revelatio divina, ut dictum est. (a. 3. huj. q.) Ergo propheta semper discerneret id, quod dicit per spiritum prophetæ, ab eo quo loquitur spiritu proprio.

2. Præterea. Deus non præcipit aliquid impossibile, sicut Hieronymus dicit (in exposit. Symboli ad Damascum)

sum versus fin.) Præcipitur autem Prophetis Hierem. 23. Propheta, qui habet somnium, narret somnium; & qui habet sermonem meum, loquatur sermonem meum vere: ergo Prophetæ potest discernere, quid habeat per spiritum prophetiæ ab eo, quod aliter videt.

3. Præterea. Major est certitudo, quæ est per diuinum lumen, quam quæ est per lumen rationis naturalis, sed per lumen rationis naturalis ille qui habet scientiam, pro certo scit se habere: ergo ille qui habet prophetiam per lumen diuinum, multo magis certus est se habere.

Sed Contra est, quod Gregor. dicit super Ezech. (hom. 2. Inter med. & fin.) „Sciendum est, quod aliquando Prophetæ sancti, dum consuluntur, ex magno usu prophetandi quædam ex suo spiritu proferunt & „se hoc ex prophetiæ spiritu dicere suspicantur.“

Respondeo dicendum, quod mens Prophetæ dupliciter à Deo instruitur. Uno modo per expressam revelationem: alio modo per quendam instinctum occultissimum, quem nescientes humanæ mentes patluntur, ut August. dicit 2. super Gen. ad litteram à (cap. 17. vers. fin. tom. 3.) „De his ergo, quæ expresse per spiritum prophetiæ Prophetæ cognoscit, maximam certitudinem habet, & pro certo habet, quod hæc sunt divinitus sibi revelata.“ Unde dicitur Hierem. 26. In veritate misit me Dominus ad vos, ut loquerer in aures vestras omnia verba hæc: alioquin si de hoc ipse certitudinem non haberet, fides, quæ dictis Prophetarum innititur, certa non esset. Et signum propheticae certitudinis accipere possumus ex hoc, quod Abraham admonitus in prophetica visione, se præparavit ad filium unigenitum immolandum: quod nullatenus fecisset nisi de divina revelatione fuisset certissimus.

„Sed ad ea, quæ cognoscit per instinctum, aliquando sic se habet, ut non plene discernere possit utrum hæc cogitaverit aliquo divino instinctu, vel per spiritum proprium.“ Non autem omnia, quæ cognoscimus divino instinctu, sub certitudine prophetica nobis manifestatur: talis enim instinctus est quidam imperfectum in genere prophetiæ. Et hoc modo intelligendum est verbum Greg. Ne tamen error ex hoc possit

accidere, per spiritum sanctum citius correcti ab eo, quæ vera sunt, audiunt; & semetipsos: quia falsa dixerint, reprehendunt, ut ibidem Gregor. subdit. Primi autem rationes procedunt quantum ad ea, quæ propheticō spiritu revelantur.

Unde patet responsio ad Objecta.

ARTICULUS VI.

817

Utrum ea, quæ prophetice cognoscuntur, vel annuntiantur, possint esse falsa.

*Inf. q. 172. a. 1. cor. & a. 5. ad 3. & a. 6. ad 2.
& ver. q. 12. a. 3. cor. & a. 10. ad 7. & a. 1.*

Ad Sextum sic proceditur. Videtur, quod ea, quæ prophetice cognoscuntur, vel annuntiantur, possint esse falsa. Prophetia enim est de futuris contingentibus, ut dictum est: (a. 3. hu. q.) Sed futura contingentia possunt non evenire; alioquin ex necessitate contingent. Ergo Prophetiæ potest subesse falso.

2. Præterea. Isaias prophetice prænuntiavit Ezechiel dicens: *Dispone domui tuæ, quia morieris tu, & non vives.* Et tamen additi sunt vitæ ejus postea quindecim anni, ut habetur 4. Reg. 20. & Isaiae 38. Similiter & Jerem. 18. Dominus dicit: „Repente loquar adversum gen., tem., & adversum regnum, ut eradicem, & destruam, & disperdam illud: si pœnitentiam egerit gens illa à malo suo, quod locutus sum adversus eam, agam & „ego pœnitentiam super malo, quod cogitavi, ut facerem ei.“ Et hoc apparet per exemplum Ninivitæ, secundum illud Jonæ 3. *Misertus est Dominus super malitiam, quam dixit, ut faceret eis, & non fecit: ergo Prophetiæ potest subesse falso.*

3. Præterea. Omnis conditionalis, cuius antecedens est necessarium absolute, consequens est necessarium absolute; quia ita se habet consequens in conditionali ad antecedens, sicut conclusio ad præmissas in syllogismo: Ex necessariis autem nunquam contingit syllogizare nisi necessarium, ut probatur in 1. Posterior (text. 17. tom. 1.) Sed si Prophetiæ non potest subesse falso,

oper.

Oportet hanc conditionalem esse veram : si aliquid est propheticum, erit : hujus autem conditionalis antecedens est necessarium absolute, cum sit de præterito ? ergo & consequens erit necessarium absolute : quod est inconveniens : quia sic Prophetia non esset contingentium. Falsum est ergo, quod Prophetiae non possit subesse falsum.

Sed Contra est, quod Cassiod. dicit, (*in prol. in Ps. cap. 1. in princ.*) quod *Prophetia est inspiratio, vel revelatio divina, rerum eventus immobili veritate denuntians*; non autem esset immobilis veritas Prophetiae, si posset ei falsum subesse : ergo non potest ei subesse falsum.

Respondeo dicendum, quod sicut ex dictis patet (*q. 1. 3. q. 5. huj. q.*) Prophetia est quædam cognitio intellectui Prophetæ impressa ex revelatione divina per modum cujusdam doctrinæ. Veritas autem cognitionis est eadem in discipulo, & in docente ; quia cognitio addiscentis est similitudo cognitionis docentis; sicut etiam in rebus naturalibus forma generati est similitudo quædam formæ generantis. Et per hunc etiam modum Hieron. dicit, (*implic. super illud Dan. 2. Respondentes ergo Chaldaei*) quod *Prophetia est quoddam signum divinæ præscientiæ*. Oportet igitur eamdem esse veritatem propheticæ cognitionis, & enuntiationis, quæ est cognitionis divinæ, cui impossibile est subesse falsum, ut in 1. dictum est. *q. 14. a. 13. q. 15. q. 16. art. 8.*) Unde *Prophetiae non potest subesse falsum*.

Ad primum ergo dicendum, quod, sicut in 1. dictum est, (*q. 22. a. 4.*) certitudo divinæ præscientiæ non excludit contingentiam singularium futurorum, quia fertur in ea secundum quod sunt præsentia, & jam determinata ad unum. Et ideo etiam Prophetia, quæ est divinæ præscientiæ similitudo impressa, vel signum, sua immobili veritate futurorum contingentiam non excludit.

Ad secundum dicendum, quod divina præscientia respicit futura secundum *dúo* ; scilicet secundum quod sunt *in seipsis*, in quantum scilicet in ipsa præsentia litter intuetur ; & secundum quod sunt *in suis causis*, in quantum scilicet videt ordine causarum ad effectus. Et quamvis contingentia futura, prout sunt in seipsis, sint determinata, tamen prout sunt in suis causis, non

sunt determinata, quin possint aliter evenire: & quamvis ista *duplex* cognitio semper intellectui divino conjugatur; non tamen conjungitur semper in revelatio-ne prophetica: quia impressio agentis non semper adaequat ejus virtutem. Unde quandoque revelatio prophetica est impressa quedam similitudo divinæ præscientiæ, prout respicit ipsa futura contingentia in seipsis: & talia sic eveniunt, sicut prophetantur, sicut illud Isai.

*7. Ecce virgo concipiet. Quandoque vero prophetica revelatio est impressa similitudo divinæ præscientiæ; prout scilicet cognoscit ordinem causarum ad effectus: & tunc quandoque aliter evenit, quam prophetetur: nec tamen Prophetiæ subest falsum, nam sensus Prophetiæ est, quod inferiorum causarum dispositio sive humana-vorum actuum, hoc habet, ut talis effectus eveniat. Et secundum hoc intelligitur verbum Isai. 7. dicentis Matri eius, *& non vives*; id est dispositio corporis tui ad mortem ordinatur: & quod dicitur Jonæ 3. *Adhaec quadraginta dies & Nîlve subvertetur*; id est hoc me-rita ejus exigunt, ut subvertatur. Dicitur autem Deus pœnitere metaphorice, in quantum ad modum pœnitentiis se habet, prout sc. mutat sententiam, et si non mu-tet consilium.*

Ad tertium dicendum, quod quia eadem est ve-ritas prophetiæ, & divinæ præscientiæ, ut dictum est, (*in corp. art.*) hoc modo illa conditionalis est vera, si aliquid est prophetatum, erit, sicut ista, si aliiquid est præscitum, erit. In utraque enim antecedens est impossibile non esse. Unde & consequens est necessa-rium, non secundum quod est futurum respectu nos-tri, sed ut consideratur in suo præsenti: prout sub-ditur præscientiæ divinæ, ut in primo dictum est, (*q. 14. a. 13. ad 2.*)

QUÆSTIO CLXXII.

De causa Prophetiæ, in sex articulos divisæ.

Deinde considerandum est de causa Prophetiæ.

Circa hoc queruntur sex.

Primo. Utrum Prophetia sit naturalis.

Secundo. Utrum sit à Deo mediautibus Angelis.

Tertio. Utrum ad Prophetiam requiratur dispositio naturalis.

Quarto. Utrum requiratur bonitas morum.

Quinto. Utrum sit aliqua Prophetia à dæmonibus.

Sexto. Utrum Prophetæ dæmonum aliquando dicant verum.

ARTICULUS I.

818

Utrum Prophetia possit esse naturalis.

Inf. a. 3. cor. 2° ver. q. 12. a. 3. 2° 4. c.

Ad Primum sic proceditur. Videtur, quod Prophetia possit esse naturalis. Dicit enim Greg. in 4. Dialogorum; (c. 16. in princ.) quod ipsa aliquando animalium vis sua subtilitate aliquid prævidet. Et Augustinus dicit in 12. super Gen. ad litter. (c. 13. tom. 3.) quod animæ humanæ, secundum quod à sensibus corporis abstrahitur, competit futura prævidere: hoc autem pertinet ad Prophetiam: ergo anima naturaliter potest assequi Prophetiam.

2. Præterea. Cognitio animæ humanæ magis vîget in vigilando, quam in dormiendo: sed in dormiendo quidam naturaliter prævident quædam futura, ut patet per Philos. in lib. de somn. & vig. (scilicet 1. de divinat. per somn. qui illi acceditur: cap. 2. tom. 2.) ergo multo magis potest homo naturaliter futura præcognoscere.

3. Præterea. Homo secundum suam naturam est perfectior animalibus brutis: sed quendam animalia bruta habent præcognitionem futurorum ad se pertinentium: sicut formicæ præcognoscunt pluvias futuras; quod patet ex hoc quod ante pluviam incipiunt grana in foramen reponere: & similiter pisces præcognoscunt tempestates futuras; ut perpendit ex eorum motu, dum loca tempestuosa declinuant. Ergo multo magis homines naturaliter

ter præcognoscere, possunt futura ad se pertinentia, de quibus est Prophetia. Est ergo Prophetia à natura.

4. Præterea. Proverb. 29. dicitur: *Cum prophetia defecerit, dissipabitur populus*: Et sic patet, quod Prophetia est necessaria ad h̄ominum conservationem: Sed natura non deficit in necessariis. Ergo videtur, quod Prophetia sit à natura.

Sed contra est, quod dicitur 2. Petr. 1. *Non enim voluntate humana allata est aliquando Prophetia, sed Spiritu sancto inspirante locuti sunt sancti Dei homines*. Ergo Prophetia non est à natura, sed ex dono spiritus sancti.

Respondeo dicendum, quod, sicut supra dictum est, (q. præc. art. 6. ad 2.) prophetica præcognitione potest esse de futuris duplíciter: *Uno modo*, secundum quod sunt in seipsis: *Alio modo*, secundum quod sunt in suis causis. Præcognoscere autem futura, secundum quod sunt in seipsis, est proprium divini intellectus, cuius certitatem sunt omnia præsentia, ut in primo dictum est. (q. 14. art. 13.) Et ideo talis præcognitione futurorum non potest esse à natura, sed solum ex revelatione divina.

Futura vero in suis causis possunt præcognosci naturali cognitione etiam ab homine: sicut medicus præcognoscit sanitatem, vel mortem futuram in aliquibus causis, quarum ordinem ad tales effectus experimento præcognovit.

Et talis cognitione futurorum potest intelligi esse in homine duplíciter à natura. *Uno modo* sic, quod statim anima ex eo quod in seipsa habet, possit præcognoscere futura. Et sic, sicut August. dicit 12. super Gen. al litter. (cap. 13. in princ. tom. 3.) quidam voluerunt, animam humanam habere quamdam vim divinitatis in seipsa. Et hoc videtur esse secundum opinionem Platonis, qui posuit, (in Dialogo 6. de Repub. versus fin.) quod animæ habent omnium rerum cognitionem per participationem idearum: sed ista cognitione obnubilatur in eis per conjunctionem corporis; in quibusdam tamen plus, in quibusdam vero minus, secundum corporis puritatem diversam. Et secundum hoc posset dici, quod homines habentes animas non multum obtenebratas ex corporum unione, possunt talia futura præcognoscere.

secundum propriam scientiam. Contra hoc autem objicit Aug. (*loc. cit.*) cur non semper possit viu

m

 divinationis habere anima, cum semper velit?

Sed quia verius esse videtur, quod anima ex sensibilibus cognitionem acquirat secundum sententiam Aristotelis, ut in primo dictum est (*q. 84. a. 3. 6. v. 7.*) ideo melius est dicendum alio modo, quod præcognitionem talium futurorum homines non habent, sed acquirere possunt per viam experimentalem, in qua juvantur per naturalem dispositionem, secundum quod in homine invenitur perfectio virtutis imaginativæ, & claritas intelligentiæ.

Et tamen hæc præcognitio futurorum disert à prima, quæ habetur ex revelatione, dupliciter. Primo quidem, quia prima potest esse quorumcunque eventuum, & infallibiliter. Hæc autem præcognitio, quæ naturaliter haberi potest, est circa quosdam effectus, ad quos se potest extendere experientia humana. Secundo, quia prima Prophetia est secundum immobilem veritatem; non autem secunda, sed potest ei subesse falsum. Prima autem præcognitio proprie pertinet ad Prophetiam, non secunda; quia, sicut supra dictum est, (*q. pr. a. 1.*) prophetica cognitio est eorum, quæ naturaliter excedunt humanam cognitionem. Et ideo dicendum est, quod Prophetia simpliciter dicta non potest esse à natura; sed solum ex revelatione divina.

Ad primum ergo dicendum, quod anima, quando abstrahitur à corporalibus, aptior redditur ad præcipiendum influxum spiritualium substantiarum, & etiam ad percipiendum subtiles motus, qui ex impressionibus naturalium causarum in imaginatione humana relinquuntur, à quibus percipiendis anima impeditur, cum fuerit circa sensibilia occupata. Et ideo Gregor. dicit, (*loc. cit. in arg.*) quod anima, quando appropinquat ad mortem, præcognoscit quædam futuri subtilitate sua naturæ, prout scilicet percipit etiam modicas impressiones; aut etiam cognoscit futura revelatione Angelica, non autem propria virtute: quia, ut Augustinus dicit *12. super Gen. ad litter.* (*c. 13. a. princ. tom. 3.*) si hoc esset, tunc haberet, quandocunque vellet, in sua potestate futura præcognoscere, quod patet esse falsum.

Ad secundum dicendum, quod cogitatio futurorum,

quæ sit in somniis, est aut ex revelatione spiritualium substantiarum, aut ex causa corporali, ut dictum est, (q. 95. a. 6.) cum de divinationibus ageretur. Utrumque autem melius potest fieri in dormientibus, quam in vigilantibus: quia anima vigilantis est occupata circa exteriora sensibilia: unde minus potest percipere subtiles impressiones vel spiritualium substantiarum, vel etiam causarum naturalium: Quantum tamen ad perfectionem iudicii, plus viget ratio in vigilando, quam in dormiendo.

Ad tertium dicendum, quod bruta etiam animalia non habent præcognitionem futurorum eventuum, nisi secundum quod ex suis causis præcognoscuntur; ex quibus eorum phantasie moventur magis, quam hominum; quia phantasie hominum maxime in vigilando disponuntur magis secundum rationem, quam secundum impressionem naturalium causarum. Ratio autem facit in homine multo abundantius id, quod in brutis facit impressio causarum naturalium: Et adhuc magis adjuvat hominem divina gratia Prophetias inspirans.

Ad quartum dicendum, quod lumen propheticum se extendit etiam ad directiones humanorum actuum. Et secundum hoc Prophetia necessaria est ad populi gubernationem; & præcipue in ordine ad cultum divinum, ad quem natura non sufficit, sed requiritur gratia.

ARTICULUS II.

819

Utrum Prophetica revelatio fiat per Angelos.

1. q. IIII. a. I. 2^o 3. cont. c. 154. 2^o ver. q. 12. art. 8.
2^o Matth. 2. lect. 3. fin. 2^o lect. 4. 2^o 1. Cor. 14.

Al. Secundum sic proceditur. Videtur, quod prophetica revelatio non fiat per Angelos. Dicitur enim Sap. 7. quod sapientia Dei in animas sanctas se transfert: 2^o amicos Dei, 2^o Prophetas constituit: Sed amicos Dei constituit immediate, non mediantibus Angelis.

2. Præterea. Prophetia ponitur inter gratias gratis dataes: Sed gratiae gratis datae sunt à Spiritu sancto, secundum illud, (1. Cor. 12.) *Divisiones gratarum sunt ideæ*

Idem autem spiritus. Non ergo prophetica revelatio fit, Angelo mediante.

3. Præterea, Cassiod. (*in prol. super Psal. c. I.*) dicit, quod *Prophetia est divina revelatio*: Si autem fieret per Angelos, diceretur angelica revelatio. Non ergo Prophetica revelatio fit Angelo mediante.

Sed Contra est, quod Dion. dicit *4. c. cœl. Hier.* (*parum à med.*) *Divinas visiones gloriosi patres nostri adepti sunt per medias cœlestes virtutes*: Loquitur autem ibi de visionibus propheticis: ergo revelatio prophetica fit Angelis mediantibus.

Respondeo dicendum; quod, sicut Apost. dicit ad Rom. 13. *Quæ à Dei sunt, ordinata sunt.* Habet autem hoc divinitatis ordo, sicut Dionys. dicit, (*loc. cit. & cap. 4. Ecclesiast. hierarch. inter princ. & med.*) ut infima per media disponat. Angeli autem medii sunt inter Deum, & homines, utpote plus participantes de perfectione divinæ bonitatis, quam homines. Et ideo illuminationes, & revelationes divinæ à Deo ad homines per Angelos deferuntur. Prophetica autem cognitio fit per illuminationem, & revelationem divinam. Unde manifestum est, quod fiat per Angelos.

Ad primum ergo dicendum, quod charitas, secundum quam fit homo amicus Dei, est perfectio voluntatis, in quam solus Deus imprimere potest: sed Prophetia est perfectio intellectus, in quem etiam Angelus potest imprimere, ut in *I. dictum est.* (*q. III. a. I.*) Et ideo non est similis ratio de utroque.

Ad secundum dicendum, quod gratiæ gratis datae attribuuntur Spiritui sancto, sicut primo principio; quia tamen operatur hujusmodi gratias in hominibus mediante ministerio Angelorum.

Ad tertium dicendum, quod operatio instrumenti attribuitur principali agenti, in ejus virtute instrumentum agit. Et quia minister est sicut instrumentum, idcirco prophetica revelatio, quæ fit ministerio Angelorum, dicitur esse divina.

ARTICULUS III.

820

Utrum ad Prophetiam requiratur dispositio naturalis,

Ver. q. 12. a. 4.

Ad Tertium sic proceditur. Videtur, quod ad Prophetiam requiratur dispositio naturalis. Prophetia enim recipitur in Propheta secundum dispositionem recipientis, quia super illud Amos. 1. *Dominus de Sion regiet, dicit in Glos. Hieron. (ord. in princ. commun.)*, *Natura rale est, ut omnes, qui volunt rem rei comparare, ei eis rebus sumant comparationes, quas sunt experti, & in quibus sunt nutriti: verbi gratia, nautae suos inimicos ventis, damnosi naufragio comparant. Sic & Amos, qui fuit pastor pecorum, timorem Defitorum leonis assimilat: " sed quod recipitur in aliquo secundum modum recipientis, requirit naturalem dispositionem: ergo Prophetia requirit naturalem dispositionem.*

2. Præterea. Speculatio Prophetæ est altior, quam scientiæ acquisitæ: sed indispositio naturalis impedit speculationem scientiæ acquisitæ: multi enim ex indispositione naturali pertingere non possunt ad scientias speculativas capiendas, multo ergo magis requiritur ad contemplationem propheticam.

3. Præterea. Indispositio naturalis magis impedit aliquem, quam impedimentum accidentale: sed per aliquid accidentale superveniens impeditur speculatio Prophetæ, dicit enim Hieronymus super Matth. (hab. hoc express. Greg. hom. 6. in Num. aliquant. à med. quid imile habet & Hieron. in epist. 11. ad Ageruch. à med.) quod tempore illo, quo conjugales actus geruntur, praesentia Spiritus sancti non dabitur, etiam si Propheta esse videatur, qui officio generationis obsequitur: ergo multo magis indispositio naturalis impedit Prophetiam: & sic videtur, quod bona dispositio naturalis requiratur ad Prophetiam.

Sed Contra est, quod Gregorius dicit in Homiliis Pentecost. (quæ est 30. in Evang. inter med. & fin. in-

Implet, scilicet *Spiritus Sanctus*, „citharœdum puerum, & *Psalmistam* facit: *implet* *pastorem armentarium sycomoros* *vellicantem*, & *Prophetam* facit.“ Non ergo requiritur aliqua dispositio præcedens ad *Prophetiam*, sed dependet ex sola voluntate *Spiritus sancti*; de quo dicitur 1. ad Corinth. 12. *Hæc omnia operatur unus atque idem Spiritus, dividens singulis prout vult.*

Respondeo dicendum, quod, sicut dictum est, (a. 1. huj. q.) *Prophetia* vere, & simpliciter dicta est ex inspiratione divina: quæ autem est ex causa naturali, non dicitur *Prophetia*, nisi secundum quid. Est autem considerandum, quod sicut Deus, qui est causa universalis in agendo, non præexigit materiam, nec aliquam materiae dispositionem in corporalibus effectibus: sed simul potest & materiam, & dispositionem, & formam inducere: ita etiam „in effectibus spiritualibus non „præexigit aliquam dispositionem: sed potest simul cum „effectu spirituali inducere dispositionem convenientem, „qualis requiritur secundum ordinem naturæ.“

Et ultius „posset etiam simul per creationem „producere ipsum subjectum: ut scilicet & animam in „ipsa sui creatione disponeret ad *Prophetiam*, & daret ei gratiam prophetalem.“

Ad primum ergo dicendum, quod indifferens est ad *Prophetiam*, quibuscumque similitudinibus res prophética exprimatur. Et ideo homo ex operatione divina non immutatur circa *Prophetiam*: removetur autem divina virtute, si quid *Prophetiae* repugnat.

Ad secundum dicendum, quod speculatio scientiae fit ex causa naturali: Natura autem non potest operari, nisi dispositione præcedente in materia: quod non est dicendum de Deo, qui est *Prophetiae* causa.

Ad tertium dicendum, quod aliqua naturalis indispositio, si non removeretur, impedire posset prophetalem revelationem: puta si aliquis esset totaliter sensu naturali destitutus: sicut etiam impeditur aliquis ab actu prophetandi per aliquam vehementem passionem iræ, vel concupiscentiæ, qualis est in coitu, vel per quamcunque aliam passionem: sed talem indispositionem naturalem removet virtus divina, quæ est *Prophetiae* causa.

ARTICULUS IV.

811

Utrum bonitas morum requiratur ad Prophetiam.

Vers. q. 12. a. 5. & op. 3. cap. 222. & I. Cor. 13.

And Quartum sic proceditur. Videtur, quod bonitas morum requiratur ad Prophetiam. Dicitur enim Sap. 7. quod „sapientia Dei per rationes in animas sanctas se transfert, & amicos Dei, & prophetas constituit“ sed sanctitas non potest esse sine bonitate morum, & gratia gratum faciente: ergo prophetia non potest esse sine bonitate morum, & gratia gratum faciente.

2. Præterea. Secreta non revelantur nisi amicis, secundum illud Jo. 15. „Vos autem dixi amicos, quia „omnis quaecumque audivit a Patre meo, nota feci vobis:“ sed Prophetis Deus sua secreta revelat, ut dicitur Amos 3. ergo videtur, quod Prophetæ sint Dei amici: quod non potest esse sine charitate: ergo videtur, quod Prophetia non possit esse sine charitate, quia non est sine gratia gratum faciente.

3. Præterea. Matth. 7. dicitur: „attendite à falsis Prophetis, qui veniunt ad vos vestimentis avium, „intrinsecus autem sunt lupi rapaces:“ sed quicunque sunt sine gratia interius, videntur esse lupi rapaces: ergo omnes sunt falsi Prophetæ, nullus est ergo bonus Propheta, nisi bonus per gratiam.

4. Præterea. Philosophus dicit in libro de somno, & vigilia (scilicet lib. de Divinit. per somnum, cui illi acceditur, à princip. tom. 2.) quod „si divinatio somniorum est à Deo, inconveniens est eam immitti quibuslibet, & non optimis viris:“ sed constat donum Prophetiz esse à Deo: ergo donum Prophetiz non datur nisi optimis viris.

Sed Contra est, quod Matth. 7. his, qui dixerant: *Domine, nomen in nomine tuo prophetabimus?* responderetur: *Nisi quae novi vos: Novit autem Dominus eos, qui sunt ejus,* ut dicitur 2. ad Timoth. 2. ergo Prophetia potest esse in his, qui non sunt Dei per gratiam.

Respondeo dicendum, quod bonitas morum potest at-

attendi secundum duo: uno quidem modo secundum interiorem ejus radicem, quæ est gratia gratum faciens: alio autem modo quantum ad interiores animæ passiones, & exteriores actiones. Gratia autem gratum faciens ad hoc principaliter datur, ut anima hominis Deo per charitatem conjugatur. Unde Augustinus dicit in 15. de Trinitate (cap. 18. circ. princ. tom. 3.) „Nisi im-
„pertinet cuique Spiritus sanctus, ut eum Dei, & pro-
„ximi faciat amatorem, ille à sinistra non transfe-
„tur ad dexteram.“ Unde quicquid potest esse sine
charitate, potest esse sine gratia gratum faciente, &
per consequens sine bonitate morum. Prophetia autem
potest esse sine charitate. Quod apparet ex duobus. Pri-
mo quidem ex actu utriusque. Nam Prophetia pertinet
ad intellectum, cuius actus præcedit actum voluntatis,
quam perficit charitas; unde & Apostolus 1. ad Corin-
th. 13. Prophetiam connumerat aliis ad intellectum
pertinentibus, quæ possunt sine charitate haberet. Secun-
do ex fine utriusque: datur enim Prophetia ad utilita-
tem Ecclesiæ, sicut & aliz gratiæ gratis datae, secun-
dum illud Apostoli 1. ad Corinth. 12. *Unicuique datur*
manifestatio spiritus ad utilitatem. Non autem ordi-
natur directe ad hoc, quod affectus ipsius Prophetæ con-
jugatur Deo, ad quod ordinatur charitas. Et ideo Pro-
phetia potest esse sine bonitate morum quantum ad propriam
radicem hujus bonitatis.

„Si vero consideremus bonitatem morum secundum
passiones animæ, & actiones exteriores, secundum
hoc impeditur aliquis à Prophetia per morum mali-
tiam.“ Nam ad Prophetiam requiritur maxima ni-
entis elevatio ad spiritualium contemplationem; quæ qui-
dem impeditur per vehementiam passionum, & per inor-
dinatam occupationem rerum exteriorum. Unde & de
filii Prophetarum legitur 4. Reg. 4. quod simul habi-
tabant cum Helisæo, quasi solitariam vitam ducentes,
ne mundanis occupationibus impedirentur à dono Pro-
phetizæ.

Ad primum ergo dicendum, quod donum Proph-
etizæ aliquando datur homini & propter utilitatem alio-
rum, & propter propriæ mentis illustrationem. Et hi-
sunt, in quorum animas sapientia divisa per gratiam

gratum facientem se transferens , amicos Dei , & Prophatas eos constituit: quidam vero consequuntur donum prophetiae solum ad utilitatem aliorum , qui sunt quasi instrumenta divinæ operationis. Unde Hieronymus dicit super Matth. (cap. 7. in illud: Nonne in nomine tuo prophetavimus ?) „Prophetare , & virtutes facere , „, & dæmonia ejicere , interdum non est ejus meritis „, qui operatur , sed vel invocatione nominis Christi „, hoc agit , vel ob condenationem eorum , qui invocant „, & utilitatem eorum , qui vident , & audiunt , conceperuntur .“

Ad secundum dicendum , quod Gregor. (homil. 27. in Evang. ante med.) exponens illud , dicit: „Dum autem dita superba cœlestia amamus , amata jam novimus , quia amor ipse notitia est. Omnia ergo eis nota facta erat ; quia à terrenis desideriis immutati amoris summis facibus ardebant.“ Et hoc modo non revelantur semper secreta divina Prophetis.

Ad tertium dicendum , quod non omnes mali sunt Inipi rapaces , sed solum illi , qui intendunt aliis nocere. Dicitur enim Chrysost. super Matth. (hom. 19. in op. imperf. ante med.) quod „Catholici Doctores , esti fuerint peccatores , servi quidem carnis dicuntur , non tamen Inipi rapaces : quia non habent propositum perfidie Christianos.“ Et quia prophetia ordinatur ad utilitatem aliorum , manifestum est , tales esse falsos Prophetas ; quia ad hoc non mittuntur à Deo.

Ad quartum dicendum , quod dona divina non semper dantur optimis simpliciter , sed quandoque illis , qui sunt optimi quantum ad talis doni perceptio- nem. Et sic Deus donum Prophetiae illis dat , qui bus optimum judicat dare.

ARTICULUS V.

821

Utrum aliqua Prophetia sit à dæmonibus.

3. contr. cap. 154.

And Quintum sic proceditur. Videtur , quod nulla Prophetia sit à dæmonio , Prophetia enim est divina re-

76

velatio, ut Cassiodorus dicit: (*in prol. super Psal. cap. 1.*) sed illud, quod fit à dæmonie, non est divinum: ergo nulla prophetia potest esse à dæmone.

2. Præterea. Ad propheticam cognitionem requiriatur aliqua illuminatio, ut supra dictum est: (*q. præc. art. 2.* sed dæmones non illuminant intellectum humanum, ut supra dictum est in primo: (*q. 109. a. 3.*) ergo nulla Prophetia potest esse à dæmonibus.

3. Præterea. Non est efficax signum, quod etiam ad contraria se habet: se Prophetia est signum confirmationis fidei: unde super illud Rom. 12. *Sive Prophetiam secundum rationem fidei*, dicit Gloss. (*ordln. Ambros. p. in hunc loc.*) „Nota, quod in numeratione gratiarum „à Prophetia iacipit, quæ est prima probatio, quod „fides nostra sit rationabilis, quia credentes accepto „spiritu prophetabant:“ non ergo Prophetia à dæmonibus dari potest.

Sed Contra est, quod dicitur 3. Reg. 18. „Congrega ad me universum Israel in monte Carmeli, & „Prophetas Baal quadringentos quinquaginta, Prophetasque lucorum quadringentos, qui comedunt de mensa Jezabel:“ sed tales erat dænonum cultores: ergo videtur, quod etiam à dæmonibus sit aliqua Prophetia.

Respondeo dicendum, quod, sicut supra dictum est, (*q. præc. a. 1.*) Prophetia importat cognitionem quandam procul existente à cogitatione humana. Manifestum est autem, quod intellectus superioris ordinis aliqua cognoscere potest, quæ sunt remota à cognitione intellectus inferioris. Supra intellectum autem humanum est non solum intellectus divinus, sed etiam intellectus Angelorum bonorum, & malorum secundum naturæ ordinem: & ideo quædam cognoscunt dæmones etiam sua naturali cognitione, quæ sunt remota ab hominum cognitione, quæ possunt hominibus revelare. Simpliciter autem, & maxime remota sunt, quæ solum Deus cognoscit.

Et ideo „Prophetia proprie, & simpliciter dicta fit „per solam divinam revelationem: sed ipsa revelatio „facta per dæmones potest secundum quid dici Prophetia.“ Unde illi, quibus aliquid per dæmones revela-

tur, non dicuntur in Scripturis Prophetæ simpliciter, sed cum aliqua additione; puta Prophetæ falsi, vel Prophetæ idolorum. Unde Augustinus 12. super Genes. ad lit. (cap. 19. cl. fin. tom. 3.) *Cum malus spiritus arripit hominem in hæc, scilicet visa, aut dæmoniacos facit, aut arreptitos, aut falsos Prophetas.*

Ad primum ergo dicendum, quod Cassiodorus ibi definit Prophetiam proprie, & simpliciter dictam.

Ad secundum dicendum, quod dæmones ea, quæ sciunt, hominibus manifestant, non quidem per illuminationem intellectus, sed per aliquam imaginariam visionem, aut etiam sensibiliter colloquendo. Et in hoc deficit hæc Prophetia à vera.

Ad tertium dicendum, quod aliquibus signis etiam exterioribus discerui potest Prophetia dæmonum à Prophetia divina. Unde dicit Chrysost. super Matth. (homil. 19. in op. imperf. parum ante fin.) „quod quidam prophetant in spiritu diaboli, quales sunt divinationes; sed sic discernuntur, quoniam diabolus interdum verum dicit; Spiritus sanctus nunquam interdum mentitur. Unde dicitur Deuter. 18. Si tacita cognitione responderis: quomodo possum intelligere verbum, quod Dominus non est locutus? hoc habebis signum: quod in nomine Domini Propheta ille prædixerit, & non evenerit, hoc Dominus non est locutus.“

ARTICULUS VI.

823

Utrum Prophetæ dæmonum aliquando prædicant verum.

Ius. q. 174 a. 5. ad 4. v. 3. cont. cap. 134.

And Sextum sic proceditur. Videtur, quod Prophetæ dæmonum nunquam vera prædicant. Dicit enim Ambros. (super illud 1. Cor. 12. Nemo potest dicere verum) quod omne verum, it quocumque dicitur, à Spiritu sancto est: sed Prophetæ dæmonum non loquuntur à Spiritu sancto: quia non est conventio Christi ad Belial, ut dicatur 2. Coriuth. 6. ergo videtur, quod tales nunquam vera prænuntiant.

2. Præterea, Sicut veri Prophetæ inspirantur à spi-

ritu veritatis, ita Prophetæ dæmonum inspirantur à spiritu mendacii, secundum illud 3. Reg. ult. *Egreditur, & ero spiritus mendax in ore omnium Prophetarum ejus: sed Prophetæ inspirati à Spiritu sancto nunquam loquuntur falsum*, ut supra habitum est: (*q. præc. a. 6.*) ergo Prophetæ dæmonum nunquam loquuntur verum.

3. Præterea. Joann. 8. dicitur de diabolo, quod *cum loquitur mendacium, ex propriis loquitur; quia diabolus est mendax, & pater ejus, id est, mendacii: sed inspirando Prophetas suos, diabolus non loquitur nisi ex propriis: non enim constituitur minister Dei ad veritatem enuntiandam, quia non est societas luci ad tenebras*, ut dicitur 2. Cor. 6. ergo Prophetæ dæmonum nunquam vera prædicunt.

Sed Contra est, quod Numer. 22. dicit quædam Gloss. (*colligitur ex ord. Rabani sup. illud: misit ergo nuntios*) quod Balaam divinus erat, dæmonum scilicet ministerio, *& arte magica nonumquam futura præcognoscebat: sed ipse multa prænuntiavit vera, sicut est id, quod habetur Numer. 24. Crichtur stella ex Jacob, & consurget virga de Israel: ergo etiam Prophetæ dæmonum prænuntiant vera.*

Respondeo dicendum, quod sicut se habet bonum in rebus, ita verum in cognitione. Impossibile est autem, inveniri aliquid in rebus, quod totaliter bono privetur. Unde etiam impossibile est, esse aliquam cognitionem, quæ totaliter sit falsa, absque admisitione alicuius veritatis. Unde & Beda dicit (*Comment. in Luc. cap. 17. ante med. sup. illud: decem viri leprosi. Et Aug. lib. I. QQ. Evangelie. q. 40. à princ. tom. 4.*) quod „nulla falsa ex doctrina, quæ non aliquando aliqua vera falsis internisceat. Unde & ipsa doctrina dæmonum, qua suos Prophetas instruunt, aliqua vera continet, per quæ receptibilis redditur.

Sic enim intellectus ad falsum deducitur per apparentiam veritatis, sicut voluntas ad malum per apparentiam bonitatis. Unde & Chrysost. dicit super Matth. (*hom. 19. in op. imperf. parum ante fin.*) *Concessum est diabolo interdum vera dicere, ut mendacium suum rara veritate commendeat.*

Ad primum ergo dicendum, quod Prophetæ dæmonum

nun non semper loquuntur ex dæmonum revelatione, sed interdum ex inspiratione divina; sicut manieste legitur de Balaam, cui dicitur Dominus esse locutus Numer. 22. licet esset Propheta dæmonum: quia Deus utitur etiam malis ad utilitatem bonorum. Unde & per Prophetas dæmonum aliqua vera pœnuntiat: tum ut credibiles fiat veritas, quæ etiam ex adversariis testimoniis habet: tum etiam qui cum homines talia credunt, per eorum dicta magis ad veritatem inducuntur. Unde etiam Sybillæ multa vera prædixerunt de Christo. Sed etiam quando Prophetæ dæmonum à dæmonibus instruuntur, aliqua vera prædicunt: quandoque quidem virtute propriæ naturæ, cuius auctor est Spiritus sanctus: quandoque etiam revelatione bonorum spirituum, ut patet per Aug. 12. super Gen. ad litteram. (*videtur colligi posse ex cap. 19. circ. fin. tom. 3.*) Et sic etiam illud verum, quod dæmones entuntiant, à Spiritu sancto est.

Ad Secundum dicendum, quod verus Propheta semper inspiratur à spiritu veritatis, in quo nihil est falsitatis, & ideo nunquam dicit falsum: Propheta autem falsitatis non semper instruitur à spiritu falsitatis, sed quandoque etiam inspiratur ab spiritu veritatis. Ipse etiam spiritus falsitatis quandoque enuntiat vera, quandoque falsa, ut dictum est. (*in corp. a. 27 ad 1.*)

Ad tertium dicendum, quod propria dæmonum dicuntur esse illa, quæ habent à seipsis, sc. mendacia, & peccata: quæ autem pertinent ad propriam naturam, non habent à seipsis, sed à Deo. Per virtutem autem propriæ naturæ quandoque vera prænuntiant, ut dictum est. (*in corp. art. 27 ad 1.*) Utitur etiam eis Deus ad veritatis manifestationem per ipsos fiendam, dum divina mysteria eis per Angelos revelantur, ut dictum est. (*ibid.*)

Q U A E S T I O C L X X I I I .

De modo propheticæ cognitionis, in quatuor articulos divisa.

Deinde considerandum est de modo propheticæ cognitionis,

Et circa hoc quæruntur quatuor.

Primo. Utrum Prophetæ videant ipsam Dei essentiam.

Secundo. Utrum revelatio prophetica fiat per influentiam aliquarum specierum, vel per solam influentiam luminis.

Tertio. Utrum propheticæ revelatio semper sit cum alienatione à sensibus.

Quarto. Utrum Prophetia semper sit cum cognitione eorum, quæ prophetantur.

ARTICULUS I.

824

Utrum Prophetæ videant ipsam Dei essentiam.

Supp. q. 171. art. 2. corp. 2^o art. corp. 2^o ad 8. 2^o vers. q. 12. art. 6. 2^o Ps. 50.

Ad Primum sic proceditur. Videtur, quod Prophetæ ipsam Dei essentiam videant. Quia super illud Is. 38. *Dispone domul tuæ &c.* dicit Glos. (ordin.) Prophetæ in ipso libro præscientiæ Dei, in quo omnia scripta sunt, legere possunt: sed præscientia Dei est ipsa ejus essentia: ergo Prophetæ vident ipsam Dei essentiam.

2. Præterea. August. dicit in 9. de Trint. (cap. 17. in princ. tom. 3.) quod in illa æterna veritate, ex qua temporalia facta sunt omnia, formam, secundum quam sumus, et secundum quam operamur, visu mentis aspiciamus: Sed Prophetæ inter omnes homines altissimam habent divinorum cognitionem: ergo ipsi maxime divinam essentiam vident.

3. Præterea. Futura contingentia præcognoscuntur à Prophetis secundum immobilem veritatem: sic autem non sunt nisi in ipso Deo: ergo Prophetæ ipsum Deum vident.

Sed Contra est, quod visio divinæ essentiæ non evanescatur in patria: Prophetia autem evanescatur, ut habetur 2. ad Corinths. 13. ergo Prophetia non fit per visionem divinæ essentiæ.

Res-

Respondeo dicendum, quod Prophetia importat cognitionem divinam ut procul existentem. Unde & de Prophetis dicitur Hebr. 11. quod erant à longe aspicientes. Illi autem, qui sunt in patria, in statu beatitudinis existentes, non vident ut à remotis, sed magis quasi et propinquum, secundum illud Ps. 139. *Habitabunt recti cum vultu tuo.* Unde manifestum est, quod cognitio propheticæ alia est à cognitione perfecta, quæ erit in patria, unde & distinguitur ab ea, sicut imperfectum à perfecto, & ea adveniente evacuatur, ut patet per Apostolum 1. ad Cor. 13.

Fuerunt autem quidam, qui cognitionem propheticam à cognitione Beatorum distinguere volentes, dixerunt quod Prophetæ vident ipsam divinam essentiam, quam vocant *speculum Trinitatis*, non tamen secundum quod est objectum Beatorum, sed secundum quod sunt in ea rationes futurorum eventuum. Quod quidem est omnino impossibile. Deus enim est objectum beatitudinis secundum ipsam sui essentiam, secundum illud quod Augustinus dicit in 5. Confess. (cap. 4, circa plur. tom. 1.) *Beatus est, qui te scit, etiam si illa, id est, creature, nesciat.* Non est autem possibile, quod quis videat rationes creaturarum in ipsa divina essentia, ita quod eam non vident: Tum quia ipsa divina essentia est ratio omnium eorum, quæ sunt: ratio autem idealis non addit supra divinam essentiam, nisi respectum ad creaturam: tum etiam quia prius est cognoscere aliquid in se, quod est cognoscere Deum, ut est objectum beatitudinis, quam cognoscere illud per comparationem ad alterum, quod est cognoscere Deum secundum rationes rerum in ipso existentes. Et ideo non potest esse, quod Prophetæ videant Deum secundum rationes creaturarum, & non prout est objectum beatitudinis. Et ideo,, dicendum est, quod visio propheticæ,, non est visio ipsius divinæ essentiae, neque in ipsa,, divina essentia vident ea, quæ vident, sed in quibus,, dam similitudinibus, secundum illustrationem divini,, luminis. "

Unde Dionys. dicit in 4. c. cœl. Hierar. (cir. med.) de visionibus propheticis loquens, quod Sapiens Theologus visionem illam dicit esse divinam, quæ sit per simili-

tudinem rerum forma corporali carentium ex reductione visus est in divina. Et hujusmodi similitudines divino lumine illustratae magis habent rationem speculi, quam Dei essentiam. Nam in speculo resultant species ab aliis rebus: quod non potest dici de Deo. Sed hujusmodi illustratio mentis propheticæ potest dici speculum, in quantum resultat ibi similitudo veritatis divinæ præscientiæ, & propter hoc dicitur *speculum æternitatis*, quasi representans Dei præscientiam, qui in sua æternitate omnia præsentialiter videt, ut dictum est. (q. 171. a. 6. ad 3.)

Ad primum ergo dicendum, quod Prophetæ dicuntur inspicere in libro præscientiæ Dei, in quantum ex ipsa præscientia Dei resultat veritas in mentem Prophetæ.

Ad secundum dicendum, quod in prima veritate dicitur homo videre propriam formam, qua existit, in quantum primæ veritatis similitudo resulget in mente humana, ex qua anima habet quod seipsam cognoscat.

Ad tertium dicendum, quod ex hoc ipso quod in Deo futura contingentia sunt secundum immobilem veritatem, potest imprimere menti prophetæ similem cognitionem, absque eo quod Prophetæ Deum per essentiam videant.

ARTICULUS II.

825

Utrum in prophetica revelatione imprimantur divinitus menti Prophetæ novæ rerum species, vel solum novum lumen.

3. cont. cap. 154. 3^o vers. q. 12. a. 7.

Ad Secundum sic proceditur. Videtur, quod in prophetica revelatione non imprimantur divinitus menti Prophetæ novæ rerum species, sed solum novum lumen. Quia, sicut dicit Gl. Hieron. (ord. in præl. comment.) Amos 1. Prophetæ utuntur similitudinibus rerum: in quibus conversati sunt: sed si visio prophetica fieret per alias species de novo impressas, nihil operaretur ibi præcedens conversatio: ergo non imprimuntur aliquæ species de novo in anima Prophetæ, sed solum propheticum lumen.

Præ-

2. Præterea. Sicut August. dicit 12. super Gen. litteram, (cap. 9. tom. 3.) *visio imaginaria non fuit Prophetum, sed solum visio intellectualis.* Unde etiam Dan. 10. dicitur, quod intelligentia opus est in *visione*: Sed visio intellectualis, sicut in eodem lib. (cap. 5. in fin.) dicitur, non fit per aliquas similitudines, sed per ipsam rerum veritatem: ergo videtur, quod prophetica revelatio non fiat per impressionem aliquarum specierum.

3. Præterea. Per donum Prophetiz Spiritus sanctus exhibit homini id, quod est supra facultatem naturæ humanæ: sed formare quæcunque rerum species potest homo ex facultate naturali: ergo videtur, quod in prophetica revelatione non infundatur aliqua nova species, sed solum intelligibile lumen.

Sed Contra est, quod dicitur Osee 12. *Ego vias nes multiplicavi eis, & in manibus Prophetarum assimilatus sum.* Sed multiplicatio visionum non fit secundum lumen intelligibile, quod est commune in omni prophetica visione, sed solum secundum diversitatem species rerum, secundum quas etiam est assimilatio: ergo videtur, quod in prophetica revelatione imprimantur novæ species rerum, & non solum intelligibile lumen.

Respondeo dicendum, quod, sicut August. dicit 12. super Gen. ad litteram: (cap. 9. circa princ. tom. 3.) cognitio prophetica maxime ad mentem pertinet. Circa cognitionem autem humanæ mentis duo oportet considerare, scil. acceptiōnem, sive repræsentationem rerum, & judicium de rebus repræsentatis. Quando autem repræsentantur menti humanæ res aliquæ secundum aliquas species, & secundum naturæ ordinem, primo oportet quod species repræsententur sensui, secundo imaginationi, tertio intellectui possibili, qui immutatur à speciebus phantasmatum secundum illustrationem intellectus agentis. In imaginatione autem non solum sunt formæ rerum sensibilia, secundum quod accipiuntur à sensu, sed transmutantur diversimode, vel propter aliquam transmutationem corporalem, (sicut accidit in dormientibus, & furiosis) vel etiam secundum imperium rationis disponuntur phantasmata in ordine ad id, quod est intelligendum. Sicut enim ex diversa ordinatione earundem litterarum accipiuntur, diversi intellectus, ita etiam secundum

diversam dispositionem phantasmatum resultant in intellectu diversæ species intelligibiles. Judicium autem humanae mentis sit secundum vim intellectualis luminis.

Per donum autem Prophetæ confertur aliquid humanae menti, supra id quod pertinet ad naturalem facultatem, quantum ad utrumque; scil. & quantum ad *judicium*, per influxum luminis intellectualis, & quantum ad *acceptationem*, seu representationem rerum, quæ fit per aliquas species. Et quantum ad hoc secundum potest assimilari doctrina humana revelationi propheticæ, non autem quantum ad primum. Homo enim suo discipulo representat aliquas res per signa locutionum: non autem potest interius illuminare, sicut facit Deus.

Horum autem duorum principalius est primum in Prophetia: quia *judicium* est completivum cognitionis. Et ideo si cui fiat divinitus representatione aliquarum rerum per similitudines imaginarias, (ut Pharaoni, & Naubuchodonosor) aut etiam per similitudines corporales, (ut Balthasar) non est talis censendus Propheta, nisi illuminetur ejus mens ad *judicandum*: sed talis apparitio est quidam imperfectum in genere Prophetæ. Unde à quibusdam vocatur extasis + *al. cu us* + prophetæ, sicut & *divinatio somniorum*. Erit autem Propheta, si solummodo intellectus ejus illuminetur ad *judicandum* etiam ea, quæ aliis immaginarie visa sunt; ut patet de Joseph, qui exposuit somnum Pharaonis, sed, sicut August. dicit 12. super Gen. ad litteram, (*cap. 9. in med. tom. 3.*) „maxime Propheta est, qui utroque præcellit, ut scilicet videat in spiritu corporalium rerum significativas similitudines, & eas vivacitate mentis intelligat.“

Representantur autem divinitus menti Prophetæ, quandoque quidem mediante sensu exterius quedam formæ sensibiles; sicut Daniel vidit scripturam parietis, ut legitur Daniel. 5. quandoque autem per formas imaginarias, sive omnino divinitus impressas, non per sensum acceptas, (puta si alieni cæco nato imprimarentur in imaginatione colorum similitudines) vel etiam divinitus ordinatas ex his, quæ à sensibus sunt accepta, sicut Hieremias vicit ollam succensam à facie Aquilonis, ut habetur Hierem. 1. sive etiam imprimendo species intel-

ligibiles ipsi menti ; sicut patet de his , qui accipiant scientiam , vel sapientiam infusam : sicut Salomon , & Apostoli. Lumen autem intelligibile quandoque quidem imprimitur menti humanæ divinitus ad dijudicandam ea , quæ ab aliis visa sunt : sicut dictum est (*hic. sup.*) de Joseph , & sicut patet de Apostolis , quibus Dominus aperuit sensum , ut intelligerent scripturas , ut dicitur *Lcæ 24.* & ad hoc pertinet interpretatio sermonum ; sed etiam ad dijudicandum secundum divinam veritatem ea , quæ cursu naturali homo apprehendit : *sive* etiam ad dijudicandum veraciter , & efficaciter ea , quæ agenda sunt , secundum illud *Isaiæ 63.* *Spiritus Domini auctor ejus* fuit. Sic igitur patet , quod prophetica revelatio quandoque quidem fit per solam luminis influentiam , quandoque autem per species de novo impressas , vel aliter ordinata.

Ad primum ergo dicendum , quod , sicut dictum est (*in corp. a.*) quandoque in prophetica revelatione divinitus ordinantur species imaginariae præceptæ à sensu , secundum congruentiam ad veritatem revelandam. Et tunc conversatio præcedens aliquid operatur ad ipsas similitudines , non autem quando totaliter ab extrinsecis imprimuntur.

Ad secundum dicendum , quod visio intellectualis non fit secundum aliquas similitudines corporales , & individuales : sit tamen secundum aliquam similitudinem intelligibilem. Unde Aug. dicit *9.* de Trinit. (*cap. 11 in princ. tom. 3.*) quod *habet animus nonnullam speciem noctis similitudinem* : quæ quidem similitudo intelligibili in revelatione prophetica quandoque immediate à Deo imprimitur ; quandoque à formis imaginatis resultat secundum adjutorium prophetici luminis : quia ex eiusdem formis imaginatis subtilior conspicitur veritas secundum illustrationem altioris luminis.

Ad tertium dicendum , quod quascunque formas imaginatas naturali virtute homo potest formare , absolu hujusmodi formas considerando ; non tamen ut sit convenienter ad repræsentandas intelligibiles veritates , quæ intellectum excedunt ; sed ad hoc necessarium auxilium supernaturalis luminis.

ARTICULUS III.

826

Utrum visio prophetica semper fiat cum abstractione à sensibus.

Ver. q. 12. art. 9.

Ad Tertium sic proceditur. Videtur, quod visio prophetica semper fiat cum abstractione à sensibus. Dicitur enim Num. 12. *Si quis fuerit inter vos Prophetæ Domini, in visione apparebo ei, vel per somnum loquar ad illum:* Sed sicut Glossa dicit in principio Psalterii: *Visio, quæ est per somnum, & visiones, est per ea, quæ videntur dici, vel fieri.* Cum autem aliqua videntur dici, vel fieri, quæ non dicuntur, vel sunt, est alienatio à sensibus. Ergo Prophetia semper fit cum alienatione à sensibus.

2. Præterea. Quando una virtus multum intenditur in operatione sua, alia potentia abstrahitur à suo actu; sicut illi, qui vehementer interdant ad aliquid audiendum, non percipiunt visu ea, quæ coram ipsis sunt: Sed in visione prophetica est maxime intellectus elevatus, & intenditur in suo actu. Ergo videtur, quod semper fiat cum abstractione à sensibus.

3. Præterea. Impossibile est, idem simul ad oppositas partes converti: Sed in visione prophetica mens convertitur ad accipiendo à superiori. Ergo non potest simul converti ad sensibilia. Necessarium ergo videtur, quod revelatio prophetica semper fiat cum abstractione à sensibus.

Sed contra est, quod dicitur 1. Cor. 14. *Spiritus Prophetarum Prophétis subjectis sunt:* Sed hoc esse non posset, si Prophetæ non esset sui compos, à sensibus alienatus existens. Ergo videtur, quod prophetica visio non fiat cum alienatione à sensibus.

Respondeo dicendum, quod, sicut dictum est, (art. præ.) prophetica revelatio fit secundum quatuor; scilicet secundum influxum intelligibilis lumenis, secundum impressionem intelligibilium specierum, secundum impressionem, vel ordinationem imaginabilium formarum, & secundum expressionem formarum sensibilium. Manifes-

tum

tum est autem , quod non sit abstractio à sensibus , quando aliquid representatur menti Prophetæ per species sensibiles , sive ad hoc specialiter formatas divinitus ; sicut rubis ostensus Moysi , (Exod. 3.) & scriptura ostensa Danieli , (Dan. 5.) sive etiam per alias causas productas : ita tamen quod secundum divinam providentiam ad aliquid prophetice significandum ordinetur ; sicut per arcam Noe significabatur Ecclesia .

„ Similiter etiam , non est necesse , ut fiat alienatio à sensibus exterioribus per hoc , quod mens Prophetae illustratur intelligibili lumine , aut formatur intelligibilibus speciebus : “ quia in nobis perfectum iudicium intellectus habetur per conversionem ad sensibilia , quæ sunt prima nostræ cognitionis principia , et in r. habitum est . (q. 84. a. 7.)

Sed quando fit revelatio prophetica secundum formam imaginariæ , necesse est fieri abstractionem à sensibus , ut talis apparitio phantasmatum non referatur ad ea , quæ exterius sentiuntur .

Sed abstractio à sensibus quandoque fit perficiens ut scil. nihil homo sensibus percipiat : quandoque autem imperfecte ; ut scil. aliquid percipiat sensibus , non tamen plene discernat ea , quæ exterius percipit , ab his , quæ imaginabiliter videt . Unde Augustinus dicit 12. super Gen. ad litter. (c. 12. ante med. tom. 3.) „ Sic visum dentur , quæ in spiritu sunt , imagines corporum , quemadmodum corpora ipsa per corpus ; ita ut simul certius natura homo aliquis praesens oculis , & absens animo spiritu , tanquam oculis . ”

Talis tamen alienatio à sensibus non fit in Prophetis cum aliqua inordinatione naturæ , (sicut in reptitiis , vel in furiosis) sed per aliquam causam ordinatam , Vel naturalem , sicut per somnum , Vel spiritum , sicut per contemplationis vehementiam ; sicut Petrus legitur Act. 10. quod cum oraret in cœnaculo , levatus est in excessu mentis : Vel virtute divina rapient secundum illud Ezech. 1. Facta est super eum manus Domini .

Ad primum ergo dicendum , quod auctoritas illa quoquitur de Prophetis , quibus imprimebantur , vel ostabantur imaginariæ formæ , vel in dormiendo , quæ

significatur per somnium, *vel* in vigilando, quod significatur per visionem.

Ad secundum dicendum, quod quando mens intenditur in suo actu circa absentia, quæ sunt à sensibus remota, tunc propter vehementiam intentionis sequitur alienatio à sensibus: sed quando mens intenditur in suo actu circa dispositionem, *vel* judicium sensibilium, non oportet, quod à sensibus abstrahatur.

Ad tertium dicendum, quod motus mentis propheticæ non est secundum virtutem propriam, sed secundum virtutem superioris influxus. Et ideo quando ex superiori influxu mens Prophetæ inclinatur ad judicandum, *vel* disponendum aliquid circa sensibilia, non fit alienatio à sensibus, sed solem quando elevatur mens ad contemplandum aliqua sublimiora.

Ad quartum dicendum, quod spiritus Prophetarum dicuntur esse subjecti Prophetis, quantum ad propheticas enuntiationem, de qua ibi Apostolus loquitur: quia sc. ex proprio sensu loquuntur ea quæ viderunt, non mente perturbata, sicut arreptitii (ut dixerunt, Priscilla, & Montanus) sed in ipsa prophetica revelatione potius ipsis subjiciuntur spiritui Prophetæ, id est, dono propheticō.

ARTICULUS IV.

327

Utrum Prophetæ semper cognoscant ea quæ prophetant.

Hier. 11. lect. 7.

Ad Quartum sic proceditur. Videtur, quod Prophetæ semper cognoscant ea quæ prophetant. Quia, Aug. dicit 12. super Genes. ad litteram, (cap. 9. in princ. tom. 3.) „quibus signa per alias rerum corporalium similitudines demonstrabautur in spiritu, nisi accessisset mentis officium, ut etiam intellegentur, nondum erat Prophetia:“ sed ea quæ intelliguntur, non possunt esse incognita: ergo Prophetæ non ignorat ea quæ prophetat.

2. Præterea, Majus est lumen Prophetæ, quam lumen naturalis rationis: sed quicunque lumine naturali habet scientiam, non ignorat ea quæ scit: er-

Tom. VII,

go quicumque lumine propheticō aliqua enuntiat, non potest ea ignorare.

3. Præterea. Prophetia ordinatur ad hominum illuminationem : unde dicitur 2. Pet. 1. *Habemus propheticum sermonem : cui bene facitis attendentes, quia lucernæ lucenti in caliginoso loco : sed nihil potest alios illuminare, nisi in se sit illuminatum : ergo videtur, quod Propheta prius illuminetur ad cognoscendum ea quæ aliis enuntiat.*

Sed Contra est, quod dicitur Joan. 12. *Hoc autem à semetipso Caiphas non dixit ; sed cum esset Pontifex anni illius, prophetavit, quod Jesus moriturus erat pro gente, &c. Sed hoc Caiphas non cognovit : ergo non omnis qui prophetat cognoscit ea quæ prophetat.*

Respondeo dicendum, quod in revelatione prophética movetur mens Prophetæ à Spiritu sancto sicut instrumentum deficiens respectu principalis agentis. Moretur autem mens Prophetæ non solum ad aliquid apprehendendum, sed etiam ad aliquid loquendum, vel ad aliquid faciendum ; quandoque quidam ad omnianitatem simul, quandoque autem ad duo horum, quandoque vero ad unum tantum : & quodlibet horum contingit esse cum aliquo cognitionis defectu. Nam cum mens Prophetæ movetur ad aliquid aestimandum, vel apprehendendum, quandoque quidem inducitur ad hoc quod solum apprehendat rem illam ; quandoque autem ulterius ad hoc quod cognoscatur, hæc sibi esse divinitus revelata.

Similiter etiam quandoque movetur mens Prophetæ ad aliquid loquendum, ita quod intelligat, id quod per hæc verba Spiritus sanctus intendit, sicut, David quid dicebat 2. Regum 23. *Spiritus Domini locutus est per me. Quandoque autem ille, cuius mens movetur ad aliqua verba exprimenda, non intelligit quid Spiritus sanctus per hæc verba intendat, sicut patet de Caipha. Job. 11.*

Similiter etiam cum Spiritus sanctus movet meatus alicuius ad aliquid faciendum, quandoque quidem intelligit quid hoc significet ; sicut patet de Hieremias, qui abscondit lumbare in Euphrate, ut habetur Hierem. 13. quandoque vero non intelligit : sicut milites divites vestimenta Christi non intelligebant quid hoc significaret. „*Cum ergo aliquis cognoscit, se moveri i-*

„Spiritu sancto ad aliquid aestimandum, vel significandum verbo, vel facto, hoc proprie ad Prophetiam pertinet: cum autem movetur, sed non cognoscit, non est perfecta Prophetia, sed quidam instinctus propheticus.“

Sciendum tamen, quod quia mens Prophetæ est instrumentum deficiens, ut dictum est, (*in corp. art.*) etiam veri Prophetæ non omnia cognoscunt, quæ in eorum visis, aut verbis, aut etiam factis Spiritus sanctus intendit.

Et per hoc patet responsio ad Objecta. Nam *primæ* rationes loquuntur de veris Prophetis, quorum mens diuinus illustratur perfecte.

QUÆSTIO CLXXIV.

De divisione Prophetiarum, in sex articulos divisa.

Deinde considerandum est de divisione Prophetiarum.

Et circa hoc queruntur sex.

Primo. De divisione Prophetiarum in suas species.

Secundo. Utrum sit altior Prophetia, quæ est sine imaginaria visione.

Tertio. De diversitate graduum Prophetiarum.

Quarto. Utrum Moyses fuerit excellentissimus Propheta.

Quinto. Utrum aliquis comprehensor possit esse Prophetum.

Sexto. Utrum Prophetia creverit per temporis processum.

ARTICULUS I.

818

Utrum convenienter dividatur Prophetia in Prophetiam prædestinationis Dei, præscientiarum, & communiationis.

Ver. q. 12. a. 10. & Matth. 1. proposita.

And Primum sic proceditur. Videtur, quod inconvenienter dividatur Prophetia in Glos. (ord. super illud:

X 2

Ut

Ut adimpleretur quod &c.) sup. Matth. 1. Ecce virgo in utero habebit : ubi dicitur, quod „Prophetia alia est ex „prædestinatione Dei, quam necesse est omnibus modis „evenire, ut sine nostro impleatur arbitrio ; ut hæc, de „qua hic agitur : alia est ex præscientia Dei, cui nos „trum admiscetur arbitrium : alia est, quæ commina- „tio dicitur, quæ fit ob signum divinæ animadversionis.“ Illud enim quod consequitur omnem Prophetiam, non de- bet poni ut membrum dividens Prophetiam : sed omnis Prophetia est secundum præscientiam divinam ; quia Pro- phetæ legunt in libro præscientiæ, ut dicit Glos. Isa. 38. (ord. sup. illud : dispone domū tuæ) ergo videtur, quod non debeat poni una species Prophetiæ, quæ est secun- dum præscientiam.

2. Præterea. Sicuti aliquid prophetatur secundum comminationem, ita etiam secundum promissionem : & utraque variatur, dicitur enim Hierem. 18. „Re- „, pente loquar adversum gentem, & adversum regnum, „, ut eradicem, & destruam, & disperdam illud : si pa- „, nitentiam egerit gens illa à malo suo, agam & ego „, pœnitentiam :“ & hoc pertinet ad Prophetiam com- minationis ; & postea subdit de Prophetia promissionis : „, subito loquar de gente, & regno, ut ædificem, & plan- „, tem illud : si fecerit malum in oculis meis, pœni- „, tentiam agam super bono, quod locutus sum ut facerem „, ei :“ ergo sicut ponitur Prophetia comminationis, ita debet poni Prophetia promissionis.

3. Præterea. Isidor. dicit in lib. 7. Etym. (cap. 8. declinando ad fin.) Prophetiæ genera sunt septem. *Primum genus est ecstasis, quod est mentis excessus : sicut vidit Petrus vas submissum de cœlo cum variis animalibus. Secundum genus est visio : sicut apud Isaiam dicentem : vi- di Domum sedentem, &c. Tertium genus est somnium : si- cut Jacob scalam dormiens vidit. Quartum genus est per- nubem : sicut ad Moysen loquebatur Deus. Quintum ge- nus est vox de cœlis : sicut ad Abraham sonuit dicens : ne mittas manum in puerum. Sextum genus accepta pa- rabola : sicut apud Balaam. Septimum genus repletio Spi- ritus sancti : sicut pene apud omnes Prophetas ; ponit etiam tria genera visionum : unum secundum oculos cor- poris ; alterum secundum spiritum imaginarium ; tertium per*

per intuitum mentis : sed haec non exprimuntur in prius dicta divisione : ergo est insufficiens.

Sed Contra est auctoritas Hieronymi , cuius dicitur esse Glos. (*inducta in arg. 1.*)

Respondeo dicendum , quod species habitum , & actuū in moralibus distinguuntur secundum objecta. Objectum autem Prophetiae est id , quod est in cognitione divina supra humanam facultatem existens. Et ideo secundum horum differentiam Prophetia distinguitur in diversas species , secundum prius dictam divisionem.

Dictum est autem supra , (q. 171. art. 6. ad 2.) quod futurum est in divina cognitione duplicitate. Uno modo , prout est in sua causa : & sic accipitur Prophetia combinationis , quæ non semper impletur ; sed per eam prædictatur ordo causæ ad effectum , qui quandoque aliis supervenientibus impeditur.

Alio modo præcognoscit Deus aliqua in seipsis : vel sienda ab ipso : & horum est Prophetia prædestinationis , quia secundum Damasc. (lib. 2. orth. fid. c. 30. circ. princ.) Deus prædestinat ea , quæ non sunt in nobis ; vel ut sienda per liberum arbitrium hominis : & sic est Prophetia præscientie , quæ potest esse bonorum , & malorum : quod non contingit de Prophetia prædestinationis , quæ est bonorum tantum.

Et quia prædestination sub præscientia comprehenditur , ideo in Glos. (Cassiod. sup. prolog. Hieron. & Glos. ord. sup. illud Matth. 1. Ut adimpleretur quod Eccl.) in principio Psalterii ponitur tantum duplex Prophetiae species ; scilicet secundum præscientiam , & secundum combinationem .

Ad primum ergo dicendum , quod præscientia proprie dicitur præcognitione futurorum eventuum , prout in seipsis sunt : & secundum hoc ponitur species Prophetiae : prout autem dicitur respectu futurorum eventuum , sive secundum quod in seipsis sunt , sive secundum quod sunt in suis causis communiter se habent ad omnem speciem Prophetiae .

Ad secundum dicendum , quod Prophetia Promissionis comprehenditur sub Prophetia combinationis : quia eadem est ratio veritatis in utraque. Denominatur tamen magis à comminatione : quia Deus prior est ad

relaxandum pœnam , quam ad subtrahendum promissa beneficia.

Ad tertium dicendum , quod Isidorus distinguit Prophetiam secundum modum prophetandi . Qui quidem potest distingui : vel secundum potentias cognoscitivas in homine ; quæ sunt sensus , imaginatio , & intellectus & sic sumitur *triplex* visio , quam ponit tam ipse , quam Aug. 12. super Gen. ad litt. (c. 6. & seq. tom. 3.) Vd potest distingui secundum differentiam propheticæ influ-
xus : qui quidem quantum ad illustrationem intellectus significatur per repletionem Spiritus sancti , quam *re-
timo* loco ponit . Quantum vero ad impressionem forma-
rum imaginabilium ponit *tria* ; scilicet *somnium* , quod ponit *tertio* loco ; & *visionem* , quæ sit in vigilando res-
pectu quorumcumque communium , quam ponit in *secundo* loco ; *ecstasi* , quæ sit per elevationem mentis in
aliqua altiora , quam ponit *primo* loco . Quantum ve-
ro ad sensibilia signa ponit *tria* : quia sensibile sig-
num aut est aliqua res corporea exterius apparen-
sui , sicut *nubes* , quam ponit *quarto* loco , aut est vox
formata exterius ad auditum hominis delata , quam po-
nit *quinto* loco : aut est vox per hominem formatæ com-
similitudine alicujus rei , quod pertinet ad *parabolam*
quam ponit *sesto* loco .

ARTICULUS I.

819

*Utrum excellentior sit Prophetia , quæ habet visionem in-
tellectualem , & imaginariam , quam ea , quæ habet
visionem intellectualem tantum.*

*Inf. a. 3. corp. & 3. q. 30. a. 2. ad 2. & ver. q. 12.
art. 12. & Is. 1.*

A.

*L*et Secundum sic proceditur . Videtur , quod exel-
lentior sit Prophetia , quæ habet visionem intellectua-
lem , & imaginariam , quam ea quæ habet visionem
intellectualem tantum . Dicit enim Augustinus 12. super
Genesim ad litteram , (cap. 9. in med. tom. 3.) & ha-
betur in Glos. (ordin.) 1. ad Cor. 14. super illud : spi-
ritus autem loquitur mysteria : „minus est Propheta , qui
„re-

„rerum, quæ significantur, sola ipsa signa in spiritu
 „per rerum corporalium imagines videt: & magis est
 „Propheta, qui solo eorum intellectu est prædictus: sed
 „maxime Propheta est, qui in utroque præcellit.“ Hoc
 autem pertinet ad Prophetam, qui simul habet intellectua-
 lem, & imaginariam visionem: ergo hujusmodi Pro-
 phetia est altior.

2. Præterea. Quanto virtus alicuius rei est major
 tanto ad magis distantia se extendit: sed lumen pro-
 pheticum principaliter ad mentem pertinet, ut ex dictis patet: (*q. præc. a. 2.*) ergo perfectior videtur es-
 se Prophetia, quæ derivatur usque ad imaginationem,
 quam illa, quæ existit in solo intellectu.

3. Præterea. Hieron. in Prol. lib. Reg. (*circ. med.*)
 distinguit Prophetas contra Hagiographos. omnes autem
 illi, quos Prophetas nominat, (puta Isaias, Jeremias,
 & alii hujusmodi) simul cum intellectuali visione ima-
 ginariam habuerunt; non autem illi qui dicuntur Ha-
 giographi, sicut ex inspiratione Spiritus sancti scriben-
 tes: (sicut Job, David, Salomon, & hujusmodi) ergo
 videtur, quod magis proprie dicantur Prophetæ illi,
 qui simul habent visionem imaginariam cum intellec-
 tuali, quam illi, qui habent intellectualem tantum.

4. Præterea. Dionysius dicit 1. cap. cœl. hierar.
 (*parum ante med.*) quod impossible est, nobis superlu-
 cere divinum radium, nisi varietate sacrorum velaminum cir-
 cumclatum: sed prophetica revelatio fit per immissio-
 nem divini radit: ergo videtur, quod non possit esse
 absque phantasmatum velaminibus.

Sed Contra est, quod Glossa dicit in principio Psal-
 terii, quod, ille modus Prophetæ dignior est cæ-
 teris, quando scilicet est sola Spiritus sancti inspi-
 ratione, remoto omni exteriori administriculo facti, vel
 dicti, vel visionis, vel somni, prophetator.“

Respondeo dicendum, quod dignitas eorum, quæ
 sunt ad finem, præcipue consideratur ex fine. Finis au-
 tem Prophetæ est manifestatio alicuius veritatis supra
 hominem existentis. Unde quanto hujusmodi manifes-
 tatio est potior, tanto Prophetia est dignior. Manifes-
 tum est autem, quod manifestatio divinæ veritatis, quæ
 fit per nudam contemplationem ipsius veritatis, potior

est , quam illa quæ fit sub similitudine corporalium rerum ; magis enim appropinquat ad visionem patriæ , secundum quam in essentia Dei veritas conspicitur. Et inde est , quod „Prophetia , per quam aliqua supernaturalis veritas conspicitur , secundum intellectualem visionem , est dignior , quam illa , in qua veritas supernaturalis manifestatur per similitudinem corporalium rerum , secundum imaginariam visionem.“

Et ex hoc etiam ostenditur mens Prophetæ sublimior : sicut in doctrina humana auditor ostenditur esse melioris intellectus , qui veritatem intelligibilem à magistro unde prolatam capere potest , quam ille qui indiget sensibilibus exemplis ad hoc manu duci. Unde in commendationem Prophetæ David dicitur 2. Reg. 23. *Mihī locutus est fortis Israel.* Et postea subdit : *Sicut lux auroræ oriente sole mane absque nubibus rutilat.*

Ad primum ergo dicendum , quod quando aliqua supernaturalis veritas revelanda est per similitudines corporales , tum magis est Prophetæ , qui utrumque habet , scilicet lumen intellectuale , & imaginariam visionem , quam ille qui habet alterum tantum ; quia perfectior est Prophetia. Et quantum ad hoc loquitur Augustinus : sed illa Prophetia , in qua revelatur nuda intelligibilis veritas , est omnibus potior.

Ad secundum dicendum , quod aliud est iudicium de his quæ propter se queruntur , & de his quæ queruntur propter aliud. In his enim quæ propter se queruntur , quanto virtus agentis ad plura , & remota se extendit , tanto potior est : sicut medicus putatur melior , qui plures potest , & magis à sanitate distantes sanare : in his autem , quæ non queruntur nisi propter aliud , quanto agens potest ex paucioribus , & propinquioribus ad suum intentum pervenire , tanto videtur esse majoris virtutis : sicut magis laudatur medicus , qui per pauciora , & leniora potest sanare infirmum. Visio autem imaginaria in cognitione prophetica non requiritur propter se , sed propter manifestationem intelligibilis veritatis. Et tanto potior est Prophetia , quanto minus ea indiget.

Ad tertium dicendum , quod nihil prohibet aliquid esse simpliciter melius , quod tamen minus propriæ re-

tipit alicujus prædicationem: sicut cognitio patriæ est nobilior, quam cognitio viæ; quæ tamen magis proprie dicitur fides, propterea quod nomen fidei importat imperfectionem cognitionis. Similiter autem Prophetia importat quandam obscuritatem, & remotionem ab intelligibili veritate. Et ideo magis proprie dicuntur Prophetæ, qui vident per imaginariam visionem; quamvis illa Prophetia sit nobilior; quæ est per intellectualem visionem; dummodo tamen sit eadem veritas utrobique revelata. Si vero lumen intellectuale alicuius divinitus infundatur, non ad cognoscendum aliqua supernaturalia, sed ad judicandum secundum certitudinem veritatis divinæ ea, quæ humana ratione cognosci possunt, sic talis Prophetia intellectualis est infra illam, quæ est cum imaginaria visione ducente in supernaturalem veritatem; cujusmodi Prophetiam habuerunt omnes illi, qui numerantur in ordine Prophetarum; qui etiam ex hoc specialiter dicuntur Prophetæ, quia propheticō officio fungebantur. Unde ex persona Domini loquebatur, dicentes ad populum: *Hæc dicit Dominus:* quod non faciebant illi, qui hagiographa conscripserunt; quorum plures loquebantur frequentius de his, quæ humana ratione cognosci possunt, non quasi ex persona Dei, sed ex persona propria, cum adjutorio tamen divini luminis.

Ad quartum dicendum, quod illustratio divini radii in vita præsentī non fit sine velaminibusphantasmatum qualiumcumque, quia connaturale est homini secundum statum præsentis vitæ, ut non intelligat sine phantasmate. Quandoque tamen sufficiunt phantasmatata, quæ communi aliquo modo à sensibus abstrahuntur: nec exigitur aliqua visio imaginaria divinitus procurata. Et sic dicitur revelatio prophetica fieri sine imaginaria visione,

ARTICULUS III.

390

Utrum gradus Prophetæ possint distingui secundum visionem imaginariam.

3. q. 12. a. 11. ad 1. vñ 4. d. 49. q. 2. a. 7. ad 2.
vñ vers. q. 12. a. 13. per tot. vñ a. 14. cor.
vñ 1. Cor. 13. lect. 4.

Ad Tertium sic proceditur. Videtur, quod gradus Prophetæ non possint distingui secundum visionem imaginariam. Gradus enim alicujus rei non attendit secundum id, quod est propter aliud, sed secundum id, quod est propter se: in Prophetia autem propter se queritur visio intellectualis, propter aliud autem visio imaginaria, ut supra dictum est: (art. præced. ad 2.) ergo videtur, quod gradus Prophetæ non distinguuntur secundum imaginariam visionem, sed solum secundum intellectualem.

2. Præterea. Unius Prophetæ videtur esse unus gradus Prophetæ: sed uni Prophetæ fit revelatio secundum diversas imaginarias visiones: ergo diversitas imaginariae visionis non diversificat gradus Prophetæ.

3. Præterea. Secundum Glossam (*Cassiod. sup. Proleg. Hieron. in Psal.*) in principio Psalterii, Prophetia consistit in dictis, & factis, somnio, & visione: non ergo debent Prophetæ gradus magis distingui secundum imaginariam visionem, ad quam pertinet visio, & somnium, quam secundum dicta, & facta.

Sed Contra est, quod medium diversificat gradus cognitionis: sicut scientia propter quid est altior, eo quod est per nobilius medium, quam scientia quia est, vel etiam quam opinio. Sed visio imaginaria in cognitione prophetica est sicut quoddam medium: ergo gradus Prophetæ distingui debent secundum imaginariam visionem.

Respondeo dicendum, quod, sicut dictum est, (q. præc. a. 2.) Prophetia, in qua per lumen intelligibile revelatur aliqua veritas supernaturalis per imaginariam visionem, medium gradum tenet inter illam

Pro-

Prophetiam, in qua revelatur supernaturalis veritas absque imaginaria visione, & illam, in qua per lumen intelligibile absque imaginaria visione dirigitur homo ad ea cognoscenda, vel agenda, quæ pertinent ad humanaam conservationem. Magis autem est Prophetiae cognitione, quam operatio. Et ideo *infimus* gradus Prophetiae est, cum aliquis ex inferiori instinctu movetur ad aliqua exterius facienda: sicut de Sampson dicitur *Judicium* 15. quod „irruit Spiritus Domini in eum: & sicut solent ad ardorem ignis ligra consumi, ita & „vincula, quibus ligatus erat, dissipata sunt, & so- „luta.“ Secundus autem gradus Prophetiae est, cum ali- quis ex interiori lumine illustratur ad cognoscendum aliqua, quæ tamen non excedunt limites naturalis cog- nitionis: sicut dicitur de Salomone 3. Reg. 4. quod „locutus est parabolæ, & disputavit super lignis à ce- „dro, quæ est in libano, usque ad hyssopum, quæ egre- „ditur de pariete, & disserruit de jumentis, & volu- „cribus, & reptilibus, & piscibus.“ Et hoc totum fuit ex divina inspiratione; nam præmittitur: *Dedit Deus sapientiam Salomonis, et prudentiam iunioris.*

Hi tamen duo gradus sunt infra Prophetiam proprie dictam: quia non attingunt ad supernaturalem verita- tem. Illa autem Prophetia, qua manifestatur superna- turalis veritas per imaginariam visionem, diversificatur primo secundum differentiam somnii, quod fit in dor- miendo, & visionis, quæ fit in vigilando, quæ per- tinet ad altiorem gradum Prophetiae: quia major vis propheticæ luminis esse videtur, quæ aliquem occupatum circa sensibilia in vigilando abstrahit ad superna- turalia, quam illa, quæ animam, hominis abstractam à sensibilibus invenit in dormiendo.

Secundo autem diversificantur gradus Prophetiae quan- tum ad expressionem signorum imaginabilium, quibus veritas intelligibilis exprimitur. Et quia signa maxime expressa intelligibilis veritatis sunt verba, ideo altior gradus Prophetiae videtur, quando Propheta audit verba exprimentia intelligibilem veritatem, sive in vigi- lando, sive in dormiendo, quam quando videt alias res significativas veritatis: sicut septem spicæ plene signi- ficant septem annos ubertatis. (*Gen. 41.*) In quibus etiam

signis tanto videtur Prophetia esse altior, quanto signa sunt magis expressa: sicut quando Jeremias vidit incendium civitatis sub similitudine ollæ successæ, sicut dicitur Jerem. 1.

Tertio autem ostenditur altior esse gradus Prophetæ, quando Propheta non solum videt signa verborum, vel factorum, sed etiam videt vel in vigilando, vel in dormiendo aliquem sibi colloquentem, aut aliquid demonstrantem: quia per hoc ostenditur, quod mens Prophetæ magis appropinquit ad causam revelantem.

Quarto autem potest attendi altitudo gradus prophetæ ex conditione ejus, qui videtur. Nam altior gradus Prophetæ est, si ille, qui loquitur, vel demonstrat, videtur in vigilando, vel in dormiendo in specie Angelii, quam si videatur in specie hominis, & adhuc altior, si videatur in dormiendo, vel in vigilando in specie Dei, secundum illud Isaiae 6. *Vidi Dominum sedentem.*

Super omnes autem hos gradus est tertium genus Prophetæ, in quo intelligibilis veritas, & supernaturalis absque imaginaria visione ostenditur: quæ tamen excedit rationem Prophetæ proprie dictæ, ut dictum est: (*art. præced. ad 3.*) Et ideo consequens est, quod gradus Prophetæ proprie distinguuntur secundum imaginariam visionem.

Ad primum ergo dicendum, quod discretio luminis intelligibilis non potest à nobis cognosci, nisi secundum quod judicatur per aliqua signa imaginaria, vel sensibilia. Et ideo ex diversitate imaginorum perpetuitur diversitas intellectualis luminis.

Ad secundum dicendum, quod, sicut supra dictum est, (*q. 171. a. 2.*) Prophetia non est per modum habitus immanentis, sed magis per modum passionis trahens. Unde non est inconveniens, quod unius & eidem Prophetæ fiat revelatio prophetica diversis vicibus secundum diversos gradus.

Ad tertium dicendum, quod dicta, & facta, de quibus ibi fit mentio, non pertinent ad revelationem Prophetæ, sed ad denuntiationem, quæ fit secundum dispositionem eorum, quibus denuntietur id, quod Prophetæ revelatum est: & hoc sit quandoque per dictum quan-

quandoque per facta. Denuntiatio autem, & operatio miraculorum consequenter se habent ad Prophetiam, ut supra dictum est. (q. 171. a. 1.)

ARTICULUS IV.

831

Uerum Moyses fuerit excellentior omnibus Prophetis.

Ver. q. 12. a. 9. ad 2. & a. 4. & Is. 6.

A

Ad Quartum sic proceditur. Videtur, quod Moyses non fuerit excellentior omnibus Prophetis. Dicit enim Glos. in principio Psalt. quod *David dicitur Prophetus per excellentiam*: non ergo Moyses fuit excellentissimus omnium.

2. Præterea. Majora miracula facta sunt per Iosue, qui fecit stare Solem, & Lunam, ut habetur Iosue 10. & per Isaiam, qui fecit retrocedere Solem, ut habetur Isaiæ 38. quam Moysen, qui divisit mare rubrum: similiter etiam per Heliām, de quo dicitur Eccli. 48. *Quis poterit tibi similiter gloriari, qui sustulisti mortuum ab inferis?* non ergo Moyses fuit excellentissimus Prophetarum.

3. Præterea. Matth. 11. dicitur, quod *inter natos mulierum non surrexit major Joannes Baptista*: non ergo Moyses fuit excellentior omnibus Prophetis.

Sed Contra est, quod dicitur Deuteron. ult. *Non surrexit Propheta ultra in Israel, sicut Moyses.*

Respondeo dicendum, quod licet quantum ad aliquid aliquis alius Prophetarum fuerit major Moyse; simpliciter tamen Moyses fuit omnibus aliis major.

In Prophetia enim, sicut ex dictis patet, (a. præc. V art. 1. q. 171.) consideratur & cognitio tam secundum visionem intellectualem, quam secundum visionem imaginariam, & denuntiatio, & confirmatio per miracula. Moyses ergo fuit aliis excellentior. Primo quidem quantum ad visionem intellectualem: eo quod vidit ipsam Dei essentiam, sicut Paulus in raptu, sicut Augustinus dicit 12. super Gen. ad litt. (cap. 27. tom. 3.) Unde dicit Num. 12. quod *palam, non per enigmata Deum vidit.* Secundo quantum ad imaginariam vi-

sio-

sionem, quam quasi ad nutum habebat, non solum audiens verba, sed etiam videns loquentem etiam in specie Dei, non solum in dormiendo, sed etiam in vigilando. Unde dicitur Exod. 33. quod loquebatur ei Dominus facie ad faciem, sicut solet loqui homo ad amicum suum. Tertio quantum ad deauntiationem: quia loquebatur toti populo fidelium ex persona Dei, quasi de novo legem proponens: alii vero Prophetæ loquebantur ad populum in persona Dei, quasi inducentes ad observantiam legis Moysi, secundum illud Malachie 4. *Mementote legis Moysi servi mei. Quarto quantum ad operationem miraculorum, quæ fecit toti populo infidelium. Unde dicitur Deuter. ult. „Non surrexit ultra Prophetæ in Israel, sicut Moyses, quem nosset Dominus facie ad faciem in omnibus signis, atque portentis, quæ misit per eum ut ficeret in terra Ægypti Pharoni, & omnibus servis ejus, universaque terre illius.“*

Ad primum ergo dicendum, quod prophetia David ex propinquuo attingit visionem Moysis quantum ad visionem intellectualem; quia uterque accepit revelationem intelligibilis, & supernaturalis veritatis absque imaginaria visione: visio tamen Moysis fuit excellentior quantum ad cognitionem divinitatis: sed David plenius cognovit, & expressit mysteria Incarnationis Christi.

Ad secundum dicendum, quod illa signa illorum Prophetarum fuerunt majora secundum substantiam facti: sed tamen miracula Moysis fuerant majora secundum modum faciendi, quia sunt facta toti populo.

Ad tertium dicendum, quod Iohannes pertinet ad novum Testamentum, cuius ministri preferuntur etiam ipsi Moysi, quasi magis revelate speculantes, ut habetur 2. ad Cor. 3.

ARTICULUS V.

832

Utrum aliquis gradus Prophetæ sit etiam in Beatis.

*Sup. q. 173. a. 1. cir. 3. q. 7. a. 8. cor. 2. I.
Corinth. 13. lect. 13.*

 Ad Quintum sic proceditur. Videtur, quod aliquis gradus Prophetæ est etiam in Beatis. Moses enim,

ut dictum est, (*art. præced.*) vedit divinam essentiam: qui tamen Propheta dicitur: ergo pari ratione Beati possunt dici Prophetæ.

2. Præterea. Prophetia est divina revelatio: sed divina revelationes sunt etiam Angelis beatis: ergo etiam Angeli possunt dici Prophetæ.

3. Præterea. Christus ab instanti conceptionis fuit comprehensor: & tamen ipse Prophetam se nominat Matth. 13, ubi dicit: *Non est Propheta sine honore, nisi sit in patria sua*: ergo etiam comprehensores, & beati possunt dici Prophetæ.

4. Præterea. De Samuele dicitur Eccli. 46. *Exaltavit vocem ejus ad terra in Prophetia delere impietatem gentium*: ergo eadem ratione alii Sancti post mortem possunt Prophetæ dici.

Sed Contra est, quod 2. Pet. 1. sermo propheticus comparatur *lacernæ lucenti in caliginoso loco*: sed in beatis nulla est caligo: ergo non possunt dici Prophetæ.

Respondeo dicendum, quod prophetia importat visionem quandam alicuius supernaturalis veritatis, ut procul existentis. Quod quidem contingit esse dupliciter. Uno modo ex parte ipsius cognitionis; quia videlicet veritas supernaturalis non cognoscitur in seipsa, sed in aliquibus suis effectibus: & adhuc erit magis procul, si hoc sit per figuram corporalium rerum, quam per intelligibiles effectus. Et talis maxime est visio prophetica, quæ sit per figuram, & similitudines corporalium rerum.

Alio modo visio est procul ex parte ipsius videntis, qui scilicet non est totaliter in ultimam perfectionem adductus, secundum illud 2. ad Corinth. 5. *Quando in corpore sumus, peregrinamur à Domino*. Neutro autem modo Beati sunt procul. Unde non possunt dici Prophetæ.

Ad primum ergo dicendum, quod visio illa Moysis fuit raptim per modum passionis, non autem permanens per modum beatitudinis; unde adhuc erat videntis procul: propter hoc totaliter talis visio amittit rationem Prophetiae.

Ad secundum dicendum, quod Angelis fit revelatio divina, non sicut procul existentibus, sed sicut jam totaliter Deo conjunctis. Unde talis revelatio non habet rationem Prophetiae.

Ad

Ad tertium dicendum , quod Christus simul erat comprehensor , & viator. In quantum ergo erat comprehensor , non competit sibi ratio Prophetiæ ; sed solum in quantum erat viator.

Ad quartum dicendum , quod etiam Samuel nondum pervenerat ad statum beatitudinis. Unde (etsi voluntate Dei ipsa anima Samuelis Sauli eventum belli prænuntiavit , Deo sibi hoc revelante) pertinet ad rationem Prophetiæ. Non autem est eadem ratio de Sanctis , qui sunt modo in patria. Nec obstat , quod arte dæmonum hoc dicitur factum ; quia etsi dæmones animam alicujus Sancti evocare non possunt , neque cogere ad aliquid agendum , potest tamen hoc fieri divina virtute , ut dum dæmon consulitur , ipse Deus per suum omnium veritatem enuntiet : sicut per Heliam veritatem respondit nuntiis regis , qui mittebantur ad consulem Deum Accaron , ut habetur 4. Reg. 1.

Quanvis etiam dici possit , quod non fnerit anima Samuelis , sed dæmon ex persona ejus loquens ; quem Sapiens Samuelem nominat , & ejus prænuntiationem propheticam : secundum opinionem Saulis , & astau-tium : qui ita opinabantur.

ARTICULUS VI.

833

Utrum gradus Prophetiæ varientur secundum temporis processum.

1. q. 5. a. 5. ad 3. 27 q. 12. a. 14. ad 1.

Ad Sextum sic proceditur. Videtur , quod gradus Prophetiæ varientur secundum temporis processum. Prophetia enim ordinatur ad cognitionem divinorum , ut ex dictis patet : (q. præc. a. 2. 27 4.) sed , sicut dicit Gregor. (hom. 16. in Ezech. aliquant. à med.) per successiones temporum crevit divinæ cognitionis augmentum: ergo & gradus Prophetiæ secundum processum temporis debent distingui.

2. Præterea. Revelatio prophetica fit per modum divinæ allocutionis ad hominem ; à Prophetis autem eas quæ sunt eis revelata , denuntiantur & verbo , & scripto:

dicitur enim 1. Reg. 3. quod ante Samuelem sermo Domini erat pretiosus, id est rarus: qui tamen postea ad multos factus est. Similiter etiam non inveniuntur libri Prophetarum esse conscripti ante tempus Isaiæ, cui dictum est: *Sume tibi librum grandem, et scribe in eo stylo hominis*, ut patet Isaiæ 8. post quod tempus plures Prophetæ suas Prophetias conscripserunt: ergo videtur, quod secundum processum temporum processerit Prophetæ gradus,

3. Præterea. Dominus dicit Matth. 11. *Lex*, et Prophetæ usque ad Joannem prophetaverunt: Postmodum autem fuit donum Prophetiæ in discipulis Christi multo excellentius quam fuerit in antiquis Prophetis, secundum illud ad Ephes. 3. *Allis generationibus non est agnitus filius hominis*, scilicet mysterium Christi, sicut nunc revelatum est sanctis Apostolis ejus, et Prophetis in spiritu: ergo videtur, quod secundum processum temporis creverit Prophetiæ gradus.

Sed Contra est, quod Moyses fuit excellentissimus Prophetarum, ut dictum est, (a. 4. huj. g.) qui tamen alios Prophetas præcessit: ergo gradus Prophetiæ non profecit secundum temporis processum.

Respondeo dicendum, quod sicut dictum est, (a. 2. et 4. huj. q. Et q. præc. a. 2. et 4.) Prophetia ordinatur ad cognitionem divinæ veritatis, per cuius contemplationem non solum in fide instruimur, sed etiam in nostris operibus gubernamur, secundum illud Psalm. 42. *Emitte lucem tuam, et veritatem tuam: ipsa me deduxerunt*. Fides autem nostra in duobus principaliter consistit. Primo quidem in vera Dei cognitione, secundum illud Hebr. 11. *Accidentem ad Deum oportet credere, quia est. Secundo in mysterio Incarnationis Christi; secundum illud Joan. 14. „, Creditis in Deum, & „, in me credite. Si ergo de Prophetia loquiamur, in quantum ordinatur ad fidem Deitatis, sic quidem crevit secundum tres temporum distinctiones; scilicet anno te legem, sub lege, & sub gratia: „ Nam ante legem, Abraham, & alii Patres prophetice sunt instructi de his, quæ pertinent ad finem Deitatis. Unde & Prophetæ nominantur: secundum illud Psal. 104. In Prophetis meis nolite malignari; quod specialiter dicitur propter*

Abra-

Abraham, & Isaac. Sub lege autem facta est revelatio prophetica de his, quæ pertinent ad fidem Deitatis, excellentius quam ante; quia jam oportebat, circa hoc institui non solum speciales personas, aut quasdam familias, sed totum populum. Unde Dominus dicit Moysi Exodi 6. „Ego Dominus, qui apparui Abraham, „Isaac, & Jacob, in Deo omnipotente; & nomen „meum Adonai non indicavi eis: “ quia scilicet precedentes Patres fuerant instructi in fide de omnipotencia unius Dei: sed Moyses postea plenus fuit instrutus de simplicitate divinæ essentiæ, cum dictum est ei Exodi 3. *Ego sum qui sum*; quod quidem nomen significatur à Iudeis per hoc nomen *Adonai*, propter revererationem illius ineffabilis nominis. Postmodum vero tempore gratiæ ab ipso Filio Dei revelatum est mystrium Trinitatis, secundum illud Matth. ult. *Euntes docete omnes Gentes, baptizantes eos in nomine Patris, & Filii, & Spiritus sancti.*

In singulis tamen statibus prima revelatio excellenter fuit. Prima autem revelatio ante legem facta est Abraham, cuius tempore cœperunt homines à fide unius Dei deviare, ad idolatriam declinando: ante autem non erat necessaria talis revelatio omnibus in cultu unius Dei persistentibus. Isaac vero facta est inferior revelatio, quasi fundata super revelatione facta Abraham. Unde dictum est ei Gen. 26. *Ego sun Deus Abraham patris tui*: & similiter ad Jacob dictum est Gen. 28. *Ego sum Deus Abraham patris tui, & Deus Isaac.* Et similiter in statu legis prima revelatio facta Moysi excellentior fuit; supra quam fundatur omnis alia prophetarum revelatio. Ita etiam in tempore gratiæ super revelatione facta Apostolis de fide Unitatis, & Trinitatis fundatur tota fides Ecclesiæ, secundum illud Matth. 16. *Super hanc petram, scilicet confessionis tuæ, adificabo Ecclesiam meam.*

„Quantum vero ad fidem Incarnationis Christi, manifestum est, quod quanto fuerunt Christo propinquiores, sive ante, sive post, ut plurimum plenius, de hoc instructi fuerunt: post tamen plenius, quam ante,“ ut Apostolus dicit ad Ephes. 3.

„Quantum vero ad directionem humanorum actuum,

„prophetica revelatio diversificata est, non secundum
 „temporis processum, sed secundum conditionem ne-
 „gotiorum: quia, ut dicitur Proverb. 29. cum defe-
 „cerit Prophetia, dissipabitur populus.“ Et ideo quo-
 libet tempore instructi sunt homines divinitus de agen-
 dis, secundum quod erat expediens ad salutem electorum.

Ad primum ergo dicendum, quod dictum Gregorii
 intelligendum est de tempore ante Christi Incarnatio-
 nem, quantum ad cognitionem hujus mysterii.

Ad secundum dicendum, quod, sicut Augustinus di-
 cit in 18. de Civit. Dei, (cap. 27. à med. tom. 5.)
 „quemadmodum regni Assyriorum primo tempore ex-
 titit Abraham, cui promissiones apertissime fierent:
 „ita in occidentalis Babylonis, id est, Romanæ urbis,
 „exordio, qua imperante fuerat Christus venturus, in
 „quo implerentur illa promissa oracula Prophetarum,
 „non solum loquentium, verum etiam scribentium in
 „tantæ rei futuræ testimonium solvebantur, scilicet
 „promissiones Abrahæ factæ. Cum enim Prophetæ non-
 „quam fere desuissent populo Israel, ex quo ibi re-
 ges esse cœperunt, in usum tantummodo eorum fue-
 „re, non gentium: Quando ea scriptura prophetica
 „manifestius condebatur, quæ gentibus quaproque pro-
 „dasset, tunc oportebat incipere, quando condebatur
 „hæc civitas, scilicet Romana,“ quæ gentibus impe-
 „raret. Ideo autem maxime tempore Regum oportuit Pro-
 phetas in illo populo abundare, qui tunc populus non
 opprimebatur ab alienigenis, sed proprium Regem ha-
 bebat, & ideo oportebat per Prophetas eum iūstitui
 de agendis, quasi libertatem habentem.

Ad tertium dicendum, quod Prophetæ prænuntian-
 tes Christi adventum non potuerunt durare nisi usque
 ad Joannem: qui præsentialiter Christum digito demons-
 travit. Et tamen, ut Hieronymus ibidem dicit, „non
 „hoc dicitur, ut post Joannem excludat Prophetas. Le-
 „gimus enim in Actibus Apostolorum, & Agabum pro-
 „phetasse, & quatuor virginis filias Philippi.“ Joannes
 etiam librum propheticum conscripsit de fine Ecclesiæ:
 & singulis temporibus non defuerunt aliqui prophetæ
 spiritum habentes non quidem ad novam doctrinam si-
 dei depromendam, sed ad humanorum actuum directio-
 nem;

nem : sicut Aug. resert 5. de civit. Dei, (cap. 26. nro procul à princ. tom. 5.) quod „Theodosius Augustus ad „, Joannem in Ægypti eremo constitutum, quæ propheta „, tandi spiritum prædictum fama crebrescente didicerat, „, misit, & ab eo nuntium victoriz certissimum accepit.“

Q U Æ S T I O C L X X V .

De Raptu, In sex articulos divisa.

Deinde considerandum est de Raptu.

Et circa hoc queruntur sex.

Primo. Utrum anima hominis rapiatur ad divina.

Secundo. Utrum raptus pertineat ad vim cognoscitivam, vel appetitivam.

Tertio. Utrum Paulus in raptu viderit Dei essentiam.

Quarto. Utrum fuerit alienatus à sensibus.

Quinto. Utrum fuerit totaliter anima à corpore separata in statu illo.

Sexto. Quid circa hoc sciverit, & quid ignoraverit.

A R T I C U L U S I.

834

Utrum anima hominis rapiatur ad divina.

Ver. q. 13. a. 1. & 2. ad 9. & 2. Cor. 12.

Ad Primum sic proceditur. Videtur, quod anima hominis non rapintur ad divina. Definitur enim quibusdam Raptus : ab eo quod est secundum naturam ; in id quod est supra naturam, vi superioris naturæ elevatio : Et autem secundum naturam hominis, ut ad divina eleveretur. dicit enim August. in princip. Confess. Fecisti nos Domine ad te ; & inquietum est cor nostrum, donec re quiescat in te : non ergo hominis anima rapitur ad divina.

2. Præterea. Dionys. dicit 8. cap. de div. nom. (a med. lect. 4. & c. 9. ad fin. lect. 4.) quod justitia Dei in hoc attenditur, quod omnibus rebus distribuit secundum

dum suum modum, & dignitatem : sed quod aliquis ele-
vetur supra id quod est secundum naturam, non per-
tinet ad modum hominis, vel dignitatem : ergo vide-
tur, quod non rapiatur mens hominis à Deo in divina.

3. Præterea, Raptus quamdam violentiam importat,
sed Deus non regit nos per violentiam, & coacte, ut
Damascenus dicit: (*lib. 2. orth. f.d. c. 30. circ. princ.*)
non ergo mens hominis rapitur ad divina.

Sed Contra est, quod 2. ad Corinth. 22. dicit Apost.
Scio hominem in Christo raptum usque ad tertium cœlum,
ubi dicit Glos. (*ord. Petri Lombardi*) *raptum, id est,*
contra naturam elevatum.

Respondeo dicendum, quod raptus violentiam quam-
dam importat, ut dictum est; (*In arg. 3.*) *Violentum*
autem dicitur, *cujus principium est extra, illi conferente*
eo, quod vim patitur, ut dicitur in 3. Ethic. (*cap. 1.*
à princ. tom. 5.) Confert autem unum quodque ad id,
in quod tendit secundum propriam inclinationem vel
voluntariam, vel naturalem. Et ideo oportet, quod
ille, qui rapitur ab aliquo exteriori, rapiatur in aliquid,
quod est diversum ab eo, in quod ejus inclinatio ten-
dit. Quæ quidem diversitas attenditur *dupliciter*: uno
quidem modo quantum ad finem inclinationis: puta si
lapis, qui naturaliter inclinatur ad hoc quod feratur deor-
sum, projiciatur sursum: *alio modo* quantum ad modum
cedendi: puta si lapis velocius projiciatur deorsum, quam
sit motus ejus naturalis.

Sic igitur & anima hominis *dupliciter* dicitur rapi
in id, quod est præter naturam. *Uno modo* quantum ad
terminum raptus: puta quando rapitur ad pœnas se-
cundo illud Psal. 49. *Ne quando rapiat, et non sit qui*
tripliat. *Alio modo* quantum ad modum homini concur-
talem, qui est ut per sensibilia intelligat veritatem.
Et ideo quando abstrahitur à sensibili apprehensio-
ne, dicitur rapi, etiamsi elevetur ad ea, quæ naturaliter
ordinatur; dum tamen hoc non fiat ex propria intentione;
sicut accidit in somno, qui est secundum naturam: una-
de non potest proprio raptus dici.

Injusmodi autem abstractio, ad quæcumque fiat,
potest ex triplici causa contingere. *Uno modo* ex causa
corporali; sicut accidit in his, qui proprie aliquam in-
fir-

firmitatem alienationem patiuntur : secundo modo uirtute dæmonum : sicut patet in arreptiis ; tercio modo ex virtute divina : & sic loquimur nunc de raptis, prout scilicet aliquis spiritu divino elevatur ad aliquas pernaturalia cum abstractione à sensibus secundum illud Ezech. 8. *Spiritus elevavit me inter cœlum, et terram abduxit me in Hierusalem in visione Dei.*

Sciendum tamen, quod rapti quandoque dicitur aliquis non solum propter alienationem à sensibus, sed etiam propter alienationem ab his, quibus intendebat ; sicut etiam aliquis patitur evagationem mentis præter propositiones, sed hoc non ita proprie dicitur.

Ad primum ergo dicendum, quod naturale est homini, ut in divisa tendat per sensibilium apprehensionem, secundum illud Rom. 1. *Invisibilia Dei per quæ facta sunt, intellecta conspiciuntur.* Sed iste modo quo aliquis elevetur ad divina cum abstractione à sensibus, non est homini naturalis.

Ad secundum dicendum : quod ad modum, & nitatem hominis pertinet, quod ad divina elevetur, hoc ipso quod homo factus est ad imaginem Dei, quia bonum divinum in infinitum excedit humana facultatem, indiget homo ut supernaturaliter ad bonum capessendum adjuvetur : quod fit per quodcumque beneficium gratiæ. Unde quod sic elevetur à Deo per raptum, non est contra naturam, sed supra facultatem naturæ.

Ad tertium dicendum : quod verbum Damasceni intelligendum quantum ad ea, quæ sunt per hominem facienda ; quantum vero ad ea, quæ excederent arbitrii facultatem, necesse est, quod hominem fortiori operatione elevetur : quæ quidem quantum ad aliquid potest dici coactio ; si scilicet ordinatur modus operationis ; non autem si attendatur minus operationis, in quem natura hominis, & intentio ordinatur.

ARTICULUS II.

835

Utrum raptus magis pertineat ad vim cognoscitivam, quam ad vim appetitivam.

Ad Secundum sic proceditur. Videtur, quod raptus magis pertineat ad vim appetitivam, quam ad vim cognoscitivam. Dicit enim ad Dionys. 4. c. de civ. nom. (par. 1. lect. 10.) *Est autem extasim faciens divinus amor: sed amor pertinet ad vim appetitivam: ergo & extasis, sive raptus.*

2. Præterea. Gregor. dicit in 2. Dialog. (c. 3. cir. med.) quod ille, qui porcos pavit, vagatione mentis & immunditia sub semetipso ecclidit: Petrus vero, quem Angelus solvit, ejusque mentem in extasi rapuit, non extra se quidem, sed supra semetipsum fuit: sed ille filius prodigus per affectum in inferiora dilapsus est: ergo etiam illi, qui rapiuntur in superiora per affectum, hoc patiuntur.

3. Præterea. Super illud Ps. 30. *In te Domine speravi, non confundar in eternum,* dicit Glos. (interl. Aug. tom. 8.) in expositione tituli: *Extasis Graece, Latine dicitur excessus mentis: qui sit duobus modis: vel pavore terrenorum, vel mente rapta ad superna, & liferiorum obliterata: sed pavor terrenorum ad affectum pertinet: ergo etiam raptus mentis ad superna, qui ex opposito ponitur, pertinet ad affectum.*

Sed Contra est, quod super illud Ps. 115. ego dixi in excessu meo: *omnis homo mentax:* dicit Gl. (ord. Aug. tom. 8.) Dicitur hic extasis, cum mens non pavore alienatur, sed aliqua inspiratione revelationis sursum assumitur: sed revelatio pertinet ad vim intellectivam: ergo & extasis, sive raptus.

Respondeo dicendum, quod de raptu dupliciter loqui possumus. Uno modo quantum ad id, in quod aliquis rapitur: & sic, proprio loquendo; raptus non potest pertinere ad vim appetitivam, sed solum ad cognoscitivam. Dictum est enim, (art. præc.) quod raptus est propter propriam inclinationem ejus, quod rapitur; ipse autem motus appetitivæ virtutis est quedam incli-

natio ad bonum appetibile. Unde, proprie loquendo, ex hoc quod homo appetit aliquid, non raptur, sed per se movetur.

Alio modo potest considerari raptus quantum ad suam causam. Et sic potest habere causam ex parte appetitiæ virtutis. Ex hoc enim in ipso quod appetitus ad aliquid vehementer afficitur, potest contingere quod ex violentia affectus homo ab omnibus aliis alienetur. Habet etiam affectum in appetitiva virtute; cum scilicet aliquis delectatur in his, ad quæ rapitur. Unde & Apost. dixit se raptum non solum ad tertium cœlum, quod pertinet ad contemplationem intellectus, sed etiam in Paradisum, quod pertinet ad affectum.

Ad primum ergo dicendum, quod raptus addit aliquid supra extasim. Nam extasis importat simplicitatem excessum à seipso, secundum quem scilicet aliquis extrahit suam ordinationem ponitur: sed raptus super hoc addit violentiam quamdam. Potest igitur extasis ad rationem appetitivam pertinere; puta cum alicujus appetitus addit in ea, quæ extra ipsum sunt. Et secundum hoc Dionys. dicit, quod *divinus amor facit extasim*; in quantum scilicet facit appetitum hominis tendere in res amatas. Unde postea subdit, quod *etiam ipse Deus, qui ut omniū causa, per abundantiam amatorię bonitatis nostra seipsum sit per providentiam ad omnia existentia. Quamvis etiam si expresse hoc diceretur de raptu, non designaretur, nisi quod amor esset causa raptus.*

Ad secundum dicendum, quod in homine est duplex appetitus; scilicet *intellectivus*, qui dicitur voluntas, & *sensitivus*, qui dicitur sensualitas. Est autem proprium homini, ut appetitus inferior subdatur appetitu superiori, & superior moveat inferiorem. Dupliciter ergo homo secundum appetitum potest fieri extra seipsum. Uno modo, quando appetitus intellectivus totaliter in divina tendit, praetermissis his, ad quæ inclinat appetitus sensitivus. Et sic Dionys. dicit in de div. nomin. (*loc. cit. in arg.*) quod *Paulus ex uitæ divina amoris extasim faciente dicit: non ego, vivit vero in me Christus. Alio modo, quando praetermisso appetitu superiori, homo totaliter fieri in ea, quæ pertinent ad appetitum inferiorum.* Et sic illi

qui porcos pavit, sub semetipso cecidit. Et iste excessus, vel ecstasis plus appropinquat ad rationem raptus quam primus: quia scilicet appetitus superior est magis homini proprius. Unde quando homo ex violentia appetitus inferioris abstrahitur à motu appetitus superioris, magis abstrahitur ab eo quod est sibi proprium. Quia tamen nou est ibi violentia, eo quod voluntas potest resistere passioni, deficit à vera ratione raptus: nisi forte tam vehemens passio sit, quod usum rationis totaliter tollat; sicut contingit in his, qui propter vehementiam iræ, vel amoris insanunt. Considerandum, tamen, quod interque excessus secundum appetitum existens potest causare excessum cognoscitivæ virtutis; vel quia mens ad quædam intelligibilia rapiatur, alienata à sensibus; vel quia rapintur ad aliquam imaginariam visionem, seu phantasticam apparitionem.

Ad tertium dicendum, quod sicut amor est motus appetitus respectu boni, ita timor est motus appetitus respectu mali. Unde eadem ratione ex utroque potest causari excessus mentis; præsertim cum timor ex amore causetur, sicut August. dicit 14. de civ. Dei (cap. 7. à mod. & cap. 9. tom. 5.)

ARTICULUS III.

836

Utrum Paulus in raptu viderit Dei essentiam.

Ver. q. 13. a. 2. & 2. Cor. 12. lect. 1.

And Tertium sic proceditur. Videtur, quod Paulus in raptu non viderit Dei essentiam. Sicut enim de Paulo legitur, quod est raptus usque ad tertium cœlum; ita & de Petro legitur Act. 10, quod *ecclid super eum mentis excessus*; sed Petrus in suo excessu non vidit Dei essentiam, sed quædam imaginariam visionem: ergo videtur, quod nec Paulus Dei essentiam viderit.

2. Præterea, Visio Dei facit hominem beatum: sed Paulus in illo raptu non fuit beatus: alioquin numquam ad vitæ hujus miseriam rediisset; sed corpus ejus fuisset per redundantiam ab anima glorificatum, sicut erit in Sanctis post resurrectionem. Quod patet

Tom. VII.

Y

es-

esse falsum : ergo Paulus in raptu non vidit Dei essentiam.

3. Præterea. Fides, & spes esse non possunt simul cum visione divinæ essentiæ , ut habetur I. ad Cor. 13. Sed Paulus in statu illo habuit fidem , & spem , ergo non vidit Dei essentiam.

4. Præterea. Sicut August. dicit 12. super Gen ad litteram , (c. 6. & 7. tom. 3.) secundum visionem imaginariam quædam similitudines corporum videntur ut Paulus in raptu dicitur quasdam similitudines visiones ; puta tertii cœli , & paradisi , ut habetur 2. ad Cor. 12. ergo videtur esse raptus ad imaginariam visionem magis , quam ad visionem divinæ essentia.

Sed Contra , est quod August. determinat in libro de videndo Deum ad Paulinam , (sc. ep. 112. c. 13. fo. 2.) quod ipsa Dei substantia à quibusdam videri potest hic vita positis , sicut à Moyse , & Paulo , qui rapti audivit ineffabilia verba , quæ non licet homini loqui.

Respondeo dicendum , quod quidam dixerunt , Paulum in raptu non vidiisse ipsam Dei essentiam , sed quædam refolgentiam claritatis ipsius. Sed contrarium manifeste August. determinat , non solum in libro de videndo Deum , (loc. cit.) sed etiam 12. super Gen ad litteram , (c. 28. tom. 3.) & habetur in Glossa (ord. sup. illud : usque ad tertium cœlum) 2. ad Corinth. 12. Et hoc etiam ipsa verba Apostoli designantur dicit enim , se audivisse ineffabilia verba , quæ non licet homini loqui.

Hujusmodi autem videntur ea quæ pertinent ad visionem Beatorum , quæ excedit statum vix , secundum illud Isai. 64. Oculus non vidi , Deus , absque te , quæ preparasti diligentibus te. Et ideo convenientius dicitur quod Deum per essentiam vidi.

Ad primum ergo dicendum , quod mens humana vinitus rapitur ad contemplandam veritatem divinam tripliciter. Uno modo , ut contempletur eam per similitudines quasdam imaginarias : & talis fuit excessus mentis qui cecidit supra Petrum. Alio modo , ut contempletur veritatem divinam per intelligibiles effectus : hunc fuit excessus David dicentis : (Psalm. 115.) Ego dixi in excessu meo : omnis homo mendax. Tertio mo-

ut contempletur eam in sua essentia : & talis fuit raptus Pauli , & etiam Moysis. Et satis congrueret: nam sicut Moyses fuit primus Doctor Judæorum , ita Paulus fuit primus Doctor Gentium.

Ad secundum dicendum , quod divina essentia videri ab intellectu creato non potest, nisi per lumen gloriæ , de quo dicitur in Psal. 35. *In lumine tuo videbimus lumen.* Quod tamen duplicitate participari potest. *Uno modo* per modum formæ immanentis: & sic beatos facit Sanctos in patria. *Alio modo* per modum cuiusdam passionis traueseuntis , sicut dictum est (q. 171. a. 2.) *de lumine Prophetiarum:* & hoc modo lumen illud fuit in Paulo , quando raptus fuit. Et ideo ex tali visione non fuit simpliciter beatus , ut fieret redundantia ad corpus , sed solum secundum quid. Et ideo talis raptus aliquo modo ad Prophetiam pertinet.

Ad tertium dicendum , quod quia Paulus in raptu non fuit beatus habitualiter , sed solum habuit actum Beatorum , consequens est , ut simul tunc in eo non fuerit actus fidei : fuit tamen simul tunc in eo fidei habitus.

Ad quartum dicendum , quod nomine tertii cœli potest uno modo intelligi aliquid corporeum : & sic tertium cœlum dicitur cœlum empyreum , quod dicitur tertium respectu cœli aerei , & cœli siderei , vel potius respectu cœli siderei , & respectu cœli aquæ , siue crystalini : & dicitur raptus ad tertium cœlum , non quia raptus sit ad videndum similitudinem aliquius rei corporeæ , sed propter hoc quod totus ille est contemplationis Beatorum. Unde Glos. (cit. in princ. corp.) dicit 2. ad Corinth. 12. quod cœlum tertium est spirituale cœlum , ubi angelî , & sanctæ animæ fruuntur Dñe contemplatione : ad quod cum dicit se raptum , signet quod Deus ostendit ei vitam , in qua videndus est aeternum. *Allo modo* per tertium cœlum potest intelligi aliqua visio supermundana. Quæ potest dici tertium cœlum triplici ratione. *Uno modo* secundum ordinem potentiârum cognoscitivarum : ut primum cœlum dicatur visio supermundana corporalis , quæ fit per sensum ; sicut visa est manus scribentis in pariete Daniel. 5. Secundum autem cœlum sit visio imaginaria ; puta quam vidi Isaias & Joannes in Apocalypsi : *Tertium vero*

cœlum dicatur visio intellectualis, ut August. exponit
 12. super Gen. ad litteram. (cap. 28. tom. 3.) Secundus
 modo potest dici tertium cœlum secundum ordinem cog-
 noscibilium: ut primum cœlum dicatur cognitio cœle-
 stinum corporum: secundum cognitio cœlestium spirituum:
 tertium cognitio ipsius Dei. Tertio modo potest dici ter-
 tium cœlum contemplatio Dei secundum gradus cog-
 nitionis, qua Deus videtur: quorum primus pertinet
 ad angelos infimæ hierarchiæ: secundus ad angelos me-
 diae: tertius ad angelos supremæ, ut dicit Glos. (cit.
 in princ. corp.) 2. ad Cor. 12. Et quia visio Dei non
 potest esse sine delectatione, propterea non solum se-
 dicit raptum ad tertium cœlum ratione contemplationis,
 sed etiam in paradisum ratione delectationis consequentis.

ARTICULUS IV.

837

Utrum Paulus in raptu fuerit alienatus à sensibus.

I. q. 12. a. II. cor. 2^o vers. q. 10. a. II. corp. 8
 q. 13. a. 3. c. 2^o ad 4. 2^o a. 4. corp. & quol. I. a. I.
 cor. 2^o 2. Cor. 12. lect. 1.

A
*L*et. ad Quartum sic proceditur. Videlur, quod Paulus
 in raptu non fuerit alienatus à sensibus. Dicit enim
 August. 12. super Genes. ad litteram: (cap. 28. cō-
 med. tom. 3.) „Cur non credamus, quod tanto Apos-
 tolo doctori gentium rapto usque ad istam excellen-
 tissimam visionem voluerit Deus demonstrare vitam,
 „in qua post hanc vitam vivendum est in æternum?“
 Sed in illa vita futura Sancti post resurrectionem vi-
 debunt Dei essentiam, absqne hoc quod fiat abstra-
 ctio à sensibus corporeis: ergo nec in Paulo fuit in-
 jusmodi abstractio facta.

2. Præterea. Christus vere viator fuit, & con-
 nune visione divinæ essentiæ fruebatur; nec tamen fe-
 bat abstractio à sensibus: ergo nec fuit necessarium
 quod in Paulo fieret abstractio à sensibus, ad hoc quod
 essentiam Dei videret.

3. Præterea. Paulus, postquam Deum per essentiam
 viderat, memor fuit illorum, quæ in illa visione con-

10

pexerat : unde dicebat 2. ad Cor. 12. *Audivi arcana verba*, quæ non licet hominū loqui : sed memoria ad partem sensitivam pertinet, ut patet per Philosophum in lib. de memoria, & reminiscentia. (cap. 1. cir. med. tom. 2.) ergo videtur, quod etiam Paulus videndo Dei essentiam non fuerit alienatus à sensibus.

Sed Contra est, quod August. dicit 12. super Genes. ad litteram (cap. 27. in fin. tom. 3.) „Nisi ab hac vita quisque quodammodo moriatur, sive omnino exiens de corpore, sive aversus, & alienatus à carnalibus sensibus, in illam non subvenitur visionem.“

Respondeo dicendum, quod divina essentia non potest ab homine videri per aliam vim cognoscitivam, quam per intellectum. Intellectus autem humanus non convertitur ad intelligibilia, nisi mediantibus phantasmatibus, quæ per species intelligibiles à sensibus accipit, & in quibus considerans de sensibilibus judicat, & ea disponit. Et ideo in omni operatione, qua intellectus noster abstrahitur à phantasmatibus, necesse est, quod abstrahatur à sensibus. Intellectus autem hominis in statu viæ necesse est quod à phantasmatibus abstrahatur, si videat Dei essentiam. Nam enim per aliquod phantasma potest Dei essentia videri : quinno nec per aliquam speciem intelligibilem creatam, quia essentia Dei in infinitum excedit non solum omnia corpora, quorum sunt phantasma, sed etiam omnem intelligibilem creaturam. Oportet autem, cum intellectus hominis elevatur ad altissimam Dei essentiae visionem, ut tota mentis intentio illuc advocetur ; ita scilicet quod nihil intelligat aliud ex phantasmatibus, sed totaliter feratur in Deum. Unde impossibile est, quod homo in statu viæ videat Deum per essentiam sine abstractione à sensibus.

Ad primum ergo dicendum, quod sicut dictum est, (art. præc. arg. 2.) post resurrectionem in Beatis Dei essentiam violentibus fiet redundantia ab intellectu ad inferiores vires, & usque ad corpus : unde secundum ipsam regulam divinæ visionis anima intendet phantasmatibus, & sensibilibus. Talis autem redundantia non fit in his qui rapiuntur, sicut dictum est. (a. præc. ad 2.) Et ideo non est similis ratio.

Ad secundum dicendum, quod intellectus animæ Christi erat glorificatus per habituale lumen gloriae, quo divinam essentiam videbat multo amplius, quam aliquis angelus, vel homo. Erat autem viator propter corporis passibilitatem, secundum quam paulo minus ab angelis minorabatur, ut dicitur ad Heb. 2. dispensative, & non propter aliquem defectum ex parte intellectus. Unde non est similis ratio de eo, & de aliis viatoriis.

Ad tertium dicendum, quod Paulus, postquam ce-
savit videre Dei essentiam, memor fuit illorum, quo
in illa visione cognoverat per alias species intelligi-
biles habitualiter ex hoc in ejus intellectu relictas
sicut etiam abeunte sensibili, remanent aliqua impre-
siones in anima, quas postea conferens ad phantasmatum
memoratur. Unde nec totam illam cognitionem au-
gitare poterat, aut verbis exprimere.

ARTICULUS V.

818

**Utrum anima Pauli in statu illo fuerit totaliter à corpore
separata.**

**Inf. a. 6. & ver. q. 13. a. 5. corp. & 2. Cor. 12.
lect. 1. fin.**

Ad Quintum sic proceditur. Videtur, quod anima Pauli in statu illo fuerit totaliter à corpore separata. Dicit enim Apost. 2. ad Cor. 5. *Quandiu sumus in corpore, peregrinamur à Domino; per fidem enim ambulan- & non per speciem: sed Paulus in statu illo non pe- regrinabatur à Domino; quia videbat Deum per speciem,* ut dicum est: (a. 3. huj. q.) ergo non erat in corpore.

2. Præterea. Potentia animæ non potest elevari super ejus essentiam, in qua radicatur: sed intellectus, qui est potentia animæ, in raptu fuit à corporalibus abstractus per elevationem ad divinam contemplationem: ergo multo magis essentia animæ, fuit separata à corpore.

3. Præterea. Vires animæ vegetabilis sunt magis materiales, quam vires animæ sensitivæ: sed oportebat intellectum abstrahi à viribus animæ sensitivæ, ut dic- tum

tum est, (a. præc.) ad hoc ut raperetur ad videndam divinam essentiam: ergo multo magis oportebat, quod abstraheretur à viribus animæ vegetabilis, quarum operatione cessante, jam nullo modo remanet anima corpori conjuncta: ergo videtur, quod oportuit in raptu Pauli animam totaliter à corpore esse separatam.

Sed Contra est, quod Augustin. dicit in Epist. ad Paulinam de videndo Deum: (*quaæ est 112. cap. 13. ante med. tom 2.*) „Non incredibile est, etiam qui,, busdam Sanctis nondum ita defunctis, ut sepienda „eorum cadavera remanerent, eis istam excellentiam „revelationis fuisse concessam,“ ut scilicet viderent Deum per essentiam: non ergo fuit necessarium, ut in raptu Pauli anima ejus totaliter separaretur à corpore.

Respondeo dicendum, quod, sicut supra dictum est, (*art. 1. huj. quæst.*) in raptu, de quo nunc loquimur, virtute divina elevatur homo ab eo quod est secundum naturam, in id quod est supra naturam. Et ideo *duo* considerare oportet. *Primo* quidem, quid sit homini secundum naturam: *Secundo*, quid divina virtute in homine sit fiendam supra naturam.

Ex hoc autem quod anima corpori unitur, tanquam naturalis forma ipsius, convenit animæ naturalis habitudo ad hoc, quod per conversionem ad phantasmatæ intelligat. Quod quidem ab ea non auferitur divina virtute in raptu; quia non mutatur status ejus, ut dictum est: (*art. 3. huj. quæst. ad 3.*) Manente autem hoc statu, auferitur ab anima actualis conversio ad phantasmatæ, & sensibilia, ne impediatur ejus elevatio in id, quod excedit omnia phantasmatæ, ut dictum est. (*art. præc.*) Et ideo „in raptu non fuit necessarium, quod „anima sic separetur à corpore, ut ei non uniretur „quasi forma. Fuit autem necessarium, intellectum ejus „abstrahi à phantasmatisbus, & sensibilium percep- „tione.“

Ad primum ergo dicendum, quod Paulus in raptu illo peregrinabatur à Domino quantum ad statum; quia adhuc erat in statu viatoris: non autem quondam actum, quo videbat Deum per speciem, ut ex predictis patet. (*a. 3. huj. q. ad 2. & 3.*)

Ad secundum dicendum, quod potentia animæ vir-

tute naturali non elevatur super modum convenientem essentiæ ejus : virtute tamen divina potest in aliquid altius elevari : sicut corpus per violentiam fortioris virtutis elevatur supra locum convenientem sibi secundum speciem suæ naturæ.

Ad tertium dicendum , quod vires animæ vegetabilis non operantur ex intentione animæ , sicut vires sensitivæ , sed per modum naturæ . Et ideo non requiriunt ad raptum ab eis abstractio : sicut à potentiis sensitivis , per quarum operationes minueretur intentio animæ circa intellectivam cognitionem .

ARTICULUS VI.

839

Utrum Paulus ignoraverit , an anima ejus fuerit à corpore separata .

Ver. q. 13. a. 5. & 2. Cor. 12. lect. 1. fin.

And Sextum sic proceditur . Videtur , quod Paulus non ignoraverit , an ejus anima fuerit à corpore separata . Dicit enim ipse 2. ad Corinti . 12. *Scio hominem in Christo raptum usque ad tertium cælum :* sed homo nominat compositum ex anima , & corpore : raptus etiam differt à morte : videtur ergo , quod ipse sciverit , animam non fuisse per mortem à corpore separatam ; præsertim quia hoc communiter à Doctoribus ponitur .

2. Præterea . Ex eisdem Apostoli verbis patet , quod ipse scivit quo raptus fuerit , quia in tertium cælum . Sed ex hoc sequitur , quod sciverit utrum in corpore fuerit , vel non ; quia si scivit tertium cælum esse aliquid corporeum , consequens est , quod sciverit animam suam non esse à corpore separatam ; quia visio rei corporæ non potest fieri nisi per corpus . Ergo videtur , quod non omnino ignoraverit , an anima fuerit à corpore separata .

3. Præterea . Sicut August. dicit 12. super Gen. ad litteras : (c. 28. tom. 3.) *Ipse in raptu vidi illa visione Deum , qua vident Sancti in patria :* sed Sancti ex hoc ipso quod vident Deum , sciunt an animæ eorum sint à corporibus separatae : ergo & Paulus hoc scivit .

Sed

Sed Contra est, quod dicitur : ad Cor. 12. *Sive in corpore, sive extra corpus nescio, Deus scit.*

Respondeo dicendum, quod hujusmodi quæstionis veritatem accipere oportet ex ipsis Apostoli verbis, quibus dicit se aliquid scire, scilicet se raptum esse usque ad tertium cœlum, & aliquid nescire, scilicet *utrum in corpore, aut extra corpus.* Quod quidem potest intelligi dupliciter. Uno modo, ut hoc quod dicitur, *Sive in corpore, sive extra corpus,* non referatur ad ipsum esse hominis rapti, quasi ignoraverit, an anima ejus esset in corpore, an non ; sed ad modum raptus, ut scilicet ignoraverit an corpus ejus fuerit simul raptum cum anima in tertium cœlum, vel non, sed solum anima : sicut Ezech. 8. dicitur, quod adductus est in visionibus Dei in Hierusalem. Et hunc intellectum fuisse eiusdem Judæi exprimit Hieronym. in Prologo super Daniel. (versus fin. epist. 120.) ubi dicit : *Denuo et Apostolum nostrum, (scil. dicebat Judæus) non fuisse asum affermare se in corpore raptum, sed dixisse : Sive in corpore, sive extra corpus nescio.*

Sed hunc sensum reprobat Aug. 12. super Genes. ad litteram, (c. 2. 3. 4. et 28. tom. 3.) per hoc quod Apostolus dicit, scivisse se esse raptum usque in tertium cœlum. Sciebat ergo verum esse tertium cœlum id, in quod raptus fuit, & non similitudinem imaginariam tertii cœli : alioquin si tertium cœlum nominavit phantasma tertii cœli, pari ratiore dicere potuit, se in corpore raptum, nominans corpus proprii corporis phantasma, quale apparet in somniis : si autem sciebat, esse vere tertium cœlum, sciebat ergo, aut esse aliquid spirituale, & incorporeum ; & sic non poterat corpus ejus illuc rapi : aut esse aliquid corporeum : & sic anima non posset illuc sine corpore rapi, nisi separaretur à corpore. Et ideo oportet secundum alium sensum intellegere ; ut scilicet Apostolus sciverit, quod fuerit raptus secundum animam, & non secundum corpus : nesciverit tamen, qualiter se haberet anima ad corpus, utrum scilicet fuerit sine corpore, vel non.

Sed circa hoc diversimode aliqui loquuntur. Quidam enim dicunt, quod Apostolus scivit, quod anima sua erat corpori unita ut forma ; sed nescivit utrum esset

passus alienationem à sensibus, vel etiam utrum esset facta abstractio ab operibus animæ vegetabilis: sed quod fuerit facta abstractio ab operibus animæ vegetabilis: sed quod fuerit facta abstractio à sensibus, hoc non potuit ignorare, ex quo scivit se raptum: quod autem fuerit facta abstractio ab operibus animæ vegetabilis, non erat tantum aliquid, ut de hoc oportet tam sollicitam fieri mentionem. Unde relinquitur, quod nescivit Apostolus, utrum anima ejus fuerit conjuncta corpori ut forma, vel à corpore separata per mortem. *Quidam* autem hoc concedentes dicunt, quod Apostolus tunc non perpendit, quando rapiebatur, quia tota ejus intentio conversa erat in Deum: sed postmodum percepit, considerans ea quæ viderat. Sed hoc etiam contrariatur verbis Apostoli, qui distinguit in verbis suis præteritum à futuro: dicit enim in presenti se scire, quod fuit raptus ante annos quatuordecim, & se in præsenti nescire, utrum in corpore fuit, vel extra corpus.

Et ideo dicendum est quod *et prius, et postea nescivit* utrum ejus anima fuit à corpore separata. Unde August. dicit 12. super Gen. ad lit. (cap. 5, tom. 3.) *post longam inquisitionem concludens: restat ergo fortasse, ut hoc ipsum eum ignorasse intelligamus, utrum quando in tertium cælum raptus est, in corpore fuit anima, quando est anima in corpore, cum corpus vides dicitur sive vigilantis, sive dormientis, sive in extasi à sensibus corporis alienati, an omniō de corpore exierit, ut mortuum corpus jaceret.*

Ad primum ergo dicendum, quod per synecdochen quandoque pars hominis homo nominatur; & præcipue anima; quæ est pars hominis eminentior.

Quamvis enim possit intelligi, eum, quem raptum dicit, non tunc fuisse hominem: quando raptus fuit, sed post annos quatuordecim. Unde dicit: *Scio hominem, non dicit: Scio raptum hominem.* Nihil etiam prohiberet, mortem divinitus procuratam raptum dicit. Et sic August. dicit 12. super Gen. ad litteram, (c. 3. à med. tom. 3.) *Dicitante inde Apostolo, quis nostrum unde certus esse audeat?* Unde qui super hoc loquuntur, magis conjecturaliter, quam per certitudinem loquuntur.

Ad

Ad secundum dicendum, quod Apostolus scivit, vel illud cœlum esse quid corporeum, vel aliquid incorporeum à se visum in illo cœlo; cum hoc potuerit fieri per intellectum ejus, etiam si anima ejus non esset à corpore separata.

Ad tertium dicendum, quod visio Pauli in raptu quantum ad aliquid fuit similis visioni Beatorum, sc. quantum ad id quod videbatur: & quantum ad aliquid dissimilis, sc. quantum ad modum videndi: quia non ita perfecte vidit, sicut Sancti qui sunt in patria. Unde August. dicit 12. super Geu. ad lit. (c. 36. à med. tom. 3.) quamvis Apostolo arrepto à carnis sensibus in tertium cœlum hoc desult ad plenam, perfectamque cognitionem rerum, quæ Angelis inest, quod sive in corpore, sive extra corpus esset, nesciebat: & hoc u'ique non deerit receptis corporibus in re. urrectione mortuorum, cum corruptibile huc induerit incorruptionem.

QUÆSTIO CLXXVI.

De gratia Linguarum, in duos articulos divisa.

Deinde considerandum est de gratiis gratis datis quæ pertinent ad locutionem.

Et primo de gratia linguarum. Secundo de gratia sermonis sapientiæ, seu scientiæ.

Circa primum queruntur duo.

Primo. Utrum per gratiam linguarum homo adipiscatur scientiam omnium linguarum.

Secundo. De comparatione hujus doni ad gratiam Prophetiæ.

ARTICULUS I.

840

Utrum illi qui consequerantur donum linguarum, loquerantur omnibus linguis.

1. Cor. 14. lect. 1. & lect. 4. à princ.

And Primum sic proceditur. Videtur, quod illi qui consequerantur donum linguarum, non loquerantur omni-

nibus linguis. Illud enim quod divina virtute aliquibus conceditur, optimum est in suo genere: sicut Dominus aquam convertit in vinum bonum, sicut dicitur Joan. 2. Sed illi qui habuerunt donum linguarum melius loquebantur in propria lingua: dicit enim Glos. ad Hebr. 1. (ord. sup. Argumentum in eam Epist.) non esse mirandum, quod Evista ad Hebreos majore reliet facundia, quam aliae, cum naturale sit uicelique plus in sua, quam in aliena lingua valere: cæteras enim Epistolas Apostolus peregrino, id est, Græco sermonem composuit, hanc autem scripsit Hebraica lingua: non ergo per gratiam gratis datum Apostoli acceperunt scientiam omnium linguarum.

2. Præterea. Natura non facit per multa, quod potest fieri per unum; & multo minus Deus, qui ordinatus, quam natura operatur: sed poterat Deus facere, ut unam linguam loquentes ejus discipuli ab omnibus inteligerentur; unde sup. illud Act. 2. Auditbat uanu quisque lingua sua illos loquentes, dicit Glos. (ordin. Bedæ) quod linguis omnibus loquebantur, vel *sic*, id est, Hebraica lingua, loquentes ab omnibus intelligebantur, ac si propriis singulorum loquerebantur: ergo videtur, quod non habuerunt scientiam loquendi omnibus

3. Præterea. Omnes gratiæ derivantur à Christo in corpus ejus, quod est Ecclesia, secundum illud Joan. 1. De plenitudine ejus omnes accepimus: sed Christus non legitur fuisse locutus nisi una lingua; nec etiam nunc fidèles singuli nisi una lingua loquuntur: ergo videtur, quod discipuli Christi non acceperunt ad hoc gratiam, ut omnibus linguis loquerebantur.

Sed Contra est, quod dicitur Act. 2, quod repli sunt omnes Spiritu sancto, & coeperunt locū variis linguis, prout Spiritus sanctus dabat eloquī illis; ubi dicit Glos. Gregorii, (hom. 30. in Evang. parum ante med.) quod Spiritu sanctus super discipulos in igneis linguis apparuit, & eis omnium linguarum scientiam dedit.

Respondeo dicendum, quod primi discipuli Christi ad hoc fuerunt ab ipso electi, ut per universum orbem discurrentes, fidem ejus ubique prædicarent; secundum illud Math. ult. Eudes docere omnes gentes. Non autem erat conveniens, ut qui militabant ad alios

alios instruendos , indigerent aliis iustri , qualiter aliis loquerentur , vel qualiter quæ alii loquerentur , intellexerent : præsertim quia isti , qui mittebantur , erant unius gentis , scilicet Judææ , secundum illud Is. 27. *Qui egredientur impetu à Jacob , implebunt faciem orbis semine.* Illi etiam , qui mittebantur , pauperes , & impotentes erant ; nec de facilis à principio reperissent , qui eorum verba aliis fideliter interpretarentur , vel verba aliorum eis exponerent , maxime quia ad infideles mittebantur. Et ideo necessarium fuit , ut super hoc eis divinitus provideretur per donum linguarum : ut sicut gentibus ad idolatriam declinantibus , introducta est diversitas linguarum , sicut dicitur Gen. 11. ita etiam quando erant gentes ad cultum unius Dei revocandæ contra hujusmodi diversitatem remedium adhiberetur per donum linguarum.

Ad primum ergo dicendum , quod , sicut dicitur I. ad Corint. 12. *manifestatio spiritus datur ad utilitatem.* Et ideo sufficienter & Paulus , & alii Apostoli fuerunt instructi divinitus in linguis omnium gentium , quantum requirebatur ad fidei doctrinam : sed quantum ad quædam , quæ superadduntur humana arte ad ornatum , & elegantiam locutionis , Apostolus instructus erat in propria lingua , non autem in aliena : sicut etiam in sapientia , & scientia fuerunt sufficienter instructi , quantum requirebat doctrina fidei , non autem quantum ad omnia , quæ per scientiam acquisitam cognoscuntur ; puta de conclusionibus Arithmetice , vel Geometrie.

Ad secundum dicendum , quod quamvis utrumque fieri posuisset , scilicet quod per unam linguam loquentes ab omnibus intellexerentur , aut quod omnibus linguis loquerentur : tamen convenientius fuit , quod ipsi omnibus linguis loquerentur ; quia hoc pertinebat ad perfectionem scientie ipsorum , per quam non solum loqui , sed intelligere poterant , quæ ab aliis dicebantur. Si autem omnes unam eorum linguam intellexissent , hoc vel fuisset per scientiam illorum , qui eos loquentes intellexerent , vel fuisset quasi quædam illusio , dum aliorum verba aliter ad eorum aures perferrentur , quam ipsi ea proferrent. Et ideo Glos. (ord. Bedæ) dicit Actor.

tor. 2. quod majori miraculo factum est , quod ipsi omnium linguarum generibus loquerentur. Et Paulus dicit i. ad Corinth. 14. *Gratias ago Deo meo , quod omnium vestrum lingua loquor.*

Ad quartum dicendum , quod Christi in propria persona ubi solum genti prædicaturus erat , scilicet Iudeis. Et ideo quamvis ipse absque dubio haberet perfectissime scientiam omnium linguarum , non tamen oportuit quod omnibus linguis loqueretur. Ideo autem , ut August. dicit super Joan. (Tract. 32. cir. med. tom. 9.) *cum et modo Spiritus sanctus accipiatur , nemo loquitur linguis omnium gentium , quia jam ipsa Ecclesia linguis omnium gentium loquitur ; in qua quia non est , non accipit Spiritum sanctum.*

ARTICULUS II.

841

Utrum donum linguarum sit excellentius , quam gratia Prophetiae.

And Secundum sic proceditur. Videtur , quod donum linguarum sit excellentius , quam gratia Prophetiae. Quia enim sunt melioribus propria , videntur esse meliora secundum Philos. in 3. Topic. (cap. 2. in explicat. loci 12. tom. 1.) Sed donum linguarum est proprium novi testamenti ; unde cantatur in Sequentia Pentecostes : *Ipse hodie Apostolos Christi donans munere insolito , et cunctis inaudito saepe ulit : Prophetia autem magis competit veteri Testamento : secundum illud ad Hebr. 1. Multis am , multique modis olim Deus loquens Patriam in Prophetis : ergo videtur , quod donum linguarum sit excellentius , quam donum Prophetiae.*

2. Præterea. Illud , per quod ordinamus ad Deum , videtur excellentius esse eo , per quod ordinamus ad homines ; sed per donum linguarum homo ordinatus ad Deum , per Prophetiam autem ad homines : dicitur enim I. ad Cor. 14. *Qui loquitur lingua , non hominibus loquitur , sed Deo : qui autem prophetat , hominibus loquitur ad edificationem : ergo videtur , quod donum linguarum sit excellentius , quam Prophetiae.*

3. Præterea. Donum linguarum habitualiter permanet in habente ipsum , & homo habet in potestate uti

eo;

eo, cum voluerit, unde dicitur 1. ad Cor. 14. *Gratias ago Deo meo, quod omnium vestrum lingua loquor: non autem sic est de dono Prophetiae, ut supra dictum est: (q. 171. a. 2.) ergo donum linguarum videtur esse excellentius, quam donum Prophetiae.*

4. Præterea. Interpretatio sermonum videtur contineri sub Prophetia; quia Scriptura eodem spiritu exponuntur, quo sunt editæ: sed interpretatio sermonum 1. ad Corinath. 12. ponitur post genera linguarum: ergo videtur, quod donum linguarum sit excellentius quam donum prophetiae, maxime quantum ad aliquam ejus partem.

Sed Contra est, quod Apostolus dicit 1. ad Corinth. 14. *Maior est, qui prophetat, quam qui loquitur linguis.*

Respondeo dicendum, quod donum Prophetiae excedit donum linguarum tripliciter,

Primo quidem, quia donum linguarum refertur ad diversas voces proferendas, quæ sunt signa alicujus intelligibilis veritatis, cujus etiam signa sunt quædam ipsa phantasmatæ, quæ secundum imaginariam visionem apparent. Unde & Augustinus 12. super Gen. ad lit. (cap. 8. tom. 3.) comparat donum linguarum visioni imaginariae. Dicitur est autem supra (q. 273. a. 2.) quod donum Prophetiae consistit in ipsa illuminatione mentis ad cognoscendam intelligibilem veritatem. Unde sicut propheticæ illuminatio excellentior est, quam imaginaria visio, ut supra habitum est; (q. 174. a. 2.) ita etiam excellentior est Prophetia, quam donum linguarum, secundum se consideratum. *Secundo*, quia donum Prophetiae pertinet ad rerum notitiam, quæ est nobilior, quam notitia vocum, ad quam pertinet donum linguarum. *Tertio*, quia donum Prophetiae est utilius. Et hoc quidem probat Apostolus 1. ad Cor. 14. tripliciter. *Primo* quidem, quia Prophetia est utilior ad ædificationem Ecclesie, ad quam qui loquitur linguis, nihil prodest, nisi expositio sobequatur. *Secundo* quantum ad ipsum loquentem, qui si acciperet, ut loqueretur diversis linguis, sine hoc quod intelligeret, quod pertinet ad propheticum donum, mens ejus non adiñcetur. *Tertio* quantum ad infideles, propter quos præcipue esse videtur datum donum linguarum; qui quidem

dem forte eos, qui loquerentur linguis, reputarent insanos: sicut & Judæi reputaverunt ebrios Apostolos linguis loquentes, ut dicitur Actor. 2. Per Prophetias autem infideles convincuntur, manifestatis absconditis cordis fui.

Ad primum ergo dicendum, quod, sicut supra dictum est, (q. 174. a. 2. ad 1.) ad excellentiam Prophetiae pertinet, quod aliquis non solum illuminetur intelligibili lumine, sed etiam percipiat imaginariam visionem. Ita etiam ad perfectionem operationis Spiritus sancti pertinet, quod non solum impleat mentem lumine propheticō, & phantasiam imaginaria visione, sicut erat in veteri Testamento; sed etiam exteriorius linguam erudiat ad varia signa locutionum profienda; quod totum fit in novo Testamento, secundum illud I. ad Cor. 14. *Unusquisque vestrum psalmum habet doctrinam habet, lingua habet, apocalypsim, id est, propheticam revelationem, habet.*

Ad secundum dicendum, quod per donum Prophetiae homo ordinatur ad Deum secundum mentem; quod est nobilior, quam ordinari ad eum secundum linguam. Dicitur autem, quod ille, qui loquitur lingua, non loquitur hominibus, id est, ad intellectum hominum, vel utilitatem eorum, sed ad intellectum solius Dei, & ad laudem ejus; sed per Prophetiam ordinatur aliquis & ad Deum, & ad proximum. Unde est perfectius donum.

Ad tertium dicendum, quod revelatio prophetica se extendit ad omnia supernatura cognoscenda. Unde ex ejus perfectione contingit, quod in statu imperfectionis hujus vitæ non potest haberi perfecte per modum habitus, sed imperfecte per modum coiusdam passionis. Sed donum linguarum se extendit ad cognitionem quandam particularem, scilicet vocum humarum: & ideo non repugnat imperfectioni hujus vitez, quod perfecte, & habitualiter habeatur.

Ad quartum dicendum, quod interpretatio sermonum potest reduci ad donum Prophetiae; in quantum scilicet mens illuminatur ad intelligendum, & expoundendum, quæcumque sunt in sermonibus obscura; sive propter difficultatem rerum significatarum, sive etiam prop.

propter ipsas voces ignotas, quæ proferuntur, sive etiam propter similitudines rerum adhibitas, secundum illud Dau. 5. *Audivi de te, quod possis obscura interpretari, & ligata dissolvere.* Unde interpretatio sermonum est potior, quam donum linguarum; ut patet per illud quod Apostolus dicit 1. ad Cor. 14. *Major est, qui prophetat, quam qui loquitur linguis, nisi forte interpretetur.* Postponitur autem interpretatio sermonum dono linguarum, quia etiam ad interpretandum diversa linguarum genera interpretatio sermonum se extendit.

QUÆSTIO CLXXVII.

De gratia gratis data, quæ consistit in sermone, in duos articulos divisa.

Beinde considerandum est de gratia gratis data, quæ consistit in sermone; de qua dicit Apostolus 1. ad Corint. 12. *Alli datur per spiritum sermonalis sapientia, sermo scientia.*

Et circa hoc queruntur duo.

Primo. Utrum in sermone consistat aliqua gratia gratis data.

Secundo. Quibus haec gratia competit.

ARTICULUS I.

Utrum in sermone consistat aliqua gratia gratis data.

And Primum sic proceditur. Videtur, quod in sermone non consistat aliqua gratia gratis data. Gratia enim datur ad id, quod excedit facultatem naturæ: sed ex naturali ratione adinventa est ars Rhetorica, per quam aliquis potest sic dicere, ut doceat, ut delectet, ut sectat, sicut Augustinus dicit in 4. de doct. Christ. (cap. 12. in præc. tom. 3.) Hoc autem pertinet ad gratiam sermonis: ergo videtur, quod gratia sermonis non sit gratia gratis data.

2. Præterea. Omnis gratia ad regnum Dei pertinet:

sed Apostolus dicit 1. ad Cor. 4. Non in sermone est regnum Dei , sed in virtute : ergo in sermone non consistit aliqua gratia gratis data.

3. Præterea. Nulla gratia datur ex meritis ; quia si ex operibus , jam non est gratia , ut dicitur ad Rom. 11. Sed sermo datur alicui ex meritis , dicit enim Greg. (lib. II. Mar. cap. 9) exponens illud Psalm. 118. Non auferas de ore meo verbum veritatis , quod verbum veritatis est , quod omnipotens Deus facientibus tribuit , & non facientibus tollit : ergo videtur , quod donum sermonis non sit gratia gratis data.

4. Præterea. Sicut necesse est , quod homo per sermonem pronuntiet ea , quæ pertinent ad donum sapientiæ , vel scientiæ ; ita etiam ea , quæ pertinent ad virtutem fidei : ergo si ponitur sermo sapientiæ , & sermo scientiæ gratia gratis data , pari ratione deberet poni sermo fidei inter gratias gratis datas.

Sed in contrarium est , quod dicitur Ecclesiast. 6. Lingua eucharis , id est , grata , in bono homine abundabit : sed bonitas hominis est ex gratia : ergo etiam grata sermonis.

Respondeo dicendum , quod gratiæ gratis datæ datur ad utilitatem aliorum , ut supra dictum est. (1. 2. q. III. a. I. & 4.) Cogitio autem , quam aliquis à Deo accipit , in utilitatem alterius converti non possit , nisi mediante locutione. Et quia Spiritus sanctos non deficit in aliquo , quod pertinet ad Ecclesiæ utilitatem , etiam „ providet membris Ecclesiæ in locutione , non solum ut aliquis sic loquitur , ut à diuersis possit intelligi , quod pertinet ad donum linguarum : sed etiam quod efficaciter loquitur ; quod pertinet ad gratiam sermonis.“

Et hoc tripliciter. Primo quidem ad istruendum intellectum : quod fit , dum aliquis sic loquitur , quod doceat. Secundo ad moveendum affectum , ut scilicet libenter audiat verbum Dei : quod fit , dum aliquis sic loquitur , quod auditores delectet : quod non debet aliquis querere propter favorem suam , sed ut homines alliciantur ad audiendum verbum Dei. Tertio ad hoc quod aliquis amet ea , quæ verbis significantur , & velit etiam plere : quod fit , dum aliquis sic loquitur , quod audi-

ditorem flectat : ad quod quidem efficiendum Spiritus sanctus utitur lingua hominis , quasi quodam instrumento ; ipse autem est , qui perficit operationem interiorum . Unde Gregor. dicit in Hom. Pentecostes : (quæ est 30. in Evang. inter præc. & med. lib. 29. Moral. cap. 13.) *Nisi corde auditorum Spiritus sanctus replete, ad aures corporis vox docentium incassum sonat.*

Ad primum ergo dicendum ; quod sicut miraculose Deus quandoque operatur quodam excellentiori modo etiam quæ natura potest operari : ita etiam Spiritus sanctus excellentius operatur per gratiam sermonis id , quod potest ars operari inferiori modo.

Ad secundum dicendum , quod Apostolus ibi loquitur de sermone , qui innititur humanæ eloquentiæ absque virtute Spiritus sancti : nūde præmisit : *Cognoscam non sermonem eorum , qui instati sunt , sed virtutem.* Et de seipso præmisserat sup. cap. 2. *Sermo meus , & prædicatione mea non fuit in perspicibilitibus humanæ sapientiæ verbis , sed in operatione spiritus , & virtutis.*

Ad tertium dicendum , quod , sicut dictum est , (in corp. a.) gratia sermonis datur alicui ad utilitatem aliorum . Unde quandoque subtrahitur propter auditoris culpam , quandoque autem propter culpam ipsius loquentis . Bona autem opera utriusque non mereantur directe hanc gratiam , sed solum impediunt humus gratiæ impedimenta . Nam etiam gratia gratum faciens subtrahitur propter culpam : non tamen eam mereatur aliquis per bona opera , per quæ tollitur tantum gratiæ impedimentum .

Ad quartum dicendum , quod , sicut dictum est , (in corp. ar.) gratia sermonis ordinatur ad utilitatem aliorum : Quod autem aliquis fidem suam aliis communiceat , sit per sermonem scientiæ , sive sapientiæ . Unde Augustinus dicit 14. de Trinitate (c. à med. tom. 3.) quod scire quemadmodum fides & p[ro]lis opituletur , & contra impios defendatur , videtur , Apostolus scientiam appellare . Et ideo non oportuit , quod posset sermonem fidei , sed sufficerit ponere sermonem scientiæ & sapientiæ .

ARTICULUS II.

843

Utrum gratia sermonis, sapientiae, & scientiae pertineat etiam ad mulieres.

Ad Secundum sic proceditur. Videtur, quod gratia sermonis, sapientiae, & scientiae pertineat etiam ad mulieres. Ad hujusmodi enim gratiam pertinet doctrina, sicut dictum est: (*ar. præc.*) sed docere competit mulieri: dicitur enim Proverb. 4. *Unigenitus filiorum matre mea, & docebat me: ergo hæc gratia competit mulieribus.*

2. Præterea. Major est gratia Prophetie, quam gratia sermonis, sicut major est contemplatio veritatis, quam ejus enuntiatio: sed Prophetia conceditur mulieribus: sicut legitur *Judic.* 4. de Debora: & 4. *Reg.* 22. de Olda Prophetissa uxore Sellum: & *Act.* 21. de quatuor filiabus Philippi: Apostolus etiam dicit *I. ad Corinth.* 11. *Omnis mulier orans, aut prophetans &c.* ergo videtur, quod multo magis gratia sermonis competit mulieri.

3. Præterea. *I. Petri* 4. dicitur: *Unusquisque sicut accepit gratiam, in alterutrum illam administrantes: sed quædam mulieres accipiunt gratiam sapientiae, & scientiae quam non possunt aliis administrare, nisi per gratiam sermonis: ergo gratia sermonis competit mulieribus.*

Sed Contra est, quod *Apost.* dicit *I. ad Corin.* 14. *Mulieres in Ecclesiis taceant.* Et *I. ad Tim.* 2. *Docere mulieri non permitto: Hoc autem præcipue pertinet ad gratiam sermonis: ergo gratia sermonis non competit mulieribus.*

Respondeo dicendum, quod sermone potest aliquis uti tripliciter: uno modo privatim ad unum, vel paucos, familiariter colloquendo: Et quantum ad hoc gratia sermonis potest competere mulieribus.

Alio modo publice alloquendo totam Ecclesiam: Et hoc mulieri non conceditur. Primo quidem, & principiter propter conditionem feminæ sexus, qui debet esse subditus viro, ut patet *Gen.* 3. Docere autem, & persuadere publice in Ecclesia non pertinet ad subdi-

tos, sed ad Prælatos : magis tamen viri subditi ex commissione possunt exequi : quia non habent hujusmodi subjectionem ex naturali sexu, sicut mulieres, sed ex aliquo accidentaliter superveniente. Secundo, ne animi hominum allicantur ad libidinem ; dicitur enim Ecclæs. 9. *Colloquium illius quasi ignis ex ardescit.* Tertio, quia communiter mulieres non sunt in sapientia perfectæ, ut eis possit convenienter publica doctrina committi.

Ad primum ergo dicendum, quod illa auctoritas loquitur de doctrina privata, qua mater filium eredit.

Ad secundum dicendum, quod gratia Prophetæ attenditur secundum mentem illuminatam à Deo : Ex qua parte non est in hominibus sexuum differentia secundum illud ad Coloss. 3. *Lividentes novum hominem, qui renovatur secundum imaginem ejus, qui creavit eum, ubi non est masculus neque feminus.* Sed gratia sermonis pertinet ad instructionem hominum, inter quos differentia sexuum invenitur. Unde non est similis ratio de utroque.

Ad tertium dicendum, quod gratiam divinitus acceptam diversimode aliqui administrant secundum diversitatem conditionis ipsorum. Unde mulieres, si gratiam sapientæ, aut scientiæ habeant, possunt eam administrare secundum privatam doctrinam, non autem secundum publicam.

Q UÆ S T I O C L X X V I I I .

De gratia miraculorum, in duos articulos divisa.

Deinde considerandum est de gratia miraculorum.

Et circa hoc queruntur duo.

Primo, Utrum sit aliqua gratia gratis data faciendi miracula.

Secundo Quibus conveniat.

ARTICULUS I.

Utrum sit aliqua gratia gratis data ad miracula facienda.

3. contra c. 154. *V* po. q. 6. a. 4. corp. fin. *V* a. 9.
ad 1. *V* opusc. 3. c. 222.

Ad Primum sic proceditur. Videtur, quod nulla gratia gratis data ordinetur ad miracula facienda. Omnis enim gratia ponit aliquid in eo, cui datur: sed operatio miraculorum non ponit aliquid in anima hominis: cui datur: quia etiam ad tactum corporis mortui miracula sunt: sicut legitur 4. Reg. 13. quod quidam projecerunt cardaver in sepulchro Heliæ, quod cum tetigisset osa Heliæ, revixit homo, *V* stetit super pedes suos: ergo operatio miraculorum non pertinet ad gratiam gratis datam.

2. Præterea. Gratiae gratis datae sunt à Spiritu sancto, secundum illud 1. ad Corinth. 12. *Divisiones gloriarum sunt, idem autem spiritus;* sed operatio miraculorum fit etiam à spiritu immundo, secundum illud Matth. 24. *Surgent pseudochristi, *V* pseudoprophetæ, *V* dabunt signa, *V* prodicia magna:* ergo videtur, quod operatio miraculorum non pertineat ad gratiam gratis datam.

3. Præterea. Miracula distinguuntur per signa, & prodicia, sive portenta, & per virtutes: inconvenienter ergo ponitur operatio virtutum potius gratia gratis data, quam operatio prodigiorum; sive signorum.

4. Præterea. Miraculosa reparatio sanitatis per diuinam virtutem fit: ergo non debet distingui gratia subnitatum ab operatione virtutum.

5. Præterea. Operatio miraculorum consequitur sibi, vel facientis, secundum illud 1. ad Cor. 13. *Si habuero omnia fidem, ita ut montes transfram;* etiam aliorum, propter quos miracula sunt: unde dicitur Matth. 13. *Et non fecit ibi virtutes multas propter incredulitatem illorum:* si ergo fides ponitur gratis data, superfluum est præter hoc ponere aliam gratiam gratis datam operationem signorum.

Sed Contra est, quod Apost. 1. ad Corinth. 12.
inter alias gratias gratis datas dicit : *alii datur gratia sanitatum, alii operatio virtutum.*

Respondeo dicendum, quod, sicut supra dictum est, (q. præc. a. 1.) *Spiritus sanctus sufficenter providet Ecclesiae in his, quæ sunt utilia ad salutem, ad quod ordinantur gratiae gratis datæ.* Sicut autem oportet, quod notitia, quam quis divinitus accepit, in notitiam aliorum deducatur per donum linguarum, & per gratiam sermonis : ita necesse est, quod sermo prolatus confirmetur, ad hoc quod credibilis fiat. Hoc autem fit per operationem miraculorum, secundum illud Mat. ult. Et sermonem confirmingante sequentibus signis. Et hoc rationabiliter : Naturale enim est homini, ut veritatem intelligibilem per sensibiles effectus deprehendat. Unde sicut ductu naturalis rationis homo pervenire potest ad aliquam Dei notitiam per effectus naturales : ita per aliquos supernaturales effectus, qui miracula dicuntur, in aliquam supernaturem cognitionem credendorum homo inducitur : & ideo *operatio miraculorum pertinet ad gratiam gratis datum.*

Ad primum ergo dicendum, quod sicut Prophetia se extendit ad omnia, quæ supernaturaliter cognosci possunt ; ita operatio virtutum se extendit ad omnia, quæ supernaturaliter fieri possunt ; quorum quidem causa est divina omnipotentia, quæ nulli creaturæ communicari potest. Et ideo impossibile est, quod principium operandi miracula sit aliqua qualitas habitualiter manens in anima. Sed tamen hoc potest contingere, quod sicut mens Prophetæ movetur ex inspiratione divina ad aliquid supernaturaliter cognoscendum, ita etiam mens miracula facientis moveatur ad faciendum aliquid, ad quod sequitur effectus miraculi, quod Deus sua virtute facit. Quod quandoque quidem fit praecedente oratione : sicut cum Petrus Tabitam mortuam suscitavit, ut habetur Act. 9. Quandoque etiam non praecedente manifesta oratione, sed Deo ad natum hominis operante ; sicut Petrus Ananiam, & Saphiram mentientes morti increpando tradidit, ut dicitur Act. 5. Unde Gregorius dicit in 2. Dialogorum (c. 30. à med.) quod Sancti aliquando ex potestate miracula exhibe-

hibent, aliquando ex postulatione. Utrolibet tamen modo Deus principaliter operatur, qui utitur instrumentaliter vel interiori motu hominis, vel ejus locutione, vel etiam aliquo exteriori actu, seu etiam aliquo contactu corporali corporis etiam mortui. Unde Josue 10. cum Josue dixisset quasi ex potestate: *Sol contra Gabaon nō movearis, subditur postea; Non fult ante, & postea tam longa dies, obedienti Deo voci hominis.*

Ad secundum dicendum, quod ibi loquitur Dominus de miraculis, quæ sienda sunt tempore Antichristi, de quibus Apostolus dicit 7. ad Thess. 2. quod adventus Antichristi erit secundum operationem Satana in omni virtute, & signis prodigis mendacibus: & sicut August. dicit 20. de Civitate Dei (c. 19. declinando ad fin. tom. 5.) „ambiguum esset solet, utrum prop. „terea dicta sint signa, & prodigia mendacia, quoniam „mortales sensus per phantasmatam decepturus est, ut quod „non facit, facere videatur, an quia illa, etiamsi erunt „vera prodigia, ad mendacium pertrahent credituros.“ Vera autem dicuntur, quia ipsæ res veræ erunt, sicut magis Pharaonis fecerunt veras ranas, & veros serpentes: Non tamen habebunt veram rationem miraculi; quia sunt virtute naturalium causarum, sicut in prima parte (q. 114. art. 4.) dictum est. Sed operatio miraculorum, quæ attribuitur gratiæ gratis datæ, sit virtute divina ad hominum utilitatem.

Ad tertium dicendum, quod in miraculis duo possunt attendi. *Unum* quidem est id, quod fit, quod quidem est aliquid excedens facultatem naturæ: & secundum hoc miracula dicuntur *virtutes*. *Aliud* est id, propter quod miracula fiunt, scilicet ad manifestandum aliquid supernaturale: & secundum hoc communiter dicuntur *signa*: propter excellentiam autem dicuntur *portenta*, vel *prodigia*, quasi procul aliquid ostendentia.

Ad quartum dicendum, quod gratia sanitatis commemoratur seorsum, quia per eam confortur homini aliquid beneficium, scilicet corporalis sanitatis præter beneficium communne, quod exhibetur in omnibus miraculis, ut scilicet homines adducantur in omnino notitiam.

Ad quintum dicendum, quod operatio miraculorum,

attribuitur fidei propter duo: primo quidem, quia ordinatur ad fidei confirmationem: Secundo, quia procedit ex Dei omnipotenti, cui fides innititur. Et tamen sicut præter gratiam fidei necessaria est gratia sermonis ad fidei instructionem: ita etiam necessaria est operatio miraculorum ad fidei confirmationem.

ARTICULUS II.

845

Utrum mali possint miracula facere.

I. quæst. 110. art. 4. ad 2. & 3. q. 43. art. 1. & 4.
corp. & pot. q. 6. art. 5. ad 9. & art. 9. ad 7. &
quol. 2. art. 6. ad 4.

And Secundum sic proceditur. Videtur, quod mali non possint miracula facere. Miracula enim impetrantur per orationem, sicut dictum est: (*art. præc. ad 1.*) sed oratio peccatoris non est exaudibilis, secundum illud Joan. 9. Scimus, quia peccatores Deus non audit: & Proverb. 28. dicitur: *Qui declinat aures suas, ne audiat legem, oratio eius erit execrabilis:* ergo videtur, quod mali miracula facere non possint.

2. Præterea. Miracula attribuuntur fidei, secundum illud Matth. 17. *Si habueritis fidem, sicut granum simapis, dicetis monti huic: Transl hinc, & transibit:* Fides autem sine operibus mortua est, ut dicitur Jacobi 2. & sic non videtur, quod habeat propriam operationem: ergo videtur, quod mali, qui non sunt bonorum operum operativi, miracula facere non possint.

3. Præterea. Miracula sunt quædam divina testimonia, secundum illud ad Hebr. 2. *Contestante Deo signis, & portentis, & variis virtutibus,* unde & in Ecclesia aliqui canonizantur per testimonia miraculorum: sed Deus non potest esse testis falsitatis: ergo videtur, quod mali homines non possint miracula facere.

4. Præterea. Boni sunt Deo conjunctiores, quam mali: sed non omnes boni faciunt miracula: ergo multo minus mali faciunt.

Sed Contra est, quod dicit Apostolus 1. ad Corinth. 13. *Si habuero omnem fidem, ita ut montes transferam,* Tom. VII,

charitatem autem non habuero, nihil sum: sed quicunque non habet charitatem, est malus; quia hoc solum dominum Spiritus sancti est, quod dividit inter filios regnum, & filios perditionis, ut dicit Augustinus 15. de Trinitate (cap. 18. in princ. tom. 3.) ergo videtur quod etiam mali possint miracula facere.

Respondeo dicendum, quod miraculorum aliqua quidem sunt non vera, sed phantastica facta, quibus scilicet ludificatur homo, ut videatur ei aliquid, quod non est: quedam vero sunt vera facta, sed non vere habent rationem miraculi, quæ fiunt virtute aliquarum naturalium causarum. Et haec duo possunt fieri per dæmones, ut supra dictum est. (art. præc. ad 2.).

Sed vera miracula non possunt fieri nisi virtute divina: operatur enim ea Deus ad hominum utilitatem. Et hoc dupliciter. Uno quidem modo ad veritatis prædicant confirmationem: Alio modo ad demonstrationem sanctitatis alicujus, quam Deus hominibus vult proponere in exemplum virtutis. Primo autem modo miracula possunt fieri per quemcumque, qui veram fidem prædicat, & nomen Christi invocat: Quod etiam interdum per malos fit. Et secundum hunc modum etiam mali possunt miracula facere. Unde super illud Matth. 7. *Nomine tuo prophetavimus? &c.* dicit Hieronym. „Prophetare, vel virtutes facere, & dæmonia ejicere, interdum non est ejus meriti, qui operatur; sed invocatio nomine nominis Christi hoc agit, ut homines Deum honorent, ad cuius invocationem fiunt tanta miracula.“

Secundo autem modo non fiunt miracula nisi à Sanctis, ad quorum sanctitatem demonstrandam miracula fiunt vel in vita eorum, vel etiam post mortem, sive per alios. Legitur enim Act. 1. quod „Deus faciebat virtutes per manus Pauli, & etiam desuper languidos deferebat, turā corpore ejus sudaria, & recedebant ab eis Iacob, gñores.“

„Et sic etiam nihil prohiberet, per aliquem peccatum, torem miracula fieri ad invocationem alicujus Sancti. Quia tamen miracula non dicitur facere ille, sed ille, ad cuius sanctitatem demonstrandam haec fierent.“

Ad primum ergo dicendum, quod sicut supra dictum est, (q. 83. a. 16.) cum de oratione ageretur,

oratio in impetrando non innititur merito, sed divini misericordiae, quæ etiam ad malos se extendit. Et ideo etiam quandoque peccatorum oratio à Deo exauditur. Unde Augustinus dicit super Joan. (Tract. 44. Inter med. 7. fin. tom. 9.) quod illud verbum cœcus locutus est, quasi adhuc inunctus, id est, nondum perfecte illuminatus, nam peccatores exaudit Deus. Quod autem dicitur, quod oratio non audientis legem est execrabilis, intelligendum est, quantum est ex merito peccatoris: sed interdum impetrat ex misericordia Dei. Vel propter salutem ejus qui orat; sicut auditus est Publicanus, ut dicitur Luca 18. Vel etiam propter salutem aliorum, & gloriam Dei.

Ad secundum dicendum, quod fides sine operibus dicitur esse mortua quantum ad ipsum credentem, qui per eam non vivit vita gratiæ. Nihil autem prohibet, quod res viva operetur per instrumentum mortuum: sicut homo operatur per baculum. Et hoc modo Deus operatur per fidem hominis peccatoris instrumentaliter.

Ad tertium dicendum, quod miracula semper sunt vera testimonia ejus, ad quod inducuntur. Unde à malis, qui falsam doctrinam enuntiant, nunquam sunt vera miracula ad confirmationem suæ doctrinæ: quamvis quandoque fieri possint ad commendationem nominis Christi, quod invocant, & in virtute Sacramentorum, quæ exhibent. Ab his autem, qui veram doctrinam enuntiant, sunt quandoque vera miracula ad confirmationem doctrinæ: non autem ad testificationem sanctitatis. Unde August. dicit in lib. 83. QQ. (q. 79. à med. tom. 4.) „Aliter magi faciunt miracula, aliter boni Christiani, aliter mali: Magi per privatos contractus cum dæmonibus: boni Christiani per publicam justitiam: mali Christiani per signa publicæ justitiae.“

Ad quartum dicendum, quod, sicut Aug. dicit in lib. 83. QQ. (loc. cit.) „admonet nos Dominus, ut intelligamus quædam miracula etiam sceleratos homines facere, qualia Sancti facere non possunt. Et, sicut August. Ibid. dicit, ideo non omnibus Sanctis ista attribuntur, ne perniciosissimo errore decipientur infirmi, estimantes in talibus factis esse majora dona, quam in operibus justitiae, quibus vita æterna comparatur.“

QUÆSTIO CLXXIX.

De divisione vitæ in activam, & contemplativam, in duas articulos divisa.

Consequenter considerandum est de vita activa, & contemplativa: ubi quadruplex consideratio occurrit. Quarum prima est de divisione vitæ per activam, & contemplativam: secunda de vita contemplativa: tercua de vita activa: quarta de comparatione vitæ activæ ad contemplativam.

Circa primum queruntur duo.

Primo. Utrum vita convenienter dividatur per activam, & contemplativam.

Secundo. Utrum hæc divisio sit sufficiens.

ARTICULUS I.

846

Utrum vita convenienter dividatur per activam, & contemplativam.

3. d. 35. q. 1. a. 1. & 1. Eth. lect. 5.

And Primum sic proceditur. Videtur, quod vita non convenienter dividatur per activam, & contemplativam. Anima enim est principium vitæ per suam essentiam, dicit enim Philosophus in 2. de Anima, (*text. 37. tom. 2.*) quod *vivere viventibus est esse*. Actionis autem, & contemplationis principium est anima per suas potentias: ergo videtur, quod vita non convenienter dividatur per activam, & contemplativam.

2. Præterea. Inconvenienter dividitur prius per differentias posterioris: activum autem, & contemplativum, sive speculativum, & practicum, sunt differentiae intellectus, ut patet in 2. de Anima: (*text. 46. & 49. t. 2.*) Vivere autem est prius, quam intelligere: nam vivere inest viventibus primo secundum animam vegetabilem, ut patet per Philos. in 2. de Anima: (*tex. 34. & 39. tom.*

tom. 2.) ergo inconvenienter dividitur vita per activam, & contemplativam.

3. Præterea. Nomen vitæ importat motum, ut patet per Dionysium 4. cap. de div. nom. (p. 1. lect. 7. & 8.) Sed contemplatio consistit magis in quiete, secundum illud Sap. 8. *Intrans in domum meam conquiescam cum illa:* ergo videtur, quod vita non convenienter dividatur per activam, & contemplativam.

Sed Contra est, quod Gregorius super Ezech. (hom. 14. parum ante med.) dicit: *Duae sunt vitæ, in quibus nos Deus omnipotens per sacrum eloquium erudit; activa videlicet, & contemplativa.*

Respondeo dicendum, quod illa proprie dicuntur viventia, quæ à se ipsis moventur, seu operantur. Illud autem maxime convenit alicui per seipsum, quod est proprium ei, & ad quod maxime inclinatur. Et ideo unumquodque vivens ostenditur vivere ex operatione sibi maxime propria, ad quam maxime inclinatur: Sicut plantarum vita dicitur in hoc consistere, quod nutriunt, & generantur: + al. generant + animalium vero in hoc, quod sentiunt, & moventur: hominum vero in hoc, quod intelligunt, & secundum rationem agunt. Unde etiam in hominibus vita uniuscujusque hominis videtur esse id, in quo maxime delectatur, & cui maxime intendit, & in quo præcipue vult quilibet convivere amico, ut dicitur in 9. Ethic. (cap. 4. 9. & 12. tom. 5.)

Quia ergo quidam homines præcipue intendunt contemplationi veritatis; quidam vero intendunt principaliiter exterioribus actionibus, inde est, quod vita hominis convenienter dividitur per activam, & contemplativam.

Ad primum ergo dicendum, quod propria forma uniuscujusque faciens ipsum esse in actu, est principium operationis propriæ ipsius. Et ideo vivere dicitur esse viventium ex eo, quod viventia per hoc quod habent esse per suam formam, tali modo operantur.

Ad secundum dicendum, quod vita universaliter sumpta non dividitur per activam, & contemplativam; sed vita hominis, qui speciem sortitur ex hoc quod habet intellectum. Et ideo eadem est divisio intellectus, & vitæ humanæ.

Ad tertium dicendum, quod contemplatio habet quidem quietem ab exterioribus motibus: nihilominus tamen ipsum contemplari est quidam motus intellectus, prout quælibet operatio dicitur motus: secundum quod dicit Philosoph. in 3. de Anima, (*tex. 28. tom. 2.*) quod sentire, & intelligere sunt motus quidam, prout motus dicitur actus perfecti. Et hoc modo Dionys. 4. cap. de div. nomin. (*par. 1. lect. 7.*) ponit tres motus animæ contemplantis, scilicet rectum, circulare, & obliquum.

ARTICULUS II.

847

Utrum vita sufficienter dividatur per activam, & contemplativam.

Sup. a. 1. & loc. ibi not. & 3. cont. c. 91.

Ad Secundum sic proceditur. Videtur, quod vita non sufficienter dividatur per activam, & contemplativam. Philosophus enim in 1. Ethicor. (*cap. 5. à princ. tom. 5.*) dicit, quod tres sunt vitæ maxime excellentes; scilicet *voluptuosa*, *civilis*, quæ videtur esse eadem *activæ*, & *contemplativa*: insufficienter ergo videtur dividere vita per activam, & contemplativam.

2. Præterea. Augustinus 19. de Civitate Dei, (*cap. 2. & 19. tom. 5.*) ponit tria vitæ genera; scilicet *otiosum*, quod pertinet ad contemplationem; *actuorum*, quod pertinet ad vitam activam; & addit *tertium* ex utroque compositum: ergo videtur, quod insufficienter dividatur vita per activam, & contemplativam.

3. Præterea. Vita hominis diversificatur, secundum quod homines diversis actionibus student: sed plura quam duo sunt humanarum actionum studia: ergo videtur, quod vita debeat in plura membra dividi, quam in activum, & contemplativum.

Sed Contra est, quod istæ duæ vitæ significantur per duas uxores Jacob; activa quidem per Liam; contemplativa vero per Rachelem: & per duas mulieres, quæ Dominum hospitio receperunt; contemplativa quidem per Mariam, activa vero per Martham, ut Greg. dicit in 6. Moral. (*cap. 18. & hom. 14. in Ezech.* 11)

te med.) Non autem esset hæc congrua significatio, is essent plures quam duæ vitæ: ergo sufficienter dividitur vita per activam, & contemplativam.

Respondeo dicendum, quod, sicut dictum est, (a. præc. ad 2.) divisio ista datur de vita humana, quæ quidem attenditur secundum intellectum. Intellectus autem dividitur per activum, & contemplativum: quia finis intellectivæ cognitionis vel est ipsa cognitio veritatis; quod pertinet ad intellectum contemplativum: vel est aliqua exterior actio; quod pertinet ad intellectum practicum, sive activum. Et ideo vita etiam sufficienter dividitur per activam, & contemplativam.

Ad primum ergo dicendum; quod vita voluptuosa ponit finem in delectatione corporali, quæ communis est nobis, & brutis. Unde, sicut Philos. ibidem dicit, est vita bestialis. Propter quod non comprehenditur sub praesenti divisione, prout vita humana dividitur in activam, & contemplativam.

Ad secundum dicendum, quod media conficiuntur ex extremis: & ideo virtute continentur in eis: sicut tepidum in calido, & frigido, & pallidum in albo, & nigro. Et similiter sub activo, & contemplativo comprehenditur id, quod est ex utroque compositum. Et tamen sicut in quolibet mixto prædominatur aliquod simplicium: ita etiam in medio genere vitæ superabundat quandoque quidem contemplativum, quandoque vero activum.

Ad tertium dicendum, quod omnia studia humana- rum actionum, si ordinentur ad necessitatem praesentis vitæ secundum rationem rectam, pertinent ad vitam activam, quæ per ordinatas actiones consultit necessitatî vitæ præsentis: si autem deserviant concupiscentiæ cuiunque, pertinent ad vitam voluptuosam, quæ non continetur sub vita activa: Humana vero studia, quæ ordinantur ad considerationem veritatis, pertinent ad vitam contemplativam.

QUÆSTIO CLXXX.

De vita contemplativa, in octo articulos divisa,

Deinde considerandum est de vita contemplativa.

Et circa hoc queruntur octo.

Primo. Utrum vita contemplativa pertineat tantum ad intellectum, an consistat etiam in affectu.

Secundo. Utrum ad vitam contemplativam pertineant virtutes morales.

Tertio. Utrum vita contemplativa consistat solum in uno actu, aut in pluribus.

Quarto. Utrum ad vitam contemplativam pertineat consideratio cujuscumque veritatis.

Quinto. Utrum vita contemplativa hominis in hoc statu possit elevari usque ad Dei visionem.

Sexto. De motibus contemplationis, quos Dionysius assignat 4. c. de divinis nominibus.

Septimo. De delectatione contemplationis.

Octavo. De duratione contemplationis.

ARTICULUS I.

848

Utrum vita contemplativa nihil habeat in affectu, sed totum in intellectu.

*In f. a. 2. ad 1. & a. 7. ad 2. & 3. d. 35. q. 1. a. 2.
& ver. q. 12. a. II. ad 1.*

Ad Primum sic proceditur. Videtur, quod vita contemplativa nihil habeat in affectu, sed totum in intellectu. Dicit enim Philos. in 2. Metaph. (tex. 3. tom. 3.) quod *finis contemplationis est veritas*: Veritas autem pertinet ad intellectum totaliter: ergo videtur, quod vita contemplativa totaliter in intellectu consistat.

2. Præterea. Greg. dicit in 7. Moral. (cap. 18. in princ. & Hom. 14. in Ezech. ante med.) quod *Rachel*, *qua interpretatur visum principium*, vitam contemplativam

dicit.

significat: sed visio principii pertinet proprie ad intellectum: ergo vita contemplativa proprie ad intellectum pertinet.

3. Præterea. Greg. dicit super Ezech. (*hom. 14. ante med.*) quod ad vitam contemplativam pertinet ab exteriori actione quiescere: Sed vis affectiva, sive appetitiva inclinat ad exteriores actiones: ergo videtur, quod vita contemplativa non pertinet aliquo modo ad vim appetitivam.

Sed Contra est, quod Greg. ibidem; (*v. l. 6. Moral. cap. 18.*) dicit, quod *contemplativa vita est charitatem Dei, & proximi tota mente retinere, & sibi desiderio conditoris inhævere*: Sed desiderium, & amor ad vim affectivam, sive appetitivam pertinent, ut supra habitum est: (*l. 2. q. 23. a. 1. v. 4.*) ergo etiam vita contemplativa habet aliiquid in vi affectiva, sive appetitiva.

Respondeo dicendum, quod, sicut dictum est, (*q. præc. a. 1.*) vita contemplativa illorum esse dicitur, qui principaliter intendunt contemplationi veritatis. Intentio autem est actus voluntatis, ut supra habitum est, (*l. 2. q. 12. a. 1.*) quia intentio est de fine, qui est voluntatis objectum. Et ideo vita contemplativa quantum ad ipsam essentiam actionis pertinet ad intellectum: Quantum autem ad id, quod movet ad exercendam talem operationem, pertinet ad voluntatem, quæ movet omnes alias potentias, & etiam intellectum ad suum actum, ut sup. dictum est. (*l. 2. q. 9. a. 1.*)

Movet autem vis appetitiva ad aliiquid inspiciendum, vel sensibiliter, vel intelligibiliter: quandoque quidem propter amorem rei visæ; quia, ut dicitur Matth. 6. *Ubi est thesaurus tuus, ibi est & cor tuum: quandoque autem propter amorem ipsius cognitionis, quam quis ex inspectione consequitur.* Et propter hoc Gregor. (*hom. 14. in Ezech. ante med.*) constituit vitam contemplativam in charitate Dei; in quantum scilicet aliquis ex dilectione Dei inardescit ad ejus pulchritudinem conspicendam. Et quia unusquisque delectatur, cum adeptus fuerit id quod amat: ideo vita contemplativa terminatur ad delectationem, quæ est in affectu, ex quo etiam amor intenditur,

Ad primum ergo dicendum, quod ex hoc ipso, quod veritas est finis contemplationis, habet rationem boni appetibilis, & amabilis, & delectantis: Et secundum hoc pertinet ad vim appetitivam.

Ad secundum dicendum, quod ad ipsam visionem primi principii, scilicet Dei, incitat amor ipsius. Unde Greg. dicit super Ezech. (*loc. supr. cit.*) quod *vita contemplativa, calcatis curis omnibus, ad videndam faciem sui Creatoris inardescit.*

Ad tertium dicendum, quod vis appetitiva movet non solum membra corporalia ad exteriores actiones exercendas, sed etiam intellectum ad exercendam operationem contemplationis, ut dictum est. (*in cor. art.*)

ARTICULUS II.

849

Utrum virtutes morales pertineant ad vitam contemplativam.

*lif. q. 181. art. 1. ad 3. & 2. corp. & art. 4. ad 1.
& q. 182. art. 3. cor. & opus. 17. c. 7. ad 7. & 3
cont. c. 37. fin. & Phys. 7. lect. 6.*

Ad Secundum sic proceditur. Videtur, quod virtutes morales pertineant ad vitam contemplativam. Dicit enim Gregorius super Ezech. (*hom. 14. ant. med.*) quod *contemplativa vita est charitatem Dei, & proximi tota meate retinere: Sed omnes virtutes morales, de quarum actibus dantur precepta legis, reducantur ad dilectionem Dei, & proximi: quia plenitudo legis dilectio est, ut dicitur ad Rom. 13.* ergo videtur, quod virtutes morales pertineant ad vitam contemplativam.

2. Præterea. Vita contemplativa præcipue ordinatur ad Dei contemplationem. Dicit enim Gregorius super Ezech. (*loc. cit.*) quod *calcatis curis omnibus, ad videndum faciem sui Creatoris animus inardescit: Sed ad hoc nullus potest pervenire, nisi per munditiam, quam causat virtus moralis.* Dicitur enim Matth. 5. *Beati mundo corde, quoniam ipsi Deum videbunt. & ad Hebr. 12. Pa-*ce*cius sequimini eum omnibus, & sanctimoniam, sine qua nemo videbit Deum.* Ergo videtur, quod virtutes morales per-

pertineant ad vitam contemplativam.

3. Præterea. Gregorius dicit super Ezech. (*loc. cit.*) quod *contemplativa vita speciosa est in animo*. Unde significatur per Rachelem , de qua dicitur Gen. 25. quod erat pulchra facie : Sed pulchritudo animi attenditur secundum virtutes morales , & præcipue secundum temperantiam , ut Ambrosius dicit in 1. de Offic. (*cap. 43. 45, & 46.*) ergo videtur , quod virtutes morales pertineant ad vitam contemplativam.

Sed Contra est , quod virtutes morales ordinantur ad exteriore actiones : Sed Greg. dicit in 6. Moral. (*cap. 18. & loc. sup. cit.*) quod *ad contemplativam vitam pertinet ab exteriori actione quiescere*. Ergo virtutes morales non pertinent ad vitam contemplativam.

Respondeo dicendum , quod ad vitam contemplativam potest aliquid pertinere dupl. citer : *Uno modo essentialiter : Alio modo dispositive*. *Essentialiter quidem virtutes morales non pertinent ad vitam contemplativam*: quia finis contemplativæ vitæ est consideratio veritatis. *Ad virtutes autem morales scire quidem*, quod pertinet ad considerationem veritatis , parvam potest atem habet , ut Philosoph. dicit in 2. Ethic. (*c. 2. in princ. & l. 10. c. ult. t. 5.*) Unde & ipse in 10. Ethic. *c. 7. & 8. t. c.* virtutes morales dicit pertinere ad felicitatem activam , non autem ad contemplativam.

Dispositive autem virtutes morales pertinent ad vitam contemplativam. Impeditur enim actus contemplationis , in quo essentialiter consistit vita contemplativa , & per vehementiam passionum , per quam abstrahitur intentio animæ ab intelligibilibus ad sensibilia , & per tumultus exteriore. Virtutes autem morales impediunt vehementiam passionum , & sedant exteriorem occupationum tumultos. Et ideo *virtutes morales dispositive ad vitam contemplativam pertinent*.

Ad primum ergo dicendum , quod , sicut supra dictum est , (*art. præc.*) vita contemplativa habet motivum ex parte effectus : Et secundum hoc dilectio Dei , & proximi requiritur ad vitam contemplativam. Causæ autem moventes non intrant essentiam rei , sed disponunt , & perficiunt rem. Unde non sequitur , quod virtutes morales essentialiter pertineant ad vitam contemplativam.

Ad secundum dicendum, quod sanctimonia, id est munditia, causatur ex virtutibus, quæ sunt circa passiones impedientes puritatem rationis: Pax autem causatur ex justitia, quæ est circa operationes, secundum illud Isai. 32. *Opus justitiae pax;* in quantum scilicet ille, qui ab injuriis aliorum abstinet, subtrahit litigiorum, & tumultum occasiones. Et sic virtutes morales disponunt ad vitam contemplativam, in quantum causant pacem, & munditiam.

Ad tertium dicendum, quod pulchritudo, sicut supra dictum est, (*q. 145. a. 2.*) consistit in quadam claritate, & debita proportione. Utrumque autem horum radicaliter in ratione invenitur: Ad quam pertinet & lumen manifestans, & proportionem debitam in aliis ordinare. Et ideo in vita contemplativa, quæ consistit in actu rationis per se, & essentialiter invenitur pulchritudo. Unde & Sap. 8. de contemplatione sapientis dicitur: *Amator factus sum formæ illius:* In virtutibus autem moralibus invenitur pulchritudo participative, in quantum scilicet participant ordinem rationis; & precepue in temperantia, quæ reprimit concupiscentias maxime lumen rationis obscurantes. Et inde est, quod virtus castitatis maxime reddit hominem aptum ad contemplationem, in quantum delectationes venereæ maxime depriment mentem ad sensibilia, ut Augustinus dicit in lib. I. Soliloquiorum, (*cap. 3. circ. med. t. 1.*)

ARTICULUS III.

850

Utrum ad vitam contemplativam pertineant diversi actus.

3. d. 35. q. 1. a. 2. v. 4. d. 5. q. 4. a. 2. q. 1. ad 2.

Ad Tertium sic proceditur. Videtur, quod ad vitam contemplativam pertineant diversi actus. Richardus enim de Sancto Victore (*lib. 2. de contemplat. c. 3.*) distinguit inter contemplationem, meditationem, & cogitationem: sed omnia ista videntur ad vitam contemplativam pertinere. Ergo videtur, quod vitæ contemplativæ sint diversi actus.

2. Præterea. Apostolus 2. ad Corinth. 3. dicit: *Nos vero revelata facie gloriam Domini speculantes, transfor-*

mam

mamur in eandem claritatem: sed hoc pertinet ad vitam contemplativam. Ergo præter tria prædicta, etiam speculatio ad vitam contemplativam pertinet.

3. Præterea. Bertrandus dicit in lib. 5. de consider. (c. ult. a. med.) quod *prima*, *U* *maxima contemplatio est admiratio maiestatis*: sed admiratio secundum Damascenum (l. 2. orth. fid. c. 15.) ponitur species timoris. Ergo videtur, quod plures actus ad vitam contemplativam requirantur.

4. Præterea. Ad vitam contemplativam pertinere dicuntur oratio, lectio, & meditatio: pertinet etiam ad vitam contemplativam auditus: nam de Maria, per quam vita contemplativa significatur, dicitur Lucæ 10. quod *sedit secus pedes Domini audiebat verbum illius*. Ergo videtur, quod plures actus ad vitam contemplativam requirantur.

Sei Contra est, quod vita hic dicitur operatio, cui homo principaliter intendit. Ergo si plures sunt operationes vite contemplativæ, non erit una vita contemplativa, sed plures.

Respondeo dicendum, quod de vita contemplativa nunc loquimur, secundum quod ad hominem pertinet. Hæc autem differentia est inter hominem, & angelum, ut patet per Dionysium 7. cap. de div. nom. (ant. med. lect. 2.) quod angelus simplici apprehensione veritatem intuetur: homo autem quodam processu ex multis pertingit ad intuitum simplicis veritatis. Sic ergo,, contemplativa vita unum quidem actum habet, in quo,, finaliter perficitur, scil. contemplationem veritatis, à,, quo habet unitatem: habet autem multos actus, quibus pervenit ad hunc actum finalem: quorum quidam,, pertinent ad receptionem principiorum, ex quibus pro,, cedit ad contemplationem veritatis: alii autem per,, tinent ad deductionem principiorum in veritatem eius,, cuius cognitione inquiritur: Ultimus autem completivus,, actus est ipsa contemplatio veritatis.“

Ad primum ergo dicendum, quod cogitatio secundum Richardum de Sancto Victore (*loc. cit. in arg.*) videatur pertinere ad multorum inspectionem, ex quibus aliquis colligere intendit unam simplicem veritatem. Unde sub cogitatione comprehendi possunt & perceptiones sensuum

suum ad cognoscendum aliquos effectus , & imaginatio-
nes , & discursus rationis circa diversa signa , vel quæ-
cumque perducentia in cognitionem veritatis intenta:
quamvis secundum Augustinum 14. de Trinit. (c. 7. t. 3.)
cognitio dici possit omnis actualis operatio intellectus.
Meditatio vero pertinere videtur ad processum rationis
ex principiis aliquibus pertingentibus ad veritatis alico-
jus contemplationem : & ad idem pertinet consideratio
secundum Bernardum. (*loc. cit. in arg. 3. v. lib. 2. c. 1.*)
Quamvis secundum Philosophum in 3. de Anima omnis
operatio intellectus consideratio dicatur. Sed contempla-
tio pertinet ad ipsum simplicem intuitum veritatis. Un-
de idem Richardus dicit , (*l. 1. de contempl. cap. 4. in*
princ.) quod *Contemplatio est perspicax , & liber contul-
sus animi in res perspiciendas : Meditatio autem est intuitus
animi in veritatis inquisitione occupatus : cogitatio autem
est animi respectus ad evagationem promus.*

Ad secundum dicendum , quod speculatio , ut Glos.
August. (*ord. l. 15. de Trinit. cap. 8. à princ. tom. 3.*)
dicit ibidem , dicitur à speculo , non à specula. Videte au-
tem aliquid per speculum , est videre causam per effec-
tum , in quo ejus similitudo relucet. Unde speculatio ad
meditationem reduci videtur.

Ad tertium dicendum , quod admiratio est speciei-
moris consequens apprehensionem alicujus rei excede-
ntis nostram facultatem. Unde admiratio est actus con-
sequens contemplationem sublimis veritatis. Dictum est
enim , (*a. 1. huj. q.*) quod contemplatio in affectu ter-
minatur.

Ad quartum dicendum , quod homo ad cognitionem
veritatis pertingit *dupliciter*. *Uno modo* per ea , quæ ab alio
accipit : et sic quidem quantum ad ea , quæ homo à Deo
accipit , necessaria est oratio , secundum illud Sapient. ?
Invoceavi , & venit in me spiritus sapientiae : quantum vero
ad ea , quæ accipit ab homine , necessarium est auditus ,
secundum quod accipit ex voce loquentis ; & lectio , se-
cundum quod accipit ex eo , quod per scripturam tradi-
tum. *Allo modo* necessarium est , quod adhiveat pro-
prium studium. Et sic requiritur meditatio.

ARTICULUS IV.

851

Utrum vita contemplativa solum consistat in contemplatione Dei, an etiam in consideratione cuiuscumque veritatis.

*Inf. a. 7. corp. 2° q. 181. a. 4. ad 2. 2° q. 182. a. 2.
cor. 2° 3. d. 35. q. 1. a. 2. q. 3.*

A

Ad Quartum sic proceditur. Videtur, quod vita contemplativa non solum consistat in contemplatione Dei, sed etiam in consideratione cuiuscunq[ue] veritatis. Dicitur enim in Psalm. 138. Mirabilia opera tua, & anima mea cognoscit nimis: sed cogitatio divinorum operum fit per aliquam contemplationem veritatis. Ergo videtur, quod ad vitam contemplativam pertineat, non solum divinam veritatem, sed etiam quamlibet aliam contemplari.

2. Præterea. Bernardus in lib. 5. de considerat. (cap. ult. à med.) dicit, quod „prima contemplatio est admiratio majestatis: secunda est iudiciorum Dei: tercia est beneficiorum ipsius: quarta est promissorum,“ sed inter hæc quatuor solum primum pertinet ad divinam veritatem; alia vero tria pertinet ad effectus ipsius. Ergo vita contemplativa non solum consistit in consideratione divinæ veritatis, sed etiam in consideratione veritatis circa divinos effectus.

3. Præterea. Richardus de Sancto Victore (l. 1. de contempl. cap.) 6. distinguit sex species contemplationum: quarum prima est secundum solam imaginationem: dum attendimus res corporales: secunda autem est in imaginatione secundum rationem: prout scil. sensibilium ordinem, & dispositionem consideramus: tertia est in ratione secundum imaginationem: quando scilicet per inspectionem rerum visibilium ad invisibilia sublevamur: quarta autem est in ratione secundum rationem: quando scilicet animus intendi invisibilibus, quæ imaginatio non novit: quinta autem est supra rationem: quando ex divina revelatione cognoscimus ea, quæ humana ratione comprehendi non possunt: sexta autem est supra ratio-

tionem , & præter rationem : quando scilicet ex divina illuminatione cognoscimus ea , quæ humanae rationi repugnare videntur , sicut ea quæ dicuntur de mysterio Trinitatis ; sed solum ultimum videtur ad divinam veritatem pertinere : ergo contemplatio veritatis non solum respicit divinam veritatem , sed etiam eam , quæ in creaturis consideratur.

4. Præterea. In vita contemplativa queritur contemplatio veritatis , in quantum est perfectio hominis : sed quælibet veritas est perfectio humani intellectus : ergo in qualibet contemplatione veritatis consistit vita contemplativa.

Sed Contra est , quod Gregorius dicit in 6. Moral. (c. 18. ante med.) quod in contemplatione principium , quod est Deus , queritur.

Respondeo dicendum , quod , sicut jam dictum est , (a. 2. huj. q.) ad vitam contemplativam pertinet aliquid dupliciter. Uno modo principaliter : alio modo secundario , vel dispositivo. Principaliter quidem ad vitam contemplativam pertinet contemplatio divinae veritatis : quia hujusmodi contemplatio est finis totius humanae vitae. Unde August. dicit in 1. de Trin. (c. 8. in med. tom. 1.) quod contemplatio Dei promittitur nobis , ut actionum omnium finis , atque æterna perfectio gaudiorum: quæ quidem in futura vita erit perfecta , quando videbimus Deum facie ad faciem. Unde & perfecta beatos faciet. Nunc autem contemplatio divinae veritatis competit nobis imperfecte , videlicet per speculum , & ænigmate. Unde per eam fit nobis quedam inschoatio beatitudinis , quæ incipit , ut in futuro continuetur. Unde & Phil. in 10. Ethic. (cap. 7. & 8. tom. 5.) in contemplatione optimi intelligibilis ponit ultimam felicitatem hominis.

Sed quia per divinos effectus in Dei contemplationem manuducimur , secundum illud ad Rom. 1. *Invisibilia Dei per ea , quæ facta sunt , intellecta conspicuntur , inde est , quod etiam contemplatio divinarum effectuum secundarlo ad vitam contemplativam pertinet , prout scilicet ex hoc manuducitur homo in Dei cognitionem.* Unde August. dicit in lib. de vera religione , (cap. 29. parum à princ. tom. 1.) quod „in creaturarum con-

,, sideratione non vana , & peritura curiositas est exer-
,, cenda , sed gradus ad immortalia , & semper ma-
,, nentia faciendus.

Sic ergo ex præmissis (a. 1. 2. & 3. præced.) patet, quod ordine quodam quatuor ad vitam contemplativam pertinent. Primo quidem virtutes morales : secundo autem alii actus præter contemplationem : tertio vero contemplatio divinorum effectum : quarto vero completivum est ipsa contemplatio divinæ veritatis.

Ad primum ergo dicendum, quod David cognitionem operum Dei quærebat , ut ex hoc manuducatur in Deum. Unde alibi dicit (*Psal. 142.*) „, Medi-
,, tatus sum in omnibus operibus tuis, & in factis ma-
,, nnum tuarum meditabar : Expandi manus meas ad te.“

Ad secundum dicendum, quod ex consideratione divinorum judiciorum manuducitur homo in contemplationem divinæ justitiae : ex consideratione autem divinorum beneficiorum , & promissionum manuducitur homo in cognitionem divinæ misericordiæ , seu bonitatis, quasi per effectus exhibitos , vel exhibendos.

Ad tertium dicendum, quod per illas sex designantur gradus , quibus per creaturas in Dei contemplationem ascenditur. Nam in primo gradu ponitur perceptio ipsorum sensibilium : in secundo vero gradu ponitur progressus à sensibilibus ad intelligibilia : in tertio vero gradu ponitur dijndicatio sensibilium secundum intelligibilia ; in quarto vero gradu ponitur absoluta consideratio intelligibilium , in quæ per sensibilia pervenitur ; in quinto vero gradu ponitur contemplatio intelligibilium , quæ per sensibilia inveniri non possunt, in sexto gradu ponitur consideratio intelligibilium quæratio nec invenire , nec capere potest quæ scilicet pertinent ad sublimem contemplationem divinæ veritatis, in qua finaliter contemplatio perficitur.

Ad quartum dicendum , quod ultima perfectio humani intellectus est veritas divina , aliæ autem veritates perficiunt intellectum in ordine ad veritatem divinam.

ARTICULUS V.

852

Utrum vita contemplativa secundum statum hujus vita possit pertingere ad visionem divinæ essentie.

1. q. 12. a. II. *V* 1. 2. q. 93. a. 2. *V* 3. d. 35.
q. 2. a. 2. *V* 4. d. 49. q. 2. a. 7. *V* 3. con. c. 47.
V ver. q. 10. a. II. *V* quol. I. a. I.

Ad Quintum sic proceditur. Videtur, quod vita contemplativa secundum statum hujus vitæ possit pertingere ad visionem divinæ essentie. Quia, ut habetur Genes. 32. Jacob. dixit: *vidi Deum facie ad faciem, et salva facta est anima mea: sed visio faciei Dei est visio divinæ essentie: ergo videtur, quod aliquis per contemplationem in præsenti vita possit se extenderet ad videndum Deum per essentiam.*

2. Præterea. Gregorius dicit in 6. Moral. (c. 17. versus fin.) quod „viri contemplativi ad semetipos in trorsus redeunt, in eo quod spiritualia rimantur de quaquam secum rerum corporalium umbras trahunt, vel fortasse tractas manu discretionis abigunt: sed circumscriptum lumen videre cupientes, cunctas circumscriptionis suæ imagines deprimum; & in eo quod super se contingere appetunt, vincunt, quod sunt: sed homo non impeditur à visione divinæ essentie, quod est lumen incircumspectum, nisi per hoc quod necesse habet intendere corporalibus phantasmatibus: ergo videtur, quod contemplatio præsentis vitæ potest se extendere ad videndum incircumspectum lumen per essentiam.

3. Præterea. Gregorius in 2. Dialog. (cap. 35. i. med.) dicit: *animæ videnti Creatorem angusta est omnis creatura. Vir ergo Dei, scilicet beatus Benedictus, qui in turri globum igneum, angelos quoque ad cœlum redentes videbat, hoc proculdubio cernere non nisi Dei lumine posset. Sed Beatus Benedictus adhinc in præsenti vita vivebat: ergo contemplatio præsentis vitæ potest se extendere ad videndam Dei essentiam.*

Sed Contra est, quod Gregorius dicit super Ezech.

(hom. 14. inter med. & fin.) „Quamdiu in hac mortali carne vivitur, nullus ita in contemplationis virtute proficit, ut in ipso incircumscripsi luminis radio mentis oculos insigat.“

Respondeo dicendum; quod, sicut Augustinus dicit 12. super Genesim ad litteram; (c. 27. circ. fin. tom. 3.) „nemo videns Deum vivit ista vita, qua mortaliter vivitur in istis sensibus corporis: sed nisi ab hac vita quisque quedammodo moriatur, sive omnino exiens de corpore, sive alienatus a carnalibus sensibus, in illam non subvehitur visionem.“ Quæ supra diligentius pertractata sunt, (q. 175. a. 4. & 5.) ubi dictum est, de raptu: & in primo, ubi actum est de Dei visione. (q. 12. a. 11.)

Sic ergo dicendum est, quod in hac vita potest esse aliquis dupliciter. Uno modo secundum actum; in quantum scilicet actualiter utitur sensibus corporis. Et sic nullo modo contemplatio præsentis vitæ pertingere ad videndum Dei essentialiam.

Alio modo potest esse aliquis in hac vita potentia-
liter, & non secundum actum; in quantum scilicet anima ejus est corpori mortali conjuncta ut forma; ita tamen ut non utatur corporis sensibus, aut etiam imaginatione, sicut accidit in raptu: & sic potest contemplatio hujus vitæ pertingere ad visionem divinæ essentiæ. Unde supremus gradus contemplationis præsentis vitæ est, qualem habuit Paulus in raptu, secundum quem, fuit medio modo se habens inter statum præsentis vitæ, & futuræ.

Ad primum ergo dicendum, quod, sicut Dionysius in epistola ad Cajum monachum (quæ est prima, circa med.) dicit, si aliquis videntis Deum intellexit quod vidit, non ipsum vidit, sed aliquid eorum quæ sunt ejus. Et Gregorius dicit super Ezech. (hom. 14. inter med. & finem) quod „nequaquam omnipotens Deus jam in sua claritate conspicitur; sed quiddam sub illa speculatur anima, unde refota proficiat, & post ad visionis ejus gloriam pertingat.“ Per hoc ergo quod Jacob dixit „vidi Deum facie ad faciem, non est intelligendum, quod Dei essentialiam viderit, sed quod formam, scilicet imaginariam, vidit, in qua Deus locutus est ei, vel

vel quia per faciem quemlibet cognoscimus, cognitionem Dei faciem ejus vocavit, sicut Glos. Greg. (ord. l. 24. Moral. c. 5. à med.) ibidem dicit.

Ad secundum dicendum, quod contemplatio humana secundum statum presentis vitæ non potest esse absque phantasmatibus: quia connaturale est homini, ut species intelligibiles in phantasmatibus videat, sicut Philosophus dicit in 3. de Anima. (tex. 30. tom. 1.) Sed tamen intellectualis cognitio non consistit in ipsis phantasmatibus, sed in eis contemplatur puritatem intelligibilis veritatis: & hoc non solum in cognitione naturali, sed etiam in eis quæ per revelationem cognoscimus. Dicit enim Dionysius 2. cap. cœlest. hiemach. (implic. 2. c. 1. à med.) quod angelorum hierarchias manifestat nobis divina claritas in quibusdam symbolis figuratis, ex cuius virtute restituimur in simplicem radium: id est in simplicem cognitionem intelligibilis veritatis. Et sic intelligendum est, quod Gregorius dicit, quod contemplantes corporalium rerum umbras non secum trahunt; quia videlicet in eis non sistit eorum contemplatio, sed potius consideratione intelligibilis veritatis.

Ad tertium dicendum, quod ex verbis illis Gregorii non datur intelligi, quod beatus Benedictus Deum in illa visione per essentiam viderit; sed vult ostendere, quod quia videnti Creatorem angusta est omnis creatura, consequens est, quod per illustrationem divini luminis de facili possint quæcumque videri. Unde subdit: Quamlibet etenim parum de luce Creatoris asperxerit, breve ei sit omne, quod creatum est.

ARTICULUS VI.

853

Utrum operatio contemplationis convenienter distinguitur per tres motus circularem, rectum, & obliquum.

Sup. q. 179. a. 3. ad 1. 2. ver. q. 8. a. 15. ad 3. 2.
q. 10. a. 8. ad 10. 2. op. 20. lib. 3. c. 2. 2. 3.

 Ad Sextum sic proceditur. Videtur, quod inconvenienter operatio contemplationis distinguitur per tres motus, circularem, rectum, & obliquum 4. part. de di-

dom.

nom. (part. 1. lect. 7.) Contemplatio enim tantum ad quietem pertinet, secundum illud Sap. 8. *Litrans in domum meam conquiescam cum illa*: sed motus quieti opponitur, non ergo operationes contemplativæ per motus designari debent.

2. Præterea. Actio contemplativæ vitæ ad intellectum pertinet, secundum quem homo cum Angelis convenit: sed in Angelis aliter assignat Dionys. hos motus, quam in anima. Dicit enim (*loc. cit.*) motum circularem Angeli esse secundum illuminationes pulchri, & boni. Motum autem circularem animæ secundum pluræ determinat: quorum primum est introitus animæ ab exterioribus ad seipsam: secundum est quædam convolutio virtutum ipsius, per quam anima liberatur ab errore & ab exteriori occupatione: tertium autem est nilo ad ea, que supra se sunt. Similiter etiam differenter describit motum rectum utriusque. Nam rectum motum Angeli dicit esse, secundum quod procedit ad subjectorum providentiam: motum autem rectum animæ ponit in duobus: primo quidem in hoc, quod progreditur ad eam quæ sunt circa ipsum: secundo autem in hoc, quod ab exterioribus ad simplices contemplationes elevatur. Sed etiam motum obliquum diversimode in utriusque determinat. Nam obliquum motum in angelis assignat ex hoc, quod providendo minus habentibus, manent in identitate circa Deum: obliquum, autem motum animæ assignat ex eo, quod anima illuminatur divinis cognitionibus rationaliter, & diffuse: non ergo videntur convenienter assignari operationes contemplationis per modos prædictos.

3. Præterea. Richard. de Sancto Vict., in lib. 1. de contempl. (c. 5.) ponit multas alias differentias motuum, ad similitudinem volatilium cœli: „quarum quædam nunc ad altiora se attollunt, nunc autem in inferiora demerguntur; & hoc sæpius repetere videtur: alia vero dextrorum, vel sinistrorum directunt multoties: quædam vero moventur in anteriores, vel posteriores frequenter: alia vero quasi in gyrum vertuntur secundum latiores, vel contractiores circuitus: quædam vero quasi immobiliter suspensa in uno loco manent.“ ergo videtur, quod non sint solum tres motus contemplationis,

In Contrarium est auctoritas Dionysii (cit. in arg. 1.)

Respondeo dicendum, quod, sicut dictum est supra (q. præced. a. 1. ad 3.) operatio intellectus, in qua contemplatio essentialiter consistit, motus dicitur, secundum quod motus est actus perfecti, ut Philosoph. dicit in 3. de Anima. (text. 28. tom. 2.) Quia vero per sensibilia in cognitionem intelligibilium devinemus, operationes autem sensibiles sine motu non sunt; inde est, quod etiam operationes intelligibles quasi motus quidam describuntur; & secundum similitudinem diversorum motuum earum differentia assignantur. In motibus autem corporalibus perfectiores, & primi sunt locales, ut probatur in 3. Phys. (text. 55. & 57. tom. 2.) Et ideo sub eorum similitudine potissimum operationes intelligibles describuntur. Quorum quidem sunt tres differentiae: nam quidam est *circularis*, secundum quem aliquid movetur uniformiter circa idem centrum: alias autem est *rectus*, secundum quem aliquid procedit ab uno in aliud. Tertius autem est *obliquus*, quasi compositus ex utroque. Et ideo „in operationibus intelligibilibus id quod simpliciter habet uniformitatem, attribuitur motui circulari. Operationis autem intelligibiliis, secundum quam proceditur de uno in aliud, attribuitur motui recto: operationis tamen intelligibilis habens aliquid uniformitatis simul cum processu ad diversa, attribuitur motui obliquo.“

Ad primum ergo dicendum, quod motus corporales exteriores opponuntur quieti contemplationis, quae intelligitur esse ab exterioribus occupationibus: sed motus intelligibilem operationum ad ipsam quietem contemplationis pertinent.

Ad secundum dicendum, quod homo convenit in intellectu cum Angelis in genere: sed vis intellectus est multo altior in Angelo, quam in homine: & ideo modo oportet hos motus in hominibus, & in Angelis assignare, secundum quod diversimode se habent ad uniformitatem. Intellectus enim Angeli habet operationem uniformem secundum duo: primo quidem, quod non acquirit intelligibilem veritatem ex veritate rerum compositarum, secundo, quia non intelligit veritatem

intelligibilem discursive, sed simplici intuitu. Intellectus vero animæ à sensibilibus rebus accipit intelligibilem veritatem, & cum quodam discursu rationis ipsius eam intelligit. Et ideo Dionys. motum *circularem* in Angelis assignat, in quantum uniformiter, & indesinenter absque principio, & sine intuentur Deum: sicut motus circularis carens principio, & sine uniformiter est circa idem centrum. In anima vero, autem ad istam uniformitatem perveniat, exigitur quod *dupliciter* ejus diffinitas amoveatur. Primo quidem illa, quæ est ex diversitate exteriorum rerum, prout scilicet relinquit exteriora. Et hoc est quod primo ponit in motu circulari animæ introitum ipsum ab exterioribus ad seipsam. Secundo autem oportet, quod removeatur secunda diffinitas, quæ est per discursum rationis: Et hoc idem contingit, secundum quod omnes operationes animæ reducuntur ad simplicem contemplationem intelligibilis veritatis. Et hoc est, quod secundo dicit, quod, necessaria est uniformis *convolutio* intellectualium virtutum ipsum; ut scilicet cessante discursu, figatur ejus intuitus in contemplatione unius simplicis veritatis. Et in hac operatione animæ non est error: sicut patet, quod circa intellectum primorum principiorum non erratur, quæ simplici intuitu cognoscimus. Et tunc, istis duobus praemissis, tertio ponitur uniformitas conformis Angelis, secundum quod, praetermissis omnibus, in sola Dei contemplatione persistit. Et hoc est, quod dicit: *Deinde si uniformis facta unita, id est, conformiter unitis virtutibus, ad pulchrum, et bonum manuducitur.* Motus autem rectus in Angelis accipi non potest secundum id, quod in considerando procedat ab uno in aliud; sed solum secundum ordinem suæ providentiae, secundum scilicet quod Angelus superior inferiores illuminat per medios. Et hoc est, quod dicit, quod in directum moventur Angeli, quando procedunt ad subjectorum providentiam, recta omnia transeuntes, id est, secundum ea, quæ secundum rectum ordinem disponuntur. Sed rectum motum ponit in anima secundum hoc, quod ab exterioribus sensibilibus procedit ad intelligibilem cognitionem. Oliquum autem motuum ponit in Angelo compositum ex recto, & circulari, in quantum secundum contemplationem

Dei

Dei inferioribus providet: in anima autem ponit motum obliquum similiter ex recto, & circulari compositum, prout scilicet illuminationibus divinis ratiocinando utitur.

Ad tertium dicendum, quod illæ diversitates motuum, quæ accipiuntur secundum differentiam ejus quod est sursum, & deorsum, dextrorum, & sinistrorum, ante, & retro, & secundum diversos circuitus, omnes continentur sub motu recto, vel obliquo. Nam per omnes designantur discursus rationi: quod quidem si sit à genere ad speciem, vel toto ad partem, erit, ut ipse exponit, secundum sursum, & deorsum: si vero sit ab uno oppositorum in aliud, erit secundum dextrorum & sinistrorum: si vero sit à causis in effectus, erit ante, & retro: sit vero sit secundum accidentia, quæ circumstant rem propinquam, vel remotam, erit circuitus. Discursus autem rationis, quando est à sensibilibus ad intelligibilia, secundum ordinem naturalis rationis, pertinet ad motum rectum: quando autem est secundum illuminationes divinas, pertinet ad motum obliquum, ut ex dictis patet: (*in solut. præc.*) Sola autem immobilitas, quam ponit, pertinet ad motum circularem. Unde patet, quod Dionys. multo sufficiens, & subtilius motum contemplationis describit.

ARTICULUS VII.

854

Utrum contemplatio delectationem habeat.

I. 2. q. 3, a. 5. co. v. 4. dist. 15. q. 4. a. 2.
q. 2. ad 1.

And Septimum sic proceditur. Videtur, quod contemplatio delectationem non habeat. Delectatio enim ad vim appetitivam pertinet: sed contemplatio priuilegiata consistit in intellectu: ergo videtur, quod delectatio non pertineat ad contemplationem.

2. Præterea. Omnis contentio, & omne certamen impedit delectationem: sed in contemplatione est contentio, & certamen: dicit enim Greg. super Ezech. (*homil. 14. inter med. v. sui.*) quod „anima, con-

„contemplari Deum ntitur , velut in quodam certamine posita modo quasi expperat ; quia intelligendo , & sentiendo de incircumscrip^to lumine aliquid degustat : modo succumbit : quia degustando iterum deficit : ergo vita contemplativa non habet delectationem.

3. Præterea. Deleclatio sequitur operationem perfectam , ut dicitur in 10. Ethic. (cap. 4. tom. 5.) Sed contemplatio vitæ est imperfecta , secundum illud 1. ad Corinth. 13. *Vidimus nunc per speculum in ægnate : ergo videtur quod vita contemplativa delectationem non habeat.*

4. Præterea. Læsio corporalis delectationem impedit : sed contemplatio inducit læsonem corporalem : unde Genes. 32. dicitur , quod Jacob postquam dixerat : *Vidi Dominum faciem ad faciem , claudicabat pede ; eo quod tetigerit nervum femoris ejus , & obstupnerit :* ergo videtur , quod in vita contemplativa non sit delectatio.

Sed Contra est , quod de contemplatione sapientiæ dicitur Sap. 8. *Non habet amaritudinem conversatio illius , nec tedium convictus ejus , sed lætitiam & gaudium.* Et Gregor. dicit super Ezech. (loc. supr. cit.) quod *contemplativa vita amabilis valde dulcedo est.*

Respondeo dicendum , quod aliqua contemplatio potest esse delectabilis dupliciter. *Uno modo* ratione ipsius operationis : quia unicuique delectabilis est operatio sibi conveniens secundum propriam naturam , vel habitum. Contemplatio autem veritatis competit homini secundum suam naturam , prout est animal rationale : ex quo contingit , quod omnes naturæ scire desiderant ; & per consequens in cognitione veritatis delectantur : & adhuc magis si hoc delectabile habenti habitum sapientiæ , & scientiæ , ex quo accidit , quod sine difficultate aliquis contemplatur.

Alio modo contemplatio redditur delectabilis ex parte objecti ; in quaatum scilicet aliquis rem amatam contemplatur : sicut etiam accidit in visione corporali , quæ delectabilis redditur , non solum ex eo quod ipsum vivere est delectabile , sed etiam ex eo quod videt quis personam amatam. Quia ergo vita contemplativa præci-

pue consistit in contemplatione Dei , ad quam moveat charitas , ut dictum est ; (a. 1. huj. q. & a. 2. ad 1.) inde est quod in vita contemplativa non solum est delatio ratione ipsius contemplationis , sed etiam ratione ipsius divini amoris .

Et quantum ad utrumque ejus delectatio omnem dilectionem humanam excedit . Nam & delectatio spiritu- lis potior est , quam carnalis , ut supra habitum erat . (1. 2. q. 31. a. 5.) cum de passionibus ageretur ; & ipse amor , quo ex charitate Deus diligitur , omnem amorem excedit . Unde in Psal. 33. dicitur : *Gustate & videte , quoniam suavis est Dominus .*

Ad primum ergo dicendum , quod vita contemplativa , licet essentialiter consistat in intellectu , principium tamen habet in affectu ; in quantum videlicet aliquis ex charitate ad Dei contemplationem incitatatur . Et quia finis respondet principio , inde est quod etiam terminus , & finis contemplativæ vitae habet esse in affectu ; dum scilicet aliquis in visione rei amatæ delectatur , & ipsa delectatio rei visæ amplius excitat amorem . Unde Greg. dicit super Ezech. (hom. 14. cir. med.) quod *cum quis ipsum , quem amat , viderit , in amore ipsius amplius ignescit .* Et haec est ultima perfectio contemplativæ vite ut scilicet non solum divina veritas videatur , sed etiam ut ametur .

Ad secundum dicendum , quod contentio , vel certamen , quod provenit ex contrarietate exterioris rei , impedit illius rei delectationem : non enim aliquis delectatur in re , contra quam repugnat ; sed in re , pro qua quis pugnat , cum eam homo adeptus fuerit , exteris paribus , magis in ea delectatur . Sicut Augustinus dicit in 8. Confess. (cap. 3. ante med. tom. I.) quod *quanto fuit maius periculum in prælio , tanto maior est glorium in triumpho .* Non est autem in contemplatione contentio , & certainum ex contrarietate veritatis , quam contemplamur , sed ex defectu nostri intellectus , & ex corruptibili corpore , quod nos ad inferiora retrahit , secundum illud Sap. 9. Corpus , quod corrumperit , aggrauat animam : & deprimit terrena ihabitatio sensum multa cogitantem . Et inde est , quod quando homo pertinet ad contemplationem veritatis , ardenter eam amat .

sed magis odit proprium defectum , & gravitatem corruptibilis corporis , ut dicat cum Apostolo Rom. 7. *In felix ego homo , quis me liberabit de corpore mortis hujus?* Unde & Greg. dicit super Ezech. (loc. cit. in arg.) *Cum Deus jam per desiderium , & intellectum cognoscitur , omnem in nobis voluptatem carnis arefacit.*

Ad tertium dicendum , quod contemplatio Dei in hac vita imperfecta est respectu contemplationis patriæ . Et similiter delectatio contemplationis viæ est imperfecta respectu delectationis contemplationis patriæ , de qua dicitur in Psal. 35. *Torrente voluptatis tuae potabis eos.* Sed contemplatio divinorum , quæ habetur in via , etsi sit imperfecta , tamen est delectabilior omni alia contemplatione , quantumcumque perfecta , propter excellētiam rei contemplatæ . Unde Philos. dicit in 1. de partibus animalium , (cap. 5. cir. princ. tom. 4.) „ *Accidit circa illas honorabiles existentes , & divinas substantias , minores nobis existere theorias : sed etsi secundum modicum attingamus eas : tamen propter honorabilitatem cognoscendi delectabilius aliquid habent , quam quæ apud nos omnia.* “ *Et hoc est etiam quod Gregorius dicit super Ezechiel :* (loc. sup. cit.) „ *Contemplativa vita amabilis valde dulcedo est , quæ super semetipsam animam rapit , cœlestia aperit , spiritualia mentis oculis patescit.* “

Ad quartum dicendum , quod Jacob post contemplationem uno pede claudicabat , quia necesse est , ut debilitas amore sacerdotii , convalescat aliquis ad amorem Dei , ut Gregor. super Ezechiel. (loc. cit.) Et ideo „ post agnitionem suavitatis Dei unus in nobis pes sanus remaneat , atque aliis claudicat : omnis enim , qui uno pede claudicat , solum illi pedi ianititur , quem sanum habet. “

ARTICULUS VIII.

855

Utrum vita contemplativa sit diurna.

I. q. 20. a. 4. ad 3. & 3. d. 35. q. 1. a. 4. q. 3.

 Ad Octavum sic proceditur. Videtur , quod vita contemplativa non sit diurna. Vita enim contemplativa

essentialiter consistit in his , quæ ad intellectum pertinent : sed omnes intellectivæ perfectiones hujus vits evanescuntur , secundum illud 1. ad Cor. 13. Sive prophetiæ evanescuntur ; sive lingue cessabunt , sive sciendi destruetur : ergo vita contemplativa evanescatur.

2. Præterea. Dulcedinem contemplationis aliquis homo raptim , & per transundo degustat ; unde Augustinus dicit in 10. Coniess. (cap. 40. parum ante fin. tom. 1.) *Intromittis me in affectum multum insitatum intus ad nescio quam dulcedinem , sed recido in haec arenas sis ponderibus.* Gregorius etiam in 5. Moral. (cap. 2. ad fin.) exponens illud Job 4. „ *Cum spiritus me præse, sente transiret , dicit :* in suavitate contemplationis „ *intimæ non diu meas figitur , quia ad semetipsam , ipsa immensitate luminis reverberata , revocatur :* ergo vita contemplativa non est diurna.

3. Præterea. Illud , quod non est homini cognoscibile , non potest esse diurnum : *Vita autem contemplativa est melior , quam secundum hominem , ut Philosophus dicit in 10. Ethic.* (cap. 7. ad fin. tom. 5.) ergo non detur , quod vita contemplativa non sit diurna.

Sed Contra est , quod Dominus dicit Luc. 10. *Misericordia optimam partem elegit , quæ non auferetur ab ea : qui , ut Greg. dicit super Ezech. (hom. 14. à med.) contemplatio hic incipit , ut in celesti patria perficiatur.*

Respondeo dicendum , quod aliquid potest dici diurnum dupliciter : uno modo secundum suam naturam . *Alio modo quoad nos.* Secundum se quidem manifestum est quod vita contemplativa diurna est dupliciter : uno modo eo quod versatur circa incorruptibilia , & immobilia . *Alio modo , quia non habet contrarietatem : delectationi enim , quæ est in considerando , nihil est contrarium , dicitur in 1. Topic. (cap. 13. in explic. l. c. 2. tom. 1.)*

Sed quoad nos etiam vita contemplativa diurna est . Tum quia competit nobis secundum actionem incorruptibilis partis animæ , scil. secundum intellectum : unde potest post hanc vitam durare : tum quia in operibus contemplativæ corporaliter non laboramus ; unde ergis in hujusmodi operibus continue persistere possumus , sicut Phil. dicit in 10. Ethic. (c. 7. parum à princ. tom. 1.)

Ad primum ergo dicendum, quod modus contemplandi non est idem hic, & in patria: sed vita contemplativa dicitur manere ratione charitatis, in qua habet & principium, & finem. Et hoc est quod Gregorius dicit super Ezech. (hom. 14. post med.) „Contemplativa hic incipit, ut in cœlesti patria perficiatur: quia „amoris ignis, qui hic ardere inchoat, cum ipsum, „quem amat, viderit, in amore ipsius amplius ignescit.“

Ad secundum dicendum, quod nulla actio potest diu durare in sui summo. Summum autem contemplationis est, ut attingat ad uniformitatem divinæ contemplationis, ut dicit Dionysius. (cap. 4. de Div. Nom. par. I. lett. 7. & cap. 3. Cœl. Hierarch. ante med.) sicut supra positum est. (art. 6. huj. q. 2.) Unde etsi quantum ad hoc contemplatio diu durare non possit; tamen quantum ad alios contemplationis actus potest diu durare.

Ad tertium dicendum, quod Philosophus dicit, vitam contemplativam esse supra hominem, quia competit nobis secundum hoc, quod aliquid divinum est in nobis; scilicet intellectus, qui est incorruptibilis, & impassibilis in se, & ideo actio ejus potest esse diuturnior.

QUÆSTIO CLXXXI.

De vita activa, in quatuor articulos dividenda.

Deinde considerandum est de vita activa.

Et circa hoc queruntur quatuor.

Primo. Utrum omnia opera virtutum moralium pertineant ad vitam activam.

Secundo. Utrum prudentia pertineat ad vitam activam.

Tertio. Utrum doctrina pertineat ad vitam activam.

Quarto. De diuturnitate vita activæ.

ARTICULUS I.

856

Utrum omnes actus virtutum moralium pertineant ad vitam activam?

Sup. q. 80. a. 2. cor. 2. op. 17. c. 7. ad 7.

Ad Primum sic proceditur. Videtur, quod non omnes actus virtutum moralium pertineant ad vitam activam. Vita enim activa videtur consistere solum in his, quæ sunt ad alterum; dicit enim Gregor. super Ezech. (hom. 14. parum à med.) quod actus vita est paucem esurienti tribuere; & in fine multis numeratis, quæ ad alterum pertinent, subdit: Et quod singulis quibusque expedient, dispensare, sed non per omnes actus virtutum moralium ordinamus ad alios, sed solum secundum iustitiam, & partes ejus, ut ex supra dictis patet. (q. 58. a. 1. 2. 3. 1. 2. q. 60. a. 2. 3.) non ergo actus omnium virtutum moralium pertinent ad vitam activam.

2. Præterea, Gregor. dicit super Ezech. (hom. 14. à med.) quod „per Liam, quæ sit lippa, sed secunda, significatur vita activa, quæ dum occupatur in opere, minus videt; sed dummodo per verbum, modo per exemplum ad imitationem suam proximos accendit, multos in opere bono filios generat;“ Hoc autem magis videtur pertinere ad charitatem, per quam diligimus proximum, quam ad virtutes morales: ergo videtur, quod actus virtutum moralium non pertineant ad vitam activam.

3. Præterea. Sicut supra dictum est, (q. præc. a. 1.) virtutes morales disponunt ad vitam contemplativam: sed dispositio, & perfectio pertinent ad idem: ergo videtur, quod virtutes morales non pertineant ad vitam activam.

Sed Contra est, quod Isidorus dicit in libro 3. de summo bono: (c. 15. parum à princ.) „In activa vita prius per exercitium boni operis cuncta exhaurienda sunt vitia, ut in contemplativa jam pura mentis acie ad contemplandum divinum lumen quisque perfraneat.“ Sed

Sed cuncta virtus non exhauiuntur, nisi per actus virtutum moralium: ergo actus virtutum moralium ad vitam activam pertinent.

Respondeo dicendum, quod, sicut supra dictum est, (q. 179. a. 1.) vita activa, & contemplativa distinguuntur secundum diversa studia hominum intendentium ad diversos fines: quorum unum est consideratio veritatis, quæ est finis vitae contemplativæ: Aliud autem est exterior operatio, ad quam ordinatur vita activa.

Manifestum est autem, quod in virtutibus moralibus non principaliter quæritur contemplatio veritatis, sed ordinantur ad operandum. Unde Philosophus dicit in 2. Ethic. (cap. 2. cir. princ. &c. l. 10. c. ult. tom. 5.) quod ad virtutem quidem scire, parum, aut nihil potest. Unde manifestum est, quod virtutes morales pertinent essentia-liter ad vitam activam. Unde & Philosoph. in 10. Ethicorum, (cap. 7. & 8. tom. 5.) virtutes morales ordi-nant ad felicitatem activam.

Ad primum ergo dicendum, quod inter virtutes morales præcipua est justitia, qua aliquis ad alterum ordinatur, ut Philosophus probat in 5. Ethic. (c. 1. à med. tom. 5.) Unde vita activa describitur per ea, quæ ad alterum ordinantur, non quia in his solum, sed quia in his principalius consistit.

Ad secundum dicendum, quod per actus omnium virtutum moralium potest aliquis proximos suos exemplo dirigere ad bonum: quod Gregorius ibi attribuit vi- tæ activæ,

Ad tertium dicendum, quod sicut virtus, quæ or- dinatur in finem alterius virtutis, transit quodammodo in speciem ejus, ita etiam quando aliquis utitur his quæ sunt vitæ activæ, solum prout disponunt ad contemplationem, comprehenduntur sub vita contemplativa: in his autem, qui operibus virtutum moralium intendunt, tanquam secundum se bonis, non autem tanquam dis- ponentibus ad vitam contemplativam, virtutes morales pertinent ad vitam activam.

Quamvis etiam dici possit, quod vita activa dispo- sitio sit ad vitam contemplativam.

ARTICULUS II.

857

Utrum prudentia pertineat ad vitam activam.

*Sup. q. 80. a. 2. cor. 2^o præsentis q. a. 1. corp. 2^o opus.
17. c. 7. ad 7.*

And Secundum sic proceditur. Videtur, quod Prudentia non pertineat ad vitam activam. Sicut enim vita contemplativa pertinet ad vim cognitivam, ita activa ad vim appetitivam: prudentia autem non pertinet ad vim appetitivam, sed magis ad cognitivam: ergo prudentia non pertinet ad vitam activam.

2. Præterea. Gregor. dicit super Ezech. (*homil. 14. à med.*) quod *activa vita, dum occupatur in opere, natus videt*: unde significatur per Liam, quæ lippes oculos habebat: prudentia autem requirit oculos claros, ut recte judicet homo de agendis: ergo videtur, quod prudentia non pertineat ad vitam activam.

3. Præterea. Prudentia media est inter virtutes morales, & intellectuales: sed sicut virtutes morales pertinent ad vitam activam, ut dictum est, (*a. præc. 1. 19.*) *virtutes intellectuales ad contemplativam*; ergo videtur, quod prudentia non pertineat neque ad vitam activam, neque ad contemplativam, sed ad medium vivendi genus, quod August. ponit 19. de civit. Dei. (*cap. 2. 2^o 19. tom. 5.*)

Sed Contra est, quod Philos. in 10. Ethic. (*cap. 8. tom. 5.*) prudentiam pertinere dicit ad felicitatem activam, ad quam pertinent virtutes morales.

Respondeo dicendum, quod, sicut supra dictum est, (*a. præc. ad 3. 2^o 1. 2. q. 18. a. 7.*) id, quod ordinatur ad aliud sicut ad finem, præcipue in moralibus, trahitur ad speciem ejus, ad quod ordinatur: sicut illi, qui moechatur, ut suretur, magis dilectur fur, quam machina secundum Philos. in 5. Ethicor. (*cap. 2. parum à prior. tom. 5.*) Manifestum est autem, quod cognitione prudentiae ordinatur ad operationes virtutum moralium, sicut dicitur ad finem; est enim *recta ratio agibilium*, sicut dicitur in 6. Ethicor. (*cap. 5. tom. 5.*) unde & fines

virtutum moralium sunt in principiis prudentiae, sicut in eodem libro, Philos. dicit. Sicut ergo dictum est, (a. præc. ad 3.) quod virtutes morales in eo qui ordinat eas ad quietem contemplationis, pertinent ad vitam contemplativam: ita cognitio prudentia, quæ de se ordinatur ad operationes virtutum moralium, directe pertinet ad vitam activam, si tamen prudentia proprie sumatur, secundum quod Philosophus de ea loquitur.

Si autem sumatur communius, prout scilicet comprehendit qualcumque humanam cognitionem; sic prudentia qualcum ad aliquam sui partem pertinet ad vitam contemplativam, secundum quod Tullius dicit in 1. de Offic. (in tit. de 4. virtutibus, unde omnia officia manant) quod qui acutissime, & celestine potest & videre verum, & explicare rationem, is prudensissimus, & sapientissimus, rite haberi solet.

Ad primum ergo dicendum, quod operationes morales specificantur ex fine, ut supra habitum est. (1. 2. q. 18. a. 4. & 6.) Et ideo ad vitam contemplativam illa cognitio pertinet, quæ finem habet in ipsa cognitione veritatis. Cognitio autem prudentiae, quæ magis habet finem in actu appetitivæ virtutis, pertinet ad vitam activam.

Ad secundum dicendum, quod occupatio exterorum rerum facit hominem minus videre in rebus intelligibiliis, quæ sunt separatae à sensibiliis, in quibus operationes activæ vite consistunt: sed tamen occupatio exterior activæ vite facit hominem magis clare videre in iudicio agibilium, quod pertinet ad prudentiam, tum propter experientiam, tum propter mentis attentionem; quia uel intenderis, ibi ingenium valet, ut Salustius dicit (*In conjur. Catill. cīr. pīnc. orat. Cæsaris.*)

Ad tertium dicendum, quod prudentia dicitur esse media inter virtutes intellectuales, & morales, quantum ad hoc, quod in subjecto convenit cum virtutibus intellectualibus, in materia autem totaliter convenit cum moralibus. Illud autem tertium vivendi genus medium est inter activam vitam, & contemplativam, quantum ad ea, circa quæ occupatur: quia quandoque occupatur in contemplatione veritatis, quandoque autem occupatus circa exteriora.

ARTICULUS III.

858

Utrum docere sit actus vitæ activæ, an contemplativæ,

3. d. 35. q. 1. a. 3. q. 1. ad 3. 2^o ver. q. 11. a. 4.

Ad Tertium sic proceditur. Videtur, quod docere non sit actus vitæ activæ, sed contemplativæ: dicit enim Gregor. super Ezech. (hom. 5. inter med. & fin.) quod *viri perfecti bona cœlestia, quæ saltem per speculum contemplari potuerant, fratribus denuntiant, eorumque animos in amorem intimæ claritatis accendunt*: sed hoc pertinet ad doctrinam: ergo docere est actus vitæ contemplativæ.

2. Præterea. Ad idem genus vitæ videtur reduci actus, & habitus: sed docere est actus sapientiae dicit enim Philos. in princ. Metaphys. (c. 1. à med. tom. 3.) quod *sigillum scientis est posse docere*; cum ergo sapientia, vel scientia pertineat ad vitam contemplativam, videatur quod etiam doctrina ad vitam contemplativam pertineat.

3. Præterea. Sicut contemplatio est actus vitæ contemplativæ, ita & oratio: sed oratio, qua quis orat pro alio, nihilominus pertinet ad vitam contemplativam: ergo quod aliquis veritatem mediatam in alterius notitiam per doctrinam deducat, videtur ad vitam contemplativam pertinere.

Sed Contra est, quod Gregor. dicit super Ezech. (hom. 14. parum ante med.) *Activa vita est, panem euvranti tribuere, verbo sapientiae nescientem docere.*

Respondeo dicendum, quod actus doctrinæ habet duplex objectum; fit enim doctrina per locutionem; locutio autem est signum audibile interioris conceptionis. Est ergo unum objectum doctrinæ id, quod est materia, sive objectum interioris conceptionis: Et quantum ad hoc objectum quandoque doctrina pertinet ad vitam, activam, quandoque ad contemplativam.

Ad activam quidem, quando homo interius concipit aliquam veritatem, ut per eam in exteriori actione dirigatur: ad contemplativam autem, quando ho-

me interius concipit aliquam veritatem intelligibilem, in cuius consideratione, & amore delectatur. Unde August. dicit in libro de verb. Domini (serm. 27. c. 1. cir. fin. tom. 10.) *Elegant sibi partem meliorem, scilicet vitæ contemplativæ, vacent verbo, inhient doctrinæ dulcedinî, occupentur circa scientiam salutarem: ubi manifeste dicit, doctrinam ad vitam contemplativam pertinere.*

Aliud vero objectum doctrinæ est ex parte sermonis audibilis; & sic objectum doctrinæ est ipse audiens: & quantum ad hoc objectum omnis doctrina pertinet ad vitam activam, ad quam pertinent exteriores actiones.

Ad primum ergo dicendum, quod auctoritas illa expresse loquitur de doctrina quantum ad materiam, prout versatur circa considerationem, & amorem veritatis.

Ad secundum dicendum, quod habitus, & actus communicant in objecto. Et ideo manifeste illa ratio procedit ex parte materiæ interioris conceptionis; in tantum enim ad sapientem, vel scientem pertinet posse docere, in quantum potest interiore conceptum veris exprimere, ad quod possit alium adducere ad intellectum veritatis.

Ad tertium dicendum, quod ille qui orat pro alio, nihil agit erga illum, pro quo orat, sed solum erga Denum qui est intelligibilis veritas; sed ille qui alium docet, aliquid circa eum agit exteriori actione; unde non est similis ratio de utroque.

ARTICULUS IV.

859

Utrum vita activa maneat post hanc vitam.

I. q. 20. a. 4. ad 3. & I. 2. q. 67. a. 1. ad 2. & 3.
d. 35. q. 1. a. 4. q. 3. & 3. con. c. 63. fin. & ver.
q. II. a. 4. ad 2.



Q.d. Quartum sic proceditur. Videlur, quod vita activa maneat post hanc vitam. Ad vitam enim activam pertinent actus moralium virtutum, ut dictum est; (a. I. hu. q.) sed virtutes morales permanent post

AA 6

hanc

hanc vitam, ut August. dicit in 14. de Trin. (c. 9. tom. 3.) ergo videtur, quod vita activa permaneat post hanc vitam.

2. Præterea. Docere alios pertinet ad vitam activam ut dictum est : (a. præc.) sed in futura vita in qua similes erimus Angelis, poterit esse doctrina; sicut & in Angelis esse videtur, quorum unus aliam illuminat, purgat, & perficit; quod refertur ad scientiæ assumptionem, ut patet per Dionys. 7. cap. et. hier. (inter med. & fin.) ergo videtur, quod vita activa remaneat post hanc vitam.

3. Præterea. Illud quod de se est durabilius, magis videtur posse post hanc vitam remanere; sed vita activa videtur esse de se durabilior; dicit enim Greg. super Ezech. (hom. 5. à med.) quod *in vita activa sibi permanere possumus*; *in contemplativa autem intenta mente manere nullo modo valemus*: ergo multo magis vita activa potest manere post hanc vitam, quam contemplativa.

Sed Contra est, quod Gregor. dicit super Ezech. (hom. 14. post med.) *Cum præsentí seculo vita auctoractiva & contemplativa autem hic incipitur*, ut in cœlesti patria perficiatur.

Respondeo dicendum, quod, sicut dictum est, (a. 1. huj. q.) vita activa habet finem in exterioribus actibus; qui si referantur ad quietem contemplationis, jam pertinent ad vitam contemplativam; in futura autem vita Beatorum cessabit occupatio exteriorum actuum: & si qui actus exteriores sint referantur ad finem contemplationis. Ut enim August. dicit in fine de civ. Dei; *ibi vacabimus videbimus: videbimus: & amabimus amabibus & laudabimus*, & in eodem libro præmittit, (ibid.) quod *ibi Deus sine fine videbitur, sine fastidio amabitur, sine fatigacione laudabitur*. Hoc munus, hic affectus, hic actus erit omnibus.

Ad primum ergo dicendum, quod, sicut supra dictum est, (1. 2. q. 67. a. 1.) virtutes morales manebunt non secundum actus, quos habent circa ea quae sunt ad finem, sed secundum actus, quos habent circa finem. Hujusmodi autem actus sunt, secundum quod constituant quietem contemplationis, quia Augustin.

in præmissis verbis significat per vacationem, quæ est intelligenda non solum ab exterioribus tumultibus, sed etiam ab interiori perturbatione passionum.

Ad secundum dicendum, quod vita contemplativa, sicut supra dictum est, (*q. præc. a. 4.*) præcipue consistit in contemplatione Dei. Et quantum ad hoc unus Angelus alium non docet; quia, ut dicitur Matth. 18. de Angelis Puerorum, qui sunt inferioris ordinis, quod semper vident faciem Patris; sic & in futura vita nullius hominem alium docebit de Deo, sed omnes videbimus eum, sicuti est, ut habetur 1. Joan. 3. Et hoc est quod Jerem. 31. dicitur: non docebit ultra vir proximum suum, dicens: Cognosce Dominum. Omnes enim cognoscent me à minimo eorum usque ad maximum. Sed de his quæ pertinent ad dispensationem mysteriorum Dei, unus Angelus docet alium, purgando, illuminando, & perficiendo. Et secundum hoc habent aliquid de vita activa, quasidu mundus donat, ex hoc quod administrationi inferioris creature intendant: quod significatur per hoc, quod Jacob vidit Angelos in scala ascendentibus, quod pertinet ad contemplationem, & descendentes, quod pertinet ad actionem: sed, sicut dicit Gregor. 2. Moral. (*c. 2. cir. med.*) non sic à divina visione foris excent, ut internæ contemplationis gaudis priventur. Et ideo in eis non distinguitur vita activa à contemplativa, sicut in nobis, qui per opera vitæ activæ impeditur à contemplatione. Non autem promittitur nobis similitudo Angelorum quantum ad administrationem inferioris creature, quæ nobis non competit secundum ordinem naturæ nostræ, sicut competit Angelis, sed secundum visorem Dei.

Ad tertium dicendum, quod durabilitas vitæ activæ in statu præsenti excedens durabilitatem vite contemplativæ, non provenit ex proprietate utriusque vitæ secundum se consideratae, sed ex defectu nostri, qui ex corporis gravitate retrahitur ab altitudine contemplationis. Unde ibidem subdit Gregor. quod ipsa nostra infirmitate ab immensitate tantæ celsitudinis repulsus andamus in semelipso relabitur.

QÆSTIO CLXXXII.

De comparatione vita activæ ad contemplativam, in quatuor articulos divisa.

Deinde considerandum est de comparatione vita activæ ad contemplativam.

Et circa hoc queruntur quatuor.

Primo. Quæ sit potior, vel dignior.

Secundo. Quæ sit majoris meriti.

Tertio. Utrum vita contemplativa impediatur vita activam.

Quarto. De origine utriusque.

ARTICULUS I.

860

Utrum vita activa sit potior, quam contemplativa.

*Inf. q. 188. a. 5. v. 1. q. 57. a. 1. c. v. 3. d. 35.
q. 1. a. 4. v. 3. con. c. 63. fin. v. c. 133. v. ver. q. 11.
a. 4. v. op. 17. c. 7. ad 3.*

Ad Primum sic proceditur. Videtur, quod vita activa sit potior, quam contemplativa. Quod enim est meliorum, videtur esse honorabilius, & melius, ut Philos. dicit in 3. Topic. (c. 1. in explic. loci II. tom. 1.) Sed in vita activa pertinet ad maiores, scilicet ad Praelatos, qui sunt in honore, & potestate constituti: unde August. dicit 19. de civ. Dei (c. 19. in med. tom. 5.) quod in actione non amandus est honor in hac vita, sive potentia: ergo videtur, quod vita activa sit potior, quam contemplativa.

2. Præterea. In omnibus habitibus, & actibus præcipere pertinet ad potiorem, sicut militaris tanquam potior præcipit frænorum factrici: Sed ad vitam activam pertinet disponere, & præcipere de contemplativa; ut patet per illud quod dicitur Moysi Exod. 19. Descende, & contestare populum; ne forte velit transcede-

re propositos terminos ad videndum Deum : ergo vita activa est potior quam contemplativa.

3. Præterea. Nullus debet abstrahi à majori , ut applicetur minoribus. Apost. enim dicit 1. ad Cor. 12. *M&emalamin charismata meliora : sed aliqui abstrahuntur à statu vitæ contemplativæ , & ocupantur circa vitam activam ; ut patet de illis qui trasferuntur ad statum prælationis : ergo videtur , quod vita activa sit potior , quam contemplativa.*

Sed Contra est , quod Dominus dicit Lucæ 10. *Maria optimam partem elegit , quæ non auferetur ab ea. Per Mariam autem significatur vita contemplativa : ergo contemplativa vita potior est , quam activa.*

Respondeo dicendum , quod nihil prohibet , aliquid secundum se esse excellentius , quod tamen secundum quid ab alio superatur. Dicendum est ergo , quod vita contemplativa simpliciter melior est quam activa.

Quod Philos. in 10. Ethic. (cap. 7, & 8. tom. 5.) probat octo rationibus. Quarum prima est , quia vita contemplativa convenit homini secundum illud quod est optimum in ipso , scilicet secundum intellectum , & respectu propriorum objectorum , scilicet intelligibilium: vita autem activa occupatur circa exteriora. Unde Rachel , per quam significatur vita contemplativa , interpretatur *visum principium : vita antem activa significatur per Liam , quæ erat lippis oculis , ut Greg. dicit 6. Moral. (cap. 18. à princ.) Secunda , quia vita contemplativa potest esse magis continua , licet non quantum ad summum contemplationis gradum , sicut supra dictum est. (q. 180. a. 8. ad 2. & q. præc. a. 4. ad 3.) Unde & Maria , per quam significatur vita contemplativa , describitur secus pedes Domini assidue sedens. Tertia , quia major est dilectatio vitæ contemplativæ quam activæ. Unde August. dicit in libro de Verb. Dom. (serm. 26. cap. 2. ante med. tom. 10.) quod Martha turbulatur . Maria epulabatur. Quartæ , quia in vita contemplativa est homo magis sibi sufficiens , quia paucioribus ad eam indiget. Unde dicitur Luc. 10. *Martha , Martha , sollicita es , & turbaris erga plurima. Quinta , quia vita contemplativa magis propter se diligitur ; vita autem activa ad aliud ordinatur. Unde in Psal. 26.**

di-

dicitur: *unam petili à Domino, hanc requiram, ut inhabitem in domo Domini omnibus diebus vita mea*, ut videm voluptatem Domini. *Sexta*, quia vita contemplativa consistit in quadam vacatione, & quiete, secundum illud Psalm. 45. *Vacate, & videte, quoniam ego sum Deus. Septima*, quia vita contemplativa est secundum divina; vita autem activa est secundum humana. Unde August. dicit in lib. de Verb. Dom. (serm. 27. cap. 2. circ. med. tom. 10.) *In principio erat Verbum ecce quod Maria audiebat. Verbum caro factum est: acc cui Maria ministrabat. Octava*, quia vita contemplativa est secundum id, quod est magis proprium homini, scilicet secundum intellectum; in operationibus autem vita activa communicant etiam inferiores vires; quae sunt nobis, & brutis communes. Unde in Psal. 35. postquam dictum est: *Homines, & jumenta salvabis Domine, subditur id quod est hominibus speciale: in lumine tuo videbimus lumen.*

Nonam rationem addit Dominus Luc. 10. cum dicit: Optimam partem elegit Maria, qua non auferitur ab ea. Quod exponens August. in lib. de Verb. Dom. (loc. cit.) dicit: Non tu malam, sed illa meliorem. Audi, unde meliorem, quia non auferetur ab ea: a te autem auferetur aliquando onus necessitatis; aeterna est dulcedo veritatis.

Secundum quid tamen, & in casu est magis eligenda vita activa propter necessitatem presentis vite: sicut etiam Philos. dicit in 3. Topic. (cap. 2. in explicat. loci 40. tom. 1.) quod philosophari est melius, quam diciari, sed dictere melius est necessitatem patienti.

Ad primum ergo dicendum, quod ad Praelatos non solum pertinet vita activa, sed etiam debent esse excellentes in vita contemplativa. Unde Greg. dicit in Pastorali: (part. 2. cap. 1.) sit Praesul actione præcipuus, praecunctis in contemplatione suspensus.

Ad secundum dicendum, quod vita contemplativa in quadam animi libertate consistit. Dicit enim Greg. super Ezech. (hom. 3. à med.) quod vita contemplativa quadam libertatem mens transit, temporalia non cogitans, sed aeterna. Et Boetius dicit in 5. de consolatione, (prosa 2. circ. med.) *Humanas animas lib-*

res esse necesse est, cum se in mentis divinæ speculazione conservat; minus vero, cum dilabuntur ad corpora. Unde patet, quod vita activa non directe præcipit contemplativæ, sed disponendo ad vitam contemplativam præcipit quedam opera vita activæ, in quo magis servit vita contemplativæ, quam dominetur. Et hoc est quod Greg. dicit super Ezech. (loc. cit.) quod *activa vita servitus, contemplativa autem libertas vocatur.*

Ad tertium dicendum, quod ad opera vita activæ interdum aliquis à contemplatione avocatur propter aliquid necessitatem presentis vita: non tamen hoc modo quod cogatur aliquis totaliter contemplationem deserere. Unde August. dicit 19. de Civ. Dei. (cap. 19. in fin. tom. 5.) „Otium sanctum querit charitas veritatis; negotium justum, sc. vita activæ: suscipit necessitas charitatis; quam sarcinam si nullus imponebit, percipiendæ, atque intuendæ vacandum est veritati: si autem imponitur, suscipienda est propter charitatis necessitatem. Sed nec sic omnino veritatis delectatio deserenda est, ne subtrahatur illa suavitas, & opprimat ista necessitas.“ Et sic patet, quod cum aliquis à contemplativa vita ad activam vocatur, non hoc per modum subtractionis, sed per modum additionis.

ARTICULUS II.

861

Utrum vita activa sit majoris meriti, quam contemplativa.

3. dist. 35. q. 1. a. 4. q. 2.

And Secundum sic proceditur. Videtur, quod vita activa sit majoris meriti, quam contemplativa. Meritum enim dicitur respectu mercedis: merces autem debetur labori, secundum illud 1. ad Corinth. 3. *Quisque propriam mercedem accipiet secundum suum laborem:* sed vita activæ attribuitur labor, contemplativæ vero quies; dicit enim Gregor. super Ezech. (hom. 14. à med.) „Omnis qui ad Deum convertitur, prius necesse est, ut desudet in labore; id est, Liam accipiat: ut post ad videandum principium in Rachel

,, amplexibus requiescat: " ergo vita activa est majoris meriti , quam contemplativa.

2. Præterea. Vita contemplativa est quædam inchoatio futuræ felicitatis ; unde super illud Ioan. ult. Sic eum volo manere, donec veniam , dicit Aug. (tract. 124, inter med. & fin. tom. 9.) „ Hoc apertius dici potest: „ perfecta me sequatur actio informata meæ passionis „ exemplo ; inchoata vero contemplatio maneat , do- „ nec venio , perficienda , cum venero: " & Greg. di- cit super Ezech. (loc. sup. c. l.) quod contemplativa vi- ta hic incipit , ut in cœlesti patria perficiatur : sed in illa futura vita non erit status merendi , sed recipien- di pro meritis : ergo vita contemplativa minus videtur habere de ratione meriti , quam vita activa ; sed plus habet de ratione præmii.

3. Præterea. Gregor. dicit super Ezech. (colligit hom. 12. aliq. ante fin.) quod nullum sacrificium est Du magis acceptum , quam zelus animarum : sed per zelum animarum aliquis se convertit ad studia vitæ activæ ergo videtur , quod vita contemplativa non sit majoris meriti , quam activa.

Sed Contra est , quod Gregor. dicit in 6. Moral. (cap. 18. ante med.) Magna sunt activæ vitæ merita , sed contemplativæ potiora.

Respondeo dicendum , quod radix merendi est cha- ritas , sicut supra habitum est. (1. 2. q. ult. cap. 4.) Cum autem charitas consistat in delectatione Dei , & proximi , sicut supra habitum est. (q. 25. a. 1.) Denique diligere secundum se , est magis meritorium , quam di- ligere proximum , ut ex supradictis patet. (q. 27. a. 8.) Et ideo illud quia directius pertinet ad dilectionem Dei , magis ex meritorum ex suo genere , quam id quod di- rectie pertinet ad dilectionem proximi propter Deum. Vita autem contemplativa directe , & immediate per- tinet ad dilectionem Dei. Dicit enim Aug. 19. de Cir. Dei , (cap. 19. in fin. tom. 5.) quod otium sanctum , scilicet contemplativæ vitæ , querit charitas veritatis , scilicet divinæ , cui potissime vita contemplativa in- sistit , sicut dictum est: (q. præced. a. 4. ad 2.) Vi- ta autem activa directius ordinatur ad dilectionem pro- ximi : quia satagit circa frequens ministerium , ut dici- tu-

tur Luc. 10. Et ideo ex suo genere contemplativa vita est majoris meriti, quam activa. Et hoc est quod Gregor. super Ezech. (hom. 3. parum ante med.) dicit: contemplativa est major merito, quam activa: quia hæc in usu præsentis operis laborat, in quo scilicet necesse est proximis subvenire, illa vero sapore intimo vesturam jam requiem degustat, scilicet in contemplatione Dei.

Potest tamen contingere, quod aliquis in operibus vita activæ plus mereatur, quam aliis in operibus vita contemplativa: puta si propter abundantiam divini amoris, ut ejus voluntas impleatur, propter ipsius gloriam, interdum sustinet à dulcedine divinæ contemplationis ad tempus separari; sicut Apost. dicebat ad Rom. 9. Optabam ego ipse anathema esse à Christo pro fratribus meis. Quod exponens Chrysost. in lib. 1. de compunctione (cap. 7. vers. fin.) dicit: „Ita totam mentem „ejus demerserat amor Christi, ut etiam hoc quod „ei præ ceteris omnibus amabilius erat, esse cum „Christo, rursus idipsum, quia ita placeret Christo, „contemneret.“

Ad primum ergo dicendum, quod labor exterior operator ad augmentum præmii accidentalis. Sed augmentum meriti respectu præmii essentialis consistit principaliter in charitate, cuius quoddam signum est labor exterior toleratus propter Christum: sed multo expressius ejus signum est, quod aliquis prætermisso omnibus quæ ad hanc vitam pertinent, soli divinæ contemplationi vacare delectetur.

Ad secundum dicendum, quod in statu felicitatis futuræ homo pervenit ad perfectum. Et ideo non relinquitur locus proficiendi per meritum: si tamen relinquatur, esset efficacius meritum propter majorem charitatem: sed contemplatio præsentis vitæ cum quadam imperfectione est, & adhuc habet quo proficiat. Et ideo non tollit rationem merendi; sed augmentum meriti facit propter majus exercitium charitatis divinæ.

Ad tertium dicendum, quod sacrificium spiritualiter Deo offertur, cum aliquid ei exhibetur. Inter omnia autem bona hominis Deus maxime acceptat bonum humanæ animæ, ut hoc sibi in sacrificium offeratur.

Oferre autem debet aliquis Deo, primo quidem animam suam

suam , secundum illud Eccli. 30. *Miserere animæ tuae placens Deo : secundo autem animas aliorum , secundum illud Apoc. ult. Qui audit , dicat , Veni.* Quanto autem homo animam suam , vel alterius propinquius Deo conjungit , tanto sacrificium est Deo magis acceptum. Unde magis acceptum est Deo , quod aliquis animam suam , & aliorum applicet contemplationi , quam actioni. Per hoc ergo quod dicitur , quod nullum sacrificium est Deo magis acceptum , quam zelus animalium , non praesertim meritum vitaे activae merito vitaे contemplativæ ; sed ostenditur magis esse meritorium , si quis offerat Deo animam suam , & aliorum , quam quæcumque alia exteriora dona.

ARTICULUS III.

862

Utrum vita contemplativa impediatur per vitam activam.

Ad Tertium sic proceditur. Videtur , quod vita contemplativa impediatur per vitam activam. Ad vitam enim contemplativam necessaria est quædam vacatio mentis , secundum illud Psal. 45. *Vacate , et viduit, quoniam ego sum Deus :* sed vita activa habet quietudinem secundum illud Luc. 10. *Martha , Martha , sollicita es , et turbaris erga plurima :* ergo vita activa contemplativam impedit.

2. Præterea. Ad vitam contemplativam requiritur claritas visionis : sed vita activa impedit visionis claritatem ; dicit enim Greg. super Ezech. (hom. 14. post med.) quod *Lia lippa est , et secunda , quia activa vita , dum occupatur in opere , minus videt :* ergo vita activa contemplativam impedit.

3. Præterea. Unum contrariorum impeditur per aliud: sed vita activa , & contemplativa videntur contrarietatem habere ad invicem : quia vita activa occupatur circa plurima : vita autem contemplativa insistit ad contemplandum unum : unde ex opposito dividuntur ergo videtur , quod vita contemplativa impediatur per activam.

Sed Contra est , quod Greg. dicit in 6. Moral. (cap. 17. ver. fin.) *Qui contemplationis artem tenere desiderant , prius se in campo operis per exercitum probent.*

Res-

Respondeo dicendum, quod vita activa potest considerari quantum ad duo. Uno modo, quantum ad ipsam studium, & exercitium exteriorum actionum: & sic manifestum est, quod vita activa impedit contemplativam, in quantum impossibile est, quod aliquis simul occupetur circa exteriores actiones, & divinæ contemplationi vacet.

Alio modo potest considerari vita activa quantum ad hoc, quod interiores animæ passiones componit & ordinat: & quantum ad hoc vita activa adjuvat ad contemplationem, quæ impeditur per ordinationem exteriorum passionum. Unde Greg. dicit in 6. Moral. (loc. cit.) „Cum contemplationis arcem aliqui tenere desiderant, prius se in campo operis per exercitium probent; ut solcrite sciant, si nulla jam mala proximis irrogant, si irrogata à proximis æquanimiter portant, si objectis bonis temporalibus nequaquam mens lætitia solvit, si subtractis non nimio mœstre sauciatur: ac deinde perpendant, si cum ad semetipsos introrsus redeunt, in eo quod spiritualia timantur, nequaquam secum verum corporalium umbras trahunt, vel fortasse tractas manu discretionis abigunt.“ Ex hoc ergo exercitium vitæ activæ confort ad contemplativam, quod quietat interiores passiones, ex quibus phantasmatu proventi, per quæ contemplatio iugeditur.

Et per hoc patet responsio ad objecta. Nam rationes illæ procedunt quantum ad ipsam occupationem exteriorum actuum, non autem quantum ad effectum qui est moderatio passionum.

ARTICULUS IV.

863

Utrum vita activa sit prior, quam contemplativa.

Ad Quartum sic proceditur. Videtur, quod vita activa non sit prior, quam contemplativa. Vita enim contemplativa directe pertinet ad dilectionem Dei; vita autem activa ad dilectionem proximi: sed dilectio Dei præcedit dilectionem proximi, in quantum proximus propter Deum diligitur: ergo videtur, quod etiam

etiam vita contemplativa sit prior, quam activa.

2. Præterea Gregor. dicit super Ezech. (hom. 14. à med.) Sciendum est, quod sicut bonus ordo vivendi est, ut ab activa in contemplativam tendatur; ita plurimque utiliter à contemplativa animus ad activam deflectitur: non ergo simpliciter vita activa est prior quam contemplativa.

3. Præterea. Ea quæ diversis competunt, non vindentur ex necessitate ordinem habere. Sed vita activa, & contemplativa diversis competit; dicit tamen Gregor. in 6. Moral. (c. 17. ante med.) Sapientia contemplari Deum quiete poterant, occupationibus presi eccliderant: et sæpe qui occupati bene usibus humanis viverent, gladio suis quietis extincti sunt: non ergo vita activa prior est, quam contemplativa.

Sed Contra est, quod Gregor. dicit super Ezech. (hom. 3. parum ante med.) Activa vita prior est tempore, quam contemplativa; quia ex bono opere tenditur ad contemplationem.

Respondeo dicendum, quod aliquid dicitur esse prius dupliciter. Uno modo secundum suam naturam: & hoc modo vita contemplativa est prior, quam activa: in quantum prioribus, & melioribus insistit; unde & activam vitam movet, & dirigit. Ratio enim superior quæ contemplationi deputatur, comparatur ad inferiorem, quæ deputatur actioni, sicut vir ad mulierem, quæ est per virum regenda, ut Augustin. dicit 12. de Trinitate. (c. 12. tom. 3.)

Alio modo est aliquid prius quoad nos, quod sci licet est prius in via generationis: & hoc modo vita activa est prior, quam contemplativa; quia disponit ad contemplativam, ut ex supradictis patet. (q. 181. a. 1. ad 3.) Dispositio enim in via generationis præcedit formam, quæ simpliciter, & secundum suam naturam est prior.

Ad primum ergo dicendum, quod vita contemplativa non ordinatur ad qualemcumque dilectionem Dei, sed ad perfectam: sed vita activa est necessaria ad dilectionem proximi qualemcumque. Unde Gregorius dicit super Ezech. (loc. sup. cit.) Sine contemplativa vita intrare possunt ad cœlestem patriam, qui bona, p. 11

possunt, operari non negligunt : sine activa autem intrare non possunt, si negligunt bona operari, quæ possunt. Ex quo etiam patet, quod vita activa præcedit contemplativam ; sicut id quod est communis omnium, præcedit in via generationis id, quod est proprium perfectorum.

Ad secundum dicendum, quod à vita activa proceditur ad vitam contemplativam secundum ordinem generationis ; à vita autem contemplativa reditur ad vitam activam per viam directionis ; ut scilicet vita activa per contemplationem dirigatur & sicut etiam per operationes acquiritur habitus, & per habitum acquisitum perfectius aliquis operatur, ut dicitur in 2. Eth. (c. 1. 2. 2^o 4. t. 5.)

Ad tertium dicendum, quod illi qui sunt proni ad passiones propter earum impetum ad agendum, sunt simpliciter magis apti ad vitam activam propter spiritus iuquietudinem. Unde dicit Gregor. in 6. Moral. (c. 17. ante med.) quod nonnulli ita inquieti sunt, ut si vacationem laboris habuerint gravius laborent ; quia tanto deteriores cordis tumultus tolerant, quanto eis licentius ad cogitationes vacant. Quidam vero habent naturaliter animi puritatem, & quietem, per quam ad contemplationem sunt apti ; qui si totaliter actionibus deputentur, detrimentum sustinebunt. Unde Gregorius dicit in 6. Moral. (loc. cit.) quod quorundam hominum ita otiosæ mentes sunt, ut si eis labor occupationis excipiat, in ipsa operis inchoatione succumbant : sed, sicut ipse postea subdit, (ibid. à med.) sepe & pigras mentes amor ad opus excitat, & inquietas in contemplatione timor refranat. Unde & illi qui sunt magis apti ad activam vitam, possunt per exercitium activæ ad contemplativam præparari : & illi nihilominus, qui sunt magis ad contemplativam apti, possunt exercitia vitae activæ subire, ut per hoc ad contemplationem paratores reddantur.

Q UÆ S T I O CLXXXIII.

De officiis, & varis statibus hominum in generati, in quatuor articulos divisa.

Consequenter considerandum est de diversitate statuum, & officiorum humanorum. Et primo considerandum

dum est de officiis, & statibus hominum in generali. Secundo specialiter de statu perfectorum.

Et circa hoc queruntur quatuor.

Primo. Quid faciat in hominibus statum.

Secundo. Utrum in hominibus debeant esse diversi status, sive diversa officia.

Tertio. De differentia officiorum.

Quarto. De differentia statuum.

ARTICULUS I.

864

Utrum status in sua ratione importet conditionem libertatis, vel servitutis.

*Inf. a. 4. cor. 29 q. 184. a. 4. cor. 29 q. 186. a. 6. 187.
29 qual. 2. a. 17. cor.*

And Primum sic proceditur. Videtur, quod status suis ratione non importet conditionem libertatis, vel servitutis. Status enim à stando dicitur: sed stare dicitur aliquis ratione rectitudinis; unde dicitur Ezech. 2. Filii minimi sta super pedestros; & Gregor. dicit in 7. Moral. (c. 17. cir. med.) Ab omni statu rectitudinis depereunt, qui pernoxia verba dilabuntur: sed rectitudinem spiritualem acquirit homo per hoc, quod subjicit suam voluntatem Deo; unde super illud Psalm. 32. Rectos ducat collaudatio, dicit Glos. (ordin. Aug. tom. 8.) Recti sunt, qui dirigunt cor suum secundum voluntatem Dei: ergo videtur, quod sola obedientia divinorum mandatorum sufficiat ad rationem status.

2. Præterea. Nomen status videtur importare immobilitatem secundum illud 1. ad Corinth. 15. Statim estote, immobiles; unde Gregor. dicit super Ezech. (hom. 21. aliquant. à princ.) Lapis quadrus est, & quasi ex omnī latere statum habet, qui causam in alijs permutatione non habet: sed virtus est, quæ immobiliter facit operari, ut dicitur in 2. Ethicor. (c. 1. 2. tom. 5.) ergo videtur, quod ex omni operatione rōtuosa aliquis statum adipiscatur.

P

3. Præterea. Nomen status videtur ad quædam altitudinem pertinere: nam ex hoc aliquis stat, quod in altum erigitur: sed per diversa officia aliquis sit latior altero: similiter etiam per gradus, vel ordinis diversos diversimode homines in quædam altitudine constituantur: ergo sola diversitas graduum vel ordinum, vel officiorum sufficit ad diversificandum statum.

Sed Contra est, quod in Decr. 2. q. 6. (c. 40.) dicitur: *si quando in causa capitall, vel causa status interpellatum fuerit, non per procuratores, sed per seip-sos est agendum: ubi causa status appellatur pertinens ad libertatem, vel servitutem: ergo videtur, quod non variet statum hominis, nisi id quod pertinet ad libertatem, vel servitutem.*

Respondeo dicendum, quod status proprie loquendo; significat quædam positionis differentiam, secundum quam aliquid disponitur, secundum modum sue naturæ, quasi in quædam immobilitate. Est enim naturale homini, ut caput ejus in superiora tendat, & pedes in terra firmantur, & cætera membra media convenienti ordine disponantur: quod quidem non accedit, si homo jacet, vel sedeat, vel accumbat, sed solum quando erectus stat: nec rursus stare dicitur, si moveatur, sed quando quiescit. Et inde est, quod etiam in ipsis actionibus humanis dicitur negotium aliquem statum habere secundum ordinem propriæ dispositionis cum quædam immobilitate, seu quiete.

Unde & circa homines ea quæ de facili circa eos variantur, & extrinseca sunt, non constituunt statum: puta quod aliquis sit dives, vel pauper, in dignitate constitutus, vel plebejus, vel si quid aliud est hujusmodi. Unde & in Jure Civili (*I. Cassius &c seq. ff. de Senatorib.*) dicitur, quod ei, qui à senatu amovetur, magis dignitas, quam status aufertur. Sed solum id videtur ad statum hominis pertinere, quod resipicit obligationem personæ hominis, prout scilicet aliquis est sui juris, vel alieni; & hoc non ex aliqua causa levi, vel de facili mutabili, sed ex aliquo permanente: & hoc est quod pertinet ad rationem libertatis, vel servitutis. Unde *status pertinet proprio*

Ad primum ergo dicendum, quod rectitudo in quantum huicmodi non pertinent ad rationem status, sed solum in quantum est connaturalis homini, simili addita quadam quiete. Unde in aliis animalibus requiritur rectitudo, ad hoc quod stare dicantur: nec etiam homines stare dicuntur, quantumcumque sint recti, nisi quiescant.

Ad secundum dicendum, quod immobilitas non sufficit ad rationem status: nam etiam sedens, vel iacentis quiescit, qui tamen non dicitur stare.

Ad tertium dicendum, quod officium dicitur per comparationem ad actum: gradus autem dicitur secundum ordinem superioritatis, & inferioritatis: sed ad statum requiritur immobilitas in eo quod pertinet ad conditionem personæ.

ARTICULUS II.

86

Utrum in Ecclesia debeat esse diversitas officiorum in statuum.

And Secundum sic proceditur. Videtur, quod in Ecclesia non debeat esse diversitas officiorum, vel statuum: Diversitas enim unitati repugnat: sed filii Christi ad unitatem vocantur, secundum illud Jo. 17: Ut sint unum in nobis, sicut & nos unum sumus: ergo in Ecclesia non debet esse diversitas officiorum, sive statuum.

2. Præterea. Natura non facit per multa, quod potest facere per unum; sed operatio gratia est multo ordinatior, quam operatio naturæ: ergo conveniens esset, quod ea quæ pertinent ad actus gratia, per eosdem homines administrarentur; ita ut non esset in Ecclesia diversitas officiorum, & statuum.

3. Præterea. Dominum Ecclesiæ maxime videtur in pace consistere, secundum illud Psalm. 147: Qui perficit fines tuos pacem. & 2. ad Corinth. ult. dicitur: pacem habete, & Deus pacis erit vobis: sed diversitas est impedimenta pacis, quam similitudo causare videatur.

detur, secundum Eccl. 13. *Omnis animal diligit simile simile*: & Philos. dicit in 5. Polit. (cap. 4. tom. 5.) quod modica differentia facit in civitate dissidium: ergo videtur, quod non oporteat in Ecclesia esse diversitatem statuum, & officiorum.

Sed Contra est, quod in Psal. 44. ad laudem Ecclesie dicitur, quod est circumambita varietae: ubi Glos. (ord. Cassiod. sup. illud: circumdata varietate) dicit, quod doctrina Apostolorum, & confessione Martorum, & puritate Virginum, & lamento Pœnitentium ornatur Regna, id est Ecclesiæ.

Respondeo dicendum, quod diversitas statuum, & officiorum in Ecclesia ad tria pertinet.

Primo quidem ad perfectionem ipsius Ecclesie; sicut enim in rerum naturalium ordine perfectio, quæ in Deo simpliciter, & uniformiter invenitur, in universitate creaturarum inveniri non potest, nisi diffinimenter, & multipliciter: ita etiam plenitudo gratiæ quæ in Christo sicut in capite adunatur, ad membra ejus diversimode redundat, ad hoc quod corpus Ecclesie sit perfectum. Et hoc est quod Apost. dicit ad Ephes. 4. *Ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores ad consummationem sanctorum.* Secundo autem pertinet ad necessitatem actionum, quæ sunt in Ecclesia necessariæ. Oportet autem ad diversas actiones diversos homines deputari, ad hoc quod expeditius, & sine confusione omnia peragantur. Et hoc est quod Apost. dicit ad Rom. 12. *Sicut in uno corpore multa membra habemus, omnia autem membra non eundem actum habent; Ita multi unum corpus sumus in Christo.* Tertio hoc pertinet ad dignitatem, & pulchritudinem Ecclesie, quæ in quodam ordine consistit. Unde dicitur 3. Reg. 10. quod *videns Regina Saba omnem sapientiam Salomonis, & habitacula servorum, & ordines ministarum, non habebat ultra spiritum.* Unde Apost. dicit 2. ad Timoth. 2. quod *in magna domo non solum sunt vasæ aurea, & argentea, sed & lignea & fictilia.*

Ad primum ergo dicendum, quod diversitas statuum, & officiorum non impedit Ecclesiæ unitatem, quæ perficitur per unitatem fidei, & charitatis, & mu-

tute subministratiōnis, secundum illud Apostoli ad Ephes. 5. *Ex quo totum corpus est compactum, scilicet per idem, & conformatum, scilicet per charitatem, per omnem juncturam subministratiōnis, dum sc. unas alii servent*

Ad secundum dicendum, quod sicut natura non habet per multa, quod potest facere per unum; ita etiam non coarctat in unum id, ad quod multa requiriunt, secundum illud Apostoli 12. ad Cor. 12. *Si totum corpus oculus, ubi auditus?* Unde & in Ecclesia, quia corpus Christi, oportuit membra diversificari secundum diversa officia, status, & gradus.

Ad tertium dicendum, quod sicut in corpore naturali membra diversa continentur in unitate per virtutem spiritus vivificantis, quo abscedente membra corporis separantur: ita etiam in corpore Ecclesie conservatur pax diversorum membrorum virtute Spiritus sancti, qui corpus Ecclesiae vivificat, ut habetur Ioh. 6. Unde Apostol. dicit ad Ephes. 4. *Solidi seruit unitatem spiritus in vinculo pacis.* Discedit autem aliquis ab hac unitate spiritus, dum querit quae sibi sunt propria: sicut etiam in terrena civitate pax tollitur ex hoc, quod cives singuli quae sua sunt querunt: alioquin per officiorum, & statuum distinctionem tamen, quam civitatis terrenae magis pax conservatur, in quantum per haec plures sunt, qui communicaunt actibus publicis. Unde & Apostolus dicit 1. ad Corinth. 12. quod *Deus temperavit nos, ut non sit schisma in corpore, sed pro invicem sollicita sint membra.*

ARTICULUS III.

865

Utrum officia distinguantur per actus.

Ad Tertium sic proceditur. Videtur, quod officia non distinguantur per actus. Sunt enim infinitas diversitates humanorum actuum tam in spiritualibus, quam temporalibus: sed infinitorum non potest esse certa distinctio: ergo per diversitates actuum non potest esse humanorum officiorum certa distinctio.

2. Præterea. Vita activa, & contemplativa secundum actus distinguntur, ut dictum est: (q. 279. a. 1.)

sed alia videtur esse distinctio officiorum à distinctione vitarum; non ergo officia distinguntur per actus.

3. Præterea. Ordines etiam Ecclesiastici, & status, & gradus per actus distingui videntur; si ergo officia distinguntur per actus, videtur sequi, quod eadem sit distinctio officiorum, graduum, & statuum. Hoc autem est falsum; quia diversimode in suas partes dividuntur: non ergo videtur, quod officia distinguntur per actus.

Sed Contra est, quod Isidorus in lib. 6. Etym. (c. 18. in priuc. dicit, quod officium ab efficiendo est dictum, quasi officium, propter decorum sermonis, una mutata littera: sed efficere pertinet ad actionem: ergo officia per actus distinguntur.

Respondeo dicendum, quod, sicut dictum est, (art. præc.) diversitas in membris Ecclesiæ ad tria ordinatur, scilicet ad perfectionem, actionem, & decorum. Et secundum hæc tria triplex distinctio diversitatis fidelium accipi potest. Una quidem per respectum ad perfectionem. Et secundum hoc accliptur differentia statuum, prout quidam sunt aliis perfectiores.

Alia vero distinctio accipitur per respectum ad actionem: hæc est distinctio officiorum; dicantur enim in diversis officiis esse, qui sunt ad diversas actiones deputati,

Alia autem per respectum ad ordinem pulchritudinis Ecclesiasticæ: & secundum hoc accipitur differentia graduum, prout scilicet etiam in eodem statu, vel officio unus est alio superior. Unde & in Psalm. 47. dicitur secundum aliam litteram, (LXX. Interpr.) Deus in gradibus ejus cognoscetur.

Ad Primum ergo dicendum, quod materialis diversitas humanorum actuum est infinita: & secundum hanc non distinguuntur officia, sed secundum formam diversitatem, quæ accipitur secundum diversas species actuum, secundum quam actus hominis non sunt infiniti.

Ad secundum dicendum, quod vita dicitur absolute; & ideo diversitas vitarum accipitur secundum diversos actus, qui convenienter homini secundum seipsum. Sed efficientia, à qua sumitur nomen officii, ut dic-

tum est, (*in arg. sed cont.*) importat actionem fes-
tentem in aliud, ut dicitur in 9. Metaphys. (text. 16.
tom. 3.) Et ideo officia distinguuntur proprie secundum
actus, qui referuntur ad alios: sicut dicitur doctor be-
bere officium, vel iudex: & sic de aliis. Et ideo li-
dorus dicit, (*loc. sup. cit.*) quod officium est, ut quæ
que illa agat, quæ nulli officiant, id est, noceant, al-
prossint omnibus.

Ad tertium dicendum, quod diversitas *statuum*,
officiorum, & *graduum*, secundum quod diversa sunt
ut dicimus est; (a. 1. huj. q. ad 3.) Contingit tamen,
quod ista tria in eodem concurrant: puta cum aliqui
deputatur ad aliquem actionem altiorem simul ex hoc
bebi & officium, & gradum, & ulterius quendam per-
fectionis statum propter actus sublimitatem; sicut pe-
tet de Episcopo. Ordines autem Ecclesiastici specialiter
distinguuntur secundum diversa officia. Dicit enim li-
dorus in lib. 6. Etymol. (*loc. sup. cit.*) Officiorum pri-
mæ genera sunt; sed præcipuum illud est, quæ in sacra
divinitusque rebus habetur.

ARTICULUS IV.

867

Utrum differentia statuum attendatur secundum incipientes,
proficientes, & perfectos.

Supp. q. 24. a. 7. & Psal. 22. & Isa. 44.

Ad Quartum sic proceditur. Videtur, quod dif-
ferentia statuum non attendatur secundum incipientes, pro-
ficientes, & perfectos. Diversorum enim generum dif-
ferentes sunt & specie differentiae: sed secundum hanc dif-
ferentiam iunctioonis, profectus, & perfectionis, di-
viduntur gradus charitatis, ut supra habitum est, (q. 2.
a. 9.) cum de charitate ageretur: ergo videtur, quod
secundum hoc non sit accipienda differentia statuum.

2. Præterea. Status, dictum est, (a. 1. huj. q.) re-
plicat conditionem servitutis, vel libertatis: ad quæ
non videtur pertinere prædicta differentia incipientium,
proficientium, & perfectorum: ergo inconveniens es-
tus per ista dividitur.

3. Præterea. Incipientes, proficientes, & perfecti distingui videntur secundum *magis*, & *minus*; quod videtur magis pertinere ad rationem gradus: sed alia est divisio graduum, & statuum, ut supra dictum est: (a. 2. & 3. præc.) non ergo convenienter dividitur status secundum incipientes, proficientes, & perfectos.

Sed Contra est, quod Gregorius dicit in Moral. (lib. 24. cap. 7. aliquant. à princ.) Tres sunt modi conversorum, Inchoatio, medietas, atque perfectio. Et super Ezech. (hom. 15. aliquant. à princ.) dicit quod aliud sunt virtutis exordia, aliud prosector, aliud perfectio.

Respondeo dicendum, quod, sicut dictum est, (a. 1. huj. q.) status libertatem respicit, vel servitutem; inventur autem in rebus spiritualibus duplex servitus, & duplex libertas. Una quidem est servitus peccati. Altera vero est servitus justitiae. Similiter etiam est duplex libertas: una quidem à peccato: alia vero à justitia, ut patet per Apostolum, qui dicit ad Rom. 6. Cum servi essetis peccati, liberi fuistis justitiæ: nunc vero liberati à peccato, servi estis facti Deo.

Est autem servitus peccati, vel justitiae, cum aliquis vel ex habitu peccati ad malum inclinatur, vel ex habitu justitiae inclinatur ad bonum: similiter etiam libertas à peccato est, cum aliquis ab inclinatione peccati non separatur: libertas autem à justitia est, cum aliquis propter amorem justitiae non retardatur à malo. Verumtamen quia homo secundum naturalem rationem ad justitiam inclinatur, peccatum autem est contra naturalem rationem, consequens est, quod libertas à peccato sit vera libertas: quæ conjungitur servituti justitiae; quia per utrumque tendit homo in id, quod est conveniens sibi: & similiter vera servitus est servitus peccati: cui conjungitur libertas à justitia; quia scilicet per hoc homo impeditur ab eo, quod est proprium sibi.

Hoc autem quod homo efficiatur servus justitiae, vel peccati, contingit per humanum studium; sicut Apostolus dicit ibidem: *Cui exhibetis vos servos ad obedendum, servi ejus estis, cui obedistis, sive peccati ad mortem, sive obedientiis ad justitiam.* In omni autem humano studio est accipere principium, medium, &

584 QUÆST. CLXXXIII. ART. IV.

terminum. Et ideo consequens est, quod „status spi-
„ritualis servitutis, & libertatis secundum tria distin-
„guantur ; scilicet secundum principium ad quod per-
„tinet status incipientium ; & medium, ad quod per-
„tinet status proficientium ; & terminum, ad quem
„pertinet status perfectorum.“

Ad primum ergo dicendum, quod libertas à pec-
cato fit per charitatem, quæ diffunditur in cordib-
nostris per Spiritum sanctum, qui datus est nobis, u-
dicitur ad Rom. 5. Et ideo est, quod dicitur 2. ad
Cor. 3. *Ubi spiritus Domini, ibi libertas.* Et ideo eadem
est divisio charitatis, & statuum pertinentium ad spi-
ritualem libertatem.

Ad secundum dicendum, quod incipientis, profi-
cientis, & perfecti, secundum quod per hoc status di-
versi distinguuntur, dicuntur homines non secundum
quocunque studium, sed secundum studium eorum
quæ pertinent ad spiritualem libertatem, vel serviti-
tem, ut dictum est : (*in corp. a. 2. a. 1. huj. q.*)

Ad tertium dicendum, quod, sicut prius dictum
est, (*a. præc. ad 3.*) nihil prohibet, in idem concor-
dere gradum, & statum. Nam & in rebus mundanis
qui sunt liberi, non solum sunt alterius status, quam
servi, sed etiam sunt altioris gradus.

QUÆSTIO CLXXXIV.

*De his quæ pertinent ad statum perfectionis in communione
in octo articulos divisa.*

Beinde considerandum est de his quæ pertinent
statum perfectionis, ad quam alii status ordinantur. Ne
conisderatio officiorum, quantum quidem ad alios sta-
tus, pertinet legi posidores; quantum autem ad sacra
nisteria pertinet ad considerationem ordinum, de quibus
in tertia parte agetur. (*morte præventus non complevit*)

Circa statum autem perfectorum triplex conside-
ratio occurrit. Primo quidem de statu perfectioois in com-
muni. Secundo de his quæ pertinent ad perfectiores
Episcoporum. Tertio de his quæ pertinent ad perfectio-
nem Religiosorum.

Circa primum queruntur octo.

Primo. Utrum perfectio attendatur secundum charitatem.

Secundo. Utrum aliquis possit esse perfectus in vita.

Tertio. Utrum perfectio hujus vitæ consistat principali in consiliis, vel in præceptis.

Quarto. Utrum quicunque est perfectus, sit in statu perfectionis.

Quinto. Utrum Prælati, & Religiosi specialiter sint in statu perfectionis.

Sexto. Utrum omnes Prælati sint in statu perfectionis.

Septimo. Quis status sit perfectior, utrum Religiosorum, vel Episcoporum.

Octavo. De comparatione Religiosorum ad Plebanos, & Archidiaconos.

ARTICULUS I.

868

Utrum perfectio Christianæ vitæ attendatur specialiter secundum charitatem.

3. p. q. 46. a. 3. cor. 3. cont. cap. 135. & quol. 3.
a. 17. & op. 18. cap. 1. & 3. & Philip. lect. 2.

Ad primum sic proceditur. Videtur, quod perfectio Christianæ vitæ non attendatur specialiter secundum charitatem. Dicit enim Apostolus 1. ad Cor. 14. *Mallia parvuli estote, sensibus autem perfecti: sed caritas non pertinet ad sensum, sed magis ad affectum: ergo videtur, quod perfectio Christianæ vitæ non consistat principaliter in charitate.*

2. Præterea. Ad Ephes. ult. dicitur: *Accipite armaturam Deli, ut possitis resistere in die malo, & in omnibus perfecti stare: De armatura autem Dei subjungit, dicens: State succincti lumbos vestros in veritate, & induit loriam justitiae, in omnibus sumentes scutum fideis ergo perfectio Christianæ vitæ non solum attenditur secundum charitatem, sed etiam secundum alias virtutes.*

3. Præterea. Virtutes specificantur per actus, sicut & alii habitus; sed Jacobi 1. dicitur, quod *patientia opus perfectum habet*: ergo videtur, quod status perfectionis attendatur magis secundum patientiam.

Sed Contra est, quod dicitur ad Coloss. 3. *Super omnia charitatem habete, quæ est vinculum perfectiōis*: quia scilicet omnes alias virtutes quodammodo ligat in unitatem perfectam.

Respondeo dicendum, quod, unumquodque dicitur esse perfectum, in quantum attingit proprium ñam, qui est ultima rei perfectio. Charitas autem est, quæ unit nos Deo, qui est ultimus finis humanae mensis quia *qui manet in charitate, in Deo manet, et Deo in eo*; ut dicitur 1. Joan. 4. Et ideo secundum charitatem specialiter attenditur perfectio Christianæ vite.

Ad primum ergo dicendum, quod perfectio humanorum sensuum præcipue in hoc videtur consistere, ut in unitatem veritatis conveniant, secundum illud 1. ad Corinth. 1. *Sitis perfecti in eodem sensu, et in eodem sententia*. Hoc autem sit per charitatem, quæ consensus in hominibus operatur. Et ideo etiam perfectio sensuum radicaliter in perfectione charitatis consistit.

Ad secundum dicendum, quod dupliciter potest dici a iouis perfectus. Uno modo simpliciter: quæ quidem perfectio attenditur secundum id, quod pertinet ad ipsam rei naturam; puta si dicatur animal perfectum quando nihil ei deficit ex dispositione membrorum, & aliis hujusmodi, quæ requiruntur ad vitam animalis. Alter modo dicitur aliquid perfectum secundum quid: quæ quidem perfectio attenditur secundum aliquid exterius iacens; puta in albedine, vel nigredine, vel alijs hujusmodi. Vita autem Christiana specialiter in charitate consistit, per quam anima Deo conjugitur. Tunc dicitur 1. Joan. 3. *Qui non diligit, manet in morte*. Et ideo secundum charitatem attenditur simpliciter perfectio Christianæ vite, sed secundum alias virtutes secundum quid. Et quia id quod est simpliciter, est principaliſſimum, & maximum respectu allorum, inde est, quod perfectio charitatis est principaliſſima respectu perfectionis, quæ attenditur secundum alias virtutes.

Ad tertium dicendum, quod patientia dicitur in-

bere opus perfectum in ordine ad charitatem ; in quantum scil. ex abundantia charitatis provenit , quod aliquis patienter toleret adversa ; secundum illud ad Roman. 8. *Quis nos separabit à charitate Dei ? tribulatio, an angustia ? Et c.*

ARTICULUS II.

869

Utrum aliquis in hac vita possit esse perfectus.

*Sup. q. 24. a. 8. Et 3. d. 29. q. 1. a. 8. q. 2. Et Ve.
q. 2. a. 1. Et Eph. 6. lect. 4. Et Phil. lect. 2. Et
lect. 3. princ. Et Cor. 1. fin.*

And Secundum sic proceditur. Videtur, quod nullus in hac vita possit esse perfectus. Dicit enim Apostol. 1. ad Cor. 13. *Cum venerit quod perfectionem est, evanescabitur quod est pars est : sed in hac vita evacuat quod ex parte est ; manent enim in hac vita fides, & spes, quæ sunt ex parte : ergo nullus in hac vita est perfectus.*

2. Præterea. Perfectum est, cui nihil deest , ut dicitur in 3. Phys. (text. 65. tom. 2.) Sed nullus est in hac vita , cui non desit aliquid ; dicitur enim Jacobi 3. *In multis offendimus omnes ; & in Pecc. 138. dicitur : Imperfictum meum viderunt oculi tui : ergo nullus est in hac vita perfectus.*

3. Præterea. Perfectio vitæ Christianæ , sicut dictum est , (a. præc.) attenditur secundum charitatem, quæ sub se comprehendit dilectionem Dei , & proximi ; sed quantum ad dilectionem Dei , non potest aliquis perfectam charitatem in hac vita habere ; quia ut Greg. dicit super Ezech. (hom. 14. parum à mea.) *Amoris ignis , qui hic ardore inchoat , cum ipsum , quem amat , viderit , amplius in amore ipsius ignescit : neque etiam quantum ad dilectionem proximi ; quia non possumus in hac vita omnes proximos actualiter diligere , etsi habitualiter eos diligamus ; dilectio autem habitualis imperfecta est : ergo videtur , quod nullus in hac vita possit esse perfectus.*

Sed Contra est , quia lex divina non inducit ad

impossibile; inducit autem ad perfectionem, secundum illud Matth. 5. *Estote perfecti, sicut & Pater vester caelis perfectus est: ergo videtur, quod aliquis in hac vita possit esse perfectus.*

Respondeo dicendum, quod, sicut dictum est, (art. præc.) perfectio vitæ Christianæ in charitate consistit. Importat autem perfectio quandam universalitatem; quia ut dicitur in 3. Phys. (text. 63. tom. 2.) perfectum est, cui nihil deest. Potest ergo triplex perfectio considerari. *Una* quidem absoluta, quæ attenditur non solum secundum totalitatem ex parte diligentis, sed etiam ex parte diligibilis; prout scil. Deus tantum diligitur, quantum diligibilis est: & talis perfectio non est possibilis alicui creaturæ, sed competit soli Deo, in quo bonum integraliter, & essentialiter invenitur.

Alia autem perfectio, quæ attenditur secundum totalitatem absolutam ex parte diligentis; prout scil. affectus secundum totum suum posse semper actualiter tendit in Deum: & talis perfectio non est possibilis in via, sed erit in patria.

Tertia autem est perfectio, quæ neque attenditur secundum totalitatem ex parte diligibilis, neque secundum totalitatem ex parte diligentis, quantum ad hoc quod semper actu feratur in Deum, sed quantum ad hoc quod excludantur ea, quæ repugnant motui dilectionis in Deum; sicut August. dicit in lib. 83. QQ. (q. 36. non longe à princ. tom. 4.) quod *venenum charitatis est cupiditas, perfectio nulla cupiditas.* Et talis perfectio potest in hac vita haberi. Et hoc *dupliciter.* Uno modo, in quantum ab affectu hominis excluditur omne illud, quod contrariatur charitati; sicut est peccatum mortale: & sine tali perfectione charitas esse non potest: unde est de necessitate salutis. *Alio modo,* in quantum ab affectu hominis excluditur non solum illud, quod est charitati contrarium, sed etiam omne illud, quod impedit ne affectus mentis totaliter dirigatur ad Deum: sine qua perfectione charitas esse potest: puto in incipientibus, & proficiensibus.

Ad primum ergo dicendum, quod Apostol. ibi loquitur de perfectione patriæ, quæ non est in via possibilis.

Ad secundum dicendum, quod illi qui sunt in hac vita perfecti, in multis dicuntur offendere secundum peccata venialia, quæ consequuntur ex infirmitate præsentis vitæ. Et quantum ad hoc etiam habent aliquid imperfectum per comparationem ad perfectionem patrize.

Ad tertium dicendum, quod sicut status præsentis vitæ, non patitur, ut homo semper actu feratur in Deum; ita etiam non patitur, quod actu feratur in omnes proximos singillatim: sed sufficit, quod feratur habitualiter, & secundum animi præparationem. Potest autem etiam circa dilectionem proximi duplex perfectio attendi, sicut & circa dilectionem Dei. Una quidem sine qua charitas esse non potest; ut scilicet homo nihil habeat in affectu, quod sit contrarium dilectioni proximi. Alia autem sine qua charitas inventri potest. Quæ quidem attenditur tripliciter. Primo quidem secundum extensionem dilectionis, ut scilicet aliquis non solum diligit amicos, & notos, sed etiam extraneos, & ulterius inimicos: hoc enim, ut dicit Augustinus in Euchirid. (c. 7. t. 3.) est perfectorum filiorum Del. Secundo secundum intentionem, quæ ostenditur ex his, quæ homo propter proximum contemnit; ut scilicet homo contemnat non solum exteriora bona propter proximum, sed etiam afflictiones corporales, & ulterius mortem, secundum illud Joann. 15. Majorem dilectionem nemo habet, quam ut animam suam ponat quis pro amicis suis. Tertio quantum ad effectum dilectionis, ut scilicet homo pro proximis impendat non solum temporalia beneficia, sed etiam spiritualia, & ulterius seipsum secundum illud Apostoli 2. ad Corinth. 12. Ego libenter Impendam, & superimpendar ipse pro animabus vestris.

ARTICULUS III.

870

Urum perfectio consistat in præceptis, an in consiliis.

2. con. cap. 130. *¶* quodli. 2. c. 24. ad 2. *¶* op. 17. cap. 6.

Ad tertium sic proceditur. Videtur, quod perfectio vitæ non consistat in præceptis, sed in consiliis. Dicit

cit enim Dominus Matth. 19. *Si vis perfectus es, vade, vende omnia quæ habes, & da pauperibus, & veni, sequere me.* Sed istud est consilium, ergo perfectio attenditur secundum consilia, & non secundum præcepta.

2. Præterea. Ad observantiam præceptorum omnes tenentur, cum sint de necessitate salutis, si ergo perfectio Christianæ vitæ consistat in præceptis, sequitur, quod perfectio sit de necessitate salutis, & quod omnes ad eam teneantur, quod patet esse falsum.

3. Præterea. Perfectio Christianæ vitæ attenditur secundum charitatem, ut dictum est: (a. 1. hu. q.) Sed perfectio charitatis non videtur consistere in observantia præceptorum: quia perfectionem charitatis præcedit & augmentum, & inchoatio ipsius, ut patet per Aug. super Canonic. Jo. (Tract. 9. vers. med. to. 9.) Non autem potest charitas inchoari ante observationem præceptorum: quia, ut dicitur Jo. 14. *Si quis diligit me, sermonem meum servabit:* ergo perfectio non attenditur secundum præcepta, sed secundum consilia.

Sed Contra est, quod dicitur Deuter. 6. *Diligite Dominum Deum tuum ex toto corde tuo, & Levit. 19. dicitur, Diliges proximum tuum, sicut teipsum:* Hac autem sunt duo præcepta, de quibus Dominus dicit Matth. 22. *In his duobus præceptis universa lex pendit & Prophetæ:* perfectio autem charitatis, secundum quam dicitur vita Christiana esse perfecta, attenditur secundum hoc, quod Deum ex toto corde diligamus, & proximum sicut nos ipsos: ergo videtur, quod perfectio consistat in observantia præceptorum.

Respondeo dicendum, quod perfectio dicitur in quo consistere dupliciter. *Uno modo per se, & essentialiter. Altero modo secundario, & accidentaliter.* Per quidem, & essentialiter consistit perfectio Christianæ vitæ in charitate; principaliter quidem secundum dilectionem Dei, secundario autem secundum dilectionem proximi, de quibus dantur præcepta principalia divisione legis, ut dictum est: (q. 44. a. 2. & 3.) Non autem dilectio Dei, & proximi cadit sub præcepto ^{secundario}

cundum aliquam mensuram, ita quod id quod est plus, sub consilio remaneat: ut patet ex ipsa forma præcepti, quæ perfectionem demonstrat, ut cum dicitur *Diliges Dominum Deum tuum ex toto corde tuo: totum enim & perfectum idem sunt*, secundum Philos. in 3. Phys. (tex. 64. to. 2.) Et cum dicitur: *Diliges proximum tuum, sicut te ipsum*: unusquisque enim seipsum maxime diligit. Et hoc ideo est, quia *filiis præcepti charitas est*, ut Apost. dicit 1. ad Timoth. 1. In fine autem non adhibetur aliqua mensura, sed solum in his quæ sunt ad finem, ut Philos. dicit in 1. Polit. (c. 6. à med. to. 5.) Sicut medicus non adhibet mensuram, quantum sanet, sed quanta medicina, vel diæta utatur ad sanandum. Et sic patet, quod *perfectio essentialiter consistit in præceptis*. Unde August. dicit in lib. de Perfectione justitiae (c. 8. vers. fin. to. 7.) *Cur ergo non præciporetur hominū ista perfectio, quamvis eam in hac vita nemo habeat?*

Secundario autem, & instrumentaliter perfectio consistit in *consilīis*. Quæ omnia, sicut & præcepta, ordinantur ad charitatem: sed aliter, & aliter: nam præcepta alia à præceptis charitatis ordinantur ad removendum ea, quæ sunt charitati contraria, cum quibus scilicet charitas esse non potest: consilia autem ordinantur ad removendum impedimenta actus charitatis, quæ tamen charitati non contrariantur: sicut est matrimonium, occupatio negotiorum secularium, & alio hujusmodi. Unde Augustinus dicit in Enchirid. (c. 121. to. 3.) *Quæcumque mandat Deus (ex quibus unum est: Non incechaberis) & quæcumque non jubentur, sed speciali consilio monentur (ex quibus unum est: Bonum est homini mulierem non tangere) tunc recte sunt, cum referuntur ad diligendum Deum, & proximum propter Deum, & in hoc seculo, & in futuro. Et inde est quod in Collationibus Patrum (Collat. 1. c. 7. à med.) dicit Abbas Moyses: „Jejunia, vigilia, meditatio Scripturarum, nuditas, ac privatio omnium facultatum non perfectio, sed perfectionis instrumenta sunt: quia non in ipsis consistit disciplina illius filii, sed per illa pervenitur ad finem. Et supra præmisit, quod ad perfectionem*

„cha-

„charitatis istis gradibus ascendere nitimur.“

Ad primum ergo dicendum, quod in illis verbis Domini aliquid ponitur quasi via ad perfectionem; hoc sc. quod dicitur; *Vade, vende omnia quæ habes, & da pauperibus.* Aliud autem subditur, in quo perfectio consistit sc. quod dicit: *Et sequere me.* *Unde Hieron.* (ca. 19. sup. illud: *Ecce nos reliquimus &c.*) quod quia non sufficit tantum relinquere, Petrus adjungit quod perfectum est: *Et secutus sumis se.* Ambr. autem super illud Lucæ 5. *Sequere me,* dicit: *Sequi jubet non exporis gressu, sed mentis affectu;* quod sit per charitatem. Et ideo ex ipso modo loquendi apparet, quod consilia sunt quædam instrumenta pervenienti ad perfectionem, dum dicitur: *Si vis perfectus esse, vade, vende, &c.* quasi dicat: *Hoc faciendo ad hunc finem pervenies.*

Ad secundum dicendum, quod sicut Aug. dicit in libro de perfectione justitiae, (c. 8. ad fin. tom. 7.) *perfectio charitatis homini in hac vita præcipitur;* quia non recte curritur, si quo currendum est, nesciatur: *Quomodo autem sciretur, si nullis præceptis ostenderetur?* Cum autem id quod cadit sub præcepto diversimode possit impleri, non efficitur transgressor præcepti aliquis ex hoc quod non optimo implet, sed sufficit, quod quo cumque modo impleat illud. Perfectio autem divinae dilectionis universaliter quidem cadit sub præcepto; ita quod etiam perfectio patræ non excluditur ab illo præcepto, ut dicit August. (*loc. cit.*) Sed transgressor præcepti evadit, qui quo cumque modo perfectionem divinæ dilectionis attingit. Est autem infimus divinae dilectionis gradus, ut nihil supra eum, aut contra eum, aut æqualiter ei diligatur, à quo gradu perfectionis qui deficit, nullo modo implet præceptum. Est autem alius gradus perfectæ dilectionis, qui non potest impleri in via, ut dictum est, (*ar. præc.*) à quo qui deficit manifestum est, quod non est transgressor præcepti. Et similiter non est transgressor præcepti, qui non attingit ad medios perfectionis gradus, dummodo attingat ad infimum.

Ad tertium dicendum, quod sicut homo habet qualiteram perfectionem suæ naturæ, statim cum nascitur, quæ

qua pertinet ad rationem speciei; est autem alia perfectio, ad quam per augmentum adducitur. Ita etiam quedam perfectio charitatis pertinens ad ipsam speciem charitatis; ut scilicet Deus super omnia diligatur, & nihil contra eum ametur. Est autem alia perfectio charitatis etiam in hac vita, ad quam aliquis per aliquid spirituale augmentum pervenit; ut puta cum homo etiam à rebus licitis abstinet, ut liberius divinis obsequiis vacet.

ARTICULUS IV.

871

Utrum quicunque est perfectus sit in statu perfectionis.

Quol. I. a. 14. ad 2. 2^o opus. 18. c. 18.

Ad Quartum sit proceditur. Videtur, quod quicunque est perfectus, sit in statu perfectionis. Sicut enim per augmentum corporale pervenitur ad perfectionem corporalem; ita per augmentum spirituale pervenitur ad perfectionem spiritualem, ut dictum est: (*ar. præc. ad 3.*) Sed post augmentum corporale aliquis dicitur esse in statu perfectæ ætatis: ergo etiam videtur, quod post augmentum spirituale, cum quis jam adeptus est perfectionem, sit in statu perfectionis.

2. Præterea. Eadem ratione qua aliquid movetur de contrario in contrarium: movetur etiam aliquod de minori ad maius, ut dicitur in 5. *Physic.* (*tex. 19. to. 2.*) Sed quando aliquis transmutatur de peccato ad gratiam, dicitur mutare statum, prout distinguitur statutus culpe à statu gratiae: ergo videtur, quod paratione cum aliquis proficit de minori gratia ad maiorem, quoisque perveniat ad perfectum, adipiscatur perfectionis statum.

3. Præterea. Statum adipiscitur aliquis ex hoc, quod à servitute liberatur. Sed per charitatem aliquis liberatur à servitute peccati: quia *universa delicia operit charitas*, ut dicitur *Proverb. 12.* Sed perfectus dicitur aliquis secundum charitatem, ut dictum est. (*artic. 1. hu. qu.*) ergo videtur, quod quicunque habet perfectionem ex hoc ipso habeat perfectionis statum.

Sed

Sed contra est, quod aliqui sunt in statu perfectio-
nis, qui omnino charitate, & gratia carent; sicut ma-
li Episcopi, aut mali Religiosi: ergo videtur, quod è
contrario aliqui habent perfectionem vitez, qui tamen
non habent perfectionis statum.

Respondeo dicendum, quod sicut supra dictum est,
(q. præc. ar. 1.) status propriæ pertinet ad conditionem
libertatis, vel servitutis. Spiritualis autem libertas vel
servitus potest in homine attendi *dupliciter*. Uno modo
secundum id, quod interius agitur: alio modo secundum
id, quod agitur exterius. Et quia, ut dicitur I. Re-
gum 16, *Homines vident ea quæ patent, sed Deus lo-
tuetur cor*, inde est quod secundum interiorem homi-
nis dispositionem accipitur conditio spiritualis status in
homine per comparationem ad judicium divinum. Se-
cundum autem ea quæ exterius aguntur, accipitur
spiritualis status in homine per comparationem ad Ec-
clesiam. Et sic nunc de statibus loquimur, prout sc.
ex diversitate statuum quædam Ecclesie pulchritudo
consurgit.

Est autem considerandum, quod quantum ad ho-
mines, ad hoc quod aliquis adipiscatur statum liber-
tatis, vel servitutis, requiritur *primo* quidem obliga-
tio aliqua, vel absolutio. Non enim ex hoc quod ali-
quis servit alicui efficitur servus: quia etiam liberi ser-
viant, secundum illud ad Gal. 5. *Per charitatem spi-
ritus servite invicem*: Neque etiam ex hoc quod ali-
quis desinit servire, efficitur liber; sicut patet de ser-
vis fugitiis: sed ille proprio est servus, qui obli-
gatur ad serviendum; & ille est liber, qui à servito-
re absolvitur. *Secundo* requiritur, quod obligatio pre-
dicta cum aliqua solemnitate fiat; sicut & ceteris, quæ
inter homines obtinent perpetuam firmitatem, quædam
solemnitas adhibetur. „Sic ergo in statu perfectionis
„proprie dicitur aliquis esse, non ex hoc quod ha-
„bet actum dilectionis perfectæ, sed ex hoc quod obli-
„gat se perpetuo cum aliqua solemnitate ad ea quæ
„sunt perfectionis.“

Contingit etiam, quod aliqui se obligant ad id quod
non servant, & aliqui implet ad quod se non obli-
gaverunt. Unde patet Matth. 21. de duobus filiis, quo-
rum

rum unus patri dicentis: „Operare in vinea, respon-
dit: Nolo, & postea abiit: Alter autem respondens
ait: Eo, & non ivit. Et ideo nihil prohibet aliquos
esse perfectos, qui non sunt in statu perfectionis,
& aliquos esse in statu perfectionis, qui tamen non
sunt perfecti.

Ad primum ergo dicendum, quod per augmentum corporale proficit aliquis in his quæ pertinent ad natu-
ram, & ideo adipiscitur naturæ statum: præsertim quia
quod est secundum naturam, quodammodo immutabi-
le est, in quantum natura determinatur ad unum. Et
similiter per augmentum spirituale interius aliquis adi-
piscitur statum perfectionis quantum ad divinum judi-
cium: sed quantum ad distinctionem Ecclesiasti-
corum statuum non adipiscitur aliquis statum perfec-
tionis, nisi per augmentum in his quæ exterius
aguntur.

Ad secundum dicendum, quod illa etiam ratio pro-
cedit quantum ad interiorem statum: Et tamen cum
aliquis transit de peccato in gratiam, transit de ser-
vitute ad libertatem: Quod non contingit per simplicem
profectum gratiæ, nisi cum aliquis obligat se ad ea
qua sunt gratiæ.

Ad tertium dicendum, quod illa etiam ratio pro-
cedit quantum ad interiorem statum: Et tamen licet
charitas variet conditionem spiritualis servitutis, &
libertatis, hoc tamen non facit charitatis augmentum.

ARTICULUS V.

872

Utrum Religiosi, & Prælati sint in statu perfectionis.

Opusc. 18. c. 16.

Ad Quintum sic proceditur. Videtur, quod Præ-
lati & Religiosi non sint in statu perfectionis. Status
enim perfectionis distinguitur contra statum incipien-
tium, & proficientium. Sed non sunt aliqua genera
hominum deputata specialiter statui proficientium, vel
etiam incipientium, ergo videtur quod nec etiam debeant
esse aliqua genera hominum deputata statui perfectionis.

Præ-

2. Præterea. Status exterior debet interiori statui respondere; alioquin incurritur mendacium, quod non solum est in falsis verbis, sed etiam in simulatis operibus, ut Ambros. dicit in quodam serm. (sc. 44. de Temp. ante med.) Sed multi sunt Prælati, vel Religiosi, qui non habent interiorem perfectionem charitatis, si ergo omnes Religiosi, & Prælati sint in statu perfectionis, sequitur quod quicumque eorum non sunt perfecti, sint in peccato mortali, tanquam simulators, & mendaces.

3. Præterea. Perfectio secundum charitatem attenditur, ut supra habitum est: (a. 1. huj. q.) Sed perfectissima charitas videtur esse in martyribus, secundum illud Jo. 15. Majorem dilectionem nemo habet, quam ut animam suam ponat quis pro amicis suis: & super illud ad Heb. 12. Nondum enim usque ad sanguinem &c. dicit Glos. (Aug. serm. 17. de verb. Apost. cap. 1. cit. med. tom. 10.) Perfectior in haec vita nulla dilectio est ta, ad quam Sancti Martyres pervenerunt: ergo videtur, quod magis debeat perfectionis status attribui Martyribus, quam Religiosis, & Episcopis.

Sed contra est, quod Dyonis. 5. cap. Eccles. Hier. (cir. med.) attribuit perfectionem Episcopis tanquam perfectioribus. Et in 6. cap. ejusdem libri, (ante med.) attribuit perfectionem Religiosis, quos vocat monachos, vel *therapeutas*, id est, Deo famulantes, tanquam perfectis.

Respondeo dicendum, quod, sicut dictum est, (art. præc.) ad statum perfectionis requiritur obligatio perpetua ad ea quæ sunt perfectionis, cum aliqua solemnitate. Utrumque autem horum competit Religiosis, & Episcopis. Religiosi enim se voto astringunt ad hoc quod à rebus secularibus se abstineant, quibus licet uti poterant, ad hoc quod liberius Deo videntur: in quo consistit perfectio præsentis vitæ. Unde Dion. dicit 6. cap. Eccl. Hier. (loc. cit.) de Religiosis loquens: „Alli, quidem therapeutas, id est, famulos Dei, ex puro servitio, & famulatu: alii vero monachos ipsi nominant ex indivisibili vita, & singulari vita unitente ipsos ex indivisibilium sanctis convolutionibus, id est, contemplationibus, ad deiformem unitatem, &

, amabilem Deo perfectionem. Horum etiam obligatio fit cum quadam solemnitate professionis, & benedictionis. Unde & ibid. subdit Dion. „ Propter quod perfectam ipsis donans gratiam sancta legislatio, quam ipsos dignata est sanctificativa invocatione.“

Similiter etiam Episcopi obligant se ad ea quæ sunt perfectionis, Pastorale assumentes officium, ad quod pertinet, ut animam suam ponat pastor pro ovibus suis: sicut dicitur Joan. 10. Unde Apostol. dicit 1. ad Timoth. ult. *Confessus bonam confessionem coram multis testibus in sua*, id est, *ordinatione*, ut Glos. (interl.) ibidem dicit. Adhibetur etiam quædam solemnitas consecrationis simul cum professione prædicta, secundum illud 2. ad Thimoth. 1. *Resuscitez gratiam Dñi*, quæ est in te per impositionem manuum mearum; quod Glos. (interl.) exponit de gratia episcopali. Et Dionys. dicit 5. c. Eccles. Hierarc. (vers. fin.) quod *summus sacerdos*, id est, *Episcopus*, in sua ordinatione habet eloquiorum super caput sanctissimam superpositionem: ut significet, quod ipse est participativus integræ totius hierarchicæ virtutis, & quod ipse non solum sit illuminatus omnium, (quod pertinet ad sanctas locutiones, & actiones) sed quod etiam hoc aliis tradat.

Ad primum ergo dicendum, quod inchoatio, & augmentum non quæritur propter se, sed propter perfectionem. Et ideo ad solum perfectionis statum aliqui homines cum quadam obligatione, & solemniter assumuntur.

Ad secundum dicendum, quod homines statum perfectionis assumunt, non quasi profitentes seipso perfectos esse, sed profitentes se ad perfectionem tendere. Unde & Apost. dicit ad Philip. 3. *Non quod jam comprehenderim, aut jam perfectus sim; sequor autem, si quo modo comprehendam.* Et postea subdit: *Quicumque ergo perfecti sumus, hoc sentiamus.* Unde non committit aliquis mendacium, vel simulationem ex hoc quod est perfectus, qui statum perfectionis assumit, sed ex eo quod ab intentione perfectionis animum revocat.

Ad tertium dicendum, quod martyrium in actu perfectissimo charitatis consistit. Actus autem perfectionis

Utrum omnes Prælati Ecclesiastici sint in statu perfectionis?

Opusc. 18. c. 22. 23. 25. v. 26.

Ad Sextum sic proceditur. Videtur, quod omnes Prælati Ecclesiastici sint in statu perfectionis. Dicit enim Hieron. super Ep. ad Tit. (c. 1. sup. illud: Constitutas per civitates &c.) Olim idem Presbyter, qui uero Episcopus. Et postea subdit: Sicut ergo Presbyteri scilicet Ecclesiæ consuetudine ei, quo sibi præpositus fuerit, unius subditos: ita Episcopi noverint, se magis consuetudine quam dispositionis dominice veritate Presbyteris esse maiores, & in communione debere Ecclesiam regere. Sed Episcopi sunt in statu perfectionis: ergo & Presbyteri habentes curam animarum.

2. Præterea. Sicut Episcopi suscipiunt curam animarum cum consecratione, ita etiam Presbyteri Curati, & Archidiaconi; de quibus super illud Act. 6. Considerate, fratres, viros boni testimonii septem, ac dicit Glos. (ordin. Bedæ) Hic discernebant Apostoli pro Ecclesiam constitutum Diaconos, qui essent membrorum gradus, & quasi columnæ proximi cœram: ergo videtur, quod ipsi etiam sint in statu perfectionis.

3. Præterea. Sicut Episcopi obligantur ad hoc quod animam suam ponant pro ovibus suis, ita & Presbyteri Curati, & Archidiaconi. Sed hoc pertinet ad perfectionem charitatis, ut supra dictum est. (a. 2. b. q. ad 3.) ergo videtur, quod etiam Presbyteri curati & Archidiaconi sunt in statu perfectionis.

Sed contra est, quod Dion. dicit in c. Eccles. Hirrar. (cir. med.) Pontificum quidem ordo consummatus est, & perfectivus: Sacerdotum autem illuminarivus: ministrantium vero purgativus, & discretivus. Ex quo patet, quod perfectio solis Episcopis attribuitur.

Respondeo dicendum, quod in Presbyteris, & Diaconibus curam habentibus animarum duo possunt con-

derari, sc. *ordo*, & *cura*. *Ordo* autem ipse ordinatur ad quendam actum in divinis officiis. Unde sup. dictum est, (*q. præc. a. 3. ad 3.*) quod distinctio ordinum sub distinctione officiorum continetur. Unde per hoc quod aliqui suscipiunt sacrum Ordinem, accipiunt potestatem quosdam sacros actus perficiendi: non autem obligantur ex hoc ipso ad ea quæ sunt perfectionis, nisi quatenus apud Occidentalem Ecclesiam in susceptione sacri Ordinis emititur continentiae votum, quod est unum eorum quæ ad perfectionem pertinent, ut infra dicetur. (*q. 186. a. 4.*) Unde patet quod *ex hoc quod aliquis accipit sacrum ordinem*, non ponitur simpliciter in statu perfectionis; quamvis interior perfectio ad hoc requiratur, quod aliquis digne hujusmodi actus exerceat.

Similiter etiam, nec ex parte curæ, quam suscipiunt, ponuntur in statu perfectionis. Non enim obligantur ex hoc ipso vinculo perpetui voti ad hoc quod curam animarum retineant, sed possunt eam deserere, vel transeundo ad religionem, etiam absque licentia Episcopi, ut habetur in Decretis 19. q. 2. (*c. Due sunt*) vel etiam cum licentia Episcopi potest aliquis Archidiaconus Archidiaconatum, vel Parochiam dimittere, & simplicem præbendam accipere sine cura. Quod nullo modo licet, si esset in statu perfectionis. Nemo enim manum mittens ad aratrum, & respiciens retro aptus est regno Dei, ut dicitur *Luc. 9.*

Episcopi autem, quia sunt in statu perfectionis, non nisi auctoritate summi Pontificis, ad quem etiam solum pertinet in votis perpetuis dispensare, possunt Episcopalem curam deserere, & ex certis causis, ut infra dicetur (*q. 185. art. 4.*) Unde manifestum est, quod non omnes Prælati sunt in statu perfectionis, sed solum Episcopi.

Ad primum ergo dicendum, quod de Presbytero, & Episcopo duplice loqui possumus. *Uno modo* quantum ad nomen. Et sic olim non distingebantur Episcopi, & Presbyteri. Nam Episcopi dicuntur *ex eo*, quod superintendunt, sicut dicit Aug. 19. de civit. Dei (*c. 19. à med. tom. 5.*) Presbyteri autem in græco dicuntur quasi seniores. Unde & Apostolus communiter uti-

utitur nomine Presbyterorum quantum ad utrosque, cum dicit 1. Timoth. 5. Qui bene præsunt Presbyteri, dupli ci honore digni habeantur. Et similiter etiam nomine Episcoporum: unde dicit Act. 20. Presbyteris Ephesinæ Ecclesiæ loquens: *Attendite vobis, & universo gregi, in quo vos Spiritus sanctus posuit Episcopos regere Ecclesiam Dei.* Sed secundum rem semper inter eos fuit distinctio, etiam tempore Apostolorum: ut patet per Dion. 5. c. Eccl. Hierar. (cir. med.) & Luc. 10. super illud: *Post hæc autem designavit Dominus, &c.* dicit Glos. (ord. Bedæ) sicut in Apostolis forma est Episcoporum; sic in septuaginta duabus discipulis forma est Presbyterorum secundi ordinis. Postmodum tamen ad schisma vietandum necessarium fuit, ut etiam nomina distinguerentur; ut sc. majores dicerentur Episcopi, minores autem Presbyteri. Dicere autem Presbyteros non differe ab Episcopis, inter dogmata hæretica numerat August. in lib. de hæres. (hæresi 53. tom. 6.) ubi dicit, quod Ariani dicebant, Presbyterum ab Episcopo nulla differentia debere discerni.

Ad secundum dicendum, quod Episcopi principaliiter habent curam ovium suæ diœcesis: Presbyteri autem Curati, & Archidiaconi habent alias subministrations sub Episcopis. Unde super illud 1. ad Cor. 12. „ Alii opitulationes, alii gubernationes, dicit Glos. „ (interl.) Opitulationes, id est, eos qui majoribus ferunt opem; ut Titus Apostolo, vel Archidiaco Episcopis: Gubernationes, scilicet minorum personarum prælationes, ut Presbyteri sunt, qui plebi documento sunt. „ Et Dionys. dicit 5. c. Eccl. Hierar. (ante med.) quod „ sicut universam hierarchiam vidimus in Jesu terminatam; ita unquamque functionem in proprio divino Hierarcha, id est, Episcopo. „ Et 16. quæst. 1. (c. Cunctis) dicitur: „ omnibus Presbyteris, & Diaconibus attendendum est, nihil absque proprii Episcopi licentia agant. „ Ex patet, quod ita se habent ad Episcopum, sicut ballo vel præpositi ad Regem. It propter hoc sicut in mandatis potestatibus solus Rex benedictionem solemniter accipit, alii vero per simplicem commissionem iactynuntur; ita etiam in Ecclesia cura Episcopalibus cum

lemnitate consecrationis committitur; cura autem Archidiaconatus, vel Plebanatus cum simplici iurisdictione. Consecrantur tamen in susceptione Ordinis etiam antequam curam habeant.

Ad tertium dicendum, quod sicut Plebani, & Archidiaconi non habent principaliter curam, sed ab Episcopo committitur: ita etiam ad eos non pertinet principaliter Pastorale officium, nec obligatio ponendi animam pro ovibus, sed in quantum participant de cura. Unde magis habent quoddam officium ad perfectionem pertinens, quam obtineant perfectionis statum.

ARTICULUS VII.

874

Utrum status Religiosorum sit perfectior, quam status Prælatorum.

*Inf. qu. 185. art. 8. cor. 27 quol. 3. art. 17. cor. 27
opusc. 18. c. 17. 18. 27 19. 27 Matth. 19.*

And Septimum sic proceditur. Videtur, quod status Religiosorum sit perfectior, quam status Prælatorum. Dominus enim dicit Matth. 19. *Si vis perfectus esse, vade, vende omnia quæ habes, 27 da pauperibus;* quod faciunt Religiosi. Non autem ad hoc tenentur Episcopi, dicitur enim 12. q. 1. (cap. 19.) *Episcopi debent propriis, vel acquisitis, vel quicquid de proprio habent hæredibus suis, si voluerint, derelinquant;* ergo Religiosi sunt in perfectiori statu, quam Episcopi.

2. Præterea. Perfectio principalius consistit in dilectione Dei, quam in dilectione proximi: sed status Religiosorum directe ordinatur ad dilectionem Dei, unde & ex Dei servitio, & famulatu nominantur, ut Dionys. dicit 6. cap. Eccles. Hierarch. (ante med.) Status autem Episcoporum videtur ordinari ad dilectionem proximi, cuius curæ superintendunt, unde & nominantur, ut patet per Aug. 19. de civit. Dei, (c. 19. à med. tom. 5.) ergo videtur, quod status Religiosorum sit perfectior, quam status Episcoporum.

3. Præterea, Status Religiosorum ordinatur ad vi-

Tom. VII.

Cc

tam

tam contemplativam, quæ potior est quam vita activa, ad quam ordinatur status Episcoporum: dicit enim Greg. in Pastor. (part. I. c. 7. ante med.) quod per vitam activam prodesse proximis cupiens laicis officium prædicationis appetit. Per contemplationem vero Jeremias amori Conditoris sedulo iuhare siderans, ne mitti ad prædicandum debeat, continet dicit: "ergo videtur, quod status Religiosorum perfectior, quam status Episcoporum.

Sed Contra. Nulli licet à majori statu ad minorem transire: hoc enim esset retro aspicere. Sed potest alius à statu Religionis transire ad statum Episcopalem dicitur enim 18. q. I. (c. Statutum) quod *sacra ordinatio de Monachis Episcopum facit*: ergo status Episcoporum est perfectior, quam status Religiosorum.

Respondeo dicendum, quod, sicut Aug. dicit super Gen. ad litter. (c. 16. à med. tom. 3.) *agens præstantius est paciente*. In genere autem perfectionis secundum Dionysium (cap. 5. & 6. cyl. 1.) Episcopi se habent ut perfectiores, Religiosi autem perfecti; quorum unum pertinet ad actionem, alterum autem ad passionem. Unde manifestum est, *status perfectionis potior est in Episcopis, quam in Religiosis.*

Ad primum ergo dicendum, quod abrenuntiatione priarum facultatum dupliciter considerari patet: modo, secundum quod est in actu: & sic in ea consistit essentialiter perfectio, sed est quoddam perfectionis instrumentum, sicut supra dictum est (ad h. q.) Et ideo nihil statum perfectionis prohibetur sine abrenuntiatione propriorum, sicut etiam dicitur est de aliis exterioribus observantiosis: alio potest considerari secundum præparationem; ut si homo sit paratus, si fuerit opus, omnia dimittere distribuere: Et hoc pertinet directe ad perfectio. Unde August. dicit in l. 2. de QQ. Ev. (q. II. à princ. tom. 4.) „Ostendit Dominus filios sapiens intelligere, non in abstinendo, nec in manuando esse justitiam, sed in æquanimitate tolerando, piam.“ Unde & Apost. dicit (Philipp. 5.) „abundare, & penuriam pati: Ad hoc autem

tenentur Episcopi quod omnia sua pro honore Dei, & salute sui gregis contemnunt, cum opus fuerit, vel pauperibus sui gregis largiendo, vel rapinam bonorum suorum cum gudio sustinendo.

Ad secundum dicendum, quod hoc ipsum quod Episcopi intendunt his, quæ pertinent ad proximorum dilectionem, provenit ex abundantia dilectionis divinae. Unde Dominus primo à Petro quæsivit, an eum diligenter; & postea ei sui gregis curam commisit. Et Gregorius dicit in Pastorali: (part. I. cap. 5. parum ante med.) *Si dilectionis testimonium est cura pastoralis, quisquis virtutibus pollens gregem Dei renuit pascere, Pastorem summum convincitur non amare.* Hoc autem est majoris dilectionis signum, ut homo propter amicum etiam alii serviat, quam si soli amico velit servire.

Ad tertium dicendum, quod sicut Gregor. dicit in Pastorali: (part. 2. c. 1.) *Sit præsul actione præcipius, præ cunctis contemplatione suspensus:* quia ad ipsos pertinet non solum propter seipso, sed propter instructionem aliorum contemplari. Unde Gregor. dicit super Ezech. (hom. 5. parum à med.) quod de perfectis viris post contemplationem suam redeuntibus dicitur Ps. 44. *Memoriam suavitatis tuæ eructabunt.*

ARTICULUS VIII.

875

Utrum Presbyteri Curati, & Archidiaconi sint majoris perfectionis, quam Religiosi.

*Quol. I. a. 14. ad 2. & quol. 3. a. 17. & opusc. 18.
c. 20. & 21. & Matth. 19.*

 Ad Octavum sic proceditur. Videtur, quod etiam Presbyteri Curati, & Archidiaconi sint majoris perfectionis, quam Religiosi. Dicit enim Chrysostomus in suo Dial. (scilicet lib. 6. de Sacerdot. cap. 4. implice. & c. 7. in princ.) „Si talem mihi aliquem adducas Monachum, qualis, ut secundum exaggerationem dicam, Helias fuit, non tamen Alii comparandus est, qui traditus populis, & multorum peccata ferre compulsus, immobilis perseverat, & fortis.“ Et paulo

*post dicit: (cap. 7. parum à princ.) „Si quis mili
„proponeret optionem, ubi mallem placere, in
„ficio Sacerdotali, an in solitudine Monachorum,
„ne comparatione eligerem illud, quod prius dixi.“*
Et in eodem libro (c. 5. in princ.) dicit: *Si quis ea
administrato Sacerdotio, illius propositi, scilicet mona-
chalis, sudores conferat, tantum eos, distare reputa-
quantum inter privatum distat & regem: ergo videtur
quod Sacerdotes habentes curam animatum sint per-
tiores Religiosis.*

2. Præterea. Augustinus dicit in epist. ad Valer. (epist. 148. in princ. tom. 2.) „Cogitet religiosi po-
„dentia tua, nihil esse in hac vita, & maxime hor-
„tempore, difficilius, laboriosius, periculosius Epis-
„copi, aut Presbyteri, aut Diaconi officio: sed aperte
„Lenim nihil beatius, si eo modo militetur, quod
„noster imperator jubet: “non ergo Religiosi su-
perfectiores Presbyteris, aut Diaconibus.

3. Præterea. Augustinus dicit ad Aurel. (epist. in med. t. 2.) „Nimis dolendum est, si ad tam nobilem
„nosam superbiam monachos surrigamus; & tam gra-
„vi contumelia clericos dignos putemus, ut scilicet obli-
„catur, quod malus monachus bonus clericus et
„cum aliquando etiam bonus monachus vix bonum cleri-
„cicum faciat.“ Et paulo ante præmitit, non ali-
„lius potest eligi ad aliquid melius, scilicet clericus
„si facti fuerint deteriores, scilicet abjecto monachis
ergo videtur, quod illi sunt qui in statu clericali, su-
perfectiores Religiosis.

4. Præterea. Non licet de statu monastico ad
norem transire: sed de statu monastico transire
ad officium presbyteri curam habentis; ut patet
quest. I. (cap. 28.) ex decreto Gelasii Papz. q.
cit: „Si quis monachus fuerit, qui venerabilis
„merito, sacerdotio dignus videatur, & Abbat
„cuius imperio Regi Christo militat, illum fieri po-
„byterum petierit, ab Episcopo debet eligi,
„loco, quo judicaverit, ordinari.“ Et Hieronimus
dicit ad Rusticum monachum: (epist. 4. inter
fin.) *Sic vivat in monasterio, ut clericus unius mo-*

ergo Presbyteri Curati, & Archidiaconi sunt perfectiores Religiosis.

5. Præterea. Episcopi sunt in statu perfectiori, quam Religiosi, ut ex supra dictis patet: (art. præc.) Sed Presbyteri Curati, & Archidiaconi ex eo quod habent curam animarum, similiores sunt Episcopis, quam Religiosi: ergo sunt majoris perfectionis.

6. Præterea. Virtus consistit circa difficile, & bonum, ut dicitur in 2. Ethic. (cap. 3. cir. fin. tom. 5.) Sed difficilior est, quod aliquis bene vivat in officio Presbyteri Curati, vel Archidiaconi, quam in statu Religionis: ergo Presbyteri Curati, vel Archidiaconi sunt perfectioris virtutis, quam Religiosi.

Sed contra est, quod dicitur 19. q. 2. c. Duæ,, Si quis in Ecclesia sua sub Episcopo populum retinet, & seculariter vivit, si afflatus Spiritu sancto in aliquo monasterio, vel regulari canonia salvare se voluerit, quia lege privata ducitur, nulla ratio exigit ut lege publica constringatur. " Sed non ducitur aliquis à lege Spiritus sancti, quæ ibi dicitur lex privata, nisi in aliquid perfectius: ergo videtur, quod Religiosi sint perfectiores, quam Archidiaconi, vel Presbyteri Curati.

Respondeo dicendum, quod comparatio supereminentie non habet locum inter aliquos ex ea parte in qua conveniunt, sed ex ea parte in qua differunt. In Presbyteris autem Curatis, & Archidiaconis tria est considerare; scilicet statum, ordinem, & officium. Ad statum pertinet, quod seculares sint: ad ordinem, quod sint sacerdotes, vel diaconi: ad officium, quod curam animarum habeant sibi commissam. Si ergo ex alia parte ponamus statum religiosum, ordinem Diaconum, vel Sacerdotem, officio curam animarum habentem, sicut plerique Monachi, & Canonici Regulares habent; in primo quidem excedit, in aliis autem par erit. Si autem differat secundus à primo statu, & officio, conveniat autem ordine, sicut sunt Religiosi Sacerdotes, & Diaconi curam animarum non habentes, manifestum est, quod secundus primo erit statu quidem excellenter, officio autem minor, ordine vero æqualis.

Est ergo considerandum, quæ præminentia potior

sit utrum status, vel officii: circa quod duo attendenda videntur, scilicet „bonitas & difficultas. Si ergo „fiat comparatio secundum bonitatem, sic præfatus „status Religionis officio Presbyteri Curati, vel Archi- „diaconi. “ Quia Religiosus totam vitam suam obli- „gat ad perfectionis studium: Presbyter autem Curatus, „vel Archidiaconus non obligat totam vitam suam ad „curam animarum, sicut Episcopus, nec etiam ei com- „petit principalem curam subditorum habere, sicut Epis- „copo; sed quædam particularia circa curam anima- „rum eorum officio committuntur, ut ex dictis patet. (a. 6. h. q. ad 2.) Et ideo comparatio status Reli- „gionis ad eorum officium est sicut universalis ad parti- „culare, & sicut holocausti ad sacrificium, quod est „minus holocausto, ut patet per Gregorium super Ezech. (hom. 20. post med.) Unde & 19. quæst. 1. cap. 1. dicitur: „Clericis qui monachorum propositum ap- „„petunt quia meliorem vitam sequi cupiunt, libe- „„ros eis ab Episcopis in monasteria oportet largiri in- „„gressus.“

Sed hæc comparatio intelligenda est secundum ge- „bus operis, secundum charitatem operantis contingit quandoque, quod opus ex genere suo minus existens magis sit meritorium, scilicet si ex majori charita- te fiat.

„Si vero attendatur difficultas bene conversandi „in religione, & in officio habentis curam anima- „rum, sic difficilius est bene conversari cum cura „animarum propter exteriora pericula: quamvis con- „versatio religionis sit difficilior quantum ad ipsum „genus operis propter arctitudinem observantiz regu- „laris.“

Si vero religiosus etiam Ordine careat, sicut patet de Conversis Religionum, sic manifestum est expellere præeminentiam ordinis quantum ad dignitatem: quia per sacram ordinem aliquis deputatur ad dignissima minis- teria, quibus ipsi Christo servitur in sacramento Al- taris; ad quod requiritur major sanctitas interior, quam requirat etiam religionis status: quia, sicut Dionysius dicit 6. cap. Eccles. Hier. (cir. med.) monasticus ordo debet sequi, sacerdotales ordines, & ad eorum hu-

tationem ad divina ascendere. Unde gravius peccat , cæteris paribus , Clericus in sacris ordinibus constitutus , si aliquid contrarium sanctitati agat , quam aliquis religiosus , qui non habet ordinem sacrum , quamvis laicus religiosus teneatur ad observantias regulares , ad quas illi qui sunt in sacris ordinibus non tenentur.

Ad primum ergo dicendum , quod ad illas auctoritates Chrysostomi breviter responderi posset , quod non loquitur de Sacerdote Curato minoris ordinis , sed de Episcopo , qui dicitur summus Sacerdos : & hoc convenit intentioni illius libri , in quo consolatur se , & Basilius de hoc quod erant in Episcopos electi. Sed , hoc prætermisso , dicendum est , quod loquitur quantum ad difficultatem . Præmittit enim , (cap. 6. in fin.) „Cum fuerit gubernator in mediis fluctibus , & de tempestate nave liberare potuerit , tum merito testimoniū perfecti gubernatoris ab omnibus prometur.“ Et post concludit , quod supra positum est (in argum.) de monacho , qui non comparandus est illi , qui traditus populis immobilis perseverat. Et subdit causam : quia sicut in tranquillitate , ita in tempestate gubernavit seipsum. Ex quo nihil aliud ostendit potest , nisi quod periculosisior est status habentis curam animarum , quam monachi : in majori autem periculo innocentem servare , est majoris virtutis indicium : sed hoc etiam ad magnitudinem virtutis pertinet , quod aliquis vitet pericula Religionem intrando : unde non dicit , quod mallet esse in officio sacerdotali , quam in solitudine monachorum : sed quod mallet placere in hoc , quam illo ; quia hoc est majoris virtutis argumentum.

Ad secundum dicendum , quod etiam illa auctoritas Augustini manifeste loquitur quantum ad difficultatem , que ostendit magnitudinem virtutis in his , qui bene conversantur , sicut dictum est , (in solut. præc.)

Ad tertium dicendum , quod Augustinus ibi comparat monachos clericis quantum ad distantiam ordinis , non quantum ad distantiam religionis , & secularis vite.

Ad quartum dicendum , quod illi , qui à statu religionis assumuntur ad curam animarum , cum prius essent in sacris ordinibus constituti , assequuntur aliquid quod prius non habebant , scilicet officium curæ ; non

autem deponunt, quod prius habebant, scilicet religionis statum. Dicitur enim Decretis 16. q. 1. (cap. 3.)
 „De monachis, qui diu morantes in monasteriis,
 „postea ad clericatus ordinem pervenerint, statum
 „non debere eos à priori proposito discedere.“ Sed Presbyteri Curati, vel Archidiaconi, quando religio-
 neum ingrediuntur, curam deponunt, ut adimplant perfectiorem statum. Unde ex hoc ipso excellenter et
 parte religionis ostenditur. In hoc autem quod religio-
 laici assumuntur in clericatum, & ad sacros ordines
 manifeste præmoventur ad melius, sicut supra dicitur
 est. (*In arg. 4.*) Et hoc ostenditur ex ipso modo
 quendi, cum Hieronymus dicit: *Sic in monasterio in-*
ut clericus esse merearis.

Ad quintum dicendum, quod Presbyteri Curati, &
 Archidiaconi sunt similiores Episcopis, quam Reli-
 giosi, quantum ad aliquid, scilicet quantum ad curam
 animarum, quam secundario habent: sed quantum ad
 perpetuam obligationem, quæ requiritur ad statum
 perfectionis, similiores sunt Episcopo Religiosi, ut ex
 supra dictis patet (*a. 5. & 6. h. q.*)

Ad sextum dicendum, quod difficultas, quæ est ex
 arduitate operis, addit ad perfectionem virtutis. Diffi-
 cultas autem, quæ provenit ex exterioribus impe-
 dimentis, quandoque quidem diminuit perfectionem vi-
 tutis; puta cum aliquis non tantum virtutem amat ut im-
 pedimenta virtutis declinare velit, secundum illud Apostoli
 I, ad Cor. 9. *Omnis qui in agone contendit ab omnibus se ab-*
tinet. Quandoque vero est signum perfectioris virtutis; puta
 cum alicui ex inopinato, vel ex necessaria causa impe-
 menta virtutis occurruant, propter quæ tamen à virtute non
 declinat. In statu autem Religionis est major diffi-
 cultas ex arduitate operum: sed in his qui seculo vi-
 vunt qualitercumque, est major difficultas ex impe-
 mentis virtutis, quæ Religiosi per omnia provide-
 taverunt.

Q U A E S T I O CLXXXV.

De iis quæ pertinent ad statum Episcoporum, in octo articulos divisa.

Beinde considerandum est de his quæ pertinent ad statum Episcoporum.

Et circa hoc queruntur octo.

Primo. Utrum licet Episcopatum appetere.

Secundo. Utrum licet Episcopatum finaliter recusare.

Tertio. Utrum oporteat ad Episcopatum eligere meliorem.

Quarto. Utrum licet ei corporaliter subditos suos deserere.

Sexto. Utrum possit habere proprium.

Septimo. Utrum peccet mortaliter bona Ecclesiastica pauperibus non erogando.

Octavo. Utrum Religiosi, qui ad Episcopatum assumuntur, teneantur ad observantias regulares.

ARTICULUS I.

876

Utrum licet Episcopatum appetere.

Quol. 2. art. 11. & quol. 3. a. 9. cor. & quol. 5. a. 1. cor. & quol. 12. a. 18. & opus. 18. c. 19. & 1. Tim. 3.

Ad Primum sic proceditur. Videtur, quod licet Episcopatum appetere. Dicit enim Apost. 1. ad Tim. 3. *Qui Episcopatum desiderat, bonum opus desiderat.* Sed licitum est, & laudabile bonum opus desiderare: ergo etiam laudabile est desiderare Episcopatum.

2. Præterea. Status Episcoporum est perfectior, quam Religiosorum status, ut supra habitum est: (*q. præc. art. 7.*) Sed laudabile est, quod aliquis desideret ad statum Religionis transire: ergo etiam laudabile est, quod aliquis appetat ad Episcopatum promoveri.

3. Præterea. Prov. 11. dicitur: *Qui abscondit frumenta, maledicetur in populis;* benedictio autem super caput videntium. Sed ille qui est idonens & vita, & scientia ad Episcopatum, videtur frumenta spiritualia

abseondere, si se ab Episcopatu substrahat, per hoc autem quod Episcopatum accipit, ponitur in statu fromentis spiritualia dispensandi: ergo videtur, quod laudabile sit Episcopatum appetere, & vituperabile ipsum refingeri.

4. Præterea. Facta Sanctorum, quæ in sacra Scriptura narrantur, nobis proponuntur in exemplum, secundum illud ad Rom. 15. Quæcunque scripta sunt, non nostram doctrinam scripta sunt. Sed legitur Isa. 6, quod Isaías se obtulit ad officium prædicationis: quod principiæ competit Episcopis; ergo videtur, quod appetere Episcopatum sit laudabile.

Sed Contra est, quod Aug. dicit 19. de civ. Dei. (c. 19. à med. tom. 5.) Locus superior, sine quo populus regi non potest, etsi ita administretur, ut datum indecenter appetitur.

Respondeo dicendum, quod in Episcopatu tria possunt considerari. Quorum unum est principale, & finale; scilicet Episcopalis operatio, per quam utilitati proximorum intenditur, secundum illud Joan. viii. *Pasce oves meas.* Aliud autem est altitudo gradus; qui Episcopus super alios constituitur, secundum illud Matth. 25. *Fidelis servus, & prudens, quem constituit Dominus super familiam suam.* Tertium autem est, quod consequenter se habet ad ista; scilicet reverentia, & honor, & sufficientia temporalium, secundum illud 1. ad Tim. 5. *Qui bene præsunt Presbyteri, duplci honore digni habeantur.* Appetere ergo Episcopatum ratione hujusmodi circumstantium bonorum, manifestum est, quod est illicitum; & pertinet ad cupiditatem, vel ambitionem. Unde contra Pharisæos Dominus dicit Matth. 23. *Amant primos recubitus in cœnis, & primas cathedras in synagogis, & salutationes in foro & vocari ab hominibus Rabbi.*

Quantum autem ad secundum, scilicet ad celitatem gradus, appetere Episcopatum est præsumptuosa. Unde Dominus arguit discipulos Matth. 20. primatus querentes, dicens: *Scitis, quia principes Gentium domininantur eorum.* Ubi Chrys. (hom. 66. in Matth. 1. med.) dicit, quod per hoc ostendit, quod Gentile et primatus cupere: & sic Gentium comparatione eorum animam astuantem convertit.

Sed

Sed appetere proximis prodesse, est secundum se laudabile, & virtuosum. Verum quia prout est Episcopalis actus, habet annexam gradus celsitudinem, „ præsumptio tuosum videtur, quod aliquis præesse appetat ad hoc quod subditis prosit, nisi manifesta necessitate imminente: „ sicut Greg. dicit in Pastor. (par. I. c. 8. cir. med.) „ quod tunc laudabile erat Episcopatus, tum querere, quando per hunc quemquam dubium non erat ad supplicia graviora pervenire. „ Unde non de facili inveniebatur, qui hoc onus assumeret; præsertim cum aliquis charitatis zelo divinitus ad hoc incitatur; sicut Gregor. dicit in Pastor. (par. I. c. 7. ante med.) quod Iacob prodesse proximis cupiens laudabiliter officium prædicationis appetit.

,, Potest tamen absque præsumptione quilibet appetere talia opera facere, si eum contingere in tali officio esse, vel etiam se esse dignum ad talia opera exequenda; ita quod opus bonum cadat sub desiderio, non autem primatus dignitatis. „ Unde Chrysost. dicit super Matih. (hom. 35. in op. Imperf. aliquant. à med.) „ Opus quidem desiderare bonum, bonum est; primatum autem honoris concupiscere, vanitas est. Primatus enim fugientem se desiderat, desiderantem se horget. „

Ad primum ergo dicendum, quod, sicut Greg. dicit in Past. (par. I. c. 8.) illo tempore hoc dixit Apostolus, quod ille qui plebilis præcerat, primus ad martyrum tormenta ducebatur. Et si nihil aliud erat, quod in Episcopatu appeti posset, nisi bonum opus. Unde August. dicit 19. de civ. Dei, (c. 19. à med. tom. 5.) quod Apostolus dicens: „ Qui Episcopatum desiderat, bonum opus desiderat, exponere voluit, quid sit Episcopatus; quia nomen operis est, non honoris. Græcum est enim epi (επί) quippe super, scopus (οὐεῖν) vero intentio est: ergo intendens si velinus, Latine superintendere possimus dicere, ut intelligat, non se esse Episcopum, qui præesse dixerit, non prodesse. In actione enim, ut parum ante præmittit, non amandus est honor in hac vita, sive potentia, quoniam omnia vana sunt sub sole; sed opus ipsum, quod per eundem honorem, vel po-

„ tentiam sit. Et tamen, ut Gregor. dicit in Pastor. (lx.
 „ cit.) Apostolus laudans desiderium, scil. boni opus,
 „ in pavorem vertit protinus quod laudavit, cum sub-
 „ jungit: Oportet autem Episcopum irreprehensibilem
 „ esse: quasi dicat: Laudo, quod queritis, sed pri-
 „ mite, quid queratis.“

Ad secundum dicendum, quod non est eadem na-
 tio de statu Religionis, & de statu Episcopali; prop-
 ter duo. Primo quidem, quia ad statum Episcopalem
 præexigitur vitæ perfectio: ut patet per hoc quod Do-
 minus à Petro quæsivit, si plus eum cæteris diligenter,
 antequam ei committeret Pastorale officium. Sed id
 statum Religionis non præexigitur perfectio, sed est via
 in perfectionem. Unde & Dominus Matth. 19. vna
 dixit: *Si es perfectus, vade, vende omnia que habes.*
Sed: Si vis perfectus esse. Et hujus differentia ratio
 est, quia secundum Dionys. (c. 5. Eccles. hierar. ca-
 med.) perfectio pertinet active ad Episcopum, sicut
 ad perfectiorem; ad Monachum autem passive, sicut
 ad perfectum. Requiritur autem, quod sit perfec-
 tus aliquis, ad hoc quod possit alios ad perfectionem
 adducere: quod non præexigitur ab eo, qui debet ad
 perfectionem adduci. Est autem præsumptuosum, quod
 aliquis perfectum se reputet, non autem quod aliquis
 ad perfectionem tendat. Secundo, quia ille qui statum
 Religionis assumit, se aliis subjicit ad spiritualia ca-
 pienda: & hoc cuilibet licet: Unde Augustinus 19.
 de Civitate Dei, (c. 19. à med. tom. 5.) dicit: *A*
studio cognoscendæ veritatis nemo prohibetur, quod ad
laudabile otium pertinet. Sed ille qui transit ad statum
 Episcopalem, sublimatur ad hoc quod aliis provideat:
 & hanc sublimationem nullus debet sibi assumere, se-
 cundum illud ad Hebr. 5. *Neque quisquam sunit sibi ho-*
norem, sed qui vocatur à Deo. Et Chrysostomus dicit su-
 per Matth. (hom. 35. in op. imperfect. inter me. & fin.)
 „ Primatus Ecclesiæ concupiscere, neque justum est, neque
 „ utile. Quis enim sapiens vult ulro se subjecere servi-
 „ tuti, & periculo tali, ut det rationem pro omni Ec-
 „ clesia? nisi forte qui non timet Dei judicium, abu-
 „ tens primatu Ecclesiastico seculariter, ut scilicet con-
 „ vertat ipsum in secularem.“

Ad

Ad tertium dicendum, quod dispensatio spiritualem frumentorum non est facienda secundum arbitrium cuiuslibet, sed principaliter quidem secundum arbitrium, & dispositionem Dei, secundario autem secundum arbitrium superiorum Prælatorum; ex quorum persona dicitur 2. ad Corinth. 4. *Sic nos existimet homo, ut ministros Christi, & dispensatores mysteriorum Dei.* Et ideo non intelligitur ille abscondere frumenta spiritualia, cui non competit ex officio, nec ei à Superiore injungitur, si ab aliorum correctione, aut gubernatione desistat; sed solum tunc intelligitur abscondere, si dispensationem negligat, cum ei ex officio incumbit; vel si officium, cum ei injungitur, pertinaciter recipere renuat. Unde Augustinus dicit 19. de Civitate Dei: (c. 19. cir. fin. tom. 5.) „Otium sanctum querit charitas veritatis: negotium justum suscipit necessitas charitatis: quam sarcinam si nullus imponit, percipiendæ, atque intuendæ vacandum est veritati: si autem imponeatur, suscipienda est propter charitatis necessitatem.“

Ad quartum dicendum, quod sicut Greg. dicit in Pastorali: (p. 1. c. 7. à med.) „Isaias, qui mitti voluit, ante se per altaris calculum purgatum vidi, ne non purgatus adire quisque sacra ministeria andeat. Quia ergo valde difficile est purgatum se quemlibet posse cognoscere, prædicationis officium tutius declinatur.“

ARTICULUS II.

877

Utrum liceat Episcopatum injunctum omnino recusare.

Quol. 5. art. 12.

Ad Secundum sic proceditur. Videtur, quod liceat Episcopatum injunctum omnino recusare. Ut enim Greg. dicit in Pastor. (par. 1. c. 7. paulo à princ.) „Per activam vitam prodesse proximis cupiens Isaias, officium prædicationis appetit: per contemplativam vero Jeremias amori Conditoris sedulo inhærentur desiderans, ne mitti ad prædicandum debeat, contradicit.“ Nullus autem peccat, si meliora nolit deservere, ut minus bonis inhærent; cum ergo amor Dei præ-

præemineat dilectioni proximi, & vita contemplativa præferatur vitæ activæ, ut ex supra dictis patet, (q. 26. a. 1. & q. 26. a. 2. & q. 182. a. 1.) videtur, quod non peccat ille, qui omnino Episcopatum recusat.

2. Præterea. Sicut Gregor. dicit, (*in Pastorali p. 1. c. 7. à med.*) „valde difficile est, ut aliquis & purgatum possit cognoscere: nec debet aliquis nos purgatus sacra ministeria adire.“ si ergo aliquis non sentiat se purgatum, quantumcunque sibi Episcopatū inveniatur officium, non debet illud suscipere.

3. Præterea. De B. Marco Hieronymus dicit in Prologo super Marcum, (*versus fin.*) quod amputasse sibi post fidem pollicem dicitur, ut sacerdotio reprobis haberetur. Similiter aliqui votum emittunt, ut non quam Episcopatum accipiant: sed ejusdem rationis est ponere impedimentum ad aliquid, & omnino recusare illud: ergo videtur, quod absque peccato possit aliquis omnino Episcopatum recusare.

Sed Contra est, quod August. dicit ad Endoxium (*Ep. 81. ante med. tom. 2.*) „Si quam operam vestram mater Ecclesia desideraverit, non elatione avida suscipiatis, nec blandiente desidia respnatis. Postea subdit: Neque otium vestrum necessitatibus Ecclesie præponatis; cui parturienti si nulli boni ministrare vellent, quomodo nasceremini non investitis.“

Respondeo dicendum, quod in assumptione Episcopatus duo sunt consideranda. Primo quidem quid deceat hominem appetere secundum propriam voluntatem. Secundo quid hominem deceat facere ad voluntatem alterius. Quantum ergo ad propriam voluntatem, convenit homini principaliter insistere proprie saluti: sed quod aliorum saluti intendat, hoc convenit homini ex dispositione alterius potestatem habentis, ut ex supra dictis patet. (a. *preced. ad 3.*) Unde „sicut ad inordinationem voluntatis pertinet, quod aliquis propri motu feratur in hoc, quod aliorum gubernationis præficiatur: ita etiam ad inordinationem voluntatis pertinet, quod aliquis omnino contra Superioris iunctionem, prædictum gubernationis officium finaliter recuset,“ propter duo.

Primo quidem, quia hoc repugnat charitati proximorum, quorum utilitati se aliquis debet exponere pro loco, & tempore. Unde Aug. 19. de civ. Dei dicit, (c. 19. cir. fin. tom. 5.) quod *negotium justum suscipit necessitas charitatis.* Secundo, quia hoc repugnat humilitati, per quam aliquis Superiorum mandatis se subjecit. Unde Gregor. dicit in Past. (par. 1. c. 6.) „Tunc ante Dei oculos vera est humilitas, cum ad responendum hoc, quod utiliter subire præcipitur, pertinax non est.“

Ad primum ergo dicendum, quod quamvis simpli-
citer & absolnte loquendo, vita contemplativa potior
sit, quam activa, & amor Dei, quam dilectio proximi: tamen ex alia parte bonum multitudinis præse-
rendum est bono unius. Unde Aug. dicit in verbis præ-
missis: *Neque otium vestrum necessitatibus Ecclesiæ præ-
ponatis.* Præsertim quia & hoc ipsum ad dilectionem
Dei pertinet, quod aliquis ovibus Christi curam pas-
toralem impendat. Unde super illud Joan. ult. *Pasce
oves meas*, dicit Aug. (Tract. 123. cir. med. tom. 9.) *Sit amoris officium pascere dominicum gregem, sicut fuit
timoris indicium negare pastorem.* Similiter etiam Præla-
ti non sic transferuntur ad vitam activam, ut con-
templativam deserant. Unde Aug. dicit 19. de civ. Dei,
(c. 19. in fin. tom. 5.) quod *si imponatur sarcina Pas-
toralis officii, nec sic deserenda est delectatio veritatis,*
qua scilicet in contemplatione habetur.

Ad secundum dicendum, quod nullus tenetur obe-
dire Prælato ad aliquod illicitum, sicut patet ex his
qua sup. dicta sunt de obedientia. (q. 104. a. 5.) Po-
test ergo contingere, quod ille, cui injungitur præla-
tionis officium, in se aliquid sentiat, propter quod non
liceat ei prælationem accipere. Hoc autem impedimen-
tum quandoque quidem removeri potest per ipsummet,
cui Pastorale cura injungitur; puta si habeat peccad-
di propositum, quod potest deserere: & propter hoc
non excusat, quia finaliter teneatur obedire Prælato
injungenti. Quandoque vero impedimentum, ex quo sit
ei illicitum Pastorale officium, non potest ipse remove-
re, sed Prælatus qui injungit; puta si sit irregularis,
vel excommunicatus: & tunc debet defectum suum Præ-

Iato injungeati ostendere: qui si impedimentum remove-
re nolnerit, tenetur humiliter obedire. Unde Exod. 4.
cum Moyses dixisset: *Obsecro, Domine, non sum elo-
guens ab heri, & nudiis tertius*, Dominus respondit ad
eum: *Ego ero in ore tuo, doceboque se, quid loquaris.*
Quandoque vero non potest removeri impedimentum,
*nec per injungentem, nec per eum cui injungitur; si-
cut si Archiepiscopus non possit super irregularitate*
dispensare: Unde subditus non tenetur ei obedire ad
suscipiendum Episcopatum, vel etiam sacros Ordines,
si sit irregularis.

Ad tertium dicendum, quod accipere Episcopatum
non est de se necessarium ad salutem, sed fit necessa-
rium ex Superioris præcepto. His autem, quæ sic sunt
necessaria ad salutem, potest aliquis impedimentum li-
cite apponere antequam fiat præceptum: alioquin non
liceret alicui transire ad secundas nuptias, ne per hoc
impediretur à susceptione Episcopatus, vel sacri Ord-
inis. Non autem hoc liceret in his, quæ per se sunt de
necessitate salutis. Unde B. Marcus non contra præ-
ceptum egit, sibi digitum amputando: quamvis enim
credibile sit hoc ex instinctu Spiritus sancti fecisse,
sine quo non licet alicui sibi manum injicere. Qui au-
tem votum emitit de non suscipiendo Episcopatu, si
per hoc intendat se obligare ad hoc, quod nec per obe-
dientiam superioris Prælati accipiat, illicite vovet. Si
autem intendit ad hoc se obligare, ut, quantum est
de se, Episcopatum non querat, nec suscipiat, nisi
imminente necessitate, licitum est votum: quia vovet
se facturum id, quod hominem facere decet.

ARTICULUS III.

873

*Utrum oporteat, eum qui ad Episcopatum assumitur
esse cæteris meliorem.*

And Tertium sic proceditur. Videtur, quod oporteat,
eum qui ad Episcopatum assumitur, esse cæteris mello-
rem. Dominus enim Petrum, cui commissurus erat Pa-
torale officium, examinavit, si se diligeret plus cæ-
ris: sed ex hoc aliquis mellor est, quod Deum plus di-

ligit: ergo videtur, quod ad Episcopatum non sit assumentus, nisi ille qui est cæteris melior.

2. Præterea. Symmachus Papa dicit: (*c. Vilissimus I. q. 1.*) *Vilissimus computandus est, nisl scientia, & sanctitate præcellas, qui est dignitate præstantior.* Sed ille qui præcellit scientia, & sanctitate, est melior; ergo non debet aliquis ad Episcopatum assumi, nisi sit cæteris melior.

3. Præterea. In quolibet genere minora per majora reguntur; sicut corporalia reguntur per spiritualia, & inferiora corpora per superiora, ut August. dicit in *3. de Trinitate*: (*c. 4. tom. 3.*) Sed Episcopus assumitur ad regimen aliorum: ergo debet esse cæteris melior.

Sed Contra est, quod Decretalis dicit, (*ex c. Cuius dilectus, de electione, &c.*) quod sufficit eligere bonum, neque oportet eligere meliorem.

Respondeo dicendum, quod circa assumptionem aliquis ad Episcopatum aliquid considerandum est ex parte ejus qui assumitur, & aliquid ex parte ejus qui assumit. Ex parte enim ejus qui assumit, vel eligendo, vel providendo, requiritur quod talem eligat, qui fideliter divina mysteria dispenset: quæ quidem dispensari debent ad utilitatem Ecclesiæ, secundum illud *I. Corinth. 14. Ad ædificationem Ecclesiæ quærите, ut abundetis.* Non autem divina ministeria hominibus committuntur propter eorum remunerationem, quam expectare debent in futuro. Et ideo „ ille qui debet aliquem „ eligere in Episcopum, vel de eo providere, non tenet „ tur assumere meliorem simpliciter, quod est secundum „ charitatem, sed meliorem quoad regimen Ecclesiæ, „ qui scilicet possit Ecclesiam & instruere, & defendere, & pacifice gubernare. Unde contra quosdam Hieron. dicit, (*sup. illud c. 1. ad Tit.* *Et constituas per civitatem.* &c.) quod „ quidam non quærerent eos in Ecclesia columnas erigere, quos plus cognoscunt Ecclesiæ professe, sed quos plus ipsi amant, vel quorum sunt obsequiis definiti, vel dediti, vel pro quibus majorum quispiam rogaverit, & ut deteriora taceam, „ qui ut Clerici fierent, muneribus impetrarunt.“

Hoc autem pertinet ad acceptiōnem personarū, quæ in talibus est grave peccatum. Unde super illud Jacobī

bi 2. Fratres mei , nolite in personarum acceptatione , &c.
dicit Glos. Augustini. (cap. epist. 29. ad Hieron. inter
med. & fin. tom. 2.) „ Si hanc distantiam sedendi , vel
„ standi ad honores Ecclesiasticos referamus , non est
„ putandum , leve esse peccatum in personarum accep-
„ tione habere fidem domini gloriae . Quis enim ferat,
„ eligi divitem ad sedem honoris Ecclesie , contempsit
„ paupere instructiore , & sanctiore ? “

Ex parte autem ejus , qui assumitur , non requiritur
quod reputet se aliis meliorem : hoc enim esset superbium ,
& præsumptuosum : sed sufficit , quod nihil in se invi-
niat , per quod illicitum ei reddatur assumere prælationis
officium. Unde licet Petrus interrogatus esset , an Do-
minum plus cæteris diligeret ; in sua responsione non
se prætulit cæteris , sed simpliciter respondit , quod Chris-
tum amaret.

Ad primum ergo dicendum , quod Dominus in Pe-
tro sciebat ex suo munere esse idoneitatem , etiam qua-
tum ad alia , gubernandi Ecclesiam : & ideo eum de
ampliori dilectione examinavit ; ad ostendendum , quod
ubi alias invenitur homo idoneus ad Ecclesie regimen
præcipue attendi debet in ipso eminentia divinæ dilec-
tionis.

Ad secundum dicendum , quod auctoritas illa est in-
telligenda quantum ad studium illius , qui in dignitate
constitutus est , debet enim ad hoc intendere , ut talen-
se exhibeat , ut cæteros & scientia , & sanctitate præ-
cellat. Unde Gregorius dicit in Pastorali : (part. 2. c. 1.)
Tantum debet actionem populi actio transcendere presulis ,
quantum distare solet à grege vita pastoris. Non autem
ei imputandum est , si ante prælationem excellentior
non fuit , ut ex hoc debeat vilissimus reputari.

Ad tertium dicendum , quod sicut dicitur I. ad
Corinth. 12. Divisiones gratiarum , & ministracionum . &
operationum sunt. Unde nihil prohibet , aliquem esse
magis idoneum ad officium regiminis , qui tamen non
excellit in gratia sanctitatis. Secus autem est in regi-
mine naturalis ordinis , in quo id quod est superioris or-
dine naturæ , ex hoc ipso habet majorem idoneitatem
ad hoc quod inferiora disponat.

ARTICULUS IV.

879

Utrum Episcopus possit licite curam Episcopalem deserere, ut ad Religionem se transferat.

Sup. q. 184. a. 6. cor. fin. & infra q. 189. a. 7. cor.

AId Quartum sic proceditur. Videtur, quod Episcopus non possit licite curam Episcopalem deserere, ut ad Religionem se transferat. Nulli enim licet de statu perfectiori ad minus perfectum statum transire: hoc enim est retro respicere; quod est damnable secundum Domini sententiam dicentis Luc. 9. *Nemo mittens manum ad aratum, & respiciens retro, aptus est regno Dei.* Sed status Episcopalis est perfectior, quam status Religionis, ut supra habitum est: (q. 184. a. 7.) ergo sicut non licet de statu Religionis redire ad seculum: ita non licet de statu Episcopali ad Religionem transire.

2. Præterea, Ordo gratiæ est decentior, quam ordo naturæ: sed secundum naturam non movetur idem ad contraria: puta si lapis naturaliter deorsum moveatur, non potest naturaliter à deorsum redire in sursum: sed secundum ordinem gratiæ licet transire de statu Religionis ad statum Episcopalem: ergo non licet è converso de statu Episcopali redire ad statum Religionis.

3. Præterea, Nihil in operibus gratiæ debet esse otiosum: sed ille qui est semel in Episcopum consecratus, perpetuo retinet spiritualem potestatem conferendis ordinibus, & alia hujusmodi faciendi, quæ ad Episcopale officium pertinent: quæ quidem potestas otiosa remanere videtur in eo, qui curam Episcopalem dimittit: ergo videtur, quod Episcopus non possit curam Episcopalem dimittere, & ad Religionem transire.

Sed contra. Nullus cogitur ad id, quod est secundum se illicitum: sed illi qui petunt cessionem à cura Episcopali, ad cedendum compelluntur, ut patet extra de renunt. c. Quidam: ergo videtur, quod deserere curam Episcopalem non sit illicitum.

Respondeo dicendum, quod perfectio Episcopalis status in hoc consistit, quod aliquis ex divina dilectione.

tione se obligat ad hoc quod saluti proximorum insistat. Et ideo tamdiu obligatur ad hoc, quod curam **Pastoralem** retineat, quamdiu potest suèditis sibi commissis proficere ad salutem: quam quidem negligere non debet, neque propter divinæ contemplationis quietem cum Apostolus propter necessitatem subditorum etiam à contemplatione futuræ vitæ se dissierti patienter toleraret, secundum illud ad Philip. 1. *Ecco quid eligant ignoros: coarctor autem è duobus, desiderium habens dissolvi, & esse cum Christo multo magis melius: permanere autem in carne necessarium est propter vos, & hic confidens sclo, quia maneo: neque propter quacumque adversa vitanda, vel lucra conquirienda: quia non dicitur Jo. 10. Bonus pastor posuit animam suam pro viibus suis.*

*Contingit tamen quandoque, quod Episcopus impeditur procurare subditorum salutem multipliciter. Quandiu quidem propter defectum proprium: vel conscientia; sicut si sit homicida, vel simouiacus: vel etiam corporis, puta si sit senex, vel infirmus, vel etiam scientiae quæ sufficiat ad curam regiminis: vel etiam irregularitatis; puta si sit bigamus. Quandoque autem propter defectum subditorum, in quibus non potest prouincire. Unde Gregor. dicit in 2. Dialog. (c. 3. à med.), ubi „æquanimiter portandi sunt mali, ubi inveniuntur aliqui „qui adjuventur, boni. Ubi autem omnino fructus de „bonis deest, fit aliquando de malis labor supervacuos. „Unde sæpe agitur in animo perfectorum, quod cum „laborem suum sine fructu esse considerant, in locum „alium ad laborem cum fructu migrant.“ Quandoque autem contingit ex parte aliorum; puta cum de prælatione alicujus personæ scandalum suscitatur. Nam, ut Apost. dicit 1. ad Corinth. 8. *Si esca scandalizat frater meum, non manducabo carnes in æternum: dum namen scandalum non oriatur ex malitia aliquorum voluntum fidem aut justitiam Ecclesiæ conculcare: propter hujusmodi enim scandalum non est cura Pastorali dimittenda, secundum illud Matth. 15. Sinite illos, scilicet qui scandalizabantur de veritate doctrinæ Christi: cœcl sunt, & duces cœcorum.**

Oportet tamen, quod sicut curam regiminis assumat
gl.

aliquis per providentiam superioris Prælati, ita etiam per ejus auctoritatem ex causis predictis deserat susceptam. Unde extra de renunt. (c. Nisi cum pridem in fin.) dicit Innocent. III. Etsi pernas habeas, quibus satanas in solitudinem avolare, ita tamen adstrictæ sunt nexibus præceptorum, ut liberum non habeas absque nostra permis- sione volatum: soli enim Papæ licet dispensare in vos to perpetuo, quo quis se ad curam subditorum ads- trixit, Episcopatum suscipiens.

Ad primum ergo dicendum, quod perfectio Reli- giosorum, & Episcoporum secundum diversa attendi- tur. Nam ad perfectionem Religionis pertinet studium, quod quis adhibet ad propriam salutem. Ad perfectionem autem Episcopalis status pertinet adhibere studium ad proximorum salutem: & ideo quamdiu potest esse ali- quis utilis proximorum saluti retrocederet, si ad sta- tum Religionis vellet transire, ut solum suæ saluti in- sisteret, qui se obligavit ad hoc, quod non solum suam salutem, sed etiam aliorum procuraret. Unde Innocen- tius III, dicit in Decretali prædicta, (in cor. a.) quod facilius indulgetur, ut monachus ad Præsulatum ascendat, quam Præsul ad monachitum descendat. Sed si salutem aliorum procurare non possit, conveniens est, ut suæ saluti intendat.

Ad secundum dicendum, quod propter nullum im- pedimentum debet homo prætermittere studium sue sa- litis, quod pertinet ad Religionis statum. Potest autem esse aliquod impedimentum procurandæ salutis alienæ. Et ideo monachus potest ad statum Episcopatus assumi in quo etiam suæ salutis curam agere potest. Potest etiam Episcopus, si impedimentum alienæ salutis pro- curandæ interveniat, ad Religionem transire, & impe- dimento cessante, potest iterato ad Episcopatum assu- mi; puta per correctionem subditorum, vel per se- dationem scandałi, vel per curationem insirmitatis, aut depulsa ignorantia per instructionem sufficientem, vel etiam si simoviace sit promotus, eo ignorante, si se ad regularem vitam Episcopatu dimisso translu- lerit, poterit iterato ad alium Episcopatum promove- ri: si vero aliquis propter culpam sit ab Episcopatu depositus, & in monasterium detrusus ad pœnitен- тiam

tiam peragendam, non potest iterato ad Episcopatum revocari. Unde dicitur 7. q. 1. (c. Hoc nequaquam) *Præcepit sancta Synodus*, ut quicumque de Pontificall dignitate ad monachorum vitam, & poenitentiæ deserit locum, nequaquam ad Pontificatum resurgat.

Ad tertium dicendum, quod etiam in rebus natura libus impedimentum superveniens potentia remanet abs que actu: sicut propter infirmitatem oculi cessat actus visionis. Et ita etiam non est inconveniens, si propter impedimentum superveniens potestas Episcopalis remaneat absque actu.

ARTICULUS V.

830

Utrum licet Episcopo propter aliquam persecutionem corporalem deserere gregem sibi commissum.

Opusc. 18. c. 19. & 20. Jo. 10. & 1. Cor. 1. fin. &
2. Cor. 11. fin.

Ad Quintum sic proceditur. Videtur, quod non licet Episcopo propter aliquam persecutionem temporalem corporaliter deserere gregem sibi commissum. Dicit enim Dominus Joan. 10. quod ille est mercenarius, & non vere pastor, qui videt lupum venientem, & dimittit oves, & fugit. Dicit autem Gregor. in Homili. (14. in Evang. aliq. a. pr.) quod Lupus super oves venit, tum quilibet injustus, & raptor fideles quoque, atque humiles opprimit. Si ergo propter persecutionem aliquis tyranni Episcopus gregem sibi commissum corporaliter deserat, videtur, quod sit mercenarius, & non pastor.

2. Paterea. Proverb. 6. dicitur: *Fili, si spondidis pro amico tuo, defixisti apud extraneum manum tuam.* Et postea subdit: *Discurre, festina, suscita amicum tuum.* Quod exponens Gregor. in Pastor. (part. 3. c. 1. admonit. 5. inter princ. & med.) dicit: *Spondens pro amico, est animam alienam in periculo suo conversatio nis accipere.* Quisquis autem ad salvandum alii in trans plum proponitur, non solum ut ipse vigilet, sed etiam ut amicum suscitet, admonetur. Sed hoc non potest esse

cere corporaliter si deserat gregem : ergo videtur , quod Episcopus non debeat causa persecutionis corporaliter suum gregem deserere.

3. Præterea. Ad perfectionem Episcopalis status perinet , quod proximis curam impendat : sed non licet ei qui est statum perfectionis professus , ut omnino deserat ea quæ sunt perfectionis : ergo videtur , quod non liceat Episcopo se corporaliter subtrahere ab executione sui officii , nisi forte ut operibus perfectionis in monasterio vacet.

Sed Contra est , quod Apostolis , quorum successores sunt Episcopi , mandavit Dominus Matth. 10. Si vos persecuti fuerint in una civitate , fugite in aliam.

Respondeo dicendum , quod in qualibet obligatione præcipue attendi debet obligationis finis. Obligant autem se Episcopi ad exequendum Pastorale officium propter subditorum salutem. Et ideo ubi subditorum salus exigit personæ Pastoris præsentiam , non debet Pastor personaliter suum gregem deserere , neque propter aliqd commodum temporale , neque etiam propter aliquod personale periculum imminentem , cum bonus pastor animam suam ponere teneatur pro ovibus suis.

„ Si vero subditorum saluti possit sufficienter in „ absentia Pastoris per alium provideri , tunc licet „ Pastori vel propter aliquod commodum Ecclesiæ , „ vel propter personæ periculum corporaliter gregem „ deserere . „ Unde August. dicit in epist. ad Honoram : (qua est 180. aliq. a. princ. tom. 2.) „ Fugiant „ de civitate in civitatem servi Christi , quando eo- „ rum quisquam specialiter à persecutoribus queritur , „ ut ab aliis , qui non ita queruntur , non deseratur „ Ecclesia. Dum autem omnium est commune pericu- „ lum , hi qui aliis indigent , non deserantur ab his „ quibus indigent . Si enim perniciosum est proretam „ in tranquillitate navem deserere , quanto magis in „ fluctibus ? „ ut dicit Nicol. Papa I. & habetur 7. quæst. 1. (e. Sciscitaris.)

Ad primum ergo dicendum , quod ille tanquam mercenarius fugit , qui commodum corporale , vel etiam salutem corporalem spirituali saluti proximorum praeponit. Unde Greg. dicit in Hom. (cit. in arg.) Sta-

re in periculo ovium non potest, qui in eo quod ovibus prout, non oves diligit; sed lucrum terrenum querit; & id est opere se contra periculum trepidat, ne hoc quod diligit, amittat. Ille autem qui ad evitandum periculum recedit absque detimento gregis, non tanquam mercenarius fugit.

Ad secundum dicendum, quod ille qui spondet pro aliquo, si per se implere non possit, sufficit ut per alium implete. Unde Prælatus, si habet impedimentum propter quod non possit personaliter curæ subditam intendere, suæ sponsionis satisfacit, si per alium prædeat.

Ad tertium dicendum, quod ille, qui ad Episcopatum assumitur, assumit statum perfectionis secundum aliquid perfectionis genitum; à quo si impediatur, si aliud genus perfectionis non tenetur, ut scilicet necessitate sit eum ad statum Religionis transire, immisericordia sibi necessitas, ut animum retineat intendendi proximorum saluti, si opportunitas adsit, & necessitas requirat.

ARTICULUS VI.

Utrum liceat Episcopo aliquid proprium habere.

Lis. q. 186. a. 3. ad 5. & opusc. 18. c. 17. v. 13.

Ad Sextum sic proceditur. Videtur, quod Episcopo non liceat aliquid proprium possidere. Dominus enim dicit Matth. 19. Si vis perfectus esse, vade, & vende omnia quæ habes, & da pauperibus, & veui, & nquaere me: ex quo videtur, quod voluntaria paupertas ad perfectionem requiratur: sed Episcopi assumunt ad statum perfectionis: ergo videtur, quod non licet eis proprium possidere.

2. Præterea. Episcopi in Ecclesia tenent locum Apostolorum, ut dicit Glos. (ord. Beda sup. illud Designavit, &c.) Lut. 10. Sed Apostolis Dominus precepit, nihil proprium possiderent, secundum illud Matth. 10. Nolite possidere aurum, neque argentum, neque pecuniam in zonis vestris; unde & Petrus pro se, & pro disci-

Apost. dicit: Ecce nos reliquimus omnia, & nudi s.

mus te. Matth. 19. ergo videtur, quod Episcopi teneantur ad hujusmodi mandati observantium; ut nihil proprium possideant.

3. Præterea Hieron. dicit ad Nepotianum: (*epist. 2. inter princ. & med.*) „Cleros Graece, Latine sors appellatur: propter quod Clerici dicuntur, quia de sorte Domini sunt, vel quia ipse Dominus sors, id est, pars Clericorum est: qui autem Dominum possidet, nihil extra Deum habere potest: si autem au-rum, si argentum, si possessiones, si variam su-pellectilem habet, cum illis partibus non dignetur Dominus fieri pars ejus:“ ergo videtur, quod non solum Episcopi, sed etiam Clerici debeant proprio carere.

Sed contra est, quod dicitur *12. q. 1. (c. 19.) Episcop. de rebus propriis, vel acquisitis, vel quicquid de proprio habent, hereditibus suis, si voluerint, derelinquant.*

Respondeo dicendum, quod ad ea quæ sunt supererogationis, nullus tenetur, nisi se specialiter ad illud voto astringat. Unde August. dicit in Epist. ad Paulinum, & Armentarium: (*Epist. 45. non remote à fin. tom. 2.*) *Quia jam vivisti, jam te obstrinxisti, aliud tibi facere non licet priusquam esses voti reus, liberum fuit, quo essem inferior. Manifestum est autem, quod vivere absque proprio, supererogationis est, non enim cadit sub præcepto, sed sub consilio. Unde Matth. 19. cum dixisset Dominus adolescenti: Si vis ad vitam ingredi, serva mandata, postea superaddendo subdit: Si vis perfectus esse, vade, & vende omnia quæ habes, & da pauperibus. Non autem Episcopi in sua ordinatione ad hoc se obligant, ut absque proprio vivant: neque etiam vivere absque proprio ex necessitate requiritur ad Pastorale officium, ad quod se obligant. Et ideo non temnatur Episcopi ad huc, quod sine proprio vivant.*

Ad primum ergo dicendum, quod, sicut supra habatum est, (*q. 184. art. 3.*) perfectio Christianæ vi-te non consistit esse tantiliter in voluntaria paupertate; sed voluntaria paupertas instrumentaliter operator ad perfectionem vitæ. Unde non oportet, quod ubi major paupertas est, ibi sit major perfectio. Quisimo potest esse summa perfectio cum magna opulentia. Nam

*Abraham, cui dictum est Gen. 17. Ambula coram me,
et esto perfectus, legitur fuisse dives.*

Ad secundum dicendum, quod verba illa Domini possunt tripliciter intelligi. *Uno modo mystice; ut non possideamus neque aurum, neque argentum;* id est, *Prædicatores non imitantur principaliter sapientia, eloquentiae temporali, ut Hieron. exponit. (sup. Matth. 10. Neque duas tunicas)* Alio modo, sicut August. exponit in lib. 2. de consensu Evang. (c. 30. i. med. tom. 4.) ut intelligatur, hoc Dominum accep-
tiendo, sed magis permittendo dixisse. Permissum eis, ut absque auro, & argento, & aliis sumptibus ad prædicandum irent, accepturi sumptus vita ab illis quibus prædicabant. Unde subdit: *Dignus est enim opus rarius cibo suo.* Ita tamen quod si aliquis propellis sumptibus uteretur in prædicatione Evangelii, ad superem-
gationem pertineret: sicut Paulus de seipso dicit z. ad Cor. 9. *Tertio modo, secundum quod Chrysost. exponit, (hom. 2. in illud Rom. 16. Salutate Priscillam alio, princ.) ut intelligatur illa Dominum præcepisse discipulis, quantum ad illam missionem, qua mittebantur ad prædicandum Iudeis; ut per hoc excitarentur ad con-
fidendum de virtute ipsius, qui eis absque sumptibus provideret. Ex quo tamen non obligantur ipsi vel nos ccessores eorum, ut absque propriis sumptibus Evangelium prædicarent. Nam & de Paulo legitur z. ad Corinthis. 12. quod ab aliis Ecclesiis stipendium accipiebat ad prædicandum Corinthis, & sic patet, quod si quid possidebat ab aliis sibi misum. Stultum autem ei detur dicere, quod tot Sancti Pontifices, sicut Albu-
narius, Amibros. & Aug. illa præcepta transgressi fuissent, si ad ea servanda se crederent obligati.*

Ad tertium dicendum, quod omnis pars est min-
toto. Ille ergo cum Deo alias partes habet, cujus ge-
dium diminuitur circa ea quæ sunt Dei, dum inter-
his quæ sunt mundi. Sic autem non debent nec Episcopi, nec Clerici proprium possidere, ut dum cura
propria, defectum faciant in his, quæ pertinent ad
cultum divinum.

ARTICULUS VII.

882

Utrum Episcopi mortaliter peccent, si bona Ecclesiastica, quæ procurant, pauperibus non largiantur.

Q. 6. art. 12.

And Septimum sic proceditur. Videtur, quod Episcopi mortaliter peccent, si bona Ecclesiastica, quæ procurant, pauperibus non largiantur. Dicit enim Ambros. exponens illud Luc. 12. *Hominis cuiusdam divitius uberes fructus ager attulit: (serm. 64. de Tem. versus 8.) Nemo proprium dicat, quod è communī, plus quam sufficiat, sumptum, & violenter ostentum est. Et postea subdit: Neque minus est criminis habentē tollere, quam cum possit & abundes, denegare indigentibus. Sed violenter tollere alienum, est peccatum mortale: ergo Episcopi mortaliter peccant, si ea quæ eis supersunt, pauperibus non largiantur.*

2. Præterea. Super illud Isai. 3. *Rapina pauperum in domo vestra, dicit Glos. Hieron. (ordini.) quod bona Ecclesiastica sunt pauperum. Sed quicunque id quod est alterius sibi reservat, aut aliis dat, peccat mortaliter, & tenetur ad restitutionem: ergo si Episcopi bona Ecclesiastica, quæ eis superfluunt, sibi retineant, vel consanguineis, vel amicis largiantur, videtur quod teneantur ad restitutionem.*

3. Præterea. Multo magis aliquis potest de rebus Ecclesiæ ea quæ sibi sunt necessaria, accipere, quam superflua congregare: sed Hieron. dicit in epist. ad Damasum Papam (quid simile hab. in Regula Monach. Hieronym. adscripta, cap. de Paupertat. à med. Vid. c. Clericos I. q. 2.) „Clericos illos convenit stipendio Ecclesiæ sustentari, quibus parentum, & propinquorum bona nulla suffragantur: qui autem bonis parentum, & opibus propriis sustentari possunt, si quod pauperum est, accipient, sacrilegium committunt, & incurvant: unde Apostolus dicit I. ad Tim. 5. Si quis fidelis habet viduas, subministret illis, & non gravetur Ecclesia, ut his, quæ vere viduae sunt, suf-

„ficiat:“ ergo multo magis Episcopi mortaliter peccant, si ea quæ eis superfluant de bonis Ecclesiasticis, pauperibus non largiantur.

Sed contra est, quod plures Episcopi ea quæ super sunt, non largiuntur pauperibus, sed expendere visunt laudabiliter ad redditus Ecclesiae ampliandos.

Respondeo dicendum, quod aliter est dicendum de propriis bonis, quæ Episcopi possidere possunt, & de bonis Ecclesiasticis. Nam proprietum bonorum verum dominium habent. „Unde ex ipsa rerum conditione non obligantur, ut ea aliis conferant; sed possunt ea vel sibi retinere, vel etiam aliis pro libito elargiri. Possunt tamen in eorum dispensatione peccare propter inordinationem affectus; per quam contingit, vel quod sibi plura conferant quam oporteat, vel aliis eis non subveniant, secundum quod requirit debitum daturatis; non tamen tenentur ad restitutionem;“ quia hujusmodi res sunt eorum dominio deputatae.

Sed Ecclesiasticorum bonorum sunt dispensatores vel procuratores. Dicit enim August. ad Bonifacium (17. tol. 50. inter med. & fin. tom. 2.) Si prævalimus quæ nobis sufficiant, non illa nostra sunt, sed pauperum, quorū dispensationem quodammodo gerimus, ne proprietatem nobis usurpatione damnabili vendicamus. Dispensationem autem requiritur bona fides, secundum illud 1. ad Cor. 4. Hic jam queritur inter dispensatores, ut fidelis quis inventetur. Sunt autem bona Ecclesiastica non solum in usus pauperum, sed etiam ad cultum divinum, & necessitates ministrorum expendenda. Unde dicitur 12. q. 2. (c. 28.) „De redditibus Ecclesiæ, vel oblatione fideliū, sola Episcopo ex his portio remittatur, duæ Ecclesiasticis fabreicis, & reparationi pauperum profuturæ, à Presbytero sub cœlo sui ordinis ministrentur; ultima Clericis præsumptuorum meritis dividatur. Si ergo distincta sint donationes, quæ debent in usum Episcopi cedere ab his pauperibus, & ministris cultui Ecclesie eroganda, aliquid sibi retinuerit Episcopus de his quæ sunt pauperibus eroganda, vel etiam in usum ministrorum, aut in cultum divinum expendenda, non est debitor, quia contra fidem dispensationis agat, & mortuus.

, litter peccet , & ad restitutionem teneatur. “

De his autem , quæ sunt specialiter suo usui deputa-
ta , videtur esse eadem ratio , quæ est de propriis bo-
nis ; ut scilicet propter immoderatum affectum , &
usuim peccet quidem , si immoderate sibi retineat , &
aliis non subveniat , sicut requirit debitum charitatis.

Si vero non sunt predicta bona distincta , eorum dis-
tributio fidelis commititur : & si quidem in modico de-
ficiat , vel superabundet , potest hoc fieri absque bona fide
scilicet servimento ; quia non potest homo in talibus punc-
tualiter accipere illud , quod fieri oportet. Si verò sit
multus excessus , non potest latere : unde videtur bona
fidei repugnare. Et ideo non est absque peccato mortall.
Dicitur enim Matth. 24. quod si dixerit malus servus in
corde suo , Moram facit dominus meus venire , quod per-
tinet ad divini judicii contemptum , & ceperit percu-
re conservos suos , quod pertinet ad superbiam , manda-
cet autem , & bibat cum ebriosis ; quod pertinet ad lu-
xuriam , velet dominus servi illius in die qua non sperat ,
& dividet eum , scilicet à societate bonorum , & par-
tem ejus ponet cum hypocritis , scilicet in inferno.

Ad primum ergo dicendum , quod verbum illud Ambros. non solum est referendum ad dispensationem rerum Ecclesiasticarum , sed quorumcumque bonorum , ex quibus tenetur aliquis debito charitatis providere ne-
cessitatem patientibus. Non autem potest determinari , quando sit ista necessitas , quæ ad peccatum mortale obliget ; sicut nec cetera particularia , quæ in humanis actibus considerantur. Horum enim determinatio relin-
quuntur humanæ prudentiæ.

Ad secundum dicendum , quod bona Ecclesiastica non sunt solum extendenda in usus pauperum , sed etiam in alios usus , ut dictum est. (in cor. ar.) Et ideo , si de eo , quod usui Episcopi , vel alicujus Clerici , est de-
putatum , velit aliquis sibi subtrahere , & consanguinei , vel allis dare , non peccat , dummodo illud faciat moderate , id est , ut non indigeant , non autem ut
ditiores inde fiant. Unde Ambros. dicit in lib. 1. de Offic. (c. 30. clr. med. & hab. c. Est probanda dist. 86.) Hæc est approbanda liberalitas , ut proximos semi-
nus tui non despicias , si egere cognoscas ; non tamen ut

630 QUÆST. CLXXXV. ART. VII.
Illi^s ditiores fieri velis ex eo, quod tu potes cōfim
nopib^s us.

Ad tertium dicendum, quod non omnia bona Ecclesiarum sunt pauperibus largienda, nisi forte in agulo necessitatis, in quo pro redemptione captivorum, & aliis necessitatibus pauperum, etiam vasa cultui & vino dicata distrahuntur, ut Ambros. dicit, (l. 2. a. Off. c. 28. à princ. & hab. c. Aurum 12. q. 2.) Et à tali necessitate peccaret Clericus, si vellat de rebus Ecclesiæ vivere, dummodo haberet patrimonialia bona quibus vivere posset.

Ad quartum dicendum, quod bona Ecclesiarum bus pauperum describere debent. Et ideo si quis, necessitate non imminentे providendi pauperibus, de his quæ superfluant ex preventibus Ecclesiæ, possessiones evit vel in thesauro reponat in futurum utilitati Ecclesie, necessitatibus pauperum, laudabiliter facit: si vero necessitas immineat pauperibus erogandi, superflua erit, & inordinata, ut aliquis in futurum conseruit, quod Dominus prohibet Matth. 6. dicens: Nolite tolli^t esse in crastinum.

ARTICULUS VIII.

Utrum Religiosi, qui promoventur in Episcopos, ten-
tur ad observantias regulares.

*Sup. q. 88. art. II. ad 4. & 4. d. 38. q. 1.
art. q. q. 1. ad 5.*

 D Octavum sic proceditur. Videtur, quod Religiosi, qui promoventur in Episcopos, non tenentur ad observantias regulares. Dicitur enim 18. q. 6. (c. Statutum) quod monachum canonica ecclesia à regulæ monasticæ professionis absolvit; & sacra ordinatio de monacho episcopum facit. Sed observantiz regulares pertinent ad jugum regulæ: ergo Religiosi, qui in Episcopos assumuntur, non tenentur ad observantias regulares.

2. Præterea. Ille qui ab inferiori ad superioria gradum ascendit, non videtur teneri ad ea quæ suscipi-

serioris gradus; sicut supra dictum est, (q. 88. art. 12. ad 1.) quod Religiosus non tenetur ad observanda vota, quæ in seculo facit: sed Religiosus qui assumitur ad Episcopatum, ascendit ad aliquid maius, ut supra habitum est: (q. 184. art. 7.) ergo videtur, quod non obligetur Episcopus ad ea, quæ tenebatur observare in statu Religionis.

3. Præterea. Maxime Religiosi obligari videntur ad obedientiam, & ad hoc quod absque proprio vivant: sed Religiosi, qui assumuntur ad Episcopatum, non tenentur obedire Prælati suarum Religionum; quia sunt eis superiores: nec etiam videntur teneri ad paupertatem; quia, sicut in Decreto supra inducto (in arg. 1.) dicitur, quem sacra ordinatio de monacho episcopum facit, velut legitimus heres, paternam cibi hereditatem jure vendicandi potestatem habet. Interdum etiam conceditor eis testamenta confidere: ergo multo minus tenentur ad alias observantias regulares.

Sed Contra est, quod dicitur in Decr. 16. q. 1. (c. 3.) De monachis, qui diu morantes in monasteriis, si portae ad clericatus ordinem pervenerint, statulimus, non detere eos à priori proposito discedere.

Respondeo dicendum, quod, sicut supra dictum est, (q. præc. art. 7.) status Religionis ad perfectionem pertinet, quasi quoddam via in perfectionem tendendi. Status autem Episcopalis ad perfectionem pertinet, tanquam quoddam perfectionis magisterium. Unde status Religionis comparatur ad statum Episcopalem, sicut disciplua ad magisterium, & dispositio ad perfectionem. Dispositio autem non tollitur, perfectione adveniente: nisi forte quantum ad id, in quo perfectioni repugnat: quantum autem ad id, quod perfectioni congruit, magis confirmatur: sicut discipulo, cum ad magisterium pervenerit, non congruit quod sit auditor: - congruit tamen ipsi, quod legat, & meditetur etiam magis quam ante. Sic ergo dicendum est, quod si qui sunt in regularibus observantilis, quæ non impediunt Pontificale officium, sed magis valeant ad perfectionis custodiā, sicut est continencia, paupertas, & alia hujusmodi; ad hæc remanet Religiosus etiam factus Episcopus obligatus, & per consequens ad portandum habitum suæ Religionis, qui

QUÆST. CLXXXV. ART. VIII.

est hujus obligationis signum.

Si qua vero sunt in observantib[us] regularibus, quæ officio Pontificali repugnant, sicut est solitudo, silentium & aliquæ abstinentiæ, vel vigiliæ graves, ex quib[us] impotens corpore redderetur ad exequendum Pontificale officium, ad hujusmodi observanda non tenetur.

„ In aliis autem potest dispensatione uti, secundum quod requirit necessitas personæ, vel officii, & conditionis hominum, cum quibus vivit, per modum quam etiam Prælati Religionum in talibus secum dispensant.“

Ad primum ergo dicendum, quod ille qui fit demacho Episcopus, absolvitur à jugo monasticae professionis, non quantum ad omnia, sed quantum ad illæ quæ officio Pontificali repugnant, ut dictum est. (In corp. art. 1.)

Ad secundum dicendum, quod vota secularis vites se habent ad vota religionis, sicut particulare ad universale, ut supra habitum est. (q. 88. art. 12. ad 1.) Sed vota Religionis se habent ad Pontificalem dignitatem, sicut dispositio ad perfectionem. Particulare autem superfluit, habito universali: sed dispositio adhuc necessaria est perfectione obtenta.

Ad tertium dicendum, quod hoc est per accidens, quod Episcopi Religiosi obediunt Prælati suarum Religionum non tenuenter, quia scilicet subditi esse desiderant, sicut & ipsi Prælati Religionum: nonne tamen adhuc obligatio voti virtualiter, ita scilicet quod si ea legitime aliquis præficeretur, obediunt tenuerentur, in quantum tenuerunt obediere statutis regulæ per modum prædictum, & suis Superioribus, si quos habent. Primum autem nullo modo habere possunt. Non enim paternam hereditatem vendicant quasi propriam, sed quasi Ecclesiæ debitam. Unde ibidec subditur, quod postquam Episcopus ordinatur ad altare, ad quod sanctificatur, & initulatur, secundum sacros Canones, quod acquirere poserit, restituat. Testamentum autem nullo modo facere potest: quia sola ei dispensatio constitutur rerum Ecclesiasticarum, quæ morte finitur, ex qua huius testamentum valere, ut Apost. dicit ad Hebr. 9. Sicut tamen ex concessione Papæ testamentum faciat, non in-

telligitur ex proprio facere testamentum; sed Apostolica auctoritate intelligitur esse ampliata potestas suæ dispensationis, ut ejus dispensatio possit valere post mortem.

QUÆSTIO CLXXXVI.

De his, in quibus Religionis status præcipue consistit, in decem articulos divisa.

Deinde considerandum est de his, quæ pertinent ad statum Religionis. Circa quod occurrit quadruplex consideratio. Quarum prima est de his, in quibus principaliiter consistit Religionis status. Secunda de his, quæ Religiosis licite convenire possunt. Tertia de distinctione Religionum. Quarta de Religionis ingressu.

Circa primum queruntur decem,

Primo. Utrum Religiosorum status sit perfectus.

Secundo. Utrum Religiosi teneantur ad omnia consilia.

Tertio. Utrum paupertas voluntaria requiratur ad Religionem.

Quarto. Utrum requiratur continencia.

Quinto. Utrum requiratur obedientia.

Sexto. Utrum requiratur, quod hæc cadant sub veto.

Septimo. De sufficientia horum votorum.

Octavo. De comparatione eorum ad invicem.

Nono. Utrum Religiosus semper mortaliter peccet, quando transgreditur statutum suæ regulæ.

Decimo. Utrum, cæteris paribus, in eodem genere peccati plus peccet Religiosus, quam secularis.

ARTICULUS I.

631

Utrum Religio importet statum perfectionis.

Quot. 5. art. 21. cor. 2 opu. 18. c. 16.

AND Primum sic proceditur. Videtur, quod Religio non importet statum perfectionis. Illud enim quod est de necessitate salutis, non videtur ad statum perfectionis pertinere; sed Religio est de necessitate salutis: quia

Dd 5

per

per eam unū omnipotenti Deo religamur, sicut Aug. dicit in 1. de vera relig. (c. ult. vers. fin. tom. 1.) Vel Religio dicitur ex eo, quod Deum recligimus, quem amserimus negligentes, ut Aug. dicit in 10. de Civitate Dei, (c. 4. antemod. tom. 5.) ergo videtur, quod Religio non nominet perfectionis statum.

2. Præterea. Religio secundum Tullium (l. 2. & Invent. aliquant. ante fin.) est quæ naturæ divinae cultus, & ceremoniam assert: sed afferre Deo cultum, & ceremoniam magis videtur pertinere ad mysteria monasteriorum ordinum, quam ad diversitatem statuum, ut supra dictis patet. (Implic. q. 81. art. 2. ad 3. & art. 4.) ergo videtur, quod Religio non nominet perfectionis statum.

3. Præterea. Status perfectionis distinguitur contra statum incipientium, & proficiunt: sed etiam in Religione sunt aliqui incipientes, & aliqui proficiunt: ergo Religio non nominat perfectionis statum.

4. Præterea. Religio videtur esse pœnitentiae locum, dicitur enim in Decretis 7. q. 1. (c. Hoc nequaquam) „Præcipit sancta Synodus, ut quicunque de Pontifici, „tali dignitate ad monachorum vitam, & pœnitentia descenderit locum, nunquam ad Pontificatum resurgat:“ sed locus pœnitentiae opponitur statui perfectionis, unde Dionys. in 6. c. Ecclesiast. Hierarch. (parum à princ.) ponit pœnitentes in iuncto loco, sc. inter purgandos: ergo videtur, quod Religio non sit status perfectionis.

Sed contra est, quod in Collationibus Patrum (collat. 1. c. 7. à med.) dicit Abbas Moyses de Religiosis loquens: „jejuniorum iudeiam, vigillas, labores corporis, iudicatatem, lectionem, cæterasque virtutes debere nos suscipere noverimus, ut ad perfectionem charitatis istis gradibus possimus ascendere:“ sed ea quæ ad humanos actus pertinent, ab intentione huius speciem, & nomen recipiunt: ergo Religiosi pertinent ad statum perfectionis. Dionys. etiam 6. c. Eccles. Hier. (loc. cit.) dicit, eos, qui nominantur Diligenti, ex Deo puro servitio, & famulatu, muri ad amibilem perfectionem.

Respondeo dicendum, quod, sicut ex supra dictis patet

tet (q. 141. a. 2.) id quod communiter multis convenit, antonomastice attribuitur ei, cui per excellentiam convenit: sicut nomen fortitudinis vendicat sibi illa virtus, quæ circa difficultima firmitatem animi servat, & temperantia nomen vendicat sibi illa virtus, quæ temperat maximas delectationes. Religio autem, ut supra habitum est (q. 81. art. 2.) est quædam virtus, per quam aliquis ad Dei servitium, & cultum aliquid exhibet. Et ideo antonomastice Religiosi dicuntur illi, qui se totaliter mancipant divino servitio, quasi holocaustum Deo offerentes. Unde Greg. dicit super Ezechiel. (hom. 20. inter med. & fin.) „Sunt quidam, qui „nihil sibi meti ipsi reservant, sed sensum, linguam, „vitam, atque substantiam, quam perceperunt, om- „nipotenti Deo immolant.“

In hoc autem perfectio hominis consistit, quod totaliter Deo iuharet, sicut ex supra dictis patet. (q. 184. art. 2.) Et secundum hoc Religio perfectionis statum nominat.

Ad primum ergo dicendum, quod exhibere aliqua ad cultum Dei, est de necessitate salutis. Sed quod aliquis se totaliter, & sua divino cultui deputet, ad perfectionem pertinet.

Ad secundum dicendum, quod, sicut supra dictum est, (q. 81. art. 1. ad 1. & art. 4. ad 1. & 2.) cum de virtute religionis ageretur, non solum ad Religionem pertinent oblationes sacrificiorum, & alia hujusmodi, quæ sunt Religioni propria, sed etiam actus omnium virtutum, secundum quod referuntur ad Dei servitium, & honorem, efficitur actus Religionis. Et secundum hoc si aliquis totam vitam suam divino servitio deputet, tota vita sua ad Religionem pertinebit. Et secundum hoc ex vita religiosa, quam ducent, Religiosi dicuntur, qui sunt in statu perfectionis.

Ad tertium dicendum, quod, sicut dictum est (q. 184. art. 5. & 6.) Religio nominat statum perfectionis ex intentione finis. Unde non oportet, quod quicunque est in Religione, iam sit perfectus, sed quod ad perfectionem tendat. Unde super illud Matth. 19. Si vls perfectus esse, &c. dicit Origenes (tract. 8. in Matth. aliquant. à med.) quod „ille qui mutavit pro

„ viviis paupertatem , ut fiat perfectus , non in ipso
 „ tempore , quo tradiderit bona sua pauperibus , fiat
 „ omnino perfectus , sed ex illa die incipiet specula-
 „ tio Dei adducere eum ad omnes virtutes.“ Et hoc
 modo in religione non omnes sunt perfecti , sed qui-
 dam incipientes , quidam proficientes .

Ad quartum dicendum , quod Religionis status prin-
 cipaliter est institutus ad perfectionem adipiscendam per
 quædam exercitia , quibus tolluntur impedimenta per-
 fectæ charitatis . Sublatis autem impedimentis perfectæ
 charitatis , multo magis exciduntur occasiones peccati ,
 per quod totaliter tollitur charitas . Unde cum ad pe-
 nitentem pertinent causas peccatorum excidere , ex con-
 sequenti status Religionis est convenientissimus pen-
 itentia locus . Unde in Decr . 33 . q . 2 . cap . Ad mortu-
 consulitor culdam , qui uxorem occiderat , ut potius
 monasterium ingrediatur , quod dicitur esse melius , &
 levius . quam quod penitentiam publicam agat , re-
 manendo in seculo .

ARTICULUS II.

88;

Utrum quilibet Religiosus teneatur ad omnia consilia.

4. d. 1. q. 2. a. 6. q. 2. ad 3.

Ad secundum sic proceditur . Videtur , quod quilibet Religiosus teneatur ad omnia consilia . Quicunque enim profitetur statum aliquem , tenetur ad eum , quod illi statui convenient : sed quilibet Religiosus profitetur statum perfectionis : ergo quilibet Religiosus te-
 netur ad omnia consilia , quæ ad perfectionis statum
 pertinent .

2. Præterea . Gregorius dicit super Ezech . (hom . 20 .
 Intermed . & sc .) quod ille qui præsens seculum deserit ,
 & agit omnia bona quæ valet , quasi jam Agypto de-
 relicta , sacrificium præbet in eterno : sed deserere secu-
 lum , specialiter pertinet ad Religiosos : ergo etiam eo-
 rum est agere omnia bona , quæ valent : & ita vide-
 tur , quod quilibet eorum teneatur ad omnia consilia
 implenda .

Præ-

3. Præterea. Si non requiritur ad statum perfectio-
nis, quod aliquis omnia consilia impleat, sufficiens
esse videtur, si quædam consilia impleat: sed hoc fal-
sum est; quia multi in seculari vita existentes aliqua
consilia implet, ut patet de his qui continentiam ser-
vant: ergo videtur, quod quilibet Religiosus, qui est
in statu perfectionis, teneatur ad omnia quæ sunt per-
fectionis: hujusmodi autem sunt omnia consilia.

Sed contra. Ad ea, quæ sunt supererogationis, non
tenetur aliquis, nisi ex propria obligatione: sed non
quilibet Religiosus obligat se ad omnia, sed ad aliqua
determinata, quidam ad hæc, quidam ad illa, non er-
go omnes tenentur ad omnia.

Respondeo dicendum, quod ad perfectionem aliquid
pertinet tripliciter. Uno modo essentialiter: & sic, si-
cut supra dictum est, (q. 184. art. 3.) ad perfectio-
nem pertinet perfecta observantia præceptorum chari-
tatis; alio modo ad perfectionem pertinet aliquid co-
sequenter: sicut illa quæ consequuntur ex perfectione
charitatis: puta quod aliquis maledicenti benedicat, &
alia hujusmodi implet: quæ etsi secundum præpara-
tionem animi sint in præcepto, ut scilicet implean-
tur, quando necessitas requirit; tamen ex superabun-
dantia charitatis procedit, quod etiam præter neces-
sitatem quandoque talia impletantur. Tertio modo per-
tinet aliquid ad perfectiouem instrumentaliter, & dis-
positive: sicut paupertas, continentia, abstinentia, &
alia hujusmodi.

Dictum est autem, (art. prec.) quod ipsa perfec-
tio charitatis est finis status Religionis. Status autem
Religionis est quædam disciplina, vel exercitium ad
perfectionem pervenierendi; ad quam quidem aliqui per-
venire nituntur exercitiis diversis: sicut etiam medi-
cus ad sanandum uti potest diversis medicamentis.
Manifestum est autem, quod ille, qui operatur ad
finem, non ex necessitate convenit quod iam assolu-
tus sit finem, sed requiritur quod per aliquam viam
tendat ad finem. Et ideo ille „qui statum Religio-
„nis assumit, non tenetur habere perfectam charita-
„tem; sed tenetur ad hoc tendere, & operari dare, ut
„habeat charitatem perfectam.

,, Et

„ Et eadem ratione non tenetur ad hoc quod illa
 „ impleat , quæ ad perfectionem charitatis consequun-
 „ tur : tenetur autem ut ad ea implenda intendat : con-
 „ tra quod facit contemnens : unde non peccat , si ea
 „ prætermittat , sed si ea contemnat .

„ Similiter etiam non tenetur ad omnia exercitia,
 „ quibus ad perfectionem pervenitur , sed ad illa , quæ
 „ determinate sunt ei taxata secundum regulam , quam
 „ professus est .“

Ad primum ergo dicendum , quod ille qui transit
 ad Religionem , non profitetur se esse perfectum , sed
 profitetur se adhibere studium ad perfectionem conse-
 quendam : sicut etiam ille qui intrat scholas , non pro-
 fitetur se scientem , sed profitetur se studentem ad
 scientiam acquirendam . Unde sicut Augustin. dicit in 8.
 de Civitate Dei : (c. 2. à princ. tom. 9.) Pythagoras ad-
 iuit se sapientem profiteri , sed sapientem amorem . Et
 ideo Religiosus non est transgressor professionis , si non
 sit perfectus , sed solum si contemnat ad perfectio-
 nem tendere .

Ad secundum dicendum , quod sicut diligere Denim
 ex toto corde tenentur omnes ; est tamen aliqua tota-
 litas perfectionis , quæ sine peccato prætermitti non po-
 test , aliqua autem , quæ sine peccato prætermittitur ,
 dum tamen desit contemptus , ut supra dictum est .
 (q. 184. art. 2. ad 3.) Ita etiam omnes tam Reli-
 giosi , quam seculares tenentur aliqualiter facere , qui-
 quid boni possunt . omnibus enim communiter dicitor
 Eccl. 9. Quodcumque facere potest manus tua , instant
 operare : est tamen aliquis modus hoc præceptum im-
 plendi , quo peccatum vitatur , sc. si homo faciat quod
 potest , secundum quod requirit conditio sui statutus : dum
 modo contemptus non ad sit agendi meliora , per quem
 animus firmatur contra spiritualem profectum .

Ad tertium dicendum , quod quedam consilia sunt ,
 quæ si prætermitterentur , tota vita hominis implicare-
 tur negotiis secularibus : puta si quis haberet proprium ,
 vel matrimonio eteretur , aut aliquid hujusmodi face-
 ret , quod pertinet ad essentialia vota Religionis ; &
 ideo ad omnia talia consilia observanda Religiosi te-
 nentur . Sunt autem quedam consilia de quibusdam me-
 jlo .

lioribus particularibus actibus, quæ prætermitti possunt, absque hoc quod vita hominis secularibus actibus implicetur: unde non oportet, quod ad omnia talia Religiosi teneantur.

ARTICULUS III. 886

Utrum paupertas requiratur ad perfectionem Religionis.

Ins. art. 4. co. 27 ad 1. 27 opusc. 18. c. 7. 27 8.

Ad Tertium sic proceditur. Videtur, quod paupertas non requiratur ad perfectionem Religionis. Non enim videtur ad statum perfectionis pertinere illud, quod illicite fit: sed quod homo omnia sua relinquat, videtur esse illicitum. Apostolus enim 2. ad Corinth. 8. dat formam fidelibus eleemosynas faciendi, dicens: *Si voluntas prompta est, secundum id quod habet, accepta est, id est, ut necessaria retineatis.* Et postea subdit: *non enim ut aliis sit remissio, vobis autem tribulatio,* Glos. (interl.) *id est paupertas.* Et super illud 1. ad Tim. 6. *Habentes alimenta, et quibus tegamur,* dicit Glos. (interl.) *Etsi nihil intulerimus, vel ablatur simus; non tamen omnia abicienda sunt hæc temporalia;* ergo videtur, quod voluntaria paupertas non requiratur ad perfectionem Religionis.

2. Præterea. Quicunque se exponit periculo, peccat: sed ille qui omnibus suis relictis, voluntariam paupertatem sectatur, exponit se periculo, et spirituali, secundum illud Prov. 30. *Ne forte egestate compulsus furer, et perirem nomen Dei mel:* & Eccli. 27. *Propter inopiam multi deliquerunt;* etiam corporali: dicitur enim Eccl. 7. *Sicut protegit sapientia, sic protegit et pecunia:* & Philos. dicit in 4. Ethic. (cap. 1. paulo à princ. tom. 5.) quod videtur quedam perditio ipsius hominis esse corruptio divitiarum; quia per has homo vivit: ergo videtur, quod voluntaria paupertas non requiratur ad perfectionem religiosæ vitæ.

3. Præterea. Virtus in medio consistit, ut dicitur in 2. Ethic. (c. 6. tom. 5.) Sed ille qui omnia dimittit per voluntariam paupertatem, non videtur in medio

con-

consistere, sed magis in extremo: ergo non agit virtus tuosa: & ita hoc non pertinet ad virtutem perfectionem.

4. Præterea. Ultima perfectio hominis in beatitudine consistit: sed divitiae conferunt ad beatitudinem, dicitur enim Eccli. 31. Beatus dives, qui inventus est sine macula: & Philos. dicit in 1. Ethic. (c. 5. circa f. 27 c. 10. & L. 10. cap. 8. tom. 5.) quod organes divitiae deserviunt ad felicitatem: ergo voluntaria paupertas non requiritur ad perfectionem Religionis.

5. Præterea. Status Episcoporum est perfectione quam status Religionis: sed Episcopi possunt proprium habere, ut supra habitum est: (q. præc. a. 6.) ergo & Religiosi.

6. Præterea. Dare eleemosynam est opus maxime Deo acceptum, & sicut Chrysost. dicit: (*hom. 9. in epist. ad Hebr. declinando ad fin.*) medicamentum, quod maxime in poenitentia operatur. Sed paupertas excludit eleemosynarum largitionem ergo videtur, quod pauperes ad perfectionem Religionis non pertineat.

Sed Contra est, quod Gregor. dicit in 8. Moral. (c. 15. à princ.) Sunt nonnulli justorum, qui ad comprehendendum culmen perfectionis accincti, dum alterius interius appetunt, exterius cuncta derelinquent. Sed accincti ad comprehendendum culmen perfectionis, proprium pertinet ad Religiosos, ut dictum est: (a. 1. & 2. præc.) ergo eis competit, ut per voluntariam paupertatem cuncta exterius derelinquant.

Respondeo dicendum, quod, sicut supra dictum est, (a. præc.) status Religionis est quoddam exercitium, & disciplina, per quam pervenitur ad perfectionem charitatis. Ad quod quidem necessarium est, quod aliquis affectum suum totaliter abstrahat à rebus mundanis. Dicit enim Aug. in 10. Confess. (c. 29. tom. 1.) ad Deum loquens: Misericordia tua amat me, quia tecum aliquid amat, quod non propter te amat. Unde in lib. 83. QQ. (q. 36. circ. princ. tom. 4.) dicit August. quod nutrimentum charitatis est diminutio cupiditatis, perfectio nulla cupiditas. Ex hoc autem quod aliquis res mundanas possidet, allicitur animus ejus ad earum amorem. Unde Aug. dicit in Epist. ad Paulium, & Thessaloniam, (quæ est 34. à med. tom. 2.) quod „terrena

„diligenter arctius adepta , quam concupita. Nam
 „unde juvenis ille tristis discessit , nisi quia magnas
 „divitias habebat ? Aliud enim est nolle incorporare
 „quæ desunt , aliud jam incorporata divellere : illa
 „velut extranea repudiantur : ista vero veluti mem-
 „bra præscinduntur . “ *Et Chrys. dicit super Matth.*
(homl. 64. ante med.) quod „appositio divitiarum,
„majorem accedit flammam , & vehementior fit
„cupido.“

„Et inde est , quod ad perfectionem charitatis ac-
 „quiriendam primum fundamentum est voluntaria pau-
 „pertas , ut aliquis absqne proprio vivat , dicente Do-
 „mino Matth. 19. Si vis perfectus esse , vade , vende
 „omnia quæ habes , & da pauperibus , & veni , se-
 „quere me.“

Ad primum ergo dicendum , quod , sicut Glos. (*in-
 terl.*) ibid. subdit , non ideo dixit Apostolus , scil. ut
 vobis non sit tribulatio , id est , paupertas , quin melius
 esset omnia dare : sed usq[ue] timet , quos sic dare mo-
 nat , ut egestatem non patiantur. Unde similiter etiam ex
 Glosa alia non est intelligendum , quod non licet om-
 nia temporalia abjicere , sed quod non ex necessitate
 requiritur. Unde & Ambros. dicit in *I. de Offic.*
*(c. 30. ante med.) Dominus non vult , scil. ex necessi-
 tate præcepti , simul effundi opes , sed dispensari : nisi*
sunt ut Eliseus boves suos occidit , & pavit pauperes ex
quod habuit , ut nulla cura teneretur domestica.

Ad secundum dicendum , quod ille qui omnia sua
 dimittit propter Christum , non exponit se periculo ne-
 que spirituali , neque corporali. Spirituale enim pericu-
 lum ex paupertate provenit , quando non est voluntaria:
 quia ex affectu congregandi pecunias , quem patiuntur
 illi qui involuntarie sunt pauperes , iucidit homo in
 multa peccata , secundum illud *I. ad Timoth. ult. Quoniam
 volunt divites fieri , iacent in tentationem , & in laguum
 diaboli.* Iste autem affectus deponitur ab his , qui vo-
 luntariam paupertatem sequuntur : magis autem domi-
 natur in his , qui divitias possident , ut ex supra dic-
 tis patet. (*in corp. a.*) Corporale etiam periculum non
 imminet illis , qui intentione sequendi Christum omnia
 sua reliquaunt , divine providentia se committentes.

Un-

Unde Aug. dicit in lib. 2. de serm. Domini in monte : (c. 17. In princ. tom. 4.) Quærentibus primum regnum Dei , & justitiam ejus , non debet subesse solidudo , ne necessaria desint.

Ad tertium dicendum , quod medium virtutis secundum Philos. in 2. Ethic. (c. 6. tom. 5.) accipitor secundum rationem rectam , non secundum quantitatem rei . Et ideo quicquid potest fieri secundum rationem rectam , non est vitiosum ex magnitudine quantitatis , sed magis virtuosum . Esset autem præter rationem rectam , si quis omnia sua consumeret per intemperantiam , vel absque utilitate . Est autem secundum rationem rectam , quod aliquis divitias abjiciat , ut contemplationi sapientiæ vacet , quod etiam Philosophi quidam leguntur fecisse . Dicit enim Hieronym. in Epist. ad Paulinum , (quæ est 13. non longe à princ.) „ Crates ille „ Thebanus , homo quondam ditissimus , cum ad philo- „ losophandum Athenas pergeret , magnum auri pondus „ abjecit ; nec putavit se posse simul divitias , & vir- „ tutes possidere . “ Unde multo magis secundum ra- „ tionem rectam est , ut homo omnia sua relinquat , & hoc quod Christum perfecte sequatur . Unde Hieron. dicit in Epist. ad Rusticum monachum , (epist. 4. infra) „ Christum nudum nudus sequere . ”

Ad quartum dicendum , quod duplex est beatitudo , sive felicitas . Una quidem perfecta , quam expectamus in futura vita . Alia vero imperfecta , secundum quam aliqui dicuntur in hac vita beati . Vita autem praesens felicitas est duplex . Una quidem secundum vitam activam . Alia vero secundum vitam contemplativam , ut patet per Philos. in 10. Ethic. (c. 7. & 8. tom. 5.) Ad felicitatem autem vitae activæ , quæ consistit in exterioribus operationibus , instrumentaliter divitiz coadjuvant ; quia , ut Philos. dicit in 1. Ethic. (c. 8. ad fin. tom. 5.) multa operamur per amicos , & per divitias , & per ex- vitem potentiam , sicut per quædam organa . Ad felicitatem autem contemplativæ vitae non multum operamur , sed magis impediunt , in quantum sua sollicitudine im- pediunt animi quietem , quæ maxime necessaria est con- templanti . Et hoc est quod Philosophus dicit in 10. Ethicor. (c. 8. ante med. tom. 5.) quod ad actiones

multis opus est, speculanti vero nulla talium, scilicet exteriorum bonorum, ad operationem necessitas, sed impedimenta sunt ad speculationem. Ad futuram vero beatitudinem ordinatur aliquis per charitatem. Et quia voluntaria paupertas est efficax exercitium pervenienti ad perfectam charitatem, ideo multum valet ad cœlestem beatitudinem consequendam. Unde & Dominus Matthæi 19. dicit: *Vade, vende omnia quæ habes, & da pauperibus, & habebis thesaurum in cœlo.* Divitiae autem habite per se quidem natæ sunt perfectiouem charitatis impedire principaliter alliciendo animum, & distrahen-
do. Unde dicitur Matth. 13. quod *sollitudo seculi, & fallacia divitiarum suffocant verbum Del :* quia, ut Greg. dicit, (*hom. 15. in Ewang. in med.*) dum bonum desiderium ad cor intare non sinunt, quasi aditum status vi-
talis retent. Et ideo difficile est, charitatem inter di-
vitias conservare. Unde Dominus dicit Matth. 19. quod *dives difficile intrabit in regnum cœlorum.* Quod quidem intelligendum est de eo, qui actu habet divitias: nam de eo qui affectum in divitiis ponit, dicit hoc esse im-
possibile: secundum expositionem Chrysost. (*hom. 64. in Matth. ante med.*) cum subdit: *Facilius est camelum per foramen acus transire, quam divitem intrare in regnum Cœlorum.* (*Ecccl. 31.*) Et ideo non simpliciter dives di-
citur esse beatus, sed qui *luventus est sine macula, & post aurum non ablit,* & hoc, quia rem difficilem fecit. Unde subditur: *quis est hic, & laudabimus eum?* feicit enim mirabilia in vita sua, ut scilicet inter divitias positus divitias non amaret.

Ad quintum dicendum, quod status Episcopalis non ordinatur ad perfectionem adipiscendam, sed potius ut ex perfectione, quam quis habet, alios gubernet, non solum ministrando spiritualia, sed etiam temporalia: quod pertinet ad vitam activam, in qua multa opera-
da occurunt instrumentaliter per divitias, ut dictum est. (*in solut. præc.*) Et ideo non Episcopis, qui profi-
tentur gubernationem gregis Christi, non exigitur ut proprio careant, sicut exigitur à Religiosis, qui profi-
tentur disciplinam perfectionis acquirendæ.

Ad sextum dicendum, quod abrennuntiatio propria-
rum divitiarum comparatur ad eleemosynarum largitio-
nem,

nem, sicut universale ad particulare, & holocaustum ad sacrificium. Unde Gregor. dicit super Ezech. (b.
milia 20. inter med. & fin.) quod,, illi qui ex possedit,
rebus subsidia gentib[us] ministrant, in bonis que fi-
ciunt, sacrificium offerunt; quia aliquid Deo immo-
lant, & aliquid sibi reservant: qui vero nibil sibi
reservant, offerunt holocaustum, quod est magis sa-
crificio. Unde etiam Hieronym. contra Vigilantium
(c. 5. cir. fin. & incipit: *Multa in orbe*) dicit., Quod
autem asseris, eos melius acere, qui utuntur rebus
suis, & paulatim fructus possessionum suarum paup-
eribus dividunt, non à me eis, sed à Domino respon-
debitur: si vis perfectus esse &c. Et postea subdit, Iste,
quem tu laudas secundus & tertius gradus est, quem &
nos recipimus; dummodo sciamus prima secundis, &
tertiis præferenda. Et ideo ad excludendum errorum
Vigilantii dicitur in lib. de Eccl. dogmatibus: (c. 17.
inter op. Aug. tom. 3.) , Bonum est facultates cum dis-
pensatione pauperibus erogare: melius est pro inten-
tione sequendi Dominum insimul donare, & absolu-
tum solicitudine egere cum Christo.

ARTICULUS IV.

837

*Utrum perpetua continentia requiratur ad perfectionem
Religionis.*

*Sup. q. 88. a. II. cor. fin. & opusc. 18. cap. 9. &
opusc. 19. cap. 1. & in prol. super Joan. lect. 2.*

And Quartum sic proceditur. Videtur, quod perpe-
tua continentia non requiratur ad perfectionem Reli-
gionis. Omnis enim virtus Christianæ perfectio ab Apostolis
Christi cœpit: sed Apostoli continentiam non videntur
servasse; ut patet de Petro, qui socrum legitur habui-
sse Matth. 8. ergo videtur, quod ad perfectionem Reli-
gionis non requiratur perpetua continentia.

2. Præterea. Primum perfectionis exemplar nobis in
Abraham ostenditur, cui Dominus dicit Gen. 17. *Anne
bulu coram me, & esto perfectus.* Sed exemplatum nos
oportet quod excedat exemplar: ergo non requiritur ad
per-

perfectionem Religionis perpetua continentia.

3. Præterea. Illud quod requiritur ad perfectionem Religionis, in omni Religione invenitur: sicut autem aliqui Religiosi, qui uxoribus utuntur: non ergo Religionis perfectio exigit perpetuam continentiam.

Sed Contra est, quod Apostolus 2. ad Cor. 7. dicit: *Mundemus nos ab omni inquinamento carnis, & spiritus, perficientes sanctificationem nostram in timore Dei; sed munditia carnis, & spiritus conservatur per continentiam.* Dicitur enim 1. Cor. 7. *Mulier innupta, & virgo cogitat quæ Domini sunt, ut sit sancta spiritu & corpore: ergo perfectio Religionis requirit continentiam.*

Respondeo dicendum, quod ad statum Religionis requiritur subtractio eorum, per quæ homo impeditur, ne feratur totaliter in Dei servitium. Usus autem carnalis copulæ retrahit animum, ne totaliter feratur in Dei servitium, duplicitate. *Unus modo* propter vehementiam delectationis, ex cuius frequenti experientia angelus concupiscentia, ut etiam Philos. dicit in 3. Ethic. (cap. ult. à med. tom. 5.) Et inde est, quod usus venereorum retrahit animum ab illa perfecta intentione tendendi in Deum. Et hoc est quod August. dicit in 2. Soliloquiorum: (c. 10. autem med. tom. 1.) *Nihil esse sentio, quod magis ex arce dejectat animum virilem, quam blandimenta foemina, corporunque ille contactus, sine quo uxor haberi non potest.* Alio modo propter solitudinem, quam ingerit homini de gubernatione uxoris, & filiorum, & rerum temporalium, quæ ad eorum sustentationem sufficiant. Unde Apostolus dicit (1. Cor. 7.) quod qui sine uxore est, solitus est quæ sunt Domini, quomodo placeat Deo: qui autem cum uxore est, solitus est quæ sunt mundi, quomodo placeat uxori.

Et ideo continetia perpetua requiritur ad perfectionem Religionis, sicut voluntaria paupertas. Unde sicut damnatus est Vigilantius, qui adæquavit divitias paupertati: ita damnatus est Jovinianus, qui adæquavit matrimonium virginitati.

Ad primum ergo dicendum, quod perfectio non solum paupertatis, sed etiam continentiae introducta est

est per Christum, qui dicit Matth. 19. *Sunt eunuchi, qui castraverunt seipso propter regnum Cœlorum: et postea subdit: Qui potest capere, capiat.* Et ne aliqui spes perveniendi ad perfectionem tolleretur, assumpsit ad perfectionis statum etiam illos quos inventit matrimonio junctos. Non autem poterat absque injuria fieri, quod viri uxores desererent; sicut absque injuria fiebat, quod omnes divitias relinquerent. Et ideo Petrum, quem invenit matrimonio junctum, non separavit ab uxore: Joannem tamen volentem nubere à nuptiis revocavit.

Ad secundum dicendum, quod, sicut August. dicit in libro de bono conjugali (c. 22. ante med. tom. 6.) melior est castitas cœlibum, quam castitas nuptiarum; quarum Abraham habebat unam in usu, ambas in habitu; caste quippe conjugaliter vixit: esse autem castus sine conjugio potuit, sed tunc non oportuit. Nec tamen quia antiqui Patres perfectionem animi simul cum divitiis, & matrimonio habuerunt, quo ad magnitudinem virtutis pertinebat, propter hoc infirmiores quæ debent præsumere se tantæ esse virtutis, cum divitiis, & matrimonio possint ad perfectionem pervenire; sicut nec aliquis præsumit hostes inermis invadere, quia Samson cum mandibula asini multos hostium peremis. Nam illi Patres, si tempus fuisset continentiae, & paupertatis servandæ, studiosius hoc implessent.

Ad tertium dicendum, quod illi modi vivendi secundum quos homines matrimonio utuntur, non sunt simpliciter & absolute loquendo Religiones, sed secundum quid; in quantum scilicet in aliquo participant quædam, quæ ad statum Religionis pertinent.

ARTICULUS V.

888

Utrum obedientia pertineat ad perfectionem Religionis.

Opusc. 18. c. 10. & opusc. 19. c. I.

Ad Quintum sic proceditur. Videtur, quod obedientia non pertineat ad perfectionem Religionis, illa-

enim videntur ad perfectionem Religionis pertinere, quæ sunt supererogationis, ad quæ non omnes tenentur: sed ad obediendum Prælati suis omnes tenentur, secundum illud Apostoli ad Hebr. ult. *Obedite Præpositis vestris, & subjecete eis: ergo videatur, quod obedientia non pertineat ad perfectionem Religionis.*

2. Præterea. Obedientia pertinere videtur proprie ad eos, qui debent regi sensu alieno; quod est indiscretorum: sed Apostolus dicit ad Hebr. 5. quod perfectorum est solidus cibus, quil pro consuetudine exercitatos habent sensus ad discretionem boni & mali: ergo videtur, quod obedientia non pertineat ad statum perfectorum.

3. Præterea. Si obedientia requireretur ad perfectionem Religionis, oporteret quod omnibus Religiosis conveniret: non autem omnibus convenit: sunt enim quidam Religiosi solitariam vitam agentes, qui non habent Superiores, quibus obediant: Prælati etiam Religionum ad obedientiam non videantur teneri: ergo obedientia non videtur pertinere ad Religionis perfectionem.

4. Præterea. Si votum obedientiae ad Religionem requireretur, consequens esset, quod Religiosi tenerentur Prælati suis in omnibus obedere, sicut & per votum continentiae tenentur ab omnibus venereis abstinere: sed non tenentur Prælati suis obedere in omnibus, ut supra habitum est, (q. 104. art. 5.) cum de virtute obedientiae ageretur: ergo votum obedientiae non requiritur ad Religionem.

5. Præterea. Illa servitia sunt Deo maxime accepta, quæ liberaliter, & non ex necessitate fiunt, secundum illud 2. ad Cor. 9. *Non ex tristitia, aut ex necessitate: sed illa quæ fiunt ex obedientia fiunt ex necessitate præcepti: ergo laudabilius fiunt bona opera, quæ quis propria sponte facit: votum ergo obedientiae non competit Religioni, per quam homines quærunt ad meliora pervenire.*

Sed Contra. Perfectio Religionis maxime consistit in imitatione Christi, secundum illud Matth. 19. *Si vis perfectus esse &c. sequera me: sed in Christo ma-*

xime commendatur obedientia , secundum illud ad Phil. Iip. 2. *Factus est obediens usque ad mortem : ergo videretur , quod obedientia pertineat ad perfectionem Religionis.*

Respondeo dicendum , quod , sicut supra dictum est , (a. 2. & 3. h. q.) status Religionis est quadam disciplina , vel exercitium tendendi in perfectionem . Quicunque autem instruuntur , vel exercitantur , ut perveniant ad aliquem finem , oportet quod directio nem alicujus sequantur , secundum cuius arbitrium instruantur , vel exercitentur , ut perveniant ad illum in diu , quasi discipuli sub magistro. Et ideo oportet quod Religiosi in his quæ pertinent ad religiosam vitam , alicujus iustificationi , & imperio subdantur. Unde & 7. q. 2. (c. Hoc nequaquam) dicitur : *Mönachorum vita subjectionis habet verbum , & discipulatus. Imperio autem , & alterius iustificationi subicitur homo per obedientiam. Et ideo obedientia requiritur ad Religionis perfectionem.*

Ad primum ergo dicendum , quod obediens fratris in his quæ pertinent ad necessitatem virtutis , non est supererogationis , sed omnibus commune : sed obediens in his quæ pertinent ad exercitium perfectionis pertinet proprie ad Religiosos : et comparatur ista obedientia ad aliam , sicut universale ad particulare. Illi enim , qui in seculo vivunt , aliquid sibi retinens & aliquid Deo largiuntur : & secundum hoc obediens fratrum Prælatorum subdantur. Illi vero qui vivunt a Religione , totaliter se , & sua tribuunt Deo , ut supra dictis patet. (art. 3. h. q.) Unde obedientia eorum est universalis.

Ad secundum dicendum , quod , sicut Philos. cit in 2. Ethic. (c. 1. & 2. tom. 5.) homines ercentes se in operibus pervenient ad aliquos hanc quos cum acquisierint , eosdem actus maxime posse operari : sic ergo obediendo , illi qui non sunt perfectionem adepti , ad perfectionem pervenient : autem qui jam sunt perfectionem adepti , maxime prompti sunt ad obediendum , non quasi indigentes regi ad perfectionem adquirendam , sed quasi per hanc se conservantes in eo , quod ad perfectionem pertinet.

Ad tertium dicendum, quod subjectio Religiosorum principaliter attenditur ad Episcopos, qui comparantur ad eos, sicut perfectiores ad perfectos, ut patet per Dionys. 6. c. Eccl. Hier. (ante med.) Ubi etiam dicit, quod monachorum ordo Pontificum consummativis virtutibus mancipatur, & divinis eorum illuminationibus edocetur. Unde ab Episcoporum obedientia nec Eremitæ, nec etiam Prælati Religionum excusantur: & si à diocesanis Episcopis totaliter, vel ex parte sunt exempti, obligantur tamen ad obediendum summo Pontifici, non solum in his quæ sunt communia aliis, sed etiam in his quæ specialiter pertinent ad disciplinam Religionis.

Ad quartum dicendum, quod votum obedientiae ad Religionem pertinens se extendit ad dispositionem totius humanæ vitæ. Et secundum hoc votum obedientiae habet quandam universalitatem, licet non se extendat ad omnes particulares actus. Quorum quidam ad Religionem non pertinent, quia non suat de rebus pertinentibus ad dilectionem Dei, & proximi, sicut confiscatio barbæ, vel levatio festucæ de terra, & similia, quæ non cadunt sub voto, nec sub obedientiæ: quidam vero etiam contrariantur Religioni. Nec est simile de voto continentiae, per quam excluduntur actus omniaco perfectioni Religionis contrarii.

Ad quintum dicendum, quod necessitas coactionis facit involuntarium: & ideo excludit rationem laudis, & meriti: sed necessitas consequens obedientiam non est necessitas coactionis, sed liberæ voluntatis; in quantum homo vult obediare, licet forte non vellet id, quod mandatur, secundum se consideratum implere: & ideo quia necessitatibus aliqua faciendi, quæ secundum se non placent, per votum obedientiae homo se subjicit propter Deum, ex hoc ipso ea quæ facta sunt Deo magis accepta, etiamsi sint minora: quia nihil maius potest homo Deo dare, quam quod propriam voluntatem propter ipsum voluntati alterius subjiciat. Unde in Collationibus Patrum, (collat. 18. c. 7. parum a princ.) dicitur, determinatum genus monachorum esse Sarabaltas: quia suas necessitates curantes, absoluti à seniorum jugo, habent libertatem agen-

*di quidquid licitum fuerit ; & tamen magis quam huius
qui in cœnobitis degunt, in operibus diebus ac noctibus
consumuntur.*

ARTICULUS VI.

889

Utrum requiratur ad perfectionem Religionis, quod pauperitas, continentia, & obedientia cadant sub voto,

1. *2. quest. 108. art. 3. cor. & 3. con. c. 130. & opus.
18. cap. 11. & 15. & opusc. 19. cap. 5.*

Ad Sextum sic proceditur. Videtur, quod non requiratur ad perfectionem Religionis, quod predicta tria, scilicet pauperitas, continentia & obedientia cadant sub voto. Disciplina enim perfectionis assumenda ex traditione Domini est accepta : sed Dominus dans formam perfectio-
nis Matth. 19. dicit : *Si vis perfectus esse, vado, reua-
omnia que habes, & da pauperibus*, nulla mentione
facta de voto : ergo videtur, quod votum non requiri-
ratur ad disciplinam Religionis.

2. Præterea. Votum consistit in quadam promissione Deo facta : unde Eccl. 5. cum dixisset Sapiens : *Si quid vovisti Deo, ne moreris reddere, statim subdi-
csplicet enim ei infidelis, & stulta promissio : sed ubi
est exhibitiō rei, non requiritur promissio : ergo suffi-
cit ad perfectionem Religionis, quod aliquis servet pau-
pertatem, continentiam, & obedientiam absque voto.*

3. Præterea. Aug. dicit ad Pollentium de adulteriis conjugiis : (*l. 1. c. 14. In princ. tom. 6.*) *Ea nam
in nostris officiis gratiora, quae cum liceret nobis non im-
pendere, tamen causa dilectionis impendimus : sed ea qua-
fiunt sine voto, licet non impendere ; quod non licet
de his, quae fiunt cum voto : ergo videtur gratias esse
Deo, si quis paupertatem, continentiam, & obedientiam
absque voto servet, non ergo votum requiritur
ad perfectionem Religionis.*

Sed Contra est, quod in veteri lege Nazarai con-
voto sanctificabantur, secundum illud Numer. 6. „ *Vix
, sive mulier, cum fecerint votum, ut sanctifcentur,
, & se voluerint Domino consecrare“ &c. Per eos al-
ter*

tem significantur illi, qui ad perfectionis summam pertingunt, ut dicit Gl. Greg. ibid. (lib. 2. Moral. c. 26. vers. 5.) ergo votum requiritur ad statum perfectionis.

Respondeo dicendum, quod ad Religiosos pertinet, quod sint in statu perfectionis, sicut ex supra dictis patet. (q. 174. a. 5.) Ad statum autem perfectionis requiritur obligatio ad ea quæ sunt perfectionis: quæ quidem Deo fit per votum. Manifestum est autem ex premissis (art. 3. 4. & 5. h. q.) quod ad perfectionem Christianæ vitae pertinet paupertas, continentia, & obedientia. Et ideo *Religionis* status requirit ut ad hæc tria aliquis voto obligetur.

Unde Greg. dicit super Ezech. (hom. 20. inter med. v. 15.) „Cum quis omne quod habet, omne quod vivit, omne quod sapit, omnipotenti Deo voverit, holocaustum est“: quod quidem pertinere postea dicit ad eos, qui præsens seculum deserunt.

Ad primum ergo dicendum, quod ad perfectionem vite Dominus pertinere dicit, quod aliquis enim sequatur, nos qualitercumque, sed ut ulterius retro non abieta. Unde & ipse dicit Lucæ 9. *Nemo mittens manum ad aratrum, & respiciens retro, aptus est regno Dei.* Et quamvis quidam de discipulis ejus retrorsum abierint; tamen Petrus loco aliorum Domino interroganti: *Nunquid & vos vultis abire?* respondit: *Domine, ad quem ibimus?* Unde & Augustinus dicit in lib. 2. de consensu Evang. (c. 17. in fin. tom. 4.) quod „sicut Matthæus, & Marcus narrant, Petrus, & Andreas, non subductis ad terram navibus tanquam causa re-deundi, secuti sunt eum, sed tanquam jubentem ut sequerentur“. Hæc autem immobilitas sequelæ Christi firmatur per votum. Et ideo votum requiritur ad perfectionem Religionis.

Ad secundum dicendum, quod perfectio Religionis requirit, sicut Greg. dicit, (loc. sup. cit.) ut aliquis omne quod vorvit Deo exhibeat. Sed homo non potest totam vitam suam Deo actu exhibere; quia non est tota simul, sed successive agitur. Unde non aliter homo potest totam vitam suam Deo exhibere, nisi per voti obligationem.

Ad tertium dicendum, quod inter alia, quæ licet

nobis non impendere , est etiam propria libertas, quam homo cæteris rebus chariorem habet. Unde cum aliquis propria sponte voto sibi adimit libertatem abstinendi ab his , quæ ad Dei servitium pertinent, hoc sit Deo acceptissimum. Unde Aug. dicit in Ep. ad Armentar. & Paulinam : (quæ est 45. vers. fin. tom. I.)
 „ Non te vorvisse preniteat ; immo gaudie jam tibi non
 „ licere , quod cum tuo detimento licuisset. Felix ne-
 „ cessitas , quæ in meliora compellit.“

ARTICULUS VII.

890

Utrum convenienter dicatur , in his tribus votis consistere Religionis perfectionem.

Lif. quest. 188. a. 1. ad 2. & a. 2. ad 2. & ver. q. 2.
 art. 11. ad 5. & opusc. 88. art. 15.

Ad Septimum sic proceditur. Videtur , quod inconvenienter dicatur , in his tribus votis consistere Religionis perfectionem. Perfectio enim vitæ magis consistit in interioribus , quam in exterioribus actibus , secundum illud ad Rom. 14. *Non est regnum Dei esca , & potus , sed justitia , pax , & gaudium in Spiritu sancto :* sed per votum Religionis aliqui obligantur ad ea , quæ sunt perfectionis : ergo magis deberent ad Religionem pertinere vota interiora actuum , (potius contemplationis , dilectionis Dei , & proximi , & aliorum hujusmodi) quam votum paupertatis continentia , & obedientia , quæ pertinent ad exteriora actus.

2. Præterea. Prædicta tria cadunt sibi voto Religionis , in quantum pertinent ad quoddam exercitium tendendi in perfectionem. Sed multa alia sunt , in quibus Religiosi exercitantur ; sicut abstinentia , vigilie , & alia hujusmodi : ergo videtur , quod convenienter ista tria vota dicantur essentialiter ad statum perfectionis pertinere.

3. Præterea. Per votum obedientiae aliquis obligatur ad omnia implenda secundum præceptum Superioris ; quæ ad exercitium perfectionis pertinent : ergo sufficit votum obedientiae absque aliis duobus votis.

Piz.

4. Præterea. Ad exteriora bona pertinent non solum divitiae, sed etiam honores: si ergo per votum paupertatis Religiosi terrenas divitias abdicant, oportet esse etiam aliud votum, per quod honores mundanos contemnunt.

Sed contra est, quod dicitur extra de statu monach. (cap. Cum ad monasterium) quod custodia castitatis, & abdicatio proprietatis suit annexæ regulæ monachali.

Respondeo dicendum, quod Religionis status potest considerari tripliciter. Uno modo, secundum quod est quoddam exercitium tendendi in perfectionem charitatis: alio modo, secundum quod quietat animum humana ab exterioribus sollicitudinibus, secundum illud ad Cor. 7. *Volo vos sine sollicitudine esse.* Tertio modo, secundum quod est quoddam holocaustum, per quod aliquis totaliter se, & sua offert Deo. Et secundum hoc ex his tribus votis integratur Religionis status.

Primo enim quantum ad exercitium perfectionis requiritur, quod aliquis à se removeat illa, per quæ possit impediiri, ne totaliter ejus affectus tendat in Deum, in quo consistit perfectio charitatis. Hujusmodi autem sunt tria. Primum quidem cupiditas exteriorum bonorum, quæ tollitur per votum paupertatis. Secundum autem est concupiscentia sensibilium delectationum, inter quas præcellunt delectationes venereæ, quæ excluduntur per votum continentiae. Tertium autem est inordinatio voluntatis humanæ, quæ excluditur per votum obedientie.

Similiter autem sollicitudinis secularis inquietudo præcipue ingeritur homini circa tria. Primo quidem circa dispensationem exteriorum rerum: & hæc sollicitudo per votum paupertatis homini auferitur. Secundo circa gubernationem uxoris, & filiorum, quæ amputatur per votum continentiae. Tertio circa dispositionem proprium actuun, quæ amputatur per votum obedientie, quo aliquis se alterius dispositioni committit. Similiter etiam holocaustum est: cum aliquis totum quod habet, offert Deo, ut Gregor. dicit super Ezech. (hom. mil. 20. inter med. & fin.) Habet autem homo triplices bonum, secundum Philos. in 1. Ethic. (c. 8. circ. princ.

tom. 5.) Primo quidem exteriorum rerum : quas quidem totaliter aliquis Deo offert per votum voluntariae paupertatis. Secundo autem bonum proprii corporis , quod aliquis præcipue offert Deo per votum continentiae , quo abrenuntiat maximis delectationibus corporis. Tertium autem bonum est animæ : quod aliquis totaliter Deo offert per obedientiam , qua aliquis offert Deo propriam voluntatem , per quam homo utitur omnibus potestis , & habitibus animæ. Et ideo convenienter ex tribus vatis status Religionis degeneratur.

Ad primum ergo dicendum , quod , sicut supra dictum est , (a. r. h. q.) votum Religionis ordinatur sicut in finem ad perfectionem charitatis , ad quam pertinent omnes interiores actus virtutum , quarum mater est charitas , secundum illud. 1. ad Corioth. 13. Charitas patiens est , benigna est , &c. Et ideo interiores actus virtutum , (puta humilitatis , patientiae , & huiusmodi) non cadunt sub voto religionis , quod ordinatur ad ipsos sicut ad finem.

Ad secundum dicendum , quod omnes alii Religionum observantiae ordinantur ad predicta tria principalia vota. Nam si qua sunt instituta in Religionibus ad procurandum victimum , puta labor , mendicatio , vel alia hujusmodi , referuntur ad paupertatem , ad coius conservationem Religiosi per hos modos victimum suum procurant. Alia vero quibus corpus maceratur , sicut vigiliae , jejunia , & si qua sunt hujusmodi , directe ordinantur ad votum continentiae observandum : si que vero in Religionibus instituta sunt pertinentia ad humanos actus , quibus aliquis ordinatur ad Religionis finem ; scilicet ad dilectionem Dei , & proximi , (puta lectio , oratio , visitatio infirmorum , vel si aliquid aliud est hujusmodi) comprehenduntur sub voto obedientiae , quod pertinet ad voluntatem , quæ secundum dispositionem alterius suos actus ordinat ad finem. Determinatio autem habitus pertinet ad omnia tria vota , tanquam signum obligationis. Unde habitus regularis simul datur , vel benedicitur cum professione.

Ad tertium dicendum , quod per obedientiam aliquis offert Deo suam voluntatem : cui etsi subjiciantur omnia humana , quedam tamen sunt , quæ specialiter

sibi tantum subduntur, sc. actiones humanæ nam passiones pertinent, etiam ad appetitum sensitivum. Et ideo ad cohibendum passiones carnalium delectationum & exteriorum appetibilium impedientes perfectionem vitæ, necessarium fuit votum continentiaz, & paupertatis: sed ad disponendum actiones proprias secundum quod requirit perfectionis status, requiritur votum obedientiaz.

Ad quartum dicendum, quod, sicut Philosophus dicit in 4. Ethicorum, (*cap. 3. circ. med. tom. 5.*) honor proprie, & secundum veritatem non debetur nisi virtuti. Sed quia exteriora bona instrumentaliter deriviunt ad quosdam actus virtutum, ex consequenti etiam eorum excellentiaz honor aliquis exhibetur; & præcipue à vulgo, quod solam excellentiam exteriorum recognoscit. Honor ergo, qui Deo, & Sanctis omnibus exhibetur propter virtutem, ut dicitur in *Psalm. 158.* *Miki autem nlmis honorati sunt amici tui Deus,* abrennuntiare non competit Religiosis, qui ad perfectionem virtutis tendunt: honori autem, qui exhibetur exteriori excellentiaz, abrennuntiant ex hoc ipso quod secundarem vitam derelinquant: unde ad hoc non requiriatur speciale votum.

ARTICULUS. VIII.

891

Utrum votum obedientiaz sit potissimum inter tria vota Religionis.

Inf. q. 188. a. 7. ad 3.

Ad octavum sic proceditur. Videtur, quod votum obedientiaz non sit potissimum inter tria vota Religionis. Perfectio enim religiosæ vitæ à Christo sumpsit exordium: sed Christus specialiter dedit consilium de paupertate; non autem invenitur dedisse consilium de obedientia: ergo votum paupertatis est potius, quam votum obedientiaz.

2. Præterea. Eccl. 26. dicitur, quod *omnis ponderatio, non est digna animæ continentis:* sed votum dignioris rei est eminentius: ergo votum continentiaz est eminentius, quam votum obedientiaz.

3. Præterea. Quanto aliquod votum est potius, tanto videtur esse magis indispensabile : sed vota paupertatis, & continentiae sunt adeo aunexa regulæ monachali, ut contra ea nec sumimus Pontifex possit licetiam indulgere, sicut dicit quædam Decretalij de statu monachorum, (*c. Cum ad Monasterium*) qui tamen potest indulgere, ut Religiosus non obediatur suo Prælatu: ergo videtur, quod votum obedientiæ sit minus votu paupertatis, & obedientiæ.

Sed Contra est, quod Gregor. dicit in 35. Morib. (*c. 10. cit. princ.*) Obedientia victimis Iure præposita; quia per victimas aliena caro, per obedientiam vero votas propria mactatur. Sed vota Religionis sunt quedam holocausta, sicut supra dictum est: (*art. 1. huius quæst. & art. 3. ad 6.*) ergo votum obedientiæ est præcipuum inter omnia Religionis vota.

Respondeo dicendum, quod votum obedientiæ ut præcipuum inter tria vota Religionis. Et hoc triplici ratione.

Primo quidem, quia per votum obedientiæ aliquis majus homo offert Deo, sc. ipsam voluntatem, quam potior, quam corpus proprium, quod offert homo Deo per continentiam, & quam res exteriores, quas offert homo Deo per votum paupertatis. Unde illud, quod si ex obedientia, est magis Deo acceptum, quam id quod sit per propriam voluntatem, secundum illud Hieronymi, quod dicit ad Rusticum Monachum, (*epist. 4. al. quant. à med.*) *Ad illud tendit oratio, ut doceam, te non tu arbitrio dimittendum.* Et post pauca subdit: *Non facias quod vis; comedas quod juberis; habeas quantum acceptris; vestiaris quod datur.* Unde & jejunium non redditur Deo acceptum cum propria, voluntate, secundum illud Isaiae 58. *Ecce in diebus jejuniil vestri levantur voluntas vestra.* Secundo, quia votum obedientiæ continet sub se alia vota: sed non convertitur: nam Religiosus, etsi teneatur ex voto continentiam servare, & paupertatem; tamen hæc etiam sub obedientia cadunt, ad quam pertinet multa alia præter continentiam, & paupertatem servare. Tertio, quia votum obedientiæ proprie se extendit ad actus propinquos fini Religionis. Quatenus autem aliquid propinquius est fini, tanto melius est.

Et inde etiam est, quod votum obedientiæ est Religioni essentialius. Si enim aliquis absque voto obedientiæ voluntariam paupertatem, & continetiam etiam voto servet, non propter hoc pertinet ad statum Religionis, qui præfertur etiam ipsi virginitati ex voto observatæ. Dicit enim August. in libro de virginitate: (c. 46. in fin. tom. 6.) *Nemo, quantum puto, ausus fuerit virginitatem præferre monasterio.* † al. martyrio †

Ad primum ergo dicendum, quod consilium obedientiæ includitur in ipsa Christi sequela, qui enim obedit, sequitur alterius voluntatem. Et ideo magis pertinet ad perfectionem, quam votum paupertatis: quia, ut Hieron. dicit super Matth. (c. 19. sup. illud: *Ecce nos reliquimus &c.*) *Id quod perfectionis est addidit Petrus: cum dixit: Et secuti sumus te.*

Ad secundum dicendum, quod ex verbo illo non habetur, quod continentia præferatur omnibus aliis actibus virtutis, sed conjugali castitati, vel etiam exterioribus divitiis auri, & argenti, quæ pondere measurantur. Vel per continentiam intelligitur universaliter abstinentia ab omni malo, ut supra habitum est. (q. 155. art. 4. ad 1.)

Ad tertium dicendum, quod Papa in voto obedientiæ non potest sic cum Religioso dispensare, ut nulli Prelato teneatur obediens in his, quæ ad perfectionem virtutis pertinent: non enim potest eum à sua obedientia eximere: potest tamen eum eximere ab inferioris Prelati subjectione; quod non est in voto obedientiæ dispensare.

ARTICULUS IX.

892

Utrum Religiosus semper peccet mortaliter transgrediendo ea quæ sunt in regula.

Sup. quest. 88. art. 18. ad 4. &c. 4. d. 38. quest. I. art. 4.
quest. I. ad 5. &c. quol. I. art. 20.

AD Nonum sic proceditur. Videtur, quod Religiosus semper peccet mortaliter transgrediendo ea quæ sunt in regula. Facere enim contra votum est peccatum damnable; ut patet per id quod Apostolus dicit I. Timo-

Ee 5

th.

th. 5. quod videt quæ volunt nubere, damnationem habent; quia primam fidem irritam fecerunt. Sed Religiosi votum professionis ad regulam astringuntur: ergo peccant mortaliter transgrediendo ea quæ in regula continentur.

2. Præterea. Regula imponitur Religioso, sicut legi quædam: sed ille qui transgreditur præceptum legis peccat mortaliter: ergo videtur, quod Monachus transgrediens ea quæ sunt in regula, peccet mortaliter.

3. Præterea. Contemptus inducit peccatum mortale: sed quicumque frequenter aliquid iterat, quod non debet facere, videntur ex contemptu peccare: ergo videtur, quod si Religiosus frequenter transgrediatur id quod est in regula, peccet mortaliter.

Sed contra est, quod status Religionis est securior, quam status secularis vitæ, unde Gregor. In princip. Mor. (sc. in epist. ad Leand. Episc. sup. exposit. &c. Job. c. 1. à princ.) comparat vitam seculari fluctuantem, vitam autem religionis portui tranquillo: sed si quilibet transgressio eorum, quæ in regula continentur, Religiosum obligaret ad peccatum mortale, status Religionis esset periculosissimus propter multitudinem observantiarum; non ergo quilibet transgressio eorum, quæ in regula continentur, est peccatum mortale.

Respondeo diceendum, quod in regula continetur aliquid dupliciter, sicut ex dictis patet: (art. 7. hu. q. ad 1. & 2.) Uno modo sicut finis regulæ; puta ea quæ pertinent ad actus virtutum. Et „horm transgressio, „quantum ad ea quæ cadunt communiter sub præcepto, „obligat ad mortale; quantum vero ad ea quæ exclusi, „dunt communiter necessitatem præcepti, non obligat, „ad mortale, nisi propter contemptum: “quia sicut supra dictum est, (art. 2. hu. q.) Religiosus non tenetur esse perfectus; sed ad perfectionem tendere: cui contrariatur perfectionis contemptus.

Alio modo continetur aliquid in regula pertinens ad exterius exercitium; sicut sunt omnes exteriores observantiae, inter quas sunt quædam, ad quas obligator Religiosus ex voto professionis. Votum autem professionis respicit principaliter tria predicta, sc. paupertatem, contemplationem, & obedienciam; alia vero omnia ad hæc or-

dinantur. Et ideo transgressio horum trium obligat ad mortale: aliorum autem transgressio non obligat ad mortale, nisi vel propter contemptum regulæ; quia hoc directe contrariatur professioni, per quam aliquis vivit regularem vitam: vel propter præceptum sive ore tenus à Prælato factum, sive in regula expressum; quia hoc esset facere contra obedientiæ voluntatem.

Ad primum ergo dicendum, quod ille qui profitetur regulam, non vovet servare omnia, quæ sunt in regula; sed vovet regularem vitam, quæ essentialiter consistit in tribus predictis. Unde & in quibusdam Religionibus cautius aliqui profitentur non quidem regulam, sed vivere secundum regulam, id est tendere ad hoc, ut aliquis mores suos informet secundum regulam, sicut secundum quoddam exemplar: & hoc tollitur per contemptum. In quibusdam autem Religionibus abhinc cautius profitentur obedientiam secundum regulam: ita quod professioni non contrariatur, nisi id quod est contra præceptum regulæ: transgressio vero, vel omissione aliorum obligat solum ad peccatum veniale: quia, sicut dictum est, (art. 7. hu. q. ad 2.) hujusmodi dispositiones sunt ad principalia vota. Peccatum antea veniale est dispositio ad mortale, ut supra dictum est, (1. 2. q. 88. art. 3.) inquantum impedit ea, quibus aliquis disponitur ad observanda principalia præcepta legis Christi, quæ sunt præcepta charitatis. In aliqua tamen Religione, scilicet Ordinis Fratrum Prædicatorum, transgressio talis, vel omissione ex suo genere non obligat ad culpam neque mortalem, neque venialem, sed solum ad penam taxatam sustinendam: quia per hunc modum ad talia observanda obligantur: qui tamen possent venialiter, vel mortaliter peccare ex negligentiâ, vel libidine, seu contemptu.

Ad secundum dicendum, quod non omnia quæ continentur in lege traduntur per modum præcepti; sed quædam proponuntur per modum ordinationis cuiusdam, vel statuti obligantis ad certam penam. Sicut ergo in lege civili non facit semper dignum pena mortis corporalium transgressio legalis statuti: ita nec in lege Ecclesiæ omnes ordinationes, vel publica statuta obligant ad mortale; & similiter nec omnia statuta regulæ,

Ad tertium dicendum, quod tunc committit aliquis, vel transgreditur ex contemptu, quando voluntas ejus renuit subjici ordinationi legis, vel regulæ: & ex hoc procedit ad faciendum contra legem, vel regulam. Quando autem è converso propter aliquam particularem causam, puta concupiscentiam, vel iram, inducitur ad aliquid faciendum contra statuta legis, vel regulæ, non peccat ex contemptu, sed ex aliqua alia causa; etiam si frequenter ex eadem causa, vel alia, simile peccatum iteret: sicut & August. dicit in libro de natura, & gratia, (cap. 29. à med. tom. 7.) quod non omnia peccata committuntur ex contemptu superbie. Frequentia tamen peccati dispositio inducit ad contemptum, secundum illud Proverb. 18. *Impius, cum in profundum ventrū peccatorum, contemnit.*

ARTICULUS X.

893

Utrum Religiosus eodem genere peccati gravius peccet, quam secularis.

*Sup. q. 184. art. 8. cor. fin. & 4. d. 14. q. 1. art. 5.
quæst. 3. ad 3.*

Ad Decimum sic proceditur. Videtur, quod Religiosus eodem genere peccati non gravius peccet, quam secularis: dicitur enim 2. Paralip. 30. „Dominus bonus propitiabitur cunctis, qui in toto corde requirant Dominum Deum patrum suorum, & non imputabunt eis, quod minus sanctificati sunt:“ sed magis videntur Religiosi ex toto corde Dominum Deum patrum suorum sequi, quam secularares, qui ex parte se, & sua Deo dant, ex parte sibi reservant, ut Gregor. dicit super Ezech. (hom. 20. intermed. & fin.) ergo videtur, quod minus imputetur eis, si in aliquo à sanctificatione deficiant.

2. Præterea. Ex hoc quod aliquis bona opera facit, minus contra peccata ejus Deus irascitur, dicitur enim 2. Paralip. 19. „Impio præbes auxilium, & his qui oderunt Dominum, amicitia jungeris: & idcirco iram quidem Domini merebaris, sed bona opera iuxta

„sunt

, sunt in te. : " Religiosi autem plura bona opera faciunt, quam seculares : ergo si aliqua peccata faciunt, minus contra eos Deus irascitur.

3. Præterea. Præsens vita sine peccato non transigitur, secundum illud Jacobi 3. *In multis offendimus omnes* : si ergo peccata Religiosorum essent graviora peccatis secularium, sequeretur, quod Religiosi essent pejoris conditionis, quam seculares : & sic non esset sanum consilium ad Religionem transire.

Sed contra est, quod de majori malo magis videtur esse dolendum ; sed de peccatis eorum, qui sunt in statu sanctitatis, & perfectionis, maxime videtur esse dolendum, dicitur enim Jerem. 23. *Contritum est cor meum in medio mei*. Et postea subdit: *Propheta namque, et Sacerdos polluti sunt, et in domo mea iuvani malum eorum* : ergo Religiosi, & alii qui sunt in statu perfectionis, cæteris paribus, gravius pecant.

Respondeo dicendum, quod peccatum, quod à Religiosis committitur, potest esse gravius peccato secularium ejusdem speciei tripliciter. Uno modo, si sit contra votum Religionis, puta si Religiosus fornicetur, vel furetur: quia fornicando facit contra votum continenciae, & furando facit contra votum paupertatis, & non solum contra præceptum divinæ legis. Secundo, si ex contemptu percet: quia ex hoc videtur esse magis ingratius divinis beneficiis, quibus est sublimatus ad statum perfectionis: sicut Apostolus dicit ad Hebr. 10. quod fidelis graviora meretur supplicia : ex hoc quod peccando Filiū Dei conculcat per contemptum. Unde & Dominus conqueritur Jerem. 11. *Quid est, quod dilectus meus facit in domo mea scelera multa?* Tertio modo peccatum Religiosi potest esse majus propter scandalum: quia ad vitam eius plures respiciunt. Unde dicitur Jerem. 23. „ In Prophetis Ierusalem vidi si, militidinem adulterantium, & iter mendacium; & con-, fortaverunt manus pessimorum, ut non converteretur unusquisque à malitia sua.“

„ Si vero Religiosus non ex contemptu, sed ex infirmitate, vel ex ignorantia aliquod peccatum, quod non est contra votum suæ professionis committat absque scandalo, puta in occulto, levius peccat eodem

„ ge-

„ genere peccati , quam secularis:“ quia peccatum ejus si sit leve , quasi absorbetur ex multis operibus bonis , quæ facit , & si sit mortale , facilius ab eo resurgit . Primum quidem propter intentionem , quam habet rectam ad Deum : quæ etsi ad horam intercipiatur , de facili ad pristina reparatur . Unde super illud Psalm. 36. *Cum ceciderit , non collidetur* , dicit Origen. (*hom. 4. in hunc Psalm. inter princ. & med.*)
 „ Injustus si peccaverit , non pœnitit , & peccatum suum emendare nescit : justus autem scit emendare , scit corrigere : sicut ille qui dixerat : nestio hominem , paulo post cum respectus fuisset à Domino , flere scit amarissime : & ille qui de tecto mulierem videbat , & concupierat eam , dicere scit : peccavi , & malum coram te feci .“ Juvatur etiam à sociis ad resurgentum , secundum illud Eccles. 4. *Si unus ceciderit , ab altero fulcietur : ut soli , quia cum ceciderit , non habet sublevantem se.*

Ad primum ergo dicendum , quod anctoritas illa loquitur de his , quæ per infirmitatem , vel ignorantiam committuntur , non autem de his quæ committuntur per contemptum .

Ad secundum dicendum , quod Josaphat etiam , cui illa verba dicuntur , non ex malitia , sed ex quadam infirmitate humanae affectionis peccavit .

Ad tertium dicendum , quod justi non de facili peccant ex contemptu ; sed quandoque labuntur in aliquod peccatum ex ignorantia , vel infirmitate , à quo de facili relevantur : si autem perveniant ad hoc , quod ex contemptu peccant , efficiuntur pessimi , & maxime incorrigibiles , secundum illud Jerem. 2. *Confregisti jugum , dirupisti vincula , dixisti : Non serviam . In omni colle sublimi , & sub omni ligno frondoso tu prosternebaris meretrix .* Unde Augustinus dicit in Epist. ad plebem Hipponensem : (*quæ est 137. cir. fin. tom. 2.*) *Ex quo Deo servire cœpi , quomodo difficile sum expertus meliores , quam qui in monasteriis profecerunt ; ita non sum expertus peiores , quam qui in monasteriis cœderunt .*

QUÆSTIO CLXXXVII.

De his quæ competunt Religiosis, in sex articulos
divisa.

Deinde considerandum est de his quæ competunt Religiosis.

Et circa hoc queruntur sex.

Primo. Utrum licet eis docere, prædicare, & alia
hujusmodi facere.

Secundo. Utrum licet eis de negotiis secularibus se
intromittere.

Tertio. Utrum teneantur manibus operari.

Quarto. Utrum licet eis de eleemosynis vivere.

Quinto. Utrum licet eis mendicare.

Sexto. Utrum licet eis vestimenta ceteris viliora
deferre.

ARTICULUS I.

894

*Utrum Religiosis licet docere prædicare, & alia hujus-
modi facere.*

Opus. 18. c. ult. & opus. 19.

Ad primum sic proceditur. Videtur, quod Religiosi non licet docere, prædicare, & alia hujusmodi fa-
cere. Dicitur enim 7. quest. 1. (cap. Hoc nequaquam) in quodam Statuto constantinopolitanæ Synodi, (vid.
Cœcilium Constantiopolis. A.C. 879. tom. 9. Con-
sil.) Vita monachorum subjectionis habet verbum, &
discipulas, non docendi, vel præsidiendi, vel pa-
centi allorū. Hieronymus etiam dicit ad Riparium, & De-
siderium: (lib. cont. Vigilant c. 6. à princ. & incipit:
Multū in orbe) Monachus non doctoris, sed plangentis ha-
bet officium. Leo etiam Papa dicit, (epist. 63. ad Theo-
dore. in fin.) ut habetur 16. quest. 1. (c. Adjicimus)
Præter Dominū Sacerdotes nullus audiat prædicare, si-
cve monachus, sive laicus ille sit, cuiuslibet scientiæ no-
mine glorietur: sed non licet transgredi proprium of-

8.

ficium, & statutum: ergo videtur, quod non liceat Religiosis docere, prædicare, & alia hujusmodi facere.

2. Præterea. In Statuto Nicænæ Synodi, quod ponitur 16. quæst. 1. (*cap. Placuit*) sic dicitur: „
 „miter, & indissolubiliter omnibus præcipimus, ut
 „aliquis monachus pœnitentiam nemini tribuat, nisi
 „invicem sibi, ut justum est. Mortuum non sepeliat,
 „nisi monachum secum in monasterio commorantem,
 „vel si fortuito quemquam advenientium fratrum ubi
 „mori contigerit.“ Sed sic ut ista pertinent ad officium Clericorum, ita etiam prædicare, & docere; ergo cum alia sit causa monachi, & alia clerici, ut Hieronymus dicit ad Heliodorum, (*epist. I. à med.*) videtur, quod non liceat Religiosis prædicare, docere, & alia hujusmodi facere.

3. Præterea. Gregorius dicit in Registro: (*lib. 4. Epist. I.*) *Nemo potest Ecclesiasticis obsequiis servire, & in monastica regula ordinate persistere.* (Et hoc habetur 16. quæst. 1. *cap. 2.*) Sed monachi tenentur in monastica regula ordinate persistere: ergo videtur, quod non possint Ecclesiasticis obsequiis serviri: docere autem, & prædicare pertinent ad Ecclesiastica obsequia: ergo videtur, quod non liceat eis prædicare, aut docere, aut aliquid hujusmodi facere.

Sed contra est, quod Gregor. dicit, & habetur 16. quæst. 1. (*cap. 24.*) „*Ex auctoritate hujusmodi decreti, quod Apostolico moderamine, & pietatis officio à nobis est constitutum, sacerdotibus monachis Apostolorum figuram tenentibus liceat prædicare, baptizare, communionem dare, pro peccatoribus orare, pœnitentiam imponere, atque peccata solvere.*“

Respondeo dicendum, quod aliquid dicitur alicui non licere *dupliciter*. *Uno modo*, quia habet in se quod contrariatur ei, quod dicitur non licere: sicut nulli homini licet peccare, quia habet in se quilibet hominum rationem, & obligationem ad legem Dei, quibus contrariatur peccatum. Et hoc modo dicitur alicui non licere prædicare, vel docere, vel aliquid hujusmodi facere, quia habet in se aliquid quod his repugnat: *vel* ratione precepti, sicut iis qui sunt irregulares ex statuto Ecclesiaz non licet ascendere ad sacros Ordines,

tes, vel propter peccatum, secundum illud Ps. 49.
Peccatori autem dixit Deus: quare tu enarras justitias
meas? Hoc autem modo non est illicitum Religiosis præ-
dicare, docere, & hujusmodi facere: tum quia ex vo-
to, & præcepto regulæ non obligantur ad hoc quod
ad his abstineant: tum etiam quia non redundunt ad
hoc minus idonei ex aliquo peccato commisso, sed
magis, idonei ex exercitio sanctitatis, quod assump-
serunt.

Stultum autem est dicere, quod per hoc, quod ali-
quis in sanctitate promovetur, efficiatur minus ido-
neus ad spiritualia officia exercenda. Et ideo stulta
est quorundam opinio dicentium, quod ipse status Re-
ligionis impedimentum affert talia exequendi. Quorum
errorem Bonifacius Papa IV. (tom. 5. Concil.) rationi-
bus supra dictis excludit dicens, ut habetur 16. quæst. I.
(cap. 25.) „Sunt nonnulli nullo dogmate fulti, au-
,, dacissimo quidem zelo magis amaritudinis quam di-
„lectionis inflammati, asserentes, monachos, qui
„mundo mortui sunt, & Deo vivunt, Sacerdotalis
„officij potentia indignos: sed omnino labuntur.“
Quod ostendit: Primo quidem, quia non contrarie-
tur regulæ: subdit enim: Neque enim B. Benedictus,
monachorum præceptor almificus, hujusmodi rei aliquo mo-
do fuit interdictor: & similiter nec in aliis regulis hoc
prohibetur. Secundo improbat prædictum errorem ex
Idoneitate monachorum, cum in fine cap. subdit: Quanto
quisque est excellentior, tanto & in illis, spiritualibus
scilicet operibus, potentior.

Alio modo dicitur aliquid non licere alicui, non
propter contrarium quod habeat, sed propter hoc quod
deficit ei, unde illud possit; sicut Diacono non li-
cet Missam celebrare, quia non habet ordinem Sa-
cerdotalem: & Presbytero non licet sententiam ferre,
quia non habet Episcopalem auctoritatem. In quibus
tamen est distinguendum. Quia ea quæ sunt Ordinis,
committi non possunt, nisi ei qui ordinem habet:
sicut Diacono non potest committi ut celebret Mis-
sam, nisi fiat Sacerdos: ea vero, quæ sunt jurisdictionis,
committi possunt eis, qui non habent ordi-
nariam jurisdictionem: sicut prolatio sententiae com-
mit-

mittitur ab Episcopo simplici Sacerdoti. Et hoc mede-
dicitur non licere monachis, & aliis Religiosis prædicare,
docere, & alias hujusmodi facere; quia status Re-
ligionis non dat eis potestatem hujusmodi faciendi: Pe-
sunt tamen ista facere, si ordinem accipient, vel ordi-
narlam jurisdictionem, aut etiam si eis committantur ea
quaæ sunt jurisdictionis.

Ad primum ergo dicendum, quod ex verbis illis
habetur, quod monachi, ex hoc quod sunt monachi,
non banniscuntur potestatem talia faciendi, non autem
quod ex hoc quod sunt monachi, habeant aliquid con-
trarium executioni talium actuum.

Ad secundum dicendum, quod illud etiam Statutum
Nicæni Concilii præcipit, ut monachi non usurpet sibi
ex hoc quod sunt monachi, potestatem hujusmodi actus
exercendi; non autem prohibet, quia ista possunt eis
committi.

Ad tertium dicendum, quod illa duo se non com-
patiuntur; scilicet, quod aliquis ordinariam curam Ec-
clesiasticorum officiorum habeat, & monasticam regu-
lam in monasterio servet: per hoc tamen non exclu-
ditur, quin Monachi, & alii Religiosi possint inter-
dum circa Ecclesiastica officia occupari ex commissione
Prælatorum, qui ordinariam curam habent, & præcipue
illi, quorum Religiones ad hoc suat specialiter insti-
tutæ, ut infra dicetur. (q. 188. art. 4.)

ARTICULUS II.

895

Utrum Religiosis liceat secularia negotia tractare.

*Inf. q. 118. art. 2. & opusc. 19. c. II. & Rom. 16. in
fin. & 2. Tim. 2.*

Ad secundum sic proceditur. Videtur, quod Reli-
giosis non liceat secularia negotia tractare. Dicitur
enim in prædicto Decreto Bonifacii Papæ IV. (c. *Sunt
nonnulli 16, quæst. 1.*) quod „Beatus Benedictus eos
„secularium negotiorum dixit expertes fore; quod qui
„dem Apostolicis documentis, & omnium Sanctorum
„Patrum institutis, non solum Monachis, sed etiam
„Ca-

canonicis omnibus magnopere imperatur, " secundum ad 2. ad Tim. 2. Nemo militans Deo implicat se secu-
lari negotiis : sed omnibus Religiosis imminet , quod
pertinet Deo : ergo non licet eis secularia negotia
exercere.

2. Præterea. 1. ad Thess. 4. dicit Apost. Operam
ut quieti sitis , & ut negotium vestrum agatis:
(interl.) Dismissis alienis , quod vobis utile est in
modationem vitæ . Sed Religiosi specialiter assumunt
em emendationis vitæ : ergo uon debent secularia
negotia exercere.

3. Præterea. Super illud Matth. 11. „ Ecce qui
nullibus vesciuntur , in domibus Regum sunt , dicit
Ieron. Ex hoc ostenditur , rigidam vitam , & aust-
eram prædicationem vitare debere aulas Regum , &
nullum hominum palatia declinare : " Sed necessi-
tatem negotiorum Ingerit hominem ad frequen-
tiam Regum palatia : ergo non licet Religiosi aliqua
negotia secularia pertractare.

Sed Contra est , quod Apostol. dicit ad Rom. nlt.
ommodo vobis Phœben sororem nostram : postea sub-
it: Et assistatis ei , in quoque negotio vestri indi-
cuit.

Respondeo dicendum , quod , sicut supra dictum est,
(v. a. 1. & 7.) status Religionis est ordinatus
perfectionem charitatis consequendam : ad quam
principaliter pertinet Dei dilectio , secundario
dilectio proximi. Et ideo Religiosi præcipue &
propter se debent intendere ad hoc , quod Deo videntur.
Nam necessitas proximis immineat , eorum negotia
charitate agere debent , secundum illud ad Galat. 6.
alterius onera portate ; & sic adimplebitis legem
: quia in hoc ipso quod proximis serviant propter
dilectioni divinæ obsequuntur. Unde dicitur
1. „ Religio munda , & immaculata apud Deum ,
Patrem hæc est , visitare pupillos , & viduas in
tribulatione eorum : Gl. (interl.) id est , Succurrere eis
qui carent præsidio , in tempore necessitatis. Est ergo
causa cupiditatis secularia negotia nec
Monachis gerere , nec Clericis licet : causa vero cha-
ritatis se negotiis secularibus cum debita moderatio-

„ ne

, ne ingerere possunt , secundum Superioris licentiam,
in ministrando , & dirigendo. “

Unde dicitur in Decret. dist. 88. (cap. 1.) , De
, crevit sancta Synodus , nullum deinceps Clericū aut
, possessiones conducere , aut negotiis secularibus se
, immiscere , nisi propter curam aut pupillorum , aut
, orphanorum , aut viduarum , aut si forte Episcopū
, civitatis Ecclesiasticarum rerum solitudinem eum
, habere præcipiat. “ Eadem autem ratio est de Reli-
giosis , ac Clericis: quia utrisque similiter negotia se-
cularia interdicuntur , ut dictum est. (in cor. a.)

Ad primum ergo dicendum , quod Monachis inter-
dicitur secularia negotia tractare propter cupiditatem
non autem propter charitatem.

Ad sedundum dicendum , quod non est curiositas ,
sed charitas , si propter necessitatem aliquis se negotiis
secularibus immisceat.

Ad tertium dicendum , quod frequentare palatia Re-
gum propter delicias , vel gloriam , vel cupiditatem ,
non competit Religiosis , sed ea adire propter pias cau-
sas eis competit. Unde dicitur 4. Reg. 4. quod El-
seus dixit ad mulierem. *Nunquid non habes negotium , ut
vis ut loqueris Regi , vel Principi militiae?* Similiter etiam
convenit Religiosis adire Regum palatia ad eos arguen-
dos , & dirigendos : sicut Joannes Baptista arguebat He-
rodem , ut dicitur Matth. 14.

ARTICULUS III.

896

Utrum Religiosi manibus operari teneantur.

3. dist. 17. q. 3. a. 1. q. 4. & quol. 9. a. 4. &
op. 19. c. 4. & c. 17. ad 1.

And Tertium sic proceditur. Videtur , quod Reli-
giosi manibus operari teneantur. Non enim excusat
Religiosi ab observantia præceptorum : sed operari ma-
nibus est in præcepto , secundum illud 1. ad Thess. 4.
Operamini manibus vestris , sicut præcepimus vobis: unde
& August. in lib. de operibus Monach. (c. 30. in
princ. tom. 3.) dicit: *Cæterum quis ferat hominas con-*

id est , Religiosos non operantes , de quibus
loquitur , „ saluberrimis Apostoli monitis resistentes ,
De sicut infirmiores tolerari , sed sicut etiam sanctio-
nates prædicari ? “ ergo videtur , quod Religiosi tenean-
t manibus operari .

aut. 1. Præterea . 2. ad Thess. 3. super illud : *Si quis*
opus vult operari , nec manducet , dicit Gl. (ord. Aug.
eum de op. Monach. cap. 1. & 2. tom. 3.) „ Dicunt
quidam , de operibus spiritualibus hoc Aposto-
lam præcepisse , non de opere corporali , in quo
agricolæ , vel opifices laborant. Et infra , (c. 2. in
terti. 11.) Sed superfluo conantur & sibi , & cæteris cali-
tem pœm obducere , ut quod utiliter monet charitas ,
solum facere nolint , sed nec etiam intelligere .
Et infra , (c. 3.) Vult servos Dei corporaliter ope-
ri , unde vivant : “ Sed præcipue Religiosi servi
dominantur , utpote se totaliter divino servitio
anticipantes , sicut patet per Dionys. 6. c. Eccl. Hier.
med.) ergo videtur , quod teneantur manibus
operari .

3. Præterea . August. dicit in lib. de oper. Mo-
nach. (c. 17. in princ. tom. 3.) „ Quid agant , qui ope-
rari corporaliter nolunt , cui rei vident , scire desi-
dero . Orationibus , (inquit) vacamus , & psalmis ,
& lectionibus & verbo Dei . “ Sed quod per ista non
videntur ostendit per singula . Nam primo de oratio-
ne dicit : *Citius exauditur uia obedientis oratio , quam*
littera contemptoris , illos contemptores intelligens
& indignos exandrit , qui manibus non operantur . Se-
condo de divinis laudibus subdit : „ Cantica vero divi-
næ cantare etiam manibus operantes facile possunt . “
Tertio subiungit de lectione : „ Qui autem se dicunt lec-
tioni vacare , nonne ibi inveniunt , quod præcipit
*Apostolus ? Quæ est ergo ista perversitas lectioni nol-
le obtemperare , dum vult ei vacare ? “ Quarto sub-
iungit , (c. 18.) de prædicatione : „ Si autem alieni ser-
vizio erogandus est , & ita occupatur , ut manibus ope-
rari non varet , numquid in monasterio omnes hoc
possunt ? Quando ergo non omnes possunt , cur om-
nes sub hoc obtentu vacare volunt ? quanquam etsi
omnes possent , vicissim facere deberent , non solum*
„ ut

„ ut cæteri necessariis operibus occuparentur , sed etiam
 „ quia sufficit , ut multis audientibus unus loquatur;
 „ ergo videtur , quod Religiosi non debeant cessare
 „ manuali opere propter hujusmodi spiritualia opera,
 „ quibus vacant .“

4. Præterea . Lucæ 12. super illud : *Vendi quæ
 possidetis &c.* dicit Glos. (ordin.) „ Non tantum di-
 „ bos vestros communicare pauperibus , sed etiam ves-
 „ dite possessiones vestras ; ut omnibus vestris sead
 „ pro Domino spretis , postea labore manuum vestiarum
 „ opere inini , unde vivatis , vel eleemosynam faciatis .“
 Sed ad Religiosos pertinet proprie omnia sua reloquere:
 ergo videtur , quod etiam eorum sit de labore manuum
 suarum vivere , & eleemosynas facere .

5. Præterea . Religiosi præcipue videntur teneri Apo-
 stolorum vitam imitari : quia statum perfectionis pro-
 tentur : sed Apostoli manibus propriis laborabant , se-
 cundum illud 1. ad Corinth. 4. *Laboramus operante
 manibus nostris :* ergo videtur , quod Religiosi teneantur
 manibus operari .

Sed Contra . Ad præcepta observanda , quæ com-
 niter omnibus proponuntur , eodem modo tenentur Re-
 ligiosi , & seculares . Sed præceptum de opere ma-
 nuali communiter omnibus proponitur , ut patet 2. ad
 Thess. 3. *Subtrahatis vas ab omni fratre ambulante hor-
 dinate . &c.* Fratrem autem nominat quemlibet Christia-
 num , (sicut & 1. Corinth. 7. *Si quis frater uxorem la-
 bet infidelem &c.*) Et ibidem dicitur ; *Si quis non re-
 operari , nec manducet :* non ergo Religiosi magis tene-
 tur manibus operari , quam seculares .

Respondeo dicendum , quod , labor manualis ad ga-
 tuor ordinatur . Primo quidem , & principaliter ad vi-
 tuin quærendum . Unde primo homini dictum est : (Ge-
 nes. 3.) *In sudore vultus tui vesceris pane tuo .* Et si
 Psal. 127. *Labores manuum tuarum quia manducabis , &c.*
 Secundo ordinatur ad tollendum otium , ex quo multa
 mala oriuntur . Unde dicitur Eccl. 33. *Mittie seru-
 tuum in operationem , ne vacet . Multam enim malitiam de-
 cuit otiositas .* Tertio ordinatur ad concupiscentia re-
 nunciationem , in quantum per hoc maceratur corpus . Ut
 de 2. ad Corinth. 6. dicitur : *In laboribus in jejuniis*

In vigiliis, in castitate. Quarto autem ordinatur ad elemosynas faciendas. Unde dicitur ad Ephes. 4., Qui futrabatur, jam non furetur: magis autem laboret operando manibus suis, quod bonum est, ut habeat unde tribuat necessitatem patienti. Secundum ergo quod labor manualis ordinatur ad victimum quærendum, cadit necessitate præcepti, prout est necessarius ad talem item: quod enim ordinatur ad finem necessitatem habet; ut scilicet in tantum sit necessarium, in quantum finis sine eo esse non potest. Et ideo,, qui non habet aliunde, unde vivere possit, tenetur manibus operari, eujuscumque sit conditionis.

Et hoc significant verba Apostoli dicentis: „Qui non vult operari, nec manducet: Quasi diceret: Ea necessitate aliquis tenetur ad operandum manibus, qua tenetur ad manducandum.“ Unde si quis absque mandatione posset vitam transigere, non teneretur manibus operari. Et eadem ratio est de illis, qui non habent alias, unde licite vivere possint. Non enim intelligitur aliquis posse facere, quod non licite facere potest. Unde & Apostolus non invenitur opus manuum præcepisse, nisi ad excludendum peccatum eorum, qui illicite victimum acquirebant. Nam primo quidem præcipit Apostolus opus manuale ad evitandum furtum, ut patet ad Ephes. 4. Qui futrabatur, jam non furetur: magis autem laboret operando manibus suis. Secundo ad vindictam cupiditatem alienarum rerum. Unde dicitur 1. ad Thessalonicens. 4. Operamini manibus vestris, sicut præcepimus vobis, ut honeste ambuletis ad eos, qui fortis sunt. Tertio ad evitanda turpia negotia, ex quibus aliqui victimum acquirunt. Unde 2. ad Thessal. 3. dicit: „Cum essemus apud vos, hoc denunciabamus vobis, non quoniam si quis non vult operari, nec manducet. Aut divulgans enim, quosdam inter vos ambulantes inquiete, nihil operantes, sed curiose agentes: Glos. (ord.) qui fœda cura necessaria sibi provident. His autem qui hujusmodi sunt, denunciamus, & obsecramus, ut cum silentio operantes panem suum manducent.“ Unde Hieronymus dicit super epist. ad Gal. (in Proam. libri 2. commentar. sup. hanc epist. vers. fin.) quod Apostolus hoc dixit, non tam officio docentis, quam virtutis gentis.

Scien-

Sciendum tamen, quod sub opere manuali intelliguntur omnia humana officia, ex quibus homines licet victum lucrantur, sive manibus, sive pedibus, sive lingua fiant. Vigiles enim, & cursores, & alii hujusmodi suo labore viventes, intelliguntur de operibus, manuum vivere. Quia enim manus est organum organorum, per opus manuum omnis operatio intelligitur, de qua aliquis victum licite potest lucrari.

Secundum autem quod opus manuale ordinatur ad otium tolleendum, vel ad corporis macerationem, non cadit sub necessitate præcepti secundum se consideratum: quia multis aliis modis potest vel caro macerari, vel etiam otium tolli, quam per opus manuale, maceratur enim caro per jejunia, & vigilias, & otium tollitur per meditationes sacrarum Scripturarum, & laudes divinas. Unde super illud Psal. 118., Defecerunt oculi mihi, in eloquium tuum, dicit Glos. (ord.) Non est otium, qui verbo Dei tantum studet: nec pluris est, qui extra operatur, quam qui stndium cognoscendis, veritatis exercet. Et ideo propter has causas Religiosi, non tenentur ad opera manualia, sicut nec seculares, nisi forte ad hoc per statuta sui Ordinis obligentur. Sicut Hieronymus dicit in epist. ad Rusticum monachum (qua est 4. cir. med.), Aegyptiorum monasteria huc tenent morem, ut nullum absque operis labore socii, piant, non tam propter victus necessitatem, quam propter animæ salutem, ne vagetur perniciose cogitationibus.

In quantum vero opus manuale ordinatur ad elemosynas faciendas, non cadit sub necessitate præcepti: nisi forte in aliquo casu, in quo ex necessitate te aliquis eleemosynas facere teneretur, & non posset alias habere unde pauperibus subveniret: in quo casu obligarentur similiter Religiosi, & seculares ad opera manualia exequenda.

Ad primum ergo dicendum, quod præceptum illud, quod ab Apostolo proponitur, est de jure naturali. Unde super illud 2. ad Thess. 3. Ut subtrahatis vos ab omni fratre inordinate ambulante, dicit Glos. (interlin.) alter quam ordo naturæ exigit. Loquitur autem de his, qui ab opere manuali cessabant. Unde & natura namis

homini dedit loco armorum, & tegumentorum, quæ aliis animalibus tribuit, ut scilicet per manus hæc, & alia omnia necessaria conquirat. Ex quo patet, quod communiter ad hoc præceptum tenentur & Religiosi, & Seculares, sicut ad omnia alia legis naturalis præcepta. Non tamen peccant, quicunque manibus non operantur: quia ad illa præcepta legis naturæ, quæ pertinent ad bonum multorum, non tenentur singuli: sed sufficit quod unus vacet huic officio, & alius alii; puta quod quidam sint opifices, quidam agricolæ, quidam judices, quidam doctores, & sic de aliis, secundum illud Apostoli 1. ad Cor. 12. *Si totum corpus oculus, ubi auditus?* *& si totum auditus, ubi odoratus? &c.*

Ad secundum dicendum, quod Glossa illa sumitur ab Aug. in lib. de operibus Menachorum, in quo loquitur contra monachos quosdam, qui dicebant, non esse licitum servis Dei manibus operari, propter hoc quod Dominus dicit Matth. 6. *Ne solliciti sitis animæ vestræ, quid manducetis.* Nec tamen per hæc verba inducitur necessitas Religiosis manibus operandi, si habent aliunde unde vivere possint. Quod patet per hoc quod subdit: *Vult servos Dei corporaliter operari, unde vivant.* Hoc autem non magis pertinet ad Religiosos, quam ad Seculares. Quod patet ex duabus. Primo quidem ex ipso modo loquendi, quo Apostolus utitur, dicens: *Ut subtrahatis vos ab omni fratre ambulante inordinate Fratres enim omnes Christianos vocat, nondum enim erant tunc temporis Religiones institutæ.* Secundo, quia Religiosi non tenentur ad alia, quam Seculares, nisi propter regulæ professionem, & ideo si in statutis regulæ non contineatur aliquid de opere manuali, non tenentur aliter ad operandum manibus Religiosi, quam Seculares.

Ad tertium dicendum, quod omnibus illis operibus spiritualibus, quæ ibi tangit Augst. potest aliquis vacare *dupliciter: uno modo*, quasi deserviens utilitati communi: *alio modo*, quasi insistens utilitati privatæ. Illi ergo qui prædictis operibus spiritualibus publice vacant, excusantur per hujusmodi opera spiritualia ab opere manuali, *duplici ratione: primo* quidem, quia oportet eos totaliter esse occupatos circa hujusmodi opera: *secundo*

quia hujusmodi opera exercentibus debetur subministratio victus ab his, quorum utilitati deserviunt. Illi vero qui prædictis operibus non quasi publicis, sed quasi privatibus vacant, non oportet quod per hujusmodi opera manualibus operibus abstractantur: nec etiam fit eis debitum, ut de stipendiis fidelium vivant. Et de talibus loquitur Augustinus. Quod enim dicit: „Cantica divisa, na cantare etiam manibus operantes possunt, exemplo opificum, qui fabulis linguis dant, cum tamen manus ab opere non recedant,“ manifestum est, quod non potest intelligi de his, qui Horas Canonicas in Ecclesia decantant; sed intelligitur de his, qui Psalmos, vel Hymnos dicunt quasi privatas orationes. Similiter quod dicit de lectione, & oratione, referendum est ad orationes, & lectiones privatas, quas etiam laici interdum faciunt; non autem ad illos, qui publicas orationes in Ecclesia faciunt, vel etiam publicas lectiones in scholis legunt. Unde non dicit: *Qui dicunt se vacare doctrinæ, vel instructioni*: sed: *Qui dicunt se vacare Icclæ*. Similiter etiam de prædicatione loquitur, non quæ sit publice ad populum, sed quæ specialiter fit ad unum, vel ad paucos per modum private admonitionis. Unde signanter dicit: *Si alicui sermo erogandus est. Nam, siicut Glos. (interl. sup. illud: Sermo meus, ut prædictio) dicit 1. ad Corinth. 2. Sermo est, qui privatim fit prædicatio, quæ fit in communione.*

Ad quartum dicendum, quod illi qui omnia propter Deum spernunt, tenentur manibus operari, quando alii non habent unde vivant, vel unde eleemosynas faciant, in casu in quo facere eleemosynam cadit sub præcepto: non autem aliter, ut dictum est. (*In corp. art.*) Et secundum hoc loquitur Glossa inducta.

Ad quintum dicendum, quod hoc, quod Apostoli manibus laboraverint, quandoque quidem fuit necessitatis, quandoque vero supererogationis. Necessitatis quidem, quando ab aliis victimum invenire non poterant. Unde super illud 1. ad Corinth. 4. *Laboramus operantes manibus nostris*, dicit Glos. (*Interl.*) quia nemo dat nobis. Supererogationis autem, ut patet per illud quod habetur 3. ad Corinth. 9. ubi dicit Apostolus, quod non est *esus potestate quam habebat vivendi de Evangelio. Hac*

autem supererogatione utebatur Apostolus *tribus de causis*. Primo quidem, ut occasionem prædicandi auferret pseudoapostolis, qui propter sola temporalia prædicabant. Unde dicit 2. ad Corinth. 11. *Quod autem facio, et faciam, ut ampatem eorum occasionem: &c.* Secundo ad evitandum gravamen eorum, quibus prædicabat. Unde dicit 2. ad Corinth. 12. *Quid minus habuistis pro cæteris Ecclesiis, nisi quod ego ipse non gravavi us?* Tertio ad eandem exemplum operandi otiosis. Unde 2. ad Thes. 3. dicit: *Nocte, et die operantes, ut formam daremus vobis ad imitandum nos.* Quod tamen Apostolus non faciebat in locis, in quibus habebat facultatem quotidie prædicandi, sicut Athenis, ut Augustinus dicit in lib. de operibus Monach. (cap. 18. tom. 3.) Non autem propter hoc religiosi tenentur Apostolum in hoc imitari, cum non teneantur ad omnes supererogationes. Unde nec illi Apostoli manibus operabantur.

ARTICULUS IV.

897

Utrum Religiosi liceat de eleemosynis vivere.

Opus. c. 18. art. 7.

AND Quartum sic proceditur. Videtur, quod Religiosi non liceat de eleemosynis vivere. Apostolus enim 1. ad Timothi, 5. præcipit, ut viduæ quæ possunt aliunde sustentari, non vivant de eleemosynis Ecclesiæ, ut Ecclesia sufficiat illis, quæ vere viduæ sunt. Et Hieronymus dicit ad Damas. Papam (ut cit. q. 185. a. 7. a. 3.) quod
 "qui bonis parentum, & oibus sustentari possunt, si
 "quod pauperum est, accipiunt, sacrilegium profecto
 "committunt, & per abusionem talium judicium sibi
 "mauducant, & bibunt: "Sed Religiosi possunt de la-
 bore manuum sustentari, si sunt validi, ergo videtur,
 quod peccent, eleemosynas pauperum comedendo.

2. - Præterea. Vivere de sumptibus fidelium, est merces deputata prædicantibus Evangelium pro suo labore, vel opere, secundum illud Matth. 10. *Dicilis est opera- rius cibo suo:* Sed prædicare Evangelium non pertinet ad Religiosos, sed maxime ad Prælatos, qui sunt pastores,

& doctores: ergo Religiosi non possunt licite vivere de eleemosynis fidelium.

3. Præterea. Religiosi sunt in statu perfectionis: sed perfectius est dare eleemosynas, quam accipere, dicitur enim Actor. 20. *Beatus est magis dare, quam accipere:* ergo non debent de eleemosynis vivere; sed magis ex operibus manuum suarum eleemosynas dare.

4. Præterea. Ad Religiosos pertinet impedimenta virtutis, & occasiones peccati vitare: sed acceptio eleemosynarum præbet occasionem peccati, & impedit virtutis actum: unde super illud 2. ad Thessalon. ultim. *Ut nos met ipsos formam daremus vobis*, dicit Glossa, (ordin. Ambros.) *Qui frequenter ad alienam mensam comedit olla deditus, adulteretur necesse est pascenti se.* Dicitur Exod. 23. *Ne accipias munera, quæ excœcant prudentes, & subvertunt verba justorum:* & Proverb. 22. dicitur: *Qui accipit mutuum, servus est sœnerantis;* quod est religioni contrarium: unde super illud 2. ad Thessalon. ult. *Ut nos met ipsos formam daremus &c.* dicit Glossa: *Religio nostra ad libertatem homines advocat:* ergo videtur, quod Religiosi non debeant de eleemosynis vivere.

5. Præterea. Religiosi præcipue tenentur imitari Apostolorum perfectionem: unde Apost. dicit ad Philip. 3. *Quicumque perfecti sumus, hoc sentiamus:* Sed Apostolus nolebat vivere de sumptibus fidelium, ut occasionem auferret pseudoapostolis, sicut ipse dicit 2. ad Corinthi 11. & ne scandalum poneretur infirmis; ut patet 1. ad Corinthi. 9. ergo videtur, quod propter easdem causas Religiosi debeant abstinere, ne de eleemosynis vivant, unde & Augustinus dicit in libro de oper. Monach. (cap. 28. *inf. tom. 3.*) „Amputetis occasionem turpium aundinarum, quibus existimatio vestra læcitur, & infirmis offendiculum ponitur; & ostendite hominibus, non vos in otio facilem victum, sed per angustiam, & arcam viam regnum Dei quærere.“

Sed contra est, quod, sicut Gregorius dicit in 2. Dialog. (cap. 1. circ. med.) „P. Benedictus tribus annis in specu permanens, de his quæ à Romano monacho ministrabantur, refectus est, postquam dominus parentesque reliquerat.“ Et tamen validus corpore existens, non legitur de labore manuum quæsivisse vic-

tum : ergo Religiosi licite possunt de eleemosynis vivere.

Respondeo dicendum , quod unicuique licet vivere de eo , quod suum est , vel sibi debitum . Fit autem aliquid alicuius ex liberalitate donantis . Et ideo „ Religiosi , & Clerici , quorum monasteriis , vel Ecclesiis ex munificentia principum , vel quorumcun- „ que fidelium sunt facultates collocatae , ex quibus sus- „ tententur , possunt de eis vivere licite , absque hoc „ quod manibus laborent ; & tamen certum est eos de „ eleemosyna vivere . Unde & similiter , si aliqua mo- „ bilia Religiosis à fidelibus conferantur , possunt de „ eis licite vivere .⁴⁴ Stultum enim est dicere , quod ali- quis in eleemosynam possit accipere magnas possessio- nes , non autem panem , vel parvam pecuniam . Sed quia hujusmodi beneficia Religiosis videntur esse collata ad hoc , quod liberius religiosis actibus insistere possint , quorum cupiunt se fore participes qui temporalia sub- ministrant , redderetur eis usus prædictorum donorum illicitus , si ad actibus religiosis desisterent : quia sic , quantum est de se , & defränderent intentionem eorum , qui talia bevericia contulerunt .

Debitum autem est alicui aliquid tripliciter . Uno modo propter necessitatem , quæ facit omnia communia , ut Ambrosius dicit : (colligitur ex serm . 64. de Temp. versus fin .) ideo si Religiosi necessitatem patiantur , licite possunt de eleemosynis vivere . Quæ quidem necessitas potest esse tripliciter . Primo quidem propter corporis infirmitatem ; ex qua coatingit , quod non possint sibi labore mannum victum querere . Secundo , si illud quod ex opere manuali conquirunt , eis ad victum non sufficiat . Unde Augustinus dicit in libro de oper . Monach . (c . 17. art . med . tom . 3.) quod „ bona opera fidelium subsi- dio supplendorum necessariorum deesse non debent servis Dei , qui manibus operantur : ut horæ , quibus ad ern- diendum animalium ita vacatur , ut illa corporalia ope- ra geri non possint , non opprimant egestate .⁴⁵ Tertio propter pristinam conversationem eorum qui non con- suerant manibus laborare . Unde August . dicit in lib . de oper . Monach . (c . 21. in princ . tom . 3.) quod „ si habebant aliquid in seculo , quo facile sine opificio sustentarent istam vitam , quod conversi ad Deum in-

„ diligentibus disperiti sunt , & credenda est eorum in-
„ firmitas , & ferenda. Solent enim tales delicatius edu-
„ cati , laborem operum corporalium sustinere non posse.“

*Alio modo efficitur aliquid alicui debitum ex eo
quod ipse exhibet , sive sit aliquid temporale , sive spi-
rituale , secundum illud 1. ad Cor. 9. Si nos vobis spi-
ritualia seminavimus , magnum est , si carnalia vestra me-
tamus ? Et secundum hoc quadrupliciter poscent Religio-
si de elemosynis vivere , quasi sibi debitis. Primo qui-
dem , si prædicent auctoritate Prælatorum. Secundo si
sint ministri altaris : quia , ut dicitur 1. ad Corinth. 9.
Qui altari deserviunt , cum altari participant. Ita & Do-
minus ordinavit his qui Evangelium annuntiant , de
Evangelio vivere. Unde & August. dicit in lib. de ope-
ribus Monach. (c. 21. in princ. tom. 3.) „Si Evange-
„ listæ sunt , fateor , habent potestatem vivendi de
„ sumptibus fidelium : si ministri altaris , dispensatores
„ sacramentorum , bene sibi istam non arrogant , sed
„ plane vendicant potestatem :“ Et hoc ideo , quia sa-
crificium altaris ubicumque agatur , commune est toti
populo fidelium. Tertio , si insistat studio sacræ Scrip-
turæ ad communem utilitatem totius Ecclesie. Unde
Hieron. dicit contra Vigilantium : (c. 5. cir. med. V in-
eipit : *Multa in orbe.*) „ Hæc in Judæa usque hodie per-
„ severat consuetudo , non solum apud nos , sed etiam
„ apud Hebræos , ut qui in lege Domini meditantur
„ die ac nocte , & partem non habent in terra , ni-
„ si solum Deum , Synagogarum , & totius orbis fo-
„ ventur ministeriis. “ Quarto , si bona temporalia que
habent , monasterio largiantur , de elemosynis monas-
terio factis possunt vivere. Unde August. dicit in lib.
de operibus Monachor. (c. 25. à med. tom. 3.) „quod
„ his qui reicta , vel distributa sive ampla , sive qua-
„ licunque opulenta facultate inter pauperes Christi pi-
„ & salubri humilitate numerari voluerunt , vicem sibi
„ tentandæ vitæ eorum res ipsa communis , & frater-
„ na charitas debet ; qui laudabiliter agunt , si mani-
„ bus operentur: quod quidem si nolint , quis audeat
„ eos cogere ? Nec est attendendum , ut ibid. subditum
„ in quibus monasteriis , vel in quo loco indigentibus fra-
„ tribus quisque id quod habebat , impenderit , omnia in
„ eum*

„enim Christianorum una respublica est.“
 „Si vero aliqui sint Religiosi , qui absque necessitate, & utilitate, quam afferant, velint otiosi de elemosynis quæ dantur pauperibus , vivere , hoc est eis illicitum :“ Unde August. dicit in lib. de oper. Mon. (e. 22. tom. 3.) „Plerumque ad hanc professionem seruitus Dei & ex conditione servili aliqui veniunt, & ex vita rusticana , & ex opificum exercitatione , & plebejo labore ; de quibus non apparet , utrum ex proposito servitutis Dei venerint , an vitam inopem , & laboriosam fugientes , vacui pasci , atque vestiri volunt , & insuper honorari ab eis , à quibus contempni , conterique consueverant. Tales ergo se, quod minus operentur , de infirmitate corporis excusare non possunt: præterita quippe vitæ consuetudine conviaticuntur.“ Et postea subdit: (cap. 25. non procul à fin.) „Si volunt operari , non manducent. Neque enim propterea ad pietatem divites humiliantur , ut pauperes ad superbiam extollantur. Nullo enim modo decet , ut in ea vita , ubi senatores sunt laboriosi , ibi fiant opifices otiosi , & quo veniunt , relictis deliciis suis , qui fuerant prædiorum domini , ubi sunt rusticci delicati.“

Ad primum ergo dicendum , quod auctoritates illæ sunt intelligendæ tempore necessitatis , quando scilicet non posset aliter pauperibus subveniri. Tunc enim tenentur non solum ab eleemosynis accipiendis desistere , sed etiam sua , si qua haberent , largiri ad pauperum sustentationem.

Ad secundum dicendum , quod Prælatis competit prædicatio ex officio : Religiosis autem potest competere ex commissione. Et ita cum laborant in agro dominico possunt exinde vivere , secundum illud 2. ad Timoth. 2. Laborantem agricultoram oportet primum de fructibus percipere: Ubi dicit Glos. (ord.) Id est , prædicatorem , qui in agro Ecclesie , ligone verbi Del excolit corda auditorum. Possunt etiam de Evangelio vivere , qui præparatoribus ministrant. Unde super illud ad Rom. 15. Si spiritualium eorum participes facti sunt gentiles , debent ut in carnalibus ministrare eis , dicit Glos. (interl.) scil. Judæis , qui miserunt Prædicatores ab Hier-

rosolymis. Sunt & aliæ causæ, ex quibus alicui debetur, ut de sumptibus fidelium vivat, ut dictum est, (*in corp. a.*)

Ad tertium dicendum, quod, cæteris paribus, dare est perfectius, quam accipere. Et tamen dare, vel relinquere omnia sua pro Christo, & modica accipere ad sustentationem vite, melius est, quam dare aliqua particulariter pauperibus, ut ex supra dictis patet (*q. 186. a. 3. ad 6.*)

Ad quartum dicendum, quod accipere munera ad divitias augmentandas, vel accipere victum ab aliquo sibi non debitum, absque utilitate, & necessitate, præstat occasionem peccati: quod non habet locum in Religiosi, ut ex supra dictis patet. (*in corp. a.*)

Ad quintum dicendum, quod quando appetit manifesta necessitas, & utilitas, propter quam aliqui Religiosi de eleemosynis vivant absque opere manuali, scandalizantur ex hoc infirmi, sed malitiosi more Phariseorum; quorū scandalum contemnendum Dominus docet Matth. 15. Sed si non esset evidens, necessitas, & utilitas, posset exinde generari scandalum infirmis, quod esset vitandum, idem tamen scandalum immovere potest de his, qui facultatibus communibus otiose ntuntur.

ARTICULUS V.

893

Utrum Religiosis liceat mendicare

3. conc. c. 135. & quol. 7. art. 18. ad 7. & opus. 17.
c. 14. 15. & 16. & opus. 19. c. 7.

Ad quintum sic proceditur. Videtur, quod Religiosi non liceat mendicare. Dicit enim August. in lib. de oper. Monach. (c. 28. ante med. tom. 3.) Tam multos hypocritas sub habitu monachorum usquequaque dispersit callidissimus hostis, circumneuntes provincias. Et postea subdit: Omnes petunt, omnes exigunt aut sumptus lucrosæ egerratis, aut simulatæ pretium sanctitatis: ergo videtur, quod vita Religiosorum mendicantium sit reprobanda.

2. Præterea. 1. ad Thessal. 4. dicitur:,, Operamini manibus vestris, sicut præcepimus vobis, & ut

220

„honeste ambuletis ad eos qui foris sunt, & nullius
nihilquid desideretis:“ *Ubi dixit Glossa (ord. Petri
Lamb.)* Ideo opus est agendum, ad non otiandum, quia
„& honestum est, ad quasi lux & infideles: & non
desiderabitis rem alterius, nedium rogetis, vel tolla-
tis aliquid.“ *Et 2. Thess. 3. super illud:* Si quis non
vult operari, &c. dicit *Glossa (ord. August. l. de op.
Monach. c. 3. in princ. tom. 3.)*, Vult servos Dei cor-
poraliter operari, ut habeant unde vivant, ut non
compellantur egestate necessaria petere:“ sed hoc est
mendicare: ergo videtur, quo illicitum sit, præter-
missio opere manuali, mendicare.

3. Præterea. Illud quod est in lege prohibitum, &
iustitiae contrarium, non competit Religiosis: sed men-
dicare est prohibitum in lege divina, dicitur enim Deuter. 15. *Omnino Indigena, & mendicus non erit inter vos,*
& in Psalm. 36. *Non vidi justum derelictum, nec semen*
ejus querens panem: secundum etiam Jura Civilia pu-
nitur validus mendicans, ut habetur codice de men-
dicantibus validis: ergo non competit Religiosis men-
dicare.

4. Præterea. *Verecundia* est de turpi actu, ut Da-
masc. dicit: (*l. 2. orth. fid. c. 15.*) Sed Ambros. dicit
in lib. 1. de Off. (*cap. 30. cir. fin.*) quod verecundia
petendi ingenuos prodit natales: ergo mendicare est tur-
pe, non ergo Religiosis competit.

5. Præterea. Maxime de eleemosynis vivere compe-
tit prædicantibus Evangelium, secundum Domini sta-
tutum, ut supra dictum est: (*à præc.*) eis tamen non
competit mendicare, quia super illud 2. ad Timoth. 2.
Laborantem agricolam &c. dicit *Glos. (ord. sup. Illud:*
de fructibus percipere) *Vult Apostolus, ut Evangelista in-*
telligat, quod necessaria sumere ab eis, in quibus laborat,
non est mendicatio, sed potestas: ergo videtur, quod
Religiosis non competit mendicare.

Sed contra. Religiosis competit vivere ad imitatio-
nem Christi: sed Christus mendicavit, secundum illud
Psal. 39. *Ego autem mendicus sum, & pauper:* ubi di-
cit *Glossa (ord. Cassiod.)* *Hoc dixit Christus de se*
ex forma servi: & infra: Mendicus est, qui ab alio pe-
tit; & *pauper, qui sibi non sufficit.* Et in Psalm. 69.

Ego egenus, & pauper sum: ubi dicit Glossa: (interl. & ord. Cassiod.) *Egenus*, id est, petens, & pauper, id est, insufficiens mihi, quia mundanas copias non habeo. Et Hieronymus dicit in quadam Epistola: *Cave, nō Domino tuo mendicante, scilicet Christo, alienas divitias congeras*: ergo conveniens est Religiosis mendicare.

Respondeo dicendum, quod circa mendicationem duo possunt considerari. *Unum* quidem ex parte actus ipsius mendicationis, qui habet sibi quandam abjectionem conjunctam. Illi enim videntur abjectissimi inter homines esse, qui non solum sunt pauperes, sed instantum sunt egentes, quod necesse habent ab aliis vicum accipere. Et secundum hoc causa humilitatis aliqui laudabiliter mendicant: sicut & alia assumunt, quæ ad abjectionem quandam pertinent, quasi efficacissimam medicinam contra superbiam, quam vel in seipsis, vel etiam in aliis per exemplum extinguerent volunt. Sicut enim infirmitas, quæ est ex super excessu caloris, efficacissimæ sanatur per ea, quæ in frigiditate excidunt: ita etiam pronitas ad superbiam efficacissime curatur per ea, quæ multum abjecta videntur. Et ideo dicitur in Decr. de Pœnit. dist. 2. (c. Si quis servel Exercitia humilitatis sunt, si quis se vilioribus officiis subdat, & ministeriis indignioribus tradat: ita namque arroganter, & humanæ gloriæ vitium curari poterit. Unde Hieronymus in Epist. ad Oceanum (quæ est 30. c. 4. parum à princ.) commendat Fabiolam de hoc, quod optabat, ut suis divitiis pariter effusis pro Christo, stipem acciperet. Quod etiam beatus Alelius perfecit, qui omnibus suis propter Christum dimisisse, galebat se etiam à servis suis eleemosynas accepisse. Ede Beato Arsenio legitur in Vitis Patronum, (l. 5. n. bello 6. num. 3.) quod gratias egit de hoc, quod necessitate cogente, oportuit eum eleemosynam petere. Unde & in pœnitentiam pro gravibus culpis injungitur aliquibus, ut peregrinentur mendicantes.

Sed quia humilitas, sicut & cæteræ virtutes, ab que discretione esse non debet, ideo oportet discrete mendicitatem ad humiliationem assumere, ut ex hoc homo notam cupiditatis non incurrat, vel cuiuscumque alterius indecentie.

Alio modo potest considerari mendicitas ex parte ejus, quod quis mendicando acquirit. Et sic ad mendicandum potest homo ex duabus induci. Uno modo ex cupiditate habendi divitias, vel victum otiose : & talis mendicitas est illicita. Alio modo ex necessitate, vel utilitate : ex necessitate quidem, sicut cum aliquis non potest aliunde habere unde vivat, nisi mendicet : ex utilitate autem, sicut cum aliquis intendit ad aliquid utile perficiendum, quod sine eleemosynis fidelium facere non potest: sicut petuntur eleemosynæ pro constructione pontis, vel Ecclesiæ, vel quibuscumque aliis operibus, quæ vergunt in utilitatem communem; sicut scholares, ut possint vacare studio sapientiæ. Et hoc modo mendicitas est licita, sicut Secularibus, ita Religiosis.

Ad primum ergo dicendum, quod Augustinus ibi loquitur expresse de his, qui ex cupiditate mendicant.

Ad secundum dicendum, quod prima Glossa loquitur de petitione, quæ sit ex cupiditate, ut patet ex verbis Apostoli: alia autem Glossa loquitur de illis, qui absque omni utilitate, quam faciunt, necessaria petunt, ut otiosi vivant. Non autem otiose vivit, qui qualitercumque utiliter vivit.

Ad tertium dicendum, quod ex illo præcepto legis divinæ non prohibetur alicui mendicare: sed prohibetur divitibus, ne tam tenaces fiant, nt propter hoc aliqui egestate mendicare cogantur. Lex autem Civilis imponit penam validis mendicantibus, qui non propter utilitatem, + al. debilitatem + vel necessitatem mendicant.

Ad quartum dicendum, quod *duplicē* est turpitudine: *Una* in honestatis: *Alia* exterioris defectus: sicut turpe est homini esse infirmum, vel pauperem. Et talis turpitudine mendicitatis non pertinet ad culpam, sed ad humilitatem pertinere potest ut dictum est. (*In corp. art.*)

Ad quintum dicendum, quod, prædicantibus ex debito debetur victus ab his, quibus prædicant: si tamen non quasi sibi debitum, sed quasi gratis datum mendicando petere velint, ad maiorem humilitatem pertinet,

Utrum liceat Religiosis vilioribus vestibus uti quam cæteri utantur.

Opusc. 19. cap. 8.

And sextum sic preceditur. Videtur, quod non licet Religiosis vilioribus vestibus uti, quam cæteris. Quia secundum Apostolum 1. ad Thessal. ult. *Ab omni specie mala abstinere debemus: sed vilitas vestium habet speciem mali,* dicit enim Dominus Matth. 7. *Attendite à falsis prophetis, qui veniunt ad vos in vestimentis ovium.* Et super illud Apocal. 6. *Ecce equus pallidus, &c.* dicit Gloss. (ord. sup. illud: *& ecce equus niger*) „ Videns diabolus nec per apertas tribulaciones, nec per apertas hæreses se posse proficere, præmittit falsos fratres, qui sub habitu religiosi obtinent naturam nigri, & ruui equi, pervertendo sibi dem: ergo videtur, quod Religiosi non debeant vilibus vestibus uti.

Præterea. Hieron. dicit ad Nepot. (epist. 2. à med.) *(Vestes pullas, id est nigras, atque vita, ut candidas: ornatus, ut sordes, pari modo fugiendi sunt: quia alterum delicias, alterum gloriam redolet:* ergo videtur, cum ianis gloria sit gravius peccatum, quam deliciarum usus, quod Religiosi, qui debent ad perfectionem tendere, magis debeant vitare vestes viles, quam prætiosas.

3. Præterea. Religiosi maxime intendere debent operibus penitentiae: sed in operibus penitentiae non est utendum exterioribus signis tristitia, sed magis latititia signis: dicit enim Dominus Matth. 6. *Cum jejunatis, nolite fieri sicut hypocritæ tristes,* & postea subdit: *Tu autem, cum jejunas, unge caput tuum, & faciem tuam lata.* Quod exponens Aug. in lib. 2. de serm. Dom. in monte (cap. 11. parum à princ. tom. 4.) dicit: „ In hoc capitulo maxime advertendum est, non in solo rerum corporearum nitore, atque pompa, sed etiam in ipsis sordibus luctuosis esse posse jactantiam, & eo periculosiorem, quo sub nomine servitutis Dei „ de-

„decipit.“ ergo videtur, quod Religiosi non debeant vilioribus vestibus indui.

Sed Contra est, quod Hebr. 11. Apostolus dicit: *Circulerunt in melotis, & in pellibus caprinis: Glos. (interl.) ut Elias, & alii.* Et in Decret. 21. q. 4. (c. Omnis jactantia) dicitur: „Si inventi fuerint deridentes eos, qui vilibus, & religiosis vestibus amicti sunt, corriganter. Priscis enim temporibus omnis sacratus vir cum mediocri, ac vili ueste conversabatur.“

Respondeo dicendum, quod, sicut August. dicit in 3. de Doctr. Christ. (c. 12. parum à princ. tom. 3.) *In omnibus exterioribus rebus non usus rerum, sed libidinis in culpa est.* Ad quam discernendam attendendum est, quod habitus vialis, & incultus dupliciter potest considerari. Uno modo, prout est signum quoddam dispositionis, vel status humani: quia, ut dicitur Eccl. 19. *Amictus hominis annuntiat de illo.* Et secundum hoc vilitas habitus est quandoque signum tristitiae. Unde & homines in tristitia existentes solent vilioribus vestibus uti: sicut ē converso in tempore solemnitatis, & gaudii utuntur cultioribus vestimentis. Unde & penitentes vilibus vestibus utuntur: ut patet Ioseph 3. de Rege, qui *indutus est sacco: & 3. Reg. 21. de Achab, qui operuit cilicio carnem suam.*

Quandoque vero est signum contemptus divitiarum, & mundani fastus, Unde Hieronymus dicit ad Rusticum monachum, (epist. 4. inter princ. & med.) „Sor- didæ vestes candidæ mentis indicia sint: vialis tunica, contemptum seculi probet, ita dumtaxat, ne animus tuncat, ne habitus, sermoneque dissentiat. Et secundum utrumque horum competit Religiosis vilitas vestim:“ quia Religio est status penitentiae, & contemptus mundanæ gloriae.

Sed quod aliquis velit hoc aliis significare, continet propter tria. Uno modo ad sui humiliationem. Sicut enim ex splendore vestium animus hominis elevatur: ita ex luminitate vestium humiliatur. Unde de Achab, qui carnem suam cilicio induit, dixit Dominus ad Eliam: *Nonne vidi te Achab humiliatum coram me? ut habetur 3. Reg. 21.* Alio modo propter exemplum aliorum. Unde super illud Matth. 3. *Habebat umentum de pilis carne-*

melorū &c. dicit Glos. (ordin.) Qui pœnitentiam prædicat, habitum pœnitentiæ prætendit. Tertio modo propter inanem gloriam; sicut Aug. dicit, (lib. 2. de serm. Dom. in monte cap. 12. parun à princ. tom. 4.) quod,, in ipsis sordibus luctuosis potest esse jactantia. Duo,, bus ergo primis modis laudabile est abjectis vestib,, uti. Tertio vero modo vitiosum est.“

Alio autem modo potest considerari habitus vilis, & incultus, secundum quod procedit ex avaritia, vel negligētia. Et sic etiam ad vitium pertinet.

Ad primum ergo dicendum, quod vilitas vestium de se non habet speciem mali, immo potius speciem boni, scilicet contemptum mundanæ gloriæ. Et inde est quod malis sub vilitate vestium suam malitiam occultant. Unde Aug. dicit in 1. 2. de sermone Domini in monte, (c. 24. à med. tom. 4.) quod non ideo debent oru odiisse vestimentum suum, quia plerumque illo se occultant.

Ad secundum dicendum, quod Hieron. ibi loquitur de vestibus vilibus, quæ deferuntur propter humanam gloriam.

Ad tertium dicendum, quod secundum doctrinam Domini, in operibus sanctitatis nihil homines facere debent propter apparentiam, quod præcipue contingit, quando aliquis aliquid novum facit. Unde Chrys. dicit super Matth. (hom. 19. à med. 29 hom. 13. in op. imperf.) Orans nihil novum faciat, quod aspiciant homines, id clamaudo, vel pectus percutiendo, vel manus expandendo, quia scilicet ex ipsa novitate homines reddunt intentos ad considerandum. Nec tamen omnis novitas intentos faciens homines ad considerandum, reprehensibilis est: potest enim bene, & male fieri. Unde August. dicit in 1. 2. de serm. Dom. in monte, (c. 12. ante med. tom. 4.) quod,, qui in professione Christianæ, nitatis inusitato squalore, & sordibus intentos in,, oculos hominum facit, cum id voluntate faciat, non,, necessitate patiatur, ex cæteris ejus operibus potest,, cognosci, utrum hoc contemptu superflui cultus,, ambitione aliqua faciat.“ Maxime autem videntur hoc non ex ambitione facere Religiosi, qui habitum vilem deferunt, quasi signum suæ professionis, quæ contemptum mundi profitentur.

QÆSTIO CLXXXVIII.

De differentia Religionum, in octo articulos divisa.

Beinde considerandum est de differentia Religionum.

Et circa hoc queruntur octo.

Primo. Utrum sint diversæ Religiones, vel una tantum.

Secundo. Utrum aliqua Religio institui possit ad operam vitez activæ.

Tertio. Utrum aliqua Religio possit ordinari ad militandum.

Quarto. Utrum possit institui aliqua Religio ad prædicandum, & hujusmodi opera exercenda.

Quinto. Utrum possit aliqua Religio institui ad studium scientiæ.

Sexto. Utrum Religio, quæ ordinatur ad vitam contemplativam, sit potior ea, quæ ordinatur ad vitam activam.

Septimo. Utrum habere aliquid in communi diminuat de perfectione Religionis.

Octavo. Utrum Religio solitariorum sit præferenda Religioni in societatem viventium.

ARTICULUS I.

900

Utrum sit tantum una Religio.

Inf. a. 6. cor.

And Primum sic proceditur. Videtur, quod non sit nisi una tantum Religio. In eo enim quod totaliter, & perfecte habetur, diversitas esse non potest: propter quod non potest esse nisi unum primum summum bonum, ut in 1. habitum est: (*q. 6. a. 2. 3. & 4.*) Sed, sicut Gregor. dicit super Ezechiel, (*hom. 20. inter med. & fin.*) cum quis omne quod habet, omne quod vivit, omne quod sapit, omnipotenti Deo uoverit, holocaustum est;

si-

sine quo Religio esse non dicitur : ergo videtur , quod Religiones non sint multæ , sed una tantum.

2. Præterea. Ea , quæ in essentialibus convenient , non diversificantur nisi per accidens : sed sine tribus votis essentialibus Religionis non est aliqua Religio , ut supra habitum est . (q. 186. a. 6. & 7.) ergo videtur , quod ipsæ Religiones specie non diversificantur , sed solum per accidens.

3. Præterea. Status pérfectionis convenit & Religiosis , & Episcopis , ut supra habitum est (q. 185. a. 5 & 7.) sed Episcopatus non diversificatur specie , sed est unus , ubicumque fuerit : unde Hieron. dicit ad Evagrium Episcopum : (epist. 85. à med.) *Ubique fuerit Episcopus , sive Romæ , sive Eugubil , aut Constantinopoli , sive Rheylii , ejusdem meriti est , ejusdem & sacerdotii :* ergo pari ratione una sola est Religio.

4. Præterea. Ab Ecclesia tollendum est omne id quod confusionem inducere potest : sed ex diversitate Religionum videtur quædam posse confusio induci in populo Christiano , ut quædam Decretalis dicit : (c. Ne nimia , de religiosis domib.) ergo videtur , quod non debeant esse diversæ Religiones.

Sed Contra est , quod in Psal. 44. scribitur ad ornatum Reginæ pertinere , quod sit circumambita rpletate.

Respondeo dicendum , quod , sicut ex supra dictis patet , (q. præc. a. 2. & q. 186. a. 7.) status Religionis est quoddam exercitium , quo aliquis exercetur ad perfectionem charitatis. Sunt autem diversa charitatis opera , quibus homo vacare potest : sunt etiam diversi modi exercitiorum. Et ideo Religiones distinguuntur duplìciter : Uno modo secundum diversitatem eorum , ad quæ ordinantur : sicut si una Religio ordinetur ad peregrinos hospitio suscipiendos , & alia ad visitandos , vel redimendos captivos : Alio modo potest esse diversitas Religionum secundum diversitatem exercitiorum : puta quod in una Religione castigant corpus per abstinentias ciborum , in alia per exercitium operum manualium , vel per nuditatem , aut per aliquid aliud hujusmodi.

Sed

Sed quia finis est potissimum in unoquoque , major est Religionum diversitas , quæ atenditur secundum diversos fines , ad quos Religiones ordinantur , quam quæ atenditur secundum diversa exercitia.

Ad primum ergo dicendum , quod hoc est commune in omni Religione , quod aliquis totaliter se debet præbere ad serviendum Deo. Unde ex hac parte non est diversitas inter Religiones , ut scilicet in una Religione aliquis retineat aliquid sui , & in alia aliud: est autem diversitas secundum diversa , in quibus homo Deo servire potest , & secundum quod ad hoc homo se potest diversimode disponere.

Ad secundum dicendum , quod tria essentialia vota Religionis pertinent ad exercitium Religionis , sicut quædam principalia , ad quæ omnia alia reducuntur , ut sup. dictum est : (q. 186. a. 7. cor. 2 ad 2.) Ad observandum autem unumquodque eorum diversimode aliquis se disponere potest : puta ad votum continenzie servandum se disponit aliquis per loci solitudinem , per abstinentiam , per mutuam societatem , & per multa alia hujusmodi. Et secundum hoc patet , quod communitas essentialium votorum compatitur diversitatem Religionis , tum propter diversas dispositiones ; tum etiam propter diversos fines , ut ex supra dictis patet . (In corp. 2 q. 186. a. 1. ad 2.)

Ad tertium dicendum , quod in his quæ ad perfectionem pertinent , Episcopus se habet per modum agentis , Religiosi autem per modum patientis , ut supra dictum est . (q. 184. a. 7.) Agens autem , etiam in naturalibus , quanto est superius , tanto est magis unum ; ea vero quæ patiuntur , sunt diversa. Unde rationabiliter est unus Episcopalis status , Religiones vero diversæ.

Ad quartum dicendum , quod confusio opponitur distinctioni , & ordini. Sic ergo ex multitudine Religionum induceretur confusio , si ad idem , & eodem modo diverse Religiones essent absque necessitate , & utilitate. Unde , ut hoc non fiat , salubriter institutum est , ne nova Religio , nisi auctoritate summi Pontificis , instituatur.

ARTICULUS II.

Utrum aliqua Religio institui debeat ad opera vita activa.

Opusc. 29. c. 1. princ.

Ad secundum sic proceditur. Videtur, quod nulla Religio institui debeat ad opera vitæ activæ. Omnis enim Religio pertinet ad perfectionis statum, ut ex supra dictis patet: (q. 184. art. 5.) Sed perfectio religiosi status consistit in contemplatione divinorum, dicit enim Dionys. 6. c. Eccles. Hierarch. (ante med.) Quod nominantur ex Dei puro servitio, & simulatu, & individuali, & singulari vita uniente eos indivisibilium sanctorum convolutionibus, id est, contemplationibus, ad dilectionem unitatem, & amabilem Deo perfectionem: ergo videtur, quod nulla Religio institui possit ad opera vitæ activæ.

2. Præterea. Idem judicium videtur esse de Monachis, & Canonicis Regularibus, ut habetur extra postul. cap. Ex parte, & statu Monach. cap. Quid datur timorem: dicitur enim, quod à Sanctarum Monachorum consortio non putantur sejuncti. Et eadem ratio videtur esse de omnibus aliis Religiosis: sed Monachorum Religio est instituta ad vitam contemplativam: unde Hieronym. dicit ad Paulinum: (epist. 13. ante med.) Si cupis esse quod diceris monachus, id est, solus, quid facis in urbibus? Et idem habetur extra de renuntiatione cap. Nisi cum pridem, & de Regular. cap. Licet quibusdam: ergo videtur, quod omnis Religio ordinetur ad vitam contemplativam, & nulla ad activam.

3. Præterea. Vita activa ad præsens seculum pertinet: sed omnes Religiosi seculum deserere dicuntur: unde Gregor. dicit super Ezechiel. (hom. 20. intermed. & fin.) Qui præsens seculum deserit, & agit bona quæ valet, quasi jam Ægypto derelicta sacrificium præbet in eremo: ergo videtur, quod nulla Religio possit ordinari ad vitam activam.

Sed contra est, quod dicitur Jacobi 1. Religio magna, & immaculata apud Deum, & Patrem hæc est, vi-

stare pupilos, & viduas in tribulatione eorum: sed hoc pertinet ad vitam activam: ergo convenienter Religio potest ordinari ad vitam activam.

Respondeo dicendum, quod sicut supra dictum est, (art. præc.) Religionis status ordinatur ad perfectiōnem charitatis, quæ se extendit ad dilectionem Dei, & proximi. Ad dilectionem autem Dei, directe pertinet contemplativa vita, quæ soli Deo vacare desiderat: ad dilectionem autem proximi directe pertinet vita activa, quæ deservit necessitatibus proximorum. Et sicut ex charitate diligitur proximus propter Deum; ita etiam obsequium delatum in proximos, redundat in Deum, secundum illud Matth. 25. *Quod uni ex minimis meis fratris, mihi fecistis.* Unde & hujusmodi obsequia proximi facta, in quantum ad Deum referuntur, dicuntur esse sacrificia quædam, secundum illud ad Hebr. ult. *Beneficiæ & communionis nolite oblivisci: talibus enim hostiis promeretur Deus.* Et quia ad Religionem proprie pertinet sacrificium Deo offerre, ut supra habitum est, (q. 81. art. 1. ad 1. & art. 4. ad 1.) consequens est, quod convenienter Religiones quædam ad opera vitae activæ ordinentur.

Unde & in Collationibus Patrum (collat. 14. c. 4. dce. princ.) Abbas Nesteros distinguens diversa Religionum studia, dicit: *Quidam suminam intentionis suæ erga tremi secreta, & cordis constituunt puritatem; quidam erga institutionem fratrum, & coenobiorum curam; quosdam xenodochii, id est, hospitalitatis, delectat obsequium.*

Ad primum ergo dicendum, quod Dei servitium, & famulatus salvatur etiam in operibus vitae activæ, quibus aliquis servit proximo propter Deum, sicut dictum est. (in corp.) In quibus etiam salvatur singularitas vitae, non quantum ad hoc quod homo cum hominibus non conversetur, sed quantum ad hoc quod homo singulariter his intendat, quæ ad divinum obsequium spectant: & dum Religiosi operibus vitae activæ insistunt intuitu Dei, consequens est, quod in eis actio ex contemplatione divinorum derivetur. Unde non privantur omnino fructu contemplativæ vitae.

Ad secundum dicendum, quod eadem est ratio de Mo-

Monachis, & omnibus aliis Religiosis, quantum ad eum
quæ sunt communia omni Religioni; puta quod totaliter se dedicent divinis obsequiis, & quod essentialia ratione Religionis observent, & quod à secularibus negotiis se abstineant. Sed non oportet, similitudinem esse quantum ad alia, quæ sunt propria monasticæ professionis, quæ specialiter ad vitam contemplativam ordinantur. Unde & in predicta Decretali de postulando non dicitur simpliciter, quod sit idem judicium de Canonici Regularibus, quod de Monachis, sed quantum ad superna dicta, scilicet quod in forensibus causis officio advocationis non utantur. Et in Decretali inducta de statu Monachorum, postquam præmiserat, quod non putantur à consortio Monachorum sejuncti Canonici Regulares, subditur Regulæ tamen inserunt laxiori. Ex quo patet, quod non ad omnia tenentur, ad quæ Monachi.

Ad tertium dicendum, quod dupliciter aliquis potest esse in seculo: *Uno modo* per presentiam corporalem. *Alio modo* per mentis affectum. Unde & discipulis suis Dominus dixit: (*Ioan. 15.*) *Ego elegi vos de mundo.* De quibus tamen ad Patrem loquitur dicens: (*Ioan. 17.*) *In mundo sunt, & ego ad te venio.* Quamvis ergo Religiosi, qui circa opera vitae activæ occupantur, sint in seculo secundum presentiam corporalem; non tamen suot in seculo quantum ad mentis affectum; quia in exterioribus occupantur, non quasi querentes aliquid in mundo, sed solum propter divinum obsequium. Ut unde enim hoc mundo, tanquam non utentes, ut dicitur *Corinth. 7.* Unde Jacobi 1. postquam dictum est: *Religio munda, & immaculata est visitare pupilos, & redreas in tribulatione, subditur: Et immaculatum se cestire ab hoc seculo, ut scilicet affectus in rebus seculi non detineatur.*

ARTICULUS III.

Utrum aliqua Religio ordinari possit ad militandum.

Inf. art. 4. ad 2. & 5.

AND Tertium sic proceditur. Videtur, quod nulla Religio ordinari possit ad militandum. Omnis enim Religio

ad pertinet ad statum perfectionis : sed ad perfectionem Christianæ pertinet , quod Dominus dicit **Mat-**
tale ; *Ego dico vobis , non resistere malo : sed si quis per-*
ia voluntate in unam maxillam , præbe ei & alteram : quod
gotim gnat officio militari : ergo nulla Religio potest ins-
quareni ad militandum.

sios 1. Præterea . Gravior est compugnatio corporalium inter reliorum , quam concertationes verborum , quæ in ad-
 dicationibus fiunt : sed Religiosis interdicitur officio ad-
 s. Recitationis uti , ut patet in Decretali de postulando su-
 p̄r̄m̄ inducta . (art. præc. arg. 2.) ergo videtur , quod
 atque minus aliqua Religio possit institui ad mili-
 tam.

cōm̄ 3. Præterea . Status Religionis est status pœnitentiae ,
 itur m̄ps dictum est : (quæst. præc. art. 6.) Sed pœni-
 tiationibus secundum Jura interdicitur militia , dicitur enim
 a Decret. de pœnit. dist. 5. (c. 3.) *Contrarium omnino*
 otto Ecclesiasticis regulis , post pœnitentiae actionem redire
 a militiam secularem : ergo nulla Religio congrue institui
 potest ad militandum.

4. Præterea . Nulla Religio institui potest ad aliquid
 iustum : Sed , sicut Isidorus dicit in lib. 48. Etymol.
 Relig. 1. cl. princ.) *justum bellum est , quod ex edicto Im-*
 periali geritur ; cum ergo Religiosi sint quedam privatæ
 personæ , videtur , quod non liceat eis bellum gerere : &
 ad hoc non potest iustitiae aliqua Religio.

Sed contra est , quod Aug. dicit ad Bouifac. (ep. 205.)
 trum ante med. tom. 2.) *Noli existimare , neminem Deo-*
 dicere posse , qui armis bellicis ministrat . In his erat sanc-
 tus David , cui Dominus magnum testimonium perhibuit .
 ad hoc iustitiae sunt Religiones , ut homines Deo
 placeantur ; ergo nihil prohibet , aliquam Religionem ins-
 titui ad militandum .

90 Respondeo dicendum , quod sicut dictum est , (art.
 90. par.) Religio institui potest non solum ad opera vitæ
 contemplativæ , sed etiam ad opera vitæ activæ , in-
 quantum pertinent ad subventionem proximorum , &
 obsequium Del ; non autem in quantum pertinent ad ali-
 quid mundanum tenendum . Potest autem officium mili-
 tare ordinari ad subventionem proximorum , non solum
 quantum ad totius Reipublicæ defensionem : unde de Ju-
 da

da Machabæo 1. Machab. 3. dicitur, quod prælatus
prælatum Israel cum lætitia; & dilatavit populo suo glori-
am. Ordinari etiam potest ad conservationem divini
cultus. Unde ibidem subditur, Judam dixisse: *Nos pug-
nabimus pro animabus nostris, & legibus nostris.* Et iusta
cap. 13. dicit. Simon: *Vos scitis, quanta ego, & fra-
tres mei, & domus patris mei, fecimus pro legibus, & pa-
sanctis prælia.*

„ *Unde convenienter potest institui aliqua Religio-
„ militandum, non quidem propter aliquid mundanum,
„ sed propter defensionem divini cultus, & publica se-
„ lutis, vel etiam pauperum, & oppressorum, sciu-
„ dum illud Ps. 71. Eripite pauperem, & egenum da-
„ manu peccatoris liberate.“*

Ad primum ergo dicendum, quod aliquis potest non
resistere malo duplicitate. *Uno modo*, condonando propria
injuriam: & sic potest ad perfectionem pertinere, quan-
do ita fieri expedit ad salutem aliorum. *Altro modo*, tol-
lerando patienter injurias aliorum: & hoc ad imperfec-
tionem pertinet, vel etiam ad vitium, si aliquis potest
convenienter injuriandi resistere. Unde Ambros. dicit in
lib. 1. de Offic. (cap. 27. vers. 6.) *Fortitudo, qua in
bello tueritur a barbaris patriam, vel domi defendit libe-
mos, vel a latronibus socios, plena est justitia.* Sicut
etiam ibidem Dominus dicit: *Quæ tua sunt, ne repeteras.*
Et tamen si aliquis non repeteret ea quæ sunt aliorum,
si ad eum pertineant, peccaret, homo etiam landabilita-
douat sua, non autem aliena. Et multo minus ea quæ
sunt Dei, non sunt negligenda: quia, ut Chrysost. dicit
supr. Matth. (hom. 5. in op. Imperf. Inter. med. 8.
6.) *injuriarum Dei dissimilare nimis est impium.*

Ad secundum dicendum, quod exercere advocatio-
nis officium propter aliquid mundanum, repugnat omni
Religiōi: non autem si hoc aliquis exerceat secundum
dispositionem sui Prælati pro monasterio suo, ut in ea-
dem Decret. subditur: neque etiam pro defensione pa-
uperum, aut viduarum. Unde in Decret. dist. 88. (c. 1.)
dicitur: *Decrevit sancta Synodus, nullum deliciens Clau-
icum aut possessiones conducere, aut secularibus ag-
gotiis se immiscere, nisi propter curam pupillorum &c. Et
similiter militare propter aliquid mundanum, est con-*

Religioni contrarium: non autem militare propter obsequium Dei.

Ad tertium dicendum, quod militia secularis interdicitur pœnitentibus: sed militia, quæ est propter divisionem obsequium, imponitur alicui in pœnitentiam, sicut patet de his, quibus injungitur ut militent in subsidio Terræ Sanctæ.

Ad quartum dicendum, quod Religio non sic insitatur ad militandum, quod Religiosis propria auctoritate liceat bella gerere, sed solum auctoritate Principum, vel Ecclesie.

ARTICULUS IV.

903

Utrum aliqua Religio possit institui ad prædicandum, vel confessiones audiendum.

Opusc. 10. cap. 4.

Ad quartum sic proceditur. Videtur, quod nulla Religio possit institui ad prædicandum, vel confessiones audiendum. Dicitur enim 7. quæst. 1. (c. Hoe nequam) Monachorum vita subjectionis habet verbum, & discipulatus, non docendi, vel præsidiandi, vel passandi alios: & eadem ratio esse videtur de aliis Religiosis: sed prædicare, & confessiones audire, est pascere, vel docere alios, non ergo ad hoc aliqua Religio potest institui.

2. Præterea. Id, ad quod Religio instituitur, videtur esse maxime proprium Religioni, ut supra dictum est: (art. 2. & 3. præc.) Sed prædicti actus non sunt proprii Religiosorum, sed potius Prælatorum: non ergo ad hujusmodi actus potest aliqua Religio institui.

3. Præterea. Inconveniens videtur, quod auctoritas prædicandi, & confessiones audiendi in suis hominibus committatur: sed nou est certus numerus eorum, qui in aliqua Religione recipiuntur: ergo inconveniens est, quod aliqua Religio instituatur ad actus prædictos.

4. Præterea. Prædicatoribus debetur victus à fidelibus Christi, ut patet 1. ad Cor. 9. si ergo committitur

tur prædicationis officium alicui Religioni ad hoc institutæ , sequitur , quod fideles Christi teneantur ad exhibendum sumptus infinitis personis: quod cadit in maximum eorum gravamen; non ergo debet aliqua Religio institui ad hujusmodi actus exercendos.

5. Preterea. Institutio Ecclesiæ debet sequi institutionem Christi : sed Christus primo misit ad prædicandum duodecim Apostolos , ut habetur Luc. 9. & postea misit septuaginta duos discipulos , ut habetur Lucæ 10. & , sicut Glossa (ord. Bedæ sup. illud: Post hæc autem &c.) ibi dicit: *Apostolorum formam tenuit Episcopi , septuaginta duorum Discipulorum minores Presbyteri , scilicet Curati: ergo præter Episcopos , & Presbyteros parochiales , non debet aliqua Religio institui ad prædicandum , vel ad confessiones audiendum.*

Sed contra est , quod in Collationibus Patrum , (colat. 14. c. 4. in fin.) Abbas Nesteros de diversitate Religionum loquens ait: „ quidam eligentes ægrotantium curam , alii intercessionem quæ pro misericordia atque oppressis impenditur , exequentes , aut docentes , trinæ iuidentes , aut eleemosynas pauperibus largientes , inter magnos , atque summos viros pro affectu suo , ac pietate viguerunt:“ ergo sicut ad ægrotantium curam aliqua Religio potest institui ; ita etiam ad docendum populum per prædicationem , & alia hujusmodi opera.

Respondeo dicendum , quod , sicut dictum est , (art. 2. huj. quest.) convenienter Religio statui potest ad opera virtutæ activæ , secundum quod ordinantur ad mititatem proximorum , & ad obsequium Dei , & conservationem divini cultus. Magis autem procuratur utilitas proximorum per ea quæ pertinent ad spiritualem animæ salutem , quam per ea quæ pertinent ad subvenieadum corporali necessitatî , quanto spiritualia corporalibus sunt potiora. Unde supra dictum est , (quest. 32. art. 3.) quod eleemosynæ spirituales sunt corporalibus potiores. Hoc etiam pertinet magis ad obsequium Dei , cui nullum sacrificium est magis acceptum , quam zelus animarum , ut Gregor. dicit super Ezechielem. (h. m. 12. alig. ante fin.) Majus etiam per spiritualibus armis contra errores hereticorum , & re-

stiones dæmonum fideles defendere, quam corporalibus armis populum fidelem tueri. Et ideo conveniensimum est, ad prædicandum, & ad alia hujusmodi, quæ pertinent ad salutem animarum, aliquam Religionem habuitui.

Ad primum ergo dicendum, quod ille qui operator ex virtute alterius, agit per modum instrumenti. Minister autem est sicut instrumentum animatum, ut Philos. dicit in I. Politic. (cap. 3. ante med. & I. 3. Ethic. c. II. ad fin. tom. 5.) Unde quod aliquis auctoritate Prælatorum prædicet, vel alia hujusmodi faciat, non supergreditur discipulatus, vel subjectionis gradum, qui competit Religiosis.

Ad secundum dicendum, quod sicut Religiones aliquæ instituuntur ad militandum, non quidem ut militent auctoritate propria, sed auctoritate Principum, vel Ecclesie, quibus ex officio competit, sicut dictum est; (art. præc. ad 4.) ita etiam Religiones instituantur ad prædicandum, & confessiones audiendum, non quidem auctoritate propria, sed auctoritate Prælatorum superiorum, & inferiorum, ad quos ex officio pertinet. Et ita subservire Prælatis in tali ministerio, est hujusmodi Religionis proprium.

Ad tertium dicendum, quod à Prælatis non conceditur talibus Religiosis, ut quilibet indiferenter possit prædicare, vel confessiones audire, vel secundum moderationem eorum qui hujusmodi Religionibus præsciuntur, vel secundum taxationem ipsorum Prælatorum.

Ad quartum dicendum, quod plebs fidelis non tenetur ex debito juris ad sumptus ministrandos nisi ordinariis Prælati, qui propter hoc decimas, & oblationes fidelium recipiunt, & alios Ecclesiasticos redditus. Sed si aliqui in hujusmodi actibus gratis velint fidelibus ministrare, nou potestative ab eis sumptus exigentes, non propter hoc gravantur fideles: quia etiam ipsi possunt liberaliter recompensare temporalem subventionem: ad quam etsi non teneantur ex debito juris, tenentur tamen ex debito charitatis: non autem ita quod etsi sit tribulatio, aliis autem remissio, ut dicitur 2. ad Cor. 8. Si tamen non inveni-

tur, qui gratis se hujusmodi obsequiis manciparent, tenerentur ordinarii Prælati, si ipsi non sufficerent, alias ad hoc idoneos quærere, quibus sumptus ipsi ministrarent.

Ad quintam dicendum, quod formam septuaginta doorum Discipolorum non solum tenent Presbyteri Corati, sed quicunque alii minoris ordinis, qui Episcopis in eorum officio subserviunt. Non enim legitur, quod septuaginta duobus Discipulis Dominus aliquas determinatas Parochias assignaret, sed quod mittebat vestinos ante faciem suam in omnem civitatem, & locum, quo erat ipse venturus. Opportunum autem fecit, ut præter ordinarios Prælatos alii assumerentur ad hujusmodi officia, propter multitudinem fidelis populi, & difficultatem iuveniendi sufficientes personas distribueret singulis plebibus: sicut etiam Religiones ad militandum necesse fuit institui, propter defectum secularium Principum ad resistendum infidelibus in aliquibus terris.

ARTICULUS V.

904

Utrum sit instituenda aliqua Religio ad studendum.

1. Ad quintum sic proceditur. Videtur, quod non sit instituenda aliqua Religio ad studendum. Dicitur enim in Ps. 70. Quoniam non cognovi litterarum, introibo in potentias Domini: Glos. (interl.) id est virtutem Christianam: sed perfectio Christianæ virtutis maxime videtur ad Religiosos pertinere: ergo eorum non est studio litterarum insistere.

2. Præterea. Id quod est dissensionis principium, Religiosis non competit, qui in unitatem pacis congregantur, sed studium dissensionem inducit: unde & in Philosophis subsecuta est diversitas sectarum: unde & Hiron. super Epist. ad Titum, (c. 1. sup. illud: & constitutas per civitates) dicit: Antequam diaboli distractu studia in Religione fierent, & dicebatur in populis: Ego sum Pauli, ego Apollis, ego Cepha &c. ergo videtur, quod nulla Religio debeat institui ad studendum.

3. Præterea. Professio Christianæ religionis dicitur de-

debet à professione Gentilium: sed apud Gentiles aliqui Philosophiam profitebantur, & nunc etiam aliqui seculares dicuntur aliquarum scientiarum professores: non ergo Religiosis competit studium litterarum.

Sed contra est, quod Hieron. in Epistola ad Paulin. (*quaer. est 103. parum ante fin.*) invitat eum ad dicendum in statu monastico, dicens: *Dicamus in tuis, quorum scientia nobis perseveret in exilis.* Et infra: *Quicquid quaerieris; tecum scire conabor.*

Respondeo dicendum, quod; sicut dictum est, (*a. t. huius. querst.*) Religio potest ordinari ad vitam activam & ad vitam contemplativam. Inter opera autem vite activae principaliora sunt illa, quae ordinantur directe ad salutem animarum; sicut prædicare, & alia hujusmodi. Competit ergo studium litterarum Religiosis tripliciter.

Primo: quidem quantum ad id, quod est proprium contemplativæ vitae, ad quam studium litterarum duplenter adiuvat. *Uno modo*, directe coadjuvando ad contemplandum, illuminando scilicet intellectum. Vita enim contemplativa, de qua nunc loquimur, principaliter ordinatur ad considerationem divinorum, ut supra habitum est, (*querst. 130. art. 4.*) in qua digitur homo per studium ad considerandum divina. Unde in laudem viri justi dicitur in Ps. 1. quod *in lege Domini meditabitur die, ac nocte.* Et Ecclesiast. 39. dicitur: *Sapientiam antiquorum exquireret sapientis, et in Propheta vocabit.* *Alio modo*, studium litterarum iuvat ad contemplativam vitam indirecte, removendo contemplationis pericula, scilicet errores, qui in contemplatione divinorum frequenter accidunt his, qui Scripturas ignorant: sicut in Collationibus Patrum (*collat. 10. cap. 3.*) legitur, quod Abbas Serapion propter simplicitatem incidit in errorem Anthropomorphitarum, id est, eorum, qui Deum habere humanam formam arbitratur. Unde dicit Gregor. in 6. Moral. (*cap. 17. ad te med.*) „ quod nonnulli, dum plus expriment contemplando, quam capiant usque ad personam dogmata erumpunt: & dico, veritatis esse dispensatori humiliter negligunt, magister errorum sunt. „ *Et propter hoc dicitur Ecclesiast. 2. Cogitavi in con-*

„de meo abstrahere à vitio carnem meam, ut animum meum transferrem ad sapientiam, devitaremque „stultitiam.“

Secundo necessarium est studium litterarum religionis institutis ad prædicandum, & alia hujusmodi exercendum. Unde Apostol. dicit ad Tit. 1. de Episcopo, ad cuius officium hujusmodi actus pertinent: *Amplacentem cum, qui secundum doctrinam est, fidem sermonem, ut potens sit exhortari in doctrina sanâ, eos, qui contradicunt, arguere.* Nec obstat, quod Apostoli absque studio litterarum ad prædicandum sunt missi: quia, ut Hieron. dicit in Epistola ad Paulin. (quæ est 103. inter princ. & med.) *quicquid aliis exercitatio, & quotidiana in lege Dei meditatio tribueret, hoc illis Spiritus sanctus suggerebat.*

Tertio studium litterarum religioni congruit quantum ad id, quod est omni religione commune, valet enim ad vitandum carnis lasciviam. Unde & Hieron. dicit ad Rusticum monachum. (epist. 4. circ. med.) *Aura Scripturarum scientiam, & carnis vita non amabis.* Avertit enim animum à cogitatione lasciviarum, & carnem macerat propter studii laborem; secundum illud Eccl. 31. *Vigilia honestatis tabescit carnes.* Valet etiam ad auferendam cupiditatem divitiarum. Unde Sap. 7. dicitur: *Divitias nihil esse dulci in comparatione illas.* Et 1. Machab. 12. dicitur: *Nos autem nullo horum indulgimus, scilicet exteriorum subsidiorum, habentes solatio sanctos libros, qui in manus nostris sunt.* Valet etiam ad obedientiæ documentum. Unde Aug. dicit in lib. de operibus Monachorum: (c. 17. circ. sc. tom. 3.) *Quæ est ista perversitas, lectioni nolle obtemperare, dum vult ei vacare?* Et ideo manifestum est, quod congrue potest institui Religio ad studium litterarum.

Ad primum ergo dicendum, quod Glossa ibi expónit illud de litera veteris legis, de qua Apostol. dicit 2. ad Cor. 3. *Litera occidit.* Unde non cognoscere litterarum, est non approbare litteralem circumcisionem, & cæteras carnales observantias.

Ad secundum dicendum, quod studium ad scienciam ordinatur, quæ sine charitate inflat, & per consequens dissensiones facit, secundum illud Proverb. 13.

*Inter superbos semper sunt jurgia: sed cum charitate
adficat, & concordiam parit. Unde 1. ad Corinth. 1.
Apost. cum dixisset: *Divites facti estis in omni verbo,
& in omni scientia*, postmodum subdit: *Id ipsum dicatis omnes,
& non sint in vobis schismata.* Hieron. tamen non loquitur ibi de studiis litterarum, sed de stu-
diis dissensionum, quæ per Hæreticos, & Schismaticos
intraverunt in Religionem Christianam.*

Ad tertium dicendum, quod Philosophi profiteban-
tur studia litterarum quantum ad seculares doctrinas. Sed Religiosi competit principaliter intendere studio littera-
rum pertinentium ad doctrinam, quæ secundum pietati-
atem est, ut dicitur ad Tit. 1. Aliis autem doctrinis in-
tendere non pertinet ad Religiosos, quorum tota vita
divinis obsequiis mancipatur, nisi in quantum ordinan-
tur ad sacram doctrinam. Unde Aug. dicit in fine Mu-
sicæ: „Nos, dum negligendos esse non existimamus,
„nos hæretici rationis, & scientiæ fallaci pollicita-
„tione decipiunt, tardius incedimus consideratione ip-
„sorum viarum: Quod tamen facere nos anderemus,
„nisi multos pios Ecclesiæ Catholice matris optimæ
„filios eadem resellendorum hæreticorum necessitat-
„necisse videremus.“

ARTICULUS VI.

*Utrum Religio, quæ vacat vitæ contemplativæ, sit potior
et, quæ vacat operibus vitæ activæ.*

*Inf. quest. 189. art. 3. corp. & ad 2. & opusc. 10.
cap. 4. fin.*

Ad sextum sic proceditur. Videtur, quod Religio
quæ vacat vitæ contemplativæ, non sit potior ea quæ
vacat operibus vitæ activæ. Dicitur enim extra, de
Regularib. & transenuntibus ad Religionem, cap. Licet:
„Sicut maius bonum minori bono præponitur; ita
communis utilitas speciali utilitati præsertur: & in
hic casu recte præponitur doctrina silentio, solici-
tudo contemplationi, & labor quieti:“ sed Religio
est melior, quæ ad maius bonum ordinatur: ergo vi-

detur, quod Religiones quæ ordinantur ad vitam activam, sint potiores illis quæ ordinantur ad vitam contemplativam.

2. Præterea. Omnis Religio ordinatur ad perfecti-
men charitatis, ut supra habuimus est: (art. 1. h. q.) Sed supra illud ad Hebr. 12. Nonnum usque ad san-
guinem restitistis, dicit Glos. (August. Serm. 17. de
verb. Apost. c. 1. circ. med. tom. 10.) „Perfectior in
„hac vita dilectio nulla est, ea ad quam sancti Mat-
„tyres pervenerunt, qui contra peccatum usque ad san-
„guinem certarunt.“ Certare autem usque ad sanguinem
competit Religionibus, quæ ad militiam ordinantur;
quæ tamen pertinent ad vitam activam: ergo videtur,
quod hujusmodi Religiones sint potissimum.

3. Præterea. Tanto videtur esse aliqua Religio per-
fectior, quanto est arcior: sed nihil prohibet, ali-
quas Religiones ad vitam activam ordinatas esse arc-
tioris observantiae, quæcum sint illæ, quæ ordinantur ad
vitam contemplativam: ergo sunt potiores.

Sed contra est, quod Dominus Luc. 10. dicit, ap-
timam partem esse Mariæ: per quam vita contempla-
tiva significatur.

Respondeo dicendum, quod, sicut supra dictum est,
(art. 1. h. q.) differentia unius Religionis ad aliam pri-
cipaliter quidem attenditur ex parte finis, secundario
autem ex parte exercitii. Et quia non potest aliquid di-
fieri, ideo excellentia unius Religionis super aliam pris-
cipaliter quidem attenditur secundum Religionis finem.
secundario autem secundum exercitium. Diversimode ta-
men utraque comparatio attenditur. Nam comparatio qua
est secundum finem est absoluta, eo quod finis prop-
ter se queritur: comparatio autem qua est secundum
exercitium, est respectiva; quia exercitium non que-
ritur propter se, sed propter finem. Et ideo illa Reli-
gio alteri præfertur, quæ ordinatur ad finem absolutam
potiorem, vel quia est maius bonum, vel quia ad plu-
ria bona ordinatur. Si vero sit finis idem, secundario
attendantur præminentia Religionis, non secundum qua-
titatem exercitii, sed secundum proportionem eius ad
finem intentum. Unde & in Collationibus Patrum (ab
latu-

l. 2. c. 2.) introducitur sententia B. Antonii, qui prætulit discretionem, per quam aliquis omnia moderatur, & jejuniis, & vigiliis, & omnibus hujusmodi observantiss.

Sic ergo dicendum est, quod opus vitæ activæ est dubius. Unde quidem, quod ex plenitudine contemplationis derivatur; sicut doctrina, & predicatione. Unde & Gregor. dicit super Ezech. (*hom. 5. à med.*) quod de perfectis viris post contemplationem suam redemptibus dicitur Psal. 144. *Memoriam suavitatis tuæ eruc abuat.* Et hoc præfertur simplici contemplationi. Sicut enim maius est illuminare, quam lucere solum: ita majus est contemplata aliis tradere, quam solum contemplari. Aliud autem opus est activæ vitæ, quod totaliter consistit in occupatione exteriori, sicut eleemosyas dare, hospites recipere, & alia hujusmodi, quæ sunt minoria operibus contemplationis, nisi forte in casu necessitatis, ut ex supra dictis patet. (*q. 182. art. 1.*) Sic ergo summum gradum in Religiosis tenent, quæ ordinantur ad docendum, & prædicandum, quæ & propinquissimæ sunt perfectioni Episcoporum: sicut & in aliis rebus fides primorum conjunzuntur principis secundorum; ut Dionys. dicit *7. c. de divin. nouis.* (*à med. lect. 4.*) Secundum autem gradum tenent illæ, quæ ordinantur ad contemplationem. Tertius est earum, quæ occupantur circa exteriores actiones.

In singulis autem horum graduum potest attendi præminentia, secundum quod una Religio ordinatur ad altorem actum in eodem genere: sicut inter opera activæ vitæ potius est redimere captivos, quam recipere hospites, & in operibus vitæ contemplativæ potius est oratio, quam lectio. Potest etiam attendi præminentia, si una earum ad plura horum ordinetur, quam alia: vel si convenientiora statuta habeat ad finem propositum consequendum.

Ad primum ergo dicendum, quod decretalis illa loquitur de vita activa, prout ordinatur ad salutem animarum.

Ad secundum dicendum, quod Religiones, quæ instituuntur, propter militiam, directius ordinantur ad hoc quod effundant sanguinem hostium, quam ad hoc

quod eorum sanguis effundatur: quod proprio Martynibus competit. Nihil tamen prohibet, hujusmodi Religiosos in aliquo casu meritum martyrii consequi, & secundum hoc præferri aliis Religiosis: sicut & opera activa interdum in aliquo casu præferuntur contemplationi.

Ad tertium dicendum, quod arctitudo observantiarum non est illud, quod præcipue in religione commendatur, ut B. Antonius dicit: (*In Collat. PP. collat. c. 2. à med. & c. 3. & c. 4.*) & Isaiae 58. dicitur: Numquid tale est jejunium, quod elegi, per diem affliger hominem animam suam? Assumitur tamen in religione & necessaria ad carnis macerationem, quæ si sine discretione sit, periculum deficiendi habet annexum, sicut B. Antonius dicit. Et ideo non est potior religio ex hoc quod habet arctiores observantias, sed ex hoc quod ex majori discretione sunt ejus observantiae ordinatae ad finem religionis: sicut ad continentiam efficaciter ordinatur maceratio carnis per abstinentiam cibi, & portus, quæ pertinent ad famem, & sitim, quam per subtractionem vestimentorum, quæ pertinent ad frigus, & nuditatem, & quam per corporalem laborem.

ARTICULUS VII.

96

Utrum habere aliquid in communi diminuat perfectionem Religionis.

Opusc. 17. c. 15. & opusc. 10. c. 6.

Ad septimum sic proceditur. Videtur, quod habent aliquid in communi diminuat perfectionem Religionis. Dicit enim Dominus Matth. 19. Si vis perfectus es, vade, vende omnia quæ habes, & da pauperibus. Ex quo patet, quod carere mundanis divitiis pertineat ad perfectionem christianæ vitæ: sed illi qui habent aliquid in communi, non carent divitiis mundanis: ergo videtur, quod non attingant omnino ad perfectionem christianæ vitæ.

2. Præterea. Ad perfectionem consiliorum pertinet, ut homo mundana solitudine careat: unde & Apostolus 1. ad Corinth. 7. dans consilium de virginitate dicit:

cit: *Volo vos sine solicitudine esse*: Sed ad solicitudinem presentis vitæ pertinet, quod aliqui reservent sibi aliquid in futurum: quam quidem solicitudinem Dominus discipulis prohibet Matth. 6. dicens: *Nolite solliciti esse in crastinum*: ergo videtur, quod habere aliquid in communi diminuat perfectionem Christianæ vitæ.

3. Præterea, Divitiae communes quodammodo pertinent ad singulos, qui sunt in communitate: unde Hieronymus ad Heliodor. Episc. (epist. 3. parvum à med.) dicit de quibusdam loquens: „Sunt ditiōres monachi, „quam fuerant seculares: possident opes sub Christo „panpere, quas sub locuplete diabolo non habuerunt: „suscipiat eos Ecclesia divites, quos tenuit mundus an- „te mendicos.“ Sed quod aliquis habeat divitias proprias, derogat perfectioni Religionis: ergo etiam perfectioni Religionis derogat, quod aliquid in communi habeatur.

4. Præterea. Gregorius in 3. Dialog. (c. 14. circ. med.) narrat de quodam sanctissimo viro Isaac, quod „enī ei discipuli humiliiter iunuerent, ut pro usu mo- „nasterii possessiones, quae offerebantur, acciperet, il- „le sollicitus suæ panpertatis custos fortē sententiam „tenebat, dicens: Monachus, qui in terra possessio- „nes querit, monachus non est:“ Quod intelligitur de communib[us] possessionibus, quae pro communi usu monasterii ei offerebantur: ergo videtur, quod habere aliquid in communi tollat perfectionem Religionis.

5. Præterea. Dominus perfectionem Religionis discipulis tradens Matth. 10. dicit: *Nolite possidere aurum, neque argentum, neque pecuniam in zonis vestris, non pe- ram in via.* Per quod, ut Hieronymus dicit: (in hunc. lsc.) arguit Philosophos, qui vulgo appellantur Bactropē- rata, qui quasi contemptores seculi, & omnia pro nihil ob- ducentes, cellarium secum vechelunt: ergo videtur, quod reservare aliquid sive in proprio, sive in communi, diminuat perfectionem Religionis.

Sed contra est quod Prosper dicit in lib. 2. de vita contemplativa, (cap. 9. parvum à princ.) & habet in 12. q. 1. (c. Expedit.) „Satis ostenditur, & propria debere propter perfectionem contemni, & sine impedimento perfectionis Ecclesie posse facultates,

, quæ sunt perfecto communis, possideri.⁴

Respondeo dicendum, quod, sicut supra dictum est, (q. 184. a. 3. & q. 185. a. 6. ad 1.) perfectio non consistit essentialiter in paupertate, sed in Christi se- quela, secundum illud Hieronymi super Matthæum: (c. 19. sup. illud: & secuti sumus te) Quia non sufficit omnia relinquere, addit Petrus quod perfectum est, scilicet, secuti sumus te. Paupertas autem est sicut instrumentum, vel exercitium pervenienti ad perfectionem. Unde in Collationibus Patrum (collat. 1. c. 7. à med.) Abbas Moyses dicit: Jejuna, vigilia, meditatio Scriptu- rarum, nuditas, privatio omnium facultatum, non per- fectio, sed perfectionis instrumenta sunt. Est autem pri- vatio omnium facultatum, sive paupertas perfectionis instrumentum, in quantum per remotionem divitiarum tolluntur quedam charitatis impedimenta. Quæ sunt præcipue tria. Quorum primum est sollicitudo, quam se- cum divitiæ aferunt. Unde Dominus dicit Matth. 13. Quod autem seminatum est in spinis, hic est qui verbum Dei audit: & sollicitudo seculi istius, & fallacia divitiarum suffocat verbum.⁵ Secundum autem est divitiarum amor, qui ex divitiis possessis augetur. Un- de & Hieronymus dicit super Matth. (c. 19. super il- lud: Facilius est camelion &c.) quod, „quia divitiæ habite difficulter contemnuntur, non dicit Dominus: impossibile est divitem intrare in regnum celorum, sed, difficile.“ Tertium autem est ianis gloria, vel elatio, quæ ex divitiis nascitur, secundum illud Psalm. 48. Qui confidunt in virtute sua, & in multitudi- ne divitiarum suarum gloriantur.

Horum ergo trium primum à divitiis separari non potest totaliter, sive sint magnæ, sive parvæ. Neces- sitas enim, hominem aliqualiter solicitari de acquirendis vel conservandis exterioribus rebus. Sed si res exterio- res non querantur, vel habeantur nisi in modica quantitate, quantum sufficient ad simplicem victimam, talis sollicitudo non multum impedit hominem; unde nec perfectioni repugnat christianæ vita. Non enim omnis sollicitudo à Domino interdicitur, sed superflua, & nociva. Unde super illud Matthei 6. Ne sollicita- tie animæ vestrie, quæ manducantis &c. dicit Augustinus

in l. 2. de sermone Domini in monte, (*implic. c. 16.*
tom. 4. sed expres. in l. de op. Monach. c. 26. à princ.
tom. 3.) „Non hoc dicit, ut ista non procurentur,
„quantum necessitatis est; sed ut non ista intueantur,
„& propter ista faciant, quicquid in Evangelii prædi-
„catione facere jubentur.“ Sed abundans divitiarum
possessio abundantiorem solicitudinem ingerit, per quam
animus hominis multum distrahitur, & impeditur, ne
totaliter feratur in Dei obsequium. Alia vero duo, sc.
amor divitiarum, & clatio, seu gloriatio de divitiis, non
consequuntur nisi abundantes divitias.

Differt tamen circa hoc, utrum divitiae abundantes, vel moderatae in proprio, vel in communi habeantur. Nam sollicitudo, quæ circa proprias divitias adhibetur, pertinet ad amorem privatum, quo quis se temporaanter amat: seu sollicitudo, quæ adhibetur circa res communes, pertinet ad amorem charitatis, quæ non querit, quæ sua sunt, sed communibus intendit. Et quia Religio ad perfectionem charitatis ordinatur, quam perficit amor Dei usque ad contemptum sibi habere aliquid proprium perfectioni repugnat Religionis: sed sollicitudo, quæ adhibetur circa bona communia, pertinere potest ad charitatem, licet etiam per hoc impedi possit aliquis altior charitatis actus, puta contemplationis divinæ, aut instructionis proximorum. „Ex quo patet, quod habere superabundantes divitias in communi, sive in rebus mobilibus, sive in immobilibus, est impedimentum perfectionis, licet non totaliter excludat eam: habere autem de rebus extrinsecis in communi, sive mobilibus, sive immobilibus, quantum sufficit ad simplicem virtutem, perfectionem Religionis non impedit, si consideretur pertitas per comparationem ad communem omnium Religionum, qui est vacare divinis obsequiis.“

Si autem consideretur per comparationem ad species fides Religionum, sic, presupposito tali fine, pertitas major, vel minor est Religioni accommodata: tanto erit unaquæque Religio secundum paupertatem perfectior, quanto habet paupertatem magis proportionatam suo fini. Manifestum est enim, quod ad extiora, & corporalia opera vltæ actiæ indiger homo

copia exteriorum rerum. Ad contemplationem autem paucia requiruntur. Unde Philos. dicit in 10. Ethic. (c. 8. à med. tom. 5.) „ quod ad actiones multis opus est , & quanto utique maiores sunt , ac meliores , pluribus . Speculanți autem nulla talium ad operationem est necessitas , sed solis necessariis indiget : alia vero impedimenta sunt ad speculationem . “ Sic ergo patet , quod Religio , quæ ordinatur ad actiones corporales activæ vltæ , puta ad militandum , vel ad hospitalitatem sectandam , „ imperfecta esset , si communibus causis reret divitiis . Religiones autem , quæ ad contemplativam vitam ordinantur , tanto perfectiores sunt , quanto earum paupertas minorem eis solicitudinem temporis ralium ingerit . “ Tanto autem solicitude temporalium rerum magis impedit Religionem , quanto solicitude spiritualium major ad Religionem requiritur .

Manifestum est autem , quod majorem solicitudinem spiritualium requirit Religio , quæ est instituta ad contemplandum , & contemplata aliis tradendum per doctrinam , & prædicationem , quam illa , quæ est instituta ad contemplandum tantum . Unde talem Religionem decet paupertas talis quæ minimam solicitudinem ingerat . Manifestum est autem , quod minimam solicitudinem ingerit , conservare res usui hominum necessarias tempore congruo procuratas . Et ideo tribus gradibus Religionum suprapositis triplex gradus paupertatis competit . Nam illis Religionibus , quæ ordinantur ad corporales actiones activæ vltæ , competit habere abundantiam divitiarum communium . Illis autem Religionibus , quæ sunt ordinatae ad contemplandum , magis competit habere possessiones moderatas : nisi simul oporteat tales Religiosos per se , vel per alios hospitalitatem tenere , & pauperibus subvenire . Illis autem , quæ ordinantur ad contemplata aliis tradenda , competit vitam habere maxime ab exterioribus solicitudinibus expeditam . Quod quidem sit , dum modice quæ sunt necessaria vltæ , congruo tempore procurata conservantur & hoc Dominus paupertatis institutor docuit suo exemplo : habebat enim Icoulos Judæ commissos , in quibus recondebantur ei oblata , ut habetur Joann. 12.

Nec obstat , quod Hieron. dicit super Matth. (in fin.

fla. comment. ad c. 16.) quod si quis objicere voluerit,
quomodo Judas pecuniam in loculis portabat: respondemus,
quod rem pauperum in usus suos convertere nefas putasit,
scil. solvendo tributum: quia inter illos pauperes præ-
cipue erant ejus Discipuli, in quorum necessitates pecu-
nia locolorum Christi expendebatur. Dicitur enim
Ioan. 4 quod Discipuli abierunt in civitatem, ut cibos
merarent. Et Joann. 13. dicitur, quod Discipuli puta-
bant quia loculos habebat Judas, quod dixisset ei Jesus:
Eme ea quæ opus sunt nobis ad diem festum, aut ut ege-
nus aliquid daret. Ex quo patet, quod conservare pecu-
niam, aut quascunque alias res communes ad susten-
tationem Religiosorum Congregationis ejusdem, vel quo-
runcunque aliorum pauperum, est perfectioni confor-
me, quam Christus docuit suo exemplo. Sed & disci-
puli post resurrectionem, à quibus omnis Religio sumpsit
originem, pretia prædiorum conservabant, & distri-
buebant, prout cuique opus erat.

Ad primum ergo dicendum, quod, sicut dictum est, (q. 184. a. 3. In corp. et ad 1.) ex illo verbo Domini non intelligitur, quod ipsa paupertas sit perfectio, sed perfectionis instrumentum: & sicut ostensum est, (q. 186. a. 8.) minimum est tria principalia instrumenta perfectionis. Nam votum continentiae præminet voto paupertatis, & votum obedientiae præsertur tristique. Quia vero instrumentum non propter se queritur, sed propter finem, non tanto aliquid fit melius, quanto magis est instrumentum, sed quanto est magis fini proportionatum: sicut medicus non tanto magis sanat, quanto maiorem dat medicinam, sed quanto medicina est magis proportionata morbo. Sic ergo non oportet quod Religio tanto sit perfectior, quanto maiorem habet paupertatem, sed quantum ejus paupertas est magis proportionata fini communii, & speciali. Et, si daretur, quod excessus paupertatis ficeret Religionem perfectionem secundum, hoc quod est pauperior, non tamen ficeret eam perfectiorem simpliciter. Posset enim esse, quod alia Religio excederet in his quæ pertinent ad continentiam, & obedientiam: & sic esset simpliciter perfectior: quia, quod in melioribus excedit, est simpliciter melius.

Ad secundum dicendum, quod per hoc, quod Do-

710 QUÆST. CLXXXVIII. ART. VII.

minus dicit Matth. 6. *Nolite solliciti esse in crastinum*, non intelligitur quod nihil reservetur in futurum, hoc enim periculosum esse B. Antonius in Collationibus Patrum (*Collat. 2. c. 2. cir. med.*) ostendit, dicens, quod privationem omnium facultatum ita sectantes, ut ex ipsis nec quidem unius dicti victim sibimet, unumve donarum superesse paterentur, & alia hujusmodi facientes; ita vivimus repente deceptos, ut arreptum opus non potuerint congruo exitu terminare. Et, ut Augustinus dicit in lib. de oper. Monach. (*c. 23. à med. tom. 3.*) si hoc verbum Domini, *Nolite solliciti esse in crastinum*, ita intelligatur, ut nihil in crastinum reponatur, non poterunt ista servare, qui se per multos dies à conspectu hominum separatos includunt, viventes in magna intentione orationis. Et postea subdit: *An forte quo sunt sanctiores, sunt volucribus dissimiliores?* Et postea subdit: (*c. 24. in princ.*) *Si enim urgescunt ex Evangelio, ut nihil reponant in crastinum, rectissime respondent.* Cur ergo ipse Dominus loculos habuit, ubi pecuniam collectam reponeret? Cur tanto ante, faine immixente, frumenta sanctis Patribus missa sunt? Cur Apostoli indigentiae sanctorum necessaria procurarunt? Quando ergo dicitur: *Nolite solliciti esse in crastinum*, secundum Hieronymum (*In hunc loc.*) sic exponitur: *Sufficit nobis presentis temporis cogitatio: futura, quæ incerta sunt, Deo relinquamus:* secundum Chrysostomum (*hom. 16. in op. Imperf. cir. fin.*) sic: *Sufficit labor, quem pateris propter necessaria: noli superflue pro superfluis laborare:* secundum August. (*lib. 2. de serm. Dom. in mont. c. 17. aliquant. à princ. tom. 4.*) sic: *Cum aliquid boni oreramus, non temporalia, quæ significantur per crastinum, sed eterna cogitamus.*

Ad tertium dicendum, quod verbum Hieronymi habet locum, ubi sunt superabundantes divitiae, quæ habeantur quasi proprie, vel per quarum abusum etiam singuli de communitate superfluent, & lasciviant: non autem habet locum in divitiis moderatis, communiter conservatis ad solam sustentationem vitæ, qua singuli indigent. Eadem enim est ratio, quod singuli utatur his quæ pertinent ad necessaria vitæ, & quod communiter conserventur.

Ad

Ad quartum dicendum, quod Isaac possessiones re-
suebat accipere, quia timebat ne per hoc ad super-
flus divitias veniretur, per quarum abusum impedi-
retur Religionis perfectio. Unde Greg. ibid. subdit: Si
metuebat paupertatis sua securitatem perdere, sicut ava-
rii divites solent perituras divitias custodire. Non au-
tem legitur, quod renuerit recipere aliqua necessaria
ad vitæ sustentationem commoniter servandam.

Ad quintum dicendum, quod Philos. in 1. Politic.
(c. 5. & 6. tom. 5.) dicit panem, & vinum, & alia
huiusmodi esse divitias naturales; pecunias vero divi-
tias esse artificiales. Et inde est, quod quidam Phi-
losophi solebant uti pecunia, sed aliis rebus, quasi
secundum naturam viventes. Et ideo Hieronymus ibi-
dem per sententiam Domini, qui similiter utrumque
interdicit, ostendit quod in idem reddit habere pecu-
niam, & alias res vitæ necessarias. Et tamen licet
Dominus hujusmodi non portari in via ab his, qui ad
predicandum mittebantur, ordinaverit; non tamen ea
in communi conservari prohibuit. Qualiter tamen illa
verba Domini intelligenda sint, supra ostensum est,
(q. 185. a. 6. ad 2. & 1. 2. q. 108. a. 2. ad 3.)

ARTICULUS VIII.

907

*Strum perfectior sit Religio in societate viventium, quam
agentium solitariam vitam.*

Ad Octavum sic proceditur. Videtur, quod perfec-
tior sit Religio in societate viventium, quam agentium
solitariam vitam. Dicitur enim Eccles. 4. Melius est,
duo esse simul, quam unum: habent enim emolumenum
societatis sua: igitur videtur perfectior esse Religio
in societate viventium.

2. Præterea. Matth. 18. dicitur: *Ubi fuerint duo,
vel tres congregati in nomine meo, ibi sum ego in me-
dio eorum: sed nihil potest esse melius quam Christi
societas: ergo videtur, quod vivere in congregacione
sit melius, quam ducere solitariam vitam.*

3. Præterea, Inter alia Religionis vota votum obe-
diens-

dientia excellentius est , & humilitas est maxime Deo accepta : sed obedientia , & humilitas magis observantur in conversatione , quam in solitudine : dicit enim Hieron. ad Rusticum monachum : (epist. 4. ante med.) *In solitudine cito subrepit superbia , dormit quantum voluerit , facit quod voluerit :* è contrario autem ipse docet eum , qui in societate vivit , dicens : *Nou facias quod vis , comedes quod juberis , habeas quantum acciperis , subjiciaris cui non vis , servias fratribus , Propositum monasterii timeas ut Deum , diligas ut parvem ergo videtur , quod Religio in societate viventium sit perfectior ea , quæ solitariam vitam agit.*

4. Præterea. Dominus dicit Lucæ 11. *Nemo accedit lucernam , & in abscondito ponit , neque sub modo :* sed illi qui solitariam vitam agunt , videntur esse in abscondito positi , nihil utilitatis hominibus alferentes : ergo videtur , quod eorum Religio non sit perfectior.

5. Præterea. Id quod est secundum naturam hominis , videtur ad perfectionem virtutis pertinere : sed homo est naturaliter animal sociale , ut Philos. dicit in 1. Politicorum , (c. 2. a. princ. tom. 5.) ergo videtur , quod agere solitariam vitam non sit perfectius , quam agere vitam socialem.

Sed Contra est , quod Aug. in lib. de operibus Monachorum , (c. 23. à med. tom. 3.) *illos sanctiores esse* dicit , qui à conspectu hominum separati , nulli ad se præbent accessum , *viventes in magna intentione orationum.*

Respondeo dicendum , quod solitudo , sicut & ipsa paupertas , non est ipsa essentia perfectioris , sed perfectio is instrumentum. Unde & in Collationibus Patrum (collat. 1. c. 7. in princ.) dicit Abbas Moyses , quod pro puritate cordis solitudo spectanda est , sicut & jejunia , & alia hujusmodi. Manifestum est autem quod solitudo non est instrumentum congruum actioni , sed contemplationi , secundum illud Osee 2. *Ducam eam in solitudinem , & loquar ad cor ejus.* Unde non congruit Religionibus , quæ sunt ordinatae ad opera vitaे activae sive corporalia , sive spiritualia ; nisi forte ad tempus , exemplo Christi , qui ut dicitur Lu-

Lucæ 6. Exiit in montem solus orare, & erat per noctis in oratione Dei.

Competit autem Religionibus, quæ sunt ad contemplationem ordinatae. Considerandum est tamen, quod id quod est solitarium, debet esse sibi per se sufficiens: hæc autem est, cui nihil deest, quod pertinet ad rationem perfecti. Et ideo solitudo competit contemplanti, qui jam ad perfectum pervenit. Quod quidem contingit dupliciter. Uno modo ex solo divino munere: sicut patet de Joanne Baptista, qui fuit replicus Spiritu sancto adhuc ex utero matris sue: unde cum adhuc puer esset, erat in desertis, ut dicitur *Lucæ 1.* Allo modo per exercitium virtuosi actus, secundum illud ad *Hebr. 5.* Perfectorum est solidus clavis, eorum qui pro consuetudine exercitatos habens sensus ad discretionem boni, ac mali.

Ad exercitium autem hujusmodi juvatur homo ex aliorum societate dupliciter. Uno modo quantum ad intellectum, ut instruatur in his quæ sunt contemplanda. Unde Hieron. dicit ad Rustic. monach. (*epist. 4. ante med.*) *Mihi placet, ut habeas sanctorum contubernium, nec ipse te doceas.* Secundo quantum ad affectum, ut scil. noxie affectiones hominis reprimantur exemplo, & correctione aliorum: qui, ut dicit Gregorius *30. Moral.* super illud: *Cui dedi in solitudine domum, (capit. 12. circ. med.) Qui potest solitudo corporis, si solitudo defuerit cordis?* Et ideo vita socialis necessaria est ad exercitium perfectionis: solitudo autem competit jam perfectis. Unde Hieron. dicit ad Rusticum monachum: (*loc. cit.*) *Solitariam vitam reprehendimus? minime: quippe quam sæpe laudavimus: sed de ludo monasteriorum hujuscemodi volumus egredi milites, quos eremii rudimenta dura non terreat, qui specimen conversationis sue multo tempore dederint.*

Sicut ergo id quod jam perfectum est præminet ei quod ad perfectionem exercetur: ita vita solitaria, si debite assumatur, præminet vitæ sociali. Si autem absque præcedenti exercitio talis vita assumitur, est periculosisima, nisi, per divinam gratiam suppletur, quod in aliis per exercitum acquiritur: sicut patet de beatis Antonio, & Benedicto,

Ad

Ad primum ergo dicendum, quod Salomon ostendit, melius esse quod sint duo simul, quam unum propter auxilium quod unus habet ab alio, vel a sublevandum, vel ad fovendum, vel ad spiritualiter calefaciendum: quo quidem auxilio iam non indigent qui sunt perfectionem assecuti.

Ad secundum dicendum, quod dicitur 1. Joan. 4. *Qui manet in charitate, in Deo manet, & Deus in eis.* Sicut ergo Christus est in medio eorum, qui sibi levicem per dilectionem proximi sociantur; ita habitat in corde ejus, qui divinæ contemplationi insistit per dilectionem Dei.

Ad tertium dicendum, quod actu obedire est necessarium his, qui indigent exerceri secundum directionem aliorum ad perfectionem capiendam. Sed illi qui jam perfecti sunt, spiritu Dei sufficienter aguntur, ut non indigerent actu aliis obedire; habent tamen obedientiam in preparatione animi.

Ad quartum dicendum, quod, sicut Augustinus dicit in 19. de Civitate Dei: (c. 19. à med. tom. 5.) *studio ergo ciuitatæ veritatis nemo prohibetur, quod ad ludabile pertinet otium.* Quod autem aliquis super candelabrum ponatur, non pertinet ad ipsum, sed ad ejus superiores. *Quæ sarcina si non imponatur,* ut Augustinus ibidem subdit, *contemplandæ veritati vicandum est,* ad quam plurimum valet solitudo. Et tamen illi qui solitariam vitam agunt, multum utiles sunt generi humano: unde August. dicit in libro de moribus Ecclesie, (c. 31. paulo à prlnc. tom. 1.) de his loquens: „Pave „solo, qui eis per certa intervalla temporum aspertus „& aqua contenti desertissimas terras incolunt, per „fuentes colloquio Dei, cui puris mentibus inhase- „runt. Videtur autem nonnullis res humanas, plu- „ quam oporteret deseruisse, non intelligentibus quo- „ tum nobis eorum animus in orationibus prosit, & „ vita ad exemplum, quorum corpora videre non si- „ nimur.“

Ad quintum dicendum, quod homo non potest so-
litarius vivere dupliciter. *Uno modo, quasi societas*
humanam non ferens propter animi sevitiam: & hoc
est bestiale, *Alio modo per hoc quod totaliter divisus re-*
bus

stenet: & hoc est supra hominem. Et ideo Philo-
lucet in 1. Polit. (c. 2. à med. tom. 5.) quod il-
litteris non communicat est bestia, aut Deus, id est,
vita.

QUÆSTIO CLXXXIX.

De Religionis ingressu, in decem articulos divisa.

Præmisse considerandum est de ingressu Religionis.

Et circa hoc queruntur decem.

Primo. Utrum illi qui non sunt exercitati in ob-
servantia præceptorum, debeant ingredi Reli-
gionem.

Secundo. Utrum licent aliquos voto obligari ad Re-
ligionis ingressum.

Tertio. Utrum illi qui voto obligantur ad Religionis
ingressum, teneantur votum implere.

Quarto. Utrum illi qui vovent Religionem intrare, te-
deantur ibi perpetuo reina nere.

Quinto. Utrum pueri sint recipiendi in Religionem.

Sexto. Utrum propter parentum obsequium aliqui de-
beant retrahi à Religionis ingressu.

Septimo. Utrum Presbyteri Curati, vel Archidiaconi
possint ad Religionem transire.

Ottavo. Utrum de una Religione possit aliquis tran-
sire ad aliam.

Nono. Utrum aliquis debeat alios inducere ad Reli-
gionis ingressum.

Decimo. Utrum requiratur magna deliberatio cum
consanguineis, & amicis ad Religionis ingressum.

ARTICULUS I.

*Utrum illi qui non sunt in præceptis exercitati, debent
ingredi Religionem.*

*Quo^l. 4. art. 2. & opus. 17. cap. 2. usque ad 10.
inclusive.*

And Primum sic proceditur. Videtur, quod non debeant Religionem ingredi, nisi illi qui sunt in præceptis exercitati: Dominus enim consilium perfectionis dedit adolescenti, qui dixerat se præcepta à juventute servasse: sed à Christo sumpsit initium omnis Religio: ergo videtur, quod non sint ad Religionem admittendi nisi qui sunt in præceptis exercitati.

2. Præterea. Greg. dicit super Ezech. (hom. 15. ali. quan. à princ. & l. 22. Moral. c. 14, parum à princ.) Nemo repente fit summus; sed in bona conversatione à minimis quis inchoat, ut ad magna perveniat. Sed magna sunt consilia, quæ pertinent ad perfectionem vitæ; minores autem præcepta sunt, quæ pertinent ad communem justitiam: ergo videtur, quod non debeant aliqui ad observantium consiliorum Religionem intrare, nisi priu fuerint in præceptis exercitati.

3. Præterea. Sicut Ordines Sacri habent quandam excellentiam in Ecclesiâ, ita & Religionis status: sicut Gregor. scribit Gallorum Episcopo, (l. 7. Registr. epist. 112. à med.) & habetur in Decreto distinct. 48. (c. sicut Neophyto) ordinante ad Ordines ascendentum est: nam casum appetit qui ad summum loci fastigia, post positis gradibus, per abrupta querit ascensum. Scimus autem, quod ædificati parietes non prius tignorum pondus accipiunt, nisi à novitatis suæ humore siccentur; ne ante pondera, quam solidentur, accipient, evictam simul fabricam deponant: ergo videtur, quod non debeant aliqui ad Religionem transire, nisi in præceptis sint exercitati.

4. Præterea. Super illud Psalmi 130., Sicut ablactatus est super matre sua, dicit Gl. (ord.) In utero matris Ecclesiæ primo concipiuntur, dum fidei radix

mentis instruimus: inde quasi in utero ejusdem alimur a fidem primordiis proficientes: deinde in lucem elevimur, dum per baptismum regeneramur: deinde quasi manibus Ecclesiæ portamur, & lacte nutrimur, dum post baptismum in bonis operibus informamur, & lacte simplicis doctrinæ nutrimur proficiendo, docet iam grandiusculi à lacte matris accedamus ad menum Patris, id est, à simplici doctrina, ubi prædictator Verbum caro factum, accedamus ad Verbum in principio apud Deum. *Et postea subdit:* Quia nuper baptizati in sabbato sancto quasi manibus Ecclesiæ gestantur, & lacte nutriuntur usque ad Pentecosten; quo tempore nulla difficultas indicuntur, non jejunatur, non media nocte surgitur: postea Spiritu Paraclito confirmati, quasi ablaciati, incipiunt jejunare, & alia difficultaria servare. Multi vero hunc ordinem perverterunt, ut hæretici, & schismatici, se ante tempus à lacte separantes: nude extingnuntur: et hanc ordinem pervertentes videntur illi qui Religionem intrant, vel alios ad intrandum inducent, antea missat in faciliori observantia præceptorum exercitatus: ergo videtur, quod sint hæretici, vel schismatici.

5. Præterea. A prioribus ad posteriora est transendum: Sed præcepta sunt priora consiliis; quia sunt commoda, utpote à quibus non convertitur essendi convenientia, quicunque enim servat consilia, servat & præcepta: sed non convertitur. Congruus autem ordo est, ut à prioribus ad posteriora transeat: ergo non potest aliquis transire ad observantiam consiliorum in Religione, nisi prius sit exercitatus in præceptis.

Sed contra est, quod Dominus Matthæum publicauit, qui in observantia præceptorum exercitatus non erat, advocavit ad consiliorum observantiam. Dicitur enim Lucæ 5. quod relictis omnibus, secutus est eum: non ergo est necessarium, quod ante aliquis exerceatur in observantia præceptorum, quam transeat ad perfectio- nem consiliorum.

Respondeo dicendum, quod, sicut ex supra dictis patet, (quest. præc. art. I.) status Religionis est quodam spirituale exercitium ad consequendam charitatis perfectionem: quod, quidem sit, in quantum per Re-

ligionis observantias auferuntur impedimenta perfectæ charitatis. Hæc autem sunt, quæ implicant affectus hominis ad terrena. Per hoc autem quod affectus hominis implicatur ad terrena, nos solum impeditur perfectio charitatis; sed interdum etiam ipsa charitas perditur, dum per inordinatam conversionem ad bona temporalia homo avertitur ab incommutabili bono, mortaliter peccando. Unde patet, quod Religionis observantiae sicut tollunt impedimenta perfectæ charitatis, ita etiam tollunt occasioem peccandi: sicut patet, quod per jejunium, vigilias, & obedientiam, & alia hujusmodi retrahitur homo à peccatis gula, & luxurie, & quibuscumque aliis peccatis.

Et ideo Religionem ingredi non solum expedit his, qui sunt exercitati in præceptis, ut ad maiorem perfectionem perveniant, sed etiam his, qui non sunt exercitati, ut facilius peccata videntur, & perfectionem absquantur.

Ad primum ergo dicendum, quod Hieronymus dicit super Matth. 5. (c. 19. sup. illud: *Hæc omnia servavi*) Mentiatur adolescens, dicens: *Hæc omnia servavi à juventute mea.* Si enim hoc quod positum est in mandatis, *Diliges proximam tuum sicut teipsum,* offere compleset, quomodo postea audiens, *Vade, vende omnia quæ habes,* & da pauperibus, tristis recessisset? Sed intelligendum est, eum mentitum fuisse quantum ad perfectam observantiam hujus præcepti. Unde Origines super Matth. (tract. 8. ante med.) dicit, quod, scripsit, tuum est in Evangelio secundum Hebreos, quod enim Dominus dixisset ei: *vade, vende omnia quæ habebes,* cœpit dives scalpere caput suum. Et dixit ad eum Dominus: quomodo dicas: *Feci legem, & precepitas,* cum scriptum sit in lege: *Diliges proximum tuum sicut teipsum?* & ecce multi fratres tui filii Abraham amicti sunt stercore, morientes pro fame, & dominus tua plena est multis bonis, & non egreditur aliquid omnino ex ea ad eos. Itaque Dominus redargens eum dicit: si vis perfectus esse, nolle, &c. Impossibile est enim implere mandatum, quod dicit: *Diliges proximum tuum sicut teipsum,* & esse divitem, & maxime tantas possessiones habere;

quod est intelligendum de perfecta impletione hujus præcepti. Imperfecte autem, & communi modo verum est, cum observasse præcepta. Perfectio enim principaliter in observantia præceptorum charitatis consistit, ut supra habitum est. (quest. 184. art. 3.) Ut ergo Dominus ostenderet, perfectionem consiliorum utilium esse & innocentibus, & peccatoribus, non solum vocavit adolescentem innocentem, sed etiam Matthæum peccatorem. Sed tamen Matthæus secutus est vocantem, non autem adolescens: quia facilis convertuntur ad Religionem peccatores, quam illi qui de sua innocentia præsumunt: quibus dicit Dominus Matth. 21. *Publicani, & meretrices præcedent vos in regnum Del.*

Ad secundum dicendum, quod summum, & infimum tripliciter accipi possunt. *Uno modo* in eodem statu, & in eodem homine: & sic manifestum est, quod nemo repente fit summus: quia unusquisque recte vivens toto tempore vitæ suæ proficit, ut ad summum perveniat. *Altro modo* per comparationem ad diversos status: & sic non oportet, ut quicunque vult ad superiorem statum pervenire, à minori incipiat: sicut non oportet, ut quicunque vult esse clericus, prius in laicali vita exerceatur. *Tertio modo* quantum ad diversas personas: & sic manifestum est, quod minus statum incipit non solum ab altiori statu, sed etiam ab altiori gradu sanctitatis, quam sit summum, ad quod alius pervenit per totam vitam suam. Unde Gregorius dicit in 2. Dialog. (c. 1. parum à princ.) *Omnis agnoscat, à quanta Benedictus puer conversationis gratia, & perfectione capisset.*

Ad tertium dicendum, quod, sicut supra dictum est, (implic. quest. 184. art. 6.) Ordines sacri prexi-
guunt sanctitatem: sed status Religionis est exercitium
quoddam ad sanctitatem assequendam. Unde pondus
Ordinum imponendum est parietibus jam per sanctitatem
desiccatis: sed pondus Religionis desiccat parietes, id
est homines, ab humore vitiorum.

Ad quartum dicendum, quod, sicut manifeste ex
verbis illius Glossæ apparet, principaliter loquitur de
ordine doctrinæ, prout transferendum est à facilitiori-
bus ad difficiliora. Unde quod dicit, *quosdam hereti-*

cos, & schismaticos hunc ordinem pervertere, manifestum est ex sequentibus ad ordinem doctrinæ pertinere. Sequitur enim: Hic vero se servasse, scilicet prædictum ordinem, „ dicit, constringens se maledicto. Sic non modo in aliis fui humiliis, sed etiam in scientia; quia humiliter sentiebam: quia prius nutritus fui lacte, quod est Verbum caro factum, ut sic crescerem ad panem Angelorum, id est, ad Verbum, quod est in principio apud Deum.“ Exemplum autem, quod in medio interponitur, quod noviter baptizatis non indicitur jejunium usque ad Pentecosten, ostendit quod non sunt ex necessitate ad difficultia cogendi, antequam per spiritum sanctum interiorius ad hoc instigentur, ut difficultia propria voluntate assumant. Unde & post pentecosten post receptionem Spiritus sancti jejunium celebrat Ecclesia. Spiritus autem sanctus, sicut Ambrosius dicit super Lucam: (c. 1. sup. illud: & Spiritu sancto replebitur) non coeretur astutias, non obitu extinguitur, non excluditur alvo matris. Et Gregor. dicit in Hom. Pentecostes: (qua est 30. in Evangel. inter med. & fin.) „ Implet citharecum puerum, & Psalmistam facit implet puerum abstinentem, & judicem senum facit: Et postea subdit: nullum la ad discendum mora agitur in omne quod voluerit: mox enim ut tetigerit, mentem docet.“ Et, sicut dicitur Eccl. 8: Non est in hominis potestate prohibere Spiritum. Et Apostolus 1. ad Thessalon. 5. monet: Spiritum extinguere. Et Act. 7. contra quosdam dicitur: Vos semper Spiritum sancto resistitis.

Ad quintum dicendum, quod præceptorum quædam sunt principia, quæ sunt quasi fines præceptorum, & consiliorum; scilicet præcepta charitatis, ad quæ consilia ordinantur, non ita quod sine consiliis servari non possint, sed ut per consilia perfectius observantur. At vero sunt præcepta secundaria, quæ ordinantur ad præcepta charitatis, ut sine quibus præcepta charitatis observari non possint omnino. Sic ergo perfecta observantia præceptorum charitatis præcedit intentione consilia, sed interdum tempore sequitur. Hic est enim ordo finis respectu eorum, quæ sunt ad finem. Observantia vero præceptorum charitatis secundum

dom communem modum, & similiter alia præcepta comparantur ad consilla, sicut commune ad proprium: quia observantia præceptorum potest esse sine consiliis: sed non convertitur. Sic ergo observantia præceptorum communiter sumpta præcedit ordine naturæ consilia: non tamen oportet, quod tempore, quia non est aliquid prius in genere, quam sit in aliqua specierum. Observantia vero præceptorum sine consiliis ordinatur ad observantiam præceptorum cum consiliis, sicut species imperfecta ad perfectam, sicut animal irrationale ad rationale. Perfectum autem naturaliter prius est imperfecto. *Natura* enim, ut Boettius dicit, (*lib. 3. de consolat. prosa 10. parum à princ.*) à perfectis sumit initium. Nec tamen oportet, quod prius observentur præcepta sine consiliis, & postea cum consiliis: sicut non oportet, quod aliquis prius sit asinus, quam homo, vel quod puerus sit conjugatus, quam sit virgo. Et similiter non oportet, quod aliquis prius servet præcepta in seculo, quam transeat ad Religionem: præsertim quia conversatio secularis non disponit ad perfectionem Religionis, sed magis impedit.

ARTICULUS II.

909

Utrum debeant aliqui voto obligari ad Religionis ingressum.

*Sap. quest. 183. & quol. 3. art. II. & opusc. 17.
cap. 11. 12. & 13.*

Ad secundum sic proceditur. Videtur, quod non debeant aliqui voto obligari ad Religionis ingressum. Per professionem enim aliquis voto Religionis astringitur: sed ante professionem conceditur annus probationis, secundum Regulam Beati Benedicti, (*c. 58.*) & secundum Statutum Innocentii III. (*c. Nullus de regularib. trans. &c.*) qui etiam prohibuit, ante annum probationis completum eos per professionem Religionis astrinxiri: ergo videtur, quod multo minus adhuc in seculistente debent voto ad Religionem obligari.

2. Præterea, Greg. in *Regist.* (*l. II. epist. 15.*) dicit, & habetur in *Decret. dist. 45.* (*c. de Judæis*) quod *Iudæi non sunt*, sed libera voluntate, ut convertantur

suxidendi sunt: Sed implere id quod vovetur, necessitatis est: ergo non sunt obligandi ad Religionis ingressum.

3. Præterea. Nullus debet alteri præbere occasionem ruiuæ, unde Exodi 21. dicitur: „Si quis appetuerit cisternam, occideritque bos, vel asinus in eam, dominus cisternæ reddet pretium jumentorum;” Sed ex hoc quod aliqui obligantur ad Religionem per votum, frequenter aliqui ruunt in desperationem, & in diversa peccata: ergo videtur, quod non sit aliqui ad Religionis ingressum voto obligandi.

Sed Contra est, quod in Psal. 75. dicitur: *Votate, & reddite Domino Deo vestro. Ubi dicit Glos. (ord. Aug. tom. 8.) quod quædam sunt vota propria singulorum, ut castitas, virginitas, & hujusmodi. Ad hæc ergo votenda invitat nos sacra Scriptura: Sed sacra Scriptura non invitat, nisi ad id quod est melius: ergo melius est, quod aliquis voto se obligat ad Religionis ingressum.*

Respondeo dicendum, quod, sicut supra dictum est, (q. 38. a. 6.) cum de voto ageretur, unum & idem opus ex voto factum est laudabilius, quam si sine voti fiat. Tum quia vovere est actus Religionis, quæ habet quandam excellentiam inter virtutes: tum quia per votum firmatur voluntas hominis ad bonum faciendum: & sicut peccatum est gravius ex hoc, quod procedit ex voluntate obstinata in malum: ita bonum opus est laudabilis ex hoc, quod procedit ex voluntate firmata in bonum per votum. Et ideo obligari voto ad Religionis ingressum, est secundum se laudabile.

Ad primum ergo dicendum, quod duplex est Religionis votum. Unum *solemne*, quod hominem facit Monachum, vel alterius Religionis fratrem: quod vocatio professio: & tale votum debet præcedere annus probationis, ut probat objectio. Aliud autem est votum simplex, ex quo aliquis non sit Monachus, vel Religiosus sed solum obligatur ad Religionis ingressum: & ante ille votum non oportet præcedere probationis annum.

Ad secundum dicendum, quod nuctoritas illa Gregorii intelligitur de violentia absoluta. Necessitas autem, quæ ex obligatione voti requiritur, non est necessitas absoluta, sed necessitas ex fine: quia scilicet post votum non potest aliquis finem salutis consequi,

impleat votum. Talis autem necessitas non est vitanda. Quinimmo, ut August. dicit ad Armentarium, & Pandianam, (*Ep. 45. non procul à fine tom. 2.*) *felix est necessitas, quæ in meliora compellit.*

Ad tertium dicendum, quod vovere Religionis ingressum, est quædam confirmatio voluntatis ad meliora, & ideo, quantum est de se, non dat homini occasionem ruinæ, sed magis subtrahit. Sed si aliquis voti transgressor gravius ruat, hoc non derogat bonitati voti: sicut nec derogat bonitati baptismi, quod aliqui post baptismum gravius peccant.

ARTICULUS III.

Utrum ille qui obligatus est voto ad Religionis ingressum, teneatur intrare Religionem.

Sup. q. 83. a. 3. ad 2. & quol. 3. a. II.

And Tertium sic proceditur. Videtur, quod ille qui obligatus est voto ad Religionis ingressum, non teneatur intrare Religionem. Diciture enim in Dec. 17. q. 2. (c. 1.) „ Confaldus Presbyter quondam infirmitate, ac fervore passionis pressus, monachum se fieri promisit: nos autem monasterio, aut Abbatii se tradidit, nec pro missionem scripsit, sed beneficium Ecclesiae in manu advocati refutavit: ac postquam coualuit, monachum se negavit fieri. Et postea subditur: Judicamus, & auctoritate Apostolica præcipimus, ut præfatus Presbyter beneficium, & altaria recipiat, & quiete re tineat.“ Hoc autem non esset, si teneretur religio nem intrare: ergo videtur, quod non teneatur aliquis implere votum, quo se ad Religionis ingressum obligavit.

2. Præterea. Nullus tenetur facere id, quod non est in potestate ipsius: Sed quod aliquis Religionem ingrediatur, non est in potestate ipsius: sed requiritur ad hoc assensus eorum, ad quos debet transire: ergo videtur, quod non teneatur aliquis implere votum, quo se ad Religionis ingressum obligavit.

3. Præterea. Per votum minus utile non potest derogari voto maioris utili: sed per impletionem voti Religionis impediti posset impletio voti crucis in subsidio ter-

terre sanctæ: quod videtur esse utilius; quia per hoc votum consequitur homo remissionem peccatorum: ergo videtur, quod votum, quo quis se obligavit ad Religionis ingressum, non sit ex necessitate implendum.

Sed contra est, quod dicitur Ecclesiast. 5. Si quid vovisti Deo: ne moreris reddere displaceat enim ei infidelis, & stulta promissio. Et super illud Psal. 75. Vovete & redite Domino Deo vestro, Dicit Gl. (colligitur ex interl. & hab. c. Licet de voto, & voti redempt.) Vovere voluntati consultur; sed post voti promissionem redditio necessario exigitur.

Respondeo dicendum, quod, sicut supra dictum est, (q. 88. a. 1.) cum de voto ageretur, votum est promissio Deo facta de his, quæ ad Deum pertineant. Ut autem Gregorius dicit in Epistola ad Bonifacium, (Id. hab. Innocent. I. epist. 2. ad Victillum can. 13. tom. 2. Concil. & Zacharias Pp. epist. 7. ad Pipin. c. 21. t. 6. Vid. c. Viduus 2. 27. q. 1.) „si inter homines bouzii, „dei solent contractus nulla ratione dissolvi, quanto ma- „gis ista pollicitatio, quam cum Deo pepigit, solvi „sive vindicta non poterit?“ Et ideo ad impleendum id quod homo vovit, ex necessitate tenetur; dummodo sit aliquid, quod ad Deum pertineat.

Manifestum est autem, quod ingressus Religionis maxime ad Deum pertinet: quia per hoc homo totaliter se mancipat divinis obsequiis, ut ex supra dictum patet (q. 186. a. 1.) Unde „relinquitur, quod ille qui „se obligat ad Religionis ingressum, tenetur Religioni „nem ingredi, secundum quod se voto obligare inten- „dit:“ ita scilicet quod si intendit se absolute obli- „bare, tenetur quam cito poterit, ingredi legitimo in- „sub certa conditione, tenetur Religionem ingredi tem- „re adveniente, vel conditione existente.

Ad primum ergo dicendum, quod ille Presbyter non fecerat votum solemne, sed simplex. Unde non erat natus effectus, ut cogi deberet de jure in monasterio remanere, & Ecclesiam dimittere. Tamen in foro con- scientiae esset sibi consulendum, quod o. naibas dimisit Religionem intraret. Unde extra de voto, & voti redemp- tione, cap. Per tuas, consultor Episcopo Genio napolitano, qui post votum Religionis Episcopatum in

sumperat , voto non impleto , ut , si suam sanare desideraret conscientiam , regimen Ecclesiæ resignaret , & „ redderet Altissimo vota sua .“

Ad secundum dicendum , quod , sicut supra dictum est , (q. 88. art. 3. ad 2.) cum de voto ageretur , ille qui se voto obligavit ad certæ Religionis ingressum , tenetur facere quantum in se est , ut in illa Religione recipiatur : & si quidem intendit se simpliciter ad Religionem obligare , si non recipitur in una Religione , tenetur ire ad aliam : si vero se intendit specialiter obligare ad unam solum , non tenetur nisi secundum modum obligationis suæ .

Ad tertium dicendum , quod votum Religionis , cum sit perpetuum , est maius , quam votum peregrinationis terræ sanctæ , quod est temporale : & sicut Alex. III. dicit , & habetur extra de voto , & voti redemptione , cap. Scripturæ . „ Reus fracti voti aliquatenus non habetur , qui temporale obsequium in perpetuam noscitur Religionis observantiam commutare .“ Rationabiliter autem dici potest , quod etiam per ingressum Religionis aliquis consequatur remissionem omnium peccatorum . Si enim aliquibus elemosynis factis , homo potest sc̄t̄m tassisacere de peccatis , secundum illud Daniel . „ Executa tua elemosynis redime , multo magis in satisfactionem pro omnibus peccatis sufficit , quod aliquis se totaliter divinis obsequiis mancipet per Religionis ingressum , quæ excedit omne genus satisfactionis , etiam publicæ penitentie , ut habetur in Decr. 33. q. 1. c. Adm̄ ere : sicut etiam holocaustum excedit sacrificium , ut Gregor. dicit super Ezech. (heb. 20. à med.) Vade legitur in vitis Patrum (l. 6. Ethio 1. num. 9.) quod tandem gratiam consequuntur Religionem intrantes , quam consequuntur baptizati . Si tamen non absolverentur per hoc ab omni reatu poenæ , nihilominus ingressus Religionis utilior est , quam peregrinatio terræ sanctæ , quantum ad promotionem in bonum quæ preponderat absolutioni à poena .

ARTICULUS IV.

911

Utrum ille qui votet Religionem ingredi, teneatur perpetuo in Religione permanere.

A

Ad Quartum sic proceditur. Videtur, quod ille qui votet Religionem ingredi, teneatur perpetuo in Religione permanere. Melius est enim Religiorem non ingredi, quam post ingressum exire, secundum illud ad Pet. 2. „Melius erat illis veritatem non cernescere, quam post agnitionem retroire:” Et Iuc. 8. dicitur: Ne mo mittas manum ad aratum, & respiciens retro, aptus est regno Dei:“ Sed ille qui voto se obligavit ad Religionis ingressum, tenetur ingredi, ut dicta est, (art. præc.) ergo etiam tenetur perpetuo remanere.

2. Præterea. Quilibet debet vitare id, ex quo scandalum sequitur, & aliis datur malum exemplum: si ex hoc quod aliquis post Religionis ingressum egreditur, & ad seculum reddit, malum exemplum, & scandalum aliis generatur, qui retrahuntur ab ingressu, & provocantur ad exitum: ergo videtur, quod ille qui ingreditur Religionem, ut votum impleat, quod prius fecit, teneatur ibi perpetuo remanere.

3. Præterea. Votum Religionis reputatur votum perpetuum: & ideo temporalibus votis præfertur, ut dictum est: (art. præc. ad 3. Et quæst. 88. art. 12. ad 1.) Hoc autem non esset, si aliquis, voto Religionis emulso, ingredieretur cum proposito exeundi: videtur ergo quod ille qui votet Religionis ingressum, teneatur in Religione etiam perpetuo remanere.

Sed contra est, quod votum possessionis propter hoc quod obligat hominem ad hoc, quod perpetuo in Religione remaneat, præexigit a bonum probationis: qui non prævergit ad votum simplex, quo aliquis se obligat ad Religionis ingressum: ergo videtur, quod ille qui votet Religionem intrare, propter hoc non teneatur perpetuo ibi remanere.

Respondeo dicendum, quod obligatio voti ex voluntate procedit. Nam *vovere voluntatis est*, ut Augustinus dicit (implic. sup. Psalm. 75. à med. tom. 1. Et epist. 45. à med. tom. 2. Et etiam c. Licet, de voto, Et vobis. 45. adempt.) In tantum ergo fertur obligatio voti, in qua-

hū se extendit voluntas, & intentio voventis. Si ergo vovens intendit se obligare non solum ad ingressum Religionis, sed etiam ad perpetuo remanendum, tenetur perpetuo remanere: si autem intendit se obligare ad ingressum Religionis causa experiendi, cum libertate remanendi, vel non remanendi, manifestum est quod remanere non tenetur: Si vero in vovendo impliciter de ingressu Religionis cogitavit, absque hoc quod cogitaret de libertate exitus, vel de perpetuitate remanendi, videtur obligari ad ingressum Religionis secundum formam iuris communis; quæ est, ut ingreditibus detur annus probationis: unde non tenetur per-

plus in Religione permanere.

Ad primum ergo dicendum, quod melius est intrare Religionem animo probandi, quam penitus non intrare: quia per hoc disponitur ad perpetuo remanendum. Nec tamen intelligitur aliquis retroire, vel respicere, nisi quando prætermittit id, ad quod se obligavit: alioquin quicunque per aliquod tempus facit aliquod bonum opus, si non semper id faciat, esset inneptus regno Dei, quod patet esse falsum.

Ad secundum dicendum, quod ille qui Religionem ingreditur, si exeat, præsertim ex aliqua rationabili causa, non generat scandalum, nec dat malum exemplum; & si alius scandalizatur, erit scandalum passionis ex ejus parte, non autem activum ex parte existens; quia fecit quod licitum erat facere, & quod expediebat ei propter rationabilem causam, puta infirmitatem, aut debilitatem, aut aliquid hujusmodi.

Ad tertium dicendum, quod ille qui intrat, ut statim exeat, non videtur satisfacere voto suo: quia ipse in vovendo hoc non intendit: & ideo tenetur mutare propositum, ut saltem velit experiri, an ei expediatur in Religione remansere: non autem tenetur ad perpetuo remanendum.

ARTICULUS V. 912

Utrum pueri sint recipiendi in Religionem.

Sap. q. 88. a. 8. ad 2. & a. 9. corp. & quol. 11. a. 11. &
A quol. 4. a. 2. & opusc. 17. c. 3.

*A*d Quintum sic proceditur. Videtur, quod pueri non sint recipiendi in Religionem: quia extra, de re-

gularibus, & transeuntibus ad religionem dicitur (c. 1.) Nullas tondereatur: nisi legitima ætate, & spontanea voluntate sed pueri non videntur habere legitimam ætatem, nec spontaneam voluntatem; quia non habent perfecte usum rationis: ergo videtur, quod non sint in Religionem recipiendi.

2. Præterea. Status Religionis videtur esse status pœnitentiæ, unde & Religio dicitur à religando, vel à religendo, ut Augustinus dicit 10. de civit. Dei (c. 4. ante med. tom. 5. & lib. de vera relig. sub fin. t. I.) Sed pueris non convenit pœnitentia: ergo videtur quod non debeant Religionem intrare.

3. Præterea. Sicut aliquis obligatur juramento, ita & voto: sed pueri ante annos quatuordecim non debent obligari juramento, ut habetur in Decret. 22. quæst. 5. c. Pueris, & c. Honestum: ergo videtur, quod nec etiam sint voto obligandi.

4. Præterea. Illicitum videtur obligare aliquem talii obligatione, quæ posset juste irritari: sed si aliqui impueris obligant se Religioni, possunt retrahi à parentibus, vel tutoribus, dicitur enim in Decret. 20. quæst. 2. (cap. 2.) quod „si puella ante duodecim „ætatis annos sponte sua sacrum velamen assumpserit, „possunt statim parentes ejus, vel intores id factum „irritum facere, si voluerint.“ illicitum est ergo pueros, præsertim ante annos pubertatis ad Religionem recipere, vel obligare.

Sed contra est, quod dicit Dominus Matth. 19. *Sicut parvulos, & nolite eos prohibere ad me venire. Quod exponens Origenes super Matth. (tract. 7. versus fin.) dicit, quod „discipuli Jesu priusquam discant rationem „justitiae reprehendunt eos qui pueros, & infantes offerunt Christo: Dominus autem exhortatur discipulos „suos condescendere utilitatibus puerorum. Hoc ergo „attendere debemus, ne æstimatione sapientiae excellerent contemnamus, quasi magni, pusillo Ecclesiæ, siæ prohibentes pueros venire ad Jesum.“*

Respondeo dicendum, quod sicut supra dictum est, (art. huj. quæst. ad I.) duplex est Religionis votum. Unum simplex, quod consistit in sola promissione Deo facta, quæ ex interiori mentis deliberatione proce-

dit: & hoc votum habet efficaciam ex jure divino, quod tamen *dupliciter* impediri potest. *Uno modo* per defectum deliberationis, ut patet in furiosis, quorum vota non sunt obligatoria, ut habetur extra, de regularibus, & transennutibus ad religionem, cap. *Sicut tenor.* Et eadem est ratio de pueris, qui nondum habent debitum usum rationis, per quem sunt doli capaces: quem quidem pueri habent ut frequentius circa quartumdecimum annum, pueræ vero circa duodecimum, qui dicuntur anni pubertatis: in quibusdam tamen anticipatur, & in quibusdam tardatur secundum diversam dispositionem naturæ. *Alio modo* impeditur efficacia simplicis voti, si aliquis Deo vovent, qui non est propriæ potestatis: puta si servus etiam usum rationis habens vovent se Religionem intrare, aut etiam ordinetur ignorantie domino, potest enim dominus revocare, ut habetur in Decr. dist. 54. cap. *Si servus,* Et quia pueri, vel pueræ infra pubertatis annos naturaliter sunt in potestate patris quantum ad dispositionem suæ vite, potest pater votum eorum revocare, vel acceptare si sibi placuerit, ut expresse dicitur de muliere, Numer. 30.

Sic ergo „Si puer ante annos pubertatis simplex votum emittat antequam habeat plenum usum rationis, non obligatur ex voto: si autem habeat usum rationis ante annos pubertatis, obligatur quidem, quantum in se est, ex suo voto: tamen potest obligatio removari per auctoritatem patris, in cujus possessione adhuc existit:“ quia ordinatio legis, quam homo subditur alteri, respicit id quod in pluribus accidit: „Si vero annos pubertatis excedat, non potest revocari auctoritate parentum: si tamen nondum haberet plenum usum rationis, non obligatur quoad Deum.“

Aliud autem est votum solemne, quod facit Monachum, vel Religiosum: quod quidem subditur ordinati Ecclesie propter solemnitatem, quam habet annexam: & quia Ecclesia respicit id quod in pluribus est „professio ante tempus pubertatis facia, quamcumque aliquis habeat usum rationis plenum, vel sit doli capax, non habet suum effectum, ut faciat

„profitemur jam esse Religiosum.“ Et tamen licet ante pubertatis annos profiteri non possint, possunt tamen cum voluntate parentum in Religione recipi, ut nutriantur ibidem: sicut de Joanne Baptista legitur Lucæ 1. quod puer crescebat, & confortabatur spiritu, & erat in desertis. Unde, sicut Gregorius dicit in 2. Dialog. (cap. 3. in fine) *B. Benedicto Romani nobilis sus filios omnipotenti Deo nutriendos dare cœperunt*, quod est valde expediens, secundum illud Thren. 3. *Bonum est viro, cum portaverit jugum ab adolescencia sua.* Unde & communis consuetudine pueri applicantur illis officiis, vel artibus, in quibus sunt vitam acturi.

Ad primum ergo dicendum, quod legitima ætas ad hoc quod aliquis tondeatur cum voto solemnis religionis, est tempus pubertatis, in quo homo potest uti spontanea voluntate: sed ante annos pubertatis potest esse legitima ætas ad hoc, quod aliquis tondatur in Religione nutriendus.

Ad secundum dicendum, quod Religionis status principaliter ordinatur ad perfectionem consequendam, ut supra habitum est. (q. 186. art. 1. ad 4.) Et secundum hoc convenit pueris, qui de facili induentur: ex consequenti autem dicitur esse status paenitentiae, in quantum per observantiam Religionis peccatorum occasiones tolluntur ut supra dictum est, (quæst. 187. art. 6.)

Ad tertium dicendum, quod pueri sicut non concurrunt ad jurandum, sicut Casan dicit, ita non concurrunt ad votendum. Si tamen voto, vel iuramento se adstrinxerint ad aliquid faciendum, obligantur quoad Deum, si habeant usum rationis: sed non obligantur quoad Ecclesiam ante quatuordecim annos.

Ad quartum dicendum, quod Num. 30. non reprehenditur mulier in puellaris ætate constituta, si voveat absque consensu parentum: potest tamen revocari a parentibus: ex quo patet, quod non peccat vovo; sed intelligitur se voto obligare, quantum in se est, absque prejudicio auctoritatis paternæ.

ARTICULUS VI.

913

Vtrum propter obsequium parentum debeant aliqui retrahiri ab ingressu Religionis.

Sup. q. 101. art. 4. ad 3. & 4. & 3. dist. 38. quæst. 2.
art. 4. q. 2. a. 2. & quol. 3. art. 16. & quol. 10.
art. 9. & Matth. 15.

And sextum sic proceditur. Videtur, quod propter obsequium parentum debeant aliqui retrahiri ab ingressu Religionis. Non enim licet prætermittere id quod est necessitatis, ut fiat id quod est liberum voluntatis: sed obsequi parentibus cadit sub necessitate præcepti, quod datur de honoratione parentum Exod. 20. unde & Apost. dicit 1. ad Timoth. 5. „Si qua vidua filios, & nepotes habet, discat primum dominum suam regere, & mutuam vicem reddere parentibus:“ Ingressi autem Religionem est liberum voluntati: ergo videtur, quod non debeant aliquis prætermittere parentum obsequium propter Religionis ingressum.

2. Præterea. Major videtur esse subjectio filii ad patrem, quam servi ad dominum; quia filatio est naturalis, servitus autem ex maledictione peccati, ut patet Gen. 9. Sed servus non potest prætermittere obsequium domini sui, ut Religionem ingrediatur, aut sacram Ordinem assumat, sicut habetur in Decret. dist. 54. cap. Si servus: ergo multo minus potest filius obsequium patris prætermittere, ut ingrediatur Religionem.

3. Præterea. Majori debito obligatur aliquis parentibus, quam his, quibus debet pecuniam: sed illi qui debent pecuniam aliquibus, non possunt religionem ingredi, dicit enim Greg. in Regist. (l. 7. Indict. 1. epist. 11.) & habetur in Decret. dist. 53. (cap. Legem) quod „bi qui sunt rationibus publicis obligati, quando petunt monasterium, nullo modo suscipiendi sunt, nisi prius à negotiis publicis fuerint absolti:“ ergo videtur, quod multo minus filii possint Religionem ingredi, prætermisso paterno obsequio.

Sed contra est, quod Matth. 4. dicitur, quod Ia-

cobus, & Joannes, relictis reliquo, & patre, secuti sunt Dominum. Ex quo, ut Hilarius dicit, (can. 3. in Matth. non procul à fin.) docemur Christum secuturum, & secularis vita sollicitudine, & paternæ domus consuetudine non teneri.

Respondeo dicendum, quod, sicut supra dictum est, (q. 101. art. 2. ad 2.) cum de pietate ageretur, parentes habent rationem principiū in quantum hujusmodi, & ideo per se eis convenit, ut filiorum curam habeant. Et propter hoc non licet alioī filios habenti Religionem ingredi, omnino prætermissa cura filiorum, id est, non provisso qualiter educari possint. Dicitur enim 1. ad Tim. 5. quod si quis sursum curam non habet, fidem negavit, & est infideli deterior.

Per accidens tamen parentibus convenit, ut à filiis adjuventur: in quantum scilicet sunt in necessitate aliqua constituti. Et ideo dicendum est, quod parentibus in necessitate existentibus, ita quod eis commode aliter quam per obsequium filiorum subveniri non possit, non licet filiis, prætermisso parentum obsequio, Religionem intrare: si vero non sint in tali necessitate, ut filiorum obsequio multum indigant, possunt, prætermisso parentum obsequio, filii Religionem intrare, etiam contra præceptum parentum: quia post annos pubertatis quilibet ingenuus libertatem habet quantum ad ea, quae pertinent ad dispositionem sui status, præsertim in his quæ sunt divinis obsequi: & magis est obtemperandum Patrī spirituum, ut vivamus, quam parentibus carnis, ut Apostolus dicit ad Hebr. 12. Unde Dominus, ut legitur Matth. 8. & Lucae 9. reprehendit discipulum, qui nolebat eum statim sequi iactitu paternæ sepulturæ: erant enim alii, per quos illud opus impleri poterat, ut Chrysost. dicit. (hom. 28. in Matth. à med.)

Ad primum ergo dicendum, quod præceptum de honoratione parentum non solum se extendit ad corporalia obsequia, sed etiam ad spiritualia, & ad reverentiam exhibendum. Et ideo etiam illi qui sunt in Religione, implere possunt præceptum de honoratione parentum, pro eis orando, & eis reverentiam, & auxillum impendendo, secundum quod Religiosos det:

cet: quia etiam illi qui in seculo vivunt, diversimode parentes honorant secundum eorum conditionem.

Ad secundum dicendum, quod, quia servitus est in personam peccati inducta, ideo per servitutem aliquid admittitur homini, quod alias ei competenter, ne scilicet libere de sua persona possit disponere: servus enim id quod est, domini est. Sed filius non patitur detrimentum ex hoc quod subjectus est patri, quin possit de sua persona libere disponere, transferendo se ad obsequium Dei: quod maxime pertinet ad hominis bonum.

Ad tertium dicendum, quod ille qui est obligatus ad aliquid certum, non potest illud licite prætermittere, facultate existente. Et ideo si aliquis sit obligatus ut alicui rationem ponat, vel ut certum debitum reddat, non potest hoc licite prætermittere, ut Religionem ingrediatur. Si tamen debet aliquam pecuniam, & non habeat unde reddat, tenetur facere quod potest, ut scilicet cedat bonis suis creditoribus. Propter pecuniam autem persona liberi hominis, secundum Jura Civilia (*I. Ob. as., C. de actionib. &c. obligationib. &c. in Syntagma Juris, I. 14. c. 3. num. 12.*) non obligatur, sed solum res: quia persona liberi hominis superat omnem estimationem pecuniae. Unde licite potest, exhibitis rebus suis, Religionem intrare: nec tenetur in seculo remanere, ut procuret unde debitum reddat. Filius autem non tenetur ad aliquid speciale debitum patri, nisi forte in casu necessitatis, ut dictum est. (*in corp. a.*)

ARTICULUS VII.

914

Utrum Presbyteri Curati possint licite Religionem Ingredi.

Sup. q. 184. a. 3. & opusc. 18. c. 25.

 Ad Septimum sic proceditur. Videtur, quod Presbyteri Curati non possint licite Religiorem ingredi. Dicit enim Gregor. in Pastor. (*part. 3. c. 1. admonit. q. parum à princ.*) quod „ille qui curam animalium suarum pit, terribiliter admonetur, cum dicitur: fili mi, si sponderis pro amico tuo, defixisti apud extraeum

„ ma-

, manum tuam : Et subdit : Spondere namque pro amico, est alienam animam in periculo suæ conversatio-
nis accipere : Sed ille qui obligatur homini pro aliquo debito, non potest intrare Religionem, nisi solvat id quod debet, si possit. Cum ergo Sacerdos possit curam animarum agere, ad quam se obligavit in periculum animæ suæ, videtur quod non licet ei, prætermissa cura animarum, Religionem intrare.

2. Præterea. Quod uni licet, pari ratione omniibus similibus licet : sed si omnes Presbyteri habentes curam animarum Religionem intrarent, remanerent plebes absque cura Pastorum : quod esset inconveniens : ergo videtur, quod Presbyteri Curati non possint licite Religionem intrare.

3. Præterea. Inter actus, ad quos Religiones ordinantur, præcipui sunt illi, quibus aliquis contemplata aliis tradit : hujusmodi autem actus competit Presbyteris Curatis, & Archidiaconis, quibus ex officio competit prædicare, & confessiones audire : ergo videtur, quod non licet Presbytero Curato, vel Archidiacono transire ad Religionem.

Sed Contra est, quod in Decret. 19. q. 2. c. Dux sunt leges, dicitur : „Si quis Clericorum in Ecclesia sua sub Episcopo populum retinet, & seculariter vivit, si afflatus Spiritu sancto in aliquo monasterio, vel regulari canonica se salvare voluerit, etiam Episcopo suo contradicente, eat liber nostra auctoritate.“

Respondeo dicendum, quod, sicut supra dictum est, (a. 3. huj. q. ad 3. & q. 88. a. 12. ad 1.) obligatio voti perpetui præferter omni alii obligationi. Obligari autem voto perpetuo, & solemní ad vacandum divinis obsequiis, competit proprio Episcopis, & Religiosis. Presbyteri autem Curati, & Archidiaconi non obligantur voto perpetuo, & solemní ad curam animarum retinendam, sicut ad hoc obligantur Episcopi. Unde Episcopi Præsulatum non possunt deserere quacumque occasione, absque auctoritate Romani Pontificis, ut habetur extra de reg. & transenuntiabus ad relig. c. Lket. Archidiaconi autem, & Presbyteri Curati possunt libere abrenuntiare Episcopo curam eis

com-

commissari, absque speciali licentia Papæ, qui solus potest in votis perpetuis dispensare. Unde manifestum est, quod Archidiaconis, & Presbyteris Curatis licet ad Religionem transire.

Ad primum ergo dicendum, quod Presbyteri Curati, & Archidiaconi obligaverunt se ad curam agendam subditorum, quamdiu retinent Archidiaconatum, vel Parochiam: non autem obligaverunt se ad hoc, quod perpetuo Archidiaconatum, vel Parochiam teneant.

Ad secundum dicendum, quod, sicut Hieron. dicit contra Vigil. (c. 6. in princ. & incipit: *Multa in orbe*)
 "Quamvis à te linguae vipereæ morsus sævissimos patiantur, scilicet Religiosi, quibus argumentaris, &
 "dicis: si omnes se clauerint, & fuerint in solitu-
 "dine quis celebravit Ecclesias? Quis seculares homi-
 "nes lucrificaret? quis peccantes ad virtutes poterit ex-
 "hortari? Hoc enim modo si omnes tecum fatui sint,
 "sapiens esse quis poterit? Et virginitas non erit ap-
 "probauda. Si enim virgines omnes fuerint, & nup-
 "tiae non fuerint, interibit genus humanum. Rara est
 "virtus, nec à pluribus appetitur: " patet ergo, quod
 hic timor stultus est: puta si aliquis timeret haurire
 aquam, ne flumen deficeret.

Ad tertium patet solutio ex dictis.

ARTICULUS VIII.

915

Utrum licet de una Religione transire ad aliam.

¶ dist. 27. q. 1. art. 3. q. 1. & 3. & dist. 38. q. 1.
 art. 4. q. 3. ad 2.

Ad Octavum sic proceditur. Videtur, quod non licet de una Religione transire ad aliam etiam arctiorum. Dicit enim Apost. ad Hebr. 10: „Non deserentes collectionem nostram, sicut est consuetudinis quibusdam: Gl. (interl.) qui scilicet vel timore perse- entiois cedunt vel propria presumptione à peccato-ribus, vel imperfectis, ut justi videantur recedunt: Sed hoc videatur facere, qui de una Religione transeunt ad aliam perfectiorem: ergo videtur hoc esse illicium.

Pra-

2. Præterea. Professio Monachorum est arctior, quam professio Regularium Canonicorum, ut habetur extra, de statu Monach. & Can. Reg. c. *Quod Del timorem*: sed nos licet alicui transire de statu Canonicorum Regularium ad statum Monachorum: dicitur enim in Dec. 17. q. 3. (cap. 2.) „Mandamus, & universaliter interdi-
„cimus, ne quis Canonicus regulariter professus, nisi
„(quod absit) publice lapsus fuerit, Monachus effi-
„ciatur: “ ergo videtur, quod non licet alicui transi-
re de una Religione ad aliam majorem.

3. Præterea. Tamdiu obligatur aliquis ad imple-
dum quod vovit, quamdiu potest licite illud implere:
sicut si aliquis vovit continentiam servare, etiam post
contractum matrimonium per verba de præsentî, ante
carnalem copulam tenetur implere votum: quia hoc po-
test facere Religionem intrando: si ergo aliquis licite
potest transire de una Religione ad aliam tenebitur hoc
facere, si ante hocoyerit existens in seculo, quod
videtur esse inconveniens; quia ex hoc plerisque scan-
dalum generari posset: ergo non potest aliquis Religio-
sus de una Religione transire ad aliam arctiorem.

Sed contra est, quod dicitur in Decret. 20. q. 4.
(cap. 1.) „Virgines sacræ si pro lucro avimꝝ sue prop-
ter districtiōem vitam ad aliud Monasterium perge-
re disposuerunt, ibique commanere decreverunt, sanc-
ta Synodus concedit: “ Et eadem ratio videtur esse
de quibuscumque Religiosis: ergo potest aliquis licite
transire de una Religione ad aliam.

Respondeo dicendum, quod transire de Religione
ad Religionem, nisi propter magnam utilitatem, vel
necessitatem, non est laudabile: tum quia ex hoc ple-
riusque scandalizantur illi, qui relinquentur, tum etiam
quia facilius proficit aliquis iu Religiose quam consue-
vit, quam in illa quam non consuevit, cæteris paribus.
Unde in Collationibus Patrum (collat. 14. c. 5. In p[ro]l[ic]e.)
Abbas Nestoros dicit: „Unicuique utile est secundum
propositum quod elegit, ut summo studio, ac dili-
gentia ad operis arrepti perfectionem pervenire testi-
net, & nequaquam à sua, quam elegit senec[us], pro-
fessione discedat. “ Et postea subdit (cap. 6.) ratio-
nem assignans: „Impossibile namque est, unum & eum-
dem

„dem hominem simul universis fulgere virtutibus: quas
„si quis voluerit pariter affectare, in id iucidere cum
„necessere est, ut dum omnes sequitur, nullam inte-
„gre consequatur.“ Diversæ enim Religiones præemi-
„uent secundum diversa virtutum opera.

Potest tamen aliquis laudabiliter de una Religione
transire ad aliam, triplici ex causa. Primo quidem zelo
perfectionis Religionis quæ quidem excellentia, ut su-
per dictum est, *quæst. præc. art. 6.*) non attenditur
secundum solam arctitudinem, sed principaliter secun-
dum id, ad quod Religio ordinatur, secundario vero
secundum discretionem observantiarum debito fini pro-
portionatarum. Secundo propter declinationem Religionis
à debita perfectione: puta si in aliqua Religione
actiori incipient Religiosi remissius vivere, laudabi-
liter transit aliquis ad Religionem etiam minorem, si
melius observetur. Unde in Collationibus Patrum (*col-
lat. 19. c. 3. 5. & 6.*) Abbas Joannes de seipso dicit,
quod à vita solitaria, in qua professus fuerat, trans-
sit ad minorem, scilicet eorum qui vivunt in societate
propter hoc quod vita eremita cœperat declinare, &
laxius observari. Tertio propter infirmitatem, vel debi-
litatem; ex qua interduum provenit, quod non potest
aliquis actioris Religionis statuta servare, posset autem
servare statuta Religionis laxioris.

Sed in histribus casibus potest esse differentia. Nam
in primo casu debet quidem propter humilitatem licen-
tiam petere, quæ tamen ei negari non potest, dum-
modo constet illam Religionem esse actiorem. Si vero
de hoc probabiliter dubitetur; est in hoc Superioris ju-
dicium requirendum, ut habetur extra, de regularibus,
& transenatibus ad religionem, cap. *Licet.* Similiter re-
quiritur Superioris judicium in secundo casu. In tertio ve-
to casu etiam est necessaria dispensatio.

Ad primum ergo dicendum, quod illi qui ad arc-
tiorem Religionem transeunt, non faciunt hoc præsumpt-
to, ut justi videantur, sed devote, ut justiores fiant.

Ad secundum dicendum, quod utraque Religio, sci-
licet Monachorum, & Canonorum Regularium, or-
dinatur ad opera vitæ contemplative: inter quæ præci-
pua sunt ea, quæ aguntur in divinis mysteriis: ad quæ

or-

ordinatur directe Ordo Canonicorum Regularium, quibus per se competit, quod sint Clerici Religiosi; sed ad Religionem Monachorum non per se competit, ut sint Clerici, ut habetur in Decret. 16. quæst. 1. (cap. *Nemo potest, &c cap. Aliæ causa.*) Et ideo quamvis Ordo Monachorum sit arctioris observantie, si Monachi essent laici, licet transire ab Ordine Monachorum ad ordinem Canonicorum Regularium, secundum illud Hieronymi ad Rusticum monachum, (epist. 4. aliquant. à med.) *Sic vive in monasterio, ut clericus esse merearis:* non autem è converso, ut habetur in Decret. 16. quæst. 1. in decreto inducto: sed si Monachi sint Clerici sacris mysteriis obsequentes, habent id quod est Canonicorum Regularium cum majori arctitudine. Et ideo transire licitum erit de ordine Canonicorum Regularium ad ordinem Monachorum, petita tamen Superioris licentia, ut dicitur 29. q. 3. cap. *Statuimus.*

Ad tertium dicendum, quod votum solemne, quo quis obligatur minori Religioni est fortius, quam votum simplex, quo quis adstringitur majori Religioni. Post votum enim simplex si coniageret aliquis matrimonium, non dirimeretur, sicut post votum solemne. Et ideo ille qui jam professus est in minori Religione non tenetur implere votum simplex, quod emisit de intrando Religionem majorem.

ARTICULUS IX.

916

Utrum aliquis debeat alios inducere ad Religionem intrandam.

Quol. 3. a. 11. & 14.

And Nonum sic proceditur. Videtur, quod nullus debeat alios inducere ad Religionem intrandam. Mandat enim Beatus Benedictus in Regula sua, (cap. 58.) quod *venientibus ad Religionem non sit facilis prælendus ingressus: sed probandum est, an spiritus ex Deo sint.* Et hoc etiam docet Cassianus in 4. lib. de institutis cœnobiorum. (cap. 3.) multo ergo minus licet aliquem ad Religionem inducere.

2. Præterea, Matth. 23. Dominus dicit: „Vz 10^o
vjs

„bis, qui circuitis mare, & aridam, ut faciatis unum
„proselytum, & cum factus fuerit, facitis eum fi-
„lium gehennæ duplo quam vos: “ sed hoc videntur
ficiere, qui homines ad Religionem inducunt: ergo vi-
detur hoc esse vituperabile.

3. Præterea. Nullus debet aliquem inducere ad id,
quod pertinet ad ejus detrimentum: sed illi qui indu-
cuntur ad Religionem, quandoque ex hoc incurunt de-
trimentum, quia quandoque sunt obligati ad majorem
Religionem: ergo videtur, quod non sit laudabile ali-
quos inducere ad Religionem.

Sed Contra est, quod dicitur Exod. 26. *Cortina*
attinam trahat: debet ergo unus homo alium trahere
ad Dei obsequium.

Respondeo dicendum, quod „inducentes alios ad
„Religionem non solum non peccant, sed magnum
„præmium merentur. Dicitur enim Jacobi ultimo: Qui
„converti fecerit peccatorem ab errore viæ suæ, sal-
„vabit animam ejus à morte, & operiet multitudi-
„nem peccatorum. Et Dan. 12. dicitur, quod qui ad
„iustitiam erudiant plurimos, erunt quasi stellæ in
„perpetuas æternitates.“

Posset tamen contingere circa hujusmodi inductio-
nem triplex inordinatio. Primo quidem, si violenter
aliquis alium ad Religionem cogeret: quod prohibetur
in Decr. 20. quæst. 3. (cap. Præsens) Secundo, si ali-
quis simoniace alium ad Religionem trahat, muneri-
bus datis, ut prohibetur in Decret. ibidem, quæst. 2.
cap. Quam pios. Nec tamen ad hoc pertinet, si ali-
quis alicui pueri necessaria subministret in seculo nu-
trientis eum ad Religionem; vel si sine pacto aliqua
monedula tribuat ad familiaritatem captandam. Ter-
tio, si mendaciis eum alliciat. Imminet enim sic in-
dictio periculum, ne cum se deceptum invenerit, re-
trahedat; & sic stant novissima illius hominis pejora prio-
ribus, ut dicitur Luc. 11.

Ad primum ergo dicendum, quod illis, qui ad
Religionem inducuntur, nihilominus reservatur proba-
tionis tempus, in quo difficultates Religionis experiuntur:
& sic non facilis aditus eis datur ad Religionis ingressum.

Ad secundum dicendum, quod secundum Hilarium

(can.

(can. 14. in Matth. circ. med.) verbum illud Domini prænuntiativum fuit perversi studii Judæorum, quo post Christi prædicationem Gentiles, vel etiam Christianos ad Judaicum ritum trahendo faciunt dupliciter gehennæ filios, quia scilicet peccata pristina, quæ commiserunt in Judaismo, eis non dimituntur, & nihilominus incurront Judaicæ perfidiae reatum: & secundum hoc non facit ad propositum. Secundum Hieron. autem (in hunc loc. Matth.) hoc refertur ad Judæos etiam pro statu illo, in quo legalia observari licebat, quantum ad hoc, quod ille qui ab eis ad Judaismum convertebatur, „dum esset Gentilis, simpliciter errabat: „videns autem magistrorum vitia, revertitur ad vomitum suum, & Gentilis factus, quasi prævaricator, „majori pena fit dignus.“ Ex quo patet, quod trahere alios ad cultum Dei, vel ad Religionem non est vituperabile: sed hoc solum, quod aliquis ei, qui convertitur, det malum exemplum, unde pejor efficiatur.

Ad tertium dicendum, quod in majori includitur minus. Et ideo ille qui est obligatus voto, vel juramento ad ingressum minoris Religionis, potest licite induci ad hoc quod ad maiorem Religionem transeat nisi sit aliquid speciale, quod impedit; puta infirmitas, vel spes majoris profectus in minori Religione: ille vero qui est obligatus voto, vel juramento ad ingressum majoris Religionis, non potest licite induci ad minorem Religionem, nisi ex aliqua speciali causa evidenti: & hoc cum dispensatione Superioris.

ARTICULUS X.

917

Utrum sit laudabile, quod aliquis Religionem ingrediatur absque multorum consilio, & diuturna deliberatione precedente.

Ad decimum sic proceditur. Videtur, quod non sit laudabile, quod aliquis Religionem ingrediatur absque multorum consilio, & diuturna deliberatione precedente. Dicitur enim 1. Joan. 4. *Nolite credere omni spiritui, sed probate spiritus, si ex Deo sint: Sed quandoque propositum Religionem intrandi non est ex Deo,* cum

cum frequenter per exitum religionis dissolvatur, dicitur enim Act. 5. *Si est hoc consilium ex Deo, non poteris dissolvere illud: ergo videtur, quod magna examinatione præcedente debeant aliqui Religionem intrare.*

2. Præterea. Proverb. 25. dicitur: *Causam tuam tracta cum amico tuo: sed maxime videtur hominis esse causa, quæ pertinet ad mutationem status: ergo videtur, quod non debeat aliquis Religionem intrare, nisi prius cum amicis suis tractet.*

3. Præterea. Dominus Luc. 14. inducit similitudinem de homine, qui vult turrim ædificare, quod „ prius sedens computat sumptus, quæ sunt ei necessarii, si habeat ad perficiendum, ne insultetur ei: quia hic homo cœpit ædificare, & non potuit consummare.“ Sumptus autem ad turrim ædificandam, ut August. dicit in Epist. ad Lætam, (quæ est 38. alijan. à plac. tom. 2.) nihil est aliud, quam ut renunciemt unusquisque omnibus, quæ sunt ejus: contingit autem quaque, quod hoc multi non possunt, & similiter alias Religionis observantias portare, in cuius figura I. Reg. 17. dicitur, quod David non poterat incidere in rebus Saulis, quia nos habebat usum: ergo videtur, quod non debeat aliquis Religionem intrare, nisi diuturna deliberatione præmissa, & multorum consilio habito.

Sed contra est, quod dicitur Matth. 4. quod ad vocacionem Domini Petrus, & Andreas, *relictis rebus, contumaciam secuti sunt eum: ubi Chrysostomus dicit super Matthæum (hom. 14. ante med.) Talem obedientiam Christus querit à nobis, ut neque instanti tempore moremus.*

Respondeo dicendum, quod diuturna deliberatio, & multorum consilia requiruntur in magnis dubiis, ut Philos. dicit in 3. Ethic. (cap. 3. tom. 5.) in his autem quæ sunt certa, & determinata, non requiritur consilium. Circa ingressum antem Religionis tria possunt considerari. Primo quidem ipse Religionis ingressus secundum se: „Et sic certum est, quod ingressus Religionis est melius bonum: & qui de hoc dubitat, quantum est in se, derogat Christo, qui hoc consilium dedit.“ Unde Augustinus dicit in 15. de ver-

verbis Dom. (serm. 7. cap. 2. parum à princ. tom. 10.)
Vocat te Oriens, id est, Christus, et tu attendis Occidentem, id est, ad hominem mortalem, et errare potentem.

Alio modo potest considerari Religionis ingressus per comparationem ad vires ejus, qui est Religionem ingressurus: & sic etiam non est locus dubitationis de ingressu Religionis: quia illi qui Religionem ingreduntur, non confidunt in sua virtute se posse subsistere, sed auxilio virtutis divinæ, secundum illud Isal. 40. „Qui sperant in Domino, mutabunt fortitudinem, sument pennas, sicut aquilæ, current, & non laborabunt, ambulabunt, & non deficient.“ Si tamen sit aliquid speciale impedimentum, (puta infirmitas corporalis, vel onera debitorum, vel aliqua hujusmodi) in his requiritur deliberatio, & consilium cum his de quibus speratur quod pro sint, & non impediatur. Unde dicitur Ecclesiast. 37. *Cum viro irreligioso tractas de sanctitate, et cum injusto de justitia? quasi dicat: Non.* Unde sequitur: *Non attendas hic in omni consilio, sed cum viro sancto associans esto. In quibus tamen non est diuturna deliberatio habenda.* Unde Hieronym. dicit in Epist. ad Paulin. (quæ est 103. propositio finit.) *Festina, quæso te, et hærenti in solo navicula funem magis præscindo, quam solve.*

Tertio autem modo considerari potest modus Religionem intrandi, & quam Religionem aliquis ingredi debet: & de talibus potest haberi etiam consilium cum his, qui non impediunt.

Ad primum ergo dicendum, quod, cum dicuntur *Probate spiritus, si ex Deo sunt, locum habet in his quæ dubia sunt, utrum spiritus Dei sint: sicut dubium potest esse in his qui jam sunt in Religione, utrum ille qui Religioni se offert, spiritu Dei ducatur, an simulate accedat.* Et ideo debent accedentes probare, utrum divino spiritu moveantur. Sed illi qui ad Religionem accedit, non potest esse dubium, an propositum de ingressu Religionis in corde eius evolutum sit à spiritu Dei, cuius est docere hominem in terram rectam. Nec propter hoc ostenditur non esse ex Deo, quod aliqui retrocedunt. Non enim omne quod à Deo est, est incorruptibile: alioquin creature cor-

ruptibiles non essent ex Deo , ut Manichæi dicunt: nequa etiam aliqui qui habent à Deo gratiam, possent illam amittere; quod etiam est hæreticum : sed consilium Dei est indissoluble , quo etiam corruptibilia, & mutabilia facit, secundum illud Isaiae 46. *Consilium meum stabit, & omnis voluntas mea fiet.* Et idem propositum de ingressu Religionis non indiget probatio-ne, utrum sit à Deo ; quia certa discussione non eget, ut dicit Gloss. (Interl.) super illud, 1. ad Thess. ult. *enula probate.*

Ad secundum dicendum, quod sicut *caro concupis-
cit adversus spiritum*, ut dicitur ad Gal. 5. ita etiam
frequenter amici carnales adversantur profectui spiri-
tuali , secundum illud Micheæ 7. *Inimici hominis do-
mestici ejas.* Unde Cyrillus exponens illud Luc. 9. Per-
mitte me renuntiare his qui domi sunt: dicit: (*hab. in
Cat. aur. D. Thom.*) „Quærere renuntiare his qui do-
mi sunt, ostendit, quod utecumque divisus sit. Nam
communicare proximis, & consulere nolentes æqua-
sapere, indicat adhuc utecumque languentem , & re-
trocedentem. Propter quod audit à Domino: Nemo,
cum posuerit manum ad aratum , & aspiceret retro,
habilis est ad regnum Dei. Aspicit enim retro, qui
dilationem querit occasione redeundi domum , &
cum propinquis conferendi.“

Ad tertium dicendum , quod per ædificationem tur-
ris significatur perfectio Christianæ yitæ. Abrenuntia-
tio autem propriorum est sumptus ad ædificandam tur-
rim. Nullus autem dubitat , vel deliberat , an velit
habere sumptus ; vel an possit turrim ædificare , si
sumptus habeat : sed hoc sub deliberatione ponitur , an
aliquis sumptus habeat. Similiter sub deliberatione ca-
dere non oportet , utrum aliquid debeat abrenuntiare
omnibus que possidet ; vel si hoc faciendo ad perfec-
tionem pervenire possit : sed hoc cadit sub deliberatione , utrum hoc quod facit , sit abrenuntiare omnibus
que possidet ; quia nisi abrenuntiaverit , (quod est
sumptus habere) non potest (ut ibidem subditur) Chris-
tianæ discipulus ; quod est turrim ædificare. Timor au-
tem eorum , qui trepidant , an per Religionis ingres-
sum possint ad perfectionem pervenire , esse irrationa-
bili-

bilis ex multorum exemplo convincitur. Unde Augustinus dicit 8. Confess. (c. 11. à med. tom. 1.) „Aperiebatur ab ea parte, qua intenderam faciem, & quo transire trepidabam, casta dignitas continentis, honeste blandiens ut venirem, neque dobitarem, & extendens ad me suscipiendum, & amplectendum pias manus, plenas gregibus honorum exemplorum. Ibi tot pueri, & puellæ, iuventus multa, & omnino nisæ ætas, & graves viduæ, & virgines annus. Et irridebat me irrisione exhortatoria, quasi diceret: tu non poteris, quod illi, & istæ? An isti, & istæ in semetipsis possunt, & non in Domino Deo suo? Quid in te stas, & non stas? Projice te in eum: noli metuere: non se subtrahet, ut cadas: projice te securus, excipiet te, & sanabit te.“

Exemplum antem illud quod inducitur de David, non facit ad propositum: Quia *arma Saulis*, sicut *Glossa* (*interl. sub. illud 1. Reg. 17. Et depositus ea*) dicit, *sunt legis sacramenta, tangunt oneraria*: Religio autem est suave jugum Christi: quia, ut Gregorius dicit in 4. Moral. (cap. 30. parum à princ.) „quid grave mentis nostræ cervicibus imponit, qui vitari omnes desiderium quod perturbat, præcipit, qui declinat laboriosa mundi hujus itinera monet?“ Quod quidem suave jugum super se tollentibus refectionem divinitate fruitionis repromittit, & sempiternam requiem animarum. Ad quam nos perducat ipse qui promisit, JESUS Christus Dominus noster, qui est super omnia Deus benedictus in secula. Amen.

*Tertii Volantinis Secundæ Secundæ Partis Summa
Theologica*


S. THOMÆ AQUINATIS

FINIS.

N.J.



MCD 2022-L5



MCD 2022-L5